



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

Meknut'iwn Esayeay Margarēi

Saint John
Chrysostom

DL 45.421.56.15-

Harvard College
Library



FROM THE BEQUEST OF
JOHN HARVEY TREAT
OF LAWRENCE, MASS.
CLASS OF 1862





ՄԱՏԵՆԱԳՐՈՒԹԻՒՆՔ

ՆԱԽՆԵԱՑ

ՈՍԿԵԲԵՐԱՆ

ԵՐԱՆԵԼԻՈՅՆ

ՅՈՎՀԱՆՆՈՒ ՈՍԿԵԲԵՐԱՆԻ

ՄԵԿՆՈՒԹԻՒՆ

ԵՍԱՅԵԱՅ ՄԱՐԳԱՐԷԻ



ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

1880 — ՌՅԻԹ

OL 45421.56.15
OL 42571:34
~~OL 43131.13~~

✓

Harvard College Library

July 1, 1928

Treat fund

0

Handwritten text, possibly "Bibliography"

Handwritten text, possibly "Bibliography"

ՅԻՇԱՏԱԿ

ՄԱՂԱՔԵԱՆ ՏՈՂՄԻՆ



Handwritten text, possibly "Bibliography"

Handwritten text, possibly "Bibliography"

ՅԱՌԱՋԱԲԱՆ

Ի բազում ժամանակաց հետէ իղձ լեալ մեզ հրատարակութեամբ մատենիս 'ի լոյս ածել և զկարևոր զայս մասն թարգմանութեան մատենագրութեանց Սրբոյ Ոսկերերան հայրապետին, և վասն բազում պատճառաց յերկարեալ ձգեցաւ ցայսօր ժամանակի : Գլուխ պատճառաց յապաղելոյ տպագրութեանս, որպէս և ակնարկեալ է 'ի յառաջաբանի Մեկնութեան թղթոցն Պօղոսի, եղեն հանգամանք ձեռագիր օրինակի սորին, որոյ մի և թ գտով, և այն լի վրիպակօք և 'ի տեղիս տեղիս պակասաւոր, տայր ակնկալել մեզ նորոգ օրինակաց, որովք մարթլինէր լրացեալ և ուղղագիր ընծայել զայն 'ի լոյս մանաւանդ զի լուեալ իսկ է մեր եթէ գտանին առ ոմանս յազգայնոց 'ի պակասեալ կոտորակաց օրինակիս մերոյ . այլ քանզի ցարդ չեղեն մեզ դէպք 'ի ձեռս բերելոյ զնոսին, վասն որոյ լաւ վարկանիմք ընծայել յօգուտ 'չկեղեցւոյ և ուսումնասէր աշխարհի զչքնաղ զայս գանձ ամբարեալ յերանաշնորհ նախնեաց մերոց 'ի գանձատան մատենագրութեանց Սրբոյ Հայրապետին, հանդերձ թերութեամբք, քան թէ սպասեալ մնալ այլ ևս՝ անստոյգ օրինակաց, որք եթէ

հրատարակեսցին 'ի հայրենասէր խնամոց՝ բազում յոյժ գործեն օգուտ, լրացուցանելով զպակասաւոր մասունս սորին, և զանստոյգսն և զտարակուսականս բացայայտելով:

Պարտք պատշաճից տան մեզ հարկ համարել աստանօր կարճ՝ 'ի կարճոյ զեկուցանել զեղանակ տպագրութեանս և զհանգամանաց ձեռագիր օրինակին: Որպէս 'ի վերոյ յիշեցաք՝ մի միայն օրինակ էր առ մեզ գրոցս, և այն անթուական՝ առանց ինչ յիշատակարանաց, 'ի սկզբանէ, 'ի միջի և 'ի վերջոյ թերի, որպէս նշանակեալ է 'ի տպագրին յիւրաքանչիւր տեղուոյ: Եղանակ գրութեանն՝ որ է միջին առնունեալ երկաթագիր, և արտաքին երեւոյթ մատենին, յօրինեալ 'ի բամբակեայ թղթոյ՝ տան մեզ գուշակել յերկոտասաներորդ դարու գաղափարեալ լինելոյ: 'ի գրութեանն ոչ երբեք միօրինակ իմն ուղղագրութիւն պահէ բառից կամ յատուկ անուանց. զոր օրինակ խառն զնէ յաճախ տնանկիք և տնանգք, ընկեր և ընգեր, երկիւղ և երկիւղ. այսպէս և զայլս 'ի լծորդաց. իսկ 'ի յատուկ անուանս՝ Յորոքոսիւս և Յորաքոսիւս, Գոմոր և Գոմոր, Ախազ, և Աքազ, Յովախ և Յովաք, Ակիւղաս և Ակիւղաս, Թեոդոտոն և Թեոդոտովն և Թեոդոտիւս և Թեոդոտիւս, և այլն. յորոց զյետին զերկոսին անուանս անփոփոխ պահեցաք, իսկ զառաջինսն և զմանինս նոցին եղաք միօրինակ ըստ սովորական տառադարձութեան Աստուածաշունչ գրոց, բաւական և եթ համարեալ ծանուցանել աստանօր. այսպէս և զլծորդ տառնս եղաք ըստ սովորական գրութեան, որպէս և զերկբարբառն «- և զն փափուկ 'ի հասարակ անուանս միայն փոխեցաք յօ և 'ի լ առ 'ի դիւրութիւն ընթերցանելեաց. թող զի և 'ի ձեռագրին բառք ինչ ուրեք ուրեք լերկ լինիւ են գրեալ և այլուր չիւ, որպէս դուն ուրեք և շաղկապն այլ փոխանակ այլի: Դարձեալ և

ուրեք ուրեք յայտնապէս խառնակութիւն և անկապակցութիւն իմաստից երևի, և այլ ուրեք առանց զյառաջագոյն խոստացեալն ասելոյ՝ անցանէ յայլ իմաստ, զոր օրինակ յէջն 110, տող 4-Ց, և 111, տող 2-4, և այլն, որ ընդօրինակողին թերութիւն է անշուշտ և ոչ հեղինակին:

Զվերնագիր մատենիս և զգլուխսն 'ի մէջ յօդեցաք, բաժանելով զայն ըստ գլխոց մարգարէութեանն Եսայեայ: Աւելորդ վարկաք զառաջին գլուխն զպակասեալն՝ նորոգ թարգմանութեամբ յաւելուլ 'ի սմա, զի ակն ունիմք եթէ յաջողեսցի մեզ ընթեռնուլ գեղեցիկ թարգմանութեամբ նախնեաց: Տրոհութիւն մատենիս արարաւ ըստ պահանջելոյ կարգի բանիցն, քանզի յօրինակին ոչ ուրեք միօրինակ կանոնաւ էր կետադրեալ, բազում ուրեք յաւելորդս շոյալեալ, և այլ ուրեք և 'ի կարևորս վերջացեալ. վասն որոյ պատշաճ թուեցաւ մեզ ըստ կարի յամենայն տեղիս միապէս կետադրել: Ուր ուրեք կարևոր պէտք էին՝ ուղղեցաք զյայտնի վրիպակս օրինակին, 'ի սակաւ տեղիս միայն նշանակելով զվրիպեալն 'ի ստորեւ, այլ յաճախ զանց արարաք՝ զի մի տաղտուկ ածիցեմք ընթերցանելեաց: Մարթ էր և 'ի բազում տեղիս գուշակօրէն սրբագրել զվրիպակ թուեցեալս օրինակին և զտարակուսական իմաստս, այլ կամաւ զանց արարաք զայսու առաւելութեամբ, ընտրելով յաւէտ զհետ գնալ մերոյս վկայեալ հաւատարմութեան 'ի տպագրութիւնս նախնեաց, մանաւանդ մի միայն ունելով օրինակ 'ի ձեռին և այն ոչ սակաւ սխալագիր: Իսկ 'ի սակաւ տեղիս նորօրինակ հղովմունք ինչ բառից և խոնարհմունք ժամանակաց բայից ոմանք՝ երևելոց 'ի մեկնութեան աստ, թուին մեզ առաւել 'ի գաղափարողաց մոծեալ, քան թէ 'ի թարգմանչէ ոսկեղինիկ դարուն:

Ծայսօր ժամանակի առ բանասէրս Եւրոպիայ ան-

Ծանօթ եկաց մատենագրութիւնս այս Սրբոյ Հայրապետին, բայց միայն յեօթանեցունց առաջին գլխոցն և յութերորդէն մինչև ցՀամար մետասաներորդ. որոց յոյն բնագիրն երեւի նոյն լինել, զորոյ գիւտն ծանուցանէ և օրինակս մեր յէջ 102, եթէ « Մինչև ցայս վայր գտաւ իւրով ձեռովք գրեալ երանելոյն Յոհաննու յունարէն » . որով և յայտնապէս տայ մեզ գիտել եթէ ամբողջութիւն գործոյս կորուսեալ էր և առնախնեօք, և զի հայկական թարգմանութիւն սորին եղեալ էր յառաջ քան զկորուստ բնագրին, ընդ այլ թարգմանութիւնս մատենագրութեանց Ս. Հայրապետին, որպէս և հաւանական յոյժ երեւի 'ի սեղմ և 'ի հայկաբան ոճոյ գրութեանն, որ բազում ուրեք յիշեցուցանէ մեզ զտիպս կերպարանաց բանից թարգմանչի մեկնութեանն Մատթէի:

Ի վերայ մեկնութեան գրոցս երեք գլխաւոր խընդիրք կային առ արեւմտեան բանասէրս. առաջին, եթէ արդեօք բեմախօսելով ճառեալ իցէ Ոսկեբերանի զմեկնութիւնս զայս, եթէ առանձինն 'ի վարժութիւն և եթ անձին գրեալ. արդեօք յՍնտիոք եթէ 'ի Կոստանդնուպօլիս յօրինեաց զայս մեկնութիւն. հուսկ ուրեմն, արդեօք զթերի մեկնութիւնն, զոր 'ի ձեռին ունէին մինչև ցօրս ցայս՝ լրացուցեալ իցէ Ոսկեբերանի եթէ ոչ:

Լիովին լուծումն վերջին և կարեւոր հարցմանս, որոյ առաւելապէս լացասական ընտրէին տալ պատասխանի բանագէտք, պահեալ էր հայկականս մատենագրութեան, որ ոչ հաւաստէ կարծեօք, այլ անժխտելի վկայ արձանանայ բովանդակութեան գործոյն. — Իսկ թէ արդեօք առաջի ժողովրդեան խօսեցեալ իցէ կամ եթէ ոչ, ոչ սակաւ դժուարին է առ 'ի լուծանել. քանզի արդարեւ 'ի բազում տեղիս թուի առ ժողովուրդն զդէմս բանիցն դարձուցանել, զոր օրինակ յէջն 5, տող 29. — 12, 2-8. — 40, 23-39.

— 63, 13-20. — 107, 13-16. — 111, 1-3. — 120, 20-30. — 374, 18, և այլն, և այլն. և այլ ևս բազում բանք գտանին 'ի մեկնութեան աստ, որք այնպէս իմն ցուցանեն եթէ Ոսկեբերանի խօսեցեալ իցէ զճառս զայսուսիկ առ ժողովուրդն. այլ ինձ, ասէ հռչակաւորն Մոնֆորն, դժուարին է ընդգրկել զկարծիս զայս, եթէ զոր այժմն ունիմք, զնոյն ամենեկին առ ժողովուրդն խօսեցեալ իցէ նորա: Արդ և նորոգ գտեալ շարայարութիւնս այս 'ի հայումն՝ առաւել զօրացուցանէ զկողմն կարծեաց Մոնֆորնի, այլ և այլ թարգմանչացն բանից ընդ միմեանս մանր բաղդատութեամբք, և ըստ ասելոյ Մինյի « Առաւել իբրև մեկնիչ քան թէ ճարտարախօս » երևելով 'ի սմա, կամ ըստ բանից Տիւբենի « Ուսումնօրէն և առաւել պատմական-աստուածաբանական՝ քան թէ բարոյական մեկնութեամբ », թէպէտ և վերջին մասնս այս անպակաս իցէ 'ի սմա, այլ ոչ այնչափ ընդարձակեալ: Դարձեալ և 'ի բովանդակ մեկնութեան ոչ ուրեք տեսանի յառաջաբան ինչ, զոր սովոր էր կանխել Ոսկեբերան յայլ ամենայն ճառս իւր՝ ճարտարարուեստ յոյժ առ 'ի յերկրել և զարդարել զխօսս. ոչ ուրեք 'ի վերջոյ յորդորական բանք, փառատրութեամբ Քրիստոսի կամ Սրբոյ Նորորդութեանն, որ և անվրէպ սովորութիւն է Ոսկեբերանի յամենայն ճառս իւր: — Իսկ ո՞ր արդեօք յօրինեաց զմեկնութիւնս զայս Ոսկեբերան: Զառաջինն վեր 'ի վերոյ հայեցիւք, թերևս ամբողջութիւն հայ թագմանութեանն այնպէս իմն ցուցանիցէ, զի գոնեա յաքսորանս իւրում 'ի Կոկիւսոն լրացուցեալ իցէ զըսկըսեալն յառաջագոյն. զոր և հաստատել թուիցին բանք օրինակիս մերոյ յէջ 102, որպէս թէ 'ի Հայաստան լեալ իցէ գիւտ առաջնոյ մասին յոյն բնագրին՝ գրեալ ինքնին յՈսկեբերանէ: Այլ որ միանգամ ոք զմտաւ ածիցէ զհանգումանս վարուց Ս. Հայրապետին յաքսորանս իւրում, զտառապալից զերկսմեայ և եթ

զկեանս նորա՝ զբաղեալ միշտ 'ի քարոզութիւն, 'ի կրթութութիւն և 'ի դարձ անհաւատից, տկար գոլով 'ի մարմնի, և զմեծ մասն ցրտաշունչ աւուրց ձմերայնոյն հիւանդութեամբ անցուցանելով, և որչափ և սիրալիւ ընդունելութեան համարիցիմք դիպեալ 'ի Դիոսկորոսէ հայկազն հայրապետէ տեղւոյն, սակայն և 'ի կարեւոր իրաց անգամ պակասեալ, այսոքիւք ասեմ մտածութեամբք՝ կարծեմ ոչ ումեք համարձակելի՝ զայսպիսի իմն գրութիւն, որ հանդարտութեան մտաց և երկար և անխոնջ աշխատանաց կարօտի, յայնպիսում ժամանակի համարել յօրինեալ Սրբոյ Հայրապետին: — Ո՛ր ուրեք ուրեմն յօրինեալ իցէ նորա զայս մատեան, 'ի Կոստանդնուպօլլիս արդեօք եթէ յԱնտիոք: Ընդհանուր կարծիք են բանասիրաց, զի յԱնտիոք գրեաց զգիրս զայս և ոչ 'ի Կոստանդնուպօլլիս. զոր այսպէս պարզաբանէ Թիլլմոն. « Ոչ որ երկուանայ Ոսկեբերանի լինելոյ մեկնութեանս, որ և գերազանց յոյժ աղբիւր է վայելաբանութեան: Զորինչ զհռովմէական պետութենէն ճառէ, յէջ 9, ամենեւին 'ի դէպ ելանէ աւուրց Սրբոյն Ոսկեբերանի, մանաւանդ յառաջ քան զամն 377, (չորս ամօք յառաջ քան զսարկաւազութիւն Սրբոյն): Զգործս զայս կամ յառանձնութեան և կամ 'ի ժամանակս սարկաւազութեան յօրինեալ ինձ թուի. քանզի զկնի քահանայութեան անմարթ իմն երեւի այնքան պարապ և ժամանակ գտանել, առ 'ի ձեռն արկանելոյ յօրինել գործ իմն այսպիսի »: Երբ յաւելու ասել Մոնֆորդն, եթէ « Զայս կարծիս Թիլլմոնի մտադիւր ընդգրկեմք. և արդարեւ մարթ իսկ է ասել եթէ մինչ դեռ ևս չէր ընկալեալ զպաշտօն քարոզութեան, (յետ ընդունելոյ զաստիճան քահանայութեան, որ եղև յամին 383), 'ի վարժութիւն անձին առ 'ի քարոզութիւն յօրինեալ իցէ զճառս զայսոսիկ »: Դարձեալ և 'ի յոլովագոյն բանից անտի ընդդէմ Հրէից, կարեմք իմաս-

տասիրել զի յԱնտիոք յօրինեալ իցէ զնոյն . քանզի զայնու ժամանակօք առ Անտիոքացիս յաճախեալ էին վէճք և հակառակութիւնք քրիստոնէից ընդ Հրեայս , զոր իմանամք ոչ միայն յուրեցունց ճառից անտի , զորս գրեաց Ոսկեբերան ընդդէմ Հրէից և Ծիսից և անտի աւանդութեանց նոցին , այլ և յայլ ամենայն ճառս՝ զորս խօսեալ իցէ նորա յԱնտիոք : Եւ ևս՝ անհնարին իմն երևի եթէ յաւուրս պատրիարքութեան իւրոյ այնքան պարապ գտեալ իցէ Ոսկեբերանի առ 'ի յօրինել զմեկնութիւնս , որ՝ ըստ ասացելոցս՝ բազում տքնութեանց և քննութեանց են արգասիք :

Մնայ արդ ասել և սուղ ինչ՝ առ 'ի ցուցանել եթէ նորոգ հրատարակեալս 'ի մէնջ Թրդարեւ շարունակութիւն իցէ գրութեանն Ոսկեբերանի՝ ինքնին 'ի Սրբոյ Հայրապետէն գրեալ , և ոչ նոր ոմն Երզնկացի վարդապետ 'ի մերոցս՝ զճնորհաբանն յօրինեալ շարայարութիւն , որպէս 'ի Մատթէի մեկնութեան Շնորհաւոյն : Առ այս ոչ անուղղակի և եթ ընծայութիւն մատուցանէ օրինակս մեր , ոչ ինչնշանակելով՝ յոր վայր դադարէ այժմեան յոյն բնագիրն , որով յայտ արասցէ այլում ումեք լինել շարայարութեան գործոյն , այլ և ուղղակի հաւաստիս ընծայէ յասել անդ 'ի խորագրին , յէջ 185 , եթէ « Երանելոյն Տեառն Յովհաննու Ոսկեբերանի 'ի մարգարէն Եսայիաս » : – Իսկ 'ի տեղեկութենէ օրինակիս , յէջ 102 , եթէ « Մինչև ցայս վայր գտաւ իւրովք ձեռօք գրեալ երանելոյն Յովհաննու յունարէն » , թուի մեզ թէ մարթ իցէ իմանալ , եթէ Ս . Հայրապետին ոչ կամեցեալ 'ի լոյս ընծայել զմեկնութիւնս զայս Եսայեայ , որպէս թէ 'ի կրթութիւն և եթ անձին գրեալ , առ իւր պահեալ իցէ նաև յաքսորանս իւրում . որով և զինի փառաւորեալ մահուան նորա , ընդ այլ մատենագրութիւնս Սրբոյն , և զայս մեկնութեան գիրս յեղեալ իցեն 'ի հայ թարգմանիչքն մեր , որոյ վկայ է ոս .

կեղղնիկ շարադրութիւն մատենին: Եւ յետոյ յաղէտս անդ Հայաստանի յետ սուղ ժամանակաց՝ ի վերայ անցանելոյ՝ իսպառ անհետացեալ իցեն սակաւ օրինակք բնագրին՝ իսկագրաւն հանդերձ. և յետ ժամանակաց ՚ի յայտ եկեալ առաջնոյ մասին, (զորոյ զայն բնագիրն ունիմք այժմ՝ ՚ի ձեռին), բազմացուցեալ իցեն զօրինակս նորին. և այսր ժամանակի հանդիպեալ և գրչի ծանօթութեանս, յաւելեալ իցէ զայս տեղեկութիւն յամբողջութեան հայերէն թարգմանութեան:

Դարձեալ, չիք ինչ յայսմ շարայարութեան՝ որ ընդդէմ իցէ ոչոյ գրութեան կամ սկզբանց և կամ ժամանակաց աւուրց Ոսկեբերանի, այլ ՚ի հակառակէն բազում ինչ տեսանին ՚ի սմա յատուկք Ս. Հայրապետին. զոր օրինակ, ուր ուրեք բանք լինին զաղութից, զողորմածութենէ, զեկեղեցւոյ, զսարտուց մեծատանց առ աղքատս, զգարչութենէ կրօնից հեթաշուսաց, զարեցութենէ, զգեղնութենէ, զխաբէութենէ կախարդաց և զդիւթից, զորոց յայլ ամենայն ճառս Ոսկեբերանի երկայնօրէն են ճառեալ, սոյնպէս երկարօրէն բանք լինին զայսցանէ և ՚ի համառօտութեան մեկնութեանս: Այսպէս և աստուածաբանական ընծայութիւնք, որովք կշտամբէ ՚ի սմա զՎաղեն տիանոսս, զՄարկիոնիտս, զԱնիմեանս և զընդհանուր Արիոսեանս, և զայլ ևս ազգի ազգի մոլոր վարդապետութիւնս և խոտոր ուսմունս հերետիկոսաց, գրեթէ բառ առ բառ գտանին յայլ մատենագրութիւնս Սըրբոյ Հայրապետին. բաւական գրեսցի առ այս ՚ի բաղդատութիւն արկանել զերկուս և զերիս հատուածս որ գտանին ՚ի սմա ընդդէմ Անիմեանց, յէջ 66, և այլն, ընդ երկոտասան ճառսն մակագրեալս ընդդէմ Անիմեանց կամ Յաղագս անհասանելոյն, յորոց եօթն միայն կան առ մեզ¹, թերևս խօսեցեալքն միայն յԱն-

1 Տէս ՚ի ճառսն Ոսկեբերանի. էջ 337:

տիոք : Եւ որպէս յառաջնում մասին խօսի յաճախ ընդդէմ Հրէից, այսպէս և 'ի յաջորդութեանս երկարօրէն վիճի ընդ նոսա, զոր օրինակ յէջնս 189, 245, 295, 304, 329, 385, 389, 392, 402-404, 422, 442, 450, 486, և այլն, և այլն. որոյ հաւանական պատճառ յայտնեցաք 'ի վերոյ զյաճախութիւն հակառակութեանց Հրէից և քրիստոնէից ժամանակին առ Անտիոքացիս :

Գարձեալ, որպէս Թարգմանութիւն առաջնոյ մասին ընդ ճշդութեանն՝ է և ամենընտիր հայկաբան, նոյնպէս նորին Թարգմանչի է հրաշալի բարբառ՝ որ խօսի և 'ի շարայարութեան անդ, նորին ոճ սեղմն և հայկաբանութիւն ճարտար և կորովի՝ փայլէ և յամենայն ասացուածս վերջնոյ մասին :

Գարձեալ, որպէս յամենայն մեկնութիւնս Ս. Գրոց, սոյնպէս և 'ի մեկնութեան աստ Եսայեայ, զմիջինն ունի շաւիղ Ոսկեբերան 'ի մէջ երկուց հակառակ դպրոցաց Աղեքսանդրիայ և Անտիոքայ. յորոց առաջինն ներշնչումն աստուածային դնէ ոչ յիմաստս միայն, այլ և յամենայն բառս Սուրբ Գրոց. իսկ Ոսկեբերան հակառակ աղեքսանդրեանցն՝ ոչ եթէ զբառս Սուրբ Գրոց, այլ զբարոյական և զաստուածաբանական իմաստս և եթէ համարի ներշնչեալս. և 'ի հակառակէն ոչ ըստ անտիոքեան դպրոցին մերժէ իսպառ զայլաբանական իմաստս Սուրբ Գրոց, այլ միայն զգոյշ կալ պատուիրէ մի կարի յաճախել և ընդլայնել զնոսին, զորս և 'ի կարևորս իսկ չհամարի 'ի մեկնութեան Ս. Գրոց : Այսպէս բազում ուրեք և 'ի մեկնութեան աստ Եսայեայ խօսի զայսմանէ որոշակի, որպէս յորժամասիցէ, եթէ « Եւ այսպէս մտացն կարգի միտ դնեմք, և ոչ բանիցն ասացելոց. էջ 2. — Յորժամ 'ի իրը այլասացիկ բարբառովք զիրս ինչ նշանակիցեն, մի միայն և եթէ հաստատել կալ, այլ ըզմտացն զհետ վարել, և ոչ յայլասացիկ բարբառն

Հաստատել. էջ 50. — Վայրապար է ցանկութիւն այնոցիկ, որ զայլասացիկսն Հաստատել կամին, զի մոլորեալ իմն այնու այս անդր հարկանիցին. էջ 50 » . տեւ զայսմանէ դարձեալ յէջն 44, 47, 100, և այլն: Արդ որ աստէն այսպէս ասէ, յայտնի ցուցանէ յետոյ՝ զի ոչ իսպառ անհետ կամի առնել և զմեկնութիւնս այլ ասացիկ իմաստից Սուրբ Գրոց. քանզի յէջ 461, յետ մեկնելոյ զսկզբնաւորութիւն ԿԳ Գլխոյն Եսայեայ, առնու կրկնել զնոյն բնաբան՝ այլասացիկ մեկնութեամբ յէջ 463, յասել անդ, եթէ « Միտ դիցուք և այլասացիկ բանիցն, և այլն »: Եւ է իսկ վասն այսորիկ, որպէս Թուի մեզ, զի առաջի ունելով զվեցիջեանն Որոգինի, բազում ուրեք ՚ի բաղդատութիւն ածէ և զբանս Թէոդոտիոյնի և Սիմաքոսի և Եօթանասնիցն, յորոց՝ ըստ ասելոյ Իսիւքոսի երուսաղեմացոյ ՚ի մեկնութեան իւրում Յոբայ գրոցն, « Թէոդոտոս և Սիմաքոս Հեբրայական բանին ծառայեցին, իսկ Եօթանասունք՝ մտաց աստուածային գրոց ծառայեցին և ոչ բանի »:

Եթէ գուցէ ինչ նորութիւն կամ զանազանութիւն ընդ երկուս մասունս յայսոսիկ, յայսմ և եթէ միայն՝ զի յառաջնում մասին ոչ ուրեք երևին բաղդատութիւնք Թարգմանութեանց Ս. Գրոց ընդ մի մեանս, որպէս բազում անգամ գտանեմք ՚ի վերջնում մասին: Առ այս ասելի է, զի Թէպէտ և ոչ գտանին բաղդատութիւնք բանից Ակիւղասայ, Սիմաքոսի և Թէոդոտիոյնի յառաջնում մասին, այլ մի անգամ և եթէ առեալ է ՚ի բաղդատութիւն զԷբրայականն և զասորին, (էջ 92, տող 12). զԷբրայականն բազում ուրեք յիշատակէ և ՚ի վերջին մասին, իսկ զասորին աստ միայն և ոչ այլ ուրեք ՚ի բովանդակ մատենին. Թերևս և զասորին ՚ի Թիւս այնոցիկ դասելի իցէ, յորժամ ասիցէ իսկ այլքն աւելն կամ իսկ այլ քարգւնաքն ունին այսպէս կամ այնպէս: Դարձեալ մարթ

իսկ է համարել եթէ յայլ և այլ ժամանակս գրեալ իցէ զառաջին և զերկրորդ մասն մեկնութեանս, [ե- պէտ և զամենայնս յԱնտիոք յառաջ քան զպատրիար- քութիւնն ։

Ոչ միայն ցայսվայր ասացելովքս և այլովք ևս բազում ներքին ընծայութեամբք մարթի հաւաստի ցուցանել զհարազատութիւն հայերէն շարայարու- թեանս, այլ առ այս ոչ պակասեն մեզ և արտաքին աւանդութիւնք և վկայութիւնք 'ի նախնեաց մերոց ։ Որպէս Դաւիթ ոմն վարդապետ յերկոտասաներորդ դարու, որ 'ի յորդորանաց Պետրոսի վարդապետի իւ- ռոյ գրեաց զԺաղկաքաղ մեկնութիւն իւր Եսայեայ, յովով ուրեք 'ի կարգի բանից Ս. Եփրեմի և Ս. Կիւրղի Աղեքսանդրացւոյ և այլոց Սրբոց Հարց, 'ի մէջ բերէ ըստ բառից անգամ և զբանս Ոսկեբերանի 'ի մեկնու- թենէ աստի Եսայեայ, Սոյնպէս և Գէորգ վարդապետ Սկեւռացի, 'ի վերջ կոյս ԺԳ դարու, 'ի խմբագիր մե- կնութեան իւրում Եսայեայ, գրելոյ յաւուրս « ար- քային Հայոց Հեթմոյ միակեացն կոչեցելոյ » (1289 - 1305) որպէս աւանդեալ է 'ի յիշատակարանին, բա- զում ուրեք փոքու իւրիք փոփոխութեամբ յառաջ բե- րէ և զբանս 'ի մեկնութենէ աստի Եսայեայ՝ յանուն Ոսկեբերանի, Դարձեալ և 'ի փոքրիկ Ժաղկաքաղ մե- կնութեան Եսայեայ՝ Գրիգորի Տաթևացւոյ, 'ի վախճան ԺԴ դարու, զոր ժողովեալ է 'ի բանից վարդապետին իւրոյ Յովհաննու Որոտնեցւոյ՝ Կախիկ մականուանեալ վարդապետի, նոյնպէս 'ի ԺԴ դարու, բազում ուրեք ըստ մեկնութեանն Ոսկեբերանի ունի զիմաստան, թէպէտ և շարադրութիւնն օտար իցէ 'ի վերջնոյս և ոչ յիշատակիցէ զանուն Ոսկեբերանի ։ Թող զայսուսիկ, և 'ի զանազան ճառընտիրս որ առ մեզ, գտանին այլ և այլ ընտիր հատուածք քաղեալք 'ի մեկնութենէ աստի յանուն Ոսկեբերանի. զորոց զտարբերութիւնսն յօրինակէս մերմէ՝ տեսցես 'ի վերջ կոյս մատենիս,

յէջն 473-487. այլ թէ որչափ կեղակարծ իցէ
հաւատարմութիւն ճառընտրաց 'ի քաղել անդ զհատ-
ընտիր կոտորակս 'ի մատենագրութեանց՝ ամենե-
ցուն է յայտ. վասն որոյ և զանց արարեալ զտարբերու-
թիւնս նոցին կարգելոյ 'ի ստորև իւրաքանչիւր հա-
տուածոցն, ընտրեցաք յաւելլու միայն 'ի վերջոյ, 'ի
զըօտումն և 'ի վայելս բանասէր մտաց:

Արդ՝ զմատենաս զայս, որպէս և իցէն, նուիրեմք
յօգուտ ազգիս և 'ի փառս հրաշալի հանձարոյն՝ որ
անկարօտն է փառաց առ 'ի մէնջ ընծայելոց, և 'ի
պարծանսնախնեաց մերոց՝ սիրողաց և պաշտողաց զայն-
պիսի հանձար. որք և յետ բազմադարեան աւուրց
տան յունկն մեր հնչեցուցանել զհրաշալին արձագանգ
ճարտարախօս բարբառոյ Ոսկեբերան Դեմոսթենեայ
Նկեղենցոյ՝ ոսկեբարբառ հայացի խօսիւք:

ԵՐԱՆԵԼԻՈՅՆ

ՅՈՎՀԱՆՆՈՒ ՈՍԿԵԲԵՐԱՆԻ

ՄԵԿՆՈՒԹԻՒՆ

ԵՍԱՅԵԱՅ ՄԱՐԳԱՐԷԻ

ԳԼՈՒԽ Բ*

. Ժամանակաց. զսոյն և մարգարէս ասէ, [Թէ « Եղիցի յաւուրս յետինս » : Խսկ լեառն՝ զեկեղեցի կոչէ և զկրօնիցն ամբուլութիւնս. զի զոր օրինակ յորժամ՝ զամուր լերամբք [Թէպէտ և բիւրք բիւրուց զօրաց պատիցին, աղեղունս լարիցեն, 'ի կռիւս մատչիցին, տէգս արձակիցեն, գեղարդունս շողացուցանիցեն, մեքենայս կազմիցեն¹, հնարս հնարիցին, տակայն ամուր և անառիկ լերանցն՝ ինչ ոչ մշտսիցեն, զիւրեանց զոյժ² և զօրութիւն [Թափիցեն, և նմա ինչ ոչ ազդիցեն. սոյնպէս և որ ընդ եկեղեցւոյ մարտեան հանապազ, զնա ինչ ոչ կարացին շարժել, և ինքեանք անկան յիւրեանց զօրութենէ. 'ի տանջեն ամաչեցին, 'ի հարկանելն հիւանդացան, և 'ի չարչարելոցն յաղթահարեցան : Քանզի նոր իսկ և չքնաղ են յաղթութեանս կերպարանք, որ ոչ մարդկան վայելէ, այլ միայն մեծազօրն Աստուծոյ. և այս իսկ զարմանալի է եկեղեցւոյ, ոչ զի յաղթեաց, այլ զի այսպէս յաղթեաց. հալածեալ, մերժեալ, պէտպէս

* Յօրինակին պակասի մեկնութիւն Ա գլխոյն և 1 համարոյ բին :

1 Յօր. Կազմիցին :

2 Յօր. Զոյժ :

նեղութեամբք կոփեալ, և ոչ միայն նուազի, այլ ևս քան զեւ աճէ և բազմանայ. և առ այնչափ հնարս զոր մեծաւ փութով հնարէին, չարչարանօքն միայն խափանէր զամենայն. որպէս և անդամանդ ցուցանէ ըզհանդէս, զի հարկանելովն միայն լուծանէ զըզրութիւն հարողին, և խթան՝ աքացելեաց, որ ինքն ոչ ֆնասի, և զոտս աքացողացն ծակոտէ. վասն այսր ամենայնի յիրաւի կոչեաց լեառն ղեկեղեցի: Ապա եթէ ոչ առնուցու յանձն հաւանել Հրէայն, ՚ի միւս այլաշրջիկ այլակերպ յորջորջանս՝ անդստին անձամբ անձին առցէ զյանդիմանութիւնն. քանզի սոյն իսկ մարգարէ զգայլս և զգառինս արօտակիցս միմեանց, ասէ, լինել. և ճանճոց և մեղուաց, ասէ, շըչել զԱստուծոյ. և գետ յորդ և սաստիկ, ասէ, գալ հասանել ՚ի վերայ Հրէից վասն չկամելոյ զխաղաղ ջուրն Սիլովճայ: Եւ եթէ յախուռն ՚ի բանսն ոք և եթ հայիցին, յոյժ և անհարին դժուարին են առ իմանալ, այլ վասն որոյ իրիք որ ինչ ՚ի սոցանէ նշանակելոց էր, առան բանքս ՚ի վերայ նոցա. և այսպէս մտացն կարգի միտ դնեմք և ոչ բանիցն ասացելոց: Եւ արդ զմեզ ինչ արդեւք նշանակեցան ՚ի սոցանէ. ՚ի գայլոցն և ՚ի գառանցն՝ իւրաքանչիւր բարք մարդկան. զի կէմս վայրենամիտք և կէմս զգնաբարոյք. իսկ ՚ի ճանճոցն անամօթականէ՝ Եւ գիպտացւոցն՝ լայլութիւն, և յորդախաղաց գետոցն՝ բազմութիւն զօրացն Սքորեստանեաց. քանզի ոչ կամեցան զջուրն Շիլովճայ, այս ինքն գհեզ և գհանդարտ զյուդայական ազգին զթագաւորութիւն: Եւ այսմ որ և կարի ոք յոյժ անմիտ իցէ՝ չկարէ ոք բանընդդէմ լինել թէ չիցէ այսպէս: Արդ զոր օրինակ այս ամենայն այլ իմն անուամբք նշանակեցաւ և յայլ իրս կատարեցան, սոյնպէս և գհաստատութիւնն եկեղեցւոյ, զանշարժութիւնն, զանմեղկութիւնն, զբարձրութիւնն, զամբութիւնն՝ յորջորջման² լեւրինն նշանակեաց: Միւս ևս մարգարէ զյուսացեալն ՚ի Տէր՝ լեւրին նմանեցուցանէ, զի զամրական զանաւորիկ միտան յայտ առնիցէ. և աստ այժմ և ոչ բանից ինչ մեկնութեանն պէտք են, քանզի ինքնին իրքն իբրև զփող

¹ Յօ. Գեառացոյն:

² Յ. Ի ձեռն յորջորջման:

հնչեն, և լուսաւոր առնեն զկարգ եկեղեցւոյ. քանզի ոչ այնպէս պայծառագոյն է արեգակն՝ որպէս և իրք եկեղեցւոյ լուսաւորագոյնք:

« Եւ տուն Աստուծոյ՝ ի վերայ գլխոց լերանց »: Եւ զայս գիւրդ կամիցի մեկնել Հրէայն. քանզի ոչ եթէ ի վերայ գլխոց լերանց շինեցաւ տաճարն. իսկ եկեղեցւոյ զօրութիւնն և արդ իսկ ի բարձունս երկնից եհաս, և որպէս տաճարի՝ որ ի գլուխս լերանց շինեալ իցէ և ամենեցուն յայտնի իցէ, սոյնպէս և ասէ յայտնի եղև ամենայնի:

« Եւ բարձրացի ի վերայ բլրոց »: Չնոյն մեկնէ, որ ի վերայ տաճարին ոչ երբեք կատարեցաւ, և ոչ մինչ կարծէին թէ զբարիս ինչ գործեցին. քանզի և ի նոցուն իսկ ի Հրէիցն բազում անգամ թշնամանէր տաճարն, և ի ձեռաց պլազգեաց աւերեցաւ: Իսկ եկեղեցւոյ զօրութիւն կրեաց պատերազմ, ևս աւելի և գծնդակ քան զնորայն, այլ ոչ երբեք ետ ձեռս պատերազմողացն, այլ բարձրագոյն և առաւել յայտնագոյն գտաւ քան զթշնամիսն, մարտիրոսացն գընդօք, դաւանեցոյն բանակօքն, որոց առաւել քան զերկաթ հաստատուն ընտրէին ոգիքն, և լուսաւորագոյն քան զաստեղս երկնից. զի թէպէտ և մարմնքն ծայրակտուր կտորէին, սակայն միտքն ի պարտութիւն ոչ մատնէին, այլ հանդուրժէին և ժուժկալ լէին, և անթառամական պատկօքն պահէին: Ո՞ր ետեա, օ լուաւ, թէ սպանութիւնք պսակս բոլորիցն, և խողիտողմն յաղթութիւնս գործիցէ, և առաւել քան զզօրականն լուսաւորագոյնք, յորժամ սպանեալքն առաւել քան զսպանողն յոլովագոյն գտանէին:

« Եւ եկեղեցին հասցեն ի վերայ նորա ամենայն հեթանոսք »: Յառաջ մատուցեալ մարգարէիս՝ ևո յայտնագոյն առնէ զբանն, և լուսաւորագոյն զմարգարէութիւնն, և յայտ յանդիման կարկէ զբերանս Հրէիցն. զի որչափ և լրիցին՝ սակայն ոչ կարեն զայս ի տաճարն կատարել. քանզի վճարեալ իսկ էր և սահմանեալ, զի որ ի հեթանոսաց ի տաճարն մի իշխեսցէ մտանել. և զինչ ասացից թէ ի տաճարն, ուր և նոցա իսկ ստէպ ստէպ սպառնային օրէնքն, զի մի իշխես.

ցեն խառնակել ընդ հեթանոսս, նաև պատիժ ևս պատուհասի կրէին վասն այսպիսի իրաց. քանզի Մաղաքիա զամենայն իսկ զմարգարէութիւնն յայս ծախէ, առ ՚ի պատուհասել, առ ՚ի սպառնալ, առ ՚ի պատիժս պահանջել եթէ մի ոք իշխեսցէ ընդ օտարազգիս ամուսնանալ, իսկ առ մեզ ոչ այսպիսի ինչ, այլ ամենայն համարձակութեամբ ընդարձակեալ զգոգս եկեղեցւոյ, տարածեալ զգիրկս, զամենայն ազգս տիեզերաց ընդունի օր ըստ օրէ. զայն և նախ ինքն իսկ կրօնիցն վարդապետք նային հրամանի Տեառն¹ եթէ երթայք աշակերտեցէք զամենայն հեթանոսս:

Եւ արդ միտ դիր, զի ոչ միայն զկոչումն հեթանոսաց ակնարկէ մարգարէս, այլ և զյօժարութիւն հնազանդութեանն. քանզի ոչ ասէ՝ եթէ ածցեն ազգս բազումս, այլ թէ՝ եկեսցեն, զոր և միւս ևս մարգարէն յայտնագոյն ասէ, թէ Մի ևս ուսուցանիցեն² իւրաքանչիւր զբաղաբացի իւր և իւրաքանչիւր զեղբայր իւր, թէ ծանիր զՏէր, այլ ամենեքեան իսկ ծանօցեն զիս ՚ի փոքրկանց մինչև ցմեծամեծս: Իսկ առ Հրէիւքն և արարածք իսկ դղրդէին, և սպառնալիք յաճախ և տանջանք հանապազորդ և նշանք յոլովագոյնք և մարգարէիցն ընթացք և օրէնսգրին երկիւղ և պատերազմաց սպառնալիք և հինից արշաւանք և բարկութիւնք աստուածապատիժք և արհաւիրք յերկնից. և նոքա կային մնային խստապարանոցք և անթելփառք՝ որպէս և գրեալ է. Խստասիրտք և խստապարանոցք: Իսկ հեթանոսաց բաւական են բանք միայն և լուր լոկ, և ամենեքին վաղվաղակի ընթանան. զոր և Դաւիթ ասէ ակնարկելով, եթէ Ժողովուրդ զոր ոչ գիտէի՝ ծառայեսց ինձ. և զպայման հնազանդութեանն յաւելու զարմանալով. Եւ ՚ի լուր անանջաց, ոսէ, լուսն ինձ: Զսոյն և Յակովբ թուակաւ իմն գուշակեալ ճառէ. Կապեսցէ, ասէ, զորթոյն զաւանակն, և զգնդակէն զաւանակ իշոյն. և ո՞վ ոք ետես կապեալ զգնդակէն զաւանակ, և հարօտեալ զորթոյ և որթւոյն ոչ մեղանչիցէ, և զպտուղն ոչ ապականիցէ. յանասունս ոչ ոք

¹ Յօր. Իառ մի ջնջագիր ՚ի մաշմանէ թղթոյն:

² Յօր. Ուսանիցեն:

գտանէ զայս, իսկ 'ի մարդիկ եղև և կատարեցաւ հաւատեալ: Հրէայք կապեալք բիւրապատիկ կապանօք, զկապանս խզեցին, զլուծն ընկեցին, որպէս և մարգարէն ասէ. իսկ հեթանոսք և ոչ միով իւրք այսպիսի կապանօք կապեալք 'ի հարկէ, պատրաստագոյն գտան անսալ, իբրև զյաւանակ մի տրմուղ, կապեալ զգնդակէ, և ոչ ինչ եղծին 'ի հրամանացն, այլ զգոնացեալ կացին մնացին, ցուցեալ ամենեւին զհնազանդութիւն:

« Հասանիցեն ժողովուրդք բազումք և ասիցեն, եկայք ելլուք 'ի լեառն Տեառն և 'ի գաւիթս Աստուծոյ Յակովբայ »: Տեսանես, զի խնդան, ցնծան¹, և ժողովին, և զմիմեանս ժողովեն, միմեանց հրամայեն, և իւրեանց լինին վարդապետք. ոչ մի կամ երկու կամ իրեք, այլ ամենայն ազգք խոնեալք 'ի միասին ընթանան: Եկեսցեն հասցեն, ասէ, ազգք բազումք յամենայն գաւառաց. որ ոչ երբեք եղև Հրէից, այլ ումանք թէպէտ և նուազունք զք եկք մերձեցան, և նուքա մեծաւ քննութեամբ, և ոչ երբեք ազգք կոչեցան, այլ եկք. Եւ եկք, ասէ, առ քեզ մտանիցեն, և քեզ ծառայեցեն: Իսկ եթէ կայ և մնայ տակաւին, յայլասացիկ յայլակերպ յորջորջման մարգարէն, կուշի լեառն Տեառն և տուն Աստուծոյ Յակովբայ, ընդայն ինչ մի զարմանայցես, որպէս յառաջագոյնս ասացի. մերթ բանայ մերթ խնու զմարգարէութիւնն, զի միտին տացէ պատճառս իմաստնոց առ 'ի միտ առնուլ զասացեալն, և միւսովն կարճիցէ զյանդգնութիւն անհաւատիցն, և յամենայն կողմանց առնէ բազմադիմի զճառն, Եւ ընդ այն ինչ մի խռովիցիս, եղբայր, զի ասէ Աստուած Յակովբայ, զի և միածին Աստուծոյ Որդին՝ Աստուած Յակովբու էր, քանզի նա ետ զօրէնմն և զամենայն արուեստս նա եցոյց առ նոսա. և զայս մանաւանդ 'ի հին կտակարանաց է ուսանել, քանզի 'ի նորումն բնաւ և ոչ ճառք ինչ են Հրէիցն. զի Երեմիա այսպէս ասէ, իբրև յերեսաց Որդւոյ, եթէ Հաստատեցի ընդ ձեզ կտակ նոր, ոչ ըստ կտակին՝ որ հաստատեցի ընդ հարսն ձեր. և յայտ առնէ եթէ եր-

¹ Յր. Յնծացան:

կոցունց օրինացն ինքն է օրէնսդիր, և զի յեգիպտոսէ ևս նա եհան զնոսա՝ յարէ 'ի նոյն, [Թէ Յաւուր՝ յորում կարպ զձեռանէ նոցա հանել յերկրէն եգիպտացոց: Տեսանեն, զի նա է որ եհան զնոսա, և նոյն արար զնշանս և զարուեստս և յեգիպտոս և յանապատին:

« Եւ պատմեսցէ մեզ զճանապարհս իւր, և գնացուք ընդ նա »: Տեսանեն, զի այլ իմն օրէնս խընդրեն, քանզի գիրք ճանապարհ՝ զպատուիրանս Աստուծոյ սովոր են կոչել. զի եթէ զառաջին ինչ կտակարանացն ճառէր, ոչ ասէր թէ պատմեսցէ մեզ, քանզի յայանի և երևելի և ծանօթ ամենեցուն էր, և զի ոչ վայրագար ինչ ճարտարեալ ասիցէ որ զայսպիսի բանս, ընթերցուած իսկ կարէ հաւանեցուցանել և զայնոսիկ որ յոյժ անամօթք իցեն. քանզի զճանապարհէ յիշեաց, ասէ՝ և զորպիսի ճանապարհէ, և բազում նշանակ 'ի մէջ դնէ, և մանաւանդ յաջորդաւն:

« Ի Սիոնէ ելցեն օրէնք և բան Տեառն յերուսաղէմէ »: և առ այս և ոչ բերան՝ անգամ կարեն բանալ լայրական Հրէից ազգի որդիքն. այլ զի զնորոց կտակարանաց են ճառքս՝ և 'ի տեղւոյն և 'ի ժամանակէն, և յայնցանէ որք ընկալան զօրէնսն, և ամենայն ուստեք միանգամայն է իմանալ: Եւ նախ 'ի տեղւոյն իսկ 'ի Սիոն լեռնէ. զի մովսէսական օրէնքն 'ի լերինն Սինեայ տուան նախնեացն նոցա. և աստ զիարդ իցէ զի 'ի Սիոնէ տացին: Եւ ոչ զայս միայն համարի բաւական, այլ և զժամանակն ևս դնէ. քանզի ոչ ասաց թէ ելին օրէնք, այլ թէ ելցեն, որ հանդերձելոց ժամանակաց էր, և իրաց՝ որ չև ևս էին լեալ: Քանզի յորժամ մարգարէս զայս ճառէր, բազում ժամանակօք յառաջ քան զայս ժամանակս տուեալ էին օրէնքն. իսկ նոր կտակարանք յետ բազում ամաց հանդերձեալ էին տալ, վասն այնորիկ ոչ ասէ թէ ելին, այլ թէ ելցեն, այսինքն առ յապա ժամանակս. գարձեալ անդրէն 'ի տեղին իմն ապաւինի:

« Եւ բան Տեառն յերուսաղէմէ »: Հաւաստեալ իմն նշանս զնորոց կտակարանաց տայ. քանզի և յորժամ

եկն Տէրն՝ մերթ 'ի լերինն նստեալ, և բարձրագոյն և
 գերկնից արժանի հրամանն տայր օրէնս, և մերթ-
 յկրուսաղէմ չըջէր և ուսուցանէր. և իբրև նշանա-
 կեաց զտեղին և զժամանակն, ապա յաւելլու ճառել
 զայնցանէ որք ընդունելոց էին զօրէնն, զի յամե-
 նայն կողմանց կարկեսցէ զքերանս հաղաճակորդաց,
 Եւ արդ ճ որ իցեն որ ընդունելոց են զօրէնն. մի
 եթէ Հեբրայեցւոցն բազմամբոյն, կամ հրէական
 ժողովակոյտն, և ոչ ուրեք, այլ 'ի հեթանոսաց հաւա-
 տացեալք. վասն որոյ և ածէ զնորին հետ, թէ « Դա-
 տեացի 'ի մէջ հեթանոսաց » . քանզի այս օրէն է իսկ
 օրինացն՝ զի դատիցին, ընտրիցեն 'ի մէջ ընդունե-
 լեացն. Եւ զի ոչ վասն հնոյն է ճառս, անդատին իսկ
 յիրացն յայտ է. քանզի ոչ շաբաթ պահեմք, և ոչ
 թիփաթութիւն ընդունիմք, և ոչ ասնս տարեկա-
 նաց, ունկնդիր լեալ Պաւղոսի՝ որ ասէր. Զի եթէ թըլ-
 փատիք՝ Քրիստոս ինչ ձեզ ոչ օգնէ. և դարձեալ, Ե.
 թէ՝ Զաւուրս խտրէք և զամիսս, և զժամանակս և
 զտարեկանս. երկնչիմ գուցէ ընդունայն ինչ ուրեք 'ի
 ձեզ վատակեցի. ուստի յայտ իսկ է թէ վասն նո-
 րոյս են ճառք. զի 'ի մէջ հեթանոսաց դատի՝ մեկնես-
 ցէ առաքեալն որ ասէր, թէ Զաւուր յորում գատի Ար-
 տուած զգաղտնիս մարդկան. և սրպէս ինչ դատի,
 ըստ հին կտակարանացն. և ոչ երբեք. այլ ըստ աւե-
 տարանիս իմում, ասէ. Տեսանեն, զի թէպէտ և այլա-
 կերպք իցեն, սակայն միտքն միաբանք. Եսայի ասէ.
 Դատիցի 'ի մէջ հեթանոսաց, և Պաւղոս ասէ, թէ Դա-
 տիցի ըստ աւետարանիս իմում. « Եւ յանդիմանեացէ
 զժողովուրդս բազումս » . զայնոսիկ որ չընդունիցին և
 անցանիցեն զօրինօքն. զոր և Քրիստոս յայտ յան-
 դիման ասէր, եթէ Ես ոչ դատիմ զձեզ՝ այլ բանն իմ.
 « Եւ ձուլեացեն զսուսերս իւրեանց 'ի խոփս, և զմը-
 կունգս իւրեանց 'ի մանկաղս, և ոչ ևս առնուցուն
 ազգ. յազգի վերայ սուր, և ոչ ուսանիցին տալ պատե-
 րազմ » : Ոչ համարի բաւական զառաջին նշանակնն՝
 մարգարէս, քանզի բազում է ճմարտութեանն առա-
 լելութիւն, վասն այնորիկ և այլ իմն ծանօթս տայ
 զնորոյ կտակարանաց, որ լուսաւորելոց էին զամենայն
 աշխարհս համօրէն. Եւ զինչ ինչ այն իցէ. խաղա-

ղութիւն և պատերազմացն 'ի միջոյ բառնալ. զի յոր-
 ժամ, ասէ, այս ամենայն լինիցի, այսպիսի ինչ յապա-
 հովութիւն աշխարհի լինիցի, զի և զպատերազմաց
 գործիսն 'ի հոգադործաց գործիս ձուլեսցեն, զոր ոչ ոք
 երբեք 'ի ժամանակս Հրէիցն գտանէ կատարեալ, այլ
 հակառակ ամեն ամենայն ինչ 'ի նոցա յուռութեանն
 գործէր, ճակատամարտ պատերազմունք 'ի հեռաւո-
 րաց և 'ի մերձաւորաց, նաև անդէն իսկ ընդ միմեանս
 բազում անգամ կռուէին, և 'ի միմեանց կոտորէին.
 և զայս ամենայն 'ի Թագաւորութենէն ոք հաւաստեալ
 ուսանի, որ ամենեւին զպատերազմացն յայտ առնէ:
 Պատմին և ամենայն իսկ մարգարէքն կանխատա-
 ցիկ բարբառովքն, զպատերազմունան և զնեղու-
 թիւնն որ հասանելոց էին 'ի վերայ նոցա առ յապա-
 և այսպէս յօրէն իսկ յօրմէ հետէ զերծան 'ի բռնու-
 թենէ հնազանդութեան Եգիպտացւոցն, զամենայն
 աւուրս կենաց իւրեանց 'ի պատերազմունս ժախեցին:
 Իսկ այժմ ոչ այսպիսի ինչ, այլ 'ի բազում խաղաղու-
 թեան բնակեալ են ամենայն տիեզերք. թէպէտ և
 լինիցին ուրեք պատերազմունք՝ սակայն ոչ ըստ առա-
 ջնոցն, զի յայնժամ քաղաքք ընդ քաղաքս և գիւղք
 ընդ գեւղս, և միանգամ ցեղընտիր լեալ 'ի բազում
 ցեղս բաժանէր. կամ զՅեսու կամ զԴատաւորան թէ
 ոք ընթեռնուցու գտանէ, որչափ պատերազմունք 'ի
 սակաւ ժամանակի 'ի Պաղեստինացւոց աշխարհին
 գործեցան. և ոչ այս միայն բռնութիւն էր, այլ և
 ամենեցուն իսկ զէն առնուլ հրամայէին օրէնքն, և ոչ
 ոք կարէր ազատել զանձն յայնմ հարկէ. և ոչ առ
 Հրէայս և եթ պաշտէին այսպիսի օրէնք, այլ և յա-
 մենայն աշխարհի, ուր ճարտարախօսք և փիլիսոփայք,
 որք աւելի քան զաղաքադոնն այլ ինչ ոչ արկանէին
 զանձամբ, որ ինչ իրք 'ի հարկէ 'ի վերայ հասանէին,
 ասպարս և սուսերս առնուին և ճակատս յօրինէին.
 որ և յԱթենացւոց իսկ 'ի քաղաքին, որ 'ի դատար-
 կութիւն և 'ի պարապս գեգերէին, Սովկրատ Սոկրո-
 նիսկեանց, և միանգամայն և երկիցս ելեալ պատրաս-
 տէր 'ի պատերազմ. և գլխաւորն նոցուն ճարտարա-
 խօսացն Դեմոսթենէս, յատենէ հրահանգացն բա-
 ղում անգամ յարուցեալ ելանէր 'ի պատերազմ. զի

եթէ զձարտարախօսն և զփիլիսոփայսն ոչ առնէին ազատ՝ի պատերազմաց օրէնք ժամանակացն, զիսորդ ևս արդեւք այլ բազմամբօրէն լինէին ազատ յայսպիսի հարկաց։ Այլ այժմ՝ ոչ այսպիսի ինչ տեսանեմք. քանզի արդարութեան արեգակն ծագեաց, և քաղաքք և բազմամբօր ժողովք, և ազգք ամենայն այնպէս ազատաբար կեան յայսպիսի ճգանց, զի և՛ի ձեռին անգամ ունել ոչ գիտեն զպատերազմական գործին, այլ ՚ի մէջ քաղաքաց ընդ անհոգ պարտաք բնակեալ են յապահովս և այլ իմն օտար ՚ի պատերազմաց ուսանին ճշմարտութիւն. և բազմամբօր ժողովք ազատութեամբ կեան և անհոգ յապահովեն յայսպիսի դժնդակ հարկաց։ Զի թէպէտ և լինիցին հեռի ուրեք պատերազմունք արտաքոյ քան զՀռովմոց իշխանութեան սահմանս, ոչ քաղաքաց առ քաղաքս որպէս յառաջն լինէին, այլ դուն ուրեք յանկարծ. իսկ այժմ՝ աւափիկ արև ընդ երկիր ծագէ, ՚ի Գիղատ գետոյ մինչև ՚ի Բրետանացոց կղզիսն, և հանդերձ այնու Լիբէացոց կողմանքն, և առ հասարակ ամենայն երկիրն Նգիպտացոց, և Պաղեստինացոց աշխարհն, իբրև զմի ազգ կայ ընդ հնազանդութեամբ՝ ընդ Հռովմոց տէրութեամբն. և դուք ձեզն իսկ գիտէք իրչափ ազգք և աշխարհք նստին յապահով ՚ի խաղաղութեան, զլուր և եթ լսեն զպատերազմաց և զհանդէս արդեանց ոչ երբեք տեսանեն. կաբէր Քրիստոս և զսակաւ ինչ մնացորդս պատերազմաց խափանել, այլ թոյլ ետ զի խրատու պատճառք լինիցին ծուլացելոցն, զի որք ՚ի խաղաղութեանն յողանայցեն, յասպատակէ հինիցն զարթնուցուն։ Նաև մարգարէս իսկ՝ որոց հաւաստեաւ կարասցեն նայել, զսոյն իմն ակնարկէ, որպէս յառաջագոյն իսկ ասացի. ոչ ասէ թէ բնաւ չլինիցի պատերազմ, այլ ասէ. «Ոչ առնուցու ազգ յազգի վերայսուր»։ և զի բազմամբօր՝ ժողովոցն նշանակիցէ զազատութիւն, «Եւ ոչ ևս, ասէ, ուսանիցին տալ պատերազմ»։ Ապա ուրեմն գիտէ՞ որ տալ պատերազմ. և ոչ երբեք. բայց ՚ի սակաւ զինուորաց՝ որ յայն միայն իցեն կրթեալ և կարգեալ։

1 Յօր. Բազումբօրս։

« Եւ արդ զու. տունդ. Յակովբայ, եկայք ելցուք 'ի լոյս Տեառն, զի եթող նա զժողովուրդ իւր զտունն Յակովբայ »: Եւ իբրեւ կատարեաց զեկեղեցւոյ մարգարէութիւնն՝ դարձեալ իջանէ անդէն 'ի կարգ ընթերցութեան, զի կարգաւ զբանսն վարիցէ յառաջ. զի այսպիսի իմն սովորութիւն է մարգարէիցն, ոչ միայն ասացելոցն անյայտութեան, այլ և կարգելոցն՝ կերպարանք ծածկել զմարգարէութիւնն. վասն որոյ ոչ կատարէ իսկ զբանն, այլ իբրեւ թէ՛ ք² մի արձակեալ. դարձեալ անդրէն դառնայ տալ խրատ Հրէից: « Եւ զու, ասէ, տուն Յակովբայ, եկայք երթիցուք մէք 'ի լոյս Տեառն », 'ի պատուիրանս նորա, յորէնսն. զի ճրագ են պատուիրանք օրինացն և լոյս և կեանք և յանդիմանութիւն և խրատ. և մարգարէն Դաւիթ ասէ. Պատուիրանք Տեառն լոյս են և լոյս տան աչաց. և ճրագ են բանք քո ոտից իմաց, և լոյս շաւղաց իմաց. և 'ի բազում տեղիս գտանես զի լոյս կոչին օրէնք. և Պաղոս ասէ. Յուսացեալ ես յանձն քո, առաջնորդ լինել կուրաց, լոյս խաւարելոց և վարդապետ տղայոց. զի ոչ այնչափ լուսաւորեն ճառագայթք արեգական զայս՝ որպէս պատուիրանք օրինացն լուսաւորեն զայս ոգւոցն: Եւ արդ, զի յայտ առնիցէ մարգարէն, թէ յառաջ քան զհաստուցումն վարձուց, 'ի կատարել պատուիրանացն տան մեզ զհատուցումն պատուիրանքն, վասն այնորիկ լոյս կոչէ ըզնոսա. զոր օրինակ ակն լուսաւորելովն գործէ մեզ շահս, նոյնպէս ոգիքն հաւանելով օրինացն՝ յաճախեն մեզ պտուղս. յորժամ օրբիցին և ազատիցին 'ի չարեացն, և յառաքինութիւնս և եթ ոչ եղեալ նայիցին. որպէս զի որք յանցանեն և յառաջ քան զտանջանսն՝ խղճիւ յանցանացն հաշին, և առաւել քան զայնոսիկ որ նստիցին 'ի խաւարի՝ ևս հիբագոյնք են, յորժամ ահն և երկիւղն և կասկած սրտին զմիտան հարկանիցէ, 'ի միջօրէի իբրեւ 'ի դիշերի զարհուրին յիրադիտէ մտացն խղճէ: « Եթող, ասէ, զժողովուրդ իւր՝ զտունն Յակովբայ »: Ընդ վայր եհար, անտես ա.

¹ Յր. չկարգելոցն. 2 օտար
դրլաւ:

² Այսպէս Յր. իսկ Յ. սի.
րայ, այսինքն՝ չղթայ:

րար, 'ի ձեռաց եթող, մերկ կապուտ կացոյց յամենայն դարմանոց: Ապա իբրեւ երկեցոյց՝ ասէ և զպատճառս իրացն, զի ուղղեցէ ածցէ զնոսա 'ի ճանապարհն: Իսկ արդ զմեզ իցեն պատճառքն:

« Երաւ, ասէ, իբրեւ զառաջինն՝¹ երկիր նոցա հըմաշիւք՝ իբրեւ զայլազգեացն »: Վերագոյնն վասն գինէ վաճառիկ արուեստի և վասն արծաթօրութեան, և անտես առնելոյ զորքս և զայրիս պատուհասէ, իսկ աստ վասն կրօնից իմն չարաց և խմորոյ ամբարշտութեան, որ առ տակաւ սակաւ ձգէին զնոսա 'ի դիւաց մորորութիւն. և զի առաւել մորմոքեցուցանիցէ, ոչ ասէ թէ հմայէին լոկ, այլ Երաւ, ասէ, երկիր նոցա հմաշիւք, զի զառաւելութիւն չարեացն յայտ առնիցէ. որպէս և վերագոյնն՝ ոչ ասաց եթէ ժողովուրդ մեղաւոր, այլ՝ ժողովուրդ լի մեղօք, և աստ՝ թէ Երաւ. և զի ձգիցէ զնախատինան, յաւելու՝ իբրեւ զառաջինն. զառաջինն յորժամ զՍտուած ճանաչէին, և զօրէնսն չեւ էր ընկալեալ, և զերախտեացն ինչ փորձ չեւ էր առեալ, մինչ ընդ հեթանոսս էին, որ ամենևինք իսկ² պարսաւանք էին. զի յետ այնչափ խնամոց և դարմանոց ոչ երբեք եղեն պիտանիք: Եւ ոչ յայս միայն կայ, այլ զի ես կսկծեցուցանիցէ, յաւել թէ իբրեւ զայլազգեաց. համեմատութեամբ երեսայն սաստկացուցանէ զամբաստանութիւնն. զոր և Պաւղոս տղոր է ստեպառնել. յորժամ ասէ, եթէ Վասն ննջեցելոցն ոչ կամիմ եթէ տգէտք իցէք, եղբարք, զի մի տրտմիցիք իբրեւ զայլն՝ որք ոչ ունիցին յոյս. և դարձեալ, թէ ճանաչել իւրաքանչիւր զիւր աման ստանալ 'ի օրբութիւն. մի 'ի հարուածս ցանկութեան, և չլատացու այսու միայն, այլ յաւել, թէ Որպէս այլ հեթանոսքն որ ոչ գիտիցեն զՍտուած. զի այսպէս իմն մանաւանդ տղոր է բանն կսկծեցուցանել և զայնոսիկ որ կարի դը յոյլք իցեն: Զի եթէ Հրէայք այսպիսի բանիւք պատուհասէին, մեք զմեզ պատասխանի ունիցիմք, կամ ներեալ թողութեան, որք յետ այսչափ շնորհաց և անձառ պատուոյ, և անմահական յուսոյ,

¹ Յօր. Պակասի իբեւ զառաջինն:

² Յօր. Ասէն և 'ի միս: Յե. յեաին պարսաւանք:

դարձեալ անդրէն 'ի նոյն մարտութիւն փութացեալ կործանիցիմք։ Քանզի և այժմ բազումք են որ այսպիսի ակտիւ ջերանին, և ապուկանեն զիւրեանց վարուցն առաքինութիւնս. որք զՀմայսն անհանձար մտօք հմայեն, և Աստուծոյ հրամանացն հակառակ գտանին, և աւելորդ տրտմութիւնս անձանց գանձեն, և զառաքինութեան քաջութիւնս՝ ծուլութեամբ կորուսանեն. քանզի յայն իսկ փութացեալ ստիպէ սատանայ ամենեկին զանմիտան, կտրծեցուցանել թէ ոչ զառաքինութիւնն յանձանց գործիցեն, և ոչ զարութիւն, և ոչ ազատութեամբ անձնիշխանութեանն իցեն պատուեալք. զերկուս զայս յոռութիւնս կամեցաւ ուղղել Աստուած, զորս ջանացաւ խանգարել թշնամին, զի և յառաքինութենէ վատակոցն մեղկացուցանիցէ, և զմեծ պարգևս անձնիշխանութեանն բառնայցէ. հմայիւք, կիւսիւք, խրտրանօք աւուրց և ժամանակաց, դժնդակ կրօնիւք, բախտաբաշխն հրամանօք, կարծականն ճակատագրօք, և բազում ևս այլ այսպիսի դժնդակ հիւանդութիւն եմոյժ 'ի վարս մարդկան. և զամենայն վեր 'ի վայր հարեալ կործանեաց, զի յԱստուծոյ օգնականութեանցն կարիցէ վրիպեցուցանել. վասն այնորիկ մարգարէս յորովագոյն իմն զամբաստանութիւնն 'ի մէջ բերէ, զի արմատաքի խլեցէ զայսպիսի ցաւս անհնարինս։

« Որդիք բազումք այլազգիք ծնան նոցա »։ Զինչ իցեն որդիքն այլազգիք. այլ օրէնք 'ի վաղուց հետէ էին առնոսա, վասն այսր և անդր դանդաշական մտացն, և արագախաբիկ խորհրդոցն իւրեանց, զի մի երբեք ընդ այլազգիս խնամութիւնս խառնիցեն, և այնպիսի ազգախառնութիւնն լինիցի նոցա պատճառք ամբարշտութեան. զի ոչ եթէ զայլս միայն չկարէին ուղղել, այլ և ոչ զայլոց փնասակարութիւնս կարէին յանձանց 'ի բաց մերժել, օրինօքն պարսպեաց՝ զնոսա, և 'ի խառնակելոյ ընդ այլազգիսն զգուշացոյց, զատ մեկնեաց, ուրոյն բնակեցոյց. օրէնք ուրոյնք, կարգք ուշոգիք, պարտ և պատշաճ էր նոցա

որք սիրեցանն յԱստուծոյ՝ պահել զամենայն զգուշութիւնն որ հրամայեցան յԱստուծոյ. այլ որպէս զայլով պատուիրանովն անցին՝ և յայսմ գտան ծուլացեալք. զի ընդ մերձաւոր այլազգիսն ինամութիւնս խառնէին, և նովանս՝ ՚ի տունս՝ ՚ի Մովսէսացւոցն և յԱմօնացւոց աշխարհէն ածէին, և յայլ ևս ազգաց ամբարշտեոց. և այսպէս ընդ օտարոտիսն ազգախառնութիւնս առնէին, զի ածիցեն զչարեաց վարդապետն ՚ի տուն, և զհայրենի անմեղ ազնուակա նութիւնն դժբիցեն. արդ վասն յոյսորիկ հանդերձ այլովքն և այսու ևս պատուհասէ զնոսա մարգարէն:

« Եւ աւ երկիր նոցա ոսկւով և արծաթով, և ոչ էր համար գանձից նոցա. Եւ աւ երկիր նոցա երկվարօք, և ոչ էր թիւ կառաց նոցա »: Եւ թերեւս ասիցէ որ, թէ զինչ փնաս էր ինչս առնել և երկվարս ստանալ, և մանաւանդ այնպիսում ազգի՝ որք զգաւտական կրօնիցն ճշմարտութեան չէին ընդելք: Եւ արդ զինչ ասացուք առ այս: Ոչ եթէ զպէտս ընչիցն խոտէ, այլ զդժընդակ միտմն, զի ոչ յօգուտ զինչն ստանային, այլ ՚ի փնաս. զոր օրինակ յորժամ ասիցէ, թէ վայ ձեզ հզօրքդ Իսրայելի, ոչ եթէ զզօրութիւնն ինչ աղարտիցէ, այլ զայնոսիկ որ զզօրութիւնն ՚ի չարիս ինչ ծախիցեն. նոյնպէս և աստ, ոչ եթէ ստանալ ընչիցն խոտան իցէ, այլ զի բազում յաճախութեամբ, և աւելի քան զպէտմն ժողովէին: « Եւ ոչ գոյր, ասէ, համար գանձուցն նոցա »: Եւ ոչ այս միայն, այլ զի յզփութեամբ ընչիցն զԱստուած ոչ յիշէին, հրպարտացեալք յընչիցն մեծութիւնն, յերկվարացն զօրութիւն, և յԱստուծոյ յուսոյն զանձինս ՚ի բաց մերժէին. որպէս և յայլում վայրի ասէ մարգարէն. Վայ այնոցիկ որ յուսացեալ իցեն ՚ի զօրութիւն իւրեանց և ՚ի բազուկ մեծութեան իւրեանց պարծեցին. և Դաւիթ ասէ, թէ Ոչ ապրեսցի թագաւոր ՚ի բազում զօրս իւր, և հսկայ բազում զօրութեամբ իւրով. և ՚ի միւսում սաղմոսի, թէ Ոչ ընդ զօրութիւնս ձիոյ կամեցի, և ոչ ընդ իրանս՝ առն հսկայի հաճի, այլ հաճի Տէր ընդ երկիղածս իւր:

1 Այսինքն՝ հարուստ կամ նուանս: 2 Յօ. Աբանց:

« Եւ լցաւ երկիր նոցա գարշելեօք գործոց ձեռաց իւրեանց, և երկիր պագին այնոցիկ զորս արարին մատուր իւրեանց »: Զոր օրինակ բժիշկ մի իմաստուն, նոյնպէս և մարգարէս նախ քան զցառանն զպատճառն ուստի ախտն բղխելոց իցէ՝ ասէ. քանզի պատուհասելոց էր զամբարշտութիւնն նոցա, յառաջագոյն զպատճառս ախտին յայտ առնէ. զարծաթսիրութիւնն, զամբարտաւանութիւնն, զանարժան խնամութիւնն. եթէ յայսպիսի իրաց առ սակաւ սակաւ կործանեցան անկան 'ի խորխորատ կորստեան, զի և կռոց երկիր պագին. և արդ զի հեգնիցէ՝ յերգ արկեալ զպաշտօնն նոցա, ածէ զնովմբ թէ՝ գործոց ձեռաց իւրեանց: Զինչ ինչ քան զայն ծաղլ կայցէ, յորժամ մարդ՝ արարիչ աստուածոց լինիցի. իսկ գարշելիս՝ գիրք սովոր են զկուռնն կոչել, ուստի և պղծութիւն աւերածոյ կոչի պատկերն՝ որ կանգնեցաւ 'ի տաճարին Աստուծոյ. Երժամ տեսանիցէք, ասէ, զպղծութիւն աւերածոյն, զի կայցէ 'ի սուրբ տեղւոջն, որ ընթեռնուն 'ի միտ առցէ: Վասն որոյ և հրաման ետ վճիռ արար յանապատին, եթէ ամենայն պատկերի երկիր մի պագանիցէք, զորս պիղծս և գարշելիս իսկ կոչեաց, զի հեռացեալ կարճեցուցէ զնոսա յամբարշտութենէն. զի գարշելի այն ինչ կոչի՝ որ կարի ազտեղին իցէ, պիղծ ինչ, նոզկ, անսուրբ: Եւ արդ գարշելի զայն ինչ որ ատելի իցէ և զերեսս դարձուցանելի՝ կոչն գիրք, ամենայն կուռք այսպիսի ինչ են: « Եւ երկիր պագին այնոցիկ, զոր արարին մատուր իւրեանց. և խոնարհեցաւ մարդ, և յերկիր կործանեցաւ այր »: Զի զոր օրինակ Աստուծոյ երկրպագութիւնն 'ի բարձունս հանէ, նոյնպէս և կռոցն՝ խոնարհեցուցանէ և յերկիր կործանէ: Ո՞րք թշուառական քան զայն մարդ կայցէ, որ 'ի փրկութենէն վերալիցի, և զամենեցունն Աստուած թշնամի անձինն ստանայցէ, անշնչականացն անկեալ երկիր պագանիցէ, և զանմուռն քարինս՝ թաւալեալ աղաչիցէ. զի Աստուած յայնոցիս ինչ պատիւ եհան զմեզ, զի և քան զերկինս բարձրագոյնս արասցէ. իսկ ստանայ այնպէս փութացաւ իջուցանել 'ի վատթարութիւն զիւր հաւանեալն, զի և քան զանհանձարսն անհանձարաւ.

գոյնս արտացէ՛. վասն որոյ և մարդարէս իսկ ասէ, եթէ
խօնարհեցաւ մարդ և յերկիր կործանեցաւ այր: Եւ
թէ պէտ և այսպիսի ամբաստանութիւն բաւական էր
զմտացիս ազատել յայնպիսի ախտէ, այլ քանզի բա-
զումք 'ի մարդկանէ ոչ այնպէս 'ի մեղացն որպէս 'ի
պատժոցն երկնչին, ածէ յարէ 'ի նոյն և զտանջանսն:

« Եւ արդ ոչ, ասէ, ներեցից նոցա ». չանսացից, չքո-
ղից, այլ պահանջեցից վրէժս, և ածից պատիժս յան-
ցուցելոցն: « Եւ արդ երթայք մտէք 'ի քարածերպս,
և թաքերուք յերկրի յերեսաց ահի Տեառն »: Յոր-
ժամ յերգ արկեալ հեգնեաց զերկրպագութիւն
կռապաշտոյն, ապա և 'ի կերպարանաց գործոցն եցոյց
զնոցա անհանձարութիւնն, և զկռոցն տկարութիւնս՝
ջանայ բանիւ միտանգամ զհանդէս իրացն յայտ առ-
նել. բաւական էին այսմ, ասէ, և ինքեանք մարդիկ
անգոհեալ զիւրեանց անմտութիւնն, բայց քանզի առ-
ուաւել իմն արբեցութեամբ ամբարշտութեան թըմ-
բրեալ էին, և զայսոնի և զերեւելի իրա չտեսանէին
կուրութեամբն, այնպիսի ինչ չարիք գայցեն հասա-
նիցեն 'ի վերայ քաղաքին, զի և որ կարի ոք անմտա-
գոյնք իցեն՝ կարիցեն վարդապետք լինել, թէ որչափ
Աստուծոյ զօրութիւնն է, և որչափ կռոցն տկարու-
թիւն. և վասն այնորիկ յառաջ քան զհէնն ճառէ
զայն ինչ որ 'ի հինէն անցք անցանելոց իցեն, հրամայէ
առնել, 'ի քարածերպս մտանել, և 'ի փապարս երկրի
թաքել. ոչ զի զայս այսպէս առնիցեն, այլ զի յայն-
մանէ ուսանիցին զԱստուծոյ զանհանդուրժական ար-
ձակեալ բարկութիւնն:

« Թաքերուք, ասէ, յերեսաց ահի Տեառն, և 'ի փա-
ռաց զօրութեան նորա, 'ի ժամանակի իբրեւ յարի-
ցէ վանել զերկիր »: Եւ ոչ ասէ լոկ 'ի զօրութենէ,
այլ 'ի փառաց զօրութեան նորա. քանզի այսպիսի
ազդուութիւնք են նորա, այսպիսի նշանք յաղթու-
թեանց, երեւելիք և յայտնիք: Եւ ինձ այսպէս թուի
թէ զլաղթութիւնսն որ առ Եդեկիայիւ արքայիւ եղև
նշանակէ աստ. երկիր՝ զբազմութիւն զօրացն կոչէ,
և վանել՝ զկործանումն, և յարութիւն՝ զվերակացու-
թիւնն. քանզի և Դաւիթ այսպէս ասէ, թէ Յարիցէ
Աստուած և ցրուեսցին ամենայն թշնամիք նորա. և

գարձեալ, թէ Արթի Աստուած և դատեալ զերկիր: Ի մարդկեղէն կերպարանաց զԱստուծոյ զազգեցիկ զօրութիւնսն նշանակէ դրօշմէ:

«Զի աչք Տեառն բարձունք են և մարդ խոնարհեալ և տառապեալ»: Իսկ զի մի որ յայնցանէ որ 'ի ժամանակին լիցեն՝ չաւատացէ ասացելոցն, քանզի անյոյս և անկարծ իմն լինելոց էին իրքն առ յապա, փախտական անկանի 'ի զօրութիւն այնորիկ որ զայնն կատարելոց էր. և զի զտկարութիւն այնոցիկ որ ընդունելոց էին զպատիժսն՝ յայտ արասցէ, ասէ՝ ոչ քան զԱստուած որ բարձրագոյն է և ոչ քան ըզմարդ որ խոնարհագոյն: Եւ արդ մի ինչ երկմտիցին, ասէ, թէ այնպիսի մեծն և հզօրն, զտառապեալն այնպէս խոնարհեցանել կարէ: Եւ բարեղք ասաց՝ եթէ Աչք Տեառն բարձունք, և ոչ՝ զօրութիւն Տեառն, զի ցուցցէ եթէ երեսացն միայն երեւելն բաւական է զամենայն հակառակորդսն կործանել. զոր և Դաւիթ այլազգ իմն ասէ, թէ Ո հայի յերկիր և տայ դողալ նմա. և այլուր, թէ Նայեցայց առ նա և յաղթեցից նմա:

«Եւ խոնարհեցի բարձրութիւն մարդկան, և բարձրացի Տէր միայն յաւուր յայնմիկ»: զի յորժամ զարմանալի յաղթութիւնն լինէր, և լուսաւոր և չքեմաղ նշանք յաղթութեանցն կանգնէին, ապա և գեւք յանդիմանէին և կուռք անարգէին, և սուտ մարդարեւն կարկէին, և բռնութիւն հինին 'ի պարտութիւն մատնէր, և ամենայն բերան բացեալ ընդդէմ Աստուծոյ՝ պապանձէր: Վասն այնորիկ ասէ, թէ Բարձրացի Տէր միայն, և ոչ ևս որ իցէ որ ընդդէմ դառնայցէ, և ոչ այն որ երկմտ լինիցի յԱստուծոյ զօրութենէն, որ այնպէս և զհանդէս իրացն կատարելոցն յայտնագոյն ցուցանէ. քանզի բնութեամբ ունի մշտնջենաւոր զբնութիւնն, և ոչ եթէ սկզբամբ ինչ սկսանի բարձրանալ, այլ է իսկ միշտ բարձրեալ 'ի բարձունս. և բարձրանալ յայն սակս ասի՝ յորժամ միտք հակառակորդաց և ընդդիմակցաց առնուցուն հանդէս յիրաց ինչ՝ որ գայցեն 'ի վերայ նոցա յԱստուծոյ բարձրութենէն, առ 'ի խոնարհել և զգատշաճ փառաւորութիւնն տալ միայն բարձրելոյն:

«Զի օր Տեառն Հասանելոց է՝ ի վերայ ամենայն թըշնամանողաց և ամբարտաւանից, և ի վերայ ամենայն բարձանց և հպարտից, և խոնարհեսցին. և ի վերայ ամենայն մայրից բարձանց Լիբանանու, և ի վերայ ամենայն ծառոց կաղնեաց Բիշանու, և ի վերայ ամենայն պարսպաց բարձրացելոց, և ի վերայ ամենայն նաւաց ծովու, և ի վերայ ամենայն տեսեան գեղեցկութեան նաւաց. և խոնարհեսցի ամենայն բարձրութիւն մարդկան, և բարձրացի Տէր միայն յաւուր յայն միկ »: Պարիսպս և մայրս և բլուրս՝ աստ զմարդիկ զօրաւորս կոչէ. բարձրութեան, ծառոց փոփոխականն յորջորջմամբ՝ զգորութիւնս նոցա յայտ առնէ. և նաւուք և գեղեցիկ տեսեամբ նաւաց՝ զսահաւտ զմեծութիւնս նոցա ակնարկեաց. և զոր ասելս կամի՝ այսպիսի ինչ է, եթէ՝ ամենայն հզօր և ամենայն բռնաւոր և ամենայն զօրավար և ամենայն մեծութիւն և ամենայն իսկ զօրութիւն և վայելչութիւն մարդկան՝ կասեսցի և խափանեսցի. և ոչ ինչ իսկ է որ կարիցէ ապրել յԱստուծոյ բարկութենէն. ոչ մարմնոյ զօրութիւն և ոչ տեղեկութիւն պատեւրազմաց, ոչ ընչից առաւելութիւնք, ոչ բռնաւորաց ճոխաճանութիւնք, ոչ զօրավարաց յաճախադունդ գումարութիւնք, և ոչ այլ ինչ յայսպիսեաց: Մայրից Լիբանանու վասն այնորիկ նմանեցուցանէ՝ զի առ նոսա մօտ է Լիբանան. կամ որպէս մայրքն մերձ էին, նոյնպէս և բարկութիւնն ընդ հուպ ժամանակս զաւրոց էր: Իսկ ի տեսիլ գեղեցկութեան նաւաց՝ ըզգօրավարացն փառաւորութիւն, զընչիցն յաճախութիւն, զզինուցն յօլովութիւն, զսպասաւորացն վայելչութիւնս առական: Դարձեալ զի և ի հեռուստ գալոց էին թշնամիքն, թուի ինձ թէ յայն սակս տարադի միկ նաւուց նմանեցուցանէ:

« Եւ զձեռագործս իւրեանց զամենայն տարցին և թաքուսցեն յայրս և ի փապարս վիմաց, և ի սորս երկրի յերեսաց ահի Տեառն, և ի փառաց զօրութեան նորա, ի ժամանակի՝ իբրեւ յարիցէ հնազանդել զերկիր »: Զի այնչափ ի ձեռաց թողուցուն զնոսա գիւրն իւրեանց առ ի տալոյ զմարտիցն օգնականութիւն, զի ոչ միայն զմարդիկ կոչիցեն

յօգնականութիւն, այլ և զտեղեացն ամբողջութիւնս՝ առ ՚ի չանկանելոյ՝ ի բռնուն: «Եւ յերեսաց ահի Տեառն և ՚ի փառաց զօրութեան նորա, ՚ի ժամանակի՝ ի բրբէ յարիցէ վանել զերկիր»: Զի մի դք հինին առ պատակի համարեսցի զգործն, եթէ իւրեանց ինչ զօրութեամբ աւարեսցեն զաշխարհն՝ հանէ զերկիրն առ ամենեցունն Աստուած. նա է, ասէ, որ ածէ զպատեւրազմն, և նորա է զօրութիւնն. զի այսպիսի սպառնալեօք ածցէ յուղղութիւն զայնոսիկ՝ որ ՚ի վաղուց հետէ էին մեղուցեալ:

«Յաւուր յայնմ բարձցէ մարդ զգարչելիս իւր զարծաթեղէնս և զոսկեղէնս՝ զոր արար իւր՝ երկիր պագանել սնոտոցն չղջիկանացն, մտանել ՚ի ծակս առ ապար վիմաց և ՚ի փապարս քարանձաւաց, յերեսաց ահի Տեառն և ՚ի փառաց զօրութեան նորա, ՚ի ժամանակի՝ ի բրբէ յարիցէ վանել զերկիր»: Բաւական և այն էր՝ որով և յերգ իսկ արկեալ հեգնէր զնոսա. բայց յայտ առնէ թէ հանդերձ աստուածովքն թաքնելոց էին յերկրի և ընդ փապարս մտանելոց, այնպէս զի և դարանքն ևս չեն բաւական առ ՚ի ծածկել ՚ի խուճապական բարկութեանն, որ եկեալ կայցէ ՚ի վերայ: Դարձեալ և գիշերի չղջիկանս ևս կոչէ զկուռսն՝ վասն անհնարին տկարութեան կամ վասն խաւարին մոլորութեանն, և զի ամենայն ինչ դիւացն ՚ի ծածուկ գործեր. զոր օրինակ գիշերականն չղջից՝ արև և լոյս թշնամի են, և գիշեր և խաւար սիրելի, նոյնպէս և դիւաց և որոց ՚ի նոցանէ իցեն մոլորեալք՝ չարիք և անօրէնութիւնք ընդեւականք և սիրելիք, և առաքինութիւնք և լուսոյ գործք՝ թշնամիք. զի ՚ի ծագել լուսոյն խաւարին: Եւ որք ՚ի քաջութիւնն կեցցեն՝ չեն ինչ կարօտ աշխատութեան և վաստակոյ. քանզի բաւական է յայտնութիւն միայն քաջութեանն, և վաղվաղակի խափանին դանդաղականքն:

«Լուել ձեզ ՚ի մարդոյն՝ յորում գոյ շունչ յուրն գունս նորա. զի որում արդեւք նմանութեան նմանեցաւ սա նոցա»: Աստ ինձ այսպէս թուի՝ թէ զնշանակալ արքայէ ակնարկիցէ. քանզի յահէն և ՚ի բազում խուճապանացն, և ի բրբէ ընդ աղօտ իմն շունչ յուրն գունս առնէին: Քանզի ՚ի վարմարկել զնա հինին,

այնպէս համարէին թէ արդ եկեալ անկեալ իցէ 'ի բռն ուրն, զի և ոչ աշխատութեան ինչ պէտք իցեն առնուլ զքաղաքն, և վարել զթագաւորն 'ի գերութեան. և զայն ոչ առնուին 'ի միտ, թէ այն եղեւն 'ի նոցին գլուխն կատարէր. վասն այնորիկ ասէր մարգարէն, թէ « Լռել ձեզ 'ի մարդոյ անտի յայնմանէ՝ յորում գոյ շունչ յորն գունա նորա ». եթէ « Ո՛ւմ նմանեցուցէք զդա ». մի թէ անօրէն թագաւորացն, որք ոչ ունէին շունչ փրկութեան. դա՛ ասէ, զոր առ օչինչ համարեցայքդ, զոր անգոսնեցէքդ՝ թէ երթամք և առանց աշխատութեան առնումք զքաղաքն, գտանիցի փառաւորեալ քան զամենեսեան յԱստուծոյ օգնականութենէն, զձեզ հարկանիցէ ազօթիւք և ինքն զանձն և զքաղաքն ապրեցուցանէր: Այն իսկ է՝ զի յօչինչ համարեցաւ, զի իբրեւ յասպատակի իմն կարծէին զամենայն առնուլ, և դիպեցաւ ամենին նորին հակառակն. որ ոչն ինչ համարէր ձեզ, այլ արհամարհելի և դիւրաւ հնազանդելի, նա քան զամենեսեան պայծառագոյն երևեսցի վայելեալ յԱստուծոյ օգնականութեանն:

ԳԼՈՒԽ Գ.

« Ահաւասիկ Տէր, Տէր զօրութեանց բարձցէ 'ի Հրէաստանէ և յԵրուսաղէմէ զայր հզօր և զկին զօրաւոր »: Զոր օրինակ բժիշկ ճարտար մերթ խաւիցէ, մեք ~~թ~~ հատանիցէ, մերթ դառն ինչ դեղս ըմպել տացէ, առ 'ի հնարել զցաւածացն առողջութիւն, սոյնպէս և մարդասէրն Աստուած պէսպէս սպառնալեօք՝ առ 'ի անդել զծուլութիւնն և զմեղկութիւնն Հրէից, մերթ հինից ասպատակօք երկեցուցանէ զանհաւատմն. իսկ արդ՝ ահաւասիկ յառաջ քան զհինին արշաւանն՝ այլով իմն սաստիկ սպառնալեօք երկեցուցանէ, և պէսպէս սպառնալեօք յաստուծ պահէ 'ի նոսա զերկիւզն. զի մերթ հիւանդութեամբ սպառնայ և սովով և երաշտութեամբ, ոչ միայն

կարեւորքը, այլ անյախսեօք՝ որ ոչ ինչ նուազագոյն քան զպիտոյսն՝ ունիցին հաստատուն զկեանս մեր. զի ոչ սոյն միայն դառնագոյն է, այլ և անվերականջու յառաջնորդաց կալ, որ և զլիութիւնն՝ դժնդակագոյն քան զսոյն սովոր է ցուցանել: Զինչ օգուտ իցէ թէ իբրեւ զաղբերս արտաքուստ բարութիւնքն բղխեսցեն, և ՚ի ներքս յընտանեացն կոտորածք գործիցին, և կամ յորժամ ծով յուզիցի և զալիսն վեր ՚ի վայր կուտակիցէ, և ոչ ուղղիչ նաւին ՚ի թիկանց, և ոչ յառաջապահք դիտաւորք որ ընդ ալիսն կռուիցին՝ գտանիցին, առ զերծուցանել զնաւն ՚ի նաւահանգիստ. իսկ յորժամ ոչ առաջնորդք իցեն, և սոյն սաստկացեալ անհնարին աղէտք և կորուստ: Զայս ամենայն սպառնացեալ Աստուած, և նախ՝ որ քան զամենայն ահագինն է. «Ահաւասիկ, ասէ, Տէր զօրութեանց», Զահաւասիկն իմն առաջի դնեն ստեպ մարգարէքն՝ յորժամ հաւանել զըօղն կամիցին վասն իրաց ինչ՝ զոր ճառիցեն. զահաւասիկն յաճախագոյն դնեն, ոչ աստ միայն, այլ անդուստ ՚ի վերուստ իսկզբանէ, և ՚ի բնէ է ի մանալ. և զի մարմնավոր հիւանդութիւնք բազում անգամ վասն մեղաց քան ՚ի վերայ, որպէս Ապոկալիս, քանզի ոչ բարւոք վարեցաւ զօրութեամբն, յիրաւի եղև անդամալոյծ. նոյնպէս և յայնմ որ յաւազանին Բեդհեզդա անկեալ դնէր՝ մեղք էին պատճառք անդամալուծութեանն, քանզի և ասէր իսկ Քրիստոս, թէ Ահաւադիկ ողջացար, այլ մի ևս մեղանչիցես. և Պաւղոս ասէ. Վասն այնորիկ են ՚ի ձեզ բազում հիւանդք և ւսխտաժեսք, քանզի մեղանչէին և անսուրբ մտօք ՚ի սուրբ խորհրդոյն հաղորդէին. և պոռնկեցելոցն պատճառ հիւանդութեան մարմնոյ՝ նոյն մեղքն էին: Բայց ոչ եթէ ամենայն ուրեք պատճառք հիւանդութեան՝ մեղք իցեն, այլ է՝ ուրեք զի և պսակաց ևս բարուրք լինի, որպէս Ղազարու և Յովբայ: Եւ ոչ միայն հիւանդութիւն, այլ և ուրկութիւնք ևս ՚ի մեղացն լինին, որպէս և Ոգիայ վասն յանդգնութեանն բորոտութիւնն, և Յորաբովամու արքայի գօսութիւն ձեռինն՝ վասն ամբարտաւանութեանն և հպարտութեանն, և Զաքարիայի լեզուն այլ ուստեք ոչ խրատեցաւ՝ բայց յիւրոց մտացն մեղաց. և

քանզի Հրէիցն՝ առողջութիւնն և ողջանդամութիւնն եղեն պատճառք գալոյ յամբարտաւանութիւն, կտրե զարմատս հպարտութեանն, զի յանպիտանեացն աւրացե պիտանիս, և մեծ իմն քան զոր առնուն՝ շնորհէ ։ Քանզի զինչ փնաս իցէ թէ 'ի մարմնոյն հիւանդանալ՝ ոգիքն խրատիցին ։ Իսկ զի մի կարծիցեն եթէ մարմնոյ ինչ բերք իցեն ցաւք՝ որ 'ի վերայ հասանիցեն, յառաջագոյն գուշակէ մարգարէն . զի ոչ միայն արանց յառախէ զսպառնալիս, այլ և առ կանանց ևս ազգս ձգէ զպատիժս . քանզի յերկուց իսկ կոչմանց եղծեալ էին կարգք . և մատուցեալ յառաջագոյն վասն առաւելութեան չարեացն, առ կանայսն իսկ առանձինն արձակէ զպատուհասն . որով ամենեւին իսկ զքաղաքն 'ի հիմանց կործանէ, վասն այնորիկ և զկանայսն ընդ նովին համատարած հարուածովքն փակէ . քանզի ինձ այսպէս թուի թէ զհամատարած հարուածսն նշանակէ այնու՝ եթէ « Բարձից զայր հզոր և զինն զօրաւոր », և կամ այլ ինչ զմարմնաւոր հիւանդութիւնս հասարակաց, որում և ոչ բժիշկք ամենեւին կարիցեն հնարս՝ գտանել . քանզի այսպիսի են Աստուծոյ պատիժքն ։

« Զգորութիւն հացի և զգորութիւն ջրոյ » ։ Իսկն պատիժք՝ յորժամ ոչ զկերակուրն 'ի միջոյ բառնայցէ, այլ զգորութիւնն որ 'ի նմա է՝ առնուցու . զի թէպէտ և տեսանել աչոք տեսանիցեն, սակայն տու սրախն ոչ երբեք յազեցցին, և անտի առնուցուն 'ի միտ եթէ աստուածապատիժ է բարկութիւնն ։

« Զայր հսկայ, զայր հզոր » ։ Հսկայ՝ գիրք զհարուստ որ սովոր են կռել, և կամ որ անդամնք որ յաղթ իցէ . յԱրարածս յորժամ ասէ, թէ՛ Նոքա են սկայք՝ արքա նուանիք, ոչ եթէ այլ ազգ ինչ զսկայիցն պատմելով զայս ասէր, այլ զի հարուստք էին և առողջ և պինդք ։

« Եւ զայր պատերազմող, և զայր դատաւոր » ։ Ծանր են պատիժքն և վերջին կորստեան նշանակ . զի թէպէտ և պարիսպքն ևս կայցեն և աշտարակքն կանգունք, բայց քանզի անմարդիքն են՝ վաղվաղակի մատնի քաղաքն 'ի պարտութիւն ։ Զի զգուշութիւն քաղաքացն ոչ 'ի քարանցն և 'ի փայտիցն կամ 'ի պարս-

պացն և 'ի պատուարաց իցէ, այլ յիմաստութենէ
բնակչաց քաղաքին. զի եթէ իմաստունը որ 'ի ներքս
իցեն՝ թէպէտ և պատերազմունը շուրջ փակիցեն, ա-
ռաւելքան զպարիսպն լինիցին իմաստութեամբն ամ-
բութիւն. ապա թէ պիտիսիք որ 'ի ներքս ոչ գտանի-
ցին, թէպէտ և ոչ որ պաշարիցէ՝ ինքնին իսկ կործա-
նեալ յաւեր բերէ մէտ: Եւ արդ զնոսա և զայլս իսկ
զամենեւեան որք լիցեն, ոչ սակաւ այսպիսի բանիւք
խրատեաց մարգարէս, զի մի երբեք 'ի բարձրաբերձ
շինուածս ապաստան լինել, և մի 'ի մեքենայս և 'ի
հնարս, այլ յարանց հեզոց 'ի կատարեալն առաքի-
նութիւնս: Եւ արդ երկեցուցանէ զնոսա՝ թէ ոչ յայն
սակս միայն աւերի քաղաքն, զի զարս պատերազմողս
միայն բառնայ 'ի միջոյ, այլ զի և զդատաւորս իմաս-
տունս, որք ոչ նուազագոյն քան զպատերազմողն լի-
նիցին օգնական խաղաղութեան քաղաքաց, զի հնա-
րագէտ իւրեանց իմաստութեամբն՝ և զպատերազ-
մունսն ցածուցանիցեն, և քաղաքաց խաղաղութեան
տիրեսցեն. և քանզի ճակատամարտքն իսկ յաճախ 'ի
մեղաց արմատոյ բուսանին, պարտ և պատշաճ է այ-
նոցիկ որ զօրէնսն 'ի ձեռին ունիցին, իրաւանցն ճշշ-
մարտիւ սպասել, զի զբազում մեղս կարճիցեն որ պա-
տերազմացն պատճառք են: Եւ արդ ընդէր բառնայ-
ցէ զնոսա Աստուած. այլ զի մինչ կային 'ի գլուխ ա-
ռաջնորդութեան՝ ոչ օրինօք վարէին զկարգս իրա-
ւանցն. զի զոր օրինակ ուղիղ հրամանք նոցա բազում
շահս գանձեն աշխարհի, նոյնպէս և թիւր դատաս-
տան՝ կորուստ բազմաց: Քանզի առ Հրէից ժողովն
խօսէր, անյայտութեամբ իմն ծածկէ զասացեալն,
քանզի ոչ ունէին ուշ ճառելոցն. նոյնպէս և զայսպիսի
պարգևս զմեծամեծս, ուր զբազում փրկութիւնն յոր-
դէր, բազում անգամ 'ի միջոյ բառնայր. քանզի որք
լնդունէինն՝ ոչ ինչ կամէին շահել պարգևօքն:

Վասն այնորիկ ասէ. «Զայր մարգարէ և զայր կար-
ծող»: Ոչ սակաւ բարկութեան նշանակ է այս, յորժամ
մարգարէութիւնքն խափանեցին. զի յորժամ վասն
չարեաց Հրէիցն Աստուած զերեսս 'ի նոցանէ դարձու-
ցանէր, ապա և զմարգարէութիւնն կարճէր: Բան
Տեառն, ասէ, պատուական էր և ոչ գոյր տեսիլք որ

կոտարէին. պատուական՝ այսինքն է չքնաղ, ահաւոր, Եւ առ Ոգիա արքայիւ այսպիսի ինչ եղև, և ոչինչ սակաւ շահս շահէին աստի՝ թէ կամեցեալ էր. զի յորժամ ուսանէին զԱստուծոյ հրամանսն, թէ առ յապա չարիք գալոց էին ՚ի վերայ նոցա, և թէ մերթ մատնին ՚ի ձեռս գերեվարաց, և մերթ փրկին, զիմրդ ոչ տրտմականքս՝ փրկութեան պատճառք լինէին նոցա: Այլ քանզի ուսանէին և չառնէին, վասն այնորիկ և զուսանելն ևս բառնայր ՚ի նոցանէ. որ և այս իսկ բազում մարդասիրութեանն Աստուծոյ է նշանակ, զի և ցուցանէր զհանդերձեալսն, և գիտէր իսկ զի թէ և ցուցանիցէ՝ ոչ ինչ օգտին, և սակայն ՚ի գուշակելոյն ոչ դադարէր: Եւ ընդ մարգարէին՝ և զկարծողէն ևս, ասէ, բառնալ ՚ի միջոյ. և ինձ այսպէս թուի՝ եթէ կարծող զայնպիսիսն կուէ՝ որ ՚ի բազում իմաստութեանէ կարծէր զհանդերձեալս ինչ որ լինելոց էին՝ իբրև հմուտ և փորձ իրաց: Քանզի այլ իմն կարծիքն են և այլ իմն մարգարէութիւնն. զի մին աստուածեղէն հոգւով բարբառի և յիւրմէ ինչ ոչ նորոգէ, և միւսն ՚ի վաղուց ինչ իրաց կատարելոց՝ առնու պատճառս իմաստութեանն, և բազում անգամ ՚ի դէպ կարծէ, և ասէ յառաջագոյն զիրս ինչ՝ որ առ յապա իցեն գործելոց: Այլ յոյժ խտրոց ՚ի միջի կայ ընդ մարգարէն և ընդ կարծողն, որչափ ընդ մարդկեղէն իմաստութիւն և Աստուծոյ շնորհ: Եւ օրինակ ևս ՚ի մէջ բերեալ՝ առնիցեմք զբանս յայտնագոյն: Նայեաց ընդ Սողոմոնէ և ընդ Եզիշեա, զի երկոքեան զծածուկ իրս ՚ի մէջ բերին, այլ ոչ նովին զօրութեամբ. զի մին մարդկեղէն իմաստութեամբ առ ՚ի մարդկան բարուցս առեալ զպատճառս՝ ածէր յայտ զգաղտնիս կնոջն պոռնկի, և միւսն՝ ոչ բնաւ և զմտաւ իսկ ինչ ածէր. քանզի որպիսի միտք կարէին յայտնել զԳեհեզայ գողութիւնն, եթէ ոչ Աստուծոյ շնորհն զիրսն՝ որ բազում ՚ի բաց գործեցան՝ յայտնեցին:

« Զայր ծեր, զայր յիսնապետ » . զի և ծերքն և յիսնապետքն բառնայցին ՚ի միջոյ: Ծեր՝ ոչ որ վայրապար որ ծերացեալ էր, այլ ըստ ալեացն արժանի և զիմաստութիւնն պահեալ: Եւ յիսնապետ յորժամ ասէ, ոչ եթէ զմիոջէ ումեքէ ճառէ, այլ զամենայն իշխանսն

ակնարկէ, զի չիք ինչ դժնդակ քան զայն՝ յորժամ իշխան դը 'ի գլուխ ոչ կայցէ. որպէս քան զնաւ կոծեալ այլ ինչ ոչ լինիցի՝ յորժամ ուզդիչ նաւին ոչ գտանիցի՝ Այլ ոչ յայսմ եւթ կայ, այլ և զայլ իմն զգուշութենէ սպառնայ 'ի միջոյ բառնալ՝ բարեխրատիցն խորհրդականացն, որ ոչ ինչ սակաւ քան ըզգինուց ցուցանեն ամբութիւնս քաղաքաց:

« Բարձից, ասէ, զգարմանալին զխորհրդականն, զիմաստունն զճարտարապետն և զհանձարեղն զունկնդիր¹ »: Եւ աստ ոչ զտնաշէն ինչ ճարտարապետաց ճառէ, այլ զայնպիսեաց որ բազում իրաց տեղեակ իցեն, և իմաստութեամբ զամենայն իրս քաղաքաց հաճիցեն: Եւ հանդերձ սոքօք և զունկնդիրն ևս 'ի միջոյ բառնայ. զի եթէ ունկնդիր ուրեք չիցէ, թէպէտ և այլքն ամենեքեան իցեն՝ ոչինչ աւելի յաւելուած լինիցի քաղաքաց. թէպէտ և մարգարէք իցեն կամ խորհրդականք կամ դատաւորք, և ունկնդիր դը ոչ իցէ՝ զուր վայրապար է այն ամենայն: Բայց ինձ այսպէս թուի եթէ բարձիցն ասել աստ՝ թողից և ընդ վայր հարից. որպէս և Պաւղոս ասէ, թէ Մասնեաց զնոսա 'ի միտս անսիրոյն, ոչ զայս ինչ ցուցանէ՝ եթէ անմիտս արար զնոսա, այլ եթող, ընդ վայր եհար զանմիտսն՝ որք ինքեանք անձամբ եղեն անմիտ:

« Եւ կացուցից 'ի վերայ նոցա մանկունս իշխանս »: որ քան զանիշխանն լինել ևս վատթարագոյն և առաւել դժնդակագոյն է այս. զի որ իշխանն չունիցի՝ զրկեալ յառաջնորդութենէ. իսկ որ ստահակ իշխանն ունիցի, այնպէս համարէ՝ թէ քարավէժ լինիցի հանապազ: Իսկ մանկունս ասելով ոչ եթէ զտիս մանկութեան աղարտէ, այլ զյաճախ անմտութիւնս նոցա յայտ առնէ. քանզի գտանին և մանկունք իմաստունք, և ծերք անմիտք. այլ քանզի այս անօրագոյն իմն երեւի և այն յաճախագոյն, վասն այսորիկ անուամբ մանկութեանն՝ զանմտութիւն նշանակէ: Այլ զի ոչ մանկութիւն ինչ առնէ և ոչ ծերութիւն, բայց միայն միտք հաստատունք, տէս զՏիմոթէոս՝ զի մանուկ եհաս

1 Յօր. Պակասի և Կլեմէնտէ Կոնստանդին:

յառաջնորդութիւնն, և քան զբազում ծերս զգաստացեալս՝ առաւել ուղղեաց զեկեղեցիս: Եւ Սողոմոնն մինչ երկոտասանամեան էր՝ ընդ Աստուծոյ խօսէր, և բազում համարձակութիւն առ ամենայն ազգս ունէր, զի ընդ ամենայն երկիր ելեալ էր համբաւ իմաստութեան՝ նորա, և այնպէս զի ոչ միայն արք, այլ և կանայք՝ ի հեռաստանէ վասն այնր և եթ գային, զի լսիցեն ինչ և ուսանիցին՝ ի նորա իմաստուն բերանոյն. իսկ իբրև ի ծերութիւն եհաս, յոյժ յուլացեալ յառաքիչնութենէ, Հայր սորա երանելին Դաւիթ զանարժան մեղսն՝ ոչ մինչ մանուկ էր և համբակ՝ գործեաց, այլ ի կատարեալ հասակի. մինչդեռ մանուկ մատաղ էր՝ արութիւն զարմանալի եցոյց, և զայլազգին կործանեաց, և բազում զգաստութիւն յանձին ունէր, և ոչ ինչ եղև նմա խափան մանկութիւնն առ ուղղութիւնն: Եւ Երեմիա՝ որ զմանկութիւնն բարուրս առնէր՝ ոչ առ յանձն Աստուած, այլ առաքեաց առ ժողովուրդն Հրէից. Ձէ ինձ, ասէ, խափան մանկութիւնդ, որովհետև միտք առողջ են: Նոյն տիս էր և Դանիէլ և մանաւանդ և մատաղագոյն՝ յորժամ զծերսն դատեցաւ. և Յովսիա՝ և ոչ երկոտասանամեայ լեալ էր, յորժամ յաթոթագաւորութեանն նստաւ, և յայնժամ առաքինի էր, թէպէտ և յետոյ սկսաւ ծուլանալ, և սակաւ սակաւ լուծանիլ յառաքինութենէն: Իսկ Յովսէփ չէր մատաղ յորժամ դժնդակ պատերազմին դիպէր, և ոչ ընդ արս տայր պատերազմ, այլ ընդ բռնութիւն մարմնոյն բնութեան: Եւ ի միջոյ հնուցին բորբոքելոյ, ի պարսկաստանն աշխարհի, անմնաս և անարատ հանէր առաքինութիւնն՝ զերիս մատաղ մանկունսն. զի զոր օրինակ նոքա զմարմինս հանդերձ հերովք, առանց հոտոյ և առանց խանձատելոյ, իբրև յաղբերէ և ոչ իբրև ի հնոցէ հանէին, նոյնպէս և սա ի պիլծ ձեռաց կնոջն եգիպտացոյ զերծանէր՝ առանց շօշափելոյ և բանս խօսելոյ, առանց տեսլեան մնասելոյ և առանց հոտոցն իւղոց և խնկոցն, որք առաւել քան զորթն և զձիւթ և զնաւթ՝ տոչորէին ըզբոց ցանկութեանն: Մի եթէ մատաղ հասակաւն նե-

1 Յ. Ե. Երկոգին վերջին բառքս օտար գրչու գրեալ են:

դեցաւ ինչ 'ի ցանկութենէն, որպէս այլ մարդիկ նեղին 'ի ցանկութիւնս: Եւ երեք մանկունքն 'ի նոյն տիս հասակաց, մինչ դեռ յաճել և 'ի ծաղկի էին, և որովայնի ճգանցն յաղթեցին և զերկիւղ մահու կոխեցին, և զօրացն և թագաւորին՝ որ բազմապատիկ զհրնոցն ջեռուցանէին՝ յաղթեցին, և ոչ ինչ կարաց ըստնանել նոցա, այլ կացին մնացին հաստատուն յանձաւ աշական միտմն ազատաբար: Եւ արդ ոչ եթէ զտիս մանկութեանն խոտիցէ զայն ասելով, քանզի Պաւղոս յորժամ ասէ. Մի մատաղատունկ, զի մի հպարտացեալ 'ի դատաստանս՝ անկանիցի սատանայի, ոչ զմատաղ հասակէ ինչ ասէ, այլ զխակ տնկոյ՝ որ այն ինչ յերախայից 'ի ձեռնադրութիւն մատչիցի. զի անկեալն զերախայութեանն խրատ՝ մինչդեռ 'ի կնիքն որ յօժարեցուցանէ՝ յայտ առնէ. ըստ այնմ, թէ Ես տնկեցի, Սպողոս ջուր ետ: Եւ Քրիստոս զայսպիսի իմն տնկոյ ճառէ յասելն, եթէ Սրբնայն տունկ որ ոչ 'ի Հօրէ իմմէ երկնաւորէ է տնկեալ՝ արմատաքի խլեացի: Զի եթէ նորատունկ աստ՝ մանուկ որ կուէր, ապա ոչ զՏիմոթէոս, որ այնչափ կարի մանուկ էր և այնպիսի մանուկ, քանզի ասէր՝ թէ Մի որ զքո մանկութիւնդ արհամարհիցէ, յայնպիսի մեծ իշխանութիւն հասուցանէր, և այնչափ եկեղեցեաց հրամանատար առնէր:

« Խաբեբայք, ասէ, տիրեսցեն նոցա² »: Տեսանէս, զի ոչ վայրապար զտիս մանկութեանն աղարտէ, այլ զապականեալ միտս, քանզի և յաջորդաւս յայտնագոյն առնէ: Իսկ խաբեբայս աստ՝ զվրիպեցուցիչն, զպատրիշն, որ քծինս տալով և պատիր բանիւք խաբիցեն և առնիցեն սատանայի:

« Եւ կործանեսցի ժողովուրդն այր առ այր, և այր առ ընկեր »: Զոր օրինակ շինուածոց յորժամ պահանգքն, որ պինդ ունիցին զշինուածսն՝ փտիցին և ապականիցին, ապա որմքն 'ի հարկէ խարխարին և անկանին, սոյնպէս և նոքա ամենեքին զոր վերագոյնն ասացաք, յորժամ 'ի միջոյ բառնայցին իշխանքն, խորհրդականքն, դատաւորքն, մարգարէքն, չիք ինչ այնուհետեւ որ զխառնիճաղանճն ունիցի:

1 Յօր. Պակասէր 'ի Գաթապոնս:

2 Յօր. Պակասէր Գիւլեդէն նոցա:

« Ընդհարցի մանուկն ընդ ծերոյն և անարգն ընդ պատուականին » . այսինքն ընդդէմ դառնայցէ որդի ընդ հօր, անդունիցէ և արհամարհիցէ : Այս և քան զհէնն ևս չար հէն է՝ յորժամ ծերն 'ի մանկանէն անարգիցի, և անարգք և վատթաղք՝ զպատուականս և զմեծամեծս արհամարհիցեն . չիցէ ինչ ընդհատ 'ի հողմակոծեալ նաւէ քաղաք՝ որոյ այսպիսի կարգք իցեն :

« Զի բուն հարկանիցէ այր զեղբօրէ իւրմէ կամ զընտանոյ հօր իւրոյ և ասիցէ . հանդերձք գոն քո, առաջնորդ լեր դու մեզ և կերակուր մեր առ 'ի քէն լիցի : Պատասխանի տացէ յաւուր յայնմիկ և ասիցէ . ոչ եղէց առաջնորդ ժողովրդեանս այսմիկ » : Աստ ինձ այսպէս թուի թէ պաշարումն իմն դժնդակ է՝ որ յանհնարին նեղութիւնսն իջուցանէ զնոսա, կամ առանց պաշարման՝ սով ինչ անհնարին, և բազում պիտոյից նուազութիւն . և որպէս բազումք ըստ հասարակաց սովորութեանն, եթէ այնպիսի ինչ դէպք լինէին, զի ամենայն քաղաք դանգի միոջ վաճառէր, սակայն և ոչ այնպէս որ կարէր գնել : Եւ այսու զանհնարին աղքատութիւնն յայտ արարեալ, այսպէս մարգարէն ասէ, եթէ կապերտի միոջ և պատառոյ հացի վաճառեսցին իշխանութիւնք, սակայն ոչ որ իցէ որ գնիցէ, զի այնպիսի նուազութիւն եղիցի, ասէ, ամենայն պիտոյից :

« Զի լքաւ Երուսաղէմ » . ընդվայր հարաւ, աւարեցաւ, մերկ մնաց յԱստուծոյ խնամոցն : « Եւ Հրէաստան կործանեցաւ 'ի միասին » . զի լցան խռովութեամբ և խռապանք և անկարգութեամբ : « Եւ լեզուք նոցա անօրէնութեամբ 'ի Տեառնէ ապստամբեցին » . զի և պատճառք իսկ չարեաց՝ լեզուոյն անհամութիւնն է, որում և Ովսէէ մեղադիր լինի, և Մաղաքիա՝ թէ Որ զկծեցուցանէիք զԱստուած բանիւք ձերովք, և ասէիք՝ թէ իւ զկծեցուցաք զնա, յասեին ձեր՝ թէ ամենայն որ առնէ չար՝ բարի է առաջի Տեառն, և ընդ այն իսկ հաճեցաւ . և ո՞ւր է Աստուած արդարութեան : Զսոցն և սա բերեալ 'ի մէջ պատուհասէ, եթէ ոչ միայն անհաւանք են, և ոչ միայն զօրինօքն անցանեն, այլ պարտ էր գէթ այսու ամաչել և կորանալ,

և ընդ գետին մտանել. իսկ սոքա ևս քաջանան անցանել զառաջնովքն, և հանդերձ չառնելով զհրամայեալն՝ բանս ևս ծանունս և անպարտս խօսին, իբրև ծառայ մի ստամբակ թողեալ զհրամանսն՝ և վիճիցի ևս ընդ տեառնն:

« Վասն որոյ այժմ՝ խոնարհեցան փառք նոցա և ամօթ երեսաց նոցա եղև հակառակ նոցին »: Իարձեալ զհանդերձելոց իբրև զանցելոց ճառէ, սովորութեամբ օրինաց մարգարէութեամբն վարեալ: Խոնարհութիւն փառաց՝ զգերութիւնն կոչէ, քանզի ոչ սակաւ ինչ ամօթ էր, եթէ ողբ յաշտիճանս թագաւորաց էին, պիղծ և խուժադուժ մարդկան լինիցին վտարանդիք. աստ ամօթ երեսաց՝ զայն որ ի մեղացն լինիցին՝ ասէ: Եւ քանզի յառաջագոյն արարին յամօթ զանձինս գործովքն զոր գործէին, վասն այնորիկ և Աստուած ի փառացն մերժեաց զնոսա, և մատնեաց ոչ սակաւ պատժոց, զոր ինքեանք անձամբ անձանց ասէին. զի ոչ այնչափ միայն լինէին նախատինս, մինչ յօտար աշխարհին բնակէին, որպէս զի մինչ իւրեանց քաղաքին էին և անօրինէին. զի յայնժամ և կասէին իսկ ի չարեաց, իսկ մինչդեռ յաշխարհին էին՝ ի վեժամեծ չարիս մտաբերէին: Եւ արդ մեծ կրօնս դնէ նոցա մարգարէս և իրատէ, զի յառաջ քան զտանջանս փախիցեն ի չարեաց. և արդ սքողեսցին և ամաչեսցեն, ոչ յորժամ թշնամիքն վտարանդեալ ի ծառայութիւն տանիցին, այլ յորժամ մեղաց բռնութիւնն վարիցէ գերի:

« Եւ զմեղս իւրեանց իբրև զՍողոմոնայեւոցն յայտնապէս պատմեցին »: Զոր բազում անգամ ասացի և այժմ ասեմ, զի ցուցանիցէ զԱստուծոյ մարդասիրութիւնն, ոչ զոր կրելոց էին պատիժս՝ ասէ յառաջագոյն, այլ թէ որպիսի ինչ արժանի էին կրել. զի մեզքն նոցա հանգոյն Սողոմոնայեւոցն էին, և պատիժն ուռազագոյն քան զնոցայն, զի ոչ արմատաքի խլեաց զնոսա, և ոչ զքաղաքն ի հիմանց բրեաց, և ոչ զմնացորդս ազգին բնաւին ջնջեաց: Զյայտնապէսն պատմեցին՝ մարդկօրէն իմն ասէ. քանզի ոչ եթէ յայնժամ ուսանի Աստուած՝ յորժամ իրք ինչ գործիցին, որ զամենայն մինչ չև լեալ իցեն գիտէ, այլ զի զվշտաց յողովու-

Թիւն յայտ առնէ, որպէս և այլուր ասէ, թէ Եւ աղաղակ չարութեան նոցա առ իս. իբր ոչ եթէ այնպէս յայտ առնիցէ, եթէ Աստուած հեռի ուրեք իցէ, և յերկիրս միայն սահմանեալ, այլ զմեծութիւն մեղացն յայտ առնէ. նոյնպէս և աստ պատմեցին ասելով՝ զմեծութիւն ¹ չարեացն ցուցանէ. զի զսակաւ ինչ մեղս Թաքուցանել մարթ է, իսկ բազում ինչ և մեծամեծք՝ ամենեցուն յայտնի և ծանօթք են, թէպէտ և չիցէ՝ որ ամբաստան լինիցի և յանդիմանեցէ, ինքեանք զինքեանց պատմեն և յայտնի առնեն։ Կամեցաւ մարգարէս ցուցանել զյաճախութիւն չարեացն, ասէ՝ յայտնապէս պատմեցին, այսինքն՝ մեծաւ համարձակութեամբ, յայտնի գործէին զչարիսն, ոչ ամաչէին և ոչ ակնածէին, այլ զբռանս իմն զմեղսն առնէին։

« Այս անձանց նոցա զի խորհեցան խորհուրդ չար առանձինն և ասեն. եկայք կապեսցուք զարդարն՝ զի դժպշի եղև մեզ »։ Յաճախութիւն չարեաց է և այս՝ յորժամ ոչ միայն զի մեղանչենն, և ոչ միայն զի յայտնի համարձակ մեղանչեն, այլ զի և զայնոսիկ որ յուղութիւնս ինչ իցեն՝ հալածիցեն. զոր օրինակ որ՝ ի մշտաց անկեալ իցեն՝ բազում անգամ զբժիշկսն կոչկոչիցեն, սոյնպէս և նոքա որ զանբժշկական աստն ծընկէին, զայրանային առ ցաւսն՝ արկանել զարդարն յարդարութենէ։ Զի այնպէս իմն է առաքինութիւնն, և յայտնելովն միայն կարէ տրտմեցուցանել զայնոսիկ որ ի չարիսն կեցցեն. և այնպիսի իմն են չարիքն՝ և ոչ յորժամ յանդիմանիցի, բազում անգամ և ի գալլստենէն տաղտկայ այնոցիկ որ արդարութեամբն կամին կեալ։ Եւ արդ. կրկին իմն է ամբաստանութիւնն. նախ զի կապեն զարդարն, և ապա իբրև դժպշի զոմն կապեն. յորժամ ոչ միայն ոք զօգտակարսն չընդունիցի, այլ և փնասակարս ևս զօգտակարսն համարիցի, զիւն ինչ այնուհետև ուղղութեան պատճառք ի միջի գտանիցեն։ Ասան որոյ իբրև ետես մարգարէն թէ յայնպէս վերջին կորուստ կործանեցան, ձայն առնոյր, ողբս յօրինէր. ոչ ամբաստանութեամբ ինչ

1 Յ. Զանծութիւն։ Յ. Զգերազանցութիւն։

մեղադիր լինելով, այլ աշխարելով և ողբալով: Վայ, ասէ, անձանց նոցա, և զայլսն մի ըստ միօջէ իմաստութեամբ. զի խորհեցան, ասէ, զխորհուրդս չարս զանձանց. թէպէտ և իրեն կարծիցին թէ արդարոյն ինչ ստնանիցեն, այլ թէ որ հաւաստեալ քննիցէ՝ փնտնանդէն՝ ի չարչարելիսն դառնայ: Եւ անտի ուսանիմք զի արդարն թէպէտ և բազում անգամ վիշտս կրիցէ՝ ոչ ինչ փնասի, իսկ որք դժերեն՝ նորա անձամբ անձին սրեն սուսեր. զոր օրինակ և սոքա արդարոյն փնաս ինչ ոչ արարին՝ ի կապէն, և զանձինս՝ ի խաւարի և յաւերակի նստուցին, վասն զի մերժեցին զճրագն յաչացն:

« Արդ այսուհետեւ ըստ գործոց ձեռաց իւրեանց կերիցեն »: զի այնպիսի ինչ են չարիքն, զի ինքն անձամբ յանձնէ ունի զպատիժս. որպէս և աստ, ասէ, ի պողոյ գործոց իւրեանց վայելեսցեն, զի ինքեանք հաստատեցին ի վերայ իւրեանց զաւերածն, և անձամբ զանձինս արարին քարավէժ:

« Վայ անօրինին, չարիք անցցեն ընդ նա ըստ գործոց ձեռաց իւրոց »: Տեսանէս, զի միշտ ի մէնջ է չափ պատժոցն, և ի մէնջ սկիզբն լինելոյ. վասն այսորիկ մարդարէս դարձեալ աշխարէ և ողբայ, զի ինքեանք զանձինս նենգեցին չրէպք, և առաւել քան զամենայն զգժնդակ պատերազմն, անձամբ եղծին զանձանց փրկութիւնն, քան զոր ոչ այլ ինչ մեծ լինիցի թշուառութիւն:

« Ժողովուրդ իմ, հարկահանք ձեր ճապաղ առնեն զձեզ »: Այս իմաստուն վարդապետի է, յորժամ բանին բազում դէմն դնիցէ. զի ոչ միայն ըզխիստն և ոչ միայն զկակուղն, այլ մերթ զայն, մերթ զայս, զի բազմադիմի բանին յաճախիցէ շահ օգտի. վասն այնորիկ մարդարէս ոչ միայն պատուհասէ, այլ և ողբայ, որ ծանրագոյն է քան զպատուհասն և սակաւ ինչ ազգէ զցաւն: Եւ զարմանք այս են, զի վիրին հատած ի խոր է, և ցաւքն մեղմադոյնք. և ոչ միայն ողբայ՝ այլ և բժշկէ. և այլ իմիջ զվարդապետութեանն՝ զարմանալի ցուցանէ օրինակ. և զմէն իցէ. զի ոչ ամենեցուն միանգամայն սաստէ, այլ քակէ զժողովուրդն յիշխանացն, և ի նոցա գլուխն թափէ զպատուհասն, և այսպէս իմն շահաւոր ցուցանէ զօրինակս:

իբրև զՄովսէսն բազում յաճախութեամբ առնել
 զնոյնս. զի սա թէպէտ և ամենեքեան ընդ պատժովք
 էին, զիշխանսն և եթ պատուհասէ. և Մովսէս՝ թէպէտ
 և զժողովուրդն եգիտ գործեալ զգործ անօրէնու-
 թեան, զԱհարոյն պատուհասէր, որ չէր ինչ այնպիսի
 պատուհասից արժանի, թողեալ զայնոսիկ՝ որ բուն
 պատժապարտքն էին, և յայն՝ որ ոչ այնպէս վնասա-
 կար էր՝ ածէր զմեղադրութիւնն, և պատուհասիւքն՝
 որովք զիրագէտ չարեացն նոցա պատուհասէր, մեծա-
 մեծ պատիժս՝ ի վերայ ամպարշտելոցն ածէր, որ և
 եղև իսկ. զի առ նոսա և ոչ բանս ծախեաց որպէս առ
 Ահարոյնն, այլ զարդիւնս եցոյց. զի այնչափ հազարս
 իբրև զմի մարդ տապաստ արկանէր. և ահ և երկիւղ
 նոքօք ամենայն բանակին արկանէր, Զի յառաջագոյն
 տեսեալ Մովսէսի, մինչդեռ իջանէր՝ ի լեռնէն, զտախ-
 տակսն վաղվաղակի՝ ի բաց ընկենոյր, և զԱհարոյն
 պատուհասել մատչէր, եթէ Զի՞ արար քեզ ժողո-
 վուրդն, զի արարեր ոտնհար թշնամեացն. այնպէս և
 մարգարէս նմանել սրբոյն երկուք օրինակօք. ոչ միայն
 պատուհասէր յայնժամ Մովսէս, այլ և վշտակից լի-
 նէր, և ապա զպատուհասն ի մէջ բերէր. նոյնպէս և
 սա երկողումք նմանող լինի Մովսէսի. « Ժողովուրդ
 իմ, հարկահանք ձեր ճռաքաղ առնեն զձեզ ». և զիշ-
 խանս պատուհասէ և ժողովուրդեանն վշտակից լինի. իսկ
 հարկահանս աստ թուի ինձ թէ ոչ միայն զհարկա-
 հանսն կոչէ, այլ և զյափշտակողսն, որք անիրաւու-
 թեամբ մերկանային զժողովուրդն. իսկ եթէ և զհար-
 կահանացն իսկ ճառիցէ, սակայն և աստ տես զիմաս-
 տութիւնն մարգարէին, զի ոչ զարդար հարկն խոտէ,
 այլ զաւելորդն և զանչափն. քանզի ոչ ասէ՝ եթէ
 հարկս հանեն, այլ զի ճռաքաղ առնեն, այս ինքն է
 մերկանան, ընչաթափ առնեն. ի դէմս հարկահանու-
 թեան զայս բան փոփոխեալ յորջորջումն այգեկրթաց
 և հնձողաց ճառէ, զի ճռաքաղն և հասկաքաղն առ-
 նել այն է՝ զի և զմնացեալն ևս պտուղ և զհասկն՝ կ
 կթոց և ի հնձոց որոնիցեն, և մի ինչ ամենեկն թո-
 ղուցուն յանդին, զոր և նոքայն իսկ առնէին, զբարին
 զամենայն յափշտակէին և մերկանային զնոսա.

« Ոք պահանջեն զձեզ՝ տիրեն ի վերայ ձեր ». որ

ևս անհնարին դժնդակագոյն է, զի ոչ միայն յագահութեան կային, այլ ևս յառաջ ձգէին զբռնաւորութիւնն, զի զազատս ևս 'ի ծառայութիւն արկանէին: « Ժողովուրդ իմ, որ երանենդ ձեզ՝ դոքա խաբեն զձեզ »: Աստ թուի ինձ թէ զսուտ մարգարէիցն ակնարկէ, և կամ զայնցանէ՝ որք բանիւք պաշտօն առնէին, զի մեծամեծ քնապք և յայսպիսի իմն ստկանաց լինին, վասն որոյ յարէ 'ի նոյն, թէ « Զլաւիղս ոտից ձերոց խռովեցուցանեն »: ոչ տան թոյլ ուղիղ գրնալ, կամակորեն, մեղկեն, 'ի Ծուլութիւնս դարձուցանեն:

« Այլ հասանէ Տէր ինքնին յատեան դատաստանի, և դատի զԺողովուրդս իւր, ինքն Տէր 'ի դատ եկեացէ ընդ ծերս Ժողովրդեան իւրոյ և ընդ իշխանսն ողոյս »: Տակաւին 'ի նմին ուղղութեան կայ. զի 'ի Ժողովրդենէն՝ առ Ծերունիսն և առ իշխանսն դարձուցանէ ըզսասան, և ահագին իմն տայ զպատգամսն, իւրովի զԱստուած յատեան մատուցանէ, և զԺողովրդոցն մեղս իշխանացն պահանջէ: Վասն որոյ ասէ. « Այլ արդհասանէ Տէր ինքնին յատեան դատաստանի »: քանզի պատուհասն ծախեաց զբանսն, և անհանձարացն ոչ այնպէս պատուհապքն ծանունք թուին՝ որպէս տանջանքն ահագինք, յայտնէ եթէ ոչ բանից և եթ սպառնալիք են, այլ և արդեանց պահանջմունք, նորին իւրովին 'ի դատ մատուցեալ պահանջէ, և ըստ նոցա զիջանէն՝ զԱստուծոյ զբազում զերկայնմտութիւնն յայտ առնէ, և մորմոքեցուցանիցէ բանիւք, զի մտացեաց աւելի ահ և երկիւղ 'ի միտս արկանիցէ, ոչ վասն այնր միայն որ վերագոյնն ասացի, թէ 'ի Ժողովրդենէն դարձեալ գիշխանսն և զԾերսն պատուհասէ, այլ և ուսուցանէ զամենեւեան թէ քան համկին՝ իշխանացն պատիժքն ծանունք են. զի մին վասն իւր միայն պատժի, և միւսն վասն իւր և վասն Ժողովրդեանն՝ որ նմա յանձն իցէ՝ տացէ համարս: Զի Ծերքն ոչ այնպէս յանիրաւի ինչ պահանջին, զի մանկտոյն՝ սկիզբն կենաց, Ծերոցն՝ կատարած հասակաց է. արժանի է և մանուկն պատուհասից վասն անարժան ինչ մեղաց, իսկ որ կատարեալն իցէ հասակաւ և յուզից եռանդման մանկութեան կասեալ, այնպիսի ինչ վտանգ ինչ իցէ, նմա

դիւրին է կարգացն ուղղութիւն, զի ընդ բազում իրս
և անցեալ իցէ. ապա եթէ 'ի լկտութիւնս ինչ անա-
ռակութեանց 'ի կատարեալ հասակին անկանիցի, ևս
աւելադոյն պատժոց արժանի է, զի 'ի ծերութեանն՝
զխակութեան գործ եցոյց:

« Դուք զի հրկէզ արարէք զայգի իմ, և յափշտա-
կութիւն տնանկին է 'ի տունս ձեր »: Ամենայն ուրեք
Աստուծոյ փոյթ վասն զրկելոց է, և զաղքատաց նե-
ղութիւն՝ գրեթէ յիւր դէմն ընդունի, և է ուրեք զի
և աւելի յայնժամ բարկանայ՝ յորժամ 'ի ծառայա-
կիցան իւրեանց մեղանչիցեն մեղանչականքն. և յայտ
այնու է, յորժամ զպրոնիկ ոք կին ունիցի՝ հանել
հրամայէ, թէպէտ և զմի մեղսն 'ի նմա մեղանչիցեն,
և զմիւսն մարդիկ առ մարդիկ. և զպատարագն 'ի վե-
րայ սեղանոյն թողուլ հրամայէ, զի նախ երթիցէ ընդ
ընկերին հաշտեցցի, և ապա եկեալ՝ նմա պատարագ
մատուցէ. և որում զբազում տաղանդն էր տուեալ,
որ են լտեքք, և պահանջէր վասն իւր, և ոչ չար ան-
գամ կոչեաց զծառայն, այլ վազվաղակի հաշտեցաւ և
զպարտոն եթող. իսկ յորժամ պարտապանն զհարիւր
դահեկանն 'ի ծառայակցէն պահանջէր, և չար ծառայ
կոչէր և դահճաց մատնէր, և չտայր թոյլ մինչ զամե-
նայն պարտոն պահանջէր. և յորժամ ինքնին Քրիստոս
զապտակն առնոյր 'ի ծառայէն, ոչ ինչ զայրանայր ծա-
ռային, այլ մեղմագոյնս տայր պատասխանի. Թէ չար
ինչ խօսեցայ, վկայեա վասն չարին, ապա թէ բարի
խօսեցայ, ընդէր հարկանես զիս: Իսկ յորժամ Յորու-
բովամ ձգեաց զձեռն ունել զմարգարէն, գօսացոյց
զձեռն՝ զի զքեզ խրատեսցէ. զի յորժամ քո ինչ իրք
իցեն, զայն վրէժսն մի խնդրեր, և յորժամ անբունի ինչ
իրք իցեն, անդ մահու չափ մարտնչիցիս: Վասն որոյ և
յօրէնսն ուսուցանէ, զի թէպէտ և երկրորդ պատուի-
րան իցէ զընկերն սիրել, սակայն առաջնոյն նման է. որ-
պէս զառաջինն զառաւելն՝ մեծաւ զգուշութեամբ պա-
տուիրէ, նոյնպէս և զերկրորդն. զի անդ ասէ, թէ
Յամենայն սրտէ քումմէ և յամենայն մտաց քոց սի-
րեսցես զտէր Աստուած քո, և աստ՝ թէ Զընկերն ի-
բրև զանձն: Եւ ամենայն ուստեք է իմանալ եթէ որ-
պիսի ինչ սէր հրամայէ ունել ընդ միմեանս, որպէս և

աստ ահագինս իմն բարձառի, եթէ «Դուք ընդէր հըրկէզ արարէք զայգի իմ» . զոր օրինակ հէն և այլազգիք անողորմ լինիցին, նոյնպէս և դուք առ ձեր ընտանիսն անողորմ գտայք : Այգի՛ զժողովուրդն կոչէ վասն բազում դարմանոցն՝ զոր յերկնից դարմանեաց զնոսա . և մեծ իմն ցուցանէ զպատուհասն . ոչ, ասէ, զծառայակիցս ձեր հրկէզ արարէք և ոչ զեղբարս կամ զընկերս, այլ զիմդ, ասէ, կորուսէք, զիմդ աւերեցէք . և ապա զօրինակ հրկիզութեանն յայտ առնէ :

«Յափշտակութիւն, ասէ, տնանկին է՝ ի տունս ձեր» . զի ոչ այնչափ ապականէ հուր զայգիս, որպէս անիրաւութիւն զաղքատս և զտնանկս . քան զամենայն մահ՝ ևս դառնագոյն է, ամենայն ուրեք չար է յափշտակութիւն, առաւել ևս յայնժամ՝ յորժամ աղքատ իցեն որ յափշտակիցին . և ոչ միայն սաստէ, այլ և ուղղել կիսմի գինսն :

«Դուք ընդէր զրկէք, ասէ, զժողովուրդ իմ» . որպէս անդ ասէ զայգիդ իմ, նոյնպէս աստ՝ զժողովուրդ իմ : «Եւ զերեսս տնանկաց ամաչեցուցանէք» . զորս կանգնեւն պարտ էր՝ գլորէին, զորս յարուցանեւն՝ կործանէին, զի հանդերձ յափշտակութեամբն և այսն ևս առնէին, և քան զծառայա ևս չար կռփէին . ընդ ագահութեանն և ամբարտաւանէին ևս, քանզի լծակից իմն են ամբարտաւանութիւն և ագահութեանն ախտ . զի որչափ մեծանայ դք, այնչափ աճեցաւ հպարտութիւնն :

«Այսպէս ասէ Տէր զօրութեանց» . այսինքն է հրեշտակաց, հրեշտակապետաց, վերնոց զօրութեանց ամենեցունց . յերկրէ յերկինս առաքէ զսողն, զվերին մեծապատիւ թագաւորութեան ճառս՝ ի միտ արկանէ, զի գէթ այնու զարթուցանիցէ առնել զգաստագոյնս, առ ի ցուցանել թէ երկայնամտութեամբ ներէ և ոչ ի տկարութենէ արգելու : «Այսպէս ասէ Տէր զօրութեանց . փոխանակ զի հպարտացան դըստերք ձեր և գնացին ի բարձր պարանոց, յօնովք ակնարկէին, և ի գնացս իւրեանց քարշէին զստորոտս իւրեանց, և ոտիւք կաքաւէին : Եւ խոնարհեցուցանէ Աստուած զիշխանս դատեր Սիոնի, և մերկասցէ Տէր զզարդ նոցա յաւուր յայնմիկ, և հանցէ՝ զփառս հան .

դերձից նոցա և զգարդս նոցա, և զհիւսս և զծամակալս և զպսակակալս և զմահիկս նոցա և զպաճուռնս երեսաց նոցա, զքօղեայս և զապարանջանս և զմահեանդս նոցա, զգլինդս և զմատանիս և զկշտապանակս իւրեանց, զեզրածիրանին և զմիջնածիրանին, զառանին արկանելիս, և զարտաքին խլայտեռս լակնացիս, զծիրանին և զկարմիրն, զբահեզն, զոսկէհուռն, զերկնագոյնն, զշղարշատեռն, զճամկաւորն, զոսկեճամուկն, զոսկէտոտունն և զկապուտակագործն, Եւ եղիցի փոխանակ հոտոցն անուշից՝ փոշի, և փոխանակ կամարացն՝ չուան գօտի, և փոխանակ զարդու գլխոցն՝ կնտութիւնն, վասն գործոց քոց. փոխանակ ոսկէհուռ դիպակին՝ քուրձ զգեցցիս. և այս վասն գործոց քոց: Եւ որդին քո գեղեցիկ զոր սիրես՝ սրով մեացի. հզօրքն ձեր ի սուր անկցին և խմնարհեսցին, և սուգ զգեցցին սապատք զարդուց ձերոց. և մնասջիր միայն և յերկիր կործանեսջիր՝ »:

Նոր իմն իրս արար զայս մարգարէս՝ զի այսչափ երկայնեաց զբանս առ կանայս, զոր ոչ երբեք գտանեմք այսպիսի ինչ ի գիրս. և արդ զի՞նչ պատճառք իցեն նոր իրացս: Ինչ այսպէս թուի, թէ բազում իմն աւելի պերճանք էին ի ժամանակին կանանցն, այնպէս զի և զարամք ելանէին չարիք նոցա, վասն որոյ և ուրոյն առ նոսա ձգէ զսաստիկ պատուհասն. և իբրեւ յերեսաց Աստուծոյ բարբառի առ նոսա ահագինս: « Այսպէս ասէ բա Տէր կամարար. փոխանակ զի հպարտացան դատերք Սիովնի, և գնացին ի բարձր պարանոցս ». զգլխաւոր չարեաց նոցա ամբաստանէ՝ զամբարտաւանութիւն և զհպարտութիւն, զի ամենայն ուրեք նոքա են անհնարին չարիք, և մանաւանդ յորժամ՝ ի կանանց ազգի ծնանիցին. քանզի թեթեամիտ և մեղկախորհուրդք են, յորժամ մտանիցէ հպարտութիւն՝ վաղվաղակի կործանէ զնոսա յամենայն չարիս: Թուի ինչ թէ առ Երուսաղեմացւոց կանայսն ձգէ զբանսն, քանզի և դատերս Սիովնի կոչէ զնոսա: « Եւ գնացին, ասէ, ի

Յօր. Յուսելեալ կայ աստէն զկնի բնաբանիս՝ բովանդակ Դ գլուին Եսայեայ, որ չիք ի Ես. և քանզի յօր. ի կարգի մեկնութեան եգեալ է ըստ Ես. վասն որոյ իբրեւ աւելորդ իմն ի բաց թողաւ աստէն:

բարձր պարանոցս ։ Հեգնէ աստ և զկանացի բարոն .
 յայտ առնէ՝ թէ և 'ի միտս անդամ չժուժան , այլ
 յայտ յանդիման մարմնոյն ճեմելեօքն ցուցանեն զհը-
 պարտութիւնն . ոչ միայն յամբարտաւանութիւն , այլ
 զի և ճեմելովն ևս յանառակութիւնս կործանեցան՝
 բամբասէ և , զայս յայտ առնէ յաջորդաւն . « Բռնովք ,
 ասէ , ակնարկէին » . որ պոռնիկ կանանց իմն սեփական
 նշանակ է , զայս յեղեղով , և զշքթանս և զշուայլու-
 թիւնս ցուցանել , ճեմել , ճօճել , զհասակօքն նայել :
 « Եւ 'ի գնացս իւրեանց քարշէին զստորոտս իւրեանց » ,
 որ հտպիտ անառակութեան նշանակ է , զի մեղկին իմն
 և երկայնեն զստորոտս իւրեանց . զայս և յարտաքնոցն
 յերգ արկեալ մըմնջէ . Զիւր զոսոխ և զհանդերձն ,
 ասէ , զպճղմամբքն քարշէր : « Եւ ոտիւք կաքաւէին » .
 և այս ոչ ինչ սակաւ լկտութեան օրինակ է , զի ամե-
 նեին և աչօք և հանդերձիւք և ոտիւք և գնացիւք
 մերկացեալ զցածութիւն՝ 'ի լկտութիւն կործանէին :
 Զի բարուց ոգւոցն 'ի ներքս բնակելոց՝ իբրեւ քարոզք
 իմն են անդամքն հտպիտ խաղալիկք . զի զոր օրինակ
 նկարչաց խաւանեալ զերանգս՝ զինչ կամիցին պատկեր
 նկարել նկարիցեն , նոյնպէս և անդամոց մարմնոց խա-
 ղալիկք՝ զբարս մտացն հաւաստեաւ նկարեն , և յայտ
 յանդիման ամենեցուն ցուցանեն . վասն որոյ և խմաս-
 տունն ասէ , թէ Հանդերձ մարդոյ և Ծաղը շքթանց
 և գնացք ոտից՝ գուշակեն գնմանէն :

« Եւ խոնարհեցուցէ Տէր զիշխանս զդատերօ Սիո-
 փնի . և մերկասցի զգարդ նոցա յաւուր յայնմիկ , և հան-
 ցէ Տէր զփառս հանդերձից նոցա » : Եւ արդ երկուս
 փնասս դնէ , զհպարտութիւնն և զմարմնոյն լկտու-
 թիւնն . և ըստ իւրաքանչիւր երկոցունց բերէ դեղս
 'ի մէջ . աւաջնոյն ըստ աւաջնումն , և վերջնոյն ըստ
 նմին . հպարտութեանն՝ զխոնարհութիւնն , պաճու-
 ճանացն՝ զմերկանալն զարդուցն . զի յորժամ հէնն
 գայցէ , ասէ , ամենայն միանգամայն կորիցէ . որք խոր-
 շիցին 'ի պատուհասիցն և զղջանայցեն՝ ապրիցին 'ի
 պատժոցն , և որք պերճացեալք միշտ գգուիցին 'ի փափ-
 կութիւնս , վարեալ 'ի գերութեան՝ մերկասցին յերջա-
 նիկ փափկութեանցն : Զի Ծանրագոյն առնիցէ զբանն
 և կսկծեցուցանիցէ՝ մի ըստ միովէ 'ի թիւ արկեալ ուր .

ուրոյն թուէ զգարդան զգլխոց և զոտից և զայլոց անդամոց իւրաքանչիւր. և ևս յառաջ մատուցեալ՝ և ըզտանցն զարդարանս համարի. զի ոչ միայն զմարմինս պաճուճէին, այլ և 'ի տունս զորմս զարդարէին, յոչինչ պէտս ծախեալ զոսկին. և զծամն հիւսէին որ են թեք ամեն ' ամենայն պատրանացն, զի ամենեկին շքեցիցին. վասն որոյ ասէ, թէ « Մերկասցէ զփառս հանդերձից նոցա և զգարդ նոցա և զհիւսս և զծամակալ և զպսակակալ », որ պսակ իմն զարդ զգլխոցն պատէին. մնահիկք՝ լուսնաձև իմն զարդ պարանոցացն են: « Եւ զպաճուճանս երեսաց նոցա », թուի ինձ թէ զսնդոյր և զծարիր՝ որով զաչս և զերեսս պաճուճէին. քողէք՝ որ արմկանց վերոյ զոսկի ապարանջան 'ի տիգմն արկանեն, և ապարանջանքն որ 'ի դաստակ ձեռացն:

« Եւ զմեհեանդս և զգլխոց և զմատանիս և զկշտամբանակս և զճեղանակս, զեզքածիրանին և զմիջնածիրանին զառտնին արկանելիս և զարտաքին խլատեռս լակովնացիս »: Վասն զի այնպիսի իմն փոյթ էր նոցա 'ի լկտութիւնս, զի ոչ միայն որ յաշխարհին հանդերձք գտանէին, այլ և 'ի հեռաստանէ և յօտար աշխարհէ ժողովել, զի ընդ ծով յօտար աշխարհ յղէին և բերէին. քանզի մեծ վայրք 'ի միջի են ընդ Պաղեստինացւոց աշխարհն և ընդ Ալակեղոսնացիս, և ծով մեծ և լայնատարած: Քանզի ոչ վայրապար զանուն ազգին յիշէ, ուստի այնպիսի հանդերձք գային. և զի ևս առաւել զգարդասէր լկտութիւնս նոցա յանդիմանեացէ, « Զբեհեղեղէնն, ասէ, և զերկնագոյնն, զկարմիրն և զծիրանին, զբեհեղն ոսկեհուռ, զկապուտակագործն և զշաղաշատեռն, զոսկեճամուկն և զոսկէտուռն »: զի ոչ ուրեք հանդերձս թողուին, և ոչ զարդս ազգի ազգիս, եթէ ոչ իւրեանց աղօթողութեանցն առնէին պարար, առ մոլուցս անհնարին ցանկութեանց: Եւ այսպիսի իրք եթէ յառաջ քան ըզնորհան և պատուհասից արժանի են, մերքս որպիսո՞ւմ ներելոյ թողութեան լինիցին արժանի, որք յերկինս են հրաւիրեալ և 'ի վերին կոչումն առաքելութեանց, որ հրեշտակաց նմանել, զի առաւել քաջութեամբք

1 Այսպէս յօդուին:

յաղթեցեան լկտու թեանցն: Եւ այս եւս չար, զի մեղս
 ևս չհամարին զլկտի պաճուճանսն. վասն որոյ և առ
 սոսա, որպէս և առ նոսա, 'ի դէպ ելանէ բան մարգա-
 րէիս, թէ « Եղիցի ձեզ փոխանակ հոտոցն անուշից՝ փո-
 շի »: Տեսանէս, և զիւրդ զօծու թիւն իւզղոյն խոտէ, և
 մեծամեծ պատիժս ընդ այն սպառնայ. զի փոշի՝ զնոյն
 նշանակէ յորժամ քաղաքն աւերեցաւ, և նոքա 'ի փո-
 շոյ աւերածոյն հեղձնուին, և զհինին գալ, քանզի հրով
 և երկաթով բռէին զստակ քաղաքին. զի զկէսն աւե-
 րեցին և զկէսն հրձիգ արարին: Եւ զայն յառաջագոյն
 ասէր մարգարէն, թէ « Փոխանակ հոտոցն անուշից՝
 փոշի, և փոխանակ կամարացն՝ չուան գօտի »: Յառաջա-
 գոյն զգերու թեանն նշանս տայր, և զանողորմ գերեվա-
 րացն: « Եւ փոխանակ զարդուց՝ գլխոցն կնդու թիւն ».
 զի առ վիշտն հերքն Թափէին. կամ գերիչք կտրէին
 և առնէին նշաւակ, կամ ինքեանք զանձինս. քանզի
 սովորու թիւն էր առաջնոցն 'ի սուգ և 'ի վիշտս՝ կտրել
 կամ գերծուլ, որպէս և Յովք, յորժամ լուաւ զգոյժ
 որդւոցն՝ զհերսն հատանէր, զմորուն գերծոյր: Եւ
 մատուցեալ ևս յառաջ մարգարէիս, քրճաղգամ հրա-
 մայէ 'ի սուգ մտանել, և խզել և գերծուլ. որպէս և
 միւս մարգարէ ասէ, եթէ Խզեաց և գերծիր 'ի վե-
 րայ փափուկ որդւոցն քոց:

« Եւ փոխանակ ոսկէհուռ դիպակագործ պատմու-
 ճանիդ՝ բուրձ զգեցիր »: Եւ արդ չթուիցին այս ա-
 հագին և անհնարին աղէտք: Այլ մեզ ոչ այնպիսի
 միայն պատիժք են. այլ և որդնն թունաւոր և խա-
 ւարն անվախճան սպառնացեալ՝ առնուցու, որպէս նո-
 ցա գերու թիւնն՝ փոխանակ զարդուցն և պաճուճա-
 նացն: Եւ զի յայտ յանդիման ընդ այսպիսի մեղաց ած
 զպատիժս պատուհասից, լուր զիւրդ յորժամ մի ըստ
 միովէ թուեաց զամենայն, ածէ յարէ 'ի նոյն զպատ-
 ճաւան. « Այս ամենայն քեզ, ասէ, վասն զարդուց պա-
 ճուճանաց քոց »: Զի եթէ Հրէից կանայք զարդասէրք՝
 այնպիսի պատիժս կրեցին, զի և քաղաքք նոցա 'ի հի-
 մանէ բրեցան, և յետ այնչափ փափկու թեանց՝ գերիք
 'ի ստրկու թիւն չոգան յօտար երկիր, և սովոյ և սրոյ
 և պէսպէս մահուց մատնեցան, զիւրդ ոչ իցէ յայտ,
 թէ և մեք աւելի ևս պատիժս եմք կրելոց, եթէ նովին

սխտիւ ակտանայցեմք. զի որպէս պատիւքն մեր մեծամեծք են, նոյնպէս և պատիժքն սաստիկք: Ապա եթէ որ կին պաճուճող վայրապարազարդ՝ ոչինչ պատիժս կրեաց, մի ինչ յայն ապաստան լինիցիս. զի սովորութիւն է Աստուծոյ այնպէս զպատիժսն իմն կարգել. ընդ մի որ և ընդ երկուս՝ աստէն հանէ, և զի նոքովք զայլս ամենեւեան խրատեսցէ: Եւ զի յայտնագոյն ևս արարից զբանս, մեղան Սողոմոնցիքն զայնպիսի անհնարին մեղանս, և ետուն վրէժս բարկութեան հրոյն, որ ՚ի վերայ տեղայր առ ՚ի սատակումն քաղաքացն և մարդկանն, և առ հասարակ ամենայն երկրին. և արդ զմնչ ասիցեմ, և յետ նոցա ոչ որ յանդրգնեցաւ գործել. այլ բազումք բազում անգամ ընդ ամենայն տիեզերս. և ընդէր ոչ կրեցին զնոյն պատիժս. քանզի պահեալ են այլում ևս մեծ պատժոց: Վասն այնորիկ միանգամ վասն այնպիսի չարեաց ած Աստուած բարկութիւն և լուեաց, զի որք զնոյն գործ ժպրհիցին գործել, թէպէտ և աստ ոչ տայցեն զտոկոսիս, գիտասցեն ստոյգ թէ չեն ապրելոց անդ: Զիմարդ մարթիցի լինել իրացն, թէ որք յառաջ քան զնորհան և զօրէնան էին, և ՚ի մարգարէիցն ինչ չէր լուեալ, կրեցին զայնպիսի դառն պատիժս վասն այնպիսի մեղաց, իսկ որք յետ նոցա, այսչափ և այսպիսի խնամովք վաշելալ, և զնոսա օրինակ ունիցին առ ՚ի զգաստանալ, որ և անհնարին իսկ առնէ ապրել ՚ի պատժոց զայնոսիկ՝ որ զնոյն գործիցեն:

Եւ եթէ ասիցես թէ ընդէր և նոքա զնոյն պատիժս ոչ կրեցին, գիտասջիր զի ևս մեծամեծ պատժոց պահեալ էին. զի ևս անհնարին պատիժք կան մնան այնպիսեացն՝ լուր Քրիստոսի որ ասէրն, թէ Ղիւրաբոյն լինիցի երկրին Սողոմոնայեցւոց և Գուժորացւոցն յաւուրն դատաստանի, քան քաղաքին այնմիկ: Որպէս զի թէ և ոչինչ պատիժս կրեցին լկտեզարդ ընդ վայրապաճոյճ՝ կանայք, որպէս և Հրէից զարդասէր կանայքն, յայն ինչ ապաստան մի լինիցին, զի երկայմութիւնն՝ ևս առաւել բորբոքէ զհնոցն հրոյն գեհենին: Այսպիսի ինչ Անանիայ և կնոջ իւրում Սափիւրայ դիպեցաւ. զի ՚ի սկզբան քարոզութեանն գողացան յընչիցն, և մեռան սատակամահ. և բազումք

յետ նոցա զնոյն յանդգնութիւնս յանդգնին, և ոչինչ պատժին: Զիարդ պատշաճ իցէ արդար դատաւորին՝ որ ամենեցուն հասարակաց ըստ իւրաքանչիւր պատշաճիցն հատուցանէ. եթէ զսակաւամեղսն տանջեաց, և մեծամեղացն ներիցէ. և ոչ ապաքէն յայտ է թէ որոշեաց օր մի՝ յորում դատելոց է զտիեզերս միանգամայն: Վասն այնորիկ յապաղէ զպատիժս՝ զի երկայնմաութեամբն լինիցին պիտանիք. ապա եթէ ի նմին յանցանս կայցեն մնայցեն՝ ևս մեծամեծ պատիժս կըրեսցեն: Արդ յորժամ զնոյն մեղս՝ զոր այլոց վաղուց գործեալ իցէ՝ գործիցեմք, մի ինչ յայն ապաստան լեալ խնդասցուք, այլ առաւել ևս զահի հարկանիցիմք, քանզի իբրև զօրէնս ինչ զնոցա պատիժս հաստատեաց ամենեցունն Ստուած. որ և խրատէ և ուսուցանէ՝ թէ վասն այնորիկ զայն՝ որ յառաջ ինչ գործեաց մեղս տանջեցի, զի դու այնպիսի ինչ մի գործիցես. և եթէ գործիցես, ևս վաղվաղակի դառնայցես. ապա թէ ոչ՝ գիտասջիր, զի որք զայնպիսի ինչ մեղս գործիցեն, որովք պատժեցան առաջինքն, և որք յետ նոցա զնոյն գործիցեն՝ նոցին պատժոց արժանի են, թէպէտ և առ ժամայն վաղվաղակի ոչ գայցեն՝ ի վերայ:

Եւ յայսպիսի բանս ոչ վայրապար յամեցի, այլ զի չարցաւք մօրին՝ ի տունս արանց առ ի կանանց հրտպիտ պերճանաց և զարդասիրիկ ցանկութեանց, որ և զընչասիրութեանն բռնաւորութիւն պարարէ, ուր և արանց վաստակք ընդ վայր ծախեալ կորնչին, և հանապազորդ կագոյ և կռուոյ և չարահաւանութեան են պատճառք, ուստի և զաղքատսն յորովայն ամանան, Քանզի յորժամ կին մարդ զամենայն ինչ զառնա առեալ զանդամօքն վառիցէ, տառապանք են առնն և ընչիցն ծախք և թշնամանք՝ կնոջն անուղղայ զարդարանքն: Զի յորժամ զոսկին ի գլուխ և յականջ և ի բազուկս վառիցէ, կարճին այնուհետև ձեռք առնն՝ յողորմութիւնս առնելոյ և ի տնանկացն խնամածութեան. և բազում և այլ մեղք ծնանին յայսպիսի իւրաց: Այլ զայս թողեալ, զի նոքա զգայցեն վիրացն՝ որք այսպիսի ախտիւ ջերանիցին, մեք զկարգ ընթերցուածոյ՝ յորում էաքն՝ յառաջ վարեացուք:

Յետ յայտ առնելոյ զնշանս գերութեանն, և ասելոյ, եթէ՝ այդ քեզ փոխանակ զարդուն պաճուճանաց է, ապա և զանհնարին վիշտն ասէ։ «Եւ որդին քո, ասէ, գեղեցիկ զոր սիրես՝ սրով մեռցի, և հզօրքն ձեր՝ի սուր անկանիցին»։ Այս և քան զգերութիւնն ևս դժուր դակագոյն. զի են կեանք՝ որ քան զմահ ևս դառնագոյն են. յորժամ հանդերձ ծառայութեամբ՝ և զտարածամտութեն ևս սգայցեն. միտ դիր, որչափ ևս յաճախագոյն վիշտք իցեն և առանձինն դառնութիւն, զի մի՛ի միոյ վերայ հասանէին. եթէ՛ի գերութեան լինիցի և այն անհնարին աղէտք են, և եթէ անդէն՝ի քաղաքին այնպիսի սուգ, սակայն ևս քան զմահ դառնագոյն են կեանքն։ Այլ այժմ, ասէ, երկրքեան մօտ առ միմեանս լինիցին. և մանաւանդ ոչ միայն երկուս, այլ և երիս և չորս աղէտս պարտ է անուանել զայնպիսի եղեւն, զի և որդին մեռանի և գեղեցիկն և սիրելին, և այն՝ սրով՝ի ձեռաց այլազգեաց. և ոչ ըստ հասարակաց բնութեան վախճանիցի՝ի կենաց. և հանդերձ նոքիմք և ամենեքեան որ՝ի կատարեալ հասակի իցեն՝ չունիցին ինչ յոյս բարութեան, որ մարդկեղէն բնութեանն զօրավիգն օգնականութիւնն իցէ։

«Եւ խոնարհեսցին և սուգ զգեցցին սապատք զարդուց ձերոց, և մնասջիր միայն և յերկիր կործանեսջիր»։ Ամենեին բազմացուցանէ զսուգն, յաճախեսցուցանէ զերկիւղն, աճեցուցանէ զահ, յորովէ զկասկածն, երկայնէ զվշտացն պատմութիւն, յամենայն կողմանց ընթացեալ ժողովէ զտրտմականսն վասն անմտութեան լսողացն։ Զի պարտ էր նոցա այսպիսի սաստիկ օպառնալեօք ստանալ զհանձար, և առնուլ՝ի միտ զվախճան բանիցն ասացելոց. այլ քանզի ոչ իմաստնացան առաջնովքն, ած և զայս՝ի մէջ իբրև զողորմագին իմն, թէ և զսապատս զոսկւոյ և զգարդուց՝ տեսանիցէք ունայնացեալք. զի յուշ առնիցէ, թէ յորժամ տեսանիցէք՝ի գերութիւնն փոխանակ զարդուցն պաճուճանացն՝ փոշոտեալ երիթացեալ զերեսս, զսիրտ և զմիտս ուտիցէք, թէ յորպիսի փառաց յոր թշուառութիւն հասաք։ Զի յայնժամ կարի կսկծեն՝ի նեղութիւնն, յորժամ առաջին ինչ բարութիւնք՝ի միտ անկանիցին. զոր և Յովբ յայտ առնէ ողբալովն, թէ Ո՛

տայր ինձ ամփոս ըստ ամենոց աւուրցն առաջնոցն. և համարի կարգաւ զմեծութիւնն՝ որ իբրեւ յաղբերաց բզխէին բարութիւնք, զպատիւսն, զսպասն, զհարկսն՝ որ գային նմա, զի յորպիսի փառաց՝ յոր տառապանս իջեալ նստէր. վասն որոյ և մարգարէս յուշ առնէ զսպաստս զարդուցն, նա և զայգեացն և զբուրաստանացն զոր լքեալ յիշեցուցանէ. «Մնասջիր, ասէ, միայն»։ զի ոչ ոք է զօրավիգն. ոչ յԱստուծոյ դարմանք, ոչ ՚ի մարդկանէ՝ բանից ընկերութիւնք. յամենայնէ մերկ և կողոպտու մնասցես. շուրջանակի հինիւ և պատերազմովք պաշարիցիս։ Եւ զի զյաճախութիւն թշուառութեանցն ցուցանիցէ, ասէ՝ «Յերկիր կործանես. ջիր»։ ոչ միայն զի անկանիցիս, այլ զի յատակսն հասանիցես։

ԳԼՈՒԽ Դ

«Յաւուր յայնմիկ բուռն հարկանիցեն եօթն կին զառնէ միոթէ՝ և ասիցեն. հաց զմեր կերիցուք, և հանդերձ զմեր զգեցցուք, բայց միայն անուռ քո կոչեսցի ՚ի վերայ մեր. բարձ՚ի մէջ Քնախատինս մեր»։ Զնուազութիւն մարդկանն որ ՚ի պատերազմացն լինելոց էր՝ յայտ կամի առնել, եթէ որպիսի ինչ անօտրեւոյց էին ազգ որդւոցն Հրէից, զի և ոչ դարման անգամ յարանց գտանիցեն կանայք նոցա, թող թէ զսէր և զգութ՝ որ բնաւ ուրեք ոչ գտանիցի. զի գոնեա անուամբ միայն բառնայցին նախատինք այրութեանն. քանզի մեծ նախատինք էին այրութեան՝ ՚ի մէջ Հրէից։

«Յաւուր յայնմիկ ծագեսցէ Աստուած խորհրդով հանդերձ փառօք յերկիր, բարձրացուցանել և փառաւոր առնել զմնացորդս խորայեղի»։ Քանզի յոյժ տրուած ցոյց զնոսա տրտմականացն սպառնալեօք, շրջի միսութարէ հեշտականացն աւետեօք. զի այս իսկ է իմաստուն բժշկի նշանակ իմաստութեան, զի ոչ հատանէ և եթ և խարէ, այլ և զցաւս վիրացն հեշտական գեղովքն կակղացուցանէ. նոյնպէս և մարգարէս առնէ,

ոչ միայն զտխրեցուցիչն ասէ, այլ և յետ չար պատգամացն՝ զբարիսն ընծայեցուցանէ. ոչ միայն զառ ի վշտացն ազատանալ, այլ և զփառաւորեալն և զերեւելին լինել: Ծագումն Աստուծոյ կոչէ՝ որ զխաւար տրտմութեանն մերժէ, և տիւ ծագէ և լուսաւորէ. իսկ խորհրդովքն հանդերձ փառօք, զի իմաստութեամբ որպէս Աստուծոյ վայելէին գործք՝ գործէին:

« Եւ եղիցին մնացորդքն Խորայելի Սիոն, և մնացեալքն Սիոնի սուրբ կոչեացին՝ որ գրեալ իցեն յԵրուսաղէմ ի կեանս ». զի ուսանիցիս, զի ոչ յանկարծադէպ ինչ իրօք եղև փրկութիւն զերծելոցն ի վշտացն, այլ յերկնից կարգեալ հրամանքն. զի իբրև ընդ վարմաւ փակեալ էին և ոչ ըմբռնեցան. վասն այնորիկ ասէ, թէ սուրբ կոչեցան՝ որ գրեալ են յԵրուսաղէմ ի կեանս, զատեալքն, ընտրեալքն, նկատեալքն չմտանել ի պատիժս: Նմանագոյնս ի սուրբս կոչեաց զուսա, զի յայտ արասցէ թէ ոչ վայրաւոր փրկեցան, այլ Աստուծոյ հրամանովն: Այլ և այլ իմն լաւութիւնք գործէին. զի թէպէտ և էին պիտանիք և հեզք, սակայն յետ վշտացն ևս հաստատունք և առաքինիք լինէին. զոր օրինակ ոսկի ի հուր մտեալ՝ զամենայն աղտն մերկանայ, նոյնպէս և պիտանիքն ևս պիտանաւ գոյնք լինին ի փորձութիւնս, զի զամենայն իսկ ծուլութիւնն ի բաց մերժեն:

« Լուսացէ Տէր զաղտ ուստերաց և դստերաց Սիոնի, և զարիւնն Երուսաղէմի սրբեսցէ ի միջոյնորա, հոգւով դատաստանի և հոգւով կիզման »: Թուի ինձ թէ աստ կրկին իմն սրբութիւն ասէ, և պատիժս՝ ընդ մեղացն զոր գործեցին կրել, և փութագոյնս առ հանդերձեալ իրս լինել: Եւ արիւն Երուսաղէմի՝ զտարապարտ հպարտութիւնսն ասէ. զի ոչ գաղտ ինչ կամ ծածուկ կոտորէին զմարդիկն՝ որպէս աւազակք կամ գողք, զի նոքա ի ծածուկ, և սոքա յայտնի առաջի արեգակնն ի հրապարակս և յատեանս: Այլ և որ անտի աղտն լինիցի եկեալ ի պատերազմ ի բաց սրբեսցէ. քանզի և ի ժամանակի հեշտութեանցն, զառաջին տրտմութեանցն պատմէ ճառս, և իրք վշտագինք յայն սակս անցանէին ընդ նոսա, զի լուանայցեն, սրբիցին, ընդ եւանդն անցանիցեն, և զամենայն աղտն ի բաց ընկենուցուն:

և 'ի մեղացն և 'ի սպանութեան նախատանացն սրբիցն զանձինս. և վասն այսորիկ իսկ շրջէ զբանն յայլ սասացիկ յորջորջումն յիրաց ինչ՝ որ մտեալ 'ի բովս՝ սրբիցին. « Հոգւով, ասէ, դատաստանի և հոգւով, ասէ, կիզման » . զի զոր օրինակ անդ հողմն մտեալ 'ի փութան՝ զեռանդնն հորդիցէ, և զամենայն աղտ իրաց ինչ որ 'ի բովսն իցեն՝ սրբեսցէ, նոյնպէս և աստ աստուածապատիժ բարկութիւնն, որով հէնն եկեալ հասանիցէ, մտեալ իբրեւ զհուր 'ի քաղաքն՝ սրբեսցէ զամենայն. ոչ առ ուտել և ծախել, այլ առ 'ի գտել և օրբել. հոգւով դատաստանի՝ զվրէժմն կոչէ, զպատիժմն :

« Եւ եկեսցէ հասցէ Տէր » . գալուստ՝ զազգեցիկ նորա զօրութիւնն կոչէ : « Եղիցի ամենայն տեղի լերին Սիովնի, և ամենայնի որ շուրջ զնովաւ իցեն, հովանի յամպոյ 'ի տուէ և իբրեւ զծուխ և զլոյս հրոյ բորբոքելոյ 'ի քիւէրի : Եւ ամենայն կողմանքն փառօք ծածկեսցին : Եւ եղիցի հովանի 'ի տուրնջեան առ 'ի տօթոյ և 'ի ծածկոյթ թաքստեան՝ 'ի խտութենէ և յանձրեոյ » : Ամպ աստ՝ յետ չարչարանացն որ անդորրութիւնն լինեցոյ էր՝ կոչէ, և հուր բորբոքեալ՝ զմխիթարութիւնն, որ յետոյ լուսաւորեցոյ էր զնոսա. զի որպէս ամպն 'ի տօթոյն զովացուցանէ, նոյնպէս և մթին գիշերի՝ լոյս խարուկի սթափանք են. զի մին 'ի խորչակէ ապրեցուցանէ, և միւսն 'ի խաւարի լոյս առնէ : Զփառաւորութիւնն որ յետ վշտացն՝ հրոյ բորբոքելոյ նմանեցուցանէ, և զդիւրութիւնն՝ ամպոյ. և զի յայտ արասցէ եթէ ոչ առ սակաւ սակաւ փարատել վշտացն լինիցի դիւրութիւն, այլ վաղվաղակի մինչդեռ վիշտն սաստկացեալ իցեն՝ փարատեսցի տրտմութիւնն. զի այնու ևս ուսանիցին, զի ոչ յանկարծադէպ ինչ եղև. նոցա վշտացն փարատումն, այլ 'ի վերին զօրութենէն : « Եւ եղիցի հովանի տուրնջեան առ 'ի տօթոյ » : Աստուծոյ օգնականութիւնքն և զօրավիգն լինելն. զի զոր օրինակ հովանի ինչ 'ի տօթոյ, կամ յարկ կամ քարայր, 'ի սաստիկ անձրևի լինիցի անքոյթ այնմ՝ որ անդր մտանիցէ, նոյնպէս և Աստուծոյ զօրավիգն օգնականութիւն՝ չտայցէ ինչ վշտանալ, թէպէտ և քան զանձրևն ևս սաստիկ զօրքն քայցեն, սակայն կարող է փրկել և ապրեցուցանել :

ԳԼՈՒԽ Ե

«Օրհնեցից զսիրեցեալն՝ յօրհնութիւն այգւոյ սիրելոյ» : Երկեցոյց տրամականօքն, ուրախ՝ հեշտականօքն արար, ազգի ազգի իմն հնարս բժշկութեան կազմեաց. դարձեալ անդրէն՝ ի սկիզբն հանէ զբանն՝ նմանեցուցեալ գլխոյ մարգարէութեանս, զի որպէս ի սկզբանն՝ զերախտիսն Աստուծոյ որ առ նոսա գործէ՝ պատմէ. Որդիս, ասէ, ծնայ և բազմացուցի. և զանօրէնութիւնսն որ առ ի նոցանէ գործեցան յանդգնութեամբ՝ թուէ. ապա ածէ յարէ ի նոյն, թէ Եւ նոքա զիս անարգեցին, և Իսրայէլ զիս ոչ ծանեաւ, և ժողովուրդ իմ զիս ի միտ ոչ առ. նոյնպէս և աստ, թէպէտ և այլազոյնս իմն բանս ճառէ, սակայն միտս զնոյն, զի յայտ արածցէ թէ այն բանք և իսկզբանն՝ միմեանց նման են : Եւ արդ ընդէր արդեւք զի պատուհասեւրց էր՝ զպատուհասն օրհնութիւնս կոչէ : Նախ Մովսէս իսկ հանդերձ քերքն իւրով Մարեմաւ՝ զյաղթութեան երգս օրհնութիւնս կոչէ. Օրհնեսցուք, ասէ, զՏէր, զի փառօք է փառաւորեալ, զհեծեալսն և զերիվարս ընկէց ի ծով : Եւ Դեբովրա յետ սքանչելի յաղթութեանն՝ նմանագոյն իմն զյաղթութիւնն նուագեալ՝ օրհնութիւնս մատուցանէր Աստուծոյ. սոյնպէս և սա, թէպէտ և ի պատուհաս մատչեւրց էր, ուր սաստիկ բանից պէտք էին, և սրտի քաջի և մտաց զայրացեւրց, օրհնութիւն իմն պատմէ, և զպատուհասն օրհնութիւն կոչէ. և ոչ սա միայն, այլ և մեծն Մովսէս յորժամ զյաղթութեան երգան երգէր, զպատուհասն Հրէից օրհնութիւն անուանէր, քանզի այսպէս ասէր. Զայն Տեառն հատուցանէք, և այս՝ ժողովուրդ յիմար և ոչ իմաստուն. և բազում անգամ զպատուհասն նոցա՝ օրհնութիւնս կոչէ յօրհնսն : Եւ արդ ընդէր զպատուհասն յօրհնութիւնս հանիցեն. այլ Հոգւոյն Սրբով իմացեալ, թէ բազում շահ է այնոցիկ որք ախորժեւրով կամիցին լսել. զի չիք այնպիսի ինչ օգտակար

յորժամ միշտ յանցանացն յիշատակք 'ի մոխի կայցեն ,
և չտայցեն յապաղել և դանդաղել առ 'ի դառնալ
յապաշխարուծիւն և ապրել . զի յորժամ յիշատակք
յանցանաց միշտ 'ի մոխի կայցեն , հանապազ զայն մըր-
մընջէ , ընդ այն զքօսնու , և գուծ գեղգեղանաց օրհ-
նութեան՝ իբրև վարդապետ իմն լինի ածել յուղղու-
ծիւնս :

Եւ դուք ձեզէն իսկ գիտէք թէ այլ գիրք այնպէս
ընառնի ումեք ոչ են՝ որպէս սաղմոսքն , զորս յամե-
նայն ժամ ընդ բերան ածեն . և անդատին իսկ յի-
րացն յայտ է թէ սրբափ օգուտ մտաց լինի՝ յորժամ
բանք սաղմոսիցն յօրինեալ ձայնիւք միշտ ընդ բերանսն
գայցեն . վասն այնորիկ և մարգարէն ասէ , թէ « Եր-
գեցից սիրեցելոյն՝ զերգս այգւոյ իմոյ սիրելոյ » . զնորին
երգս սիրելոյն , ասէ , նմա երգեցից . քանզի և պատ-
ճառք օրհնութեանն վասն նորա են և վասն նորին
ինչ իրաց , իսկ եթէ 'ի ժամանակի պատուհասիցն սի-
րելի և սիրեցեալ կոչէ , ընդ այն ինչ մի զարմանար ,
զի և սիրեցեալք՝ ևս և այնչափ վայելեալք յԱստուծոյ
իննամոցն , սակայն ոչինչ եղեն պիտանիք : Զայս և միւս
ևս մարգարէ ակնարկէ . Իբրև գիտող , ասէ , յանա-
պատի գտի զԽորայել , և իբրև զգիտակ վաղահասուկ
'ի թզենւոյ տեսի զհարս նոցա . և զգուծն և զխը-
նամն զոր ունէր ընդ նոսա՝ այսպիսի պտղոց նմանեցոյց .
ոչ վասն գործոց ինչ նոցա ունէր գուծ ընդ նոսա , այլ
վասն իւրոյ բարերարութեանն՝ Աստուած : Եւ զոր ա-
սէն՝ այսպիսի ինչ է . այնպէս , ասէ , սիրեցի զնոսա ,
որպէս ոք զի գտանիցէ խաղող յանապատի , կամ իբրև
զգիտակ վաղահասուկ 'ի թզենւոյ . զի թէպէտ և չիցեն
ինչ արժանի Աստուծոյ օրինակքս , այլ նոցա որկորս-
տութեանն 'ի դէպ են . զի նոքա , ասէ , որ յայսպիսի
սիրոյ վայելէին , օտարացան և մօխն 'ի Բելքեքովը-
նոյնպէս և աստ սիրեցեալ և սիրելի կոչէ զնոսա . զի
Աստուած , ասէ , զիւր զամենայն զերախտիսն եցոյց , և
ոչ վասն նոցա նախ սկիզբն առնելոյ , այլ Աստուծոյ
նախ զսէրն ցուցանելոյ . քանզի և նոքա և ոչ յետ ե-
րախտեացն՝ ցուցին զանձինս արժանի երախտեացն ,
այլ յամենայնի յետս ընդդէմ խոտորնակի գտան :

« Այգի եղև սիրեցելոյն յեղբեր 'ի տեղի պարար-

տութեան »։ Անուամբ այգւոյ զամենայն դարմանս և զինամս որ 'ի նմանէ նոցա լինէին՝ նշանակէ. և ոչ այսչափ միայն, այլ և զայն ամենայն երաստիս համարի. և նախ զկայեանս տեղւոյն ցուցանէ, զի եղջերուն և պարարտութեամբ տեղւոյն՝ զկայեանս երկրին գովեալ ասէ. որպէս և Դաւիթ 'ի սաղմոսն, [Թէ Երուսաղէմ՝ լերինք շուրջ են զնովաւ, և Տէր շուրջ է զԺողովրդով իւրով. զի պարսպեաց զնա և տեղւոյն իսկ կայենեզք. և ոչ այսչափ միայն, այլ և ինքն իսկ պարիսպ հզօր եղև շուրջանակի, զոր և մարգարէս իսկ նշանակէ, զամրութիւն տեղւոյն՝ եղջիւրն և բարձրաւանդակ կոչելով։ Եւ յառաջ քան զայս՝ զԱստուծոյ օգնականութիւնն ակնարկէ, փոփոխական եղջերն յորջորջմամբ. նաև առակք իմաստնոյն զայս յայտնապէս ցուցանեն 'ի զգուշութիւն ապաւինելոցն. քանզի ուժգին քան զբազում անասունս է զուարակ, և 'ի նմա զօրագոյն անդամ՝ եղջիւրն է, զի իբրև զինու իմն վարի նովաւ, որով և ոչ վաղվաղակի 'ի բռնա ուրուք անկանի. նաև գիրք՝ բազում անգամ եղջեր միեղջիւրոյ կողէն զայնոսիկ՝ որ յամրութեան և 'ի զգուշութեան իցեն. վասն այնորիկ և աստ եղջիւր՝ զամրութիւն և զբարձրութիւնն կոչէ, որպէս մօտ 'ի սկիզբնն ասէ, [Թէ Որդիս Ծնայ և բարձրացուցի։ Եւ տեղի պարարտութեան այն է՝ զոր և Մովսէսն ասէ, [Թէ Երկիր՝ որ բղխէ զկաթն և զմեղր։

« Ցանկով փակեցի, և ամրութեամբ պարսպեցի »։ Ցանկ՝ կամ զպարիսպն ասէ կամ զօրէնսն, և զառ 'ի նմանէ խնաման. քանզի օրէնքն ևս ամրածածուկ քան զպարիսպն պահէին զնոսա։ « Ամրութեամբ պարսպեցի »։ այս ինքն է՝ հաստատուն յամենայն կողմանց արարի զամրութիւնն. քանզի ցանկ դիւրառիկ իմն կարծի, վասն այնորիկ, ասէ, և այլովք զօրավիգն ամրութեամբ պարսպեցի։

« Եւ տնկեցի որթ սօվլէք »։ Թէպէտ և յամէ 'ի փոփոխումն անուանցն, չէ ինչ հարկ մի ըստ միովէ ըստ բանիցն մեկնել, այլ հայեցեալ 'ի միտմն՝ շատանալ նովին։ Սօվլէքն ասելով՝ զազնուութիւն և զառաւելութիւն որթոյն յայտ առնէ, եթէ ոչ յոռի տնկոց, այլ յազնուաց և յընտրոց. քանզի բազում

ազգիք են որթոց: « Եւ շինեցի 'ի նմա աշտարակ »: Ու մանք զտաճարն ասեն աշտարակ, և դուք հնձան՝ զսեղանն. վասն զի պտուղք իւրաքանչիւր առաքինութեանց, ասեն, անդր ժողովէին՝ պատարագք և ընծայք. այլ ես որպէս յառաջագոյն ասացի և այժմ՝ զնոյն ասեմ, եթէ ոչ 'ի փոփոխումն անուանցն պարտէ հայել, այլ 'ի միտման. զի ամենեւին այսպիսի իմն կամի ասել, թէ ես՝ որ յինչն էր՝ զամենայն կատարեցի, զամենայն դարմանս ցուցի, ոչինչ աշխատ արարի զնոսա վաստակով, ոչ նոցա ետու գործել և բրել և տնկել, այլ կատարեալ գործեալ ետու 'ի ձեռս նոցա. և ոչ այսու միայն ցուցի զմարդասիրութիւն իմ՝ « Այլ և կացի մնացի բազում ժամանակս, յերկարեցի երկայնմութեամբ, զի բերցէ խաղող, եկն և եբեր փուշ և տատասկ »: Փուշ և տատասկ՝ զանպտղութիւն գործոցն, զխստութիւնն և զանպտղութիւնն յայտ առնեն: Եւ արդ որպիսովմ'եներելոյ թողութեան լիցին արժանի որք զայնպիսի պտուղս ետուն մշակին:

« Եւ արդ, այր Յուդայ և բնակիչք Երուսաղեմի, դատ արարէք ընդ իս և ընդ այգի իմ »: Բազում իրաւանց առաւելութիւն է, յորժամ զպատժապարտսն դատաւորս նստուցանէ իւրոց երախտեացն, և նոցա ապախտաւորութեանն: Եւ արդ չասեմ, ասէ, զհինինչ, այլ այժմ՝ պատրաստ եմ 'ի դատ մտանել. զի ոչ երբեք նուազեցուցի ինչ՝ թէ ոչ զիմն զամենայն կատարեցի, նաև դուք զձեր չարիսն լցէք:

« Եւ արդ զինչ պարտ էր առնել այգւոյ իմոյ և ես ոչ արարի նմա ». զամենայն ինչ արարի, բայց այն միայն զի պտուղ ոչ առնուի. և ոչ ասեմ թէ բազում երախտիս արարի, այլ թէ՝ զամենայն զերախտիսն կատարեցի. արդ պահանջեմ 'ի ձէնք՝ որ վայելեցէքդ, և վկայք երախտեացն՝ զձեզ կոչեմ 'ի դատաստան, ոչ զօտարս և զանտեղեակս: « Վասն որոյ կացի մնացի, եկն եբեր փուշ և տատասկ »: Եւ զոր ասէն՝ այսպիսի ինչ է, « Զինչ ինչ պարտ էր առնել այգւոյ իմոյ և ես ոչ արարի նմա » զի այնչափ մեղան. զինչ մեղ զնիցեմ, զինչ պակասեաց նոցա՝ զի այնչափ չարիս գործեցին:

« Արդ ես ինձէն պատմեցից թէ զինչ արարից ընդ այգի իմ »: Յորժամ զիւր յաղթութիւնն եցոյց, և զնո-

ցա ամեստութիւնն¹ յայտ արար, ապա ածէ զվճիռն 'ի մէջ՝ որ տալոց էր նոցա, ոչ զի դատապարտեացէ, այլ զի երկիրդիւ սպառնալեացն՝ 'ի համեստութիւն դարձուցէ: Աբից զամբուութիւն ցանկոյն և եղիցի յափշտակութիւն. քակեցից զգարիսպ նորա և եղիցի կոխան»։ Ի բաց արարից զգորավիզն օգնականութիւնն, մերկ և կողոպուտ կացուցից 'ի պաշտպանութենէն, 'ի դարմանոցն և 'ի խնամոցն, զի փոխանակ բարութեանցն յորս վայելէին՝ 'ի թշուառութիւն հասուցից։

« Լբից զայդի իմ, զի մի յատցի և մի գործեսցի »։ Դարձեալ զփոփոխական յորջորջումն 'ի մէջ բերէ. զի եթէ Զերմագոյն որ 'ի միտսն կամիցի նայել, զօրինացն խնամաց ասէ, զպատուիրանացն դարմանոց, զի մի վաշելեսցեն 'ի նոսա՝ որպէս յառաջագոյնն, մի վարդապետս ունիցին, մի իշխանս, մի մարգարէս, որք զնոյն զեղծութիւնս ուղղիցեն։ Զոր օրինակ որք զայգիսն գործիցեն՝ բրեն, կակղեն, յատանեն, նոյնպէս և որ զոգիսն դարմանիցեն՝ սպառնան, երկեցուցանեն, ուսուցանեն, մխիթարեն. և արդ ասէ, թէ թափուր յամենայնէ երթիցեն վտարանդի յօտար աշխարհ։

« Բուսցի և կցեսցի 'ի նմա փուշ իբրև 'ի խոպանի. հրաման տաց ամպոց իմոց զի մի տեղասցին յայդի իմ »։ Կամ զաւերած քաղաքին նշանակէ, կամ զիրաքան չիւր ոգւոց քաղաքահեղձոյն լինելոյ 'ի չարիս։ Ամպս աստ՝ ասեն ոմանք՝ զմարգարէսն կոչէ, որք 'ի վերուստ իբրև զանձրև առնուին զվարդապետութիւնն, և տեղային 'ի ժողովուրդն զպատգամն, զի և այն ևս սովորութիւն բառնայցէ 'ի միջոյ. թէպէտ մի և երկու չօգան ընդ նոսա 'ի գերութիւն, սակայն բազմութիւն մարգարէիցն 'ի ժամանակին լռեաց։

« Զի այգի Տեառն զօրութեանց՝ տունն Խարայելի է, և մարդն Յուդայ՝ նորատունկ սիրելի. կացի մնացի զի արասցէ իրաւունս, և արար անիրաւութիւն², և ոչ արդարութիւն՝ այլ աղաղակ»։ Քանզի բազում անգամ 'ի մէջ եբեր զփոփոխականն յորջորջումն, զի այդի և մշակ և գութ հնձան և ցանկ, բրել և յատանել զօրթն՝ ասէ. և զի մի որ յանմտաց որ էին 'ի ժամանակին՝ կար-

1 Յ. Անիմաստութիւն կամ անձանալոզութիւն։

2 Յդ. Պակասէր և որդ անբասութիւն։

ծիցէ թէ վասն այգւոյ ինչ իցեն ճառք, գայ վաղիւ-
ղակի յետոյ միանգամայն զամենայն մեկնէ ասելովն,
թէ « Այդի Տեառն զօրութեանց՝ տունն Խարայեղի է » .
ոչ զտնկոց ինչ խօսիմ, ասէ, և ոչ զանշունչ երկրէ, և
ոչ զքարանց կամ զպարսպաց, այլ զձերոց ժողովրդոցն .
քանզի և յարէ իսկ 'ի նոյն՝ եթէ « Մարդն Յուդայ՝ նո-
րատունակ սիրելի » . զի գրեթէ ամենայն տանն ազգն
անդ էին, և տաճարն 'ի միջի նոցա, և այլ ևս դար-
մանքն, զի քան զայլն առաւել ևս ծագկեալ էին, և
մանաւանդ զի թագաւորաց ազգն անդ էր, վասն այ-
նորիկ կոչէ զնոսա սիրեցեալ, զի այնու առաւել կրս-
կծեցուսցէ, թէ որ այնպէս սիրելիք էին՝ այնպիսի ա-
պախտաւորք գտան: Այնպիսի իմն են օրէնքն այնոցիկ
որ սիրիցեն, և 'ի պատուհասն չթաքուցանեն զիւրեանց
սիրոյն առաւելութիւնն: Եւ աստի այլ իմն ոչ սակաւ
ուսանիմք. և զմնչ իցէ զոր ուսանիցիմքն. զի յորժամ
գիրք այլասացիկ բարբառովք զիրա ինչ նշանակիցեն,
մի՞ միայն և եթ ճաստատել կալ, այլ զմտացն զճեա-
վարել, և ոչ յայլասացիկ բարբառն ճաստատել: Եւ զոր
ասեմա՝ այնպիսի ինչ է. ասացին այժմ գիրք՝ ցանկ և
գուր հնձան, և ոչ թողին զմիտս լռողին յայնմ ճաս-
տատել կալ, թէ որպէս լուան՝ և զնոյն իմանայցէ,
այլ ինքնին զամենայն մեկնեն գիրք. որպէս և աստ իսկ,
թէ « Այդի Տեառն զօրութեանց է տունդ Խարայեղի » .
և Նզեկիէլ ասէ, թէ Արծուին մեծ լայնաթևն եր-
կայնատարածն եկեալ մտանէք 'ի Վիքանան, և կոտո-
րէր զծայրս մայրիցն. սակայն և նա ոչ տայ թոյլ մտաց
քողացն՝ յայնմ ճաստատել կալ, այլ և զմեկնութիւնն
'ի մէջ բերեալ ցուցանէ, թէ ո՞ր արծուին իցէ և կամ
զմնչ մայրն: Եւ սա մատուցեալ յառաջագէտ իմն յոր-
ժամ ատէ գալ յերկիրն Հրէաստանի. և զի մի իշխես-
ցէ լռողն ըստ իւրոց մտացն պատշաճել զերեսս բա-
նին, յայտ առնել զթագաւորն զոր գէտն կոչեաց. և
ամենայն ուրեք գրոց այնպիսի իմն օրէնք են, յորժամ
այլասացիկ բարբառով իրս ինչ ճառիցեն, անդէն վաղ-
վաղակի զմեկնութիւնն այլասացիկ յործըրմանն 'ի մէջ
բերեն, զի յայտ արասցեն՝ եթէ վայրապար է ցանկու-
թիւնն այնոցիկ, որ զայլասացիկն ճաստատել կամին.
զի մոլորեալ իմն այնու այսր անդր հարկանիցին: Եւ

ընդ այս զի զարմանաս, թէ մարդարէքն այսպիսի բար-
բառովք խօսին. ուր և առակագիրն ասէր, թէ Եղն
սիրոյ և յաւանակ շնորհաց խօսեացի ընդ քեզ. և աղ-
բիւր ջուրց եղիցի քեզ միայն առանձինն. և մեկնէ, թէ
վասն էր ասիցէ զայս. վասն ամուսնոյ և օրինաւոր կնոջ,
զի կարճեացէ 'ի պոռնիկն և յօտարոտին մերձենա-
լոյ. սոյնպէս և սա ասաց՝ այգի, և մեկնեաց թէ զինչ
այգին իցէ: Եւ իբրեւ ասաց զպատուհասն և զպատիժն
որ 'ի վերայ գալոց էին, դառնայ այնուհետեւ յաղերս.
« Կացի մնացի, ասէ, զի արասցէ իրաւունս, և արար
զանօրէնութիւն, և ոչ արդարութիւն՝ այլ աղաղակ »:
Յիրաւի պահանջեմ զվրէժս, քանզի կացի մնացի իրա-
ւանց արդարութեան, և նոքա զանիրաւութիւն և զան-
օրէնութիւն և զաղաղակ ցուցին: Աղաղակ աստ՝ զա-
գահութիւնն կոչէ, զանիրաւ ցասումն, զանհանձար
բարկութիւնն, զկռիւսն, զհակառակութիւնն:

« Վայ այնոցիկ որ յարեն տուն 'ի տուն և ագարակ
առ ագարակ մերձեցուցանիցեն, զի զընկերին հանի-
ցեն »: Աղաղակ, ասէ, ցուցին, այսինքն է զյափշտա-
կութիւնն, և զնշանակ ևս զպաիրատութեան և զա-
գահութեան, որ լին է չարագործութեամբ՝ ցուցա-
նէ: Դարձեալ ողբս առեալ ողբայ, զի զբազմութիւն
մեղացն յայտ արասցէ, և զանբժշկական ցաւս նոցա:
Չայս և այժմ տեսնեմք, զի բազումք խնամածու-
թեամբք թեկն ածեն դրացեաց, ոչ զի օգնիցեն ինչ,
զի առաւել նենգիցեն զմերձաւորս. որպէս և հրդեհ
զի ոչով ուտիցէ զամենայն, սոյնպէս և զդրացեաց
զաղքատաց՝ ճարակին հարուստք զամենայն ինչ:

« Մի եթէ միայն ինչ բնակելոց իցէք յերկրի. դա
աւաղիկ ազդ եզլ յսկանջս Տեառն զօրութեանց այդ-
ամենայն »: Զի յայտ արասցէ՝ եթէ 'ի զուր ջանան,
ընդ վայր վաստակին, զի պատիժն և տանջանքն ու-
սուսցեն հաւաստեալ թէ չէք վայելելոց յայդմ՝ զոր
յափշտակիցէք, թէպէտ և վաստակիցէք և զմեղս ան-
ձանց դանձէք, սակայն ոչ վայելիցէք, զի կործանելոց
են, զի ոչ դադարեացէ ակն արթուն: « Ազդ եղև յա-
կանջս Տեառն զօրութեանց ». ոչ զայն ինչ յայտ առնէ՝
թէ լուաւ զչարիսն, այլ զառ 'ի պատիժսն յայտ առ-
նելոյ, թէ յայնմ հետէ խնդրելոց է վրէժ յափշտակու-
թեանցն:

« Զի թէ եղիցին տունք բազումք՝ սակայն յաւեր դարձցին, և եթէ մեծամեծք և գեղեցիկք իցեն, սակայն մի գտցին՝ որ բնակիցեն 'ի նմա »: Զի այսպէս իմն է ագահութիւնն. յորժամ բազում ինչ յաճախէ գոյաւորացն, ապա և յառաջնոցն ևս արկանէ. զոր և աստ իսկ ակնարկէ, թէ յորժամ շինիցէք զամենայն կաղմ, և համարիցիք թէ ամենայն ձեր իցէ, ապա և յառաջին արարոցն անկանիցիք, և լքեալ մնացեալ տունք առանց բնակչաց, զի առաւել քան զփող հընչեալ աղաղակէ զյափշտակողացն թշուառութիւն:

« Ուր գործիցեն տասն լուծք եղանց, եղիցի անդ խաւեակ մի, և որ սերմանիցէ արդուս վեց, եղիցի անդ գրիւք երեք »: Ի քաղաքէն մինչև յանդոցն անպտղութիւնն ձգէ զսասսն, զի յամենայն կողմանց մորմոքեցուսցէ զլոռան. ոչ տունք, ասէ, օւնիցին զբնակիչան, և ոչ երկիրն տայցէ զգորութիւնն. քանզի և իսկզբանն վասն Ադամայ մեղայն՝ փուշ և տատասի հրամայեցաւ բուսանել երկրի, և 'ի բազում արմտեաց սակաւ արդիւնս ժողովել Այեհնի, վասն անհնարին անօրէնութեանցն: Եւ բազում և այլ ուստեք է իմանալ, զի վասն մեղաց մարդկան երկիր տանջի. և ընդ այն մի զարմանար եթէ կարձէ զբերս երկրի և զծնունդս մարդկան՝ անօրէնութիւն, ուր զի և ապականացու իսկ վասն մեր եղև, և անապականացու դարձեալ վասն մեր է լինելոյ. և քանզի ամենեւին իսկ վասն մեր եղև նմա լինել և վասն մերոյ օպասաւ օրութեանն, և այսպէս և այնպէս: Նոյնպէս և առ Նոյիւ, քանզի յանհնարին չարիս կործանեցաւ բնութիւն մարդկան, ամենայն երկիր չփութէին և սերմանիք և տունք և անասնոց ազգք և երկիր և ծով և օդք և լերինք և բարձունք և բլուրք և քաղաքք և պարիսպք և տունք և աշտարակք և ամենայն ինչ միանգամայն յահագին համատարած ծովուն ծածկէին: Եւ դարձեալ յորժամ առնել պարտ էր միւսանգամ ազգաց և ծննդոց, դարձեալ զիւր յորինաւոր վայելութիւնն առնոյր անդէն միւսանգամ երկիր: Եւ այլ ևս իմն իմանալ է, թէ վասն մարդկան պատուոյ և ծով ցամաքեցաւ և դարձեալ անդրէն խոնարհեցաւ և արեգակն նահանջեցաւ և լուսին կասեաց յընթացից և հուր՝ զճոյ գործ եցոյց

և երկիր զծովու և ծով զերկրի. և ամենայն ինչ վասն մարդկան օգտի փոփոխէր, զի քան զամենայն ինչ՝ մարդ է պատուական և ամենայն ինչ վասն նորա եղև. և անդ վասն զի մեղաւ՝ ժողովք Հրէիցն՝ արգելոյր Աստուած զծնունդս երկրի. և թէպէտ և բազում անգամ վատակէին և խոնջէին, սակայն ոչ բանայր Աստուած զարգանդս երկրի, զի անտի ևս իմանայցեն թէ ոչ մշակաց ձեռաց է ճարտարութիւն, և ոչ եղանցն և ոչ լծոցն և արօրոյ, և ոչ երկրին բնութեանն, և ոչ այլ իրիք ինչ այսպիսեաց. այլ ամենեցուն Տէր է, որ առատ ձեռամբ զեղու զամենայն, և յորժամ կամի՝ արգելու զընաւ:

« Այս այնոցիկ՝ որ յառնեն ընդ առաւօտս և զհետ լինին ջրօյն, որ երեկանանն ՚ի նմին, զի գինին անդէն զնոսին այրէ. փողովք և քնարաւ, երգով զգինին ըմպեն, և ՚ի գործս Տեառն ոչ հային, և զգործս ձեռաց նորա ոչ առնուն ՚ի միտ »: Պատուհասեաց զբազում ազահութիւն նոցա, և արմատս չարեաց ցուցանէ զարբեցութիւնն, որ է պատճառք ամենայն չարեաց, և մանաւանդ յորժամ այնպէս յանդգնութիւն իցէ: Եւ տես, զիարդ հենգնէ. զօրն իսկ ցերեկի, ասէ, յայն ծախէք. ոչ յորժամ ճաշ մեծարանաց ումեք առնիցեն, այլ զամենայն ժամանակս, ասէ, արբեցութեանն ժամանակ առնեն. և յայգուէ իսկ հետէ յորումնոցա՝ յանցանաց պարտ էր զգուշանալ, անապակին, ասէ, տան զանձինս, և մինչև ցերեկոյ յայն ծախեն զօրն. զի յորժամ ընկղմիցին յանխառնութեանն խորս, և ՚ի մտաց անկանին և զողիմն ՚ի գերութիւն չարաչար արբեցութեանն մատնեցեն. իբրև զնաւ առանց առաքաստի և առանց ուղղչի և առանց նաւորդացն՝ որ այսր անգր կոծիցի յալեացն սաստկութենէ, և նորա նոյնպէս ծփիցին. վասն որոյ ասէ՝ թէ յարուցեալք յառաւօտէ մինչև յերեկոյ զքօյն զհետ ընթանան. ոչ եթէ զպէտմն և եթէ վճարեն, այլ գործ իմն զայն արարեալ՝ հանապազ արբենային: Իսկ ցբի՝ որ յամբարայն առնէին և ՚ի պէտս գինոյ փոխէին՝ զայն կուէ, քանզի թմբեցուցիչ իմն և արբեցուցիչ է. սա-

կայն նոքա ոչ խորշէին, այլ միշտ զայնր զհետ երթա-
յին. « Որ 'ի նմին, ասէ, երեկանան. զի գինին, ասէ,
անդէն գնոսին այրէ » . քանզի այսպէս է արբեցութիւն,
որչափ ըմպէ որ՝ առաւել պասքեցուցանէ :

Դարձեալ և այլ իմն պատուհաս 'ի մէջ բերէ.
« Փողովք, ասէ, և թմբկաւ և քնարաւ զգինին ըմ-
պեն » . զայս և միւս մարգարէ բամբասէ. Որք ըմպէին,
ասէ, պարզեալ գինի, և անոյշ անոյշ իւղովք օծա-
նէին, որք ուրախ էին 'ի ձայնս փողոց իբրեւ 'ի հաս-
տատնոց ինչ և աննշանակ ոգւոց մեղկացելոց, որք
լկտեցուցանեն զանձինս յայսպիսի ինչ երգս զեղեալք.
զի որպէս արբեցութիւնն ցնորեցուցանէ, նոյնպէս և
երգք մեղկեն զմտացն հաստատութիւնն, զժիւղ ոգւոցն
հարկանեն և յանպայման անառակութիւնս կործա-
նեն: « Եւ 'ի գործս Աստուծոյ ոչ հային, և զգործս
ձեռաց նորա ոչ առնուն 'ի միտ » : Զքանչելիս նորա
ասէ, և զարարածոցս տեսիլ. քանզի զիարդ կարէին
լինել տեսողք՝ որք զտիւն գիշեր առնէին, և զգիշերն
ևս ծանրագոյն քան զմահ. զիարդ կարէին տեսանել
զարեգակն ծագեալ, կամ զերկինս զարդուք պայծա-
ռացեալ, կամ զաստեղս լուսաւորեալս յերեկուն և
յառաւօտին ժամանակի, կամ զայլ ևս վայելութիւն
զարարածոց և զսպասաւորութիւն, որոց ներքոյ և
արտաքոյ փակեալ են աչք հանապազ 'ի թմբիր ար-
բեցութենէ :

« Եւ արդ 'ի գերութիւն մատնեցաւ ժողովուրդ
իմ. զի ոչ գիտացին ճանաչել նոքա զԱստուած, և բա-
զում եղեն դիակունք նոցա, վասն սովոյ հացի և ծա-
րաւոյ ջուրց » : Տէս, և 'ի պատիժն որպիսի ինչ խրատ
կայ. քանզի ոչ վաղվաղակի հերձու զվէրն 'ի խոր, և
ոչ ածէ վաղվաղակի զգերութիւն, այլ նախ սով և ե-
րաշտութիւն. զի մինչդեռ յաշխարհին իցեն, և 'ի սո-
վոյն նեղիցին, լինիցին պիտանիք, և մի ծնկիցեալք
յանհնարին ախտսն՝ ածեն 'ի վերայ անձանց զգորս
հինին: Եւ քանզի ոչ ինչ անսացին, և ոչ ինչ շահե-
ցան, յայն սակս ածէ 'ի վերայ նոցա զանհնարին պա-
տիժսն. այլ նախ քան զայս՝ զայն սպառնայ, և մեծա-
ցուցանէ զձառս սովոյն :

« Լայնեցին, ասէ, դժոխք զանձինս իւրեանց » : Ի.

բրև ոչ ասէ՝ թէ անձն կամ շունչ ինչ իցէ դժոխոց,
այլ երեսս առեալ՝ կամի առնել զբանն յայտնագոյն.
քանզի և յամէ 'ի նմին, եթէ « Բացին զբերանս իւ-
րեանց՝ զի մի ինչ պակասեացէ » . իբրև զահագին ինչ
գազանէ ճառէ. և այն ևս չար է, զի ոչ միայն բերա-
նաբաց է, այլ զի և յազուրդ ոչ գիտէ: « Եւ իջն
փառաւորք, մեծամեծք, մեծատունք, որկորեայք,
ժանտք » : Ժանտք յայն սակս ասին, զի ոչ միայն ին-
քեանք էին ժանտք, այլ և յայլս ևս տային զժանտու-
թիւնն. զի գիտացեա՝ թէ ոչ վայրապար ինչ եկին
իրքն որ գործելոց էին, այլ Աստուծոյ պատիժք և
յերկնից հրամանք: « Եւ 'ի վերայ փառաւորաց և զօ-
րաւորաց և յղփացելոց » . ամենեքին նոքա, ասէ, ի-
ջանիցեն 'ի դժոխս. որ փափուկն իցէ, որ համարիցի
թէ 'ի բարիսն իցէ և ոչ անցանիցէ 'ի նմանէ բարիքն,
և նա խոնարհեսցի և կործանեսցի:

« Խոնարհեսցի, ասէ, մարդ, և անարգեսցի այր, և
աւք հպարտք և ամբարտաւանք՝ խոնարհեսցին. և
բարձրացի Տէր զօրութեանց » : Տէն դարձեալ զդար-
մանս խնամոցն Աստուծոյ, զի ոչ զամենեսեան առ հա-
սարակ սատակէ, և ոչ զամենեսեան 'ի միջոյ բառնայ,
այլ յորժամ ունանք 'ի գերութիւն վարիցին, այլք նո-
քովք խրատեալք՝ պիտանիք լինիցին: Արդ զայս իմն
ակնարկեալ ասէր, եթէ խոնարհեսցին մնացեալքն:

« Եւ բարձրացի Տէր զօրութեանց իրաւամբք, և
սուրբն Աստուած փառաւորեսցի արդարութեամբ » :
Եւ արդ երկուս ինչ բարութիւնս առնէ, զի և նոքա
ապրեալք 'ի բարկութենէն՝ լինիցին պիտանիք, և Աս-
տուած փառաւորեսցի առ ամենեսեան. և զի յորժամ
հարկանէն և պատժէ՝ յայնժամ փառաւորի և բար-
ձրանայ իրաւամբք վրէժխնդրութեանն: « Արածե-
ցին զրկեալք՝ իբրև ցուլ, և զաւերակս մնացելոցն գա-
ռիքն կերիցեն » : Զսուազութիւն մնացելոցն և զա-
ւեր երկրին յայտ առնէ այսուիկ:

« Վայ որք կորզեն զմեզս իւրեանց՝ իբրև երկայն
չուանով, և իբրև սամետէիւք երնջոց լծոյ՝ զանօրէ-
նութիւնս իւրեանց. որք ասիցեն՝ եթէ փութացի
զոր առնելոց իցէ Աստուած՝ զի տեսցուք, և եկեսցէ
հասցէ խորհուրդ սրբոյն Խորայեղի՝ զի գիտացուք » :

Յորժամ մարդարեւքն օպառնային և զահագինն յառաջագոյն ասէին, սուտ մարդարեւքն պաշտօն առնելով ժողովրդեանն՝ զՅիւսն հարկանէին, զմարդարեւիցն բանս սուտ առնէին, և զիւրեանցն՝ ճմարիտս։ Ապա այնուհետև բազումք մոլորեալք 'ի նոցանէ և ոչ հաւատային իսկ մարդարեւիցն. քանզի մարդարեւութիւնն՝ ոչ անորէն միանգամայն ասէին և իսկ և իսկ իրացն վճիռ առնէին. զի մարդարեւութեան բանք էին՝ յառաջագոյն գուշակել, և յետ բազում ժամանակաց գալ բանիցն յարդիւնս. և զի ճառէին բազում անգամ և զսօվոյ և զարոյ, և իրքն իսկ և իսկ ոչ կատարէին, քանզի առ յապա էին գործելոց, 'ի թերահաւատութիւն կործանէին բազումք 'ի մոլորելոցն. լիցի, ասէ, զինչ լինելոցն իցէ, ստուգեսցին իրքն, ցուցէք արդեամբք զխորհուրդն Աստուծոյ։ Եւ քանզի երկայնամտութիւնն Աստուծոյ՝ անհաւատութեան պատճառք լինէր, և յայնմանէ ևս յաճախէին 'ի մեղս առ 'ի չաւատալոյ և 'ի չաւատալոյն՝ ծաւլալ, յիրաւի մարդարեւն օգլայ և ասէ, եթէ իբրև երկայն չուանօք՝ այնպէս ձգէք յանձինս զբարկութիւնն Աստուծոյ և աճեցուցանէք զբարիսն ձեր. և զի չաւատալք բանիցն այն, և եթէ պակասէ զի զարդեանց հանդէս տեսանիցէք, դուք ձեզէն էք՝ որ զբարիսն ձգէք 'ի ձեզ՝ չաւատալով ասացելոցն. վասն այնորիկ և ասէ իսկ, թէ « Վայ այնոցիկ ոյք կորզիցեն զմեզս իւրեանց », այսինքն է զհատուցումն մեզացն՝ իբրև երկայն չուանաւ ձգէին 'ի բացուստ, զվաղուցն կատարեալ զբարկութիւն վրիժուցն. « Եւ իբրև սամեատէիւք լծոյ երնջոց՝ զանօրէնութիւնս ». զի որպէս օւժգին սամեատէիւք լուծ ձգիցի, նոյնպէս և նոքա թերահաւատութեամբ ձգէին յանձինս զբարկութիւնն Աստուծոյ։ Ապա ասէին¹, թէ որպէս ձգէին. « Ոյք ասէին, ասէ, փութացի մերձեսցի զոր ինչ առնելոց իցէ Աստուած, զի տեսցուք ». և միւս ևս մարդարեւ մեղադիր լինի, թէ Վայ ոյք ցանկայցեն աւուր Տեառն. զի կայ ձեր և աւուրն այնորիկ. զի խաւար է նա և ոչ լոյս, և մէգ, և ոչ գոյ 'ի նմա ճաճանչ լուսոյ. որպէս նոքայն չաւատային թէ չիցէ գալոց օրն դատաստանի և պատժոց։

«Վայ այնոցիկ՝ ոյք ասիցեն զարն բարի և զբարին չար . և ոյք դնիցեն զխաւարն լոյս և զլոյսն խաւար . և ոյք դնիցեն զքաղցրն դառն և զզառնն քաղցր» : Դարձեալ զնոյն իրաց ասէ . զի զմարգարէան թշնամանէին և խաբեբայս կոչէին , և զսուտ մարգարէան պատուէին և յարգէին՝ աշխարհէ զանմտութիւն նոցա և ասէ . «Վայ ոյք ասիցեն զարն բարի» , զսուտ մարգարէութիւնն՝ ճշմարտութիւն , և զճշմարիտն՝ ստութիւն , Զի թէպէտ և բանքն ծանունք իցեն , սակայն չի բնէ քաղցր քան զմարգարէութիւնն՝ որք օպառնալեօք բանից՝ փարատէին զբարկութիւնն . և թէպէտ և քաղցր են բանք սուտ մարգարէիցն , ոչ ինչ գոյր դառն քան զայն , զի պաշտօն առնելով յողացուցանէին ¹ և առնէին արժանիս պատժոց : Սոյնպէս զխաւարն և զլոյսն է իմանալ . զի նոքա ՚ի խաւար ձգէին , և մարգարէքն ՚ի լոյսն առաջնորդէին :

«Վայ այնոցիկ՝ որք զանձինս առ իմաստունս ունիցին , և յալս անձանց խորհրդական երևեսցին» : Զի և այս չէ ինչ փոքր մնաս զանձն առ իմաստունս ունել և ըստ իւրոց մտացն և եթ գնալ . զի յայտնանէ լինի և այն՝ զոր և Պաւղոս առ արտաքին իմաստունն ասէր . Զանձինս առ իմաստունս ունէին՝ յիմարեցան . քանզի յայսպիսի մտաց յիմարեցան . և Առաքիւնքն ասէր . Տեսի զմարդն յանձն պանծացեալ թէ իմաստուն իցէ . և յանմտին առաւել յոյս գոյր քան ՚ի նմա : Վասն որոյ և Պաւղոս սաստէ՝ թէ Մի լինիք իմաստունք յանձինս ձեր . և դարձեալ , թէ Որ կամին իմաստուն լինել յիմար լիցի . մի յիւր իմաստութիւնն և եթ պանծանալ և ըստ իւրոց մտացն և եթ գնալ , այլ զիւր խորհուրդն զիջուցանիցէ , և այնմ և եթ տացէ զանձն՝ որ զվարդապետութիւն Հոգւոյն ուսուցանիցէ : Եւ արդ քանզի և էին ՚ի Հրէիցն ոմանք , որք մարգարէիցն չանսային իբրեւ Հովուաց առաջնորդաց , և անձամբ և եթ կամէին իմաստնանալ , որ հպարտութեան օպատճառ էր նոցա , յիրաւի ողբայ՝ թէ «Վայ այնոցիկ՝ որ զանձինս առ իմաստունս ունիցին» :

«Վայ հօգորացդ՝ որ ըմպեն զգինիդ , և իշխանացդ՝

1 Յդ . Յղացուցանէին :

որ խառնեն զքրի »: Ամենայն ուրեք չար է արքե-
 ցութիւն, մանաւանդ իշխանաց՝ որոց ամենայն իբ
 յանձն իցեն: « Որ երթան զհետ ամբարշտութեան
 վասն կաշառոց, և զիրաւունս գողանան զարդարոյ »:
 Լրկին չարիք են, զի զարդարն պարտաւորեցուցանեն
 և զպարտաւորն արդարացուցանեն, և երկոցունց մե-
 ղաց՝ կաշառքն են պատճառք. վասն որոյ և զպատ-
 ճառն 'ի մէջ բերէ, թէ « Որպէս վառի եղէքն 'ի
 հրոյ, այնպէս բորբոքեսցի բոց 'ի վերայ նոցա, և այ-
 րեսցէ զնոսա իբրեւ զմղեղ »: Զի վաղվաղակի հասանե-
 լոց էին 'ի վերայ նոցա պատիժքն: « Եւ ծաղիկ նոցա
 իբրեւ զփռչի »: Զհաստատուն կարգս նոցա մաղեսցէ և
 ցանեսցէ իբրեւ զփռչի:

« Զի ոչ կամեցան զօրէնս Տեառն զօրութեանց
 առնել, այլ գրգռեցին զպատգամս առաւել Սրբոյն
 Խարայելի »: Պատգամս՝ զօրէնսն կոչէ: « Եւ բարկա-
 ցաւ Տէր զօրութեանց 'ի վերայ ժողովրդեանն, բար-
 կացաւ 'ի վերայ լերանց, և անկան դիակոնք նոցա
 իբրեւ աղբ զձանապարհաւ: Ի վերայ այսր ամենայնի
 ոչ դադարեաց բարկութիւնն, այլ տակաւին ձեռն
 իւր բարձրացեալ է »: Պատերազմ իմն անհնարին ակն-
 արկէ, զի և զդիակունս նոցա չառնէ արժանի թա-
 ղելոյ. ոչ զի նոքա տանջեսցին ինչ, այլ զի կենդանիքն
 այլոց հարուածովքն կարձեցցին 'ի չարեացն: Եւ տես,
 զիմրդ սաստիկո իմն բարբառի. ոչ ասէ թէ մի թա-
 ղեսցին, այլ քան զաղբ ևս անարգագոյն ընդ վայր
 անկանիցին ոսկերք վախճանելոցն. որ կենդանեացն
 ահագին իմն թուի, և քան զմահ ևս դառնագոյն:
 Նա և այն ևս չար է, զի թէպէտ և այնպիսի ինչ անցք
 անցանիցեն ընդ նոսա, սակայն և այնպէս ոչ իմաս-
 տնանայցեն, այլ 'ի նոյնս մնացեն. և քանզի ոչ ինչ
 էին գալոց 'ի լաւութիւն, վասն այնորիկ սպառնայ
 զհինին անհնարին հարուածսն. վասն որոյ և ածէ իսկ
 զնովիմբ. « Այսուհետեւ բարձրացուցէ նշան 'ի հե-
 թանոս »: զի մի և երկայնութիւն ճանապարհացն
 դանդաղութիւն ինչ լինիցի նոցա, այնպէս դիւրին է
 Աստուծոյ ածել զնոսա, որպէս որ զի բառնայցէ նշան
 ինչ որ կանգնեալ կայցէ. զոր և 'ի ձիոց հրահանգս
 գողական ասպարիզացն տեսանեմք, զի յորժամ ըզ-

նշանն 'ի միջոյ բառնան, ինքնակամինքն գրգռեալք
յանկարծ արշաւեն 'ի գլխոց ասպարիզացն: Վասն ու
րոյ մարգարէն ակնարկէ, թէ մտադիւր յօժարու
թեամբ գայցեն, իբրեւ յԱրտուծոյ կոչեցեալք. նա
եւ վաղուց եկեալ էին՝ թէ ոչ Աստուծոյ երկայն
մտութիւնն էր խափանեալ: Եւ դարձեալ զի եւս դիւ
րագոյն ցուցանիցէ զգալուստն, « Եւ շնչեսցէ, ասէ,
նոցա 'ի ծագաց երկրէ »: Եւ ընդ այն ինչ մի զարմա
նար թէ յորժամ Աստուած խօսի՝ թանձրագոյն իմն
բանիւք բարբառիցի. ըստ անմտութեան լսողացն՝
նոյնպէս և կերպարանս բանիցն զգեցուցանէ՝ թէ Աս
տուծոյ դիւրին է և իրքն լինելոց է. վասն որոյ և յա
րէ 'ի նոյն. « Թէ ահաւասիկ վաղվաղակի 'ի թե
թեւագոյնս հասանիցեն »:

« Այլ քաղցիցեն և ոչ վաստակեսցեն, ոչ նիրհեսցեն
և ոչ ննջեսցեն »: Զայս յաճախաբար իմն ասէ. քանզի
անհնար էր ոչ քաղցնուլ և ոչ ննջել, զի մարդիկ էին և
զհասարակաց պէտան ունէին. այլ զարագութիւն զօ
րացն, զյօժարութիւնն, զանարգելական մտադիւրու
թիւնն նշանակէ, որպէս և վաղագոյնն: « Այլ լուծցեն
զգօտիս 'ի միջոյ իւրեանց և ոչ զխրացս կօշկացն լու
ծանիցեն: Որոց նեւոք իւրեանց սրեալ են և աղեղունք
լարեալք. սմբակք երիվարաց նոցա՝ իբրեւ զվէմ հաս
տատուն համարեցան և անիւք կառաց նոցա՝ իբրեւ
զմբրիկ փոթորկեալ: Մռնչեսցեն իբրեւ առիւծուք
և հասցեն յափշտակեսցեն իբրեւ զկորիւնս առիւ
ծուց. գոչեսցեն, յարձակեսցին, հատցեն գազանա
բար, ոչ ոք իցէ որ փրկիցէ 'ի նոցանէն: Աղաղակ
լիցի վասն նոցա յաւուր յայնմիկ՝ իբրեւ ծովու խռու
վելոյ պլեաց. հայեսցին յերկինս 'ի վեր և յերկիր 'ի
խոնարհ, և ահա խաւար խստութեան 'ի վարանս
տուայտութեան նոցա »: Եւ ամենեւին զբանսն մեծա
ցուցանէ և զահս յաճախէ և զբարոյիցն պատմէ և ըզգօ
րութենէ և զզխնուց և զերիվարաց և զկառաց. զի 'ի
բազմացուցանել բանիցն՝ ահ 'ի միտս արկցէ լսողացն:
Նաեւ առիւծուց և կորեանց առիւծուց նմանեցու
ցանէ զնոսա. և ոչ այսչափ միայն, այլ և գոչեսցեն ևս,
ասէ, և յարձակեսցին գազանաբար. և այսպէս յամէ
իմն 'ի փոփոխական յորջորջմանն. զի 'ի գազանացն՝ և

‘ի ծով ևս փոխէ զբանն. և այնպիսի ինչ խռովութիւն լինիցի՝ որպէս ծովու ‘ի կուտակել ալեացն յարուցելոցն. և ամենայն հնարիւք ջանայ, զի զահն սատակացուցէ, զի բնաւին մի ինչ կարօտ լինիցին իրացն հանդիսից: Եւ այն ևս չար է՝ զի ոչ վերականգու որ գտանիցի նոցա, ոչ յերկրէ և ոչ յերկնից. այլ անկեալք ‘ի վերին պաշտպանութենէն և ‘ի ներքին օգնականութենէն՝ մատնեցին ‘ի ձեռս պատերազմողացն: Խաւար աստ՝ զվիշտս որ դալոց էին ‘ի վերայ նոցա՝ կոչէ. զի ոչ եթէ արեգական ճառագայթք մթնային, այլ նոցա միջօրեայն ‘ի խաւար էր դառնալոց, որ միշտ նեղելոց և վշտազնեւոց խաւար թաւի լոյսն՝ ‘ի նեղութիւնսն. վասն որոյ և յարէ ‘ի նոյն, թէ « Խաւար խստութեան ‘ի վարանս տուայտութեան նոցա »:

ԳԼՈՒԽ Զ

« Եւ եղև յամին՝ յորում մեռաւ Ողիա արքայ » : Եւ զիսորդ իցէ զի զայլ ժամանակսն ‘ի կենաց թաղաւորացն նշանակէ և զայս ժամանակ ‘ի մահուանէ թաղաւորին. քանզի ոչ ասաց՝ թէ եղև յաւուրս Ողիայ, այլ եղև, ասէ, յամին՝ յորում մեռաւ Ողիա: Եւ զայս ոչ վայրապար, այլ և զծածուկս իմն ակնարկէ: Եւ զի՞նչ իցէ ծածուկն. զի Ողիա յորժամ մեծացաւ և յգիտցաւ, սկսաւ և այլ իմն պատիւ ըզձանայ. և քանզի թաղաւոր էր, կարծեաց թէ և ‘ի քահանայութիւնն պարտ է նմա մատչել. յանդգնեցաւ մտանել ‘ի տաճարն և ‘ի սրբութիւն սրբոցն. գովամակ լինէր և ոչ անսայր քահանային. և զի յանդգնեցաւ և եմուտ, վառեաց Աստուած ‘ի ճակատ թաղաւորին բորոտութիւն. և քանզի ըզձանայր աւելի ևս պատիւ՝ քան զորունէին՝ առնուլ, և յայնմանէ ևս զոր տնէին՝ անկաւ. զի ոչ միայն քահանայութիւնն չառ, այլ և ‘ի թաղաւորութենէ անտի ևս անկաւ բորոտութեամբն. քանզի ‘ի ծածուկ սենեկի բնակէր զամենայն աւուրս կենաց իւրոց, և ոչ կարէր յանձնոյն արտաքս ելալ.

նել. նա և ժողովուրդն ամենայն ընդ նմին պատժէին յԱստուծոյ բարկութենէն. զի անփոյթ արարին զօրինացն, և զքահանային՝ որ թշնամանեցաւ՝ վրէժ ոչ խնդրեցին: Եւ զհարդ արդեւք կրեցին ընդ նա պատիժս յԱստուծոյ բարկութենէն՝ ժողովուրդն. այլ զի մարգարէութիւնն դադարեաց, քանզի ցասուցեալ էր նոցա Աստուած, և ոչ ումեք ինչ տայր նոցա պատասխանի. զի ժրջափ ժամանակս թագաւորն՝ ի կեանս էր, նոյնչափ ժամանակս և պատիժքն ձգեցան. և ՚ի մեռանել թագաւորին եբարձ զպատիժսն Աստուած. զայն ակնարկէ մարգարէն՝ յուշ առնելով զժամանակս վախճանելոյ թագաւորին. վամս որոյ և այսպէս իսկ առնէ սկիզբն մարգարէութեանն:

« Եւ եղև, ասէ, յամին՝ յորում մեռաւ Ողիա արքայ, տեսի զՏէր զի նստէր »: Թէպէտ և յաւտարանի ասէ Քրիստոս, թէ ԶԱստուած ոչ որ երբեք ետես, բայց Միածինն՝ որ է ՚ի ծոց Հօր՝ նա պատմեաց. և դարձեալ, թէ Ոչ դք ետես զՀայր, եթէ ոչ որ էն յԱստուծոյ. և ցՄովսէս զնոյնն ասէր, թէ Ոչ դք տեսցէ զերեսս իմ և կեցցէ. և արդ սա զհարդ ասիցէ՝ թէ տեսի զԱստուած. « Տեսի, ասէ, զՏէր »: Ոչ եթէ հակառակ իցէ սորայս այնմ՝ որ ՚ի Քրիստոսէ ասացաւ, այլ առաւել միաբանութիւն. զի Քրիստոս վստն ճմարիտ տեսանելոյն ասաց՝ թէ Ոչ դք ետես. քանզի մերկ և առանց կերպարանօք ինչ երևելոյ զէութիւնն Աստուծոյ՝ ոչ դք ետես, բայց միայն Միածինն. և մարգարէն իսկ որ ինչ իւր մարթն էր տեսանել՝ զայն պատմէր. քանզի ոչ եթէ որպիսին է Աստուած՝ զայն կարաց տեսանել, այլ զկերպարանսն յոր փոխեցաւ. զի այնչափ խոնարհեցաւ, որչափ տկարութիւն տեսողին՝ տեսանել կարէր: Եւ զի ոչ մերկ ետես զաստուածութիւնն՝ ոչ սա և ոչ այլ որ ՚ի մարգարէիցն, ՚ի բանից անտի զոր պատմենն՝ յայտ է. քանզի և ասէ իսկ, թէ « Տեսի զՏէր՝ զի նստէր ». զի Աստուած ոչ նստի, զի նստելն՝ մարդկան կերպարանք են. և ոչ վայրապար նստէր, այլ յաթռ. և Աստուած ոչ բովանդակի և ոչ ընդ սահմանաւ անկանի. քանզի զհարդ որ ամենայն ուրեք մօտ է և զամենայն լնու, որոյ ՚ի ձեռին են ամենայն ծագք երկրի՝ նստէր արդեւք, և ՚ի սակաւ չափ աթռ.

ուոյն ժողովեալ. ուստի յայտ իսկ է՝ զի ըստ մեզ զիջա-
նելոյ զԱստուծոյ նշանակէ՝ որ երեւեցան: Զսոյն և միւս
ևս մարգարէ իբրև յերեսաց Աստուծոյ անհարկեալ
ասէր, եթէ Ես տեսիլս յաճախեցի. այսինքն է՝ թէ 'ի
պէսպէս տեսիլս երեւեցայ. զի եթէ մերկ զաստուա-
ծութիւնն զքեզ տեսանել, ապա ոչ պէսպէս տես-
լեամք երեւէր. այլ զի ըստ մարդկան զիջանէ, երբեմն
այլովք և երբեմն միւսովք կերպարանք երեւէր մար-
գարէիցն: Ըստ ժամանակացն՝ որ առաջի կային՝ նոյն-
պէս և զկերպարանն փոփոխէր. վասն այնորիկ, ասէ,
թէ Ես տեսիլս յաճախեցի, և 'ի ձեռն մարգարէից
նմանեցայ, ոչ որպիսի ինչ էին՝ ասէ, երեւեցայ, այլ
որպիսի դուքն կարէք տանել՝ այնմ նմանեցայ: Տեսա-
նէս, զի երբեմն նստեալ յաթոռ երեւի և երբեմն վա-
ռեալ և երբեմն իբրև վարսաւոր հինաւուրցն և եր-
բեմն հողմով և երբեմն հրով և երբեմն 'ի թիկանց
և երբեմն 'ի վերայ քերովքէից և երբեմն 'ի քրէական
նիւթոց կերպարանս: Եւ արդ, ընդէր արդեւք երբեմն
վառեալ և երբեմն 'ի թիկանց, երբեմն յերկինս, եր-
բեմն յաթոռ և մերթ 'ի քրովքէս: Ոչ այժմ ժամա-
նակ է ասել. զի մի որ այժմ գործն ինչ իցէ՝ մեծ քան
զգործն լինիցի. այլ առ այժմ 'ի պէտս մօտաւոր տես-
լեան իրացս փութասցուք խօսել, թէ ընդէր այժմ
այսպէսնստեալ յաթոռ, հանդերձ սերովքէիւք՝ մարդ-
կեղէն իմն սովորութեան նմանի, Քանզի և վասն
մարդկան իսկ էին պէտք, զի վճիռ իմն տալոց էր մե-
ծամեծ իրաց, և ամենայն իսկ տիեզերաց, մանաւանդ
Երուսաղէմացւոցն՝ կրկին իմն դնէ զվճիռն, զի և պա-
տիժա ածէ քաղաքին և ամենայն հեթանոսաց զբա-
րերարութիւնն, և բազում յոյսս խոստանայ և պա-
տիւս անմահականս: Զի յորժամ դատաւորք յատենի
նստիցին՝ զայսպիսի իրս ոչ եթէ գաղտ վճարիցեն, այլ
յաթոռ բարձրութեան նստեալ յատենի. անդ սպա-
սաւորք, անդ սրահանէք 'ի սպասս ձգին և մերկա-
նան յայնպիսի իրաց. նման այնմ՝ շուրջ զիւրեաւ ցու-
ցանէր սպասաւորս սրդէս, և յաթոռ բարձրութեան
նստէր և տայր այսպիսի վճիռ: Եւ զի ուսանիցիս թէ
ոչ կարծիք ինչ են իրքն, այլ այսպիսի իմն սովորու-
թիւն է Աստուծոյ, կամիմ և 'ի միւսմէ ևս մարգարէ

յայտ առնել. քանզի և առ Դանիէլի յորժամ զահագին վճիռն էր տալոց, նախ քան զտանջանս և զպատիժս Հրէից և զբարութիւնսն՝ որ ամենայն աշխարհաց լինելոյ էին, և անդ աթու լուսաւոր և հազին երևէր և ժողովք հրեշտակաց և գունդք հրեշտակապետաց՝ ի սպաս և Միաժինն նստէր և դպրութիւնք բանային և գետ հրեղէն յորդեալ ելանէր և ամենեկին յօրինեալ չափք ատենից երևէին. զի և այն՝ այսմ որ աստ ասին՝ նման է. թէպէտ և այն յայտնագոյն էր քան զայս. քանզի և ժամանակն՝ յորս իրքն կատարելոց էին՝ մօտ էր, և առ դուրս իսկ եկեալ հասեալ կայր մարգարէութիւնն: Այլ զայն ուսմասիրաց թողցուք, զժողովել՝ ի մի վայր և զերկոցունց մարգարէութեանցն զմիաբանութիւնն ռւսանել միանգամայն. և մեզ զայսց իրացս որ առաջիկայ կան՝ փոյթ յանձին ռնիւմք ասել հաւաստեալ՝ որպէս մեզ մարթիցէ. զի յորժամ զամենայն զբանսն յեզդեղիցեմք՝ այնպէս և մեզ և ձեզ լուսաւորագոյն լինիցի ասացելոցն իմաստ:

Եւ արդ զինչ իցէ, «Տեսի, ասէ, զՏէր նստեալ» . նստեալ յաթու՝ զատենի իմն օրէնս մեզ յայտ առնէ, որպէս և Դաւիթ ասէ, թէ՛ Նստար յաթու դատաւոր արդարութեան. և Դանիէլ ասէ, թէ Աթոռք արկան և ատեանն ռեղդեցաւ. իսկ զլին նշանակել՝ այլ իմն նշանակէ մարգարէ՝ զհաստատութիւնն, զանեղծութիւնն, զմշտնջենաւորութիւնն, զյաւէժ կենդանութիւնն. վասն որոյ և ասէ իսկ, թէ Դու նրստիս յաւիտեան և մեք կորնչիմք իսպառ. այս ինքն է, թէ դու կաս մնաս նոյն միշտ կենդանի, միշտ նոյնպիսի. և զի ոչ վասն յաթու նստելոյ ասէ, անդէն աւրնութեակայ խորոցաւն յայտ առնէ. քանզի ոչ ասէ՝ թէ մեք յոտն կամք և դու նստիս, այլ թէ դու նստիս և մեք կորստականք եմք: իսկ յաթու նստեալ զդատելն յայտ առնէ. վասն այսորիկ տեսանէ նստեալ յաթու բարձրութեան և վերացելոյ. կամ թէ պատմութիւն է՝ զմին ասէ զբարձրացելոյն և ըզվերացելոյ, կամ թէ այլ իմն զսա և այլ իմն զնա ակնարկիցէ, զի բարձր էր աթուն, այսինքն է՝ մեծ. և վերացեալ յերկրէ, քանզի անչափ բարձրութեան երևէր:

« Եւ լի էր տունն փառօք նորա » : Ո՛ր տուն. տա-
 ճարն. քանզի անտի հրաման տայր, նմանագոյն իսկ
 այնպիսի պանայելի տեսլեամբ՝ անդ նստեալ երեւէր.
 զանձառ փառան զոր բանիւ չէ հնար մեկնել՝ փառա
 կոչեաց. լոյս աստ՝ զմեծապայծառ փառան կոչէ, զան-
 ձառն, զանքնին, զոր ոչ ոք կարէ բանիւ մեկնել. և ոչ
 վայրապար փառա, այլ Արտուծոյ փառա :

« Եւ սրորէք կային շուրջ զնովաւ » : Եւ զմէջ իցեն
 սրորէքն. անմարմնական զօրութիւնքն, 'ի վերնոցն
 զնգացն, զորոց զառաքինութիւնն և զերանութիւնն՝
 յանուանց է իմանալ. զի 'ի հերբայեցի լեզու՝ հրեզէն
 բերանք թարգմանին սրորէք : Եւ զմէջ իցէ աստի ի-
 մանալ. զարութիւն էութեան նոցա, զանքուն բնու-
 թիւնն, զերագութիւնն, զանարատութիւնն, զազ-
 դական զօրութիւնն. զի այսպէս և միւս մարգարէն,
 յորժամ զանխաւիան վերին զօրութեանցն զսպասա-
 ւորութիւն կամէր ցուցանել և զերագականտար պաշ-
 տօնն՝ Որ առնէ, ասէ, զհրեշտակս իւր հօղմն և ըզ-
 պաշտօնեայս իւր՝ հուր կիզելոյ. զերագութիւնն, զթե-
 թեւութիւնն, զվաղվաղակի կատարեալ զհրամանսն
 ցուցանէ այս երկու արարածովք : Այսպիսի իմն են
 և այն զօրութիւնք, զի սրբասաց բերանովք միշտ
 փառաւորեն զՏէրն. զի այն իսկ գործ է նոցա, զի
 միշտ զօրհնութիւնն և եթ ունիցին 'ի բերան, զան-
 դադար պաշտօնն : Դարձեալ ցուցանէ զպատիւս նո-
 ցա՝ մերձաւորութեամբ նոցա զաթոռովն. զոր օրինակ
 առաջի երկրաւոր թագաւորացն, նոյնպէս և սրորէիցն
 զօրութիւնք վասն առաւել առաքինութեանցն զվե-
 րին աթոռովն շուրջ պատեալ են, և յանվախձան ե-
 րանութիւնսն վայելեն հանապազ, և զուարճանաւ
 յերանեալ կայանսն սպասաւորութեան :

« Վեց թեք միոյ և վեց թեք միոյ. երկուքն
 ծածկէին զերեսս իւրեանց, և երկուքն ծածկէին
 զոտս իւրեանց, և երկուքն թաուցեալ՝ աղաղակէին
 մի առ մի և ասէին. սուրբ, սուրբ, սուրբ, Տէր զօ-
 րութեանց՝ լի է ամենայն երկիր փառօք նորա » : Եւ
 արդ զմէջ կամիցին մեզ թեքն այնպիսիքն նշանակել.
 քանզի ոչ եթէ թեք իցեն անմարմնական զօրու-
 թեանցն, այլ զի թանձրութեան կերպարանօքն՝ զծա-

Ծուկս ինչ յայտնեսցէ մեզ մարգարէս և ըստ նոցա տկարութեան զիջանելով, որք 'ի Ժամանակի անդ զճանսն լսէին, բայց ըստ զիջանելոյն՝ և իմաստ ինչ որ ըստ ամենայն միտս անցանեն՝ հաւատեալ ցուցցէ մեզ: Եւ արդ զի՞նչ առնիցեն թեքն. զհամբառնալն, զերագութիւնն այնպիսի զօրութեանց. որպէս Ռաբբիէլ թռուցեալ իջեալ յերկնից երեւէր, զի ուսանիցիս զթեթեւութիւնն և զերագութիւնն: Եւ ընդ այս զի զարմանաս թէ զհարկաւոր զօրութեանցն այսպիսի բանս թանձունս խօսի, ուր և զամենեցունն իսկ Աստուծոյ ըստ զիջանելոյ՝ ոչ ինչ դանդաղի այսպիսի բանս 'ի կիր արկանել, թէ կամ զանմարմնաւորութիւնն կամի ցուցանել, կամ զերագութիւնն, զի յամենայն տեղիս բաւական է. Որ շըրջին, ասէ, 'ի վերայ թեոց հոգմոց. թէպէտ և հոգմոց թեք չեն և ոչ նա 'ի վերայ թեոց շըրի, քանզի յամենայն վայրի է. և որպէս յառաջագոյնն ասացի, թէ ըստ տկարութեան լսողաց զիջեալ, այնոքիւք որով մարթն է լինել՝ հանէ զմիտս նոցա 'ի վեր: Եւ դարձեալ, զի զօգնականութիւնն նոցա յայտ առնիցէ և որ յայնմանէ զգուշութիւնն իցէ՝ սոյնպիսի բանս 'ի մէջ բերէ, թէ Խ հովանի թեոց քոց ծածկեցեր զիս. և աստ՝ թեքն ոչ միայն զերագութիւնն ակնարկէ մարգարէս, այլ և այլ իմն ահագին: Զի թէպէտ և ըստ զիջանելոյ մարդկան էր տեսին, քանզի և էր իսկ վասն այնորիկ, սակայն և ոչ վերին զօրութիւնքն լինէին Ժուժկալ այնմիկ. և ծածկելն իսկ զոտս և զերեսս և զթիկունս՝ զգողալն, զգարհուրեն, ըստ չԺուժալ փառաց աթոռոյն՝ յայտ առնէ. վասն այնորիկ իբրեւ պարսպով իւիք՝ թեոցն ամբառնալովք՝ ծածկէին զերեսս իւրեանց. որպէս մեք իսկ սովոր եմք առնել, յորժամ որոտմունք ճայթիցեն, փայլատակմունք շողայցեն, զգուշս 'ի վայր արկանեմք, զերկիր նմարեմք, նոյնպէս և նոքա յահէ փառացն զարհուրին: Զի եթէ սրբէից մեծամեծ և սքանչելի զօրութիւնքն, զԱստուած մինչդեռ յաթոռ նստէր, ոչ կարէին համարձակ տեսանել, այլ և զերեսս և զոտս ծածկէին, ո՞րպէս չափ զքանմիտ կայցէ, որ Ժպրհիցի ասել թէ Աստուած յայտ յանդիման տեսանի, կամ թէ անմահ էութիւնն

քննիցի: « Եւ երկուքն թուուցեալ՝ աղաղակէին »: Եւ զիսչ ինչ թուելն յայտ առնիցէ. այլ զի միշտ հանապազ առաջի Աստուծոյ կան և 'ի նմանէ հեռանալ ոչ իշխեն. քանզի այն իսկ է նոցա առաքինութիւն, զի զմշտնջնաւոր օրհնութիւնսն Արարչին միշտ 'ի բերան ունիցին: Եւ ոչ ասէ՝ թէ աղաղակեցին, այլ թէ աղաղակէին. զի յայտ արասցէ թէ միշտ այն գործ է նոցա: « Աղաղակէին մի ցմի և ասէին. սուրբ, սուրբ, սուրբ »: Եւ այս օրհնութիւն ոչ միայն փառաւորութիւն է, այլ և մարգարէութիւն բարութեանցն՝ որ լինելոցն էին յաշխարհի և կրօնից հաստատութեան: Ընդէր ոչ ասացին սուրբ՝ և լուեցին, և կամ երկիցս՝ և դադարեցին, և կամ երկիցս՝ և այլ յաւելին. ոչ ապաքէն յայտ է թէ Նորորդութեանն մատուցանէին ըզփառաւորութիւնն. վասն այնորիկ երիցս՝ և այլ ոչ յաւելին. զոր Յովհաննէս ասէ՝ թէ զՈրդւոյ ասացաւ, և Ղուկաս՝ թէ զՀոգւոյն, և մարգարէս՝ թէ զՀօրէ: Այլ և յաջորդաւն ևս յայտ են միտք բանիս, զի յետ զփառաւորութիւնն մատուցանելոյ՝ յարէ 'ի նոյն, թէ « Լի է ամենայն երկիր փառօքնորա »: որ ճմարիտ մարգարէութեանն էր՝ յառաջագոյն գուշակել զհանգերձելոց փառացն Աստուծոյ՝ որով ինոց էին ամենայն տիեզերք, այսինքն է գիտութեամբն նորա: Քանզի յայնժամ՝ յորժամ այս բանք ճառեցան, ոչ միայն մի կողմ տիեզերաց կամ երկու, այլ զի և Հրէաստանի երկիրն իսկ լի էր ամբարշտութեամբ, և ոչ որ ուրեք էր որ փառաւորէր զԱստուած. և վկայէ սոյն մարգարէ. Վասն ձեր, ասէ, անուն իմ հայհոյի 'ի մէջ հեթանոսաց: Իսկ յոր ժամ լի եղև փառօք ամենայն երկիր. յորժամ օրհնութիւնս այս էջ յերկիր, և զնդակիցք եղեն մարդիկ վերին զօրութեանցն, և զմի փառաւորութիւն նուագեալ յօրինէին առհասարակ վերինք և ներքինք: Ապա եթէ յամառիցի Հրէայն առ այս զոր ասացաքս, ցուցցէ թէ երբ լցաւ ամենայն երկիր փառօք նորա, այսինքն է՝ երբ ծանեաւ զնա առհասարակ ամենայն երկիր. այլ գիտեմ՝ թէպէտ և յամառիցին՝ չկարեն ցուցանել:

« Եւ վերացաւ դրանդն 'ի ձայնէն զոր աղաղակէին »: Տեսանես, զի զամենայն կարգաւ մի ըստ միովէ

յառաջագոյն գուշակէ մարգարէութիւնն. զի յետ օրհնութեանս այսորիկ և ինքն ամենայն երկրի փառօք նորա, դադարեցին ամենայն հրէական կրօնքն. քանզի վերանալ գրանդւոյն՝ զաւերած տաճարին նշանակէր. զի 'ի տաճարին աւերելն' և այլն ևս ամենայն ընդ նմին քակէր. և զի ուսանիցիս թէ նորս զհինն դադարեցոյց, « Ի ձայնէն, ասէ, վերացաւ դրանդին ». այս ինքն է՝ 'ի գալ հասանել այսր փառաւորութեան և 'ի ծագել շնորհաց և 'ի յայտնել փառացն ընդ ամենայն տիեզերս, ամենայն կարգք ստուերին 'ի միջոյ բառնային:

« Եւ տունն լի եղև ծխով »: Թուի ինձ թէ այս՝ պաշարման ինչ նշանակ է և հինական հրոյ՝ որով այրէին զքաղաքն: « Եւ ասեմ. վայ ինձ՝ զի ես եմ այր տառապեալ և կամ հիացեալ. զի մարդ եմ ես և պիղծ շրթունս ունիմ, և 'ի մէջ պղծախօս ժողովրդեան բնակեալ եմ, և զՏէր կամարար տեսի աշովք իմովք »: Զարհուրեցոյց տեսին զմարգարէն, շտապեաց ահն, շարժեաց 'ի հաստատուն խոստովանութիւն, 'ի միտ առնուլ զիւրոյ անձինն զնուազութիւնն: Զի այսպիսիք իսկ են սուրբք ամենայն, յորժամ մեծապատիւ մեծարիցին՝ յայնժամ առաւել խոնարհութիւն ցուցանեն. այսպիսի էր և Աբրահամ, զի թէպէտ և ընդ Աստուծոյ խօսէր, սակայն հոգ և մոխիր կոչէր զանձնն. սոյնպէս և Պաւլոս յորժամ տեսլեանն արժանի եղև, յայնժամ տրուպ ընկեցիկ առնէր զանձն. նոյնպէս և սա՝ տառապեալ կոչէր զանձնն. նախ զտկարութիւն բնութեանն իսկ խոստովանի, և ապա զմտացն խոստովանութիւն յայտ առնէ: « Եւ պիղծ շրթունս ունիմ » ասէ: Պիղծ շրթունս՝ ինձ թուի եթէ յայս սակա ասէ՝ առ 'ի համեմատութիւն հրեղէնն բերանոց և բոցեղէնն աչաց սրբոց զօրութեանցն՝ որք 'ի ճմարիտ պաշտամանն կային, եթէ՝ զի՛նչ նման եմ ես նոցա: Եւ ոչ այսչափ միայն, այլ և ընդ ամենայն իսկ ժողովրդեանն խոստովան լինի. քանզի յարէ իսկ 'ի նոյն, թէ « Ի մէջ պղծախօս ժողովրդեան բնակեալ եմ ես »: Եւ ընդէր բամբասիցէ զշրթունս պիղծս, այլ զի զանհամարձակութիւն ցուցանիցէ. քանզի և երեք մանկունքն 'ի հնոցին գրեթէ զնոյն բանս խօսեցան. Եւ

ոչ գոյ մեզ, ասեն, բանալ զբերան. և աստ՝ քանզի օրհնութեան և փառաւորութեան ժամանակ էր, և մանաւանդ զի զվերին զօրութիւնսն յայնպիսի օրհնութիւնս տեսանէր, նմանագոյն պիղծ շրթունս աւեր իւր, յայնպիսի յահեղ պաշտօնն կոչեցեալ զիւր շրթունսն՝ յայս միտս կոչէր. « Եւ զՏէր Սաբաւովթ տեսի աչօք իմովք »: Վասն այնորիկ հեծեմ և ողբամ, զի այսպիսի պատուոյ արժանի եղէ, որում չեմ արժանի, զի 'ի վեր է քան զիս պատիւս, անդր 'ի վեր բարձրագոյն քան զիմ բնութիւնս: Իսկ յորժամ ասէ՝ թէ տեսի, մի զձմարիտ տեսիլ աստուածութեանն կարծիցեն, այլ այնպիսի ինչ՝ որ ինչ նմա մարթ էր տեսանել:

Եւ արդ միտ դիր, որպիսի շահք են 'ի խոստովանութենէ. խոստովան եղև զանձն, խոշտանգեաց, և վաղ վաղակի և առժամայն սրբեցաւ. և քանզի այսպիսի բանս խոնարհութեան խօսեցաւ, « Առաքեցաւ, ասէ, մի 'ի սրբէից, և 'ի ձեռինն իւրում ունէր կայծակն ունելովք 'ի սեղանոյն, և մերձեցաւ 'ի շրթունս իմ, և ասէ. Ահաւասիկ մերձեցաւ այդ 'ի շրթունս քո, և բարձցէ զմեզս և զանօրէնութիւնս քո և սրբեսցէ ըզքեզ »: Ոմանք վասն հանդերձեալ խորհրդոցն որ լինելոցն էին, ասեն՝ թէ էր այն օրինակ. զսեղանն և զհուրն որ 'ի վերայ կայր՝ զմատակարարելն 'ի նորումս զօրութեանն՝ որ մերձենայ 'ի բերանս և սրբէ զմեզս: Բայց մեք առ այժմ զպատմութիւնն վարեսցուք յառաջ, թէ վասն էր իրքն գործեցան: Քանզի առաքելոյ էր զմարգարէն առ հրէական ժողովուրդն՝ ահա գինս իմն և անհնարին իրս սպառնալ, առաքէր զսրբէն զի և զերկիւղն մերժեսցէ և համարձակութեամբ ընուցու. զի մի պատճառիցէ որպէս Մովսէսն՝ թէ նրբաձայն եմ և ծանրալեզու, և Երեմիա ասէր՝ թէ մահուկ եմ, նոյնպէս և նա ասիցէ՝ թէ պիղծ շրթունս ունիմ, չկարեմ սպասաւոր լինել այդպիսի հրամանաց, գայր հասանէր սրբէն և սրբէր զմեզս նորա. ոչ իւրով զօրութեամբ, զի այս Հօր և Որդւոյ և Հօգւոյն Սրբոյ միայն է, այլ հրամանաւ և տալով զկայծակնն: Եւ ոչ ասաց՝ թէ ահաւասիկ բառնամ, այլ թէ ահաւասիկ սա բարձցէ զմեզս քո և սրբեսցէ զքեզ, այս-

ինքն հրամանաւ այնորիկ՝ որ առաքեացն, Եւ ընդէր արդեւք ունեւեգք առնոյր սրորէն զկայծականն. ոչ ապաքէն և նա յանմարմնական զօրութեանն էր՝ որք ոչ քնասին՝ ի կայծականց, Ասեմք՝ թէ ըստ լազուժի ջանելոյն Աստուծոյ ընդ մարդկան. քանզի և ի սեղանոյն՝ ուր պատարագքն մատչէին և սրբութիւնքն լինէին՝ անտի առ զկայծականն, Իսկ եթէ ասիցէ որ՝ թէ բերան մարդարէին ընդէր ոչ այրեցաւ, ասեմք՝ թէ և ոչ հուրն՝ հուրս այս երևելի էր, Եւ այլազգ ևս, թէ յորժամ Աստուած գործ ինչ գործիցէ՝ դու զայն մի քններ և մի յանդգնիր ի խոյզ և ի խնդիր արկանել. քանզի և երևելի իսկ և զննելի հուրս՝ երբեմն մերձեցաւ ի մարմինս և ազդ ինչ հրոյ ոչ եցոյց. զի եթէ ուր որթն և ձիւթն այրէին ի միասին և բորբոքէին, մոռացաւ զիւր բնութիւնն բոցն, զայն զի՛ զարմանաս՝ ուր այնպիսի սքանչելի և նորակերտ իրք գործէին, զի սրբեաց և ոչ այրեաց հուրն:

« Եւ լուայ զձայն բարբառոյ Տեառն՝ զի խօսէր և ասէր. Զո՞ առաքեցից և կամ ո՞ երթիցէ առ այն ժողովուրդ »: Տեսանէս, որչափ ինչ վճիռ եցոյց տեսիլն, որչափ ինչ ուղղութիւն պարգևեաց երկիւղն. զի և առ Մովսիսիւ այնպիսի ինչ իրք գործէին, թէպէտ և ոչ սրբէք ուրեք երևէին, և ոչ ինքն նստեալ յաթոռ, սակայն այլ իմն սքանչելի տեսիլ երևէր մարգարէին, այնպիսի ինչ՝ զի և ոչ հայել իսկ կարէր ի տեսիլն, քան զի մորենին, ասէ, բորբոքեալ էր և չայրէր: Սակայն յետ այնր և յետ այլ բազում թելադիր լինելոյ՝ դանգաղէր Մովսէս և այսր անդր հարկանէր և բազում պատճառս հնարէր գտանել. Նրբաձայն եմ, ասէ, և ծանրալեզու, և տես քեզ զայլ որ զոր առաքեսցես. և Երեմիաս՝ զտիս մանկութեանն առաջի դէնէր. և Եզեկիէլ յետ և զհրամանն իսկ առնելոյ՝ զեօթն օր երեկօթս առնոյր յափն գետոյն, քանզի դանդաղէր և վհատէր. վասն որոյ և զառակն ևս յաւելոյր նմա Աստուած, եթէ Դէտ ետու զքեզ տանն Խորայելի, և զհոգիս նոցա ի ձեռաց քոց պահանջեցից. և Զոքնան ոչ միայն հրաժարէր, այլ և փախստական լինէր: Եւ արդ զիսորդ համարձակագոյն քան զամենեսեան, և քան զմեծն իսկ Մովսէս՝ Նսայի և եթ գտանի. զի նո.

րա և հրաման առեալ՝ և դանդաղէր. և սմա և ոչ յայտնի ինչ տուաւ հրամանն, և ընդ առաջ գնաց. քանզի ոչ ասաց՝ թէ երթ, այլ իբրեւ լուաւ յԱստուծոյ՝ թէ զո՞ւ առաքեցից, յափշտակելով արար զհրամանն: Ոմանք ասեն՝ թէ վասն զի յանցեալ, զի զՈգիս ոչ յանդիմանեաց որ ժպրհեցաւ ՚ի չհրամայեալն մտանել, զայն յանցանն, ասեն, կամեցաւ մտադիւր յօժարութեամբն խաղաղել. յայն սակս, ասէին, ընդ առաջ գնաց հրամանին, զի քաւեցէ Աստուած զմեզսն. և պիղծ շրթունս իւր, ասեն, վասն անհամարձակութեանն կոչէ: Այլ ես ոչ առնում յանձն նոցա՝ որ զայս այսպէս ասեն. զի հաւատարմագոյն քան զնոսա է Պաւղոս, որ համարձակն կոչէ զնա. Եսայի, ասէ, համարձակի և ասէ: Վասն որոյ, որպէս և ասեն, և ոչ հասարակ օրինօք վճարեաց զկեանսն, այլ չարաչար տանջանօք մեռաւ ՚ի Հրէիցն. զի ոչ կարէին ժողովունել համարձակութեանն նորա: Այլ ՚ի մտաց կարծեն՝ որ զայս այսպէս կարծեն: Եւ արդ զի՞նչ իցէ առ այս ասել. միթէ չէին զոյգ Մովսիսի իրաց՝ նորա իրք, զի զնա յօտար և յայլազգի աշխարհն առաքէ, և առ խիստ իշխանն որ մոլեալն և կատաղեալն էր, և զսա առ ընտանիս՝ որ բազում ինչ լուեալ էր և զբազում ժամանակս խրատեալք: Ոչ նոյն քաջութիւն էր որպէս և անդ՝ նոյնպէս և աստ հնազանդ լինել հրամանին, իսկ ոմանք ասեն՝ այլ իմն յորդորեաց զյօժարութիւնն նորա. քանզի վասն իւր և վասն ժողովրդեանն խոստովան եղև, և առաքեցաւ սրօքն և սրբեաց զշրթունս նորա, կարծէր՝ թէ այնպիսի ինչ իրք լինելոց էին և ժողովրդեանն, և երթիցէ տայցէ աւետիս. յայն սակս, ասեն, յօժարագոյնս արար յափշտակելով զհրամանն. քանզի որպէս աստուածասէրքն էին՝ նոյնպէս գթած առաւել քան զամենայն մարդիկ սուրբքն. կարծէր՝ եթէ թողութիւն մեղաց երթեալ աւետարանեացէ, վասն այսորիկ վաղվաղակի գնայր ընդ առաջ բանին:

« Ես աւասիկ, ասէ, Տէր, կամ. առաքեա զիս »: Եւ այլ ևս ազգ, զի յոյժ ժուժկալ միտ առ նեղութիւնսն ունէր, և զայս ամենայն իսկ ՚ի մարգարէութենէս է իմանալ. քանզի յանձն առ երթալ, չիշխէր այնուհե-

տե՛ս յետս կալ. և ապա յետոյ լսէր զտրտմականսն: Զի և Արտուած իսկ իմաստութեամբ ըմբռնեաց զնա. զի ոչ նախ ասաց՝ թէ երթ և ասա զայս ինչ, այլ զբօսուցիկ իմն արար զբանն, և անյայտ զառաքելութեանն պայման. և իբրև մտադիւրութեամբ ունկնդիր եղև, ապա և զչարիմն որ հասանելոց էին Հրէիցն՝ յայտնեաց:

« Գնա գու, ասէ, և ասա ժողովրդեանն. լսելով լուիջիք և մի իմաստիք, և տեսանելով տեսիլք և մի տեսիլք, զի խստացաւ սիրտ ժողովրդեանդ այգորիկ. ականջօք իւրեանց լուան և ոչ առին ՚ի միտ, և զաչս իւրեանց կափուցին, զի մի երբեք տեսցեն աչօք և լուիցեն ականջօք և իմասցին սրտիւք և դարձցին և բժշկեցից զնոսա »: Այսմ և ոչ մեկնութիւն ինչ պիտի, քանզի որք ճշմարտիւն գիտէին, նորա բերին ՚ի մէջ և մեկնեցին. Որոտման որդին Յովհաննէս և Պաւղոս, որ զՀին և զնոր կտակարանսն գիտէր հաւատեալ. զի մին ՚ի Հռովմ քաղաքի առ ժողովեալսն առ նա, որք եկեալ էին լսել և յետոյ փախստական լինէին, քանզի խոցէին ՚ի բանիցն, հրապարակագոյժ աղաղակէր, թէ Բաբելոն ասաց վասն ձեր Հոգին Սուրբ, թէ լսելով լուիջիք և մի իմաստիք. և Որոտման որդին՝ նայէր ընդ Հրէայսն, զի զսքանչելիսն տեսանէին և ոչ հաւատային, և կրօնս լսէին և ոչ անսային. յարոյց զՆազար, և զնա սպանանել խորհէին. առ Հայր մերձեցուցանէր, և զնա մոլորեցուցիչ կարծէին, և այլ ընդ այլոյ իմն կարծիս կարծէին զմանէն, յիշէ զմարգարէութիւնս զայս և ասէ. Բաբելոն ասաց Նսայի մարգարէ, թէ լսելով լուիջիք և մի իմաստիք, և տեսանելով տեսիլք և մի տեսիլք¹: Քանզի ներքոյ՝ աք մտացն կուրացեալ էին, չէր ինչ օգուտ արտաքին աչօքն տեսանել. վասն այնորիկ՝ տեսանէին և ոչ տեսանէին, և լսէին և ոչ լսէին: Այլ զպատճառ չլսելոյն և չտեսանելոյն յայտ առնէ՝ զի ոչ եթէ զգայունք² ինչ ապականեալ էին և ոչ բնութիւնն ինչ խեղեալ. « Թանձրացաւ, ասէ, սիրտ ժողովրդեանս այսորիկ »: Թանձրութիւն

¹ Յօր. Պակասէր և Դ Գեորգի:

² Յօր. Օտար գրչաւ՝ զգայունքի:

մտաց՝ ի մեղաց լինի, յերկրաւոր ցանկութեանց. և զայսպիսի թանձրութենէ՝ Պաւղոսի ճառեալ ասէր. Ոչ կարացի ընդ ձեզ իբրև ընդ իմաստունս խօսել, այլ իբրև ընդ մարմնաւորս, քանզի և ոչ ևս կարէիք. նա և արդ իսկ ոչ կարէք. և զպատճառս չկարելոյն բերէ ՚ի մէջ. Ուր հեռ ՚ի ձեզ և նախանձ և հերձուածք և պառակտութիւնք, ոչ ապաքէն մարմնաւոր էք: Եւ քանզի և նոքա հեռիւ և նախանձու ծնկէին, և բազում և այլ ևս չարեօք հեղձեալ էին, թանձրացուցանէին, շացուցանէին զայս մտացն, և սուրբ նայել ոչ կարէին. քանզի այլ ընդ այլոյ իմն կարծէին զոր տեսանէին, Զայս ամենայն տեսեալ մարդարէին՝ հաւատեալ յառաջագոյն գուշակէր. նա և զպատճառս իսկ ախտին նշանակէր: Եւ արդ միտ դիր, զի երկու մարդարէութիւնք են ՚ի ճառիս, զմինն որ վասն եկեղեցւոյ է և վասն ամենայն աշխարհաց լինելոց բարութեանցն, առ որ սրորէքն աղաղակէին՝ թէ սուրբ, սուրբ, սուրբ. Տէր զօրութեանց՝ լի են երկինք և երկիր փառօք նորա. և զմիւսն՝ որ վասն պաշարմանն և վասն պատժոց հրէական ազգացն էր՝ մարդարէին թողին, զի և այսու ուսանիցիս թէ որչափ առաւելութիւն է եկեղեցւոյ:

« Եւ ասացի, ասէ, թէ մինչև ցերբ Տէր »: Տեսանես, թէ որչափ վայրապար կարծեցաք զմտադիւր յօժարութիւն մարդարէին: Եւ արդ քանզի այլ իմն փոխանակ այնր զոր կարծէին՝ լուաւ, զաւերն, զբնաւ սատակումն, աղաչէ զի գոնեա զչափ պատժոցն ուսանիցի. քանզի ոչ իշխէր աղաչել և բնաւ թափել զբարկութիւնն. զի Աստուած յառաջագոյն եցոյց թէ առանց ներելոյ և թողութեան են մեղքն. զի ոչ ընդ խափս ինչ էին յանդգնութիւնքն, և ոչ մտաց յանկարծ յափշտակելոց, այլ ոգւոց գործ արարեալ յանհնազանդութիւնն. իբրև յայն իմն խոկային և ՚ի նոյն զբօսնուին, զի մեծաւ իմն փութով կային հաւառակ Աստուծոյ հրամանացն: Եւ արդ զայս իմն ակնարկեալ ասէր. Զի մի երբեք տեսցեն աչօք և ի մասցին սրտիւք և դարձցին առ իս և բժշկեցից զնոսա: Որպէս որ առ երկիւղածութեան ինչ ջանասցէ բարի ինչ ուսանել, նոյնպէս և նոքա բազում փոյթ

յանձին ունէին զիւրեանց միտման կուրացուցանել, և քանզի ամբաստանութիւնն ծանր էր և պատիժքն անհրաժեշտք, որ ինչ անյայտն էր՝ զայն կամի ուսանել մարդարէս. մանաւանդ զի ոչ ուսանել, այլ՝ ի դէմս ուսանելոյ պաղատանս առաջի դնէ:

Եւ քանզի ոչ կարէր յայտնի վասն արհեստի իրաց աղաչել, ուսանելոյ պատճառանոք հարցանէր աղաչելով. « Մինչև յէրբ Տէր », ասէ. և առ պատասխանի. « Մինչև աւերեսցին քաղաքք ի բնակչաց, և տունք՝ զի ոչ գուցէ մարդ ի նոսա. և լքցի երկիրն աւերակ, և ապա ընդերկարեսցէ Աստուած մարդկան և բազմասցին մնացեալք յերկրի: Եւ ի նմա եղիցի ի վեր քան զտամներորդն և դարձեալ յափշտակութիւն մատնեսցին, իբրև զբւեհնի տերևաթափ, իբրև ըզկաղին՝ զի թօթափեալ իցեն յիրաքանչիւր պատենից. « երմն սուրբ արձան նորա »: Իբրև զմարդարեութիւնն՝ որ առ ամենայն աշխարհ էր լինելոց՝ կատարեաց, ապա փոխէ զքանն ի պաշարումն, և զտամն ազգաց հրաւիրել ի գերութիւն գուշակէ յառաջագոյն. և առ երկուս ազգս զերկայնմտութիւնն Աստուծոյ՝ որ յայնմ ժամանակի լինելոց էր՝ ցուցանէ. թէպէտ և նոքա յետոյ երթալոց էին ի գերութիւն. քանզի ոչ ինչ եղեն պիտանիք երկայնմտութեամբն, և ոչ այնու՝ զի միայն մնացեալ էին և ի բարութեան էին: Զի յորժամ ասէ, թէ « Աւերեսցին քաղաքք ի բնակչաց », զտամն ազգացն գերութիւնն ակնարկէ. քանզի միանգամայն ամենեքին առան և վարեցան ի միասին ի գերութիւն յօտարն աշխարհ. զի ամենեւին իսկ քաղաքքն ամենայն՝ մնացին լոկ ի մարդկանէ. և լքաւ երկիրն ամենայն և եղև աւերակ ի բնակչաց: Եւ յորժամ ասէ, թէ « Աւերեսցին քաղաքք ի բնակչաց, և տունք՝ զի ոչ գուցէ ի նոսա մարդ », յայնժամ զգերութիւնն ակնարկէ. և յորժամ ասէ՝ թէ « Յետ այսորիկ յերկարեսցէ Աստուած մարդկան », զամենեցուն ազգացն զգիւրութիւնն, որ յետ գերութեանն լինելոց էր՝ է իմանալ: Եւ դարձեալ յետ տամն ազգացն վարելոյ ի գերութիւն, զերկուց ազգացն՝ որ ընդ այն ժամանակս լինելոց էին բարիքն՝ է իմանալ. զի յորժամ ապրեսցին ի Սենեքերիմայ և ի

խուժադուժ զօրացն, զուարճացեալքս պըանչելի յաղթութեամբքն՝ ՚ի բազմութիւն սերէին յերկայնակեաց ժամանակս. զի ոչ ուստեք այնուհետեւ զարհուրեցուցանէր զնոսա պատերազմ: Եւ յորժամ ասէ, թէ « Ընդերկարեսցէ Աստուած մարդկան », կամ զմարդկանն բազմութիւն կամ զամացն երկայնութիւն նշանակէ: Եւ զի ուսանիցիս եթէ վասն երկուց ազգացն ասաց զայս, յարէ ՚ի նոյն եթէ « Ի նմա իցէ ՚ի վերքան զտաններորդն ». տաններորդ զայն ասէ՝ որ ինչ աւելի իցէ քան զտասն, այսինքն երկու ազգքն: Այսպիսի ինչ և Պաւղոսի է ասացեալ, թէ ի վեր քան զՀինգ Հարիւր եղբարս, այսինքն բազում ևս քան զՀինգ Հարիւր:

« Եւ դարձեալ ՚ի յափշտակութիւն մասնեսցին, իբրեւ զբեկնի տերեւութափ ». այսինքն երկու ազգն: « Եւ իբրեւ զկաղին՝ զի թօթափեալ իցեն յիւրաքանչիւր պատենից ». զոր օրինակ մերկ ՚ի վայելութենէ լինի կաղին, յորժամ թօթափեսցի ՚ի պատենից, նոյնպէս և նոքա ձաղ և նախատ լինիցին՝ յորժամ ելանիցեն ՚ի քաղաքէն և մերկանայցեն ՚ի փառացն, « Սերմն սուրբ արձանն նորա ». սակայն ոչ եթէ առանց բժշկութեան իցեն պատիժքն կամ առանց վախճանելոյ, այլ սերմն նորա՝ սուրբ եղիցի, հաստատուն կալ մնալ, անշարժ, առանց փոփոխման: Ի բարեացն, ասէ, անկանելոց են, բայց ինքեանք ամենեքեան չեն սատակելոց, այլ կալոց մնալոց են՝ մինչև առնուցուն անգէն զառաջին զկարգսն, և հաստանիցեն յառաջին առաքինութիւնսն:

ԳԼՈՒԽ Է

« Եւ եղև յաւուրս Աբաղու՝ որդւոյ Յովսէփամայ Ողիանց, արքայի Հրէաստանի »: Զոր բազում անգամ ասացի և արդ զնոյն ասեմ, զի ոչ յայն սակս յառաջագոյն գուշակէին մարգարէութիւնքն, զի ուսանիցին միայն Հրէայքն զիրս ինչ որ գալոց էին, այլ զի յուսա-

նեխ՝ և շահօ ինչ ցուցանեն, և ահիւ սպառնալեացն՝
 լինիցին զգաստացեալք, և բարութեանցն աւետեղք՝
 յօժարագոյն լինիցին ՚ի գործս առաքելութեանց. զի
 յերկոցունց կողմանց և Աստուծոյ զօրութեանցն
 ակահ լինիցին և իւրեանց իմնամոցն՝ որ առ ՚ի նմանէ:
 Քանզի սմին իրի իսկ ճառէր յառաջագոյն որ ինչ յա-
 պա լինելոց էր, զի մի կարծիցեն եթէ վայրապար ինչ
 և յանկարծադէմ իրքն գործիցին. այլ զի ՚ի միտ առ-
 նուցուն թէ ՚ի վերուստ և յԱստուծոյ հրամանացն կա-
 տարին իրքն երկղբեան, որ զնոսա մեծ իմն յաստուած-
 գիտութեան շահն ձգէր: Այլ քանզի որպէս վերա-
 գոյնն իսկ ասացի, եթէ մարգարէութիւնն ոչ ՚ի նմին
 ժամանակի զվճիռ իրացն ցուցանէր, այլ բանքն յայն-
 ժամ ասէին, իրքն յետ բազում ժամանակաց կատա-
 րէին, զի ոմանք որք լսէին՝ բազում անգամ և մեռա-
 նէին իսկ, և ոչ կարէին քննիչ իրացն լինել տես,
 զիարդ հնարէր Աստուած. մարգարէութիւն ՚ի մար-
 գարէութիւնս յարէր, զի մօտն՝ մարգարէութեամբն
 որ ՚ի նոցա ժամանակսն կատարէր, զայլոց մարգարէու-
 թեանցն որ առ յապա ժամանակսն լինելոց էին՝
 ցուցանիցէ զճշմարտութիւնն: Իսկ յաւետարանսն և
 այլազգ իմն շահս հնարի ցուցանել. զի սքանչելիս
 ընդ մարգարէութիւնս խառնէ, և այլովք իրովք այլ
 իմն ցուցանէ: Այսպիսի ինչ է զոր ասեմս. մերձե-
 ցաւ առ նա բորոտն և սրբեցաւ, և յետ նորս՝ հա-
 րիւրապետին ծառայ ապաքինեցաւ յայնպիսի չարա-
 չար հիւանդութենէ. և երկղբեան նշանք այսդիկ
 մեծամեծք էին. բայց սակայն ոչ յայտմ եթէ կաց
 մնաց, այլ և մարգարէութիւն ևս յաւել. քանզի հա-
 րիւրապետն զայնպիսի մեծ հաւատս եցոյց, որով բու-
 ժեցաւ մանուկն ՚ի հիւանդութենէ անտի, ածէ յա-
 րէ ՚ի նոյն Քրիստոս, եթէ Բազումք յարեւելից և յա-
 րեւմտից եկեսցեն և բազմեսցին ընդ Աբրահամու և
 ընդ Սահակայ և ընդ Յակովբայ, և որդիք արքայու-
 թեանն ելցեն ՚ի խաւարն արտաքին. զայս ասելով՝
 զհեթանոսաց կոչումն և զհրէից խառումն միանգա-
 մայն յառաջագոյն գուշակեաց: Որպէս և այժմ ար-
 դեամբք իսկ դիպեցաւ և քան զարեգակն ևս յայտ-
 նագոյն երևի. բայց սակայն յայնժամ անյայտ էր և

անհաւատիցն դժուարընկալ, վասն այսորիկ զնշանն առաջի արկ, զի որ ինչ յայնժամ լինիցի, զայնս որ յետ այնորիկ լինելոց էին՝ արասցէ հաւատալիս. զոր օրինակ և մարգարէութիւնն՝ որ յայնժամ ասացաւ, նշանօքն որ ՚ի նմին ժամանակի գործէին, և չհաւանականն իսկ անհաւատիցն՝ առաւել հաստատեացի ՚ի միտս: Եւ արդ զի՞նչ ունի անհաւատն ասել. սրբեցաւ բորոտն թէ չսրբեցաւ. ապա և մարգարէութիւնն ճշմարիտ է. զի յորժամ մարգարէութեանն ոչ հաւատայցեն, յանգիմանեցէ զնոսա բորոտն՝ որ սրբեալ կայր առաջի, զի և անտի զհանդերձելոցն առնուցուն առհաւատ չեայ: Տեսանեա, զի այլ իրք այլովքն կազմին. զայս և ՚ի հնումն է տեսանել. քանզի և Յորոբովամ մոլորեցաւ յայնպիսի մոլորութիւն և կանգնեաց զորթոն ոսկի. եկն մարգարէն, յառաջագոյն գուշակէր և նշանս ցուցանէր, զի մի դք թերահաւատ լիցի իրացն՝ որ յետ երեք հարիւր ամի գործելոց էին. զբաղինն ընդ մէջ հերձոյր և զճարպ ողջակիզացն հեղոյր և զձեռն թափաւորին գոսացուցանէր, և իրօքն՝ որ անդէն առաջի աչաց գործեցան, և զայլոցն և՛ որ յետ բազում ժամանակաց գործելոց էին՝ ցուցանէր զհանդէս: Եւ բազում այսպիսի ինչ եթէ դք կամի՝ գտանէ և ՚ի նորումն և ՚ի հնումն, որով Աստուած ազգի ւզգի իրօք ցուցանէ զմերոյ փրկութեան զհնարս. որպէս և անդ իսկ եղև բազում առաւելութեամբ. զի ոչ միայն նշան, այլ և մարգարէութիւն և նշան ՚ի միասին հիւսեալ: Այլ զի ևս լուսաւորագոյն լինիցին ասացեալքս, ընդ ամենայն իսկ ճառս անցցուք կարգաւ:

« Եւ եղև, ասէ, յաւուրս Աբաղու՝ որդւոյ Յովաթամայ Ոգիւհնց, արքայի Հրէաստանի, եւ Հռամասիմ արքայ Աբամայ և Փակէլ՝ որդին Հռամեայ արքայի Իսրայելի՝ ՚ի վերայ Երուսաղէմի, տալ պատերազմ ընդ նմա. և ոչ կարացին պաշարել զքաղաքն. և ազդ եղև ՚ի տուն Գաւթի՝ թէ միաբանեաց Արամ ընդ Եփրեմայ: Եւ զրոյց իսկ բանքս և իրաց պատմութիւնք, այլ որ միտս դք ունիցի և այս ՚ի տեսանել, սակայն և աստի բազում ինչ շահի, յորժամ յԱստուծոյ ՚ի բազում իմաստութիւնն հայիցի և ՚ի Հրէից խնաման որ յԱստուծոյ լինէին. զի ոչ իսկ զբանն արգել զպատերազմն և ոչ

յորժամ եկն եհաս' ետ թոյլ՝ առնել փնաս քաղաքին . այլ սպառնալեացն թոյլ ետ լինել և զփորձ իրացն արգել . զի միանգամայն և զնոսա զարթուսցէ 'ի ծուլութենէն , և զիւր զօրութիւնն ցուցցէ , թէ կարող է՝ զի յորժամ վախճան ինչ իրաց չարաց եկեալ հասեալ կայցէ 'ի վերայ , ախպէս՝ որպէս թէ սկիզբն իսկ իցէ լեալ՝ կարէ խափանել և զնոսա պահել անարատս : Զոր բազում անգամ է իմանալ իրչափ ինչ արար , 'ի հնոցէն Բաբելացւոց՝ զերիս մանկունս , և 'ի գբոյն առեւծուց՝ զԴանիէլ , և այլ ևս բազում իրս այսպիսիս . զի և աստ եկին պաշարեցին , զպարսպօքն պատեցան , և զմիտս պաշարելոցն խռովեցուցին , սակայն ոչ ինչ կարացին գամ և մուտ գտանել : Այլ և աստի է իմանալ զտանն ազգացն անօրէնութիւնն , զի ոչ միայն ընդ ընտանիսն կռուէին և ընդ եղբարսն տային պատերազմ , այլ զի և յայլազգիսն ևս յօտարոտիսն յարեցան . որոց և ոչ լոկ հաղորդութիւնս առնել հրամայեալ էր նոցա ընդ հեթանոսս , նոքա և յօգնակաութիւնս ևս կոչէին , և միաբանեալք ընդ նոսա՝ գային 'ի վերայ քաղաքին , զի զայլազգին Հռասիմ 'ի վերայ քաղաքին՝ որ էր մայր քաղաքացն՝ յարուցանէին : Եւ էր մարտն անգուգական , զի նոքա բազումք և անհամարք , և քաղաքք և ազգք և զօրք միաբանեալ , և սոքա սակաւաւորք և մի քաղաք՝ մայր քաղաքացն և եթ՝ պաշարեալ : Զի և յայսմ երևեսցի առաւելութիւն Աստուծոյ զօրութեանն . զի ոչ զէն զանձամբ որ առնոյր և ոչ արտաքսքան զքաղաքն ելանէր . և նոքա այնպէս անկեալ կործանեալ էին յիւրեանց յանդուգն չարութենէն : « Եւ ոչ , ասէ , կարացին պաշարել զքաղաքն » . յայտ է թէ ոչ այլ ինչ արգելոյր՝ եթէ ոչ Աստուծոյ ձեռնն՝ որ 'ի ծածուկ մերժէր զնոսա . բայց սակայն որպէս յառաջագոյն ասացի՝ զպատերազմն մերժեաց , այլ զերկիւզն ոչ եւարձ :

« Ազգ եղև , ասէ , 'ի տուն Դաւթի՝ եթէ միաբանեաց Արամ առ Եփրեմ , և զարհուրեցաւ անձն նորա և անձն ժողովրդեան նորա » : Զի յորժամ իրս ինչ նորս կամիցի առնել Աստուած՝ ոչ վաղվաղակի ցուցանէ զքանչեւիսն . այլ նստի այնոցիկ՝ որ փրկելոցն իցեն՝ թոյլ տայ 'ի կասկածի լինել , զի յոր-

ժամ ապրեցին 'ի չարեացն՝ մի ինչ ապախտաւորութիւնս ցուցցեն։ Զի բազումք 'ի մարդկանէ կամ վասն հպարտութեան կամ վասն ծուլութեան մեռանան զվիշտս ինչ՝ յորոց ապրեցան Աստուծոյ օգնակալութեամբն, կամ թէ իւրեանց ինչ համարեցին զքաջութիւնսն։ Թոյլ տայ նախ տրտմականացն խուճապել, և ապա ցուցանէ զազատութիւն իրացն՝ որ ծանրացեալ կայցեն 'ի վերայ, զոր և աստ իսկ արար։ Նախ թոյլ ետ տրտաբեկ տրտապախ լինել, և ապա զազատութիւն 'ի պատժոցն եցոյց. յորժամ հանդերձեալ էր զնա նահատակել 'ի պատերազմին և զայն պիտի մեծապքանչ նշան յաղթութեան նովաւ կանգնել 'ի մէջ երկրին Խարայեւացւոց, ոչ իսկ զբանապատերազմին եցոյց զայսպիսի առաքինութիւն, այլ նախ՝ քան զբառասուն օր խուճապեաց զնոսա երկիւղ, և յորժամ հատանէր յոյս փրկութեան 'ի մոտաց և բազում թշնամանօք այլազգւոյն կսկծէին, և ժակայն ոչ դը կարէր յօժարել և 'ի դիմի հարկանել, ապա իբրեւ պարտութիւն տկարութեան նոցա յայտնի լինէր, ածէր զհամբակն զմանուկն, և զնորանշան յազութութիւնն ցուցանէր։ Թէպէտ և յետ այնչափ հանդիսից տկարութեանն նոցա ապրեցաւ թագաւորն յանհարին պատերազմէն՝ որ կայր 'ի վերայ, առ հեռ և առ նախանձ ծնկեալ նենգաւ գնայր ընդ Դաւթի, որ ախտացեալ ախտիւ՝ լինէր ապախտաւոր առն երախտաւորի։ Զոր և այլուր բազում անգամ գտանեմք այսպիսի ինչ գործս գործեալ Աստուծոյ՝ որպէս և աստ, քանզի քակելոց էր զպատերազմն և ազատելոց զնոսա 'ի տրտմականացն, թոյլ ետ նախ փոքր մի զգալ կարեացն։

« Զարհուրեցաւ, ասէ, անձն նորա և անձն ժողովրդեան նորա, զոր օրինակ շարժիցի 'ի մէջ անդատանաց մատաղատունկ ծառ 'ի հողմոյ»։ Եւ այս մարգարէութեանն առանձինն սեպհական իմն է՝ զծածուկս 'ի մէջ բերել և յայտնել, զի ցաւք ինչ որ 'ի սիրտս կայցեն և յայտ լինիցին, այն կամ 'ի մարգարէութենէ կամ յԱստուծոյ՝ որ զսիրտս քննէ։ Եւ զի՞նչ ասէ։ Խռովեցաւ, ասէ, անձն նորա, չհաւատայր փրկութեան, չունէր ակն դիւրութեան, ոչ միայն նա,

այլ և ամենայն ժողովուրդն. իւրաքանչիւր զանձինս մասնեալ ի գերութիւն համարէին: Եւ արդ զինչ առնիցէ Աստուած. նախ յառաջագոյն գուշակէ զազատութիւնն, և ապա զհանդէս իրացն ցուցանէ, զի մի այլ ումեք համարիցին զբաղաբին փրկութիւնն, առաքէ զմարգարէն երթալ առնել ազգ հանդերձելոցն:

«Եւ ասէ Տէր ցեսայի. Ե՛լ դու ընդ առաջ Աքազու, դու և մնացեալ որդիք քո Յասուբ, հանդէպ առաջանի թափչաց ագարակին վերին ճանապարհին. և ասացես ցնա. Ահա պատուէր քեզ՝ հանդարտ լինել, և մի երկիցես և մի տկարասցին միտք քո, և մի զարհուրեսցիս յերկուց փայտիցն խանձողացն՝ որ ծխիցին, յորժամ բարկութիւն սրտմոռութեան իմոյ հասանիցէ՝ դարձեալ բռնիքից: Եւ զինչ իցէ՝ թէ «Ե՛լ ընդ առաջ Աքազու». այլ քանզի յահէն և յերկիւղէն ոչ դադարէր թագաւորն և ոչ ի տան զտեղի ունել կարէր, այլ որպէս սովորութիւն իսկ է պաշարեւոյ՝ զպարսպոցն շրջել, դրացն զգուշանալ, նոյնպէս և նա ջանայր հնարէր թէ զիարդ մարթասցէ զիրս պատեւրազմին վճարել. վասն այնորիկ ասէ, թէ «Ե՛լ ընդ առաջ Աքազու»: Եւ զինչ իցէ՝ թէ «Դու և մնացեալ որդիք քո Յասուբ»: Յասուբա, յեբրայեցի լեզու՝ թէ զիարդ իցեն կամ զիարդ կայցեն՝ թարգմանի: Քանզի Յեսէ յորժամ յղեաց զԻաւիթ՝ ասէ. Ե՛րթ և բեր ինձ զասուբայն նոցա. այսինքն թէ՝ զիարդ իցեն, զիարդ կայցեն՝ բեր ինձ զբոյց: Եւ աստ ինձ այսպէս թուի՝ թէ մարգարէս առ հրաման բազումն տանել ընդ իւր, զի մի յորժամ իրքն վճարիցին՝ յապախտաւորութիւն դառնայցէ թագաւորն և ասիցէ՝ թէ իմ այդպիսի ինչ իրա՝ ի մարգարէն չէ լուեալ: Եւ զոր ասէն՝ այսպիսի ինչ է, թէ՛ ել դու և մնացորդք ժողովուրդեանդ: Եւ ընդ այն մի ինչ զարմանար թէ որդի կոչէ ժողովուրդն. զի յառաջագոյն ևս մատուցեալ ասէ. Ահա առիկ ես և մանկունք իմ՝ զոր ետ ինձ Աստուած. զի զհօր գութ և զինամուռնին սուրբք ընդ ժողովուրդս, նա և անցանեն ևս քան զհայրենի գութս: Մնացեալս յայն սակս կոչէ, քանզի զբազումն տարեալ էր գերի ընդ ճանապարհս թափչաց ագարակին. և ինձ այսպէս

Թուի՝ Թէ բազում դժուարաւ են միտք բանիս. զի Թէ արգելականքն և պաշարեալքն, որք ոչ և նայել համարձակ արտաքս քան զդրունսն և քան զպարիսպն կարէին, զիմորդ կարէին անդ յայն ճանապարհի գտանել. զի ճանապարհ Թաիլաց ագարակին՝ արտաքոյ պարսպաց քաղաքին է այժմ: Եւ արդ զի՞նչ իցէ ասել առ այն. այլ զի հին իմն պարիսպ էր արտաքոյ. և զայս դիւրագոյն ուսանել՝ ի միւսմէն ևս մարգարէէն է, որոց կամիցին միտ դնել: Արդ ելանել լոյն՝ զսիրտս կործանեալս կանգնէ և համարձակել հրամայէ առ աւետիս հանդերձելոցն բարեաց. քան զի դադարեա, ասէ, մի երկնչիցիս: Եւ զի փայտ խան ձողս կոչէ զԹագաւորս, զի միանգամայն և զսաստկութիւն զօրացն և զվաղվաղակի խափանէն յայտ արասցէ. և զծխէն յայն սակս յաւելլու՝ զի զարագ շիջանեն նորա ցուցցէ, և զի իմացուցէ Թէ ոչ իւրեանց ինչ զօրութեամբ, այլ նորա Թոյլ տալով եկին գումարեցան:

Ասէ. « Գործամ սրտմտութիւն բարկութեան իմոյ հասանիցէ, դարձեալ բժշկեցից: Եւ որդին Արամայ և որդին Հռամելայ, զի խորհեցան խորհուրդս չար ՚ի վերայ քո և ասեն. ելլուք մեք յերկիրն Հրէաստանի և չարչարեսցուք զնոսա, խօսեսցուք ընդ նոսա և դարձուցուք զնոսա առ մեզ, և կացուցուք նոցա արքայ զորդին Տապելայ. այսպէս ասէ Տէր զօրութեանց. մի կացցէ խորհուրդն այն և մի եղիցի. այլ գլուխ Արամայ՝ Դամասկոս, և գլուխ Դամասկոսի՝ Հռասիմ. և այլ ևս վաթսուն և հինգ ամ, և ապա պակասեցէ Թագաւորութիւնն Եփրեմայ ՚ի ժողովրդենէ անտիս: Եւ գլուխ Եփրեմայ՝ Սոմորոֆն, և գլուխ Սոմորոֆնի՝ որդին Հռուելայ. և եթէ ոչ հաւատաաջիք, և մի ՚ի միտ իսկ առջիք »: Դարձեալ մարգարէն մեծ իմն վճիռ ցուցանէ զմարգարէութեան, քանզի ահն պախեցոյց և չարիքն առաջի աչաց կային, և հեշտականացն յուսոյ՝ ոչ ուստեք կայր ակն ունել, և լողքն ոչ այնչափ ինչ հաւատացեալք, տես զի՞նչ գործէն. նշան իմն մեծ տայ զլինելոց իրաց. զխորհուրդս պատերազմողացն ՚ի մէջ բերէ և զմիտմն՝ յոր սակս դիմեցին ՚ի վերայ քաղաքին, և որ ինչ առ-

անձինն ընդ ինքեանս խօսեցան, և զիարդ ուխտ եղին ընդ միմեանս՝ յայտ առնել, և կամ թէ մատնութեան ինչ իրք էին՝ քանզի ասէ, թէ « խօսեսցուք ընդ նոսա, և դարձուացուք զնոսա առ մեզ », կամ թէ բազում հպարտութեամբն դանդաղէին՝ իբրև զարթեալս, թէ և ոչ զինուց անգամ պէտք ինչ իցեն և ոչ կռուոյ, այլ երթայցեն և առնուցուն առանց աշխատութեան զքաղաքն։ Երևելն մեր միայն, ասեն, և խօսելն՝ բաւական է, և առնուցումք վարիցեմք գերի զամենեւեան։ Զոր և կրեն հպարտք, զի այլ իմն կարծեն և այլ իմն պատահէ։ Նոյնպէս և նոքա հպարտացեալք՝ յորժամ զքաղաքն, ասեն, առնումք, ապա զժ և կամիմք թագաւոր ևս կացուցանեմք։ Եւ նոցա բանքն այսչափ ինչ։ Իսկ աստուծոյքն խափանիւք էին ամենայն խորհրդոց նոցա։ Վասն որոյ յարէ 'ի նոյն, թէ « Այսպէս ասէ Տէր » . և ոչ միայն զայս, այլ և զՍաբաւովն յաւելու, այսինքն՝ զօրութեանց. զի ուր մեծամեծս ինչ առնել խօստանայցէ՝ զգօրութիւնն Արտուծոյ յիշէ, զվերին թագաւորութիւնն, զքանչեւագործ իշխանութիւնն։ Եւ արդ զինչ ասիցէ Աստուած. « Մի, ասէ, կացցէ խորհուրդն այն և մի եգիցի. այլ գլուխ Արամայ՝ Դամասկոս », այսինքն է՝ իշխանութիւն նորա և տէրութիւն նորա 'ի Դամասկոս կացցէ, և այլ ուրեք մի ելցէ. « Եւ գլուխ Դամասկոսի՝ Հաասիմ » . զոր ունին՝ կացի, և այլ ուրեք մի իշխեսցէ խաղալ։

« Եւ այլ ևս վաթսուն և հինգ ամ, և ապա պակասեցէ թագաւորութիւնն Եփրեմի 'ի ժողովրդենէ ամառի »։ Յայտ յանդիմանն ցուցանէ զճշմարտութեանն հաստատութիւն, յորժամ և զժամանակս յառաջադէն ասիցէ, յայնժամ ճշմարտիւ զգօրութիւն մարդարէութեանն ցուցանէ։ Այժմ, ասէ, մերժեսցին 'ի քաղաքէդ, և յետ վաթսուն և հինգ ամի՝ բնաւին իսկ կորիցէ ազգն, և բարձցի թագաւորութիւնն Խալայելի, և առցեն գերեվարքն և տարցեն զամենեւեան. բայց յառաջ քան զայն հինաւանդութիւնն՝ ոչ ինչ աւելի քան զիւրեանցն զոր ունիցին՝ առնու-

ցուն, Զի մի յորժամ լուիցէ թագաւորն թէ զի յետ վաթսուն և հինգ ամի բառնայցեն, ասիցէ՝ ի միտս իւր՝ թէ զմեզ այժմ առնուն և նոքա յայնժամ բառնալոց իցեն, և մեզ զի՞նչ շահ յայնցանէ լինիցի, քաջալեւրեաց, ասէ, և մի ինչ կասկածեր և վասն մերձաւորացդ. զի ամենեւին, ասէ, յայնժամ առցին, բայց աւելի ինչ քան զոր ունին այժմ՝ մի ինչ կալցին. այլ գլուխն Եփրեմի՝ այսինքն է տասն ազգացն Սամարեայ, զի անդ էր նոցա թագաւորութիւնն, և այլ ուրեք մի՞ ելանիցէ. և գլուխ Սամարեայ՝ արքայն Խարայեթի. զոր ի վերայ Դամասկացւոցն առաց, զնոյն և առտ, թէ մի ինչ աւելի զոր ունին՝ ունիցի. Եւ քանզի այնպիսի ինչ իրս, որ ըստ մարդկեղէն միտս անցանէին և ի վերոյ քան զմարմնաւոր խորհուրդս էին, և մանաւանդ զի մարդարէութիւն ևս էր, նմանազոյնս յարէ ի նոյն, զի «Թէ ոչ հաւատասցիք, և մի՛ առջիք ի միտ»։ Մի խնդրեր, ասէ, թէ զիմորդ կամ որպիսի կերպարանօք այսպիսի իրք լինիցին. Արտուած է, ասէ, որպէս կամի՝ և առնէ, և հաւատոց միայն են քեզ պէտք. զի յորժամ իմանայցես զգորութիւնս սքանչելագործին, ապա լինիցիս հասու և ասացելոցն հաստատութեան, վասն որոյ և մարդարէն Դաւիթ ասէ, թէ Հաւատացի՝ վասն որոյ և խօսեցայ. և Պաւղոսի նմանազոյնս առեալ զբանն՝ ևս ի մեծ իմն իրս ձգէ. Ունիմք, ասէ, զնոյն հոգի հաւատոց, որպէս և գրեալ է, թէ հաւատացի՝ վասն որոյ և խօսեցայ, և մեք հաւտամք՝ վասն որոյ և խօսիմք իսկ։ Զի եթէ հինքն հաւատոց կարօտէին, որ այնչափ հեռի էին ի նորոյս, որչափ երկիր յերկնաւորականաց, որչափ ևս առաւել՝ որ այսչափ բարձրագոյն աստուածագէտ կրօնից գիտութիւն է, որ ոչ և ի միտս ուրուք երբեք անկասներ, զորմէ և ինքն իսկ ճառէ, թէ Զոր ակն ոչ ետես և ունին ոչ լուաւ և ի սիրտ մարդոյ ոչ անկաւ՝ զոր պատրաստեաց Արտուած սիրելեաց իւրոց։

« Եւ յաւել Տէր խօսել ընդ Աքազու՝ և ասէ. Խընդրեա դու քեզ նշան ի Տեառնէ Արտուծոյ քուսմէ՝ ի բարձրութիւնս կամ ի խորութիւնս։ Եւ ասէ Աքազ. Ոչ խնդրեցից և ոչ փորձեցից զՏէր, Եւ ասէ Նսայի. Լուարուք, տունդ Դաւթի. մի եթէ թեթեւ ինչ

Թուլիցի ձեզ հասուցանել աշխատութիւն մարդկան, և զիարդ իշխէք դուք աշխատ առնել զՏէր: Վասն այսորիկ տացէ ձեզ ինքնին Տէր նշան. ահաւասիկ կոյսն յղացի և ծնցի որդի և կոչեսցեն զանուն նորա Եմմանուիէլ»: Բազում անչափ էր Աստուծոյ զիջանելն ըստ Աքազու, և յոյժ Թագաւորին ապախտաւորութիւն. պարտ և պատշաճ էր նմա յորժամ լուաւ 'ի մարգարէէն՝ չերկմտել յասացելոցն. ապա եթէ երկմտեաց ևս, իբրեւ լուաւ զնշանէն՝ պարտ էր հաւատալ, զոր և բազումք 'ի Հրէիցն արարին: Բայց քանզի մարգասէր է Աստուած, և զայս ևս չհրաժարեաց շնորհել. Թէպէտ և Թանձրասրտացն՝ որ միշտ յերկիր և եթ հայէին և ընդ գետին պնդուին՝ առնէր այնպէս ինչ՝ որպէս առ Գեղեճնիւն: Զի Թէպէտ և քան զամենեսեան վատթարագոյն և Թանձրամիտ էր Աքազ, տեւ, ուստի յո՛ իջանէր Աստուած, կամ որպէս ինքն զինքն խոնարհեցուցանէ և յորդորէ՝ զի նշան ինչ խնդրեցէ: Թէպէտ և այն չէր փոքր ինչ նշան՝ զի զծածուկս արտի նորա յայտնեաց, զմիտսն մերկեաց և զկեղծաւորութիւն նորա յայտնեաց, զի մարգարէն ասէ. « Խնդրեա դու քեզ նշան », և կարի իմն հաւատացեալ զանձն ցուցանէր կեղծաւորութեամբ. « Ոչ, ասէ, խնդրեցից և ոչ փորձեցից զՏէր »: Եւ արդ, տեւ, զիարդ սաստիկս կտրէ մարգարէն. զի յորժամ զմիտսն յայտնեաց համարձակ, ապա և զմեղադրութիւնն՝ ի մէջ բերէ, որով զնա և պատասխանոյ անգամ արժանի ոչ առնէ: Եւ դարձուցեալ զերեսս 'ի նմանէ առ ժողովուրդն՝ ասէ. « Լուարուք, տունդ Դաւթի, միթէ Թեթե՛ ինչ Թուլիցի աշխատութիւն հասուցանել մարդկան, և զիարդ իշխէք աշխատ առնել զՏէր »: Անյայտ է ասացուածս, վասն որոյ պարտ է հաւաստեալ բանալ զբանս. զի զոր ասէն՝ այսպիսի իցէ. մի եթէ իմ իցեն բանքս, մի եթէ իմ իցէ վճիռ. զի եթէ մարդկան վայրապար չհաւատալ ծանր է և մեղադրութեան արժանի, որչափ ևս առաւել Աստուծոյ. զի աշխատութիւն հասուցանել այլ ինչ ոչ է՝ եթէ ոչ չհաւատալն: Եւ արդ ասէ՜,

միթէ թեթեւ ինչ ֆնաս իցէ կամ սահման մեղադրութիւն մարդկան չհաւատալ. և եթէ այս ծանր ֆնաս է, որչափ ևս առաւել Արտուծոյ չհաւատալ, Եւ յայնս սակա ասէ զայս, զի ուսանիցին ամենեքեան թէ մարդարէն ոչ խաբեցաւ, և ոչ ՚ի բանիցն Աքաղու պատրեցաւ, այլ բոտ մնացն ած զպատուհասն ՚ի վերայ: Զայս և Քրիստոս բազում անգամ եցոյց յաւետարանի. զի յառաջ քան զնշանն ցուցանել, զպարութիւնն՝ որ ՚ի սիրտս նոցա մածեալ կային՝ յայտ ածէր. և այս ոչ սակաւ ինչ նշան էր. որպէս և յանդառնութիւն խեղ եցոյց. քանզի յորժամ ասացն ցնա, թէ Որդեակ, թողեալ լիցին քեզ մեղքքո, նոքա ասէին՝ թէ հայհոյէ. նախքան զայն՝ պնդեալ զանդամանլոյն՝ Զի, ասէ, խորհուրդք չարութեան ՚ի սիրտս ձեր. որ մեծ նշանակ ցուցանէր զաստուածութեանն՝ ճանաչել զծածուկս մըտացն. ըստ այնմ՝ թէ Դու միայն ճանաչես զսիրտս. և Դաւիթ ասէ, թէ Միայն որ քննէ զսիրտս և զերկամանն՝ Արտուած:

Զայս և մարդարէիցն տայր բազում անգամ ճանաչել. զի որք լիցեն՝ ուսանիցին թէ չէ ինչ մարդկեղէն յատացելոցն, այլ ՚ի վերուստ յերկնից հրամանք են իջեալ: Վասն այնորիկ և մեծաբարբառն Եսայի, քան զի բազում անգամ խօսեցաւ ընդ թագաւորին և ՚ի չարեացն ազատեաց և վասն եկեղեց հատեղ իրացն համարձակութիւն ետ, և նշան պսոփիկ՝ զխորհուրդս զայնոցիկ՝ որ յարուցեալն էին ՚ի վերայ նորա՝ գուշակեաց, և զմատն՝ որ անգէն յընտանեացն լինելոց էր՝ յանդիմանեաց. և զամենեին զգերութիւնն Խառայելի՝ յառաջագոյն պատմեաց, նաև զժամանակն ևս եցոյց: Եւ ոչ միայն զայս բաւական համարի, այլ ևս իմն յառաջ մատչի. զի զնա՝ որ վասն բազում անհաւատութեանն ոչ կամէր, նշան ևս յօժարեցուցանէ խնդրել. և ոչ վայրապար, այլ տէր առնէ զնա կամացն. ոչ ասաց՝ եթէ զայս ինչ կամ զայն, այլ զոր ինքն ընտրեցէ: Մեծ է Տէրն, բաւական է զօրութիւնն. եթէ յերկնից կամիցիս՝ չէ ինչ որ արգելու, և եթէ յերկրէ՝ չիւր ինչ որ խափանիցէ. քանզի ՚ի բարձրութեանն և ՚ի խորութեանն խնդրել՝ այս է: Եւ այլ ոչ ևս յորդորեաց զնա և ոչ լռեաց ՚ի նշան տալոյ, այլ

զյանդիմանութիւնն 'ի վերայ բերէ. և զայն՝ վասն ուղղութեան լսողին, և առ 'ի ցուցանել՝ եթէ ոչ խաբել կարաց և ոչ արհամարհել, յայտնէ մարդարէութիւն իմն ծածուկ՝ որ 'ի փրկութիւն ամենայն աշխարհի լինելոց էր, յուղղութիւն ամենայն իրաց: Եւ տայ նշան, ոչ այսուհետեւ Աբաղու, այլ հասարակ ամենայն ժողովրդեանն Հրէից. զի նախ առ նա ձգեաց զբանն, բայց քանզի նա չարար զանձն արժանի, թողեալ զնա՝ այնուհետեւ ընդ ամենայն ժողովրդեանն խօսի. վասն այնորիկ ասէ՝ տացի ոչ քեզ նշան, այլ ձեզ. ձեզ, ում հասարակ տանդ Դաւթի, քանզի անսոի բղխեաց նշանն:

Եւ զինչ իցէ նշանն. « Ահա ադիկ, ասէ, կոյն յղասցի և ծնցի որդի, և կոչեսջիք զանուն նորա Եմմանուիէլ »: Որպէս և յառաջագոյն խիստ ասացի, թէ ոչ Աբաղու տայր այնուհետեւ զնշանն, և զի ոչ կարծիք ինչ են, ինքնին խիստ մեղադիր լինի. « Մի եթէ թեթեւ իցէ աշխատութիւն հասուցանել մարդկանն ». և յաւել՝ եթէ « վասն այնորիկ տացէ Տէր ինքնին նշան ». և զինչ նշան. « Ահա ապիկ, ասէ, կոյն յղացի ». զի եթէ կոյս չէր, և ոչ նշանն նշան ինչ. զի նշանն՝ պարտի 'ի միջոյ բառնալ զհասարակաց կարգն և զբռնութեան սովորութիւն, և նոր ինչ և չքնազ լինել, զի հասարակաց նշանակ իցէ նշանն, և տեսողացն և լսողացն. քանզի վասն այնորիկ խիստ նշան ասի, վասն նշանակ ինչ ցուցանելոյ. և նշանակն՝ նշանակ ինչ չէ, եթէ այլոց հասարակ իրօք ծածկելոց իցէ: Չի եթէ զկանանց ինչ բանք էին, ըստ օրինաց սովորութեան բնութեանն ծնանել, վասն էր նշան կոչէր զայն ինչ՝ որ հանապազ լինէր: Եւ յայն սակս իսկ 'ի ծնանելն՝ ոչ վայրապար ասէ՝ թէ ահա ապիկ կոյս, այլ թէ՝ ահա ադիկ կոյն, յաւելուածով վերագրին նշանաւոր իմն և միայն զայն այնպէս իմն ակնարկէ, և յաւելուած վերագրիս զայս ինչ յայտ առնէ՝ զոր ասացաքս: Եւ յաւետարանէ մարթէ Ջեզրու ուսանել. յորժամ առաքելցին առ Յովհաննէս Հրէպոյն և հարցանէին, թէ Դու ով ես, ոչ ասացին՝ թէ դու ես Քրիստոս, այլ թէ՝ Դու ես Քրիստոս. և ոչ ասացին՝ թէ դու ես մարդարէ, այլ եթէ՝ Դու իցես մարդարէն. որոց

իւրաքանչիւր առաքինութիւնն յայտնէ վերադրաւն :
 Վասն այնորիկ և Յովհաննէս իսկզբան աւետարանին
 ոչ ասաց, եթէ իսկզբանէ էր Բան, այլ եթէ՝ իսկզբ-
 քանէ էր Բանն, և Բանն էր առ Արտուած : Սոյնպէս
 և աստ ոչ ասաց՝ եթէ ահաւասիկ կոյս, այլ եթէ՝ ա-
 հաւագիկ կոյսն . և պատուով ևս հանդերձ՝ որպէս և
 մարգարէի վայելէ՝ ահաւագիկ ասել : քանզի ոչ եթէ
 առ զբօսանս ինչ տեսեալ, այլ և բազում իսկ հաստա-
 տութիւն առեալ զճառելոյն . զի քան զմեր աչս զե-
 րեւելիսս՝ նոքա ևս լուսաւորագոյնս տեսանէին զան-
 երեւելիսն . զի աչաց մարթ է և պատրել և այլ և այլս
 տեսանել, իսկ շնորհք Հոգւոյն՝ անվրէպ շնորհէին
 զհրամանն : Եւ ընդէր, ասեն, ոչ յաւելլ եթէ՝ ի Հոգ-
 ւոյն է ծնունդն . ասեմք՝ եթէ մարգարէութիւն է՝ որ
 ասէր, և ծածուկս պարտ էր ճառել : զոր բազում
 անգամ ասացի, թէ վասն անհաւանութեան լոողացն .
 զի մի յորժամ յայտնագոյնս ուսանիցին, և զգիրսն ևս
 այրեսցեն . զի եթէ՝ ի մարգարէմն չենայէին, որչափ ևս
 առաւել և ի գիրսն չենայէին : Եւ զի ոչ կարծ ինչ
 են զոր ասեմն, մի թագաւորն առ Երեմիայիւ և զմա-
 տեանսն իսկ կոտորեաց և ի հուր ընկէց : Տեսանէս
 զյանդուգն կատաղութիւնն, հայիս յանհանձար բար-
 կութիւնն . զի ոչ միայն զայն բաւական համարեցաւ՝
 զի կոտորեաց, այլ և ի կրակ ևս ընկենոյր, զի զբարա-
 կամ բարսն կատարել կարասցէ : Բայց թէ ոչ յայտ-
 նագոյն ասաց, սակայն զամենայնն յայտնի եցոյց . զի
 կոյս յորժամ ծնանիցի և կոյս մնասցէ, ուստի այլ ուս-
 տեք ծնանիցի, եթէ ոչ՝ ի Հոգւոյն Սրբոյ . զի զօրէնս
 բնութեան լուծանել այլ ուրուք ոչ է, բայց եթէ
 բնութեանն իսկ արարչի . որպէս զի ասելովն՝ թէ
 կոյսն ծնցի, զամենայն ինչ յայտ արար :

Եւ արդ, իբրեւ ասաց՝ թէ ծնցի, ասաց՝ թէ և զմեզ
 անուն է ծննդեանն, ոչ՝ որ եգաւ ինչ նմա անուն,
 այլ որ ինչ ըստ գիպաց իրացն պառչաւ իցէ . զի զոր
 օրինակ զլիրուսաղէմ կոչէ քաղաք արդարութեան,
 թէպէտ և ոչ երբեք կոչեցաւ քաղաք արդարու-
 թեան, այլ ըստ գիպաց իրացն կալաւ ի ժամանակին
 զյորջորջումն, զի բազում իմն ի ժամանակին եղև
 նմա փոփոխումն ի լաւութիւն, և վասն արդարոյն

պաշտպանութեան. և քանզի յորժամ պոռնիկ կոչի՝ ոչ վասն զի այն անուն եղաւ քաղաքին, այլ ըստ չարեացն՝ որ ի ժամանակին գտան ՚ի նմա, սոյնպէս և վասն արդարութեանն՝ արդարութեան քաղաք: Եւ արդ զսոյն ասէ վասն Քրիստոսի, եթէ ըստ դիպաց իրացն կոչեցաւ նմա Եմմանուիէլ անուն. զի յայնմ ժամանակի եղև ընդ մեզ մանաւանդ Աստուած՝ յորժամ յերկրի երևեցաւ և ընդ մարդկան շրջեցաւ և զբազում խնամմն եցոյց առ մեզ. զի ոչ հրեշտակ դք և ոչ հրեշտակապետ եղև ընդ մեզ, այլ ինքնին Տէր էջ և ուղղեաց զամենայն ուղղութիւնս. ընդ պոռնիկս խօսեցաւ, ընդ մաքսաւորս բազմեցաւ և ՚ի մեղաւորաց տունս եմուտ, աւազակաց համարձակութիւն ետ, զմեզս առ ինքն ձգեաց, ընդ ամենայն չափս էանց, և զամենայն ինչ ուղղեաց և զքնութիւնս մարդկան ընդ իւր միաւորեցոյց: Եւ արդ զայս ամենայն՝ մարդարէս յաւաջագոյն գուշակէ, զի միանգամայն և զծնունդն ասիցէ և զբազում ևս զշահ զծննդեանն պատմիցէ: Զի յորժամ Աստուած ընդ մարդկան իցէ, չիք այնուհետև ոչ երկիւղ ուստեք և ոչ կասկած յումեքէ, այլ համարձակութիւն առ ամենայն ինչ. որ եղև իսկ. զի առաջին և անշարժ չարիքն քակեցան, և պատիժքն որ ՚ի վերայ աղքի մարդկան կային՝ ՚ի միջոյ բարձան, և մեզաց ջիւք հարան և սատանայի բռնութիւնն շիջաւ, և անկոխ դրախտին ճանապարհ՝ մարդակոտոր աւազակաւն նախ բացաւ, երկնից կամարքն յայտնեցան, մարդիկ ընդ հրեշտակս խառնեցան, և յաթռն իսկ արքունական հասանէր մեր բնութիւնս, և գժոխոց կապանք կոտորեցան և մահու անունն ևեթ լոկ մնաց, զի ոչ ուրեք են արդիւնք ՚ի միջի, և գունդք մարտիւրոսաց և կանաչք ևս՝ փշերն զխայթոցս մահու: Զայս ամենայն տեսեալ յառաջագոյն մարդարէս, խաղայր, ցնծայր, և միով բանիւ զամենայն միանգամամարդարեացեալ՝ Եմմանուիէլ անուամբ ցուցանէր:

« Եւ եւդ և մեզք կերիցէ. մինչև ծանուցեալ իցէ նորա կամածեալ զմտաւ, ընտրեսցէ զբարին »: Քանզի որ ծնաւ մանուկն՝ ոչ մարդ լոկ էր և ոչ Աստուած միայն, այլ Աստուած մարդացեալ, և ոչ ՚ի մարմին

զարձեալ նմանազոյնս և մարդարէն այլ և այլ կերպարանօք զբանսն ճառէ, զի մերթ զայս և մերթ զայս ասէ, և զքանչեւիմն պատմէ և գտեսչութիւնն չառնէ անհաւատալի՝ վասն առաւել զարմանալեացն: Քանզի ասաց՝ թէ կոյս ծնցի, իրք որ 'ի վերայ քոն զնու-
թեան էին. և կոչեացի անուն նորա Եմանուիէլ, որ և այս իսկ մեծի յուսոյ նշանակ է. զի մի ոք յորժամ զԵմանուիէլն անուն ընդէ, զմարկիտնական ախտն ախտանայցէ և 'ի Վաղենտինոսաց ցաւս Զերանիցի, միանգամայն և զմեծամեծս աստուածութեանն և զտեսչութեան լուսաւորազոյն ընծայութիւն ցուցա-
նէ, և մանաւանդ յայտօքսի տեղանոյ առնէ հաւա-
տալի զտնտեսութիւնն:

« Եղ և մեղք, ասէ, կերիցէ », որ ոչ էութեան աս-
տուածութեանն է, այլ մերոյ բնութեանս, զոր առ-
իւր մարմին վայել է¹: Վասն այսորիկ ոչ զմարդ ոք վայ-
րապար ստեղծ և բնակեցաւ 'ի նմա, այլ ինքն իսկ յղանալոյ յարգանդի կուսին անյանձն՝ իննամեակոյ
ժամանակ կատարելով և երկանց և ծննդոց և խան-
ձարոց և այսպիսի կերակրոց 'ի մատաղական տիս հա-
սակին. զի ամենեկին կարկեսցէ զբերանս այնոցիկ՝
որք զտնտեսութիւն տեսչութեանն 'ի միջոյ յանդրգ-
նիցին բաձնալ: Զայս ամենայն յառաջագոյն տեսեալ
մարդարէիս, ոչ միայն զքանչեւի ծնունդն ասէ, և
զխանձարութիւնն թաքուցանէ. զի այնու ոչ աւելի ինչ
քան զայլոյ մարդկան և ոչ նոր ինչ քան զնոցա, քան-
զի ոչ զամենայն ինչ այլակերպեաց, և ոչ զամենայն
ինչ զհասարակացն եցոյց. զի 'ի մարդոյ² ծնանել՝ այն
հասարակաց է, իսկ 'ի կուսէ, և զկոյսն 'ի կուսու-
թեան պահել, այն մեծ և 'ի վեր քան զհասարա-
կացն. մնանելն կերակրովք՝ բոտ օրինաց մարդկան
բնութեան էր, իսկ անարատ մնալ 'ի չարեաց՝ տեսու-
նական մարմնոյն և եթ. և բնաւ իսկ 'ի փորձ չգալ 'ի
մեղաց՝ այն նոր և չքնաղ և նորա միայն. վասն որոյ
զայն և զայս առհասարակ իսկ եղ: Քանզի ոչ ասէ՝
եթէ 'ի փորձ չարեաց եկն և ասպա հեռացաւ 'ի չա-
րեացն, այլ 'ի բնէ և իսկզբանէ իսկ եցոյց յիւրում

¹ Այսպէս յորինակին:

² Յն. Ի կնոթէ:

մարմինն զկատարեալ զքաջութիւնն, որպէս և ինքն իսկ ասաց, թէ Ո՛վ ձէնը յանդիմանեացէ զիս վասն մեղաց. և Գայ իշխան աշխարհիս այսորիկ և առ իս ինչ ոչ գտանէ զիւր: Եւ սոյն մարգարէ մատուցեալ յառաջագոյն և ասէ, եթէ Զմեղս ոչ արար և ոչ գտաւ նենգութիւն ի բերան նորա. զսոյն և աստ յայտ առնէ՝ թէ մինչև ծանուցեալ էր նորա և կամ նախ կամեցեալ զարութիւն՝ անդստին յանգործ չարեաց, յառաջին տիոցն իսկզբանէ ընկալցի զառաքինութիւնս, և ոչ ինչ եկեացէ ի հասարակաց շարութիւն:

« Զի մինչև ծանուցեալ իցէ մանկանն զպար կամ զբարի, անարգեացէ զչարն՝ առ ընտրել զբարի »: Դարձեալ նովին բանիւք՝ զնոյն միտս նշանակէ, և յամէ ի բանին. զի յոյժ բարձրագոյն է որ ասացաւն, վասն այսորիկ յաճախէ և զպատմութիւնն, զի հապտալի արասցէ՝ զոր վերագոյն ասաց, թէ « Մինչև ծանուցեալ իցէ նորա կամ նախ կամեցեալ զարութիւն »: զնոյն և աստ կրկնէ, թէ « Մինչև իցէ ծանուցեալ մանկանն զբարի կամ զչար, անարգեացէ զչարն՝ առ ընտրել զբարին »: Այս առաւելութիւն նորա միայն է, զոր և Պաւղոս յառաջագոյն իմն յեզլեղէ, և Յովհաննէս իբրև ետես զայսպիսի զարմանալիս՝ աղաղակ եղեալ բարբառէր, եթէ Ահաասիկ գտուն Աստուծոյ՝ որ բառնայ զմեզս աշխարհի: Եւ եթէ զայլոյ մեղս բառնայ, սրչափ ևս առաւել անարատ իցէ ի մեղաց: Եւ քանզի հանգերձեալ էր մեռանել, զի մի ոք կարծիցէ՝ եթէ վասն իւրոց մեղաց հատուցանիցէ զպարտս վերժուց, յաճախագոյն Պաւղոս բարբառի զանմեղութիւն նորա, զի զմահ նորա մերոց մեղացն քաւութիւն ցուցցէ. վասն որոյ ասէ, թէ Քրիստոս յարուցեալ է ի մեռելոց, այսուհետեւ չմեռանի. և որ մեռաւն՝ մեղաց մեռաւ միանգամայն, քանզի ոչ եթէ իբրև զպատժապարտ մեղաց մեռաւ, այլ փոխանակ հասարակաց ամենեցունն մեղաց, զի եթէ առաջնորդ յայտ է՝ եթէ ոչ իբրև զպատժապարտ մեռաւ, և յայտնագոյն՝ եթէ այլ ևս ոչ մեռանի:

« Եւ մնացէ երկիրդ՝ յորում դու ես պակուցեալ առաջի երկուց թագաւորաց »: Որպէս և բազում

անգամ առնէ մարգարէս, նոյնպէս և աստ զնոյն ցուցանէ. զի յետ մարգարէութեանն՝ ապա անդրէն՝ ի կարգն ածէ զբանն: Զսոյն և ՚ի սրբեկցն ճառս յորինեալ՝ ցուցաբոյստնագոյն, որպէս և աստ իսկ. զի յորժամ ասաց զհանդերձելոցն բարութեանց՝ որ լինելոցն էին տիեզերաց, ապա ՚ի թագաւորն շրջէ զբանն. վասն որոյ յառաջ ևս մատուցեալ ասէ. « Եւ մնացէ երկիրդ »: Զինչ իցէ մնացէն. առանց լլկանաց մնացէ, ազատ կացցէ, ոչ ինչ չարչարեսցի ՚ի պատերազմաց: « Եւ մնացէ երկիրդ՝ յորմէ դու ես պակուցեալ »: վասն որոյ երկնչիսդ, վասն որոյ կասկածեսդ՝ յերեսաց երկուց թագաւորացդ, ՚ի Դամասկացւոցն և յիսրայելացւոցն:

Իսկ զի մի բարեացն մարգարէութեամբն ծուլացեալք գտանիցին, և խաղաղութեանն աւետեօք՝ յուլուլիւնս հատանիցին, պնդէ դարձեալ զմիտն ասելովն. « Այլ ածցէ Տէր ՚ի վերայ քո և ՚ի վերայ ժողովրդեան քո և ՚ի վերայ տան հօր քո աւուրս՝ որ չեցին եկեալ յօր՝ յորմէ հանցէ Եփրեմ ՚ի Հրէաստանէ զարքայն ասորեստանցի »: Այսու՝ զհինին պլազդեաց զասպատակն յայտ առնէ, որով զամենայն քաղաքն իսկ ՚ի հիմանց բրելոց էր, և առնուին զամենեսեան և տանէին ՚ի գերութիւն. և ոչ յայն սակս ասիցէ յառաջագոյն զի լինիցին, այլ զի ահն արկանելով՝ զգատանայցեն և մերժեսցեն զսպառնալիսն. և քանզի ոչ հեշտականօք՝ որոց չէին արժանի և վայելեցին, զայն միտք թագաւորին յայտ առնեն, և առաւել անհաւատութիւնն, զի ոչ ահիւ սպառնալեացն փոխեցան ինչ ՚ի չարութեանցն, այլ յերկոսին կողմանս շահիցն դեղոց գտանէին դիմադարձք, ածէ այնուհետեւ ՚ի վերայ զիսոր վերին զհատածն՝ զի զփութն հարկանելցէ¹, և որք զանբժշկական ցաւսն Զերանիցին՝ ՚ի միջոյ բառնայցէ: Եւ զինչ ինչ այն իցէ, « Եօրէ՛ յորմէ հետէ հանցէ Եփրեմ զարքայն Ասորեստանի »: զի եկն եհաս հէնն և ան զամենեսեան, բայց զՀրէաստան միայն թողին, զազգս զերկոսեան, և ձի արկին վարեցին ՚ի գերութեան զամենայն իսրայելացիս: Եւ զոր ինչ ասէս

¹ Յն. Հատանիցէ:

այժմ՝ այսպիսի ինչ է. յայնմ օրէ հետէ, յորմէ տասն ազգն ձգիցեն ածիցեն՝ ի վերայ անձանց զօրս հինին, ի ձէնը մերժիցեն, և իւրեանց չարութեամբն անձամբ անձին ածեալ զբարկութիւնն՝ վարեցին ի գերութիւն, յայնմ օրէ հետէ պարտ էր և. ձեզ կասկածել, զի յորժամ զխանձ առնուցուն ճանապարհացն և ի ձեր վերայ ևս գայցեն, եթէ ոչ դառնայցեք. յայնմ օրէ հետէ, ասէ, ածցէ զնոսա. զի ոչ եթէ յորժամ իսրայելացիքն գերեցան՝ ի նմին ժամանակի և Հրէաստանեայքն առան, այլ ժամանակք ինչանցին ընդ մէջ, եւ զոր այժմն ասէ՝ այսպիսի ինչ է. զի զվճիռն ածել՝ ի վերայ՝ յայնմ օրէ հետէ պարտ էր, այլ երկայնամիտ լինէր Աքտուած և ներէր. Թէպէտ և մեղացն արժանք՝ յայնմ հետէ իսկ պահանջէին զպարտին, Զոր բազում անգամ սովոր է առնել Աքտուած, զբուն ժամանակն յապաղել և յամեցուցանել, որ և նորա մարդասիրութեանն մեծ առաւել նշանակ է, և ստահակութեան այնոցիկ՝ որք և երկայնմութեամբն ոչ առնեն զանձինս պիտանիս: Այնպիսի ինչ և աստ ասէ, եթէ յայնմ հետէ իսկ են սպառնալիքն, յայնմ հետէ վճիռ պատժոցն, յայնմ հետէ աստուածաստա բարկութիւնն. զի յորժամ ի դուրս իսկ ածեալ հասուցանիցէ զպատիժսն, զարթուցէ յապաշխարութիւն և արասցէ պիտանիս, և նոցա գերութեամբն՝ արկանիցէ ահ սոցա, զի մի յորժամ կէսքն գերիցին և կէսքն մնայցեն, լինիցին այնուծուլացեալք:

« Եւ եղիցի յաւուր յայնմիկ շնչեսցէ ¹ ի ճանճիւ՝ որ տիրեսցէ ի վերայ կողման գետոյն Եգիպտացւոց», Տօսանես, զի ոչ վայրապար ինչ ասէի, եթէ զի գերկիւղն կամէր աճեցուցանել, վասն այնորիկ յայնմ օրէ շարժէր զսպառնալիսն, զի որ յետոյ գան բանքն յայտ առնեն՝ որովք գերկիւղն յաճախէ. և զի զօրացն գալ պատմէ՝ որ կարի զարհուրեցուցանէր զնոսա, և զդարձին դիւրութիւն. զի յաճախագոյն իմն պախեցոյց զմիտս նոցա բազմութեամբ զօրացն. և զայս ամենայն յաջորդօքն նշանակէ. և միտ դիր. « Եղիցի, ասէ,

¹ Յն. Նշեցէ:

յաւուր յայնմի՝ շնչեացէ Տէր 'ի ճանջրուն : Ըանջիուն աստ՝ զԵդիպոտացիոն կոչէ, վասն լարշու թեանն և լըրբութեանն, զի ստեպ հալածէին, և նորա դարձեալ ստեպ գային, և ոչ ստեպաւ ժամանակս տային որն առնուլ, այլ հանապազ ձանձրացուցանէին. որպէս և ճանձը՝ որ հալածին 'ի վիրաց, և դարձեալ ստեպ անդրէն դառնայցեն : Եւ վնասա, ասէ, անցէ Աստուած. և ոչ ասէ՝ թէ անցէ, այլ նոցա շնչեացէ. զի յայտ աւրացէ՝ թէ այնպէս դիւրաւ է Աստուծոյ զօրութեանն, զի միայն անկարկէ, և վաղժազակի ամենայն ինչ կատարէ զկամս նորա : Եւ նմանագոյն զսկիզբն ոսպառնալեացն 'ի նոցանէ առնէ, զորոց և արդեամբք իսկ զգործն գիտէին. և մեղուացն ասէ՝ որ իցեն յերկրին Ասորեստանեայց, իսկ եբրայեցին և ասորի՝ ոչ մեղուս ասեն, այլ ձիաստաց, զի ոչ ինչ այնչափ գիտէին զգործնոցա, օրինակաւ ձիաստացին արկանէ նոցա ահ, զի գլաձախութիւնն ցուցցէ զխալթողութեանն, զոխակալութիւնն, զգաժանութիւն հարուածոցն, զերազութիւն գալստեանն, զանապուրն լինել :

« Եւ եկեացեն հասցեն, ասէ, 'ի ձորս ձեր և 'ի քարածերպս վիմաց և յայրս և 'ի փապարս և յամենայն փայտս : Ետժամ ատաց զոհաւորութիւն ազգացն և զերազութիւն զօրացն, ասպա ասէ և զբազմութիւնն, և ոչ ասէ՝ թէ բանակեցին, այլ թէ հանգիցեն. զի ոչ եթէ իբրեւ 'ի թշնամեաց երկիր երթայցեն 'ի պատերազմ, այլ իբրեւ յիւրեանց երկրի փերեւտիցին համարձակ, զի ոչ աշխատ լինիցին և ոչ ջանայցեն ինչ, այլ միայն յայտնեցին և ցուցանիցեն զյադութութիւնն, և պատրաստ գտեալ առնուցուն զառն. վասն այսորիկ ասիցէ՝ թէ հանգիցեն, որ յաղթութեան և դիւրին առի նշանակ է. որք և զկատորուածմն ևս յաձախիցեն. և ոչ 'ի դաշտս միայն հանգիցին, այլ բազմութեան զօրացն՝ որում ոչ հանդարտիցէ երկիրն՝ և ձորքն լնուցուն և ծերպք վիմաց և այլք և լերինք և բարձունք և ամենայն առհասարակ հինաւն ծածկիցին : Զի թէպէտ և սաստիկք չէին և ոչ ժիրք և քաջք, իսկայն բազմութիւն բաւական էր հարկանել : Իսկ յորժամ ժիրք ևս իցեն և բազումք, և որ քան զամենայն դաժանագոյն է, զի յԱստուծոյ բարկու-

Թեւեմն եկեալ հասեալ էին 'ի վերայ, զինչ ինչ պնուհետե կայր ակն յուսոյ փրկութեան: Իսկ 'ի ծերպան և 'ի փայտ հանգչել՝ զբազմութիւնն յայտ առնէ. և ոչ եթէ մարդիկն 'ի ծերպա և 'ի ծառա հանգչէին:

« Եւ ուր յայնմիկ գերծցէ Տէր ածելեան մեծաւ՝ որ արբեալն իցէ »: Իբրև աճեցոյց Տէր զահ զօրացն, ձգէ գարձեալ զբանն և հանէ յերկինս, և յայտ առնէ՝ եթէ ոչ այլազգիք և ոչ Եգիպտացիք և ոչ Ասորիք, այլ Աստուած է՝ որ մարանչի ընդ Հրէայո: Իսկ ածելի աստ՝ զանհնարին բարկութիւնն կոչէ, որում ոչն որ կարէր հանդարտել կալ առաջի, որ գիւրաւն և վաղվաղակի ծախէր. որպէս մաղ գլխոյ ոչ կարէ կալառաջի սրբչի, այլ վաղվաղակի գերծու և անկանի, նոյնպէս և ոչ Հրէիցն բարութիւնքն կարէին առաջի կալ Աստուծոյ բարկութեանն: Ածելի արբեցեալ՝ զսաստկացեալ, զլքեալ, զկատարեալ զԱստուծոյ զբարկութիւնն կոչէ:

« Եայնկոյս գետոյ Թաբաւորին Ասորեստանեայց »: Արածանի՝ գետոյ, զի յայնկոյս Արածանոյ են Ասորեստանեայք և Պարսիկք, Հրէաստանի և Պաղեստինացոց աշխարհին: Զամենայն, ասէ, միանգամայն աւերեացէ, գլխովն և մազովն և մորուզն և ոտիւքն. զբնու իսկ զերկիրն նմանեցուցանել զմարմնոյ նշանակէ. որպէս և իսկզբանն ասէ, Թէ Ամենայն գլուխ 'ի ցաւս, և ամենայն սիրտ 'ի տրամութիւն՝ և ոչ զմիոյն մարմնոյ ասէ, այլ զամենայն աշխարհն ակնարկէ, նոյնպէս և աստ. քանզի զանհնարին պատիժսն էր կրելոց ամենայն երկիրն առհասարակ, ածէ յառակ զածելի և զմարմն. զի որպէս ածելի հատու է, նոյնպէս և Աստուծոյ բարկութիւնն. զի մերկ և աւերակ մնացէ ամենայն երկիրն: Եւ որ յետոյ բանքն ասի՝ Թուի անտեղեկաց եթէ բարեաց ինչ աւետիք իցեն, որ և նոքին իսկ աւերի նշանակ են:

« Եւ եղիցի, ասէ, յաւուր յայնմիկ մնուցէ մարդերին մի յարջառոց և մաքիս երկուս. և եղիցի 'ի բազմութենէ կաթինն՝ ուտել իւզ, զի իւզ և մաղ

1 Յն. Ընդհանուր անուամբ՝ Եգիպտոս գետոյ:

2 Յօր. Աբարդիթ. ուղղեցաւ ըստ Յն.:

կերիցեն ամենայն՝ որ մնացեալ իցեն յերկրին » : Եւ այս բազում աւերածի նշանակ է . զի որ ցորեանն եւ գարին բերէր երկիրն , յորժամ աւեր մնայցէ 'ի մարդկանէ՝ խոտալից ճարակաշատ լինի անասնոց . եւ այնպէս խոտալից , զի երկու ոչխարք եւ մի երկնջ՝ բաւական լինիցին տալ կաթն առատութեամբ՝ ստացողին , որպէս զի ընդարձակութիւն անասնոց ճարակաց՝ լինիցի նուազութեան մարդկանն նշանակ : Եւ մեղքն զնոյն յայտ առնէ , զի ուր մարդիկ չիցեն՝ անդ բնական մեղութեամբ , զի յայնժամ շատ գտանեն ծաղիկս՝ յորժամ ոչ ուստեք լլկիցին : Եւ զի ուսանիցիս՝ եթէ ըզսաստկացեալ զաւերածն նշանակէ , միտ դիր յաջորդացս :

« Եւ եղիցի , ասէ յաւուր յայնմիկ՝ զի ուր իցէ հազար որթ , հազար կշռոյ գինք . խոպանասցի եւ փուշ դարձցի . կապարձեալք լիաձիգք լիագիրիք մտցեն անդր . զի խոպանացեալ եւ փշաբեր լիցի ամենայն երկիր » : Բաւաւում եւ այս իմն նուազութեան նշանակ է , յորժամ ոչ միայն լեռիներ եւ բարձունք , այլ եւ շէն երկիր , որ զբազում դարմանս ընդունէր , լիցի փշաբեր . նաեւ զգինս որթոյն ոչ վայրապար ինչ դնէ , այլ զի եւ զերկրին զառոգութիւնն ցուցցէ եւ զմշակացն բազում դարմանս : Սակայն եւ որ այնպէս , ասէ , պողաբեր էր եւ 'ի ձեռաց հողագործաց այնպիսի դարմանօք դարմանէր՝ յայնչափ աւերուած հասցէ՝ զի փուշ փոխանակ որթոյն բերիցէ : Այնպիսի ինչ ահարկանէ բնակչացն , եթէ այնպէս ինչ լինելոց է երկիրն , զի ոչ զքմերկ եւ անզէն իշխեսցէ 'ի ներքս մտանել . եւ այսու զաւերն յայտ առնէ եւ զգազանացն հանդիսանալ :

Եւ յորժամ եհար զմիտս ահագին պատգամօքն եւ խուճապեցոյց երկիւղիւն , ապա դառնայ եւ զհեշտականոն եւ խառնէ , եւ 'ի լաւ անդր դառնալ , զի յետ երկոցունց՝ կողմանց ուսանիցին զԱստուծոյ զօրութիւնն : Այլ 'ի տրտմականսն յամէ , եւ զհեշտականն հարեանցի իմն պատմէ . եւ ընդէր արդեւք . այլ զի սաստիկ գեղոց էին պէտք մանաւանդ 'ի ժամանակին , վասն որոյ զայն իսկ յորդէ . եւ զի փոքր մի ոգի առ-

նուցուն և այնու յօժարիցին յառաքինութիւնս՝ խառնէ և զՏեշտակմանս :

« Ամենայն , ասէ , լեառն արօրադիր՝ ակօսաբեկ լինցի » : Զի որպէս ՚ի բարկութեանն Աստուծոյ և շէն երկիրն յաւերդառնայր , նոյնպէս և ՚ի հաշտութեանն՝ խիստն և առապարն՝ զպարարտ երկիր ՚ի գործ անկանիցի ¹ : Եւ յորժամ այս ամենայն լինիցի , այնուհետեւ խաղաղութիւն իցէ և յապահով ժամանակ , և մի ինչ երկնել և սրտապախ լինել իբրեւ զառաջինն :

« Եւ մի հասցէ անդր երկիւղ . զի եղիցի ՚ի խոպանէն և ՚ի փշաբեր տեղւոյն՝ արօտ գառին և կոխան եզին » : Եւ այսու ևս զշինութիւնն նշանակէ՝ որպէս և զառաջինն . քանզի յառաջ երթեալ՝ ասէ . Երանի՛ որ սերմանիցեն ընդ ամենայն ջրով՝ ուր եզն և էշ կոխիցեն : Զի զոր օրինակ յորժամ զաւերածոյն կամի պատմել , զհամբարուս և զյուշկապարիկս ՚ի մէջ բերէ , նոյնպէս և յորժամ զխաղաղութիւնն և զշինութիւնն նշանակէ՝ զձեռասուն և զընտանի անասունս և զմշակս և զգործ երկրի :

ԳԼՈՒԽ Ը

« Եւ ասէ Տէր ցիս . Ա՛ռ դու քեզ տոմս մի քարտէս նոր մեծ , և գրեալ դու ՚ի նմա գրչաւ մարդոյ , արագ արագ զաւար հարկանել , վաղվաղակի զապուռ ժողովել . զի ահաւասիկ հասեալ է : Եւ վկայս կացուցեալ է արս հաւատարիմս , զՈւրիա քահանայ և Զաքարիա որդի Բարեքայ : Եւ մերձեցայ ես առ կինն իմ մարդարէ , և յղացաւ և ծնաւ որդի . և ասէ ցիս Տէր . Կոչեա զանուն նորա՝ երագ երագ կապտեալի . քանզի մինչքե ծանուցեալ իցէ մանկանն զանուն հօր կամ զմօր , առցէ զգօրութիւն Դամասկոսի և զաւար Սամարեայ , առաջի թագաւորին Ասորեստանեայց » : Թուի եթէ բարժանեալ իմն իցեն ըստ բանիս ըստ այսմիկ

¹ Այսպէս յօրինակին :

երկրորդին իսկ հրամանքս այսօրիկ, և ոչինչ հաղորդութիւն ունիցին առ միմեանս. իսկ եթէ որ հաւատեալ քննեսցէ զմտացն զօրութիւն, բազում հաւանութիւն գտանէ 'ի միջի և միաբանութիւն: Եւ արդ, հարկ է ասել եթէ վասն էր մարգարէութեանն նշանակ խոնարհեցաւ 'ի մարդկան վարս. քանզի յամէլ և յապաղել սովոր է Աստուած առ ածել պատիժս մեղաւորաց, որպէս և փոյթ և երազ 'ի բարերարութիւն այնացիկ՝ որք զուղղութիւնն կատարիցեն: Եւ քանզի այս զծուլացելոցն պարարէ զաւլութիւն, զի ոչ անդէն վազվազակի գան հասանեն պատիժը յանցաւորացն, և արդ զի և զերկայնմտութիւնն իւր ցուցցէ Աստուած, և զի մի յերկայնմտութեանն յաղագս՝ նոքա ծաւրնայցեն ինչ, կազմէ գեղս մարգարէութեամբն. ոչ զփորձ ցուցանելով զտանջանաց, այլ կանախ գիտութեամբ՝ խրատէ զյանցաւորս. զի թէ յորժամ լիցեն զսպառնալիսն և ագնուանայցեն, մերժեսցեն զփորձ տանջանացն. ապա եթէ 'ի նմին հատատեալ կայցեն անհանձարութեամբ, ապա և զպատիժն ածեալ հասուցանիցէ 'ի վերայ:

Չայս իմացեալ սատանայի, և եթէ զինչ շահք յայնմանէ իցեն, դրդէր զսուտ մարգարէսն սպառնալ մարգարէիցն, որք զսուրն և զսովն և զառհասարակ եղծակն հարուածն և զհէն և զպատերազմ յառաջագոյն իմացեալ՝ գուշակէին. նոքա զհեշտականն և զծուլացուցիչն քարոզէին: Չի որպէս Աստուած ահագին բանիւքն զփորձ պատժոցն կտմէր կարճել, նոյնպէս և սատանայ՝ հեշտականացն աւետեօք լուծանէր և ածէր 'ի պատժոցն հանդէս: Եւ քանզի յետ պար ամենայնի սուտ մարգարէիցն հաւատային և լաւութեանցն միտ ոչ գնէին, այլ 'ի նոյն մեղս կային և անձամբ յանձինս ձգէին զպատիժս, ուստի իսկ և մարգարէիցն ճշմարտութիւնն երեւեր և սուտ մարգարէիցն ստութիւնն յանդիմանէր, ոչ իմն հնարս հնարի սատանայ՝ վասն կորստեան կորուսելոցն: Քանզի հաւանեցողք զնոսա՝ զինքնականն պատրեալ 'ի խաբութիւն, թէ ամենայն անգը 'ի գիւտցն բարկութենէ անցանեն ընդ նոսա, քանզի արհամարհէին և անարգէին զնոսա: Արդ զի զայսպիսի պատիրս բառնայցէ

'ի միջոյ՝ յառաջագոյն քան զբազում ժամանակս գու-
 շակէ զչարին՝ որ հասանելոց էին 'ի վերայ նոցա. զի
 մի իշխեսցեն որք խաբէին զնոսա՝ դիւաց բարկու-
 թեանն համարել զպատիժսն և ոչ Աստուծոյ: Եւ զի
 ոչ կարծեօք ինչ ասեմ, լուր տիմն Նսայեայ՝ որ ասէ,
 եթէ Նս ինձէն գիտեմ զի խիտ ես դու, և ջիւք եր-
 կաթիք պարանոց քո. վասն այնորիկ իսկզբանէ խո-
 սեցայ ընդ քեզ, զի մի ասիցես՝ եթէ կուգն իմարա-
 րին զայս և դրօշեալքն ինձ կազմեցին զայս, նա և ոչ
 գիտէիր իսկ և ոչ լսելի երբեք եղև քեզ: Եւ արդ,
 արպէս վերագոյնն ասացի և 'ի վկայութենէս յայսմա-
 նէ է իմանալ, զի չիք ասել նոցա՝ եթէ այլ ուստեք եղեն
 իրքն. քանզի բաւական է մարգարէութիւնս՝ բառնալ
 'ի միջոյ զխաբէութիւնն, որ յառաջ քան զբազում ժա-
 մանակս գուշակէր, վասն իրացն՝ որ լինելոցն էին: Այլ
 և այլ իմն պատշաճ էր ասել ապախտաւորութեանն
 նոցա, թէ յառաջագոյն չասացէք ինչ այդպիսի, և ոչ
 լուսք ինչ 'ի ձէնջ յայնժամ, արդ իմն յօդէք, արդ
 իմն կցկցէք, յորժամ իրքս եկին հասին 'ի վերայ.
 քանզի ոչ գիտէիք զինչ անցք անցանելոց իցեն. և
 ուստի՞ յայտ իցէ՝ եթէ յառաջագոյն ասիցէք: Եւ
 արդ տես, զիարդ կազմէ յառաջագոյն զանվեհպ յան-
 դիմանութիւնն, և կարկէ զբերանս լրբախօսս. զի ոչ
 միայն ասել տայ, այլ և 'ի քարտին միանգամայն գրել-
 և ոչ վայրապար գրել, զի մի ասիցեն եթէ յետոյ ստեղ-
 ծին 'ի մտաց, այլ և վկայս գրելոցն կոչէ արս հաւա-
 տարիմն, զի և 'ի պատուոյն և 'ի վարուց պատուական
 արանցն՝ առնիցէ զգիրն հաստատուն. « Կացուացես
 ինձ վկայս, ասէ, արս հաւատարիմն, զՈւրիա քահանայ
 և Զաքարիա որդի Բարեքայ ». զի յորժամ վճիռ ի-
 րացն լինիցի, և ասիցեն՝ եթէ մեր երբեք զայդ չիք
 լուեալ, բերիցեն զգիրն 'ի մէջ և ածիցեն զվկայսն և
 ըմբերանիցեն զլրբութիւն նոցա:

Վասն այնորիկ ասէ. « Ա՛ռ դու քեզ տոմս մի նոր
 մեծ ». զի մի հնացեալ վաղվաղակի կորնչիցի, այլ
 կայցէ մնայցէ պահեալ 'ի բազում ժամանակս յամբաս-
 տանութիւն նոցա՝ յորժամ ժխտիցեն. « Եւ գրեա 'ի
 նմա գրչաւ մարդոյ », այսինքն՝ եղեգամբ, որ լինելոցն
 իցէ առ յապա պատերազմն, յաղթութիւն հինաւսն.

գին, յաւարի բաժանել, յասպատակէ յափշտակել. զայս ամենայն, ասէ, գրեւջիր. « Արագ արագ զաւար հարկանել, վաղվաղակի զապուռ ժողովել. զի ահաւասիկ հասեալ է » : Երկոքեան բանքն զմի ինչ յայտ առնեն, զի բազմութիւն մեղացն՝ զվրէժխնդրութիւնն կոչէ, և պատիժքն եկեալ հասեալ կան առ դուրս, և նա յապաղելով՝ մարգարէութեամբն կամի առնել զնոսա պիտանիս և անցուցանել զպատիժսն. զի դիւրին է նմա ակնարկել և զամենայն ՚ի գլուխ տանել : Եւ քանզի հինի ճառք էին՝ որ հանգերձեալ էին ասպատակել, մի ինչ կարծիցէք, ասէ, եթէ ճանապարհացն երկայնութիւն կամ զօրացն բազմութիւնն առնիցէ զյաղթութիւնն, որ ըստ մարդկան լինի այնպիսի ինչ. այլ Աստուծոյ, ասէ, և հեռին՝ մօտ է, և այսպէս դիւրին՝ որպէս զի և ՚ի միում ժամու ՚ի ծագաց երկրէ ածել հասուցանել զբազումն վաղվաղակի :

« Եւ վկայս կացուցես ինձ արս հաւատարիմս, զՈւրիա քահանայ և զՅաբսրիա որդի Բարեբեայ » : Զի թէպէտ և զգիրն չառնիցէ վաւեր, վկայքն՝ որ կենդանի իցեն և զժամանակն գիտիցեն՝ առնիցեն յամբ զանամբ մնա : Եւ ՚ի հաստատութիւն՝ յարէ զյաջորդսն. « Մերձեցայ », ասէ, առ կինն իմ մարգարէ. « զի կինն մարգարէի՝ մարգարէ կոչէր յայնժամ, և թերեւ և հոգեւոր ինչ շնորհաց արժանի եղեալ էր կինն. քանզի ոչ յարս և եթ հանգչին շնորհք, զի ոչ եթէ որպէս ըստ լաշխարհիս իրաց բաժանեալ են ազգքն ՚ի միմեանց, և այլազգք պէտք արանց և այլազգ իմն կանանց, և ոչ կարեն յիւրաքանչիւր բնութենէն փոփոխել, նոյնպէս ինչ ՚ի հոգեւորսն իցէ. այլ զոյգ են ճշգնութիւնքն, քանզի հասարակաց են պսակքն. և զայս ՚ի հին և ՚ի նոր կտակարանս՝ եթէ կամի ոք՝ գտանէ հաւատեալ : Եւ արդ՝ ՚ի կինն իւր յամուսին ան հրաման մերձենալ, զի յղասցի և ծնցի որդի, և կոչեացի անուն նորա նոր, չքնաղ, սքանչելի, որ զդէպս իրացն՝ յանունն նշանակել ունիցի :

« Լոյեա, ասէ, զանուն նորա արագարագ կապտեւջիր, և փոյթ ընդ փոյթ զաւար հարկանիջիր » : Զի

Թէպէտ և տոմնս գրեալ՝ չլինիցի վաւերական, սակայն անուռ մանկանն՝ որ զդէպս իրացն նշանակէր և 'ի վաղուց հետէ այնու անուամբ կոչէր, և զկարի անամբ Թիցն խնուցու զբերանս, եթէ ոչ յետ 'ի գլուխ ելանելոյ իրացն կցկցեաց ինչ մարգարէն, այլ անդուստ 'ի վաղուց յառաջագոյն գիտէր: Նա և մեկնութիւն իսկ անուան մանկանն՝ զժամանակն հաւաստեալ նշանակէ:

« Զի մինչև ծանուցեալ իցէ զանուն հօր կամ զմօր, առցէ զգորութիւն Դամասկոսի և զաւար Սամարեայ, առաջի Թագաւորին Արորեստանեայց »: Եւ զոր ասէն՝ այսպիսի ինչ է: 'ի ժամանակի տհաս հասակի մանկանն, մինչև բարբառել իսկ կարիցէ, երևեսցի յաղթութիւնն: Ոչ զի մանուկն կարող իցէ 'ի մարտ պատերազմի պատրաստել և հարկանել զձապատս, այլ յայն տիտ մանկանն, մինչև խօսելն կարիցէ՝ մատնեալ լիցի ամենայն ինչ գերեվարացն:

« Եւ յաւել ևս խօսել ընդ իս Տէր՝ և ասէ. փոխանակ զի ոչ ախորժեաց ժողովուրդս այս զճուրն Շիլովհայ՝ որ գնայ խաղաղ, այլ կամեցան զՀռասիմ և զորդին Հռոմեայ՝ Թագաւորել իւրեանց, վասն այսորիկ՝ ահաւասիկ ամցէ Տէր 'ի վերայ ձեր զճուր գետոյն ըջհզօրն և զյորդն՝ զարքայն Արորեստանի »: Որպէս սովոր իսկ է Աստուած՝ ոչ միայն զպատիժն ասել յառաջագոյն, այլ և զպատճառն ևս յայտ առնէ, զի այնու ևս խրստեսցէ զլսողն. որպէս և աստ՝ յորժամ ասաց զաւարն առնուլ, զկապուտն ժողովել, զհինին գալ հասանել, ապա և զպատճառն ասէ պատերազմին, զանհազանդութիւն բնակչաց քաղաքին: Քանզի, ասէ, Թագաւոր հեզ, հանդարտ և զգօն ունին, և կիցս ընկենուն, այլում բռնաւոր իշխանի ցանկանան, զի զիւրեանց բարիսն չգիտեն, և զայլոց չարիսն անձանց բաղձան. շրջէ զբանն յայլասացիկ բարբառն, և զբարս աշխարհին Թագաւորի և զխստութիւն այլազգւոյն պատմէ: « Փոխանակ, ասէ, զի ոչ ախորժեաց ժողովուրդդ այդ զճուրն Շիլովհայ՝ որ գնայ խաղաղ »: Քանզի աղբիւրն Սելովհայ խաղաղ գնայ և ձայն ինչ ոչ հանէ, զհեզութիւն և զհանդարտութիւն Թագաւորին՝ գնացից խաղաղ ջրոյն Սելովհայ նմանեցուցաւ:

նէ, և զԹագաւորն իսկ Սելւովամ կոչէ, զի ոչ զգը նեղէր և ոչ զգը լլկէր, և զարհամարհուած իւն քաղաքին որում տիրէր՝ ներելով անցուցանէր։ Եւ քանզի ոչ լուծ ծանր ունէին ՚ի վերայ, այլ առ խակութեանն յօտարազգիսն ձեռս տային, փոխանակ, ասէ, զի ոչ ախորժեցէք զհեզդ և զհանդարտդ, այլ զհոսսիմ գամասկացի և զորդին Հռոմելայ՝ Թագաւոր Խարայելի, ածից ՚ի վերայ ձեր զԱսորեստանեայցն՝ հանդերձ յորդ զօրօքն։ « Զջուրն գետոյն զհզօրն և զյորդն »։ և անդէն մեկնէ զայլասացիկ անուան, եթէ « Զարքայն Ասորեստանեայց »։ Տեսանէս, զի ոչ ընդ վայր ինչ ասացաք վերագոյնն, եթէ ամենայն ուրեք զայլասացիկն՝ ինքնին մեկնեն գիրք։ որպէս և ասա՝ նախ կոչեաց գետ, և ապա եհան զգետն՝ յարքայն Ասորեստանի և յամենայն փառս նորա։

« Եկեսցէ հասցէ յամենայն ձորս և ՚ի խորս ձեր, ճեմեսցի և ճօճեսցի ՚ի վերայ պարսպաց ձերոց, և բարձցէ յերկրէդ Հրէաստանէ զայր՝ որ կարող իցէ վերացուցանել զգլուխ իւր և կամ կատարել ինչ ՚ի վերայ երեսաց երկրի։ Եկեսցէ բանակեսցի և խճողեացի, զի ոչ իցէ տեղի բաւական բանակի նորա »։ Տեսցանէ եթէ ոչ մարդկեղէն ինչ զօրութիւն է, այլ առ տուածասաստ բարկութիւն իրքն՝ որ լինելոց էին։ զի ոչ իբրեւ զպատերազմող ՚ի ճակատ եկեալ համարի զնա, այլ իբրեւ պատրաստ եկեալ յառ և յապուռ և յափշտակութիւն։ ոչ ասէ՝ կացցէ և ճակատեսցի, այլ ինուցու բազմութեամբ զերեսս երկրիդ և դիւրաւ անխափան ժողովեսցէ զամենայն։ Այլ և ՚ի բարկութեանն՝ մարդասիրութիւն առնէ։ զի ոչ բնաւին, ասէ, ՚ի հիմանց բրեսցէ զքաղաքն, այլ գերութիւն պատմէ, զի զմնացորդս գերւոյն՝ պատժովքն առնիցէ զգաստագոյնս։ « Բարձցէ, ասէ, ՚ի Հրէաստանէ զայր՝ որ կարող իցէ վերացուցանել զգլուխ իւր »։ Զհզօրացն ասէ՝ որ զամենայն ինչ այսր և անդր հարկանել կարէին, զոր բազմութեամբ զօրացն վարիցեն գերի և առնիցեն ծառայս վտարանդիս, զի տնանկացն լինիցի փոքր մի ոգի առնուլ։ և ահիւ գերելոցն՝ առնիցէ ըզնոսա պիտանիս։ Վասն այսորիկ ասիցէ, եթէ որ կարիցէ կատարել ինչ։ այսինքն զհզօրն՝ որ գործ ինչ կա-

րիցէ ցուցանել. զի և յառաջ քան զգերութիւնն, միայն երևեալ այլազգւոյն՝ պախեցուցանիցէ. զի ընդ ցու զամենայն երկիր Հինին ասպատակով:

Վասն որոյ և յարէ 'ի նոյն, եթէ « Նդիցի բանակ նորա ընդ զլայնութիւն երկրիդ: Ընդ մեզ Աստուած, գիտացէք, հեթանոսք, և պարտեցարուք. լուարուք մինչև 'ի Ծագս երկրի, և զօրացեալք պարտեցարուք: Զի թէպէտ և դարձեալ զօրասլիք, դարձեալ 'ի պարտութիւն մասնեմը: Եւ զոր ինչ խորհուրդ խորհիւնք՝ խափանեսցէ Տէր. և զոր ինչ բանս խօսեմըք՝ և այն մի կայցեն. զի ընդ մեզ Աստուած է »: Ինչ այսպէս թուի, եթէ զիզեկիեայ գլաղթութիւնն գուշակէ աստ և զպատճառս յաղթութեանն. զի թէպէտ և զէնք և զօրք բազումք հմուտ պատերազմաց ընդ նոսա իցեն, այլ որ քան զամենայն զօրագոյն օգնակաւ նութիւնն է՝ ընդ մեզ է, այսինքն՝ Աստուած. Քանզի եկն օտարազգին՝ որպէս սպառնացաւ յառաջագոյն, և առ քաղաքս բազումս և գնաց. և յետ այսր ամենայնի՝ եկն յերկիրն Հրէաստանի, և որում ոչն ակն կայր՝ այնու հարաւ: Եւ արդ մարգարէս՝ զայս գուշակէ և զպատճառս յաղթութեանն քարոզէ յառաջագոյն, և յօտարազգիսն ձգէ զբանսն, եթէ մի ինչ ապաստան լինիցիք յառաջին յաղթութիւնն, քանզի յարդի գալ հասանելոք ձեր 'ի վերայ, մեծ զօրավիգն ունիմք զԱստուծոյ օգնականութիւնն: « Գիտացէք, ասէ, զայս, և մերժեցարուք »: և մի իբրև 'ի վերայ վատթարաց յանդգնիցիք: Եւ գլաղթութիւնն յայտ առնէ. և զի մինչ 'ի Ծագս աշխարհի երթալոց է համբաւ առաքինութեանն. « լուարուք, ասէ, մինչև 'ի Ծագս երկրի »: քանզի ոչ դք էր՝ որ ոչ լուաւ զիրսն՝ որ յայնժամ գործեցան յերուսաղէմ: Վասն այնորիկ ասէր՝ « լուարուք մինչ 'ի Ծագս երկրի. և հզօրացեալք քրդ պարտեցարուք »: զի 'ի մեծ իմն զօրութիւն հը պարտացեալ էր յայնժամ օտարազգին: Իսկ հզօրս աստ՝ ոչ միայն զայնոսիկ՝ որ մարմնով հզօր իցեն՝ կուշեսցէ, այլ և զմեծատունս և զփառաւորս և զամբարտաւանս: « Զի թէպէտ և դարձեալ հպարտասլիք, դարձեալ 'ի պարտութիւն մասնեմըք. և զոր ինչ խորհուրդ խորհեմըք՝ խափանեսցէ Տէր. և զոր ինչ

բանա խօսեսլիք՝ այն մի կայցեն. զի ընդ մեզ Աստուած է »: Քանզի չար խորհուրդք կային 'ի մտի, և զքաղաքն կամէին 'ի հիմանց բռնել: և զամենեսեան գերի տանել յիւրեանց աշխարհն: Եւ զխորհուրդս նոցա 'ի մէջ բերէ մարգարէս, և յայտ առնէ, եթէ բանք միայն են, ոչ արդիւնք լինին, և զի այնպիսի իրք են՝ որ ըստ մարդկան բնութիւն անցանեն: Եւ զի հաւատարիմ առնիցէ զբանն, 'ի պատիւ այնորիկ ապաւինի՝ որ զամենայն կարէ ուղղել և կարգել. ոտէպ ունի զբանն 'ի բերան, թէ « Ասան զի ընդ մեզ Աստուած է », որ կարող է զամենայն մեքենայս նոցա թափանել:

**Մինչև ցայսպայր գտաք՝ իշրով ձեռովք գրեալ
Երանելոյն Յոհաննոս յունարէն,**

¹ Յօր. Գրա, զոր մարթ է ևս ընթեռնուէ Գրա: Աստանօր գաղա-
րէ և տպագրութիւնն յունարէն 'ի հասորսն Մոնֆրէոնի: Հա-
Ձ. 92.

« Այսպէս ասէ Տէր՝ որ զօրութեան ձեռին ընդդէմ դառնան »: Այսինքն Հրէայք անհաւատք, որ ոչ հաւանեին օրինացն: « Ի գնացս ժողովդեանս այսորիկ. փարթար, մի ինչ խօսիք, զի մի երբեք խօսեսցին խստութիւն ինչ կամ հայհոյութիւն կամ ծանրութիւն. զի զամենայն ինչ զոր խօսի ժողովուրդս այս՝ խստութիւն է »: Կամ որպէս միւս թարգման Սիմաքոս ասէ՝ անտարսիս¹: Այսինքն՝ միթէ բանիւք ինչ կուի վճարիցի. որպէս օտարազգին ասէր. Միթէ՝ ի խորհուրդս կամ՝ ի բանս շքեանց պատերազմ վճարիցի: Մի բանս ինչ սպառնալեաց առաջի դնիցէք, զի մի համարիցեն՝ եթէ վճարիցեն ինչ. զի ցառմամբ բարբառել՝ օտարազգեացն է: « Բայց յերկիւղէ նոցա մի երկնչիք »: Ոչ յայն սակա արգելում զձեզ սպառնալ նոցա, եթէ՝ երկնչել ինչ պարտ իցէ ձեզ ի նոցանէ, այլ սպառնալիս ինչ մի սպառնայցէք. սակայն և մի երկնչիցիք ինչ, այլ « Եւ մի խռովեսցիք »:

« ԶՏէր զնոյն սուրբ արասցիք, և նա եղիցի ձեզ յերկիւղ »: Եւ զի՞նչ իցէ, եթէ « ԶՏէր զնոյն սուրբ արասցիք ». այլ զի յուսացիս ի նա և զնոյն փառաւորեսցես և ի նոյն պանծացեալ պարծիցիս և ի նմանէ երկնչիցիս. զի մի յայլմէ երկնչիցիս՝ զնա պատուել « Եւ եթէ ի նա լիցիս յուսացեալ՝ եղիցի քեզ ի սրբութիւն. և ոտն քո զքարի ոչ հարկանիցի, և գայթակղութիւն քեզ ոչ պատահիցէ »: զի և ոչ սակաւ ինչ կարիցեն զձեզ տրամեցուցանել իրքս՝ որ գայցեն ի վերայ:

« Բայց տունն Յակովբայ յորոգայթ և ի ծործորս դարանակալաց Երուսաղէմի »: Վասն հինին՝ որ շուրջ զնովա գալոց էին՝ գուշակէ: « Վասն այսորիկ տկարացին ի նմա բազումք և խորտակեսցին և մերձեցին ի կործանումն, և մատնեսցին ի գերութիւն մարդիկ »: և այսպիսի ինչ գերեսցին՝ քանզի զարտաքին քաղաքն առին: Մի, ասէ, հասարակաց համարիցիք զփրկութիւնն, զի է ինչ աւելի ի քաղաքին, ոչ վասն տաճարին՝ այլ վասն բնակչացն:

¹ Այսինքն՝ Ανταρσις, Ապստամբութիւն:

Եւ զի մի հասարակաց դը համարիցի զկորուստն և զփրկութիւնն, յարե 'ի նոյնն. « Յայնմ ժամանակի, ասէ, յայտնեսցին՝ որ կնքիցեն զօրէնան՝ առ 'ի չուսառ նեւ » . այսինքն յայտնի են ապստամբք յօրինացն՝ բռնակիչք արտաքին քաղաքացն. զի որպէս 'ի հնոցին զարտաքիննսն այրեաց և ներքնոցն ինչ ոչ փնասեաց, նոյնպէս և անդ եղև. « Ապա ասիցես. կացից մնացից Աստուծոյ՝ որ դարձոյց զերեսս իւր 'ի տանէն Յակովբայ, և յուսացեալ եղէց 'ի նա » : Զինչ խօսիս. նմո՛կայցես մնայցես՝ որ զայլոն 'ի գերութիւն մատնեաց. այո՛, ասէ, նմա. և 'ի բարիոք իմն նուագէ, զի և նոքա ուսանիցին զհամբերութիւն. ապա թէ ոչ՝ և նոքա զնոյն պատիժս կրեսցեն. զի բանս՝ զհամբերութիւն վշտացս յիշեցուցանէ, որով զգուշանայցեն : Նմին, ասէ, որ եհարն և ած զպատիժսն 'ի վերայ՝ կացից մնացից համբերութեամբ : Զի եթէ յորժամ ընդ հօր կամ ընդ մօր կուռիցիմք, ոչ այլ հայր և մայր խնդրեմք, այլ ընդ նոյնս փութամք հաշտել, որչափ ևս առաւել ընդ Աստուծոյ, յորժամ բարկանայցէ՝ 'ի նոյն ապաստան լինե՛լ՝ որ բարկացաւն, և ոչ յայլ զք որ չիցէ բարկացեալ. զի յորժամ բարկանայցէ՝ յայնժամ հանդարտադոյն գտանի առ քեզ. զի լաւ է գան բարեկամաց, քան զքծիսն թշնամեաց. որչափ ևս առաւել Աստուծոյ խրատն. քանզի լաւ են հարուածք բարեկամաց, քան զկամակար համբոյրս թշնամեաց : Լուր և Դաւթի՛ զմեզ ասէրն, եթէ՛ Դարձո զտապանակդ Տեառն 'ի տեղի իւր. զի թէ գտից չնորհս առաջի Տեառն և դարձուցէ զիս այսրէն և տեսից զվայելութիւն դուրա. ապա թէ ոչ կամեսցի զիս, ահաւասիկ կամ ես, արասցէ ինձ զմեզ հաճոյ իցէ առաջի նորա : Մի օրէնս դիր ինչ լինիցիմք նմա և մի իրաւունս ինչ, ասէ, պահանջեսցեմք զիրաց՝ որ գայցեն 'ի վերայ մեր. այլ մի ինչ միայն, զոր յորժամ խրատիցիմք՝ գոհութեամբ ընդունիցիմք զխրատն :

« Ահաւասիկ, ասէ, ես և մանկունք իմ՝ զոր ետ ինձ Աստուած » և ոչ բնութիւն. զի եթէ նա ետ՝ և նոյն պահեսցէ զնոսա. և ոչ միայն ես, այլ հանդերձ մանկամբքն՝ ահաւասիկ ես. որպէս և Դաւիթն ասէր, եթէ Ահաւասիկ արասցէ ինձ զմեզ հաճոյ թուեսցի

առաջի նորա : Նմա նմանող լինէր ծառայն տեառնն , որ մատնեաց զանձնն և ասէր , եթէ ահաւասիկ կամ միթէ իմ ինչ իցէ . այլ այս է խնայելն 'ի նոսա՝ զոր ետ ինձ . և ես ահաւասիկ զանձն և զորս ետ ինձ՝ նմին մատուցանեմ : Եւ մեք նոյնպէս ասասցուք 'ի վիշտս , որպէս և Յոթն ասաց , եթէ Տէր ետ և Տէր առ : Եթէ պատիժք գայցեն 'ի վերայ և եթէ զինչ և իցեն իրք , իբրև 'ի բաւական իմն առ 'ի ցուցանել զհնազանդութիւնն՝ զահաւասիկն առաջի դնէ . « Ահաւասիկ ես և մանկուհիք իմ՝ զոր ետ ինձ Աստուած » :

« Եւ իսկ և իսկ եթէ եղիցին նշանք և արուեստք 'ի վերայ տանն Խորայելի 'ի Տեառնէ զօրութեանց , որ բնակեալն է 'ի լերինն Սիոնի » : « Ի Տեառնէ զօրութեանց »՝ բարեք իմն ասացեալ է . իսկ եթէ՝ « Որ բռնակեալն է 'ի լերին Սիոնի » , վասն էր արդեւք . այլ զի ծանուցէ զիրան , և զնշանակ օգնականութեանն յայտ արասցէ : « Ահաւասիկ ես և մանկուհիքս . և եւղիցին նշանք և արուեստք » : Տեսանէս , զինչպիսիս պարտուղ համբերութեանն է : « Եւ եղիցին , ասէ , նշանք և արուեստք » . ոչ միայն զփրկութիւնն , այլ զփառաւորութիւնն յայտ առնէ . զոր օրինակ այր տէր՝ տեսցէ զծառայ՝ զի յանձն առնուցու զգան և զպատիժ , զիջանիցի 'ի ցասմանէ , սոյնպէս և Աստուած . Զի Տէր ինքնին զօրութեանց՝ իջեալ բնակեալ է 'ի լերին Սիոնի , և չօգնելոյն՝ քո չարութիւնդ է պատճառք . զի եթէ ոչ կամէր օգնել՝ և ոչ բնակէր 'ի լերինդ : Զի մարգարէքն ոչ միայն յառաջագոյն գուշակեն , այլ և յայտնեն զվճիռ ասացելոցն , թէ որպիսի որ ասիցէ . և ոչ բռնադատէ Աստուած , այլ կամի՝ զի իւրեանց յօժարութեամբ դարձուցանեն զբարկութիւնն :

« Եւ եթէ ասիցեն ցձեզ . ինդրեցէք դուք զվոհուկս և զգետնակուշ և զընդվայրախօսս , զորովայնակուշ , ոչ որպէս ազգք ինչ՝ որ յԱստուծոյ իւրեանց ինդրեսցեն . զինչ ինդրեսցեն վասն կենդանեաց 'ի մեռելոց անտի » : Մի միայն յանձանց և եթէ չհաւանիցէք , այլ յորժամ և այլք յօժարեցուցանիցեն՝ մի առնուցուք յանձն 'ի դիւթս ապաւինել : Քանզի սովորութիւն իսկ է՝ յորժամ պատերազմունք շարժիցեն և վիշտք ինչ 'ի վերայ հասանիցեն՝ զհանդերձեալն ըղձիւք

ճառել.¹ քանզի միշտ աներեւոյթ ինչ իրաց ցանկայ գիտակ լինել բնութիւն մարդկան. զի քննող իմն է և ընդվայրախոյզ, և մանաւանդ զիւր վիշտ կամի յառաջագոյն գիտել, զի մի յախուռն անկանիցի 'ի վիշտս. Եւ արդ, լուր, զինչ ասէն. յառաջագոյն, ասէ, գուշակեցի ձեզ, եթէ եղիցին նշանք և արուեստք, զի մի կարօտանայցէք ինչ այլոց ըղձական կարեաց, թէպէտ և նոքա 'ի բանս ինչ արկանիցեն և պատրիցեն. ապա թէ այլոց խրատուցն անսայցէք՝ չառնիք արժանի ներելոյ Աստուծոյ և թողութեան, որք անձամբ անձանց ածէք զչարիսն 'ի վերայ:

Եւ արդ զինչ մխիթարութիւն 'ի դիւթացն գտանիցես, իվ մարդ, յորժամ պատիժքն եկեալ 'ի վերայ կայցեն. եթէ վասն ինչից կորստեան ծախիցես ինչս և զդիւթս հարցանիցես, զինչ օգուտ գործիցես՝ եթէ զինչսն գտանիցես, զի դու հանդերձ ինչիւքն՝ 'ի գերութիւն ես վարելոց. բայց զի զոգիսդ կորուսանիցես և ինչ ոչ օգտիցիս: Եւ եթէ զինչ ինչ վոհուկն իցէ՝ պարտ է ասել. դե իմն չար է, որ յորովայնէ կանանց խօսի, և կամի նոր իմն իրօքն՝ հաւատացուցանել զմոլորութիւնն. զի ոչ ըստ սովորութեան բնութեանն խօսի, այլ յորովայնէն. և զարմացուցանէ զտգէտս հաւատալ՝ թէ իբրև զճմարիտ ինչ իրս խօսիցի. զի յայնմանէ և գետնակոչաց արուեստն լինիցի հաւատարիմ և ընդվայրախօսացն՝ որք յորովայնէն բարբառիցին: Իսկ Ակիղաս՝ Զհաւգէտն, ասէ, և զձայնատուրս, իսկ Սիմաբոս՝ Զգէտն, ասէ, որ ճըճուիցեն և ճըղիցեն. Թէոդոտոֆն՝ Զկանխագէտն ձագացեալ, այսինքն՝ ձագուց նմանեալ: Եւ ինձ այսպէս թուի, թէ այս՝ և զառ 'ի մեռելոցն հարցութիւնս նշանակէ. զի նոր բարբառոյն իմն՝ զարմացուցանիցէ, որպէս և այլ թարգմանքն ցուցին: Քանզի սովորութիւն է դիւաց՝ ճողել, զհաւու ձայնս արձակել. զոր եօթանասունքն² ընդվայրախօսութիւն կոչեցին: Զի ամենայն ուստեք և նորաձայն բարբառովքն՝ զմոլորութիւնն հաստատիցեն. զի թէպէտ և այս դիւի հնարք են,

¹ Յօր. Օտար գրչաւ՝ ճանաչել:

² Յօր. Ունեւաստնիցն:

կարծեցուցանել՝ եթէ զմեռելոց ոգիսն կոչել կարիցէ, զի զդատաստանաց ճառսն գողասցի. այլ մեք այսպէս ասեմք՝ եթէ յորժամ ելանիցէ շունչ 'ի մարմնոց՝ յըշտեմարանս ուրեմն երթայ դադարէ, ուստի չէ մարթ նմա ելանել: Իսկ դէն հակառակի ցուցանել՝ եթէ ոչ միայն առ ոսկերսն բնակեալ է, այլ և երթեալ անդր և ընդ վայր շրջի. և ոչ ընդ տէրութեամբ ինչ է և ոչ ընդ աստուածեղէն խնամովք, և ոչ պատիժս ինչ կրելոց է՝ վասն յռութեան ինչ զոր գործեաց. և բազմաց կարծեցոյց՝ եթէ յետ վախճանելոյն՝ ընդ վայր իմն ոգիքն թարթափիցին: Եւ այս մանկըտոյ կամ պառաւանջ առասպելք իցեն, զի մի յորժամ յայսպիսի ինչ դիւթութիւնս յօժարեցուցանիցեն՝ յանձն առնուցուք: Քանզի վոհուին՝ երբեմն հան իմն Շաւուղի՝ Աստուծոյ թոյլ տալով, զի ցուցցէ նմա յարութիւն, որ չէր յարութիւն. զի գոնեա այնու հաւատայցէ՝ թէ և կենդանեաց և մեռելոց՝ Աստուած է տէր. քանզի և որ երևեցաւն իսկ նմա, թէպէտ և չէր Սամուէլ, ոչ իշխեաց զնա յԱստուծոյ խոտորեցուցանել:

« Ոչ ազգ ինչ՝ որ յԱստուծոյ իւրեանց խնդրեսցեն »: զի որ զայսպիսի իրս կամ ասիցեն կամ գործիցեն՝ հեռի են յԱստուծոյ. որպէս և Սաւուղն կրբեաց զպատիժսն. յԱստուծոյ հեռացաւ և զվոհուին եհարց և ոչ ինչ ոչ օգտեցաւ, այլ և ընդ մեծամեծ պատժովք անկաւ, զի յառաջ քան զժամանակն եհաս չարաչար վախճանի:

Տէս, զիսորդ հեգնէն. « Զի՞նչ խնդրեսցեն, ասէ, վասն կենդանեաց՝ 'ի մեռելոց անտի »: Կամ զգեւան կոչէ մեռեալս կամ զմեռելսն. և այս իսկ շատ բաւական է 'ի ցուցանել զստութիւնն. զի եթէ կենդանիքն չգիտեն ինչ, որչափ ևս առաւել մեռեալքն և թաղեալքն, որք և զայս ևս չգիտեն՝ զոր ինչ մեքս գիտեմք:

« Զի զօրէնսն յօգնակոնութիւն տուեալ է. զի ասիցեն եթէ ոչ իբրև զբանս զայս, վասն որոյ ոչ է տալ կաշառս »: Եւ ոչ ասէ՝ եթէ զբանս զայս, այլ՝ եթէ իբրև զբանս զայս. քանզի բազում անգամ հրաժարէ որ 'ի դիւթութեանն կերպարանաց, այլ յայլ ինչ

մեղրութիւն յօժարէ. և արդ միանգամայն իսկ վճիռ տան օրէնքն, թէ ամենեւին ինչ մի պատճառս պատճառիցիք. զի յորմէ իմեքէ Աստուած արգելու՝ հաւանել պարտ է. մի լինել դատաւոր իրաց ինչ՝ զոր արգելուցու. Բարեգը ասաց, եթէ « Զօրէնսն յօգնականութիւն տուեալ է » : Դրդեն խորհուրդք, պատրեն մարդիկ. բազում ինչ է՝ որ խախտէ զմիտս, վիշտք, նեղութիւնք ստիպեն զայս ամենայն. բաւական են օրէնքն ոչ միայն արգելուլ, այլ և առանց թողութեան յայտ առնել զայսպիսի չարիս : Միթէ այնպիսի մեղք իցեն՝ որ բժշկիցին իւրք. անբժշկական են մեղքս այս և առանց միութարութեան յանցանք : Ոչ միայն ասէ՝ թէ մի գործեսցեն, այլ թէ և բնաւ մի ճառեսցեն. իսկ որպէս զի ոչ միայն թէ գործիցեն, այլ եթէ և ճառիցեն՝ մեղք են, անդատին ՚ի բնէ զարմատն կամեցաւ հատանել Աստուած. վասն այնորիկ զկէսն մեղացն՝ հրամայեաց պատարագօք բժշկել, և զկէսն յայտ արար թէ անբժշկական են : Եւ ընդէր արդեւք. այլ զի սոսկալի է և փախել պարտ է : Եւ այն միայն բաւական է՝ յորժամ լուիցես թէ Աստուծոյ արգելեալ է, և ցածուցանես զքո մտացդ զցանկութիւն :

Եւ արդ գուշակէ յառաջագոյն զչարիսն. « Եկեսցէ հասցէ ՚ի վերայ ձեր սով խտութեան, և եղիցի յորժամ քաղցիցէք՝ տրտմեսլիք, և հայհոյել սկսանիջիք զիշխանն և զհայրենիսն », այսինքն զկուռն : Տեսնես, վասն էր սոյն դայր հասանէր. և յառաջագոյն գուշակէ և կամի զչարիսն ցուցանել և զտկարութիւն կռոցն յայտ առնել, եթէ որք զսոյն չկարացին շիջուցանել, զիարդ զարտաքին պատերազմունսն խափանիցեն : « Եւ եղիցի յորժամ քաղցիցէք՝ տրտմեսլիք, և հայհոյել սկսանիջիք զիշխանն և զհայրենիսն ». տեսանէս, յետ տկարութեանն՝ և զամբաստանութիւն կռոցն, զի և զհայհոյութիւնն որ ՚ի նոսա լինելոց էր՝ չկարէին խափանել և ոչ զսոյն արգելուլ :

« Եւ հայեսլիք յերկինս ՚ի վեր և յերկիր ՚ի խոնարհ պնուցութեք » : Տես, զիարդ զԱստուած հայհոյէին, զի խղճէին ՚ի միտսն և թշնամանէին. և պնուցուն, ասէ, յերկիր ՚ի խոնարհ. զի ոչ ունիցին համար-

ձախուծիւն վաճառ չարեացն որ գործեցան: « Եւ
ահաւասիկ կարօտութիւն և անձկութիւն, խաւար և
նեղութիւն, զի ոչ ոք կարիցէ տեսանել » . իսկ Ագիդաս՝
փոխանակ ասելոյ, զի ոչ ոք կարիցէ տեսանել լուծու-
թիւն ասէ. և այլ թարգմանքն՝ զխաւար տեսանել
աչօք բացօք, այս ինքն՝ զի աչք ևս չլացեալ նուաղիցին
'ի տեսանելոյ: « Եւ մի նուազեացի նեղութիւն նոցա՝
մինչև 'ի ժամանակ » : Այսինքն չարիքս այս մինչև 'ի
ժամանակ մի լինիցին, զի ուսանիցիք զվռոցն վատթա-
րութիւն:

ԳԼՈՒԽ Թ

« Հապա, նախ զայդ արբ վաղվաղակի, երկիր Զա-
բողոնի, երկիր Նեփթաղեմի և այլք ևս ծովեզերայքդ,
և որ յայնկոյս Յորդանան գետոյ. Գալիլեա հեթա-
նոսաց, կողմանք Հրէաստանի: Ժողովուրդ՝ որ գնայր
'ի խաւարի՝ լոյս մեծ տեսցէ. որ բնակեալ են յերկրի
և յստուերս մահու՝ լոյս ծագեաց 'ի վերայ նոցա » :
Զպատիժն, ասէ, արբ նախ. և այս նախ շուրջ զե-
րուսաղեմաւ կատարեցաւ՝ սոջն: « Ժողովուրդ՝ որ գը-
նայր 'ի խաւարի՝ տեսցէ լոյս մեծ » . և զիմրդ իցէ այս
լոյս. « Զմեծ մասն ժողովրդեանդ, ասէ, զոր իջուցեր
դու յուրախութիւն. և ուրախ լինիցին առաջի քո » :
Եւ քանզի իբրև փախստականք էին, եկն Քրիստոս
յաշխարհ նոցա և ած զնոսա յուրախութիւն. ոչ իբ-
րև զպատժապարտս և ոչ իբրև զփախստականս ամա-
չեցեալս: Եւ բարեք ասաց, եթէ « Զմեծ մասն ժողո-
վրդեանդ » . զի և 'ի նոցանէ բազումք հաւատացին, և
որ ընդ նոսա և որ շուրջ ընդ նոքօք հեթանոսք՝ գա-
լոց էին յուրախութիւն: Տես, ուստի նախ սկսանի
լոյսն. և զմիջ հաղորդութիւն ունէին առ այսոսիկ հե-
թանոսք. այլ 'ի գալստեանն Քրիստոսի, ծնաւ 'ի
Բեթղահէմ, և ծագեաց անտի 'ի հեթանոսս. ան-
դէն իսկզբանն իսկ հալածէին զնա ամենեքեան 'ի
Հրէաստանէ. երթայր հասանէր յեգիպտոս, զի ծա-

գեւոյցէ զլոյսն 'ի հեթանոսս. և ոչ եթէ աչօք տեսանեմք զլոյսն, այլ սրտին և մտացն աչօք: « Ժողովուրդ՝ որ գնայր 'ի խաւարի » . զվարս նոցա զառաջինս՝ խաւար կոչէ. և զի 'ի խաւարի գնային՝ ես քեզ ցուցից, զվերս նոցա և զհարուածս: « Որք նստէին յերկրի և 'ի ստուերս մահու » . երկիր և ստուերս մահու՝ զմոլորութիւն կռապաշտութեանն կոչէ, որով մոլորեալ և յերկիր կործանեալ էին: « Տեսցէ լոյս մեծ » . ոչ միայն զայսպիսի ինչ իրա՝ որ լուսաւոր ցուցան մեզ, այլ մանաւանդ ևս առաւել զերկնաւորականսն որ յայտնեցան մեզ, եթէ զինչ մահ իցէ կամ զինչ կեանք կամ զինչ չար իցէ կամ զինչ բարի. զի մի զբարեղէնսն և զփայտեղէնս տեսանիցեմք և մի ընդ երկիր պշուցումք, այլ յիմանալին, յանքնինսն, յերկնաւորսն նայիցումք: Արդարեւ լոյս մեծ և նորանշան է, զոր աւետարանին՝ լոյս Ճմարիտ կոչէ, զի Ճմարիտ իրացն 'ի վերայ հասուցանէ. քանզի երեւելիք փութման յապականութիւն, սահին, անցանքն և ուրեք ոչ առնուն զտեղի. իսկ այն՝ հաստատուն և անշարժ կայ, զի զմեծամեծսն և զՃմարիտս ցուցանէ՝ մեծ լոյս և Ճմարիտ: « Զմեծ մասն ժողովրդեանդ՝ զոր իջուցեր դու յուրախութիւն » : Եւ այս՝ Աստուծոյ միայն սեփական է, ուրախ լինել ընդ գիւտ փրկելոցս. ուրախութիւն՝ զխաչն կոչէ:

« Եւ ուրախ լինիցին առաջի քո, որպէս ուրախ լինիցին յաւուրս ամարանւոյ » : Զի որպէս նոքա ընդ արմատիս բարեացն ուրախ լինիցին, նոյնպէս և սոքա որ աշխատութեամբ կամ քրտամբք, այլ զամենայն պատրաստ գտանիցեն: « Եւ ցնծասցեն իբրեւ զայնոսիկ՝ որ բաժանիցեն զաւար » . զի վիշտք ինչ այնուհետեւ մի գայցեն 'ի վերայ, այլ զի յանվշտականսն և եթ վայելիցեն:

« Եւ վերացաւ լուծն՝ որ կայր 'ի վերայ նոցա, և գաւազանն՝ որ 'ի վերայ պարանոցի նոցա. զի զգաւազան պահանջողացն խափանեաց, իբրեւ յաւուր ժամանակին Մադիամու » : Զի զոր օրինակ յայնժամ ոչ մարդկեղէն զօրութեամբ փլաւ ճակատն, նոյնպէս և ոչ աստ՝ սատանայական պատերազմն. անդ սափորք և Զահք, իսկ աստ՝ ոչ սափորք և ոչ Զահք, այլ 'ի մի-

մեանս անկեալ դեք և 'ի բաց մերժեցան : Գիտէք զպատերազմն, ապա եթէ անտեղեակք իցէք՝ ես ձեզ պատմեցից, « Զամենայն պատմութեանս և զհանդերձո՝ որ նենգութեամբ ժողովեալ իցէ՝ տուգանօք տուժեալցին » : Զայս պատահեալ վասն հանդերձելոցն ակնարկէ. այսինքն՝ թէ զամենայն սաստիւ և տոկոսիւ հատուցեն :

« Եւ նորս կամէին թէ արդէն իսկ հրձիգ լեալ էին. զի մանուկ ծնաւ մեզ և որդի տուաւ մեզ » : Ուստի, ասա ինձ. այլ զի միայն՝ որ ծնաւն՝ եղծ և կորոյս զնոսա. նա իսկ հաշեաց զնոսա՝ զի մեզ ծնաւ : Թէպէտ և Պաւղոս ասէ՝ թէ վասն նոցա ծնաւ, այլ քան զի ոչ կամեցան՝ մեզ ծագեաց. և մանուկն մեզ և որդին մեզ : Եւ արդ տես, զիարդ զմարդկեղէն բնութիւնն յառաջագոյն քարոզէ, և զծնանին անդուստ 'ի վերուստ ուսուցանէ՝ յորմէ արդեւք ծնաւ : Եւ արդ, ուսիր՝ իվ արդեւք նա իցէ, կամ որպիսի ինչ անուն նորա : « Որոյ իշխանութիւն 'ի վերայ ուսոց իւրոց է » : Եւ այսմ չէ մարթ, եթէ 'ի վերայ այլոյ մարդոյ կատարեսցի. այսինքն ոչ յայլմէ ումեքէ ունի զիշխանութիւն, այլ յանձնէ և առ յիւրմէ բնութենէն, զի ինքն իւր բաւական իսկ է :

« Եւ կոչի անուն նորա մեծաց խորհրդոց հրեշտակ » : Եւ արդ, ուր իցեն երկոքեան կողմանքն, Հրէայք և հերետիկոսք. զի և այս՝ Հոգւոյն Սրբոյ շնորհք են, զի արժանի արար զմեզ զարմանալ և ոչ քննել. ոչ զարարին՝ արարած, և ոչ զմինն՝ երկուս, և կամ բնաւ որդի իսկ չխոստովանել, որպէս Հրէայքն ժրպրհին : Եւ նշանակ վիրաց նոցա այն է ; զի և ոչ հասարակաց դեղովք կամեցան բժշկել. զի անդ ասէ. Ընդ մեզ Աստուած, և աստ ասէ. « Մեծաց խորհրդոց հրեշտակ » : Եւ արդարեւ մեծաց հայրենի խորհրդոց. զի զՀօր զանուն այլ ոք ոչ յայտնեաց, բայց որ 'ի նորին բնութենէն է, և առ յանձն լինել կամօք հրեշտակ. ոչ զի 'ի հրեշտակ փոխիցի, այլ զի զգործ հրեշտակի՝ իւրով մարդասիրութեամբն Աստուածն յԱստուծոյ՝ կատարիցէ, ըստ այնմ՝ եթէ Ես ցուցից նմա զանուն քո : « Մեծաց խորհրդոց հրեշտակ » : Եւ յայլ ևս երես. զի ժառանգակիցս և մարմնակիցս և հա-

որորդս կամեցաւ առնել իւրում Որդւոյն Հայր՝ զՏե-
թանոսս, տես, զինչ խորհեցաւն ընդ Որդւոյն և ընդ
Հոգւոյն Սրբոյ. զի զմեր բնութիւնս՝ ի վերոյ քան
զՏրեշտակս և զՏրեշտակապետս, և զքրորէս և զսրո-
բէս հանցէ նստուսցէ: « Եւ կոչի անուն նորա Տրեշ-
տակ մեծաց խորհրդոց »: զի զհողն և զմոխիրն՝ յեր-
կինս վերացուսցէ. այլ գտանի և ինքն իսկ խորհուրդ
և կամք, զի խորհեցաւ և կամեցաւ և սիրեաց զաշ-
խարհ և եկն և փրկեաց ՚ի չարեաց:

« Եւ սբանչելի խորհրդակից »: Այս բան յեօթա-
նամսիցն թարգմանութիւն ոչ գտանի. բայց յայլոց
թարգմանացն և յերայեցին կայ. և այլքն ես՝ որ
սոցին յաջորդքն են. ուստի արժան իսկ է զարմանալ
ընդ Ղուկիանոս մարտիրոս, որ զմնացեալսն բարւոք
ժողովեաց և եդ, զի զհանգիտապատիւ զուգականու-
թիւնն Որդւոյ ընդ Հօր յայտնեցէ մեզ. և զուր բաւ
բասեն զնա իբրև զՏրեշտիկոս: Եւ զիմորդ ասէ, թէ
Ո՞ եղև նմա խորհրդակից. տեսանես, զի ոչն որ ասե-
լով, ոչ ընդ Որդի և ընդ Հօր անջրպետութիւն ինչ է
՚ի միջի, այլ չաստուածսն անուանել աստուածս: Զար-
մանալի լիցի, ասէ, անուն իմ՝ սբանչելի: Ազնուագոյն
իմն և այլուր ասէ, եթէ Զի խնդրես զանուն իմ, և
նա է սբանչելի. և դարձեալ, թէ Տէր Տէր մեր, սբան-
չելի է անուն քո յամենայն երկրի. և անունն՝ որ զմն
լորութիւնն շիջոց և գտիեզերս լուսաւորեաց և առ-
ինքն և առ Հայր մերձեցոյց, զիմորդ չիցէ զարմանալի:

« Աստուած հօր », որ ՚ի մէջ այլոցն՝ որ չէին աս-
տուածք՝ անջրպետութիւն իշխանական. Զիմորդ ասի-
ցէք՝ եթէ ընդ ² իշխանութեամբ է, զոր մարգարէս
իշխանական կոչէ. զի իշխանականն յայտ է՝ թէ չէ
ընդ իշխանութեամբ ուրուք: « Իշխան խաղաղու-
թեան, հայր հանդերձեալ աշխարհին »: Եւ արդ, զի
արդ ոչ գիտիցէ զօրն, զի ահաւասիկ և հայր ևս կօչի
Որդի: Եւ քանզի յայսմ աշխարհի ոչ յայտնեցաւ
անհաւատիցն, և անդ ամենեքեան են ճանաչելոց
զնա: Բարւոք ասէ՝ թէ « Հայր հանդերձեալ աշխար-

¹ Թոր. Խն:

² Թոր. Պակասի բդ:

հին» . քանզի և զհանդերձեալն նա արար, և ոչ միայն զմօտաւորսս ևեթ:

Եւ քանզի նախ կոչեաց զնա Հրեշտակ մեծաց խորհրդոց, ապա համարձակ զամենայն մեծամեծսն առեւ: Եւ զի մի բնաւ անծին իսկ կարծիցես զնա, ասէ. «Ածից զխաղաղութիւն 'ի վերայ իշխանաց նորա, և առողջութիւն նմա» . այսինքն՝ յաւուրս մարմնաւորութեան նորա՝ նովաւ առողջ արարից զանդամն նորա՝ զհաւատացեալս ամենայն: «Մեծ է իշխանութիւն նորա, և խաղաղութեան նորա չիք սահման» . զի անբաւ է խաղաղութիւնն նորա, և չիք ինչ՝ որ զնա ընդ մէջ հատանիցէ. վասն որոյ և ասէ իսկ, եթէ Զխաղաղութիւնն իմ թողում ես ձեզ:

«Բաթուն Դաւթի և յարքայութիւնն նորա»: Անդրէն 'ի գլուխ բանիցս երթիցուք, և զսոյն բանն՝ որպէս յայլոց թարգմանացն ասացեալ իցէ՝ երկրորդեացուք: Եթեանասունքն ասեն. «Զի մանուկ ծնաւ մեզ, որդի տուաւ մեզ, որոյ իշխանութիւնն է 'ի վերայ ուսոց իւրոց, և կոչի անուն նորա մեծաց խորհրդոց հրեշտակ. ածից զխաղաղութիւն 'ի վերայ իշխանաց նորա, և առողջութիւն նմա. մեծ է իշխանութիւն նորա և խաղաղութեան նորա չիք սահման»: Իսկ Ակիղաս առեւ. Զի մանուկ ծնաւ մեզ, որդի տուաւ մեզ, և եղև չափ 'ի վերայ թիկանց նորա, և կոչեաց զանուն նորա սքանչելի, խորհրդակից, հզօր, զօրաւոր, հայր և իշխան ևս նոցա, բազում անչափ, և խաղաղութեան չիք ևս կատարած: Իսկ Սիմաբոս. Պատանի ծնաւ մեզ, և եղիցի խաղաղութիւն 'ի վերայ ուսոց նորա, և կոչեացի անուն նորա սքանչելագործութիւն, խորհրդական, ուժգին, զօրաւոր, հայր յաւիտեանցն, իշխան խաղաղութեան նոցա. բազմացաւ խրատն, և խաղաղութեանն քում չիք վախճան: Սոյնպէս և Թէոդոտոն, փոխանակ ասելոյ՝ թէ կոչի, կոչեաց, ասէ. սքանչելաբար խորհի, ուժգին, զօրաւոր, հայր, իշխան խաղաղութեան, բազմացուցանել զխրատ, և խաղաղութեանն չիք վախճան: Սոյնպէս և երբայեցին. Ուրի՜,

1 Թորինակին այսպէս շփոթ եղեալ կայր, զվանկս բառիցն ընդ միմեանս խառնակելով. այլ ըստ ուղիւ ընթերցման երբայեան

կրասեմ, բովլթ, փեղէ, իովէս, եղգիբ, բովրաբիադ, սար, սաղովմ, ամարբէ, ամմէսրա, ուա, շաղովէնկէ: Եւ յայտ է՝ Թէ ոչ յաւել ինչ և ոչ հատ՝ սուրբ Մարտիրոսն, այլ և յեբրայեցւոյն և յայլոց Թարգմանացն ժողովեաց և միաշար արար և զամենայն յայտ յանդիման եցոյց. և արդ չէ խոտան Ուղիւիանն¹, այլ և կարեոր և քան զՊաղեստինացւոց գրեանն ևս ուղղագոյն: Այլ անդրէն ՚ի կարգն երթիցուք:

« Բաթոռն Դաւթի և յարքայութիւնն, և ուղղեսցէ զնա և պաշտպանեսցէ արդարութեամբ և իրաւամբք, յայսմհետէ և յաւիտեանս ժամանակաց. նախանձ Տեառն զօրութեանց արասցէ զայս ամենայն »: Եւ քանզի միշտ կործանէր և ոչ վասն լոյս իրիք, այլ վասն մեղաց, յիրաւի եկն կանգնել միւսանգամ ծննդեամբ աւագանին: « Իրաւամբք և արդարութեամբ ». քանզի արդարութեամբ պաշտպանեաց նմա: « Եայսմհետէ մինչև յաւիտեան »: Եւ զիարդ հաստատեցաւ արդեւք Թագաւորութիւնն Դաւթայ. այլ զի ընդ ամենայն տեղիս ամենայն տիեզերք՝ երկիր պագանեւն այնմ՝ որ ՚ի Դաւթայն ծնաւ. և կայ մնայ զաւակ նորա մինչև յաւիտեանս ժամանակաց: « Նախանձ Տեառն զօրութեանց արասցէ ». զի և ոչ մարդկեղէն ինչ ուղղութեամբք, ասէ. և ոչ եթէ արժանի ինչ էին այսմ: Եւ այսու ոչ եթէ նախատէ զմեզ, այլ զի զհաստատութիւն բարութեանցն յայտ առնիցէ: Խաղաղութիւն և առողջութիւն՝ զոգւոյն ասէ և զմարմնոցն. զի և մարմնոց ցաւոցն՝ ՚ի մեղաց եղև սկիզբն. որպէս ցանգամալոյծն ասէր, եթէ Ողջացար, մի ևս մեղանչիցես.

բնագրին պարտի լինել.

ויקרא שמו פלא ויעז אל גבור אביעז
..ששלוש: למרבה חמשה ושלשום איון.

որ է Ուիէկրա սեմոյ փէլէ, իովէս, Էլ, գիբթովթ, աբի-աբ, սար-սաղովմ: Լէմարբէ ամմիսրա ուղէշայում էնիէց: Այսինքն է. Եւ կոչեսցի անուն նորա սքանչելի, խորհրդական, Ասաուած, հօթ, հայր հանգերձելոյ աշխարհին, իշխան խաղաղութեան: Բազմացի իշխանութիւն նորա և խաղաղութեան նորա վախճան մէ եգիպի:

¹ Թուի լինել Ղուկեանն, այսինքն Թարգմանութիւն Սրբոյ երէցսն Անտիոքացւոյ Լուկիանու մարտիրոսի, գրեալ յաւուրս Դիսկետիանոսի, յամին իբր 300.

և այլուր՝ եթէ Ոչ եղիցի 'ի ձեզ հիւանդութիւն: Զի ոչ եղեն բաւական առաջին պատիժքն, այլ պարտ էր յաւելուլ և այլ ևս պատիժս: Որպիսի ինչ իցէ զոր տեմս. եդ Ստուած սահման զպատիժս մահուն, եթէ իշխեսցէ ճաշակել մարդն 'ի պողոյ ծառոյն, և այլ ինչ ոչ յաւելլ և քանզի անց զհրամանաւն, ած անձամբ անձին զցաւոցն պատիժս. զի թէպէտ և մեռանելոց էր, սակայն 'ի կեանս առանց ցաւոց կեայր. և քանզի այն ևս 'ի ծուլութիւն էր անկանելոց, եդ 'ի վերայ և զցաւոցն պատիժս, զի գէթ այնու խրատիցի և ունիցի 'ի մտի զիշատակ բարեացն: Եւ այս Աստուծոյ տեսչութիւն է, զի սակաւ ցաւովքն՝ 'ի բազում տանջանացն ապրեսցի: Սոյնպէս և Հրէից զբազում սպառնալիս սպառնայ, ցաւս, հիւանդութիւնս, տրտմութիւնս, և այլ ևս ինչ բազում վշտականս, զի ցուցէ՝ եթէ պատճառք ամենայն բարեաց առաքինութիւն է. և այժմ զի դժնդակ վարս ցուցին, սպառնալ ցաւ գեհենն 'ի պատիժս:

« Մահ առաքեաց Տէր 'ի վերայ Յակոբու, եկն եհաս 'ի վերայ խորայելի ». և առաքեաց և եկեսցէ իսկ թարգմանքն՝ Բան, ասէ, առաքեաց. քանզի չէ ինչ այն՝ որ խափանել կարիցէ զայն ինչ՝ զոր Ստուած առաքիցէ: Զի յիւրան առաքէ, և աղերսանօք իմն առնէ զպատասխանին: « Եւ ծանիցեն, ասէ, ամենայն ժողովուրդն եփրեմեան, և որ նստինն 'ի Սամարիա, զի թշնամանօք և հպարտութեամբ սրտից խօսեցան »: Տեսանեն, զի ոչ այնպիսի ինչ զՍտուած բարկացուցանէ, որպէս և ամբարտաւանականն միտք և անհանդուրժական հպարտութիւնն և թշնամանիկ բանք, որք յանցաւորս՝ որպէս որ 'ի չանցաւորս յուսայցեն:

« Աղիւսք, ասէ, անկան, արդ. եկայք վէմն տաշեսցուք »: Հանապազ լսելով, մարդ, եթէ պատերազմունք գալոց են, մեծամեծ չարիք հասանելոց են քաղաքիդ, և տակաւին արհամարհես զբանդ և շինուածոց զգուշութեան հոգաս. ո՛վ անմտութեան, ո՛վ անհանձարութիւն, ո՛վ ամբարտաւանութիւն: Աստուած սպառնայ և դու արհամարհես. զի թէպէտ և Աստուած չսպառնայր, սակայն իրքն պարտ էին հաւանեցուցանել զքեզ. զի թէպէտ և այլ ինչ ոչ՝ սակայն

վարքն իւրեանց՝ ոչ նուազագոյն քան զմարդարէս՝ պարտ էին հաւանեցուցանել նոցա զբանիցն կանխասացութիւնս։ Միթէ լաւութիւնս ինչ գործէք և յայն սակս թերահաւատէք՝ թէ չգան պատիժք ՚ի վերայ։ յոյժանհաւատից են բանք, արհամարհողաց՝ որ զԱստուած անարգեն։ Զի այնպէս հակառակէին չհաւատալ կանխասացիկ պատգամացն, զի և բազմաժամանակեայ ևս շինուածս խորհէին շինել։ Եւ արդ մեծ զբաղմաժամանակեայ շինուածս շինես, մի մարդ. զի դու ՚ի սակաւ ժամանակի ես վնարելոց յաշխարհէս. այսօր կամ վաղիւ մարմինդ լուծանիցի, և հաստատուն շինուածքն որ շինեցեր՝ մեծ լինիցի. որչափ ինչ իցէ այսպիսի անմտութիւն։ Այլ որդւոց և թռանց, ասէ, արարաւ առնեմ։ Եւ զիմարդ ոչ լաւ քան զտառն և չինուածս էին այսպիսի օրէնք՝ զորս եդ Բաղնադաբ որդի Ռաբբայ՝ իւրոց որդւոցն, թէ Մի ՚ի տունս բնակիցէք և մի այդիս տնկիցէք։ Այլ քեզ թէ հնար ինչ էր՝ յայլ ևս չարիս մեծամեծս գրդէիր, յոր և դրդեադ իսկ, և բեւեռես զնոսա ընդ աշխարհս անցաւորս։

« Եւ շինեսցուք մեզ աշտարակս » . և ոչ ասեն որդւոյ կամ թռանց, այլ մեզ մարդարէդ, ասէ, առանցեալ է և ոչ գիտէ զինչ խօսի։ Եւ աշտարակս՝ ոչ ՚ի բնակութիւն ինչ, այլ ՚ի պարծանս և ՚ի ցոյց նշանակի։ Տեսանես, որչափ թշնամանէին զԱստուած հպարտութեամբն, սակայն ոչ վասն այսորիկ միայն, ասէ, ածից պատիժս, այլ և վասն յուդայական ազգին։

« Եւ կործանեացէ Տէր զբազումս սաստկութեամբ՝ զյարուցեալսն ՚ի վերայ Սիոնի, և զթշնամիսն Բաղայ՝ խափանեացէ, զԱթորիս՝ ՚ի ծագացն արեւելից և զԲոյնան ՚ի մտիցն արեւու » . ի բարերարութեանց պարտ է լինել պիտանիս. տե՛ս, որպէս Աստուած ահիւ պատժոցն խրատէ զմեզ. նախ վասն Բաբելացւոցն գուշակեաց, և ապա վասն Ասորւոցն և Բանացն տրեմեռայց։ Ինձ այսպէս թուի, եթէ զօրավիդն օգնականութիւն ինչ նշանակիցէ, զի բնաւ ընդ ամենայն փեղեղերս յայտնի լինիցին փառք նորա, և մանաւանդ առ Բաբելացիսն, որ յայնժամ նոքա ունէին զաշխարհս բազումս. զի մի անձանց ինչ համարիցին զյաղթութիւնն, այլ զի իմասցին՝ թէ Աստուած ետ

հարկանել նոցա զազգս բազումս, և զՅոյնսն 'ի մտիցն արեւո: Եւ ընդէր. « Զի ուտէին զժողովուրդն իմ՝ Խարայէլ բերանալիւր ամենայն բերանով »: տեսանեն, զի և յետոյ 'ի նոցանէ խնդրէ վրէժս:

« Եւ 'ի վերայ այսր ամենայնի ոչ դարձաւ սրտմըտութիւնն, այլ ևս տակաւին բարձրացեալ է ձեռնն »: Կամ զայն կտաի ասել, եթէ այնչափ օպառնալիս լուան և չեղեն ինչ պիտանիք, կամ զի ոչ մինչ ցայն վայր հաստատիցէ զպատիժսն Աստուած, զոր և վասն ժողովրդեանն յաջորդաւն յայտ առնէ. « Ժողովուրդ իմ, ասէ, ոչ դարձաւ՝ մինչև վիրաւորեցաւ, և զՏէր ոչ խնդրեցին »: Տեսանեն, զի ամենայն վասն այնորիկ ճառէր զի մի վիրաւորեցի, սակայն նա ոչ դարձաւ. այս ամենայն նշանակ իմն է, որպէս զի ասիցէ ոք՝ Թէ այս ամենայն եղև և ոչինչ եղեն պիտանիք մինչև վիրաւորեցան:

« Եւ Զնքեաց Տէր յԵրուսաղեմէ զմեծն և զփոքրն, զգլուխն և զտտուն՝ յաւուր միում »: Իսկ այլ Թարգմանքն փոխանակ այնր՝ Թէ զմեծն և զփոքրն, եթէ Զայն՝ որ պառակտէրն և Թիւրէր և խափանէր զփորկութիւնն: Եւ ոչ ասէ՝ Թէ զգլուխն և զոտս, այլ իբրև զանխօս գազանաց՝ զգլուխն և զտտունն: Զի իբրև օձից իմն նմանեցաւ ժողովուրդն, վասն այսորիկ զգլուխն ջաղջախեաց՝ զարմատ ամենայն չարեաց, և զտտունն եհատ, զի և խլրտել մի կարիցէ: « Ի միում աւուր »: Յիրաւի եցոյց՝ եթէ աստուածասաստ են ցաւքն:

Եւ ապա յայնտիկ՝ որ զձեռնադրութիւնն ունէին՝ ածէ զբանն. « Զերէցն և զակնառուն՝ այս առաջն է »: որք զիրաւունս Թիւրէին՝ վասն զերեսս Թիւրելոյ և ակնառութեանն: « Եւ զմարգարէն՝ որ ուսուցանէ զանօրէնութիւն՝ այս տտունն է »: Եւ ընդէր զսուտ մարգարէն՝ տտուն կուչիցէ, որ գլուխն կարծէր նոցա. այլ նոքա էին՝ որ զնոսա 'ի չարիան դրդէին, և ոչ տալին Թոյլ՝ գալ յուղղութիւնս: Եւ աստի ուսանիմք, եթէ ոչ ոյք գործեն զչարիան, այլ որք դրդենն զնոսա 'ի մեղս՝ նոքա մեծաց պատժոց արժանի են. զի աղքատն Թերևս զաղքատութիւնն պատճառս առնիցէ, իսկ դու յո՞ փախչիցիս, որ կարող ես և առանց կարօ.

տութեան: Եւ ապա իրաւունս ցուցանելով տունէ
զպատասխանին, եթէ ոչ պատժոց են իրքն, այլ բժշ-
կութեան և ուղղութեան:

« Եւ եղիցին, ասէ, որ երանիցենն ժողովրդեանս,
որպէս զի մոլորիցին և մոլորեցուցանիցեն. զի կլանի-
ցեն զնոսա, և ապա յայտնիցին »: Քանզի յայն չէին
ինչ յայտ և 'ի վախճանէն յանդիմանեացին: Այժմ
մոլորեցուցանիցեն, բայց այժմ ամենեքեան իսկ տե-
ղեկանայցեն. վասն որոյ յաւել իսկ, եթէ մոլորեցու-
ցանիցեն. զի թէպէտ և այժմ մոլորեցուցանիցեն, սա-
կայն յայնժամ յայտնի լինիցին:

« Վասն այնորիկ 'ի վերայ երիտասարդաց նոցա ոչ լի-
լինիցի ուրախ Աստուած »: Քանզի զմէն օգուտ իցէ 'ի
տիոցն և 'ի զօրութենէ, յորժամ ոչ դժ յուղղութիւնս
վարիցէ՝ զհասակն և զզօրութիւնն: Զոր օրինակ, եթէ
ծառայք ուրուք իցեն մարմնեղէնք, անդամայաղթք,
հարուստք, առողջք, և 'ի չարագործութիւնս հատա-
նիցեն, յարեցութիւնս և յորկորստութիւն, այսր
անդր խուսափիցին, և ոչինչ դժ ուրախ լինիցի 'ի զօրու-
թիւնն նոցա. զի թէպէտ և մարմնովն յաղթանդամք
իցեն, և 'ի մտացն պակասեալք, ուստի ամենայն չա-
րեացն պատճառք լինին: Քանզի և ոչ բարին առան-
ձինն՝ բարի իցէ, և ոչ չարն՝ չար, այլ ըստ մտացն՝ որ
կամ թէ զայն յառաջ բերիցէ կամ թէ զայս. զի թէ
'ի բարի յօժարիցի իսկզբանէ, լինի երիվար մուղ և
վարժ. եթէ յուրութիւնն յոլովիցէ՝ անառակու-
թեամբն միտի 'ի չարին:

« Եւ որբոց նոցա և այրեաց մի ողորմեսցի »: զի ոչք
ոչ 'ի վշտացն զգաստացեալք լինիցին պիտանիք¹: Մի
ինչ պարսաւիցես զխակութիւնն և անմարդութեան
ինչ զիրեն կարծիցես. այլ լիւր զպատճառսն: « Զի ամե-
նեքեան, ասէ, անօրինեցան 'ի չարիս, և ամենայն բե-
րան խօսեցաւ զանօրէնութիւն »: Տեսանէս, զի ողոր-
մել՝ չողորմելն է. և զի ոչ այնպէս ինչ 'ի զգաստու-
թեանն պիտանացուէ՝ իբրեւ զաւերելն և զլքանելն և
զթողուլն: « Եւ 'ի վերայ այսր ամենայնի ոչ դարձաւ
սրտմտութիւնն նորա, այլ ևս տակաւին բարձրացեալ

1 Այսպէս յօրինակին:

է ձեռնն » , կամ իրօքն իսկ կամ սպառնալեօքն՝ որ ¹ պատշաճ էր Աստուծոյ՝ պատուհասել. եթէ այնպէս ինչ արարի և այնչափ յառաջագոյն գուշակեցի, « Եւ ոչ դարձաւ սրտմտութիւնն » . այսինքն՝ ոչ կարացին զբարկութիւն նորա բանքն ասացեալք՝ դարձուցանել:

« Եւ վառեսցի իբրև զհուր անօրէնութիւնն ², և իբրև զսեղ չորացեալ՝ հրով բորբոքեսցի » : Տեսանեն, օրպիսի ինչ կերակուրս ետ հրոյ՝ Աստուծոյ բարկութիւնն. որպէս և կայծ մի ուրեք անկանիցի և բազում խոշոտ գտանիցէ՝ լինի հրդեհ անհնարին. ապա եթէ ոչ ինչ գտանիցէ որ զնա արծարծիցէ՝ չիջանի վաղվաղակի և անցանէ:

« Եւ բորբոքեսցի յանտառս մայրեաց և կերիցէ շուրջ զգլուխը նոցա զամենայն ինչ. վասն սրտմտութեան բարկութեան Տեառն՝ հրձիգ լիցի երկիրն ամենայն » : Մի վասն զի խոտոյ լուար վաղաշէջ՝ երազանցուկ համարիցիս, ասէ, զհրդեհն. զի վասն երազութեանն և սաստկութեանն այն նմանեցուցի: Ապա եթէ կամիցիս ուսանել զսաստկութիւնն՝ միտ դիր յաջորդացն: Եւ զհէնն իսկ, ասէ, կերիցէ հուրն. « Վասն սրտմտութեան բարկութեան Տեառն հրձիգ լիցի երկիրն ամենայն. և եղիցի ժողովուրդն իբրև այրեցեալ հրով » : Զի հաւատարիմ առնիցէ զբանն, դնէ՝ եթէ Աստուծոյ բարկութիւն է. ոչ գերկիրն թողուցու և ոչ զայլ ինչ, ոչ զտնանկս և ոչ զմեծամեծս. զի մի կարծիցես՝ եթէ մեղքն այնչափ կարող իցեն, և բարկութիւնն Աստուծոյ չիցէ կարող: « Եւ եղիցի ժողովուրդն իբրև այրեցեալ հրով » . անդ սով իմն ակնարկէ, զի և բնութեան օրէնքն, ասէ, խափանեացին և ոչ ճանաչիցեն զմիմեանս:

« Այր եղբոր իւրում մի ողորմեսցի » : Եւ քանզի զմիմեանս ոչ ծանեայք, այլազգ արարից կործանել զձեզ: « Այր եղբոր իւրում մի ողորմեսցի » . ոչ այժմ զգտն և հանդարտն՝ առ այլս՝ ի վայրենութիւն գազանաց շրջիցի, այլ զի իւրում եղբօրն՝ որ քան զամենայն որ ընտանի է՝ մի ողորմեսցի. և վիշտքն առաջի կայցեն: « Այլ խոտորիցի յաջակողմն իւր՝ յորժամ

1 Յօր. Զ. ր.:

2 Յօր. Զ. անօրէնութիւնն:

քաղցիցէ » : Այսինքն՝ հեռացի, թողցէ զնա : « Եւ կերիցէ 'ի ձախակողմ՝ կողմանէն » : Այսինքն՝ ճարակեսցի իբրեւ զհօր, որ ճարակի յաջմէ և յահեկէ :

« Եւ մի յագեսցի մարդ ուտել զմարմինս բազկաց իւրոց » : Իսկ Սիմեոնս ասէ . Զմարմինս ընկերի իւրոց : Ո՛վ դառն սեղան՝ ըի լեղեաւ, ո՛վ կերակուր պատրաստեալ՝ զիւաց, ո՛վ ճաշ անշայեկան . յիւրոց անդամաց պատրաստեալ սեղան դառնութեան, ինքն իւր լեալ կերակուր, և այնպիսի անոյշ կերակուր՝ զի և յագուրդ ևս չլինիցի : Դժնդակ և բռնամարտիկ դեք՝ ի քաղաքն ժողովեցան . քան զբազում մահս դառնագոյն էր այն . ոչ ապաքէն լաւ էր մեռանել 'ի սովոյ և ոչ այնպիսի մոխրութիւն գտանել սովոյն . քան զցաւսն՝ դեղն ևս չար էր, քան զախտն՝ առողջութիւնն ևս դժնդակ . ինքն ընդ ինքեան մարտնչէր մարդն : Եւ արդ զիսորդ ոչ սոսկումն և արհաւիրք իցեն իրքն . տես, զինչպիսի կերակուր ուտէին . բերանն ըի արեամբ և շաղագով, և շթունք հում մսով . ինքն՝ յինքենէ ծախէր, և ինքն՝ իւր շուն, և քան զամենայն գիշակեր՝ լեալ վայրենագոյն : Որպիսի եղեռն, որպիսի աղէտք : Գիտեմք զի բազումք 'ի բանիցս իսկ սոսկան, զարհուրին, պախեն, յարտասուս հարկանեն . իսկ եթէ ցուցից և զմեզ՝ զի ևս քան զայսպիսի չարիս գործիցեմք, ընդ այն ոչ սոսկայցէք . մի մարմին է առհասարակ ամենայն եկեղեցիս, յորժամ զեղբարս մեր ուտիցեմք, և ըզմիմեանց օսկերս քանցիցեմք . եթէ զմիմեանս, ասէ, խաժատիցէք և զմիմեանս ուտիցէք . յորժամ այսպիսի ինչ իրք 'ի մէջ մարդկան գործիցին՝ մոլեաց նմանեն, կատաղեաց, 'ի մտաց անկեղոց :

« Կերիցէ Մանասէ զԵփրեմ, և Եփրեմ զՄանասէ » . սորա եղբարք հարազատք : « Եւ 'ի միասին պաշարեսցեն զՅուդա » : Տեսանէս զսրտմտութիւնն, հային 'ի բարկութիւնն : « Եւ 'ի վերայ այսր ամենայնի՝ ոչ դարձաւ սրտմտութիւնն, այլ տակաւին բարձրացեալ է ձեռնն » : Զի ծանիցեն եթէ որպիսի պատժոց արժանի իցեն, զի և այնչափ վրիժուք որ խնդրեցան 'ի նմանէ՝ ոչինչ զգաստացան, այլ անդէն 'ի նմին չարիս կործանեալ կային :

ԳԼՈՒԽ Ժ

« Վայ օրք գրեն զչարիս, գրելով գրեն զչարիս » . իսկ այլքն ասեն . Վայ օրք հաւաստեալ քննիցեն զհաւաստիսն : Եւ ընդէր երկրորդիցէ . այլ զի չարիքն նոցա բազումք և յաճախագոյնք էին, որ լինէին ցաւոցն պատճառք . զի և գիրք՝ յամենայն վայրի զչարիս՝ ցաւս կուէին . Ի ներքոյ լեզուի նորա, ասէ, ցաւք և վաստակք, եւ արդարեւ, ասեն, ցաւք են չարիք՝ որ պտուղ ևս ոչ բերեն, այլ մանաւանդ զի բերեն իսկ զսատակմանն պտուղ :

« Որք խոտորեն զիրաւունս աղքատաց և յափշտակեն զիրաւունս տնանկաց » : Տեոանեն, զի ոչ զայնուսիկ որ լլկիցինն, այլ զայնոսիկ որ լլկիցենն՝ համարի ռգորմելիս . զի իրչափ զաղքատս զրկեալս ցուցանիցէ, նոյնչափ զհարստացն զպատիժս աճեցուցանէ : Եւ զայս ամենեքեան բամբասեն 'ի բնէ, և թոյն միշտ լինի աւմենեկին : ԶՀրէայս վասն այսպիսի իրաց չեն ինչ զարմանք պատուհասել, քանզի ամենեկին յերկրաւորսս բեւեռեալ են . այլ մեք՝ որ զգաստացաք և իմաստեացաք, ոչ պարտիմք ընդ այնպիսի բամբասանք գտանիլ :

« Վարեւ զայրիս 'ի գերութիւն և զորքս յափշտակութիւն ժողովրդեան իմոյ » : Ահաւասիկ այլ ևս իմն մեծ ապաստանք, զորս ոչ որքութիւնք լլկանաց և ոչ այրութիւն նեղեաց, և ոչ այլ ինչ այնպիսի չարչարանք, Նոցա չէր պարտ զայլս նեղել . յինէն, ասէ, պարտ է երկնչել, և իմով երկիւղիւն լինել հեզ և ըզգաստ : « Եւ արդ, զինչ գործիցէք յաւուր այցելութեանն . զի նեղութիւն ձեր 'ի հեռաստանէ եկեսցէ » : Եւ ընդէր ասէ՝ եթէ 'ի հեռաստանէ . այլ զի նոքա յապաշխարութիւն դառնայցեն . զի յայտ արասցէ, թէ աստուածասաստ են տանջանքն, յերկնից է վըճիռն :

« Այլ ո՞ փախստական անկանիցիք յօգնականու-

Թիւն, և ուր Թողուցուք զփառան ձեր, զի ոչ յղարկեցին ընդ գերութեանն»։ Իսկ այլ Թարգմանքն ասեն, եթէ Ոչ անկանիցիք ընդ կապանքս, Եւ վասն զի առ ընտանիս գտայք անգութք և անագորոյնք, առաքեցից 'ի վերայ ձեր զօտարս, և ոչինչ գտանիցէք միութարութիւն և ոչ բժշկութիւն։ Եւ այս ոչ անիրաւութիւն ինչ է. զի դուք ոչ ողորմեցարուք որբոց, և ոչ այլ որ ձեզ ողորմեսցի. ո՛վ աժ զձեզ յայդպիսի Թըշուառութիւն։ « Ուր Թողուցուք զփառս ձեր »։ ո՛վ կարիցէ պահել, ասէ, զփառան ձեր ձեզ, եթէ ոչ վարիցիք 'ի գերութիւն։ Տեսանեն, զի անձամբ յանձնէ կշտամբի չարութիւն. « Վայ, ասէ, որ գրեն զչարիս, գրելով գրեն զչարիս իւրեանց »։ Ի ու ցուցեր, ասէ, զանողորմիտս, և ածից ցուցից, ասէ, զպատիժս և զհարուածս. և ոչ այնու եւթ վճարիցի։ « Եւ 'ի վերայ այոր ամենայնի ոչ դարձաւ սրտմտութիւնն, այլ ևս տակաւին բարձրացեալ է ձեռնն »։

« Վայ Ասորեստանեայց. գաւազան բարկութեան սրտմտութեան իմոյ 'ի ձեռս նոցա »։ Փոխէ այսուհետեւ զսաստն առ պատերազմողն, և յառաջագոյն գուշակէ զիրն՝ որ առ Եգեկիայ արքայիւ լինելոց էին. քան զի հարիւր ութանասուն և հինգ հազար անկան 'ի միումաւուր։ Եւ արդ խնդրիցես՝ եթէ վասն էր այսպիսի իրք գործեցան. այլ զի Աստուծոյ տեսչութիւնն որ 'ի վերայ Ժողովրդեանն էր՝ ևս առաւել խրատ լինէր քան զմարգարէիցն յառաջ գուշակել. զի Հրէայքն մարգարէիւքն իորատէին և Թշնամիքն՝ իրաւամբքն՝ որ ընդ նոսա անցանէին, Տեսանեն, զինորա ձգէին զպատճառս յանձինս։ Եւ պարտ է խնդրել, թէ գաւազան բարկութեան սրտմտութեան քո 'ի ձեռս նոցա իցէ, իսկ զնոսա ընդէր հարկանիցես։ Եւ զի 'ի վերայ Ասորեստանեայց է մարգարէութիւնս այս, լուր, զի՞նչ ասէն. Ո՛չ ապաքէն այն Աստուած իցէ, որ եբարձ զբարձունսն և առաջի սեղանոյ իմոյ, ասէ, միայն երկիր պագանիջիք. և դարձեալ՝ եթէ Աստուած ասաց ցմեզ ելանել. և այսպէս 'ի վաղուց հետէ գիտէին զայս։ Այլ ասեն՝ եթէ Ռափսակ 'ի նոցանէ էր։ Տեսանեն, վասն էր զայս գուշակէ յառաջագոյն. զի մի լքանիցեն յորժամ տեսանիցեն զբազում զօրսն պատել շուրջ զբաղաքաւն։

վասն այսորիկ ասիցէ վասն նոցա, զի յինէն առին զիշխանութիւնն, և զիս՝ որ ետու զիշխանութիւնն՝ չծանեան։ Զի այլոց ազգաց յաղթել, եթէ յԱստուծոյ իցէ տուեալ նմա զյաղթութիւնն, այն ոչ կարի ինչ անգիտութիւն էր և ոչ այսպիսի ինչ։ Բայց Հրէից և Խարայէլացւոց յաղթել, զի իւրում զօրութեանն համարէր և ոչ Աստուծոյ՝ անհնարին անմտութեան էր։ Որպէս առ Մովսիսին, սոյնպէս և աստ. գաւազան բարկութեան ետու ՚ի ձեռս քո, հարկանել զազգս օտարազգիս և ոչ զիմադ։

Եւ քանզի անօրէն ազգ էր, « Եւ զբարկութիւն, ասէ, յազգ անօրէն առաքեցից, և իմում ժողովըդ դեանն՝ կարգեցից առնել զաւար և զյափշտակութիւն, կոխան առնել զքաղաքս և դնել զնոսա ՚ի փոշի »։ Թէպէտ և այս իսկ բաւական էր ցուցանել, եթէ ազգ անօրէն են նոքա, ես հրամայեցի առնուլ նոցա զայնչափ գերութիւնս։ « Նա ոչ այսպէս ած զմտաւ, և ոչ այսպէս համարեցաւ յանձն իւր »։ այլ զհարդքան զամենայն տիեզերս կարծէր լինել զօրագոյն արդեամբք։ « Այլ դարձցին միտք նորա ապականել զազգս բազումս »։ Զի թէպէտ և զանձնէ ինչ կարծէր այնպիսի գործ գործել, սակայն ՚ի մարդկեղէն փոփոխմանց պարտ էր նմա երկնչել։ Տեսանեա, որչափ ինչ չարիք են չճանաչել զչափ մեծարանաց։

« Եւ եթէ ասիցես ցնա, թէ դու միայն իցես իշխան. ասիցէ. ոչ ապաքէն առի զերկիրն որ ՚ի վերայ Բաբելոնացւոցն է, և զՔաղանէ՝ ուր աշտարակն շինեցաւ »։ Յիշեցոյց յԱստուծոյ կռիւեալ զնա, զի որպէս անդ ՚ի նմա ցուցցէ զբազում զօրութիւն. յանցելոցն՝ զհանդերձեալսն, կիւսսես¹։ ոչ ապաքէն յորժամ արգելուցուս յանդգնութենէդ՝ զչափ աւելես Աստուծոյ զօրութեանն. վասն այնորիկ իսկ այնպէս խօսէր, զի զԱստուծոյ զօրութիւնն ցուցանիցէ. զի զնա, որ ՚ի բազում աշխարհս ասպատակէր և քակէր զազգս և կործանէր զերկիր, իբրև զանձրև ուժգին կամ զհեղեղատ սաստիկ, այնպէս խափանեսցէ ՚ի փոքր և յարհամարհեալ քաղաքին, իբրև թէ չիցէ իսկ լեալ։

¹ Այսպէս յօրինակին։

« Որպէս զի զկողմանման Արաբացւոց առի, ասէ, զԴամասկոս և զՍամարիա. որպէս զայս առի, նոյնպէս զամենայն իշխանութիւնս աներեցից»։ Տեսանեա, զի արտաքոյ քան զմարդկեղէն բնութեան են իրքդ. ով այր դու, ոչ դք, առեա, արգելուլ կարաց զիս. որչափ խօսիս զմեծամեծոգ՝ դոյնչափ զԱստուծոյ զօրութիւնն յայտ առնես։

« Ողբացէք, գրօշեալք, որ յԵրուսաղէմ էք և ՚ի Սամարիա. զի զոր օրինակ արարի ընդ Սամարիա և ընդ ձեռագործս նորա, նոյնպէս արարից ընդ Երուսաղէմ և ընդ կուռս նորա »։ Տեսանեա զկռոյն տկարութիւն. տեսանես, զի և ոչ մինչև ցմարդիկ միայն ձգէ զամբարտաւանութիւնն, այլ և զգիտն ևս նախատէ. զի ոչ բազմութիւն մարդկան, ասէ, և ոչ աստուածեղէն զօրութիւն կարաց արգելուլ զիս՝ յորմէ հետէ սկոյայ. զի եթէ սկոար՝ յայտ է եթէ տկար ես. և յորժամ յայտնիցի որ՝ որ զքեզ խափանեսցէ, և քան զգիտն և քան զամենայն մարդիկ՝ յայտ է եթէ զօրագոյն է։

« Եւ եղիցի յորժամ կատարեսցէ Տէր զամենայն ՚ի ՚ի լեառն Սիոն և յԵրուսաղէմ, ածցէ ՚ի վերայ մեծամիտ հպարտութեանն և ՚ի վերայ իշխանին Արորեստանեայց և ՚ի վերայ բարձրութեան փառաց աչաց նորա »։ Եւ զմինչ իցէ՝ թէ կատարեսցէ, զոր Ալիդաս ասէ՝ եթէ անդէն կտրեսցէ. Սիմաքոս՝ եթէ զոր կըտրելոցն իցէ։ Բազմաց թոյլ տայ երկնչել խուճապել. զի և այս անգ իմն լինի՝ առ իմանալ զբանչելեացն առաւելութիւն. զի յորժամ սաստկացուցանիցէ զսրտմութիւնն և ինչ ոչ թողուցու՝ զոր ոչ խօսեսցի, ապա խափանեսցէ զնա Աստուած. զի ոչ եթէ ՚ի ցոյց ինչ առնէր՝ զոր ինչ առնէր Աստուած, այլ յօգուտ Հրէից և բարբաբոսաց. որպէս և Պաւղոս ասէ, եթէ Յորժամ կատարեսցի և ձեր հնազանդութիւնն։

« Քանզի և նա այսպէս ասաց, եթէ զօրութեամբ ձեռին իմոյ արարից և իմաստութեամբ խորհրդոց՝ բացից զսահմանս ազգաց և զզօրութիւն նոցա աւարհարից, և շարժեցից զքաղաքս բնակեալս. հատից ՚ի վերայ ամենայն տիեզերաց ձեռամբ իմով՝ իբրեւ ՚ի վերայ բունոյ, և բարձից իբրեւ զձուս մնացեալս. և ոչ

դը իցէ՝ որ ապրիցէ, և ոչ այն որ ընդդէմ դառնայցէ» : Տեասնէս, զի չհայեւն իսկ նորա յԱստուծոյ բարձրութիւնն՝ մեծ ամբարտաւանութիւն էր, և բաւական կարկեւ զնա և խրատել: Ո՞վ դը իցէ ինձ Աստուածդ. վասն այնորիկ և զհպարտացեալն և զզօրացեալն կործանէր ընկենոյր, զի բազում առաւելութեամբ ծանիցէ զԱստուծոյ զօրութիւնն: Կարող էր հուր յերկնից տեղալ և այրել զզօրսն կամ դազանս արձակել, կամ այլովք պէսպէս հարուածովք հարկանել, բայց ոչ կամեցաւ. այլ թոյլ ետ նստել զբաղաքաւն, թոյլ ետնմա զմեծամեծման խօսել, և Եղեկիայ արքայի զաղօթման մատուցանել. և ապա ածէր զբարկութիւնն, և ոչ փոքր ինչ իրս կատարէր. և եթէ շնորհօքն Աստուծոյ՝ ի տեղիս իսկ հասցուք¹, արասցուք յայտ՝ եթէ զինչ իցէ այն զոր ասէն, եթէ կատարեսցէ Տէր զամենայն ինչ աւանել:

Զոր օրինակ դը զարմանազարծ արուեստական, ոչ վայրապար մտանիցէ ՚ի հանդիսական հրապարակն, եթէ ոչ նախ տեսանիցէ մտեալ զամենեւին նստել յիւրաքանչիւր չափս և ՚ի կարգս, և ապա մտանիցէ ցուցանել զհանդէս արուեստին, նոյնպէս և Աստուած ՚ի լեառն Սիոնի և յերուսաղէմ, յորժամ կարգեալ նստիցին յիւրաքանչիւր չափս՝ իբրև յատենի. « Այցելութիւն արարից, ասէ, ՚ի վերայ հպարտացեալ մըտացն »: Թէպէտ և չգոյին այլ միտք վատթարագոյնք քան զայն միտս: Բարեռք իսկ եկն եւ ըմբոս ՚ի դէպ, թէ քան զամբարտաւանն՝ չիք այլ դը թշուառական. զի որ ոչ կարիցէ զայն ինչ իմանալ՝ որ և մանկուոյ յայտ է, զիսորդ իցէ նա մեծ: Եւ ոչ ասաց, եթէ զմարդ դը, այլ թէ զմիտման հպարտացեալս: Ոչ եթէ եբարձ զնա ՚ի միջոյ, այլ թոյլ ետ խրատել յիւրաց ինչ՝ որ ընդ այլս անցանիցեն: Եւ քանզի և ոչ այնպէս ինչ խրատեցաւ, այլ երթեալ երկիր պազանէր կռօցն, և զի յանբժշկական ցաւսն սկսաւ ջերանել, բառնայր զնա ՚ի միջոյ, զի նորա պատժովքն՝ զայլս խրատիցէ. և ոչինչ յայտ առնէ զիւրացն կերպարանս, այլ զվախճանն միայն, Դարձեալ և այլ իմն բանս իրաւացիս կամի ցուցանել մեզ, զի և

զայարկելոցն փրկութիւնս պատմիցէ և զամբարտաւանին կործանումն :

« Ես, ասէ, զօրութեամբ ձեռին իմոյ արարից, և իմաստութեամբ խորհրդոց իմոց բարձից զսահմանս » . զի մի թագաւորք ուրեք կացցեն և մի իշխանք գտանիցին : « Եւ շարժեցից զքաղաքս բնակեալս . հասից 'ի վերայ ամենայն տիեզերաց և եդից զձեռն իմ իբրեւ 'ի վերայ բունոյ » : Տեսանես, ժւր վայրենի միտքն զայն պիտի հպարտութիւնն ցուցին . զի անդ ցուցանէ սպառնալեզր զամբարտաւանութիւնն . տեսանես, որչափ չարիք 'ի հպարտութենէ են : « Եւ ոչ ոք իցէ, ասէ, որ ապրիցէ յինէն, և ոչ ոք իցէ, ասէ, որ ինձ ընդդէմդ առնայցէ » : Զամենայն զամբարտաւանութիւնն ցուցանէ . զի յայտարասցէ թէ որպիսով ուռնիք յաղթեաց : Նա և ոչ որ զուղղութիւնս ինչ ոք գործիցեն, բարւոք ինչ իցէնոցա հպարտանալ և կամ մեծամեծս խօսել . քանզի քան հասանեն յԱստուծոյ պատիժք ամբարտաւանից, որպէս և Փարիսեցւոյն դիպեցաւ . և եթէ զնա՝ որ բարի գործով հակառակ էր կամաց սատանայի, մի բան և սակաւ ինչ յանցումն կարաց վրիպեցուցանել և խօտել, որչափ ևս առաւել զայլ սնապարծս . զի եթէ ուրոց զուղղութիւնսն ինչ կատարեալ են՝ չվայելեն պարծանք, որչափ ևս առաւել այնոցիկ՝ որ հեռի իցեն յուղղութեանց :

« Մի եթէ վերանայցէ փայտատ առանց փայտահարի, կամ ձգիցի սղոց առանց ուրուք ձգելոյ » : Տես, իմ նմանեցուցանեն զՈրդի Աստուծոյ՝ հերետիկոսք . գործոյ՝ որում զԱսորեստանեայն նմանեցուցին գիրք : Որպէս փայտատ զի ոչ անձամբ հատանէ, նոյնպէս և ոչ դու անձամբ ինչ գործիցես . և որպէս սղոց զի ոչ անձամբ ձգիցի, նոյնպէս և ոչ դու անձամբդ ինչ վճարիցես : « Նա և ոչ այդպէս », այսինքն այսուհետեւ ոչ պիտոյ իցես ինձ : « Կամ վերանայցէ գաւազան առանց ուրուք վերացուցանելոյ » . զի ես էի՝ որ վերացուցանէի զքեզ, յայսմ հետեւ ոչ վերացուցից :

« Այլ առաքեսցէ Տէր զօրութեանց 'ի պատիւ անդր քո՝ անարգանս, և 'ի քո փառսն՝ հուր բորբոս » .

քեսցի»։ Զի և պարտութիւնն անարգութեամբ լինիցի։ որչափ սպառնալիքն մեծամեծք էին, և բազումք խորայեւացւոյն լինէին փառք, յորժամ հօւր 'ի Թշնամիսն բորբոքիցի։ «Եղիցի լոյսն խորայեւի 'ի հօւր, և արեւացէ զնա 'ի բոց բորբոքեալ, և կերիցէ իբրև զխոտ զանտառս»։ Զկորուստ նոցա նշանակէ, զի իբրև զհօւր՝ այնպէս ճարակէր բարկութիւնն զգօրս Թշնամեացն։

«Յաւուր յայնմիկ շիջին լերինք և բլուրք և անտառք, և կերիցէ 'ի շնչոյ մինչև 'ի մարմին. և եղիցին որ ապրէն՝ իբրև որ զի ապրիցէ 'ի բորբոքել բոցոյն. և որ մնացեալ են 'ի նոցանէ՝ Թուով լիցին, և մանուկ տղայ գրեացէ՝ զնոսա»։ Փախիցեն իբրև 'ի հրոյ և լինիցին դիւրահամարք։ «Եւ ոչ ևս լինիցին ապաստան 'ի քեզ». և ոչ ևսն ասելով՝ յայտ առնէ, եթէ երբեմն ապաստան լինէին 'ի նա. քանզի զխորայեւացիսն անվարեաց 'ի գերութիւն, և որ 'ի Սամարիա բնակեալն էին վասն Երուսաղէմացւոցն, զի 'ի պաշարելն զնոսա՝ չարիք պատահեցին նմա։

«Եւ եղիցի յաւուր յայնմիկ ոչ ևս յաւելուցուն մնացեալքն խորայեւի և ապրեալքն Յակովբայ. ոչ ևս ապաստան լինիցին 'ի լկիչսն իւրեանց, այլ եղիցին ապաստան յԱստուած 'ի սուրբն խորայեւի, ճմարտութեամբ»։ Տեսանէս, որպիսի շահ 'ի կորստենէն եղև։ «Դարձցին մնացեալքն Յակովբայ՝ յԱստուած զօրացեալ»։ Եւ ընդէր նոքա միայն և ոչ ամենեքեան, զի և ամենեցուն իսկ պարտ էր դառնալ 'ի բարութիւնս։ Տեսանէս, զի սքանչելիքն առ ամենեւեան եղեն, և զշահսն՝ նոքա և եթ շահեցան։

«Եւ եթէ եղիցի ժողովուրդն խորայեւի իբրև զաւաղ առ ամիս ծովու, չափ ինչ մնացորդք մնայցեն 'ի նոցանէ. զի բան մի հակիրճ և համառօտ յարդարութիւն արասցէ Աստուած ընդ ամենայն տիեզերս»։ Եւ ահաւասիկ 'ի մարգարէութիւն իմն հանէ զբանն. քանզի միշտ 'ի բազմութիւնն ապաստանէին՝ եթէ ոչ կորուսանէ Աստուած զայսչափ բազմութիւն, բառնայ 'ի միջոյ գլոյսն. ոչինչ, ասէ, առից ակն բազմութեանն։

Եւ միւս ևս մարգարէ ասէ. Եւ էր Թիւ որդւոցն Խաւայեւի՝ իբրեւ զաւագ առ ամիս ծովու։ Զինչ օգուտ գործէ բազմութիւնն, ուր գործք անպիտանք գործիցին. քանզի ոչ ամենեքին էին անհաւատք գտանելոց. սակաւք հաւատացին, վասն այնորիկ սակաւք ապրէին։ « Բան հակիրճ և համառօտ յարդարութիւն » . զի ոչ ևս երկայնամտութիւն և անսալ և Թողութիւն լինիցի։ Այլ ինձ այսպէս Թուի, եթէ զհանդերձեալ աշխարհին զդատաստանացն իսկ ականարկիցէ ասելովն, եթէ « Բան մի հակիրճ և համառօտ արասցէ Տէր՝ ամենայն տիեզերաց »։ Եւ տես, զիարդ ընդ դքանչելին՝ խառն են և կանխասացիկքն, և իբրեւ Թէ լեալք և կատարեալք իմն իցեն։ Եւ քանզի ասաց, եթէ փնայեալք սակաւք ապրիցին, մի ասեր, ասէ, եթէ զիւրդ յայնչափ բազմութենէ՝ ավնչափ սակաւք ապրեսցին։ Այո, ասէ, ոչ ևս խնայեցից՝ ի ձեզ, այլ զամենեսեան կորուսից, նաև զապրեալն ևս ոչ Թողից։

Տեսանէս, Թէ զիւրդ ևս օտիպէ յԱստուած յուսալ և ոչ ՚ի բազմութիւն ապաստան լինել։ Եւ քանզի այլուր ասէ, եթէ Նա ոչ խնայիցեմ՝ ի քաղաքն յորում բնակեալ իցեն աւելի քան զերկոտասանս բիւր. և զայս ասելով՝ զմարգարէն իմն միտիւթարէր, այլ առանց այսր՝ վասն ազնիւ ապաշխարութեանն խնայեաց։ Զի Թէ բազմութեան ինչ ակն առնոյր, ապա և յառաջ քան զապաշխարութիւնն յարտ էր աչառել. իսկ եթէ ոչ աչառեցաւ բազմութեանն՝ յառաջ քան զապաշխարութիւնն, յայտ է՝ եթէ՝ և ոչ յետ ապաշխարութեանն ոչ ինչ զբազմութեանն ակն առ. վասն որոյ և ասէ իսկ. Եւ ետես Աստուած, զի դարձան իւրաքանչիւր ՚ի ճանապարհաց իւրեանց չարաց. և այլուր ասէ, եթէ Ըստ բազմութեանն իւրեանց՝ նոյնպէս և մեղան ինձ։ Տեսանէս, զի ոչ ինչ հաճէ, այլ առաւել բարկացուցանէ բազմութիւնն. զի որչափ բազումք իցեն, նոյնպէս և չարիքն մեծամեծք. զի մի որ չար՝ կարէ ապրել բազում անգամ, իսկ բազումք՝ և ոչ երբեք ուրեք, քանզի առհասարակ ՚ի միում ախտին ջերանին։ Եւ այժմ՝ ի մերում ժամա-

նակիս, ասեն, եթէ զայսչափ բազմութիւնս սատակեցէ Աստուած: Այժմ, սատակիցէ, քանզի խոտէ ըզբազմութիւնն: Ո՛չ տեսանես զընդեղեղին, մին միայն՝ բնականօք ապրեցաւ, և ՚ի կրակատեղաց բարկութեանն Սաղովմայեցւոցն՝ երեք միայն ապրեցան, և յանապատին՝ երկուս միայն: Լաւ է, ասէ, մի՛ որ առնէ զկամս Տեառն, քան զբիւր անօրէնս. և յիրաւի իսկ: Եւ դու զիմրդ կամիցիս, բիւր բնիովն փայտեայ կամ կապարեայ գտանել, եթէ մի մարգարիտ պատուական. և ոչ ասես՝ թէ մի է, այլ գիտես՝ եթէ քան զայն զամենայն՝ մինն պատուական է. զի ոչ եթէ ՚ի բազմութեանն իցէ պատուականութիւնն, այլ ՚ի պատուականին՝ բազմութիւնն. քանզի և ասէ իսկ զսակաւուց պիտանեաց. Զորս և աշխարհ իսկ ոչ արժէ:

«Մի երկնչիք, ասէ, ժողովուրդ իմ, որ բնակեալք էք ՚ի Սիոն՝ յԱսորեստանեայց. զի թէ հարկանէ ըզքեզ գաւազմաւան, ածից ՚ի վերայ քո՝ ցուցանել զճանապարհն Եգիպտացւոց »: Այսինքն՝ զի մեղմով, մարդասիրութեամբ ածից զվիշտս և զնեղութիւնս սովոցն: Եւ այս իսկ ուղղութեան նշանակ է Աստուծոյ, յորժամ ուսանիցիս՝ եթէ ոչինչ եղեն քեզ օգուտ Եգիպտացիքն, առ որս միշտ ապաստան լինէիր: «Զի փոքր միւս ևս դադարեսցէ բարկութիւնն իմ. այլ սրտմտութիւն իմ՝ ՚ի վերայ խորհրդոց նոցա, և հասուցէ Տէր ՚ի վերայ նոցա՝ ըստ հարուածոցն Մադիամու »: Ակիղաս և այլքն յաւելին, եթէ Տէր զօրութեանց. տանջանս՝ ըստ հարուածոցն Մադիամու, ՚ի տեղի չարչարանաց, ՚ի հաստատութեանն՝ որ եբաց. և այլք, թէ ՚ի Սիոն՝ որ եբաց: «Եւ սրտմտութիւն նորա ճանապարհին՝ որ ընդ ծովակօղմն է և ընդ ճանապարհն Եգիպտացւոց »: Ակիղաս ասէ, թէ Գաւազան նորա ՚ի վերայ ծովու. Սիմաքոս՝ եթէ Յուպ նորա՝ ՚ի ճանապարհն Եգիպտացւոց: Հաւատարիմ լինի օրինակաւս՝ մարգարէութիւնս. քանզի և անդ երեք հարիւր արամբ կոտորեաց զամենեսեան և դր աշխատ ոչ եղև, և զինու ինչ պէտք ոչ եղեն, նոյն պէս և աստ: «Եւ սրտմտութիւն նորա՝ ծովեզերեայ ճանապարհին »: այսինքն՝ զի առ ձեւք հարեանցիւ

անցանիցեն, և դիմեալ յԵդիպտոս երթայցեն. զի եթէ և տեսանիցես՝ մի՛ ինչ զարհուրիցիս « Զի բարձրի երկիրդ նորա՛ ի քէն, և լուծ՝ նորա՛ ի պարանոցէ քու մմէ » . Ակիղաս և Սիմաքոս՝ բեռն նորա, ասեն. Ոչ յայնպիսի ինչ՝ ի պարտութիւն մատնիցին, եթէ դարձեալ զօրաժողով լինիցին գալ ի մարտ պատերազմի. այլ անհնարին հարուածովք հարկանիցին. քանզի և ասէ իսկ, եթէ « Բարձրի լուծ նորա՛ ի պարանոցէ քու մմէ » :

« Եկեսցէ հասցէ՛ ի քաղաքն Սնգէ » . այլքն ասեն՝ եթէ յԱւաթ, « Եւ անցցէ՛ ի Մագեդով » . իսկ Եթանասունքն և այլքն՝ թէ՛ ի Մագրոֆն. և երբայնցին՝ թէ՛ ի Մագրոֆն, « Եւ՛ ի Մաքմաս դիցէ զկարասի իւր. և անցցէ ընդ ձորն և հասցէ յՍնգէ. ահ առցէ զՌամա՝ զքաղաքն Սաւուդի, և փախիցէ դուստրն Գեղեղեմայ, լու լիցի յիղաիշ, լու լիցի յԱնաթովթ. զարմասցի Մեդեբենա, և որ բնակեալն են ի Գեբէր » : Տեսանէս, զի և զթեմանն՝ ուր ագանելոցն էր՝ կարգ ըստ կարգէ թուեն գիրք. զի թէպէտ և մօտ ի ձեզ գայցէ հասանիցէ, սակայն մի՛ ինչ երկնիջիք, զի ուր դէմ եդեալն է՝ երթայցէ. անտի առցէ՝ որչափ ինչ առնուցու, և դարձցի, և ձեզ ինչ ոչ փնասիցէ :

« Ահաւասիկ Տէր՝ զօրութեանց խռովեցուցէ զգառաւորս զօրութեամբ իւրով և բարձրացեալքն՝ յամբարտաւանութեան իւրեանց կործանեցին. և հօրարտացեալքն խոնարհեցին, և անկցին բազումք ի սուր, և ի բրանան ինքնին բարձամբ իւրովք կործանեցի » : Տեսանէս, որչափ ինչ մխիթարութիւն և սփոփութիւն է՝ յորժամ Աստուած գործ կամ իրս ինչ վճարիցէ :

ԳԼՈՒԽ ԺԱ

« Բզէսեացէ գաւազան յարմատոյն Յեսեայ » . այլ
 թարգմանքն՝ թէ 'ի կոճեղէն, իսկ եբրայեցին՝ սէզ,
 ասէ : Տեսանէս զարմանսն, տեսանէս զմարգարէու-
 թիւնն : « Եւ բզէսեացէ, ասէ, յարմատեացն », զի
 յայտ արասցէ՝ եթէ առ յապա էր լինելոց : Ոմանք
 ասեն՝ եթէ զԵզեկիայ արքայէ ասէ, և Եզեկիա՝ յա-
 ռաջ քան զայն ժամանակ՝ յորում բանս այս ասա-
 ցաւ՝ էր թագաւոր, իսկ զմանն ասէ՝ թէ յարմատոց
 նախնեացն է : Բարւոք ասէ՝ թէ յարմատոցն, որպէս
 թէ յԱբրահամէ և Լա'ի վեր. զի յայտ արասցէ՝ եթէ
 առանց ամուսնութեան եղև ծնունդն. որպէս և այլքն
 ասեն՝ եթէ 'ի կոճեղէն : Ոչ ասէ սերմ կամ երկիր,
 այլ յարմատոցն բզէսեացէ գաւազան. ոչ զի ընդ ար-
 մատսն անցանիցէ, այլ զի անդատին յարմատոցն բռն-
 խեացէ. այսինքն՝ զի ոչ մարմին ինչ ընդ մարմին անց,
 այլ զի 'ի բնութենէ կուսին առնուցու մարմին. ոչ
 յերկնից ինչ բերեալ մարմին և ոչ այլ ինչ 'ի նոր ա-
 բարածոց, և ոչ ինքն 'ի մարմին շրջեալ, այլ մարմին
 ճշմարիտ առեալ 'ի կուսէն, հանդերձ շնչով և մտովք.
 Իւր մարմին՝ Բանին Աստուծոյ, և ոչ մարդոյ ուրուք
 մարմին՝ արտաքս քան զինքն. որպէս և Պաւղոս ասէ,
 թէ Եկն և եղև 'ի կնոջէ. զի միանգամայն թէ և ա-
 ռանց ամուսնութեան է մարմինն՝ յայտ առնիցէ, և
 անդատին 'ի նմին զանգուածոյ : Եւ գաւազան կոչելով՝
 զթագաւորութիւնն յայտ առնէ. զի ամենայն ուրեք
 գիրք՝ զցեղսն և զթագաւորութեանն պատիւ՝ գաւա-
 զան կոչեն. քանզի և գաւազան իսկ ոսկի 'ի ձեռին
 ունին թագաւորք, զի միանգամայն զթագաւորու-
 թիւնն և զահն և զսաստն՝ կոչիցէ գաւազան : Զոր վե-
 րագոյնն մանուկ կոչեաց և 'ի կուսէ, ասէ, ծնանելոց
 է, տեսցուք աստ զինչ կոչիցէ զմարմնաւորական գա-
 լուստն :

« Եւ ելլէ Ժադիկ յարմատոյն » . իսկ այլքն՝ թէ

արձակեսցի շառաւեղ: Տեսանես, զի և զաճումն յայտ առնէ. զի ելլէն, վերասցի՝ զառ սակաւ սակաւ և ըստ օրինաց զաճումն յայտ առնէ. ոչ ասէ՝ թէ 'ի քէն, այլ թէ ինքն յինքենէ աճեսցէ գաւազանն, որպէս զի ոչ երբեք թարշամեացի ծաղիկ գաւազանին: Եւ զի մի գաւազան կարծիցես, բարւոք բերէ զՅետոյ 'ի մէջ. նա և աւետարանիչքն այսպէս իմն առնեն, զի ցուցցեն թէ ոչ յուսեքէ դարշեցաւ Տէրն հասարակաց:

« Եւ հանգիցէ 'ի վերայ նորա Հոգի Աստուծոյ. հոգի իմաստութեան և հանձարոյ »: Ամաչեսցեն հերձուածողքն՝ որ հրէայերէն կամին մեկնել զգիրտս: « Հոգի, ասէ, խորհրդոյ և զօրութեան, հոգի գիտութեան և աստուածապաշտութեան ». և այլքն՝ երկիւղի ևս յաւելուն, եթէ Լոցէ զնա հոգի երկիւղի Աստուծոյ: Ակիղաս՝ եթէ Հոտոտեսցի 'ի նա երկիւղիւն Տեառն. Սիմաքոս և Թէոդոտիմն՝ եթէ Հոտոտեսցի նա յերկիւղ Տեառն: Եւ արդ ընդէր խուցու Հոգւոյն զԱստուածն: Գրեսցուք՝ թէ 'ի հօրէ երկնչիցի՝ որպէս դուք հայհոյէք, Հոգւոյն ևս զմնչ կարօտէր, զոր դուք իսկ ասէք՝ թէ փոքր է քան զնա. այլ վասն մեր յիւր շնչական և 'ի մարմնական մարմինն ընդունի զհոգին զիմաստութեան և զհանձարոյ և զգիտութեան և զաստուածապաշտութեան. զի մեզ ինքեամբ ցուցցէ օրինակ, եթէ մեք կարօտ եմք այնպիսի պարգեւաց Հոգւոյն Աստուծոյ, և ոչ նա՝ որ Տէրն է՝ կարօտ ինչ է Հոգի ընդունելով, այլ 'ի նմա երևելով Հոգւոյն՝ մեզ լինիցին հաւատարիմ՝ նորա երախտիքն. զի որպէս մարդն լինել՝ ոչ եթէ կարօտ ինչ էր և վասն այնորիկ եղև մարդ, այլ զի 'ի մարդն լինել՝ արասցէ զմարդիկ որդիս Աստուծոյ, նոյնպէս և ընդունել զՀոգին, ոչ եթէ իբրև զկարօտ ոք ընկալաւ, այլ զի կարօտեւոց ինքեամբ բաշխեսցէ զՀոգին: Զի թէ ամենայն ինչ Հօր՝ նորա է, որպէս ասէ յաւետարանի, թէ Ամենայն ինչ որ իմ է՝ քո է, և որ քո է՝ իմ է, յայտ է թէ և Հոգին Հօր՝ նորա բնակից է. և որպէս զանձն եղ 'ի վերայ խաշանց, նոյնպէս և զՀոգին՝ զիւր բնակից՝ ետ 'ի կենդանութիւն մեռելութեան աշխարհի, կամօք Հօր և նորին իսկ Հոգւոյն Սրբոյ: Եւ ոչ ասէ եթէ մաւ սամբ ինչ ընկալաւ զՀոգին, այլ ամենաւին, ասէ, Լոցէ

դնա Հոգին Աստուծոյ, Զի որպէս չէ որ բաւական
Հօր՝ բայց միայն անձն Որդւոյ, և ոչ Որդւոյն՝ եթէ
ոչ Ծոցն Հօր, նոյնպէս և ոչ Հոգւոյն Սրբոյ՝ եթէ ոչ
Որդի, որ նորին բնակից իսկ է:

« Հոգի, ասէ, իմաստութեան, հանձարոյ, հոգի
խորհրդոյ և զօրութեան և գիտութեան և աստուած-
պաշտութեան և երկիրդի Տեառն » . զի ուր երկիրդ
Տեառն է՝ անդ ամենայն ինչ է . զի որ եցոյց զՀոգին
յանձին, հանդերձ ամենայն պարգևօքն, յայն սակս
եցոյց՝ զի յերկիրդն աստուածապաշտութեան մերձե-
ցուցէ զմեզ . զի զանձնէ ոչ երբեք ասաց՝ եթէ ես եր-
կեայ ՚ի քէն, այլ՝ թէ ես սիրեցի զքեզ . քանզի Որ-
դւոյ՝ սեր վայել է և ոչ երկիրդ: Եւ եթէ ՚ի մարդ որ
հանդիցեն զայն, եթէ լցաւ Հոգւով Սրբով, ցուցեն՝
ո՞վ արդեւք որ ՚ի մարդկանէ բաւական եղև ամենեւին
զամենայն ընդունել զՀոգին: Մի եթէ Նզեկիւմ, մի
եթէ Զօրաբարձէլ . և մի զբազումն որ ՚ի մէջ բերիցես,
զի զայլոցն յիւրում տեղւոջն ցուցից . բայց առ այժմ՝
զերկուց և եթ ճառեցից, զՆզեկիւմ և Զօրաբարձէլ:
Ո՞վ որ ՚ի նոցանէ բաւական եղև գոյիւ իւրով ընդու-
նել զՀոգին . ապա եթէ յամառիցիս՝ թէ այժմ, բա-
ւական եղեն ընդունել, զՔրիստոսէ ընդէր չառնու-
ցուս յանձն՝ թէ ընկալաւ: Եւ զի՞նչ ինչ իրս կարաց
վճարել Նզեկիւմ . զի թէպէտ և ապրեցոյց զքաղաքն
աղօթիւք, սակայն Աստուծոյ զօրութեամբն . իսկ ե-
թէ զի՞նչ զօրութիւնս եցոյց Քրիստոս, լուր սմին մար-
գարէի՝ որ ասէ, եթէ Որոյ իշխանութիւնն ՚ի վերայ
ուսոց իւրոց է . և ոչ այսչափ միայն, այլ և յաշոր-
դովքն ևս յանդիմանեացուք զանամօթմն:

« Ոչ ՚ի կարծս դատեսցէ » ասէ: Տեսանէս զաս-
տուածութեանն նշանակ. Ակիղաս՝ Ոչ ըստ տեսանե-
լոյ աչացդատիցի, և ոչ ըստ բանից յանդիմանեացէ . իսկ
այլքն՝ եթէ Ոչ ըստ լսելոյ ականջաց յանդիմանեացէ:
Եւ այսպիսի իրք՝ ոչ ըստ մարդոյ են, այլ ըստ Աստու-
ծոյ . ըստ այնմ, եթէ Մածուկքն՝ Տեառն Աստուծոյ
մերոյ են . և Մարդ ընդ երեսս և Աստուած ընդ
սիրտն նայի: Աստուծոյ միայն է ոչ ըստ կարծեացդա-
տել . իսկ մեք բազում անգամ այսր անդր վերիպիմք
յիրաւանցն: Տեսանէս, զոր ինչ մարգարէքն յամենայն

տեղիս աստուածեղէն զօրութեանն տան, զնոյն մարգարէս՝ ամա ասէ՝ 'ի վկայութիւն. քանզի ոչ ասէ՝ եթէ երբեմն ըստ կարծեաց և երբեմն ոչ ըստ կարծեաց դատեսցի, այլ թէ և ոչ երբեք ըստ կարծեաց դատեսցի: Զի թէ մարգարէ որ էր, վրիպէր արդեւք և սա, որպէս Սամուէլ և Եղիսեա, զի զբազումս ինչ ոչ ճանաչէին յառաջագոյն, այլ յորժամ շնորհք Հոգւոյն կամէին՝ յայնժամ ճանաչէին: Նա և զի զանաչառ դատաստանն յայտ առնիցէ՝ ասէ. « Ոչ ըստ բանից յանդիմանեսցէ »: Տէս, որպիսի դատաւոր յայտ առնէ, որ ոչ ըստ բանից յանդիմանեսցէ, այլ և զծածուկս սրտի 'ի մէջ բերիցէ, և ըստ նմին տայցէ զվճիռ դատաստանին: Երկրաւոր դատաւորք՝ Զյայտնիսն և եթ դատին, և բազում անգամ առ 'ի չիմանալ՝ կորուսանեն զիրաւունս. իսկ Աստուած և զծածուկսն քննէ, և ամենայն ինչ մերկապարանոց կայ առաջինորա. ըստ այնմ՝ եթէ Լեւիդանի է բանն Աստուծոյ և զօրաւոր և հատու՝ քան զամենայն սուր երկսայրի, և հատանէ և անցանէ մինչև 'ի բաժինս շնչոց և ոգւոց, և դատաւոր է մտաց և խորհրդոց. զի ոչ միայն զշունչն 'ի մարմնոյն մեկնէ, այլ և զոգին, այսինքն է զշնորհս հոգւոյն 'ի շնչոյն. զի ոչ բանիւք կարօտանայցէ և ոչ գրոյ ինչ պէտք լինիցի. Դպրութիւնք բացան, ասէ, և ասեան ուղղեցաւ:

« Այլ արասցէ իրաւունս տնանկաց, և յանդիմանեսցէ զխոնարհս երկրի »: Անդ՝ զԿիտութիւն յայտ առնէ, և աստ՝ զանաչառութիւնն, որպէս ընդ Ղազար և ընդ մեծատունն արար զդատաստանն. և այլուր՝ եթէ Ոչ իմ է տալ, այլ որոց պատրաստեալ իցէ. այսինքն՝ եթէ յինչն ինչ արգել չէ, բայց եթէ ինքեանք միայն առնիցեն զանձինս արժանի: Եւ բարւոք կոչեաց փառաւորս՝ երկրի, քանզի ոչ էին երկնից փառաւորք: Եւ տէս, զիարդ տայ իրաւունս մեծատանն՝ Աբրահամաւ, և ոչ ինչ յայն ապաստան լինի, զի զիշխանութիւնն ունի. քանզի արդար է աթոռ դատաստանացն նորա:

1 Յօր. Հագագոս:

2 Այսպէս յօրինակին:

«Եւ եղիցի, ասէ, ածեալ զարդարութիւնս ընդ մէջ իւր. հարցէ զերկիր 'ի պատգամս բերանոյ իւրոյ » . զոր Պաւղոս յայտնագոյն ասէ զնեռնէն, եթէ Խաղանեսցէ զնա՝ յայտնութեամբ գալստեան իւրոյ և պատգամօք բերանոյ իւրոյ. ոչ ինչ կարօտանայցէ զինու և ոչ պէտք ինչ լինիցին մեքենայից. քանզի բաւական է միայն երևելն լուսոյ՝ հալածական առնել զխաւար, կամ ին սակաւ մի ուսանել՝ եթէ զխարդ հարկանիցէ. իբրև ետես զունեւիւն, Զո՛, ասէ, խնդրէք, և վաղվադակի չօգան և զարկան զգետնի. « Հարցէ զերկիր 'ի պատգամս բերանոյ իւրոյ » : Որպէս զՀօրէ ասացեալ է՝ եթէ Բանիւ Տեառն երկինք հաստատեցան, և յողի բերանոյ նորա՝ ամենայն զօրութիւնք նոցա. որ սաստե՛ծ ծովու և ցամաքեցուցանէ, և զգետս ամենայն յանապատս դարձուցանէ, և որ ասէ արեգակնս չծագել և ոչ ծագէ. որպէս և մեք՝ որովք ձեռօք և շինեմք, նովին աւերել կարեմք, նոյնպէս և Աստուած. Բանիւ Տեառն, ասէ, հաստատեցան երկինք :

« Եւ եղիցի արդարութիւն ածեալ ընդ մէջ իւր, և ճշմարտութեամբ պատեալ զկողս իւր » : Սիմաբոս և Թէոդոտովն՝ եթէ Հաւատովք պատեալ կուշտք նորա. զի և մեք այնպիսի հանդերձ զգենուցումք : Եւ ո՞վ դր այսպիսի երևեցաւ մարդ, որ այսպիսի հանդերձ մըշտընջենաւ որ ունիցի, որ Աստուծոյ միայն վայելէ. զոր մէ՛ի կատարած մարդարեւութեանս ասէ, եթէ Զգեցցի զգրահս արդարութեան. և հանգերձ, ասէ, զգենու Աստուծոյ : « Յայնմ ժամանակի, ասէ, գայլք և գառինք 'ի միասին ճարակեսցին ¹ » . և թէ Խ պատգամս բերանոյ հարցէ զերկիր. և այլուր, եթէ Բարբառեցաւ և վիրաւորեցաւ երկիր. եթէ 'ի մարմին առնուցուո՞ զորոյ զմեղան եհար գաւազանովն, և եթէ յերկրի սատակումն, որ 'ի վախճանի լինելոց է՝ ոչինչ մեղանչէս :

« Յայնմ ժամանակի գայլք և գառինք 'ի միասին ճարակեսցին » : Ակիղաս ասէ, թէ Նժդեհ լինի գայլ գաւ-

¹ Այս բան մարդարեւն, անմիաբան ընդ առաջինն, թուի վրիպակաւ մոռնեալ աստանոր 'ի գաղափարէն, զոր սուղ ինչ յետոյ առնու բացայայտել մատենագիրն :

ռին. Սիմաբոս՝ եթէ ի միասին բնակեցեն. Թէողիտոն՝
 Թէ Պանդիստեսցին: Զգազանամիտ բարս մարդկան
 կոչէ գայլ, և զգօնամիտս՝ կոչէ գառինս: Ապա եթէ
 հակառակիցէ որ ցուցանե՛լ Թէ ոչ այդպէս, այլ զգա-
 զանաց իսկ ասացեալ է, ցուցցէ՛ եթէ որպիսի գաւա-
 զան բզխեալ է յարմատոյն Յեսսեայ: Եւ այլազգ ևս.
 զի վասն վայրենամիտ մարդկան և զգօնաբարոյից ասէ,
 այլ Թարգմանքն ևս յայտնագոյն ասեն. զի մին ասէ՝
 եթէ նժդեհեցի, և միւսն՝ Թէ պանդիտեսցի. զոր չէ
 հնար ՚ի գազանս հանել, եթէ ոչ ՚ի մարդիկ տեսա-
 նես զգալտեանն շահս: Կայլք ընդ գառինսն, և մի-
 մեանց ինչ ոչ մեզանչիցեն. զգօրականս իմաց, զգա-
 զանամիտս, զվայրագս, գհարիւրապետս, զսպարա-
 պետս, ընդ խոնարհ և ընդ շինական մարդկան, վասն
 աստուածպաշտութեան և Քրիստոսի սիրոյն զգա-
 ստացեալք, և ոչ ինչ զայրանան միմեանց:

« Եւ ինձք՝ առ ուր մակաղեսցին » . և զայն Աստու-
 ծոյ դիւրին է առնել. և զայս՝ Թէ կամիմք՝ և մեք
 առնեմք: « Որթք և առեւծք և ցուլք՝ ՚ի միասին
 ճարակեսցին, և մանուկ տղայ ժողովեսցէ զնոսա: Եզն
 և արջ՝ ՚ի միասին ճարակեսցին, և որդեակք նոցա
 խառն չըջեսցին. առեւծ իբրև զեզն՝ յարդ կերիցէ »:
 Եւ ոչ վայրապար ասէ՝ եթէ ՚ի միասին չըջեսցին, այլ
 ՚ի ժամանակի կերակրոյն, յորժամ սեղանն կազմեսցի.
 ոչ զի զբնութիւնն փոխիցէ, այլ զի զբարսն չըջիցէ.
 քանզի ոչ ասաց, եթէ գայլն՝ գառն լինիցի, այլ Թէ-
 պէտ և ՚ի գազանութեանն իցէ՝ իշխել իշխեսցէ, այլ
 ոչ ինչ փնտիցէ շինականին. զի և այլուր զիշխանս
 խիստս՝ գայլս Արաբացւոց կոչեն գիլք: « Եւ ինձք առ
 ուր մակաղեսցին, և որթք և առեւծք և ցուլք ՚ի միա-
 սին ճարակեսցին » : Իւրաքանչիւր գազան՝ զիւր բարսն
 թողուցու. այն իսկ է՝ զոր վերագոյնն ասաց, եթէ
 Յանդիմանեսցէ զազգս բազումս: Եւ ոչ ընդ այն է
 զարմանալ, եթէ ինքն առնիցէ իրաւունս և յանդի-
 մանեսցէ զգառաւորս երկրի. այլ զի և ՚ի մարդիկ
 տնկիցէ այնպիսի առաքինութիւնս, և զի զերկրաւորս՝
 երկնաւորաց նմանեցուցէ, և զմեծամեծս և ըզփո-
 քունս՝ ընդ միով օրինօք հաւանեցուցէ. զի մի որ
 հարստութեամբ զրկեսցէ զանաւագն. և այս՝ Աստու-

Ժոյ արարչութեանն գործ է: « Եւ մանուկ մատաղ ժողովեացէ զնոսա »: Այնպէս յօժարք և հաւանք լինիցին, զի մի իշխանաց ինչ կարօտանայցեն և մի օրինաց և մի այլ իմիջ ինչ այսպիսեաց, այլ իւրաքանչիւր զանձինս յարդարիցէ. որպէս և ասէ իսկ, եթէ ի վերայ արդարոց՝ օրէնք ինչ ոչ կան: Զի յորժամ որ ՚ի քաղաք քրիստոնէից հասանիցէ, ուր ստոյգ քրիստոնեայք որ իցեն, թէպէտ և կարի որ անմիտ իցէ և բնաւ մատաղ մանուկ և զկարգս ինչ քրիստոնէութեան խոստանայցէ ցուցանել, դիւրաւ վաղվաղակի ժողովէ զամենեւեման, և ոչ ինչ աշխատ առնիցեն զայն՝ որ վերակացուն որ լինելոց իցէ նոցա:

« Եւ եզն և արջ ՚ի միասին ճարակեսցին, և որդեակք նոցա՝ խառն շրջեսցին »: Նոյն առաջին միտքն են, զի վայրենամիտք և զգօնամիտք՝ ՚ի միասին բնակեսցեն, և միմեանց ինչ ոչ փնասեսցեն վասն աստուածպաշտութեան: Տէն, զիմրդ մինչև ցմատաղ մանկտի խոնարհեցուցանէ զբանն, զոր և այժմ իսկ տեսանեմք և ՚ի տհաս հասակս մանկտոյ զառաքինութիւն աստուածպաշտութեան: « Եւ առեւծ իբրև զեզն՝ յարդկերիցէ »: Յորժամ տեսանիցես զայր մի զօրավար, որ ՚ի բազում յափշտակութեանց լի առնէր զսեղան իւր, և յարբեցութիւն և ՚ի շաղղակերութիւն հարեալ, հատանէր իբրև զառեւծ մի, և զայլոց զմարմինս քանցեր և զոսկերս խորտակէր և զիւր սեղանն ընդ աբեամբ և շաղղով, և յետոյ տեսանիցես զի վաճն աստուածպաշտութեան՝ երբեմն պահիցէ և երբեմն զմիջին կերակուրն ուտիցէ, յիշեսցիր զբան մարգարէիս՝ որ ասէ, թէ « Առեւծ իբրև զեզն՝ յարդկերիցէ »: զի զվայրենութիւնն և զգազանութիւնն փոխեաց, ոչ ՚ի խառն ժողովելոյն միայն, այլ և յայսպիսի սեղանոյ. զի ոչ ինչ գազանական կամ դժգրմութիւն երեւեսցի ՚ի սմա:

« Եւ մանուկ տղայ ՚ի բոյն իժից և զկորեամբք իժից արկցէ զձեռն իւր, և նոքա մի փնասեսցեն նմա, և մի կարասցեն հարկանել զոր ՚ի լերին օրբութեան իմոյ »: Սիմաբոս, եւ խաղասցէ ստնդիաց ՚ի վերայ բունոյ իժից, և ՚ի տեսիլն քարբից՝ ստնահատոյցն զձեռն իւր հաստատիցէ, և ոչինչ մեղանչիցեն, և ոչինչ փնասիցեն յա-

մենայն լերին սրբութեան իմոյ։ Այսինքն տկարք՝
Թէպէտ և 'ի մէջ չարաց բնակեալ իցեն, սակայն մի
ինչ փնասեսցին 'ի չարութենէ նոցա. զի այնպիսի զօ-
րութիւն ետ մեզ Աստուած՝ որում ոչ ինչ կարէ գամ
գտանել չարութիւնն նոցա։ Զի եթէ շաղափքն սա-
քափաթանաց և Թովուլութիւնք ինչ ստաբանք յորժամ
Թովիցին՝ կարեն անաղդական առնել զմարմինս 'ի
Թունաց չար գազանաց, իրաւի ևս առաւել օծութիւն
Հագոյն և Հոգևոր Թովուլութիւնն, որով Թովեցան
միտք մեր, կարիցէ առնել զմեզ անփնասականս՝ եթէ
կամիցիմք. վասն որոյ ոչ միայն զմեր չարութիւնն 'ի
մէնջ հանիցեմք, այլ այնպէս զօրագոյն լինիմք, զի
և այլոց ևս չարութիւն՝ մեզ ինչ ոչ ազդիցէ։

Եւ ուստի լինիցի այս. « Զի լցաւ երկիր ամենայն
գիտութեամբ Տեառն, որպէս զձուրս բազումս՝ որ
Ծածկեն զծովս »։ Գիտութիւն Աստուծոյ առնէ զայս
ամենայն՝ որով նորոգիմքն, որով յայլակերպոն փոփո-
խիմք. ոչ մեք միայն, այլ ամենայն երկիր առհասա-
րակ։ Եւ մի ինչ զայն ասիցես՝ եթէ զՊաղեստինացւոց
աշխարհէն ասիցէ՝ զամենայն երկիրն լնլով գիտու-
թեամբ, զի ոչ անսայ և ոչ առնու յանձն օրինակն՝ զաղ-
քատութիւն բանին. « Որպէս զի ջուրը, ասէ, բա-
զումք, զի Ծածկեսցեն զծովս »։ և ոչ վայրապար զծով,
այլ զծովս։

Եւ զի՞նչ, ասէ, գործ բարիք, կամ աստուածպաշ-
տութիւն ինչ այնպիսի արդեւք գտանի առ քրիստո-
նեայտ. ոչ կազք և կռիւք 'ի մէջ քրիստոնէից են, զի
ընդ միմեանս նախանձին, զմիմեամբք կամին ելանել
փառասէրը, աշխարհասէր դատիւք և դատաստանօք
լի են, և զծով և զցամաք 'ի շահ և 'ի վաճառ արկեալ-
ոչ տեսանես, զի կենդանւոյն կլանեն զմարդիկ՝ իշխանք
և զօրավարք քրիստոնէից. և արդ, ուր այնպիսի բանք
կատարեցան առ քրիստոնեայս, կամ լցաւ ամենայն եր-
կիր գիտութեամբ Տեառն. և ազգք ևս բազումք՝ որ
լուան զքրիստոնէից կրօնս, և 'ի վայրենի մտաց ինչ ոչ
շրջեցան. և արդ, ցոյց, ասեն, ուր առհասարակ օրէնք
ինչ բարւոք կայցեն։ Կարծեմ թէ բազում ինչ բաջա-
ղին և Թարթափին մտօք, և խռովին և խռովեցուցանեն,
և ջանան սուտ առնել զբանսս և զմարգարէութիւնս.

և այնպէս համարին՝ թէ չկարիցեմք յայտ առնել։
 այլ մի ինչ զանգիտէք, զի շնորհօքն Աստուծոյ՝ յոր-
 ժամ՝ ի ճառս մտանիցեմք, որչափ ինչ պարգևեսցեն
 շնորհք սուրբ Հոգւոյն՝ ասասցուք. զի վասն նորա իսկ
 փառացն ճգնիմք և վասն նորին պատերազմիմք։ Ո՛ր-
 չափ պատերազմունս ցուցից քեզ՝ զի քակեցան. ոչ
 ինքնին իսկ բնութիւնն անձամբ անձին թշնամի էր,
 ոչ փայտից և քարանց երկիր պագանէին, և զբագինս
 ամենայն՝ արեամբ ներկանէին. զի՞նչ ևս ընդհատ էին
 ՚ի գայլոց. նա վատթարագոյն ևս էին քան զգայլը, և
 մանաւանդ ոչ միայն քան զգայլս վատթարագոյնք, զի
 նոքա ՚ի կորիւնս իւրեանց գլխան և խնայեն, և մար-
 դիկ՝ առ բնութեանն գութ՝ անագորոյնք գտանէին.
 և զի ջանայցեմք՝ զայս յարտաքնոցն յայտ առնել. այլ
 լուր իսկ մարգարէին՝ որ ասէ, թէ Զնստին զուստերս
 և զդատերս իւրեանց դիւաց. կամ որպէս ՚ի Թագա-
 ւորութեանն գրեալ է, թէ Ամփնացւոց արքայն, յոր-
 ժամ պատերազմ ստիպեաց, զորդի իւր եհան առաջի
 ամենեցուն խողիտողաց, Եւ արդ այս սակաւ ինչ գա-
 զանամաութեան նշանակ իցէ. ընդէր ոչ այժմ այն-
 պիսի դք գործ գործէ, և ոչ բուն հեթանոսն անգամ.
 այլ համարձակ որդիք ընդ հարս և ընդ մարս բնակեն,
 և գութ և խնամ ընդ ծնօղսն ունին. զի յայնժամ
 ոչ ինչ ընդհատ ՚ի դահճաց էին հարք՝ որդւոց, իսկ
 այժմ խնամ ունին սննդեան, հոգան ՚ի կեանս և ՚ի
 պատիւ հասուցանել։ Կամիցիս և զայն ևս ՚ի միտ առ-
 նուլ, թէ զիւրդ ՚ի թոյն իժից մանուկ մատաղ արկա-
 նիցէ զձեռն և ոչ ինչ մեղանչիցեն. և այս ևս՝ առ-
 քրիստոնեայս գտանի. զի ՚ի մարտիրոսութեան, թէ-
 պէտ և զթոյնս գազանաց ունիցին, սակայն դաժանու-
 թիւն թիւնիցն՝ ոչ ինչ փնասիցէ նոցա. և բազում ան-
 գամ մանկտի ևս պսակեցան յայնպիսի պատերազ-
 մունս. և ոմանք զինչս վատեն, և զիւրեանցն այլոց
 բաշխեն։ Ո՛չ տեսանես, որչափ օրկանոցք ընդ ամենայն
 տեղիս շինեալ ՚ի դարմանս հաշմից, որչափ վերակա-
 ցութիւնք որբոց, տեսչութիւնք այրեաց. և զի պիտոյ
 իցէ զայս արտաքուստ արտաքս թուել. մոռտ յեկեղե-
 ցի և աչք իսկ տեսանես զայսպիսի կարգս յօրինեալ.
 զի և որ զայս բանս ընդ մեր ընդդէմ գրեաց, ինքն

խակ վկայէ՝ թէ ազքատը և մեծատունը, ազատը և ծառայը՝ զմի պատիւ ունին յեկեղեցւոյ։ Ո՛չ տեսանես, զի ամենեքեան առհասարակ ՚ի միոյն սեղանոյ ելանեն¹։ Բայց քեզ չէ օրէն իսկ տեսանել։ Կամ զիարդ ինձը առ ուլս մակաղին, պատերազմոյն և գազանամիտ հզօրն՝ ընդ հեզոյն և ընդ խոնարհի։ Իսկ եթէ զամենայն ուղղութիւնսն միանգամայն չկարացին կատարել ամենեքեան, ընդ այն չեն ինչ զարմանք։ այլ ընդ այն է սքանչանալ, զի ոմանք ամենայն վարուք կատարեալը, և ոմանք թէպէտ և ոչ ամենայն վարուք կատարեալ իցեն, սակայն ՚ի գազանամիտ բարոյիցն ցածուցեալք են։ Իսկ երբ լցաւ ամենայն երկիր գիտութեամբ, Տեառն. յորժամ ընդ ամենայն երկիր ել բարբառ նոցա։

« Եւ եղիցի յաւուր յայնմիկ »։ Տեսանես, յորժամ այս ամենայն մերձ էր լինել, ապա ասէ։ « Եղիցի արմատն Յեսսեայ, և որ կանգնելոց է՝ իշխան հեթանոսաց, ՚ի նա հեթանոսը յուսացին »։ Եւ արդ, ո՞ որ յուսաց ՚ի Զօրաբաբէլ կամ յեղեկիա. և « Եւ եղիցի հանգիստ նորա ՚ի պատիւ »։ Ո՞ր, որ և ոչ ճանաչին ումեք. իսկ ՚ի Քրիստոս կատարեցաւ այս. « Հանգիստ նորա ՚ի պատիւ », գերեզմանն՝ յորում թաղեցաւ. զի միշտ պատուի և փառաւորի։

« Եւ եղիցի յաւուր յայնմիկ՝ յաւելցէ Տէր ցուցանել զձեռն իւր »։ յայնմիկ՝ յորժամ այս ամենայն իրք կատարեցան, ՚ի Քրիստոսի² գալստեանն. այլ յետ դարձին՝ « Լի նախանձու ժողովել զմնացորդս ժողովրդեան իւրոյ, և որ մնացեալ իցեն յԱսորեստանեայց անտի »։ Տեսանես, զի նախանձու Աստուծոյ իրքն գործէին։

« Եւ բարձրացուցէ նշան ՚ի վերայ հեթանոսաց. ժողովեացէ զկորուսեալսն Իսրայելի, և զցրուեալսն Յուդայ ժողովեացէ ՚ի չորից անկեանց երկրի. և բարձրի նախանձն Եփրեմի, և թշնամիքն Յուդայ սատակեցին. Եփրեմ՝ այլ ոչ նախանձեացի ընդ Յուդայ, և Յուդա՝ ոչ ևս նեղեացէ զԵփրեմ »։ Զի թէպէտ և սուկաւաւոր էր և զերկուս ազգան միայն ունէր, այլ թաւ

1 Յօր. Օտար գրչաւ՝ լւելէն։

2 Յօր. ի Քրիստոս։

գաւորութիւնն անտի էր: Եւ զեգիպտացւոց հարուածս՝ որ յետ դարձին լինելոց էին՝ յիշեցուցանէ, զի զկէսն հարկանիցէ և զկէսն հնազանդեցուցէ: « Եւ եղիցի, ասէ, ճանապարհ մնացեալ ժողովրդեան իմոյ յերկիրն Եգիպտացւոց. որպէս յաւուրն՝ յորում ելին յերկրէն Եգիպտացւոց »: Յիշեցուցանէ զառաջին անգան՝ որ անցին ընդ նոսա:

ԳԼՈՒԽ ԺԲ

« Եւ ասացես, ասէ, յաւուր յայնմիկ. օրհնեցից զքեզ Տէր, զի բարկացար ինձ և ողորմեցար ինձ և դարձուցեր զսրտմտութիւն քո յինէն »: Զի յԱստուծոյ՝ և ՚ի բարկութեանն իբրեւ ՚ի հաշտութեան՝ պարտ է գոհանալ. զի ՚ի բարկութենէ անտի խոր հաշտութիւն ծնանին: « Ահաւասիկ Աստուած իմ, փրկիչ իմ, Տէր իմ, և ես յուսացեալ եղէց ՚ի նա և այլ ոչ ևս երկեայց »: Աստի՛ իբրեւ պարտս իմն ցուցանէ, թէ զոր պարտեալն՝ հատուցաք, և արդ ուրախ եմք: « Եւ յուսացեալ եղէց ՚ի նա » . քան զամենայն ինչ՝ զայս խնդրէ Աստուած: Զինչ, ասէ, խնդրէ ՚ի քէն Տէր Աստուած քո, այլ սիրել զնա և երկնչել ՚ի նմանէ, և պահել զպատուիրանս նորա: « Զի փառք իմ և օրհնութիւն իմ Տէր է, և եղև ինձ ՚ի փրկութիւն »: Ոչ միայն փրկէ, այլ և փառաւորս և լուսաւորս առնէ: « Եւ առնուցուք ջուր ուրախութեան՝ յաղբերացն փրկութեան »: Աստ՝ և ակնարկէ իմն. « Յնծացէք և ուրախ լերուք, բնակիչք Սիոնի, զի բարձրացաւ սուրբն իսրայելի ՚ի մէջ նորա »: Զամենեսեան, ասէ, կոչեցէք ՚ի վկայութիւն, և ամենեցուն ցուցէք հանդէս. քանզի ոչ ինչ ամաչեմ, այլ կոչեմ համարձակ զամենեսեան:

ԳԼՈՒԽ ԺԳ

« Տեսիլ Բաբելացւոցն » : Ահիզաս ասէ . կառք Բաբելացւոցն . Թէոգոտիտոյն և Սիմաքոս՝ Առած Բաբելացւոց : « Զոր ետես Եսայի » . քանզի և այլ մարգարէքն տեսին :

« Ի վերայ լերին դաշտականի առէք նշան, բարձրացուցէք զբարբառս ձեր՝ ի վերայ նոցա . միտարեցէք ձեռամբ, բացէք իշխանք, և ես կարգեցից և ես ածից գնոսա . սուրբք են՝ և ես ժողովեմ գնոսա » : Ահիզաս, Ես ետու հրամանս սրբելոցն իմոց, այսինքն՝ եթէ ես առաջնորդեցից զօրացն և զօրավարացն . և քանզի ինքն իմի յորդորեաց, զԿիւրոս թագաւորէ ասէ, ես ածից գնոսա, երկնիջիւք ՚ի թագաւորէն : « Դիմեալ գան սկայք կատարել զսրտմտութիւն իմ . իսկ այլ թարգմանքն՝ զօրս ասեն փոխանակ սկայիցն : « Խնդան՝ գան միանգամայն, և թշնամանեն » : Ահիւղաս՝ Ամբարհաւաճեալք ամբարտաւանութեամբ . Թէոգոտիտոն՝ Ուրախ են ընդ թշնամանսն իմ :

« Զայն ազգաց բազմաց ՚ի վերայ լերանց՝ ՚ի նմանութիւն ազգաց բազմաց . ձայն թագաւորաց և ազգաց ժողովելոց » : Յայտ առնէ՝ եթէ բազում էին զօրքն, բազում և զօրավիգն օգնականութեան : « Տէր զօրութեանց հրամայեաց զօրաց սպառազինաց՝ գալ հասանել յերկրէ հեռաստանէ, ՚ի Ծագաց և ՚ի հիմանց երկնից » . այսինքն ՚ի Մարաց և ՚ի Պարթեւաց : « Ահաւասիկ օր Տեառն անբժշկական » : Բարեղբ առնուն ՚ի վերայ հանգերձելոցն . զի եթէ աստի յառաքինութիւնս ճգնիցիմք, գոն հնարք դեղոց բժշկութեան . ապա եթէ ոչ, յորժամ անդր երթայցեմք՝ այնուհետեւ տանջանացն բռնութիւն հասանիցէ ՚ի վերայ, և ոչ երբեք տանջանացն լինիցի վախճան : Վասն այնորիկ անբժշկական զօրն կոչէ, զի մի ոք աստի առանց բժշկութեան գտանիցի : Նաեւ տեարք՝ յորժամ կամիցին զԾառայս գան հարկանել, և ՚ի մտի

այն կայցէ՝ զի Թողուցուն զժնաս յանցաւորացն, բա-
զում անգամ երդնուն իսկ առաջի բարեկամաց, զի
եթէ ըմբռնեմ, ասէ, չտամ ապրել, Եւ եթէ կամիցիս
ուսանել, եթէ զիարդ իցէ օրն անբժշկական, եկ եր-
թիցուք՝ի միասին առ մեծատունն՝ որ բազում սպասս,
տաշտս, և սկտեղս ունէր աստ, և անդ ինչ ոչ փշեաց՝
'ի նմա, այլ այնչափ 'ի տագնապի էր, և զՂազար ևս
խնդրէր, զի երթիցէ զովացուցէ զծարաւեալ զայրե-
ցեալ շրթունսն: Զիարդ ոչ ամաչիցես, զիարդ ոչ ակն-
ածիցես՝ զնա խնդրել քեզ բժիշկ վիրացդ՝ յոր հաշիտդ,
զոր հանապաղ տեսանէիր և անողորմ զանց առնէիր,
և ոչ երբեք խլրտէիր 'ի գութս, եթէ դորին մարմնոյ
սակի իցէ և նա. այլ վիշտք սաստիկք՝ զամօթ մոռա-
ցուցանեն. և ո՞րք ոչ ողորմէր այնպիսի անհնարին ցա-
ւոց, Թէպէտ և այն որ իցէ, առ որ մեղանչականն
գտեալ իցէ: Եւ տես, զիարդ և ոչ մեծ ինչ իշխէր
խնդրել. ոչ ապրել 'ի բորբոքեալ բոցոյն և ոչ ելանել
'ի գեհնէն, այլ սակաւ մասին մարմնոյն՝ սակաւ ինչ
զովանալ. նա և ոչ զայն որ տայր նմա. Վիրհ մեծ է,
ասէ, ընդ մեզ և ընդ ձեզ. զի մի կարծիցէ Թէ վասն
զի առ Ղազարն անողորմ գտաւ՝ վասն այնորիկ արդե-
լուցու զնա Աբրահամ երթալ զովացուցանել զպաս-
քեալ զտապացեալ շրթունսն, և լինիցին իրքն՝ այլոց
ծուլութեան պատճառք, և այնպէս համարիցին եթէ
Ղազար յիրաւի ոչ հատոյց նմա բարի ինչ, զի չար
զնաց ընդ նա՝ի կեանս իւրում: Այլիմ հայր կամեղ-
բայր կարեն բարեխօս լինել, քանզի ոչ կարէ հայր
յայնպիսի տանջանս տեսանել և չողորմել, քանզի ար-
դարեւ գթայ և հանէ 'ի տանջանաց: Վասն այնորիկ զի
զայնպիսի զամենայն ցուրտ միտիթարութիւնս բարձցէ
Քրիստոս, և հաւանեցուցէ յիւրոյ անձին յառաքի-
նութիւնն յուսալ, և մի յայլոց ուրուք ապաստան լի-
նել, ածէ զԱբրահամ՝ի մէջ և ասէ, եթէ Վիրհ մեծ
է ընդ մեզ և ընդ ձեզ. զի եթէ կամիցի որ այտի այսր
գալ՝ չէ հնար, և ոչ աստի որ այդր. առաջնորն զար-
դար իրաւունսն եցոյց. Դու, ասէ, ընկալար զբարու-
թիւնս և Ղազար զկարիս, Այո՛, ասէ, և ես խոստո-

1 Այսպէս յօրինակին:

վանիմ և չլինիմ յուրաստ, զի ոչ այնչափ անամութ ինչ իցեմ, թէ և 'ի տանջանս ապիրատ գտանիցիմ, ոչ արդարութեան ինչ բանիւ կամիմ ապրել, այլ զի ողորմութիւն գտից։ Այլ վիճ մեծ է, ասէ, ընդ մեզ և ընդ ձեզ. զի առանց բժշկութեան է օրս, լի օրոմաութեամբ և բարկութեամբ, Բարւոյ ասաց եթէ լի է. քանզի չիք տեղի ապաշխարութեան, այլ զամենայն՝ բարկութիւնն ունի. չիք տեղի ողորմութեան, և ոչ մարդասիրութեան. զի յայս ժամանակս պատրաստեաց Աստուած զդեղն ապաշխարութեան, և զայն օր առանց բժշկութեան արար։ Այլ թերեւ ասիցեն, եթէ ոչ ապաքեն զմարդկեղէն բնութիւն խրատէ, միթէ չիցեմք 'ի կաւոյ, միթէ չիցեմք հող և մոխիր։ Ոչ է, ասէ, ժամանակս այնպիսի բանից, այլ յորժամ մեզանչեիքն, հպարտանայիք և ամբարտաւանիք, փափկանայիք և արբեցութեամբ թմբրէիք՝ յայնժամ պարտ էր զայգալիսի բանս ճարտարս յիշել։ Խօսէր նա հապեան Աբրահամ 'ի ժամանակի ճգանցն, յորժամ աստուած ասաստ բարկութիւնն եկեալ կայր 'ի վերայ, մինչդեռ ատեանն էր և չեւ ևս էր վճիռ գատաստանին տուեալ, յառաջ քան զդահճանցն մատնել. միթէ կարիցեն յետ վճիռն տալոյ՝ այլազգինչ զօրէն դատաստանին չըջել. և ոչ լռիցես նմին իսկ Աբրահամու, զի մինչդեռ դատաւորն կայր և խօսէր՝ նա ժտէր և պազատանս մատուցանէր, իսկ յետ իջուցանելոյ զթիւն արդարոցն մինչև ցտոսն, Միթէ կորուսանիցեն, ասէ, զարդարն ընդ ամբարիշտոն. զայն միայն ասաց և լռեաց. նոյնպէս և անդ է ասել եթէ յետ վճիռն տալոյ և գնալոյ՝ լռել պարտ է. զուր այնուհետեւ ջանայ դք. մինչ փութալն էր՝ չփութայիր, և արդ զմնչ օգուտ է փութալոյ. ինքնին Քրիստոս ազաչէ և չանսաս. և զի աղաչէ Քրիստոս, եկեացէ Պաւղոս և ասասցէ, եթէ վասն Քրիստոսի բարեխօսեմք, իբրեւ թէ Աստուած իսկ աղաչիցէ մեւք. Աղաչեմք վասն Քրիստոսի, հաշտեցարուք ընդ Աստուծոյ. զՈրդին իմ, ասէ, հաշտեցմ ընդ քեզ, որ ոչն ինչ մեղաւ ումեք, այլ և գմեղս ևս բազմաց ջնջեաց. եթէ զնա հաշտեցուցանես՝ և ես հաշտ եմ. եթէ նորա աղաչանացն ոչ լսես, զիս 'ի զուր է ա.

զաշխուհի: Եւ թէպէտ և ոչ հաշտեցուցեր զգիրկին և զազատին, սակայն կամ մնամ, տեւմ և բաւեմ, և աղաչեմ և ոչ կամիմ դառնալ, և ոչ յանձին ունել զազայանս. և ապա զիարդ կարիցես կարդալ առ իս, յորժամ պատժիցեմն և տանջիցեմն. քան այժմդ յաղերս անկեալ աղաչես, յայնժամ արժան էր քեզ՝ մինչ կոչին՝ լսել և անսալ. և արդ ներէի քեզ և ողորմէի և հաշտէի և դառնայի առ քեզ. և անձամբ անձին աբարեր քեզ զհաշտութիւնն դատախազ:

« Ահա աւասիկ օր Տեառն գալոց է անբժկական. լի բարկութեամբ, օրտմոռութեամբ, առնել զտիեզերս յանապատ »: Օր Տեառն կոչէ զօրն, զի ամենայն բերանք անամօթք կարկելոց են. յայնժամ իմանան ամենեքեան՝ որ այժմ ապստամբք են, եթէ ամենայն ինչ յԱստուծոյ է, յորժամ զպատիժս պահանջիցեն, յորժամ առաջին կացցեն և դողայցեն, յորժամ որ աստ արհամարհեալքն էին՝ քան զճառագայթս արեգականն ևս աւելի պայծառագոյն զգնեուցուն զլուսաւորութիւնն, և ամբարտաւանք՝ որ աստ յայտնիք և երևելիք էին, գլխիվայր, գլխարկեալ տագնապեալ ձգիցին ՚ի տանջանս: Օր Տեառն յայնժամ, յորժամ ամենեքեան՝ ըստ իւրաքանչիւր գործոցն ընդունիցին զհատուցումն: Եւ զի ոչ միայն սրտմոռութեան բարկութեան է, այլ և պարգեաց և պատուոց, ընդէր, ասեն, ՚ի չար անուանէն կոչի և ոչ ՚ի բարւոյ. վասնքս և վասն քոյոյ ծուլութեան, զի գոնեա այնպէս զարթուցէ: Եւ այլազգ ևս, զի թէ պարգեաց է՝ ամենեքին գիտեն, և թէ պատժոց ևս իցէ՝ այնմ չեն տեղեակ. և այնմ հաւատան և այսմ ոչ հաւատան:

« Դնել զտիեզերս ամենայն յանապատ »: Եւ վասն էր ասաց, եթէ զամենայն տիեզերս. լուր և զյաջորդան. « Եւ զմեղաւորս կորուսանել ՚ի նմանէ »: յորժամ զմեղաւորս գեհնն և զարդարս արքայութիւնն ընդունիցի, բարւոք ասաց եթէ զտիեզերս՝ ուր մեղքն գործին. յայնժամ քաղաքք և տունք և ամենայն ինչ շփոթեալ եղծանիցին և կարգք աշխարհիս, և դարձեալ վերստին նորոգիցին. թէպէտ և ոմանք չհաւատան: Բարւոք ասաց, թէ կորուսանել ՚ի նմանէ. քանզի ոչ եթէ կորստեամբ կորնչիցին, այլ ՚ի հօր

մատենալ՝ տայցեն զտօկօսիս ընդ իւրաքանչիւր գործոց:

« Զի աստեղք երկնից՝ Հայկին հանդերձ և ամենայն զարդուն երկնից՝ լոյս մի տայցեն » . քանզի ունառնիցեն լոյս, յորժամ արեգակն արգարութեան յայտնիցի. զի որպէս յերևել արեգականա՝ ամենայն լուսաւորք՝ ի խաւար դառնան, սոյնպէս և յերևել արեգականն արգարութեան, այլ ինչ այնուհետև լուսաւորոյ երևի: « Հրաման տաց ամենայն տիեզերաց ի չարիս » : Տէս զվճիռն, որպիսի չարիս ամենայն տիեզերաց բարբառի: « Եւ ամբարշտաց՝ զմեզս իւրեանց. կորուսից զժշնամանն անօրինաց, և զբարձրութիւնս ամբարտաւանից խոնարհեցուցից » : Եւ վասն էր արդեւ ք զամենայն կերպարանս չարեաց թօղեալ, և զայս միայն ի ձեռն առեալ. զի զառաւելութիւնն ցուցցէ, զարմատ չարեաց, զաղբիւրն ամենայն յոռութեանց, որով սկիզբն և կատարած կորստեանն աշխարհի եղև, որ և սկիզբն չարեաց, որ զգլխն ընկէց ի վայր, և զայլ ընդ նմին պառակտեաց: Վասն այսորիկ և զայսպիսի անհնարին ցաւս բժշկեացէ Աստուած, ամենեւեմ զամենայն իրս խոնարհութեամբ մատակարարեաց, և զժնունդն և զշնորհսն, և զաշխարհի շրջնն և զկօչուսն առաքելոցն և զկոյսն՝ յորմէ ծնաւ և զընկալուէն՝ որում զկոյսն էր խօսեալ, զի հիւսնական արուեստին էր արուեստագէտ, և տեղի ևս չունէին իջլաւանի, և այնպէս ևս չբաւորք՝ զի և յորոցս անգամ ոչ եղաւ, այլ իբրև զմի դք յազքատաց օրդւոց՝ ի մնուրն, յանասնականն սեղան: Նա և յորժամ ի չափս իսկ եկեալ հասեալ էր ըստ մարմնաւորութեան, Այլ կանայք, ասէ, կերակրէին զնա յընչից իւրեանց. ինքն իսկ ասէր, եթէ Որդի մարդոյ ոչ ունի տեղի՝ ուր դիցէ ըզբլուխ իւր: Առաքեալս նոյնպիսիս կօչեաց, կրօնս խոնարհագոյնս եղ. յամենայն կողմանց ամբարշտացանել զխոնարհութիւնն, և զամբարտաւանութիւնն իբրև զգազան մի չար՝ հալածէր. և այսպէս և ի սեղանոյն և ի մահաց և ի գնացից և ի հանդերձից և ի խրատ տալոյ և ի խաչն չարչարանաց և յայլ ևս բազում իբաց ոչ այլ ինչ ուսուցանէ մեզ Աստուծոյ տեսութիւնն, բայց միայն զխոնարհու-

Թիւն: Լուաց զօտս մտտնդին, և այն իսկ քան զամենայն ինչ զարմանալի էր: Տեսանէս, որպիսի հեղուքիւն եցոյց. առ ապտակ 'ի ծնօտ 'ի ստրկէն, և համբեր առաքինութեամբ. անարգի, անգոմնի յամենեցունց 'ի ընկէ մինչև ցայտմ, և զամենայն ինչ ասէր և արդեամբք կատարէր¹ 'ի փրկութիւն այնոցիկ՝ որ անգոմնենն և արհամարհեն:

« Եւ եղիցի որ մնացեալն իցեն՝ իբրև զայծեամն փախուցեալ, և իբրև զոչխար մոլորեալ, և ոչ դք իցէ՝ որ ժողովիցէ, իբրև զմարդ մի 'ի ժողովուրդն իւր՝ զառնալ, և յերկիրն՝ ուստի ելեալ իցէ՝ փախտեայ անկանել »: Ոչ միայն զյոռութեանցն և եթ բարբառի, այլ ցուցանէ՝ եթէ և առաքինութեանցն որչափ ինչ նահատակութիւնք են: « Եւ եղիցին մնացեալքն պատուականք առաւել քան զոսկի անհուր, և մարդն առաւել պատուական եղիցի քան զականս պատուականս Սոփորեայ »: Տեսանէս զգեղ առաքինութեանցն, տեսանէս զպայծառութիւնն:

« Զի երկինք շարժեսցին և երկիր սասանեսցի 'ի հիմանէ իւրմէ, վասն բարկութեան սրտամոռութեան Տեառն »: Դարձեալ 'ի տրտմականման շրջէ զբանն, և անդ իմն յաճախագոյնս յամէ. քանզի այն իմն աւելի զգատացուցանէ և առնէ պիտանիս: « Երկինք, ասէ, շարժեսցին ». զի եթէ Զօրութիւնք երկնից շարժեսցին, որչափ ևս առաւել երկինք. զի և 'ի նմանէ՝ որ այնչափ ժամանակս դարմանեցան, լինիցին պատճառք յաւիտենից տանջանացն, աւատութիւն բարութեանց երկնից, որ հանապազ կերակրէր զնոսա: Մի այնպէս կարծիցես զգալուստն՝ որպէս զառաջինն, զի առանց ռոնաձայն իմն առնելոյ եկն. զի յայնժամ զմեզս եկն բառնալ, և այժմ զարդարութեան վրէժ խնդրել. յայնժամ 'ի բժշկաց կարգի, և այժմ 'ի դատաւորի կերպարանս. յայնժամ զորթն տնկեաց, և այժմ զպլուտոն պահանջէ. վասն այնորիկ զամենայն գայ զղբուղել, զի ուսանիցիս զնորին առաւելութիւնն, և 'ի միտ առցես՝ եթէ և յայնժամ այնպէս կարէր գալ. զի եթէ ի ձեռին նորա են ամենայն ծագք երկրի, և Հայր

¹ Յօր. Արե և արեւմտի խելալի:

յերկիր և տայ դողալ նմա, ընդ այն զի զարմանաւ՝ եթէ 'ի գալտեան նորա դղրդէ զամենայն:

« Վասն սրտմոռութեան բարկութեան Տեառն զօրութեանց » . քանզի և ոգիքն զգայցեն բարկութեանն Տեառն: « Եւ եղիցին որ մնացեալ իցեն՝ իբրև զայծեամն փախուցեալ » . որք յարդարոցն քակիցին, ոչ ուրեք գտանիցեն պատասպարան ինչ և մխիթարութիւն: « Եւ իբրև զոյխարս մոլորեալ » . յիրաւի իսկ, քանզի զՏովին ¹ ոչ ծանեան: « Եւ ոչ որ իցէ՝ որ ժողովիցէ » . և զիարդ ժողովիցեն, զի Աստուած է որ ջրուէն: Եւ յայսմ վայրէ անդրէն 'ի տեղիսն շրջէ զբանն. « Ահաւասիկ, ասէ, ես յարուցանեմ 'ի վերայ ձեր զՄարո՝ որ ոչինչ համարիցին զարծաթ և զոսկի. զաղեղունս խորտակեսցեն զարանց երիտասարդաց »: Սիմաբոս ասէ. Աղեղամբք՝ զերիտասարդս խորտակեսցեն: « Եւ մանկտայ ձերում մի ողորմեսցին »: Մահնարին չարիք են՝ յորժամ թողութեան բանք ինչ ոչ երևեսցին. և տես, սոցա որպիսի ինչ բարութիւնք, և նոցա որպիսի չարիք, և զփոփոխումն մեծապեանչ:

« Եւ եղիցի, ասէ, Բաբելոն՝ որ փառաւորդ կոչեցեալ է 'ի Թադաւորաց Քաղղէացւոց, զոր օրինակ կործանեաց Աստուած զերկիրն Սողոմէացւոց և Գուլմորացւոց, և այլ ոչ ևս բնակեսցի մինչև յաւիտեանս ժամանակաց: Եւ հանգիցեն անդ գազանք, և լցին տունք նոցա վայիւ և աղաղակաւ. անդ հանգիցեն համբարուք և անդ դեք կաքաւեսցին, և անդ յուշկապարիկք բնակեսցեն, և ոգնիք ձագս հանցեն յապարանս նոցա »: Համբարուք կամ յուշկապարիկք՝ ոչ եթէ անձն ինչ ունիցին և բնակեսցեն 'ի Բաբելոն, այլ 'ի մարդկան սովորութենէ, որ ինչ 'ի միջի նոցա համբաւք պաշտիցին 'ի նշանակ աւերածոյ և թափուր լինելոյ քաղաքաց 'ի բնակչաց՝ առնուն գիրք և պատմեն զամենայն ինչ՝ որ նոցա ընտանի իցէ. ոչ 'ի հաստատութիւն թէ արգարև այն այնպէս ինչ է, այլ որում իմիք նոքա բնդել իցեն՝ առեալ զնորին երեսս, այնու խօսիցին ընդ նոսա գիրք: Իսկ այլք՝ փոխանակ համբարուաց՝ ջայլամունս ասեն: Ակիղաս ասէ.

տուածպաշտութեան՝ բազումք յռամկացն և զանձինս ևս՝ ի ծառայութիւն յօժարեցին գրել. որպէս և յեղիպտոսէ, զի ելանէին ընդ ժողովրդեանն Աստուծոյ բազում խառնիճազանձ. և անդ կատարէր, եթէ եղիցին գերեւալքն՝ գերեւլարք նոցա, և արկեցն՝ ի ծառայութիւն զայնոսիկ՝ որ տիրեցին ի վերայ նոցա:

«Եւ եղիցի յաւուր յայնմիկ, յորում հանգուացէ գթեզ Տէր ի ցաւոց, առնուցուս զողբս զայս ի վերայ Թագաւորին Բաբելացւոց. զիւրդ դադարեալ կայ պահանջոյն »: Եւ այն են զարմանք և սքանչելիք, զի զարիւմ՝ հանգիստ կոչէ. զոր Ակիւղաս լուսաւորագոյնս ցուցանէ, թէ զիւրդ նուաղեացին դժոխք ի գործոց, տեսեալ զչարութիւնն նորա: « Դառնացան ի պատահելն քեզ ». այսինքն՝ բարկացան. զոր Ակիւղասն ասէ, եթէ ի ներքուստ մեղկացան. Սիմպրոս՝ թէ Շարժեցան. Թէոդոտիստոֆն՝ թէ Բարկացան, և նորա թշնամին և մահու¹: « Խորտակեաց Տէր զլուծն մեղաւորաց և զլուծն իշխանաց. Եհար զհեթանոսս անբժշկական սրտմտութեամբ. ամենեքեան պատասխանի տայցեն և ասացեն. Եւ դու ի պարտութիւն մատնեցար իբրեւ զմեզ, և ընդ մեզ համարեցար »: Տէս, զի շարժէին և գողդէին և խռովէին, և յայտ առնէին, թէ Աստուծոյ պատիժք են և Աստուծոյ գործ՝ որում ոչ ակն ունէին, և ոչ յոյս ինչ կայր այնպիսի իրաց. և յիրաւի ասացաւ, եթէ « Զիւրդ անկաւ յերկնից արուսեակն՝ որ ընդ առաւօտս ծագէր »: Ակիւղաս ասէ. Զիւրդ անկար յերկնից ողբալով, որդիդ առաւօտու: Եւ ումանց այսպէս կարծի, եթէ վասն ընդդիմակաց զօրութեանցն ասացեալիցէ բանս. քանզի և Քրիստոս իսկ ասէ, թէ Տեսանէի զսատանայ իբրեւ զգայլակն՝ զի անկանէր յերկնից: Եւ մի ինչ զրպարտեսցուք զպատմութիւնս. զի թէպէտ և այլ ինչ միտս ունիցի բանս, սակայն և զայս ընկալցուք, զի և առ այժմ և այս պիտանացու է. և արդարեւ հիանալ եթէ զիւրդ անմարմնական զօրութիւնն է, և անկաւ յերկնից՝ որ ընդ առաւօտսն ծագէր, և առաքէր առ ամենայն հեթանոսս: Տեսանէս, երբ յիշեցուցանէ նմա զամբարտա-

¹ Այսպէս յօրինակին:

ւանութիւնն: Սերմն չար, զոր իռկզբանէ սերմանեաց
սատանայ, տէս, զիւրդ բուսաւ և աճեաց. յորժամ
կշռեցես ընդ կեանս երկրի՝ զչարին, ապա տայ քեզ
իրաւունս Աստուած մարգարէին: զի եթէ ընդ այս
չափ կարեօք կայ և ընդ պէսպէս փոփոխմամբք, և ոչ
ինչ կարաց կարճել յանգօնութենէ, զի մի ժտեսցի
եւանելի թարգմութիւն, քանզի ոչ ինչ սակաւ կար
ծեաց անմահութեան և հանգստեան հասանել Ա
գամ, այլ և զուգական Աստուծոյ կամեցաւ լինել. և
արդ զիւրդ ոչ որք պատժեցանն ի սատանայէ՝ ուսու
ցին քեզ զմարդկեղէն բնութիւնդ: Նաեւ վասն Ծու
րացոց թագաւորին ասէ, եթէ Դու առէիր Աստուած
եմ և ոչ եմ մարդ. և Ասորեստանայցն տսէր, եթէ
Ըմբռնցից գտնեցերս՝ իբրեւ զըղն մի, և իբրեւ զձուռ
մնացեալ բարձից: Այսպիսի զգուշութիւն էր, զի մի
անցանիցես ըստ սահմանն՝ որ եղաւ քեզ, և անցա
նես. եթէ արձակ թողեալ էր զքեզ, զիւրդ ոչ ևս
մեծամեծս քան զառաջինն գործս գործէիր: Ոյք
զաշտարակն շինէին՝ այսպիսի ամբարտաւանութեան
միտս էին, և ի հեթանոսս սոյնս էր լեալ, և ամբարը
տութեանն կերպարանք այսպիսի իրօք երևէին: և
Աստուած միշտ հնարի՝ զի զցանկութիւն ինչասիրու
թեանն բարձցէ, զի մի և ցանկանայցէ որ և ըղձանայ
ցէ աւելի ինչ քան զչափն:

« Այս այն այր է՝ որ զայրացուցանէր զերկիր ամե
նայն, և շարժէր զթագաւորս, որ առնէր զամենայն
տիեզերս աւերակ »: Զինչ խօսիս, ողբաս և ամբաս
տան լինիս. այսպիսի ինչ են ողբքս. ամբաստանութիւն
չարեաց, իրաւունս ցուցանել Աստուծոյ վասն իւր՝ թէ
յիրաւի ած ի վերայ նորա պատիժս. զի նա՝ զորս ի
գերութեանն էին՝ ոչ արձակեաց: Տեսանէս, զի խըս
տութիւն նորա եղև Աստուծոյ զօրութեանն, որ ի նա
սաստկացաւ՝ պատճառք, մահն նորա չարաչար: « Անդ
դու անկցիս ի վերայ լերանց իբրև զմռեալ գարշե
լի »: Տեսանէս, զի և այս ոչ վայրապար ինչ եղև, այլ
վասն իւրոց չարեացն. վասն այնորիկ յառաջագոյն ասէ,
զի մի կարծիցես թէ ինքնեկ իցեն տանջանքս. ոչ ըզ
վախճան միայն ասէ, այլ զի և այլազգ իմն անհնարին
մահու վախճանեսցի: « Ամենայն թագաւորքն հե

Թանոսաց ննջեցին պատուով, դու անկանիցիս 'ի վերայ լերանց իբրև զմեռեալ գարշելի » . զի այլքն պատուով ննջեցին, և դու 'ի պատիժս և 'ի տանջանս :

« Որպէս ձորձք ինչ արեամբ Թաթաւեալ՝ որ ոչ իցեն սուրբ, նոյնպէս և դու ոչ սրբեսցիս, փոխանակ զի ապականեցեր զերկիր իմ, և զԺողովուրդն իմ կոտորեցեր . մի մնասցես յաւիտեանս ժամանակաց : Զոր օրինակ խօսեցայ՝ այնպէս լիցի, և որպէս խորհեալ եմ՝ այն կայցէ յաւիտեան . կորուսանել զՍորոքստանեայս յերկրին իմում և 'ի վերայ լերանց իմոց » : Տեսանես, ուստի են պատիժք նորա . նա աւանդիկ դու իսկ հրամայեցեր, և 'ի վեր և 'ի խոնարհ զայդ ասես, եթէ Ածից զԹագաւորն Բաբելացւոց, և չիցէ որ՝ որ հանդարտել կարիցէ նմա . և աստ ամենեւին իմն հաւառակ այնր՝ տաս զհրամանն : « Սերմն չար, պատրաստեա զորդիս քո 'ի սպանումն » : Եւ ընդէր արդեւք . ոչ ապաքէն դու ետուր նմա իշխանութիւն երկրի : Եւ դարձեալ . « Զի մի յառնիցեն և ժառանգիցեն զերկիր և ինուցուն զերկիր պատերազմաւ » . և արդ վասն հանդերձելոց ինչ իրաց կրեն զպատիժս՝ զոր ոչ երբեք գործեցին : « Աստն մեղաց, ասէ, հօր քո » : Եւ այս զիւմրդ 'ի դէպ ինչ իցէ . այլ քանզի և նորա անողորմք հարանցն լինէին, յառաջագոյն բառնայ զնոսա, զի մի այնպիսի ինչ գործ գործիցեն, զի պատերազմասէրք, հէռաօէրք և կռուողք էին : Իսկ զվ իցէ՝ զորմէ ասէն՝ Թէ « Սերմն չար » . զի զՆաբուգոդոնոսորայ չէ ինչ մարթասել, քանզի որդի իւր ան 'ի նմանէ զԹագաւորութիւնն և բարւոք մահու վախճանեցաւ . իսկ զԲաղտա սարայ արդեւք իսկ ականարկիցէ, որ որդւովքն հանդերձ սպանաւ : Եւ ընդէր արդեւք ասէ, եթէ Զերկիրն իմ կորուսեր և զԺողովուրդն իմ կոտորեցեր, և զայն Նաբուգոդոնոսորայ էր արարեալ և ոչ Բաղտասարայ . իսկ զՍորոքստանեայն իսկ ասիցէ՝ որ ծանրատաղտուկ բեռն էին Հրէիցն . այլ զայս ասասցուք, Թէ որ 'ի սուրբ օպասմն ոչ խնայեաց, այլ անառակ արբեցութեամբքն պղծեաց, զիւմրդ այլ ումեք խնայէր . վասն այսորիկ մատուցեալ յառաջագոյն ասէ, եթէ Մանրացուցեր 'ի վերայ նոցա զլուծն, և փոխանակ զի ես մատնեցի զնոսա 'ի սակաւ ինչ, դու մատնեցեր զնոսա 'ի չար

խիստ, և ոչ արարեր 'ի վերայ նոցա ողորմութիւն և ոչ իւրիք: Իսկ հայրն նոցա այսպիսի իրաց գործս ցուցանէր, զի Դանիելի երկիր եպագ, և ետ հրաման՝ եթէ ոք բանս հայհոյութեան խօսեսցի զԱստուծոյ Սեդրաբայ, Մեսաբայ և Աբեթնաբոյի, 'ի կորուստ մատնեսցի և տուն նորա աւար հարցի:

« Այսպէս ասէ Տէր զօրութեանց. եւ եդից զԲաբելոն աւերակ, զի բնակեսցեն 'ի նմա իժժ. » . Իսկ այլքն ասեն՝ եթէ ի ժառանգութիւն իժից. Եբրայեցիքն ասէ Իկիպոմի¹, « Եւ եդիցի իբրև զդինչ, և արարից զնա խորխորատ տղմի 'ի կորուստ »: Քան պատերազմողացն մատնել, զի բնակիչքն ոչ գտանիցին՝ այն է անհնարին չար, երկիր՝ որ ինքնին գործիցէ, և յայտ առնիցէ զայսպիսի չարիս՝ որ մեղան նմա: « Այսպէս ասէ Տէր. զոր օրինակ խօսեցայ՝ այնպէս լիցի. որպէս խորհեալ եմ՝ այն կայ յաւիտեան. կորուսանել զԱսորեստանեայն յերկրէն իմմէ և 'ի վերայ լեռանց իմոց »: Կամ զԲաբելացիսն ասէ, կամ ևս նմանագոյն. զի Բաբելոնն՝ ընդ Ասորեստանեօքն էր, բայց զԱսորեստանայն՝ Բաբելացիքն առին, և ոչ եթէ Մարք: Իսկ աստ ասէ, եթէ Յարուցից 'ի վերայ ձեր զՄարս. կամ թերևս զԱսորեստանեայց թագաւորութիւնն Բաբելացիքն առին, ոչ պատերազմաւ, այլ տէրութեան օրինօք, և ապա կոտորեցին զսոսա Մարք. զի զայն՝ եթէ յարուցից, մի երբեք զԲաբելացւոցն կարծիցես, որպէս ոչ զԱսորեստանեայցն:

« Տեսիլ Փղշտացւոցն: Յամին յորում մեռաւ Աբազարբայ, եղև պատգամս այս 'ի վերայ Փղշտացւոց: Մի խնդայք և մի ուրախ լինիք, ամենայն այլազգիք. զի խորտակեցաւ լուծն հարկանողաց ձերոց » . Իսկ այլքն՝ բեկումն ասեն, քանզի բեկաւ իսկ. Ակիլզաս՝ Գաւազան իշխանութեան պահանջողաց. և Սիմաբոս և Թէոդոտիսոն՝ Զվարոց տանջման, ասեն, փոխանակ ընդ լծոյ հարկանողացն ձերոց: « Զի 'ի զաւակէ օձից՝ ելլեն քարքք, և 'ի նոցա ծննդոց՝ օձք թեւաւորք » . Իսկ այլքն՝ բասիլիսկոս ասեն, որ հայեւոյն միայն սատակէ: Աստի ուսանիմք փոփոխմունս իրաց, որ

¹ Յերբայական բնագրին գնի ԴՅԲ 1111-ր, որ է 11:

ոչ ըստ մարդկան, այլ ըստ Արտուծոյ կամանցն. զի որ
 փոխէն զժամն և զժամանակս, նոյն է՝ որ կացուցա-
 նէն և փոփոխէ զԹագաւորս: Յորժամ տեսանիցես
 իշխան յանդուգն և անողորմ, մարդաշախոժ՝ Թագա-
 ւորել, մի այնպէս աղօթս առնիցես, զի նա՝ ի միջոյ
 բարձցի, այլ զԱրտուած ընդ քեզ հաշտ առնիջիր, որ
 և զխտութիւնն նորա կարէ կակղացուցանել. և եթէ
 զԱրտուած ընդ քեզ հաշտ ոչ առնիցես, կարող է և
 այլ խիտ իշխանս յարուցանել: Եւ արդ մի՛ ի մարդիկ
 ապաստան լինիցիմք, այլ՝ ի վերին իշխանութիւնն,
 ուստի և իշխանացն իշխանութիւնք կարգին. իբրև
 զհոռանա ջրոց՝ այնպէս են սիրտք Թագաւորաց՝ ի ձեռս
 Տեառն, և յոր կողմն և կամի՝ դարձուցանէ զնոսա:
 Եւ արդ մի՛ ի սրտէն երկնչիցիս, այլ՝ ի ձեռանէն՝ որ
 զսիրտն ունի. զի ուր Արտուած հաշտ իցէ, և՛ ի հրոյ
 մէջ ցօղ լինի. իսկ եթէ Արտուած կագիցէ, և՛ ի փափ-
 կութիւնս՝ մարտ և պատերազմ: Ո՛չ ապաքէն Բաբելոն
 լացիքն արտաքոյ հնոցին էին, այլ այրեցան, կիզան,
 քանզի զԱրտուած Թշնամի ունէին. ոչ ապաքէն երեք
 մանկունքն՝ ի մէջ հնոցին բորբոքելոյ ընկեցան, և ոչ
 ինչ փնասեցան. քանզի Արտուած հաշտ էր ընդ նոսա:
 Որպէս զի Եթէ Արտուած դժկամակ ընդ ումք իցէ,
 բարի ինչ երբեք նմա ոչ լինի. և յորժամ հաշտ իցէ,
 չար ինչ երբեք նմա ոչ պատահէ: Եւ արդ զի պատա-
 տիցիս զերկայն ճանապարհաւ, և առ իմ՝ բիւր հնարս
 հնարիցիս, այսր անդք ընթանալ, զսա աղաչել, նմա
 կաշառս խոտանալ, զայլս բարեխօս առնել. ուր
 պարտ և պատշաճ է՝ ի մի և ի կարճոյ ճանապարհս ե-
 լանել, զի զՏէր ընդ քեզ հաշտ առնիցես. իսկ եթէ
 նա չիցէ հաշտ, այլն տմենայն ի զուր վաստակք են. և
 եթէ նա ողորմութեան ակամբ նայիցի, և Թշնամիքն՝
 բարեկամք լինիցին. Եւ գազանք անապատի, ասէ,
 հաշտիցեն ընդ քեզ, Սոյնպէս և գժանիելի զփնասն
 կարէր Արտուած խափանել. որ զանյադ բերանս ա-
 ռիւծուցն սանձեաց և զարիւնարբու զլեզուսն կար-
 ձեաց, կարող էր ինուլ և զբերանս չարախօսացն, և
 դարձուցանել զչար միտն ի բարի խորհուրդս, զի
 բնաւ և ի միտս մի անկանիցի նենգել նոցա զուրբն.
 այլ ոչ նախանձեցաւ ընդ պսակս նորա. զի ոչ այնպէս

լինէր լուսաւոր և երեւի, և ոչ այնպէս նորա գութն՝ որ ունէր ընդ Աստուած՝ երևէր, և ոչ Աստուծոյ սէրն առ նա, եթէ չէր թոյլ տուեալ՝ի ճգունս և ի փորձանս մտանել: Սիրէ Տէր զարդարս և կամի յայտ առնել զնոսա ամենեցուն. զի այնպիսի իսկ սովորութիւն է սիրելեաց առ սիրելիս՝ զի ոչ ունին ժողովածուցանել զսէրն, այլ զի զբազումն առնիցեն վկայս սուրբ և սերտ սիրոյն. որպէս և որ զարդու իւր՝ այնպէս Աստուած զարգարի, որ անկարօտականն է, սիրով սրբազն. և զի սիրի և զի սիրէ զնոսա, ամենեցուն յայտ կամի առնել: Եւ լուր իսկ, զիարդ սիրէր զՅովսէփ, և ոչ որ զհետէր. և արդ զի՞նչ առնիցէ. յայտնէ սատանայի զսէրն, զի ի սիրոյ անտի՝ յայտնի լինիցի գովութիւն նորա: Եւ տես, զիարդ ստեպ գովէ. Հայեցանք, ասէ, մտօք քովք՝ի ծառայն իմ Յօք, զի չիք նման նմին յերկրի: Սիրոյ են բանք, այլ ոչ այնպիսի ինչ՝ որպէս մեր բանքն իցեն. զի մեք իբրև պաշտօն ինչ առնելով գովեմք, իսկ նա ոչ այսպէս: Ոչ միայն ասէ Աստուած՝ Թէ վասն զի սիրեմ զնա, կամիմ ցուցանել ձեզ և յարգել, այլ ամ կացոյց շուրջ ի հանդիսի զաշխարհս ամենայն, և արձակեաց զնահատակն, և ինքն եթող զնա ի կռուին և զնաց: Եւ զի մի որ ասիցէ եթէ նորա է յաղթութիւնն ամենայն, ի բացեայ կայր և ուշ ունէր մրցելոյն և գուպարելոյն: Թէպէտ և մարդիչ նահատակաց մօտ կացցէ ի կռուին, և ոչ որ արգելուցու զնա, այլ զի և պայծառագոյն յաղթութիւնն երևեսցի, ոչ մօտ կայր և ոչ հրամայէր Թէ այսպէս կամայնպէս պարտ իցէ կռուել, այլ մերկ կողովուտ արձակեաց զնա ի մարտն: Դու, ասէ, տարապարտուց կարծեցեր կորուսանել զինչս նորա, այլ ես և զմարմինն ևս տաց ի ձեռս, և ոչ կարասցես դամագիտ լինել: Կամի Աստուած ցուցանել ամենեցուն Թէ որպէս սիրէր զնա. յայտնէ Աստուած զսէրն վասն մեր, զի ինքն հեռի է յամենայն փնասակար կարեաց. քանզի մեք ի բազմաց խնդրեմք զփառս, վասն այնորիկ կամիմք զքաջութիւնս ինչ յայտ առնել, զի մեզ ի պարծանս լինիցին, իսկ նա և ոչ երբեք, այլ զի զմեզ հեզս և պիտանիս առնիցէ. որպէս և որ զսիրելի՝ կամի զսէր սիրելոյ ցուցանել, զպատկեր մարմնոյ նկա-

րիցէ, զաչս և զունչս և զծնօտս, նոյնպէս և Աստուած
կամի ցուցանել եթէ բարւոք սիրէ . և յիրաւի զպատ-
կեր ոգւոցն վասն այնորիկ գրէ նկարէ ամենեւին զգե-
ղեցիկն, և վկայէ եթէ չիք որ նման նմա գեղեցիկ,
Եւ նախ այն իսկ, զի նա միայն վկայեցաւ 'ի ժամա-
նակին հաճոյ Աստուծոյ. ապա և զառաքինութիւնսն
համարի կարգ ըստ կարգէ. Այր մի արդար, ճշմա-
րիտ, աստուածապաշտ, զատեալ և մեկնեալ յամենայն
գործոց չարութենէ: Եւ այդ ուստի յայտ իցէ, ասիցէ
թշնամին. բարւոք է, ես տաց առնուլ քեզ զփորձ և
զհանդէս նորա. որպէս թէ ասիցէ որ, թէ գեղեցիկ
'ի սպիտակէն և մաքուրոյն և 'ի ծարրէն երևի, թոյլ
տուր, թող առից զպաճուճանն 'ի բաց, և տեսանես՝
որչափ տգեղ են երեւքն՝ որոց ցանկանաս. և նա յու-
տացեալ՝ ասիցէ հաւաքմակ, եթէ մատիր, որպէս կա-
միս, լուա 'ի բաց, և ևս առաւել գեղեցիկ երևի.
նոյնպէս և Աստուած ասէ. մատիր և արկ 'ի փորձու-
թիւն, և տեսջիր՝ զի ևս պայծառագոյն գտանի: Խօ-
սի աղերսիւ և ընդ սիրելոյն. Մի կարծիցես, ասէ,
եթէ թողի ինչ զքեզ 'ի ձեռաց. ոչ լուծի զսէրն, ոչ
քակեցի զխնամնն, այլ առ սէր արարի զայդ, զի յայտ
արարից եթէ յիրաւի սիրեմ: Տէս, և Յովբ զինչ ասէրն,
եթէ Տէր ետ և Տէր առ, և եթէ զբարիսն ընկալաք
'ի ձեռանէ Տեառն, կարեացս ոչ ժուժայցեմք. քանզի
ոչ կամէր եթէ բամբասիցի ինչ սիրելին իւր. որպէս
թէ ասիցէ որ, եթէ զայս ինչ և զայս ինչ անցս անցոյց
ընդ քեզ, և նա առ սէրն՝ չառնուցու յանձն զբամբա-
սանսն. Եղիցի, ասէ, անուն Տեառն օրհնեալ: Սիրեմ,
ասէ, և չկարեմ զնմանէ չար խօսել: Թէպէտ և ասէ
ուրեք, եթէ Թշնամանք զսէր ջրեն. իսկ անդ ոչ այս-
պիսի ինչ իրք կարծեն ստնանել, զի ոչ միայն թշնա-
մանք էին, այլ և տանջանք անհնարինք, և նմա գա-
մադիտ ինչ ոչ լինէին. թէպէտ և ծանրագոյնս ինչ
խօսեցաւ, առ աղերս՝ և ոչ ինչ թշնամութեան, առ
զայրուցս սաստիկ հարուածոցն: Եւ այս են ծանրա-
գոյնք՝ զոր խօսեցաւ, եթէ Մի ուսուցաներ զիս ամ
բարըշտել. և Ընդէր եղիւր զիս նպատակ քեզ. զի այս
ինչ իրք կարի տրտմեցուցանէին զնա, զի մօտակացքն
կարծէին եթէ ոչ նա սիրէր զԱստուած, և ոչ Աս-

տուած զնա: Ես, ասէ, գիտեմ եւ դու, Տէր, գիտես, այլ զսոսա ո՞վ հաւանեցուցէ. այնպէս կարծէին՝ եթէ յԱստուծոյ խնամոցն անկեալ մերժեալ ինչ իցէ: Եւ առ Մովսէս դարձեալ այսպիսի բանս խօսէր. Թող տուր, ասէ, վասն քո պատուեմ զնոսա. եւ ցբոյր նորա այսպէս ասէր, եթէ Ոչ ընդ ումեք խօսեցայ՝ որպէս ընդ Մովսիսի. եւ նա թողոյր, եւ Աստուած ոչ թողոյր. Վասն քո, ասէ, քաւեմ եւ ոչ վասն նոցա: Տէս եւ առ Աբրահամաւ. Ե՛լ, ասէ, յերկրէ քումմէ եւ յաղգէ քումմէ. եւ Միթէ թագսւստ ինչ իցէ՝ ի ծառայէ իմմէ յԱբրահամէ, զոր ինչ գործելոցն եմ: Այլ դարձցուք անդրէն՝ ի կարգն՝ որ առաջին կայ:

« Մի խնդայք եւ մի ուրախ լինիք, ամենայն այլազգիք, զի խորտակեցաւ լուծ հարկանողին ձերոյ. զի ՚ի զաւակէ օձից՝ ելլեն ծնունդք իժից: » Զի Եզեկիա, ասէ, դժնդակագոյն լինիցի ձեզ. եւ ընդէր արդեւ ոչ ասաց, եթէ Աստուած տանջելոց է զձեզ. այլ զի անուամբ իժիցն՝ առաւել իմն քապնէին: Եւ այս ոչ եթէ զչարուծիւնն Նզեկիայի յայտ առնէ՝ իժն կոչելով, այլ զի նոցա ծանրաբեռն ծանրատաղտուկն լինելոց էր: « Եւ բուծցին աղքատք ՚ի ձեռանէ Տեառն, եւ տկար մարդիկ ՚ի խաղաղութեան բնակեսցեն: » Տեսանէս, զի որում ոչն հաւատային եթէ ՚ի ձեռանէ Տեառն լինիցի, նոյն առ ՚ի Տեառնէ լինելոց էր: Սոյնպիսի ինչ եւ ՚ի Քրիստոսի գալստեանն եղև. զի նուաւ աղքատք բուծանին, տնանկը կերակրին. իսկ մեծատունք՝ ոչ ինչ այնպէս, այլ յիւրեանց ազահութենէ. իսկ աղքատացն՝ Աստուած ինքնին հովուէ, որպէս եւ ասէ իսկ, եթէ Ես եմ հովիւ քաջ. ոչ եթէ տեղեակ այնպիսի ինչ սեղանոյ՝ հովիւն քաջ, այլ ՚ի սուրբ եւ յիստակ աղբիւրն առաջնորդէ տանի զխաշինան: Ոչ տեսանես զոչխարս, զի ոչ ինչ ցանկան պէսպէս խորտկաց, այլ զլոկն, զանհանգերձ ճարակն ճարակին. նոյնպէս եւ զքեզ կերակրէ Աստուած: Միթէ ոչ երբեք կերակրեաց. այլ թէպէտ եւ կերակրեաց, այլ աշտուճ հացիւ եւ ձկամբք. նա եւ քաղաքին այն իսկ էր հանապազորդոս ասձի. այլ կերակրեաց երբեմն եւ մսով, այլ ՚ի չար եւ ոչ ՚ի բարի ուտելեացն:

« Եւ տկար մարդիկ՝ ՚ի խաղաղութեան բնակելոց են » . և զմահճն զհանգստեան յայտ առնէ . քանզի այլ թարգմանքն առնն, թէ Ի խաղաղութիւն բազմեսցին . զի ոչ ձայնք և ոչ ողջք և ոչ սուգք լինիցին ՚ի նոսա, և մի այլ ինչ այնպիսի, այլ ՚ի խաղաղութեան . զի ոչ խռովեսցին ինչ և ոչ մարանիցին, թէպէտ և սպանանիցին, թէպէտ և գլխատիցին . զի ՚ի խաղաղութեանն հանգչել այն է, յորժամ վասն Աստուծոյ որ մեռանիցի, այլ պատուով ննջեսցէ ՚ի հանգիստ : Զի այսպիսի ինչ է արդարոց մահճն պատուական . ոչ զի ՚ի տան իւրում որ մեռանիցի, և զի պատուական է այսպիսի մահ, կամ ՚ի մահիճն, և ոչ՝ առ իւր ընտանիս, այլ յորժամ քաջութեամբ և առաքինութեամբ վասն ճշմարտութեանն մեռանիցի : Եւ զի պատուական է այսպիսի մահ, ամենայն իսկ տիեզերք վկայեն . զի թէպէտ նշանաւորք ինչ իցեն մահք թագաւորաց և զօրագլխաց, և առ ժամանակ մի անդէն յիւրեանց ընտանեաց մեծարիցին, սակայն ոչ իբրև զձկնորոսաց՝ որ ոչ ըստ բնութեան օրինացն կատարեցան, այլ մեծաւ առաքինութեամբ՝ զկատարեալ յաղթութիւնն, և պատուին յամենայն աշխարհ գերեզմանք նոցա . զի ոմն գլխատեցաւ և ոմն պատառ պատառ կոտորեցաւ, և ոմն քարկոծեցաւ . սակայն յայն սեպս պատուին առաւել, զի այնպիսի մահուք կատարեցան, զի փոխանակ խաղաղութեան ամենայն աշխարհի մեռան : Զոր օրինակ և զօրականք որ առաքինիք և յետ մահուն պատուին որք վասն իրաց աշխարհի ճգնեցան և անկան ՚ի պատերազմի, սոյնպէս և առաքեալքն վասն եկեղեցւոյ՝ իւրեանց աշխարհի՝ մեռան, և առնուն զպաական, և յետ մահուն՝ ևս առաւել պատուին . զի թէ թագաւորն նոցա՝ մահուամբ յաղթեաց մահու, սրչափ ևս առաւել զօրավարացն պարտ էր նմանել թագաւորին : Եւ արդ, մի ինչ աշխարհեցուք զգլխատեալն, և մի երանի ինչ տացուք այնպիսեացն՝ որ յիւրեանց տունն մեռանիցին, զի ոչ այն երանելի ինչէ, և ոչ այս եղկելի . այլ որք առաքինութեամբ վասն ճշմարտութեանն մեռանիցին, և պատանս ՚ի զարդ զբարւորք կարգս և վարս ունիցին, որ քան զսակեհուռ պատմուճանն ևս պատուական է : Զի զայն՝

որ վասն ճշմարտութեանն մեռանիցին, եթէ բնաւ մերկ իսկ ոք ընկենուցու և թաղելոյ ևս չառնիցէ արժանի, այնու առաւել զարդարէ, զի զմեծամեծ կրտսեան անցուցանէ վասն ճշմանցն՝ զորս վասն ճշմարտութեան կրիցէ. և զայնպիսին ոչ եղկելի, այլ երանելի կատարէ. զի զայնպիսի հանդերձ ոչ ցեց ուտէ և ոչ որդն հարկանէ, և ոչ գերեզմանակրկիտք գողանան, և ոչ ժամանակք մաշեն և ոչ հող փտէ, այլ կայ մնայ միշտ անժախական. և այնպէս զարդարէ զգգեցողն, որպէս և ոչ զերկինս՝ պսակն արեգական և ոչ պարաձև բակք աստեղաց:

Արդ զայնպիսի մահ խնդրեացուք, որ վասն հասարակաց ինչ օգտից է մեռանելն. արդ ընդէր ոչ վասն շահի և կամ օգտի: Զայս ասեմ՝ զի պատրաստագոյն գտանիցիմք առ ճգունս՝ որ վասն աստուածպաշտութեան ինչ ՚ի վերայ հասանիցեն: Եւ այժմ եթէ կամիմք, բազում մահս մեռանիմք. և զիարդմաբդ՝ մահկանացու կարիցէ բազում մահս մեռանել. զի եթէ մահկանացու է՝ միանգամ է մեռանելոց, իսկ եթէ բազում անգամ մեռանի՝ յայտ է եթէ անմահական է. զի ապաքէն որ կենդանին իցէ՝ մեռանի, ոչ եթէ՝ որ մեռեալն իցէ՝ միւսանգամ մեռանիցի: Նոր իմն է խնդիրս, զի և ոչ մահկանացու իսկ է. զի եթէ մահկանացու էր, զիարդ յետ մեռանելոյն՝ դարձեալ մեռանէր. և ոչ անմահ, զի եթէ անմահ էր, զիարդ ասէր Պաւղոս, եթէ վասն քո մեռանիմք զօրհանապազ. և դարձեալ, թէ Յո երդնում, ՚ի պարծանս ձեր, զի հանապազ մեռանիմ. յոռութիւն և վատթարութիւն համարէր, և ոչ արութեան ինչ գործ, եթէ միայն որպէս ընտելեամք սահմանեալ իցէ մահ, այնպէս և եթէ մեռանիցի. ժամն այնորիկ ասէր՝ թէ հանապազ մեռանիմ: Որչափ ժամանակս ետնմա կեալ Աստուած, նոյնչափ անդրէն ետ փոխարէն մահս մեռանել Պաւղոս. և ոչ ուրեք կամեցաւ պարտապան գտանել, մանաւանդ զի և զհանապազորդն իսկ մեռանել՝ պարտս համարէր:

Եւ արդ մեք զի՞նչ ինչ այնպիսի գործ ցուցանի.

ցեւթ. այլ տես, ժյր ուրուք է այնպէս հանգչելն. աղքատաց, տկարաց, ոչ այնոցիկ՝ որ զմեծամեծս բարբառիցին: Եւ յիրաւի հանգիստ՝ զայնպիսեաց մահսն կոչէ. քանզի չիք ինչ հանգոյն այնմ հանգրստեան, յորժամ անխիղճ մտօք դը զայն զտարաշխարհական ճանապարհն երթայցէ: Զի եթէ այր դը՝ յորժամ մերձ 'ի մահ իցէ, և բարւոք պատուէրս և հրամանս՝ տան և կնոջ և որդւոց տայցէ, և որպէս կամիցի՝ այնպէս կարգիցէ, և զմահն այնուհետեւ մահ չհամարի, թէպէտ և նմա ինչ այն ամենայն ոչ փչիցէ, իրջափ ևս առաւել՝ որ այնպիսի դը ինչ շահս քանձիցէ, որովք երթեալ աստի այնուհետեւ առաջի Աստուծոյ համարձակ կարիցէ մտանել: Քանզի երևելոց է հոգին՝ Աստուծոյ, յորժամ բարւոք վախճանան՝ զծանրութիւն մեղացն ընկենուցու, և թեթեւացեալ ընդ երկինս թռիցէ. յորժամ զար խիղճ մտացն մերկանայցէ, և համարձակ առ Տէրն փութացէ երթալ. յորժամ ոչ վասն պատժոց ինչ կասկածիցէ, և ոչ թէ դրունքն երկնից նմա փակեւոց իցեն՝ երկնչիցի. զի ոչ ոգորիցի և ոչ ջանայցէ և ոչ մգլիցի, այլ դիւրաւ հեշտեաւ իմն զմարմին թողուցու. զի ոչ բռնաբար ինչ ձգիցի 'ի վարչացն, և ոչ յանկարծակի յափշտակիցի, ոչ վասն մեղաց ինչ դանդաղիցի, և ոչ վասն չարեաց ինչ վհատիցի. այլ իբրեւ խնդացեալ փափագեալ՝ ինքնին զանձն հեղուցու 'ի վերայ, որպէս և մանուկ մի անձկացեալ առ իւր դայեակս, կամ առ հայր և մայր. քանզի գիտէ այնուհետեւ՝ թէ ոչ 'ի տանջանս եկեալ կոչեն, և ոչ 'ի մահն անմահական, այլ 'ի պատիւս արքայականս և 'ի սեղանն՝ լի ամենայն բարութեամբք, և իմանայ թէ զմարմինն՝ զոր առ ժամանակ մի թողու, դարձեալ միւսանգամ զգենլոց է մեծաւ փառօք և պատուով:

« Սատակեսցի սովով զաւակ քո, և զմնացուածս ժառանգութեան քո՝ 'ի հարուածս սատակեսցէ »: զի և արմատ ևս ոչ գտանիցի այնուհետեւ. մեծ բժշկութիւն է՝ որ սովովն լինիցի բարձիւ չարեացն: « Ողբացէք, դրունք քաղաքաց. ձայնս արկցեն քաղաքք խռովեալք, այլազգիք ամենեքեան. զի ծուխ ել'ի հիւսիսոյ և ոչ ևս ուրեք գտանիցի. զինչ տայցեն պատաս-

խանի Թագաւորը հեթանոսաց. զի Տէր ուղղեաց զհիմունս Սիոնի և նովաւ փրկեսցին խոնարհք ժողովրդեան » : Ահաւասիկ և այլազգեացն մարգարէանայ, և յիրաւինախ զծուխն գուշակէ. զի զոր օրինակ ծուխ՝ հրեշտակ է հրոյ, նոյնպէս և գոյժ ինչ չար՝ հրեշտակ է բարկութեան : Եւ տես և աստիսկ զԱստուծոյ մարդասիրութիւնն. զի ոչ վաղվաղակի զկրակն բորբոքէ, այլ նախ զծուխն, զի յորժամ նախ զծուխն տեսանիցեն՝ փախչիցին ՚ի կրակէն : Եւ տես, զիարդ ՚ի հեռաստանէ գայ ծուխ, և ոչ ոք զգուշանայ :

« Եւ զինչ տայցեն պատասխանի Թագաւորը հեթանոսաց. զի Տէր ուղղեաց զհիմունս Սիոնի, և նովաւ փրկեսցին խոնարհք ժողովրդեանն » : Զմէնչ իցէ այն, թէ « Զմէնչ պատասխանի տայցեն » . և ոչ ինչ կարիցեն խօսել և ոչ ճիկ հանել. զի բարձեալ լինիցին ամենևին պատճառք. զի ոչ ըստ բնութեան ինչ իրքն գործիցին, այլ ամենեքեան ՚ի չարիս, ամենեքեան ՚ի կարիս մաշեսցին, բայց միայն Երուսաղէմացիքն զերծանիցին : Եւ դու զմէնչ կարիցես տալ պատասխանի. զի նա ինքնին ուղղեաց զհիմունս Սիոնի. և նովաւ փրկեսցին խոնարհք ժողովրդեանն, և ոչ իւրեանց ինչ քաջութեամբ : Եւ տես, զի կուէ խոնարհս. զտկարմն՝ որ իւրեանց ընտանեաց մատնեալ էին, զի յայտ յանդիման լիցի Աստուծոյ զօրավիգն օգնականութիւնն :

ԳԼՈՒԽ ԺԵ

« Տեսիլ եւթներորդ. պատգամ Մովսէսացւոցն » : Արդ և զՄովսէսացւոցն ճառէ, զի մի ինքնագործ ինչ յառաջասաց իրքն կարծիցին. և թուէ կարգաւ զպատճառս պատժոցն. նախ զի ամբարտաւանք և թշնամանողք էին, ապա զի վասն Երուսաղէմի էին պատժելոց ¹ :

¹ Զհետեւեալ հաստուած բանիս, որ թուի մասն լինել մեկնութեան օգ զիսոյն խայկայ և յօրինակին զետեղեալ կայր ՚ի կարգի

« Գիշերի սատակեսցին Մովսէսացիք, գիշերի կործանեսցին պարիսպքն Մովսէսացւոց » : Գիշեր՝ զմուրուածիւն ըղձիցն կոչէ, որով եղև սատակումն քաղաքին : « Սուգ առէք յանձինս ձեր, զի կորեաւ Ղեզեբոֆն՝ տեղի մհհհհհհհհ ձերոց » : Տեղի էր մհհհհհհհհ՝ ուր բազինքն կանգնեալ էին : « Անդ ելանիցէք լալ՝ի՛ Նաբաւ Մովսէսացւոց » : Ի պաշարեւ ճինին՝ փախստական լինիցիք ի քաղաքաց ի լերինս . ի՛ Նաբաւ լեաւրն, ուր Մովսէսն թաղեցաւ : « Ողբացէք, զի ամենայն գլուխ ի կնտութիւն և ամենայն բաղուկը խորտակեալք եղիցին » , ի սաղաւարտից և ի ծանրութենէ զինուոց . սակայն և այնպէս ինչ ոչ վճարիցի : « Յամենայն հրապարակս քրձազգած կոծեսցին » , ուր զսնռտինն ողորէին : « Եւ ի վերայ տանեաց նորա, և ի փողոցս նորա ողբասցին լալով » , ուր զօրութեանց երկնից պաշտօնն մատուցանէին :

« Զի աղաղակեաց Լսեբոֆն, և գուժեաց Յասսա, մինչև լսելի եղև բարբառ նորա » յարտաքին քաղաքսն՝ սր շուրջ զՄովսէսաւ նստէին : « Վասն այնորիկ մէջն Մովսէսացւոց գոչէ » . այսինքն՝ զի ի հրապարակացն Մովսէսաւ ելանէր գոչումն և կառաչ : « Անձն իւր ծանիցէ » , զի սիրան գործի գործիցէ : « Սիրան Մովսէսացւոց՝ գոչէ յանձն իւր մինչև ի Սեգովը » . զի

աստ մեկնութեան ծն գլխոյս, պատշաճ գատեցաք կարգել աստանոր ի ստորև, իբրև միջանկեալ պատաստիկ Մեկնութեան գրոցս :

« Միթէ վէճ՝ ապառաժ իցէ լեառն գետեր Սիրոնի . և եղիցիս գուրբը հաւու թռուցելոյ ձագ Լքեալ, գուտոր Մովսէսաւ » : Եւ զի մի կարծիցի եթէ ինքնագէպ ինչ իցեն չարիքն, և զանգիսն ևս և ըզժամանակն յառաջագոյն գուշակէ, և եթէ յոյր վերայ նախ դայցեն կամ երբ : « Իբրև զվարձս երեմոյ վարձկանի միջ » . այսինքն՝ եթէ յետ երկց ամաց : Եւ զի զբարեաց համբաւս յառաջագոյն տակին իղձին, « Ոչ այնպէս, ասէ, լինիցի ըզգուծիւնն թո, և ոչ այնպէս՝ որպէս ողբանն ի Մովսէս . զի ի Մովսէս ողբանցին ամենեքին » . զի ի յափշտակութենէ և ոչ ըստ կամացն Աստուծոյ մեծացան : « Երինջ երեման, ասէ, գուտոր Մովսէսացւոց » . զօրաւոր, բարեղէն, երանիկ, երանիկ, պերճացեալ, փափկացեալ . այլ ոչ այնպէս ինչ անցանիցէ ընդ քեզ՝ որպէս իղձք գուշակեն, այլ ապառապուա կորնիցիս, ի հիմանց կործանիցիս, ոչ որպէս գոքայգ մուրեքցուցանիցեն, թէ չիցեն ուրեք մատնելոց ի թշուառութիւն : Ոչինչ օգնեսցեն քեզ կուռքք՝ զոր ողորեն, գրոշեալք՝ որոց տաշտօնք մատուցանես . իղձք ստաբանք, որ զստութիւնք իբրև զճշմարտութիւն պատմեն » :

սաստկացան հարուածք 'ի բուն քաղաքի Մովաբացւոց՝ մինչև 'ի քաղաքն Սեգովը, ուր Ղովտն ապրեցաւ : « Երինջ երեմեան է » . այսինքն յաստիսս, յուժի զօրութեան, 'ի մեծութեան, 'ի փափկութեան : Եւ զի ասէ . « Յերանին առքեզ՝ լալով ելանիցեն ընդ Ճանապարհն Արուսիմ » , զի Արուսիմ 'ի դաշտի կայ և նա 'ի բարձու, և փախստականն՝ 'ի դաշտէն 'ի լեռնակողմին դիմէին . սակայն և անդ դուլ և դադար ոչ լինէր, այլ 'ի լերինս դիմէին, որպէս և վերագոյնն ասաց, եթէ Մնդր ելանիցէք՝ լալ 'ի Նաբաւ Մովաբացւոց, 'ի լեռանն անապատական : Եւ զի ևս կսկծեցուացէ, « Գռչէ, ասէ, բեկումն և շարժումն . և ջուրն Նեբերայ աւերեսցի » : Կամ զօրս քաղաքացն կոչէ ջուրս, կամ 'ի բազմանալ հինին՝ և ջուրքն ևս նուազին :

« Եւ ցամաքեսցի ամենայն խոտ, և դեղ դալար անդ մի գտցի » : Յայտ իսկ է, զի ուր բանակք բազմաժողովք բանակիցին, նուազութիւն խոտոյ և ամենայն դալար դեղոյ լինի : Զի թէպէտ և յայնմանէ ապրեսցին, « Աժից 'ի վերայ ձորոց զԱրաբացիս և առջեն զնա » . զի թէպէտ և յօտար հինէն 'ի ձորս ուրեք և յամուրս մնայցեն, սակայն յԱրաբացւոցն՝ որ նոցին արուարձայիքն էին և տեղեակք ամրոցն, մի կարասցեն ապրել : « Զի կցեցան բողոքս սահմանացն Մովաբացւոց ընդ բողոքս Գաղամացւոցն » . 'ի գալ հասանել հինին 'ի վերայ Մովաբացւոցն, և զայլ ևս քաղաքմն՝ որ շուրջ զնոքօք էին¹ : « Մինչև 'ի ջրհորն, ասէ, յեղիմ . և ջուրն Հռոմոմնայ՝ լցցի արեամբ » : Թուի ինձ՝ եթէ կիրձք ինչ էին գետոց, ուր փախստականն դիմէր . և անդր հասեալ Արաբացիքն՝ տեղեակք վայրացն, կոտորէին զփախստականն . վամս որոյ յարէ 'ի նոյն, թէ « Աժից 'ի վերայ Հռոմոմնայ զԱրաբացիս, և բարձից զաւակն Մովաբացւոց և զԱրիէլ, և զմնացորդս Աղամայ՝ առաքեցից ընդ ամենայն երկիր 'ի մուրողութիւն և 'ի թափառականութիւն » :

1 Այսպէս յօրինակին .

ԳԼՈՒԽ ԺԶ

« Միթէ վէ՛մ ապառաժ իցէ՛ լեառն դստեր Սիո-
 փնի » . այսինքն՝ աւերակ յօգնականութենէ . այլ ոչ
 այդպէս . 'ի ժամանակի՝ յորժամ նա զօգնականու-
 թիւնն գտանիցէ , 'ի պաշարմանէ զօրացն այլազգեաց ,
 « Դու քեալ մնայցես » իբրեւ հաւու թռուցելոյ ձագ-
 մի մնացեալ : Բայց իսկ արդ դու Առնոփն , աւելի ինչ
 խորհուրդ խորհեսջիր » . ոչ այլ ինչ աւելի , այլ զի
 « Առնիցես նոցա յարկս սգոյ . հանապազ 'ի միջօրեայ
 խաւարին փախչիցին » . զի լոյսն նոցա 'ի խաւար
 դառնայցէ առ վտանգին : Վասն որոյ յարէ 'ի նոյն՝
 թէ « Բիմարեցան . միթէ որպէս իսկզբանէն գայցեն
 յենուցուն 'ի քեզ փախստականքն Մովսէսացուոց , և
 լինիցին ձեր յարկք ապաւինի յերեսաց հալածչաց » .
 ոչ ևս զոր 'ի Մովսէսացուոցն ապրեցուցէ Առնոփն՝ քա-
 ղաքն ամրաշէն : « Զի բարձաւ , ասէ , 'ի քէն ընկեր
 մարտին քո , և իշխանքն կորեան , որ կոխէին զեր-
 կիր » . քանզի քաղաքքն՝ հանդերձ իշխանազն մատնե-
 ցան 'ի պարտութիւն :

« Եւ ուղղեսցի հանդերձ ողորմութեամբ աթու ,
 և նստցի 'ի նմա ճմարտութեամբ՝ յարկսն Դաւթի ,
 դատել և խնդրել զիրաւունս , և փութալ առնել զպր-
 դարութիւն » : Թուի ինձ թէ աստ զնշեցիկայէ ակն-
 արկէ , զի նորա աղօթիւք եղև ողորմութիւն քաղա-
 քիս : « Լուպք զթշնամանսն Մովսէսայ , զի թշնամա-
 նեցաւ յոյժ , և զհպարտութիւն նորա բարձի , ասէ
 Աստուած , և զթշնամանսն և զոխակալութիւն նորա » .
 զի միշտ ոխս ունէր ընդ Իսրայելացիս : « Ոչ այնպէս՝
 որպէս ըղձութիւնքն քո » . ոչ այնպէս ինչ պատահեաց
 քեզ , որպէս իղձքն խաբէին՝ թէ չգայցէ բարկու-
 թիւն : « Ոչ այնպէս՝ որպէս ողբանն 'ի Մովսէս » . զի
 ընդ ժամանակս ժամանակս սակաւ ինչ ողբք լինէին .
 այլ արդ « Ամենեքին իսկ Մովսէսացիք ողբասցեն ող-
 բալով , և որ բնակեալն իցեն 'ի Գեսեթ՝ զնոյն մըր-

մունջ մրմնջեացեն, և ոչ ինչ ամաչեացեն դաշտըն Եսոբոյնայ » . զի առ անհնարին աղետին և զամեթ աւերածոյ դաշտացն՝ չհամարիցին ամեթ : « Սուգ առցեն այգիքն Սեբեմայ, զորս կլանիցեն ազգքն, և կոխիցեն զայգիս նորա » . զի 'ի բազմութենէ զօրացն՝ անդք և այգիք հարկանիցին : « Մինչև Յեզեր մի հասանիցէք », ուր փախստականն դիմեցէք, ոյլ « Յանապատին մոլորիջիք » :

« Առաքեալք նորա լբան, քանզի անցին ընդ անապատ » . այսինքն մոլորեցան յանապատին : « Վամն ալտորիկ լացից իբրև զլալիւնն Յեզերայ՝ զայգիսն Սեբեմայ », որ էին մարմանդք նոցա : « Զի ծառատունկն քո կոտորեցաւ, Եսեբոյն, և գոյժ ևս առ 'ի վերայ հնձոց կէտոց քոց . կոխեցից և կործանեցին . և բարձցի ուրախութիւն և ցնծութիւն յայգեաց քոց, և յայգեստանի քում մի լինիցին ուրախ, և մի հարկանիցեն հնձան, քանզի դադարեաց » : Զի 'ի նուազել մարդկանն՝ և անդքն և այգիքն անպտուղ լինիցին :

« Վամն այնորիկ որովայն իմ 'ի վերայ Մովաբու՝ իբրև զքնար հնչեացէ, և փոր իմ իբրև զպարիսպ՝ զոր նոր նորոգեցեր » . որպէս և Երեմիա ասէ, եթէ Եղեն պատգամք Տեառն 'ի բերան իմ՝ իբրև զհուր, և բորբոքեցան յոսկերս իմ : և Միքէթէ Եսլայ զօրութեամբ ոգւով Տեառն . զի զոր ինչ շնորհք Հոգւոյն ազդէին 'ի սիրտս մարգարէիցն, զնոյն փութային ազգ առնել յառաջագոյն : « Եւ եղիցի, ասէ, յամաչելն քեզ » . զի ամաչեաց 'ի դրօշելոցն՝ յորս յուսացեալ էր . զի և յարէ իսկ 'ի նոյն, եթէ « Աշխատեցաւ Մովաբ 'ի բազինմն, և մոցէ ուխտաւոր 'ի ձեռագործս և մի կարասցեն փրկել զնա » . զի ծանիցէ՝ թէ ոչ գոյ այլ օգնականութիւն, բայց յայնմանէ՝ որ զԼրուսաղէմն պահեաց և զնա կործանեաց :

« Այս պատգամք են՝ զոր խօսեցաւ Տէր 'ի վերայ Մովաբու, զոր երբեմն խօսեցաւ, և արդ դարձեալ ասէ . Յերիս ամս ամաց վարձկանի միով անարգեսցի փառքն Մովաբու՝ ամենայն մեծութեամբն իւրով հոնդերձ » : Զի միանգամ զամենայն իսկ հարուածոցն ճառեաց, և ապա յետ այնր ժամանակի և զայս ևս յայտնեաց, եթէ յետ երից ամաց՝ անարգեսցին

փառք նորա. « Եւ մնասցէ սակաւաւոր և ոչ պատուական » :

ԳԼՈՒԽ ԺԷ

« Տեսիլ եւթներորդ¹. պատգամ՝ի վերայ Դամասկոսի. — Ահաւասիկ Դամասկոս բարձցի՝ի քաղաքացիաց և եղիցի՝ի կործանումն լքեալ ». նաև զպատճառսն ևս ասէ : « Եւ ոչ ևս լիցի թիկունք և ամրութիւն ապաստանի ազգին Նփրեմայ, զի ոչ ինչ դու լաւ ես քան զորդին Իսրայելի ». և այսու յայտ է՝ եթէ ոչ իբրեւ զյանցաւոր պատժեաց զնա Աստուած, այլ խնալ յելով և դարմանելով : « Եւ մոցէ, ասէ, ուխտաւոր, և մի ինչ կարասցեն օգնել ». և ոչ ասէ՝ թէ մի կարասցեն. և զիարդ իսկ, որք հակառակ մարդարեւութեան խօսէին մոտիս յառաջագոյն, զիարդ կարէին օգնել ինչ, որք և ինքեանք հեռի էին յօգնականութենէ : Ապա ասէ թէ զինչ անցք անցանելոց էին ընդ Հրէայան, զի ամենեքեան լքանիցեն զքաղաքս :

« Եղիցի, ասէ, պակասութիւն փառացն Յակովբայ, և յաճախութիւն փառաց նորա շարժեսցի ». զի կէսքն արտաբոյ կոտորեսցին, և կէսքն՝ի քաղաքսն պաշարեսցին, և ամենեքեան յանհնարին վիշտսն անկանիցին. զի ոչ քահանայ և ոչ մարգարէ, և ոչ այլ ոք կարիցէ ձեռնտու լինել. ապա յայտ է եթէ պակասեն փառքն Յակովբայ, և յաճախութիւն փառաց նորա շարժի. զի ոչ ինչ բազմութիւն և ոչ մարմնոյ զօրութիւն, և ոչ այլ ինչ այնպիսի կարիցէ նոցա պաշտպան լինել. զի այնպէս սակաւաւոր մնասցեն՝ իբրեւ զհասկս մնասցեալս՝ի հնձոց : Զի վասն այնորիկ իսկ շարժէ Աստուած զպատերազմունս, և բազում անգամ սակաւուց տայ յաղթել բազմաց, զի յայտ արասցէ թէ ոչ բազմութեանն է յաղթութիւնն, այլ նորա զօրու-

¹ Յօր. Եւթներորդ անուանի և տեսին՝ որ ի սկիզբն ծն գլխոյն :

թեանն. զի յորժամ կամի՝ բազմոք բազմաց յաղթէ, և յորժամ կամի՝ սակաւութեամբ բազմաց:

« Եւ զոր օրինակ եթէ ժողովիցէ որ հասկ 'ի ձորն հաստատութեան, և մնացէ 'ի նոցանէ խողան, կամ որ կթիցէ ձէթ և մնայցեն անդ պտուղք երկու կամ երեք՝ 'ի ծայրս բարձրութեան ձիթենոյն, կամ չորք կամ հինգ՝ յոստո նորա մնայցեն »: Տէս, զինչ ասէն. զի 'ի տեղեացն պանծային զքաղաքին փրկութիւն, և չառնէին ինչ 'ի ներքս այլ զգուշութիւն. այլ մեք ոչ պարտիմք 'ի տեղեաց ակն ունել փրկութեան, այլ յԱստուծոյ օգնականութենէ: Զայս ասէ՝ զի արժանի հաւատալոյ արասցէ զմարդարեւութիւնն, և զի մի ինչ զարհուրիցին. այլ տես զասհնայն ինչափ ինչ էր: Զի ոչ միայն զի ուսանիցին զգորութիւնն, վասն այնորիկ հարկանէր զայլազգիսն, այլ զի և նոքա զգաստանայցեն և լինիցին պիտանիք:

« Այսպէս ասէ Տէր Աստուած Խորայելի. յաւուր յայնմիկ յուսացեալ լինի մարդ յարարիչ իւր, և աչք նորա 'ի սուրբն Խորայելի նայեսցին, և ոչ ևս յուսացեալ լինին 'ի լլկիչն իւրեանց »: Զինչ գործես, ով մարդ մոտի, նա արար զքեզ և դու յայլ յուսաս. նա ստեղծ, և ոչ կարիցէ վերակացու լինել. որ 'ի չգոյէն 'ի գոյ էած, կարող է միւսանգամ անդրէն լուծանել: « Եւ աչք նորա 'ի սուրբն Խորայելի ». զի մտացն աչք նայիցին 'ի սուրբն Խորայելի: « Եւ մի ևս յուսացեալ լինին 'ի լլկիչն իւրեանց »: Բազում պարսաւանք են՝ յորժամ զգիւրին ինչ իրս չկարեն իմանալ, թող թէ զգիւրարինս. և զոր ինքն առնէ, այնմ երկիր զիարդ պագանիցէ. և այս՝ ոչ այլ ուստեք է, եթէ ոչ յիւրեանց պղերգութենէ:

« Յաւուր յայնմիկ եղիցին քաղաքք լքեալք, որպէս լքան Ամուրհացիքն, զոր օրինակ լքան Ամովրացիք և Խեւացիք յերեսաց որդւոցն Խորայելի, և եղիցին աւերակ »: Յիշեցուցանէ զառաջին երախտիսն, զի և ուսանիցին թէ և այժմ ոչ առ տկարութեանն ինչ տայ թոյլ, և ոչ նոքա իւրեանց զօրութեամբ ինչ աւարեցին. այլ սոքա վասն իւրեանց մեղայ՝ որպէս և նոքա յայնժամ 'ի կատարեալ մեղացն իւրեանց աւերեցան քաղաքք: Տէս զյաճախութիւն ամբաստանութեանն,

զի յորժամ և նոքա ընդ նովին մեղօք գտանիցին, որպէս և այլ հեթանոսքն, ոչ ապաքէն նոցին պատժոց իցեն արժանի:

« Վասն զի թողեր զԱստուած փրկիչ քո, և զՏէր Աստուած քո ոչ յիշեցեր »: Եւ ոչ շատ էր արդեւք զԱստուածն ասել, այլ և զփրկիչն և զբժիշկն: « ԶՏէր Աստուած քո ոչ յիշեցեր »: Ոչ միայն չիշեցեր, այլ և մոռացար իսկ. և եթէ զԱստուած մոռանայիր, զկերակրիչն՝ որ հանապազ կերակրէր զքեզ՝ զհարդ ոչ յիշէիր, զի յորժամ պէտք կերակրոյն և բժշկութեան ճեպիցեն, հարկ լինիցի քեզ յիշել: « Վասն այսորիկ տնկեսցես տունկ անհաւատ »: Ակիղաս, Տունկ վաշխութեան. Սիմաքոս, Տունկս գեղեցիկս. Թէոդոտոն, Տունկս վայելուչս: « Եւ սերմն անհաւատ »: Ակիւղաս ասէ. Եւ շառաւեղ օտարոտի. և այլքն նման սոցին. այսինքն՝ օտարացն պատերազմողացն՝ որ արտաքոյ բանակեալ նստիցին, տնկիցես: « Զի յաւուր՝ յորում տնկիցես՝ վրիպեսցիս ի նմանէ »: Վասն փախստէիցն՝ որ զբաղաքսն լքանելոցն էին: « Եւ եթէ ընդ առաւօտն սերմանեսցես՝ տնկեսցի յամառն »: Այսինքն՝ եկեսցէ հասցէ ի չափ: « Յորում աւուր ժառանգեսցես, և իբրեւ զհայր մարդոյ ուրուք՝ ժառանգեսցես » օտարացն՝ իբրեւ որդւոց քոց, և յուղարկեսցես:

« Վայ բազմութեան ազգաց բազմաց, իբրեւ զծով արեօք կուտակեալ՝ այսպէս խռովեսլիք »: Մի ինչ, ասէ, երկեսցուսցէ զքեզ բազմութիւնն. նոյն իսկ այն լինի պատճառք խռովութեան: « Եւ թիկունք ազգաց բազմաց՝ իբրեւ զջուր հնչեսցեն, և իբրեւ զջուրս բազումս, և իբրեւ զձայն ջուրց բազմաց՝ բռնութեան հոսանաց՝ անարգեսցէ զնոսա »: այլքն ասիցեն՝ Թէ Փախիցէ, և ի բացուստ ի բաց հալածեսցէ: « Իբրեւ զփոշի յարդի՝ հոսեալ ընդդէմ հողմոյ »: Տէս, որպէս վաղվաղակի դիւրաւ լինէր յաղթութիւնն: « Ընդ երեկոյս եղիցի սուգ, և յառաջ ևս քան զառաւօտն ոչ ևս լինիցի »: և զժամանակն ևս յաղթութեան յիրաւի ասաց, զի գիշերի վճարիցի գործն. և ընդէր ոչ ի

տուէ. այլ զի մի և տեսանիցեն իսկ զվիշտան, և խու-
վիցին բնակիչք քաղաքին: « Այս բաժին է աւար-
առուացն քոց, և այս ժառանգութիւն՝ որ զձեզն վի-
շակէին »: Տեսանէս, զիարդ յիշեցուցանէ նոցա, զի և
ուսանիցին թէ և յայնժամ վասն նոցա կրեցին զպա-
տիժան:

ԳԼՈՒԽ ԺԸ

« Վայ թեաց երկրին նաւաց՝ յայնկոյս գետոյն Ե-
թէոպացւոց. որ առաքէր ընդ ծով պատանդս, և
թուղթս գրեղէն ¹ 'ի վերայ Զուրց մկանաց, տանել
առ ազգ մի անյոյս և կոխեալ »: և ոչ զօրավիգն օգ-
նականութիւնն քո՝ վճարել ինչ կարիցէ. զի և նոցա
իսկ վայելիցի՝ զի յանօգուտն ընթանայցեն: « Զհրեշ-
տակս առաքեն և զթուղթս՝ 'ի վերայ Զուրց, երթալ
'ի հեռաւոր և 'ի տարաշխարհական ճանապարհն »:
զի մի և ժամանակն ինչ եղծանիցէ զթուղթան, վասն
այսորիկ 'ի գետոց կերպարանս յօրինեն: « Վայ երկրի
նաւաց »: Ակիղաս ասէ. Վայ երկրի ստուերաց. Սի-
մաքոս, Վայ երկրին՝ որոյ հնչիւնն անյուսից և կօխե-
լոց իցէ. կամ որ կարի ինչ տկարացեալ իցեն թեք,
կամ յայնկոյս գետոյ Եթէոպացւոց, կամ յայնկոյս
հիւսիսային գետոյն, որպէս 'ի Հնդկաց իսկ աշխար-
հէն յղիցեն առնուցուն զզօրավիգն օգնականութիւնն:
« Որ առաքէր ընդ ծով պատանդս, և թուղթս գրե-
ղէնս՝ 'ի վերայ Զուրց, զի գնասցեն հրեշտակք երազունք՝
յազգ ամբարտաւան և 'ի ժողովուրդ օտար »: Սիմա-
քոս, Որ առաքէր ընդ ծով առաքեալս, և յանօթս
պրտուեայս՝ 'ի վերայ Զուրցն մկանացն գնալ. ով դք
նորա յայնկոյս, ազգ անյոյս ²:

« Եւ այժմ՝ գետք երկրին՝ իբր զաշխարհ մի՝ որ

¹ Յօր. Բառք գրեւէն սեւագեղով եղծեալ և 'ի վերայ գրախօ գրող-
մեալ առասնի, որպէս թուի յօտար գրչէ:

² Թուի լինել. Ու Ե (իշէ) նորա յայնկոյս, ազգ անյոյս:

բնակեալ իցէ » . և բնութեամբ իսկ տկարագոյն են , և յասպատակէ պատերազմողաց ևս տկարանայցեն : « Իբրև զաշխարհ մի բնակեալ » . այսինքն՝ զի բարեշէն շինեսցի աշխարհ նոցա : « Իբրև նշան 'ի Տեառնէ բարձցի , և իբրև զձայն փողոյ լսելի եղիցի » : Իրքն որ ասացան և ապա կատարելոց էին , մի կարծիցէք , ասէ , եթէ յանդիմանիցեն ինչ բանքս . ոչ կոչէի վկայս զամենեսին զձեզ , եթէ ոչ էի յուսացեալ՝ եթէ իրքն 'ի գլուխ ելանիցեն : Այլ զարմանալի և սքանչելի այն է , զի ոչ յանկեան ուրեք և ոչ 'ի խորշի միջ տիեզերաց ծածուկ , այլ յայտ յանդիման լիցի վճիռ իրացն , 'ի նմանութիւն փողոյ ընուցու հնչելովն՝ զտիեզերս , զի մեծութիւն ուղղութեանցն հասցէ անցցէ ընդ ամենայն երկիր :

« Զի այսպէս ասաց ինձ Տէր . զգուշութիւն եղիցի յիմում քաղաքին , իբրև զլոյս տօթագին 'ի միջօրէի » . զի ոչ երկմտութեան ինչ իրքն իցեն . զի որպէս յայնժամ լուսաւորագոյն է արեգակն՝ յորժամ օրն 'ի հասարակ միջօրէին իցէ , նոյնպէս և այժմ . և մի սակաւ ինչ զարհուրիջիր : « Եւ իբրև զամպ ցողագին՝ յաւուրս ամարանոյ » . որպէս և ամպ սփոփանք են տօթացելոց , զի հովանին լինելով՝ ծածկէ զտապս արեգականն , և ոչ միայն հովանի լինի , այլ և զովացուցիչ , նոյնպէս և Աստուծոյ փրկութիւնն լինիցի նոցա մեծութարիչ 'ի չարեացն եկելոց հասելոցն 'ի վերայ :

« Յառաջ քան զամառն յորժամ կատարեսցի ծաղիկն և բուղին ծաղկիցէ , ծաղիկն ազոխացեալ , և բառնայցէ զմանր ողկուղոյն մանգաղս , և զմանունս որթւոյն հատանիցէ և կտրիցէ , և թողուցու միանգամայն թռչնոց երկնից և գազանաց երկրի » . զի բառնայցեն 'ի միջոյ , և թաղելոյ արժան ևս ոչ լինիցին . զի մեծ և փոքր՝ առհասարակ իբրև մանգաղաւ կտորիցին , այնպէս՝ զի և 'ի գերեզմանս և մտանել չլինիցին արժանի մարմինք անկելոցն . զի ահագին զպատիժսն ցուցանիցէ , թէ այնպէս բազում տապաստ անկանիցին , որպէս յանապատին եղև , զի զթնամիսն մեռեալս ընկեցեալս արտաքոյ ալեաց ծովուն տեսանէին . զի յորոց երկնչէինն , յորոց սարսէինն՝ զնոսա թքեալ արտաքս ծովուն՝ մերկս , անզէնս , անթաղս

տեսանէին. այս յայնժամ կատարէր, և ելանէին ամենեքեան 'ի տեսիլ. ոչ վէրս և ոչ հարուածս ինչ տեսանէին, այլ մարմինս մեռեալս ընդ վայր ընկեցեալս:

« Յայնժամ մանակի մատչիցին պատարագք Տեառն զօրութեանց 'ի նեղեալ և 'ի խոնարհ ժողովրդենէ, և 'ի մեծէ ժողովրդենէ՝ յայսմ հետէ մինչև յաւիտեանս ժամանակաց »: Զյաղթութիւնս և զգոհութիւնսն, յորժամ կատարեսցին իրքն և կանգնեսցի նշան յաղթութեան, բերցեն մատուցեն Աստուծոյ. զոր նոքա յանձանց և յիւրեանց քաջութենէ ոչ ունէին, զայն պիտոհետէ Աստուած՝ յիւրոց պանծեցեացն առնիցէ: « Ազգ անյոյս և կոխեալ, որ է 'ի կողմանս գետոյ աշխարհի նոցա »: Զսակաւաւորութիւն և զնուազութիւնն նոցա յայտ առնէ, և զյաղթութեան մեծութիւն, զի մի անձանց ինչ զուգըութիւնսն համարիցին, այլ Աստուծոյ:

ԳԼՈՒԽ ԺԹ

« Տեսիլ Եգիպտացւոցն: — Ահաւասիկ հէր նստեալ 'ի վերայ թեթև ամպոյ՝ եկեսցէ յԵգիպտոս, և շարժեսցին ձեռագործք Եգիպտացւոցն »: Ակիւղաս ասէ. ի վերայ թանձու փոքրոգւոյ, Զինչ խօսիցիս՝ 'ի վերայ ամպոյ նստիցի. թէպէտ և թանձրագոյն իցէ, գոյ 'ի նմա և մարմնական ինչ: Ոմանք զսուրբ Կոյսն ասեն զամպն, սակայն և առ լսելիս՝ և այս չէ ինչ փոքր, զի զանօտութիւն և զթեթևութիւն և զերագութիւն էութեանն ցուցանէ: « Եւ շարժեսցին ձեռագործք Եգիպտացւոցն »: Սկիզբն յաղթութեան նախ 'ի դիւացն առնէ, զի մի և մի ինչ պատճառք պատժոյ մնայցեն 'ի միջի մարդկանն: Ի գալստեանն ոչինչ արգեամբք գործ ցուցանէր, այլ միայն երևէր, և շարժէին ամենայն տիեզերք. զի գալն միայն Քրիստոսի՝ այնպիսի գործ եցոյց. անդէն թող իջանէն յԵգիպտոս՝ քակեաց 'ի հիմանց զամենայն ամբարշտու-

Թիւնս. ոչ ևս այսուհետև բռնաւորք և Թագաւորք
 ընդ Աստուծոյ մարտնչին անդ, և կամ Թէ բազում
 ամբարշտուԹեամբ հրաժարիցեն 'ի նորա տէրութե-
 նէն, այլ զանձինս ևս տան մահու չափ 'ի վերայ նորա
 դաւանութեանն. ոչ ևս ոք Փարաւոքն, որ յառաջ քան
 զնշանացն զգօրութիւնն յանդգնիցի, կամ յետ նշա-
 նացն, այլ և առանց նշանաց՝ ունին մարդիկ յանձն
 զՔրիստոսի Թագաւորութիւնն. ոչ ևս այնուհետև
 գտանի անդ քաղաք պատուական քան զանապատն,
 այլ և անապատն ամենայն՝ յօրինեալ կարգեալ իւրովք
 քաղաքացեօքն՝ գլխէ յաղթէ քաղաքացն. զի զմարմինս
 և զոգիս՝ Աստուած առնէ, և զանձնիշխանութիւն
 և զառաքինութիւն՝ մարդիկ նահատակեցուցանեն:
 Եւ արդ տես զնորապեանց զարմանալիսն, զի ոչ ատեան
 ուրեք ուղղեալ, քանզի զի արդեւք, կամ ռոպէս. ոչ
 խորհուրդ խորհրդականաց և ոչ ժողովք իրաց ինչ
 հարցափորձութեան, ոչ օրէնք աշխարհականք և ոչ
 տէրութիւնք, ոչ վարիչք, ոչ անդրավարք 'ի սպաս և
 ոչ ջորիք 'ի կառս լծեալ, ոչ բարբառ քարոզաց, ոչ
 շահ 'ի սպասաւորաց. այլ այս ամենայն հալածեալ
 մերժեալ անտի. քանզի զինչ իսկ պիտոյ իցեն ողջոցն՝
 բժիշկ, որոց Քրիստոսի գալուստն՝ եղև կատարեալ ա-
 ռողջութիւն: Եւ բարւոք ասէ՝ Թէ նստեալ. զի այսու՝
 դատաւոր և վրէժխնդիր զնա ամենայն իրաց՝ որ անդ
 գործեցան՝ ցուցանիցէ:

« Եւ սիրտք նոցա պարտեցին յանձինս իւրեանց »:
 Զինչ այնուհետև օգուտ իցէ մարմինն, յորժամ ա-
 ռաջնորդն նորա միտքն՝ 'ի պարտութիւն մատնիցին.
 զի պարտութիւն աստ՝ զայն որ առ 'ի պատերազմ-
 ղացն լինելոց էր՝ ասէ. զի ոչ առ մարմնոցն տկարանալ
 մատնէին 'ի պարտութիւն, այլ առ 'ի խորհրդոցն պա-
 խելոյ. զի ինքեանք զանձինս տային 'ի պարտութիւն:
 « Եւ յարիցեն Եգիպտացիքն 'ի վերայ Եգիպտացւոց,
 և տայցեն պատերազմայր ընդ եղբօր և այր ընդ ըն-
 կերի իւրում »: Եւ այս բարերարութեանց ինչ նշա-
 նակ իցէ. այո՛, և մեծաց բարերարութեանց, որպէս
 և ինքն իսկ Տէրն ասէր, եթէ Ոչ եկի արկանել
 խաղաղութիւն թրկիր, այլ սուր և հուր, և քակել
 զայր 'ի հօրէ և յընկերէ իւրմէ. զոր օրինակ յապա-

կանել ինչ մարմնոյ՝ զփուտն պարտ է հատանել ընկենուլ, նոյնպիսի ինչ և աստ պարտ և պատշաճ է առնել:

« Եւ հարցանիցեն զգիտ իւրեանց և զպատկերս իւրեանց, զվհուկս իւրեանց և զգետնահարցս իւրեանց. և մատնեցից զերկիրն Եգիպտացուոց 'ի ձեռս արանց տերանց խստասրտաց, և միտայցեն նոցա վճիռ ինչ »: Զի թէպէտ և ըղձից ինչ կերպարանք իցեն իրքս, սակայն ոչ ինչ գուշակեսցեն զլինելոցսն: « Այսպէս ասէ Տէր զօրութեանց. արբցեն Եգիպտացիքն զՂուրն ծովափնայ, զի գետն նուազեսցէ և ցամաքեսցի »: Եւ երբ եղև այս. տեսանես զԱստուծոյ զօրութիւնն և զկարողութիւնն: Եւ զառաջինն ընդէր ոչ եղև այսպիսի ինչ, ընդէր ոչ յայնժամ երարձ զքնութիւն ջուրցն 'ի միջոյ, այլ գնոյնն՝ յայլ կերպարանս փոխեաց. առ կախարդօքն՝ 'ի տկար նշանացն կամեցաւ սկիզբն առնել, զի գրգռեսցէ ածցէ զնոսա 'ի մարտ պատերազմին: Եւ աստ ուր ցամաքեցաւ գետն, հարցանեն զմեզ, և ո՞վ որ գիտակ եղև, և զիարդ մարթ էր լինել այսպիսի իրաց: Որպիսի՞ ինչ իցէ, ասա ինձ, միթէ քան զտեղալ Տրոյն և քան զըռցւոյն ցօղ լինել՝ աւելի՞ ինչ զարմանալիք էին այս. սակայն և ոչ զայն գիտեն հեթանոսք Յունաց, զի խակք են և յիւրեանց և եթ զըռուեալք, և զիւրեանցն և եթ կամին մեծացուցանել. և յորժամ նոր ինչ լսիցեն՝ զարմանալին ծածկել ջանան: Զի և առաջինք իսկ են այս և հին պատմութիւնք, որ յառաջ քան զժամանակս առ նոցա իսկ իմաստնօքն այսպիսի ինչ իրք պատահեցին:

« Եւ պակասեսցէ գետն և գուրն առ գետովն, և ցամաքեսցին ամենայն ժողովք ջուրցն, և ամենայն պրակս եղեգան և պրտուոյ, և ամենայն կանաչ՝ որ շուրջ զգետովն իցէ՝ ցամաքեսցի »: Սիմաքոս ասէ. Աղքատացի անվայելութիւնն. Թէոդոտոն, Տկարասցի արովթքն. զի և 'ի հեբրայեցի՝ արովթն՝ անվայելութիւն թարգմանի: Տեսանես, զի ոչ մի տիւ ինչ՝ իբրև աւելի մասն ինչ զջրոյն պակասել կարծիցես:

1 Այսպէս յօրինակին:

« Եւ յողւոց հանիցեն, ասէ, կարթնկէցք դետոյն, և ուռկանաւորք, և սուգ առցեն ցանցորդք նոցա » . զի ոչ մինչև 'ի ծարաւն և եթ իցեն չարիքն, այլ մինչև յարուեստագէտք հնարաւորս :

« Եւ յիմարեսցին իշխանք Տայանու՝ իմաստունք խորհրդականք Թագաւորին, և խորհրդականք նոցա մորոսացին » : Զինչ իցէ մորոսանալ : Զի ոչ ինչ գտանիլ ցեն հնարս իրացն դիւրութեան . որպէս և այլուր ասէ, Թէ Ամենայն իմաստութիւնն նոցա ընկլաւ : Եւ այս իսկ Աստուծոյ զօրութիւնն է, այնպիսի չարիս ածել 'ի վերայ, զի մի իմաստունք և մի հօգօք և մի մեծատունք կարասցեն այնմ՝ հնարս միսթարութեան գտանել . զի յայտ լիցի՝ Թէ աստուածապատիժք են ցաւքն : « Զիարդ ասիցէք դուք ցարքայն, Թէ որդիք իմաստնոց եմք մեք . ո՞ր են արդ իմաստունքն քո, պատմիցեն քեզ » . և ոչ ասէ՝ Թէ լուծցեն զչարին, որ մեծազօր զօրութեանն միայն է . այլ պատմեսցեն ասէ, զոր մանաւանդ ըղձութիւն հեթանոսացն խոտանայ : « Եւ ասացեն, եթէ զինչ խոտանայ Տէր զօրութեանց 'ի վերայ երկրին Եգիպտացւոց » :

« Պակասեսցին իշխանքն Տայանու, և հպարտացին իշխանքն Սեմիացւոց » . կամ զի զբարինն ինչ յառաջագոյն խոտանային, կամ զի որ յառաջ քան զայս հպարտացեալն էին՝ չկարացին ինչ յայտնել : « Եւ մոլորեցուցեն զԵգիպտացիսն յազգս ազգս . զի Տէր խառնեաց նոցա ոգի մոլորութեան, և մոլորեցոյց զԵգիպտացիսն 'ի զօրն՝ նոցա » : Բազում ցուցանի աստ Աստուծոյ զօրութիւնն, բազում յաճախութեամբ բառնայ ինքն զյոյլովութիւնն, զոր ըղձութիւնն կարծէր ունել յանձին . զի ոչ եթէ միայն ոչ ընդունիցին զմարգարէութիւնն, և գուշակեսցեն զիրան՝ որ գալոց իցեն, այլ և յետ ուսանելոյն յինէն՝ չկարասցեն յայտ ցուցանել . զի այնպիսի է Աստուծոյ զօրութիւնն՝ զի և գլայտնի ինչ և զերեւելի՝ կարէ ծածկել 'ի նոցանէ : Ահաւասիկ, ասէ, ասացի . ահաւասիկ խորհեցայ, ահաւասիկ և արարի իսկ, սակայն և ոչ յետ այսորիկ

1 Այսպէս յօրինակին . այլ ստորին մասն զին՝ անկիւնաձեն՝ . սար գրչի է :

կարիցեն ասել ինչ. խառնեաց նոցա ոգի մոլորութեան, զի յապուշ դարձան միտք նոցա. զայն ասէ՝ զի ոչ միայն բարեաց, այլ և կարեաց կամի Աստուած զինքն համարել պատճառս. զի Ես ես եմ Աստուած, ասէ, որ առնեմ զխաղաղութիւն և հաստատեմ զշար. և, իցեն չարիք ի քաղաքի՝ զոր Տեառն չիցէ արարելալ. և զի ոչ նուազագոյն քան զճշմարտութիւնն՝ առնէ պնա յայտնի մոլորութիւնն, լուր Ասկաղոյնացւոցն, որչափ խաբէութեամբն զարմանային. Ո՛չ սա է, ասեն, աստուածն՝ որ խաղաց խաբեաց զլիգիպտացիսն. և մանաւանդ յայնպիսւոյն՝ որ յուղիղ ճանապարհէն վրիպեցուցանէ՝ պարտ է, ասեն, մեզ երկնէն, զի մի յորժամ տեսանիցեն եթէ նշանս ինչ առնէ, յայնժամ երկնչիցին, այլ յորժամ ի խաղաղութեան և ի շինութեան իցեն, մի ինչ յայն ապաստան լինել, զի գուցէ խաբէութիւն ինչ երբեք առնի ի նոցա. վասն այնորիկ զիւրմէ ասէ, եթէ մոլորեցուցանէ, քանզի սիրէ զազգս մարդկան, և ոչ կամի և ոչ մի ինչ իրաց՝ զդէս պատճառս համարել. որպէս և Յունաց իմաստունք՝ գրեցին փոխանակ իմն զօրութիւն, և զաստուածականն՝ յերկուս իմն մասունս բաժանեցին ի հակառակս միմեանց, որ նովին չափով զիրաքանչիւր գործն առ միմեանս ցուցանիցեն, և զկէսն բարի դէս, և զկէսն չարս անուանեցին. այլ ոչ եթէ Աստուած այնպիսի ոք ինչ իցէ՝ Այլ ասեն, եթէ գոյ զօրութիւն անմարմին չար, բայց ոչ եթէ նմա ինչ հակառակ իցէ և ոչ զուգական նմին, այլ հնազանդ և ընդ նովաւ, որպէս մարդկան՝ զի մարթի և չարանալ և բարի լինել և ցուցանէ եթէ ոչ յիւրմէ ինչ կարէ գործել զշարութիւնն. Մատնեցի, ասէ, զնա սատանայի. զի եթէ Պաւղոս ոչ մատնէ, ոչ իշխէ երբեք համարձակել սատանայ, որչափ ևս առաւել առանց Աստուծոյ համարձակեցուցանելոյ՝ ոչ իշխեսցէ ժտել ինչ սատանայ. զի եթէ ի ծառայից նորա այնպէս երկնչի, և կայ մնայ՝ մինչև զհրաման ինչ առնուցու, և զգահճի կարգ ուսհէ առ նոսա, որչափ ևս առաւել Աստուծոյ. Եւ տես, զիմրդ և առ Յոբ սակաւ սակաւ թոյլ տալով նմա Աստուծոյ՝ գայր հասանէր ի վերայ. տես և առ հիւքին թշուառականին Յուդայի, զիմրդ նախ ոչ իւրովի

իշխէր դիմել 'ի վերայ, մինչև առաքէ զիշխանութիւնն. զի յորժամ քակեցաւ յստուածական գնդէն՝ ապա դիմեաց 'ի վերայ նորա սատանայ, զի թէպէտ և յառաջ քան զայն բազում տեղի պատրաստեաց զանձնն սատանայի, տաճարակապուտ, սեղանակապուտ գողութեամբն, զի այնպիսի բարեւք երկնէ այր զարն, սակայն ոչինչ ունէր իշխանութիւն՝ մինչև մատնեաց զնա նմա Քրիստոս: Աստի ուսանիմք եթէ որչափ ինչ անհնարին իրք են՝ յորժամ յաղութից և յօրինաց դժկնիցի:

« Եւ մոլորիցեն Նեփիպտացիս յամենայն գործս իւրեանց, որպէս մոլորիցի արբեալ մի և փոխիցէ. և մի ևս լիցի Նեփիպտացւոցն գործ՝ որ առնիցէ գլուխ կամ տուռնս, սկիզբն կամ կատարած: Յաւուր յայնմիկ եղիցին Նեփիպտացիք իբրեւ զկանայս՝ գողացեալս և զարհուրեալս յերեսաց ձեռին Տեառն զօրութեանց՝ զոր ածցէ ինքն 'ի վերայ նոցա. և եղիցի երկիրն Հրէից խրտուիլ Նեփիպտացւոցն: Վասն Հրէիցն, ասէ, կրիցեն զպատիժսն, զի նոքա լինէին սոցա պատճառս չարեաց: Տեսանէս, որչափ լաւութիւն լինէր Հրէից, յորժամ վասն նոցա՝ ամենայն տիեզերք խռովէին, քանզի ոչ միայն չմոլորեցուցանեն զնոսա, այլ և երկնիցին 'ի նոցանէ:

« Յաւուր յայնմիկ եղիցին հինգ քաղաքք յերկրին Նեփիպտացւոց, որ խօսիցին զՔանանացւոց լեզուն, և երդնուցուն յանուն Տեառն զօրութեանց. քաղաք Ասեդեկ կոչեսցի մի քաղաքն: Ակիւղաս, Քաղաք գարնանոյ, Սիմաքոս՝ Արեգ քաղաք, Թէոդոտոն՝ Քաղաք արէն՝¹ անուանեսցի մին: Եւ արդ բազում իճն ցուցանէ զդիւրութիւն իրացն, քանզի և յՆեփիպտոս շինեցաւ տաճար: Զինչ իցէ Քանանացւոց լեզուն. այլ զի զհրէական լեզուն խօսեսցին: Ապա ասէ և զանունն, եթէ «Քաղաք Ասեդեկ կոչեսցի մի քաղաքն». տեսանէս զել իրաց մարգարէութեանն, տեսանէս զհաստատութիւնն. զի զժամանակն ասէ, և զտեղին և զթիւն և զյորջորջումն անուանն. զի ոչ եթէ զնոցայն գիտի-

¹ Յօր. Լեւ. 12: 1 և Ե. տառիցն՝ դոյ տառ մի քերեալ անընթեռնելի, նշանակէս և վերին մասն ն ին:

ցեն, այլ և զիւրեանցն ուսուցանիցեն. և քանզի ցրուելոց էին ընդ ամենայն տիեզերս, յառաջագոյն կրթէր զնոսա, և լուծանէր զարհաւիրս օրինացն, և զհաստատութիւնն զայն 'ի միջոյ բառնայր: Եւ այժմ, ասեն, այլազգ. ուսուցանիցէ, և զիւրդ. անսայցեմբ. զի ըստ օրինացն 'նզովք են այլ ուրեք շինել տաճար, և այդ՝ զօրինօք անցանել է: Աթ աշտուհետե երկնչիցիս յօրինացն, այլ տես, յորմում ինչ իրս եցոյց զանխտրութիւնն. ոչ յառաքինութիւնսն, այլ 'ի տեղիսն և եթ թողացոյց փոփոխել զկարգս:

« Եւ եղիցի յաւուրն յայնմիկ սեղանն Տեառն յերկրին Եգիպտացւոց » . այս և զարդի իսկ ժամանակացս ասի: « Եւ արձան կանգնեալ 'ի սահմանս նորա » . զոր օրինակ արձանն կանգնեալ՝ կայ հաստատուն, և գրովն քարոզէ զհին ուղղութիւնսն, նոյնպէս և սեղանն. ոչ եթէ արձան ինչ իցէ պղնձի և ոչ յաղամանդեայ վիմաց, այլ յայլ իմն յանձեռագործ նիւթոյ: Եւ զինչ պատմիցէ գիր արձանիս 'պսորիկ. այլ զԱստուծոյ զօրութիւնն. զի սեղանս այս՝ որ կանգնեցաւ արտաքոյ, ոչ այլ ինչ, այլ զմահն Աստուծոյ պատմէ, եթէ Աստուծոյ է մահն. զի մահն Աստուծոյ մարմնովն՝ ոչ զայլ ինչ, այլ զԱստուծոյ մարդասիրութիւնն յայտ առնէ. մահն՝ յաւիտենական կենացն պատճառք:

Ապա յետ այսորիկ և զպատճառս իրացն ասէ. « Զի աղաղակեսցեն առ Տէր վասն նեղացն իւրեանց » . որպէս 'ի սկզբանէն աղաղակեցին, և առաքեաց նոցա զՄովսէս, նոյնպէս և այժմ. այլ տես, զի ամենայն ուրեք որոց խնդրենն, որոց աղաղակենն, որոց հայցենն՝ տայ զբարութիւնսն. ոչ վայրապար որոց և իցէ, այլ աղաղակեսցեն, ասէ, վասն նեղացն իւրեանց: Տեսանես, որչափ նեղութիւնն ածէ զնոսա 'ի բարիս. աղաղակել յորդորէ, և աղաղակելն զնեղութիւնսն¹:

« Եւ առաքեսցէ նոցա Տէր այր մի, որ փրկեսցէ զնոսա, և գատելովն փրկեսցէ զնոսա » : Ոմանք զՈւնիայէ² ասեն, բայց ինձ թուի թէ զԲրիտանիայէ իսկ

1 Յօր. Զյոթիւն: Օտար գրչաւ 'ի վերայ եգեալ կայր փեղս-
նիւն, այլ պատշաճ թուի զԳիւթիւն:

2 Թուի լինել Սիւնիայէ:

իցէ ասացեալ. զի այլ թարգմանքն ասին, թէ Առաքեացէ նոցա փրկիչ, Զի բազում ինչ ՚ի մարգարէութեանց անտի՝ կրկին է. զի զոր օրինակ յորժամ ասիցէ, թէ Յեգիպտոսէ կոչեցից զորդի իմ. զի և այս փրկութիւնն այնչափ առաւել է՝ որչափ ոգւոց և խորհրդոց և մտաց առաքինեաց է: «Դատելով փրկեացէ զնոսա». զի՞նչ իցէ դատելովն. կամ զի զսատանայ իսկ դատապարտեաց, կամ զի ոչ վայրապար զամենեսեան: Մի վասն զի շնորհաց է փրկութիւնն, անհանձարական ինչ համարիցիս. շնորհաց իսկ է, այլ զիսորդ շնորհաց. այլ զի ըստ արժանի շնորհացն որ գտանիցի:

«Եւ ծանիցի Տէր Եգիպտացւոցն, և ծանիցեն Եգիպտացիքն զՏէր յաւուր յայնմիկ, և մատուցեն պատարագս, և դիցեն ուխտս և կատարեացեն Տեառն»: Տեսանեն, զի նախ նա լինի ծանօթ, և ապա նոքա ճանաչեն: «Եւ հարցէ Տէր զԵգիպտացիս ՚ի հարուածս մեծամեծս, և բժշկեցէ զնոսա. և դարձցին առ Տէր, և լուիցէ նոցա Տէր և բժշկեցէ զնոսա: Յաւուր յայնմիկ եղիցի ճանապարհք Եգիպտացւոցն առ Ասորեստանեայս, և մոցեն Ասորեստանեայքն յերկիրն Եգիպտացւոց. և օրհնեալ լիցի ժողովուրդ իմ՝ որ յերկիրն Եգիպտացւոց է և յԱսորեստանի, և ժառանգութիւն իմ Իսրայէլ»: Մինչ յերուսաղէմն էին՝ ՚ի չարիսն էին, և յորժամ յօտարազգեաց երկիրն չուգան՝ օրհնեալք եղեն: Տեսանեն, զի ամենայն ուրեք զառաքինութիւն խնդրէ Աստուած, և ոչ զտեղիս. ո՞ր որ եղև սրբագոյն քան զազգս զայսոսիկ. եցոյց քեզ նախ եթէ և յօտար երկրի մարթ է հաճոյ լինել Աստուծոյ. յորժամ լսիցես ՚ի Պաւղոսէ, եթէ Յամենայն տեղիս ամբառնալ զսուրբ ձեռս, մի ինչ խռովիցիս և օտարոտի ինչ կամ արտաքոյ օրինաց համարիցիս զնա՝ որ զայսն ասաց. զի ամենայն ինչ հնոյն՝ յառաջագոյն խափանեցաւ. շաբաթք լուծան, թըլփատութիւն բարձաւ, զոհք խոտեցան, տաճարն չօգնեաց ինչ, քաղաքն կորեաւ, տեղին կործանեցաւ: Եւ արդ այսուհետեւ երթեալ կքրեալ նստիցիս ընդ արուք հովա. նովք՝ որովք նախնիքն ինչ ոչ օգտեցան. և ամենայն հրէականքն բարձան, և գիտութիւնն միայն Աստուծոյ՝ առանց գործոց՝ ոչ ինչ և օգուտնոցա: Տեսանեն,

զի այն ամենայն ստուեր և նշմարանք, և նոքովք այլ իմն խնդրէր Աստուած : Եւ մեք զայն ինչ արասցուք՝ որ Աստուծոյ հաճոյ իցէ և կեցցուք, և աւելի ինչ մի քննեսցուք, մի Հրէայք և մի քրիստոնեայք. զի չիք ինչ այնպէս՝ իբրև զազնուական առաքինութիւն և զկրօնս ուղիղս՝ զոր խնդրէ Աստուած :

ԳԼՈՒԽ Ի

« Տասներորդ տեսիլ : Յամին յորում եմուտ Նաթան յԱզովտոս » . այլքն ասեն՝ Թարան : « Երթամ առաքեցաւ յԱւանայ՝ արքայէն Ասորեստանեայց » : Աւելիդաս և Սիմաբոս ասեն՝ Ի Սարգունեայ : « Հարկանէր պատերազմաւ զքաղաքն Ազովտացոց . յայնժամ խօսեցաւ Տէր ընդ Եսայեայ՝ որդւոյ Աբովսայ և ասէ » : Վասն էր արդեւք և զժամանակն նշանակիցէ մարգարէս, և զպաշարութիւն քաղաքին դնիցէ ՚ի նշանակ. այլ զի և զՀրէայս կրթիցէ և ՚ի ժամանակէն և ՚ի պաշարմանէ քաղաքին . քանզի բանից և եթ ոչ հաւատային, և մանաւանդ զԵգիպտացիսն՝ որ ոչինչ ունէին ժամանակ, հանդերձ բանիւք՝ որով պարտ էր հաւանել . քանզի սովորութիւն է անհաւատից՝ անցելոց ինչ իրաց չհաւատալ, զվտանգութիւն քաղաքին յաւելու առ ՚ի նշանակ՝ զի եթէ դա քեզ արհամարհեալ ինչ թուիցի, ով Եգիպտացիդ և ընդվայրախօս, հաւատասջիր յիրացդ հանդիսէ, և ընդունիջիր զարդեանցդ վարդապետութիւն : Պարտ և պատշաճ էր գոյզն ինչ հրամանի Աստուծոյ վաղվաղակի հաւատալ լսողացն, թող թէ այժմ՝ զի արդիւնս ևս յաւելու զմերկութիւն մարգարէին . զի եթէ ոչ վախճան եկեալ հասեալ էր բանիցն ասացելոց, ոչ ՚ի զուր ինչ և վայրապար արդեամբք խայտառակէր զիւր սիրելին : Եւ զինչ զարմանք են, եթէ յորժամ ընդ անհաւատսն և ընդ այլազգիսն խօսէր, այսպիսի գործ ցուցանիցէ, ուր և ընդ իւր ընտանիսն այսպիսի իրօք հաստատէր զիրս ինչ . ոչ յորժամ առաքեցաւ, այլ յորժամ ետ պա-

տերազմն և յաղթեաց: Տեսանես, որչափ ինչ շահք են 'ի ժամանակացն. մի հարեանցի վայրապար անցանիցեմք ընդ գիրս. ամենայն ուրեք՝ ոչ ինչ վայրապար ինչ յիշէ զժամանակս, այլ զի ինչ մի աւելի ուսուցանիցէ 'ի ժամանակացն:

« Երթ, ասէ, և 'ի բաց հան զբուրձդ՝ զոր զգածեալես՝ 'ի միջոյ քումմէ, և լլծ զհողաթափս յոտից քոց »: Որպիսի հանդերձ, որպիսի պատմուճան ունէր մարգարէս. և վասն էր արդեւք այնպիսի հանդերձ, զոր վաղվաղակի ան հրաման ընկենուլ 'ի բաց և գտանել մերկ. և զայն 'ի վերայ մերկատարը անդամոց ըզգածեալ՝ սգայր զբարիսն եկեալ հասեալ 'ի վերայ: Ինձ այսպէս թուի, թէ որպէս Դանիէլն մոխիր տարածեաց իւր անկողին, նոյնպէս և մարգարէս՝ իբրեւ ետես եթէ զանբժշկական ախտն ջերանին, զգենոյր զայնպիսի անհնարին սուգն: Ոչ տեսանիցես զկանայս, յորժամ տեսանիցեն զարս ամուսինս մերձ 'ի վախճանել՝ զիարդ սեւազգած լինին, զգլուխ և զօտս 'ի թուխս համակեն, եթէ հնար ինչ էր՝ ամենեկին զհանդերձան 'ի թուխս դարձուցանէին. սոյնպէս մարգարէս, իբրեւ ետես եթէ ոչինչ շահ 'ի մարգարէութենէն էր լինելոց, լուալ յողոցն բժշկէ՝ թէ քաղաքն յորհասակսն վախճան հասեալ է և չիք ինչ ուստեք նմա պատսպարան կամ օգնականութիւն. զոր օրինակ և ոչ զցաւոցն իսկ զգայցէ հիւանդն, նոյնպէս և զՀրէայան տեսանէր յանզգայս, 'ի սուգ մտանէր այնուհետեւ: Այսպիսի ինչ սուգ և Երեմիա ցուցանէր. այլ տե՛ս, թէպէտ և 'ի սուգ էր Եսայի, 'ի վեր ոչ հանէր, բայց յայնժամ՝ յորժամ հարկն գայր 'ի վերայ հասանէր. քանզի ոչ ինչ աւնէին վասն մնապարծութեան, այլ միայն վասն բազմաբութ խնամոցն. վասն այնորիկ ոչ վաղվաղակի ընդ վայրօք ածէին զիրան՝ որ ընդ նոսա անցանելոց էին: Եւ միտ դիր, որպիսի հպատակութիւն ցուցանէ. այնպիսի անձն հաստատուն՝ յայնպիսի սուգ մտեալ, և զսգոյն ևս և զտրտմութեան հանդերձ հրաման առնոյր 'ի բաց մերկանալ, և յանձին ունէր և ունկնդիր լինէր վաղվաղակի: Վասն էր և Յովհաննէս ստե ուղտոյ զգենոյր. ոչ զի զսուգն եկեալ ցուցանիցէ տիեզերաց, այլ զբերապա.

տիկ պարգևաց զպատճառս, զգալուստն՝ որ յետոյ էր աւետարանելոց. Թուի ինձ Թէ և նա զքաղաքն Երուսաղէմս գայր, զի ոչ էր ընդունելոց զՔրիստոս, զոր և ինքն իսկ Տէրն արտասուեաց, Եւ այլազգ ևս. զի հաւատարիմ առնիցէ զքանսն կերպարանօքն, Դիտէք իսկ եթէ բազում անգամ յորժամ ոչ զգայ հիւանդ ցաւոց, յայնցանէ՝ որ շուրջ զնովաւն կան՝ իմանայ զվախճանին չափս, վասն որոյ և բժիշկք պատուիրեն զի մի յաղթեալք ՚ի գթոցն՝ լայցեն և ընկղմիցեն զմիտս հիւանդին, և աւտորոմութեան՝ ևս ՚ի կարիս մտանիցէ, Զի՞նչ խօսիս, ասէ, ո՛վ մարդ, ես լալովս ինչ սպանանիցէմ. այո, ասէ, քո արտասուացդ պատճառք՝ հաւատարիմ առնեն նմա զօրհաս մահուն. այսպէս և մարգարէս ոչ միայն արտասուօք, այլ և կերպարանօք զհեռաւորս անգամ խրատէր, Առնէր այսպիսի ինչ և Դաւիթ. այլ նա վասն իւրոց մեղաց. առնեն զսոյն և այժմ այլք բազումք. ոչ զքաղաք՝ որ մերձ յառնուլ իցէ սգայցեն, որպէս և մարգարէս յայնժամ, և ոչ զգերութիւն ինչ յառաջագոյն իմացեալ, այլ վասն ժամանակացս չարեաց. զի ամենայն իսկ տիեզերք այժմ, որպէս և յայնժամ Երուսաղէմ, կան ՚ի տատանի, և զհասարակաց նաւակոճութիւնն տեսանեն միշտ, և սուգ առեալ աշխարհն զկորուսեալսն, զի և կորնչին և զկորուստն չիմանան Թէ կորուստ իցէ. վասն այնորիկ և զքաղաքս իսկ Թողեալ՝ և յանապատս դիմեցին. ոչ իբրև զՅովնան, այլ այլով իմն օրինակաւ:

« Եւ լիցծ զհողաթափս յոտից քոց. և արար այնպէս »: Եւ այս մեծի հնազանդութեան նշանակ է. ոչ ասաց եթէ զի՞նչ խօսիսդ, Տէր, ծանակ հրամայես լինել, առակ, խայտառակ լինել, ծաղր տեսողաց, ձաղ առնիցես ամենեցուն. ասիցեն՝ եթէ առանցեալ ինչ իցէ, չիցէ յիւր միտսն. յօրէնսն հրամայես՝ Թէ և ՚ի բաղանիս անգամ մի ինչ հարկ լինիցի մերկանալ հարց առաջի որդւոց, և մի որդւոց առաջի հարց, և ինձ՝ այդպէս հրամայես մերկ խայտառակ լինել. լիցիմք ծանականք առաջի կանանց, առականք առաջի մանկուոյ, Ոչ ինչ իշխեաց այսպիսի ասել, նաև ոչ բնու իսկ զմտաւ ածել. զի ծանականք

և ամօթ այն միայն է, զոր Աստուծոյ չիցէ հրամայեալ և առնիցէ որ. այլ զոր ինչ Աստուած հրամայիցէ, այն չեն ինչ պատկառանք, մանաւանդ զի յուզողութիւնս ինչ լինելոց են մարդկան: Զի՞նչ խօսիս, մի մարդ. զի Տէրն ինքնին ոչ հրաժարեաց զանարժան իւր կերպարանսն զգենուլ, և բանս այնպիսի ունել յանձն՝ որ նմա ոչ վայելէին, զի զքեզ յամօթոյն զերծուցէ. և դու հրաժարես և դանդաղիս վասն քոյոյ ծառայակցաց. անձառականն և անհասականն և մտաց և սրտից և խորհրդոց, նստեալ 'ի վերայ ամպոյ երեւի. և որ ևս տգեղադոյնն ինչ է՝ բարկանալն այնմ՝ յորում կարիք ինչ ցասման ոչ գտանին, և ունի յանձին զի բազում անգամ ասի, եթէ Բարկացաւ Տէր, և դու հրաժարիցես և դանդաղիցիս վասն քո ծառայակցացն: Եւ տես իսկ, ուստի մերկութիւն ծանականացն եղև. 'ի մեղաց. զի ծանականք՝ մեղքն միայն են, և նա է պատճառք մերկութեանն, որ առնէ զամենեւին նշաւակ խայտառակ. իսկ յորժամ Աստուծոյ հրամանով որ մերկանայցէ, այն չեն ծանականք: Ոչ իցէ տեսեալ զնահատականական մարտիկ սըն՝ մերկացեալս, պատրաստեալս. և աստ՝ ոչ այնպիսի ինչ փնաս տեսողաց, այլ օգուտ և շահ և մեծ զօրավիգն օգնականութեան:

« Եւ արար այնպէս. և երթայր մերկ և բոկ գնացեալ: Եւ ասէ Տէր. Զոր օրինակ երթայ գնացեալ մերկ և բոկ՝ ծառայ իմ Եսայի, զերիս ամս եղիցին նշանք և արուեստ 'ի վերայ Եգիպտացւոցն և Եթովպացւոցն, և 'ի միտ առցեն թէ այդպէս վարեսցէ զԵգիպտացիս և զԵթովպացիս՝ արքայն Առերեստանի 'ի գերութեան, զԾերս և զերիտասարդս մերկս և բոկս »: Եւ ընդէր, ասեն, այլովք ոչ հրամայեաց. ասեմք, եթէ ոչ լինէր իրքն այնպէս ահագին և ոչ այնպէս ընդհանուր սիրուեր: « Այնպէս եղիցի նշանք և արուեստը զերեամ »: Տեսանէս, որչափ ինչ փնաս լինի 'ի մերձաւորսն ապաստան լինելոյ և ոչ յԱստուած. լուար զտկարութենէ դրացեացն, զի եկեալ հասեալ էր մօտ 'ի դուրս, և ոչինչ զգաստացար. լուար և զմերկութենէ մարգարէին, և ոչ ինչ ստորջաջար. զերեամ հրամայեաց սքանչելի և նորագործ ի-

րացն լինել, և ոչ ինչ օգտեցար, վասն այնորիկ երթալ-
ցես մերկ 'ի գերութեան, հանդերձ ամօթոջն, և պա-
տիժքն՝ հանդերձ տառապանօք և վնասօք: « Երիտա-
սարդք՝ ծերովք հանդերձ »: Գառն տեսիլ տեսանել,
ողորմագին և եղկելի, ծերութիւն ալօք հանդերձ 'ի
գերութիւն վարեալ: Եւ որպիսի պատժոց չէին պար-
տական չրէպք, զի զայսպիսի ինչ յառաջագոյն լսէին,
և զվճիռ իրացն տեսանէին: Տե՛ս, զի և այժմ այսպիսի
ինչ լինի, և ոչ ևս մարգարէ որ առաքի, այլ ինքնին
Քրիստոս՝ յանձին եցոյց զամենայն բարիսն և զկարիսն.
յարութիւն, ասէ, լինելոց է. և նախ յիւրում մարմնին
եցոյց և զչարչարանսն. Պարտ է, ասէ, Որդւոյ մարդոյ
բազում չարչարանս կրել. Թուք յերեսս ընկալաւ, ապ-
տակեցաւ, պրկեցաւ, յետոյ և զչարչարանս մահու
յանձին կրեաց. մարգարէքն լալով ասէին եթէ այս-
պիսի ինչ լինելոց է, և նա կրեաց իսկ յանձին զչարչա-
րանսն, զի և զմեզ յօժարեցուցէ 'ի չարչարանս. նո-
ցայն՝ պատժոց էին չարչարանքն, մերս՝ ուղղութեան
և առաքինութիւն:

« Եւ ասասցեն բնակիչք կղզոյդ այդորիկ յառուր
յայնմիկ. ահաւասիկ մեք յուսացեալ էաք՝ ապաստան
փախստեան 'ի սոսա, արդ սոքա զանձինս իւրեանց ոչ
ապրեցուցին յարքայէն Ասորեստանի. զմեզ զիարդ
փրկիցեն սոքա »: Եւ զայս՝ վասն չրէիցն, զի ուսանի-
ցին մի ապաստան լինել 'ի մարդիկ օգնականութեան,
այլ յԱստուած:

ԳԼՈՒԽ ԻԱ

« Մեռասաներորդ տեսիլ անապատի ծովուն: —
 Իբրև մրրիկ ընդ անապատ անցցէ, եկեալ յանապատ
 երկրէ »: Ակիւղաս ասէ. Կառք անապատի, Սիմաքոս և
 Թէոդոտիոսն՝ Առաժած ¹ ասեն: Ակիւղաս ասէ. Իբրև
 փոթորիկք 'ի հարաւ. Սիմաքոս և Թէոդոտիոսն՝
 Իբրև մրրիկք 'ի հարաւոյ: Ակիւղաս ասէ. Երթալ և
 զալ յանապատն երկրէ: « Ահագին է տեսիլն և
 խիստ՝ որ պատմեցաւ ինձ, որ արհամարհելոց ² . . . »:

¹ Այսպէս յօրինակին:

² Յօր. Քանի մի թերթք անկեալ են, որով պակասի յետ այսո-
 րիկ մինչև 'ի Գլ. Լ. համար 6. Տե՛իւ լրագրակցոյ, որ սկսանի ուրոյն
 խորագրով:

**Երասկերոյն Տեառն Յոհաննոս Ոսկեքերտանի
'ի մարգարէն Եսայիաս մեկնորքին :**

« Տեսիլ չորքոտանեաց յանապատի, 'ի նեղութեան և յանձկութեան » : Քանզի ամբարշտութիւնս ընկալան յանձին, վասն այնորիկ չորքոտանիս կոչէ զնոսա. զի թէպէտ անապատ և անջրդի ճանապարհք էին 'ի միջի, սակայն ոչ դանդաղէին առ անմտութեան՝ երթալ տանել զմեծութիւնս իւրեանց՝ առ ազգն Եգիպտացւոց, որ ոչ ինչ կարէր օգնել նոցա :

« Առիւծ և կորիւն առիւծու, և անդստին և ձազք քարբից թռուցելոց, որ բարձեալ տանէին իշոց և ուղտուց զմեծութիւնս իւրեանց » : Առիւծ՝ զՅուդայի ազգն կոչէ, որ ոչ անձամբ ունէին զօրութիւն, այլ 'ի վերին օգնականութենէն. ըստ այնմ, եթէ Կորիւն առիւծու Յուդա. յիշեցուցանելով զնախնեացն առաքինութիւնս, հեգնէ զլեւոնոցն անմտութիւնս : « Եւ անդստին իժք և ձազք քարբից թռուցելոց » . զի անտի կսկծեցուցէ, թէ որպէս 'ի հարց առաքինեաց, որպիսի ժանտ որդիք եղեն : Դուք, ասէ, զիս յամօթ առնէք. զի ես ձեւք պարծիմ 'ի թշնամին. զի որ արգարն է՝ իբրև զառիւծ յանձնապատան է. իսկ ամբարիշտն ամօթով է և չունի համարձակութիւն յերես :

« Երթ, ասէ, պատմեաց, թէ 'ի զուր է այդ միւրութարու . . . յառաջագոյն չէր պատու . . . մհասանէին պատիժքն 'ի վերա . . . ¹ յանկարծադէպ զիրն կարծէին. նա ոչ միայն պատմել առնու հրաման, այլ եթէ « Նիստ և գրեա 'ի տախտակի և 'ի գիրս հաստատեա. զի եղիցի այս յաւուրս ժամանակաց՝ մինչև յաւիտեան. զի ժողովուրդ ապստամբ է և որ-

¹ Յօր. Կոտորակ ինչ փոքրիկ պատաստեալ գողով 'ի Թղթոյն՝ անընթեռնի մեան բառքն :

դիք սուտք, որ ոչ կամեցան լսել զօրէնս Աստուծոյ : Տեսանէս, զիարդ առնուին հրաման գրել յանդիմանութիւն և յամբաստանութիւն նոցա, որպէս և Մովսէս յօրհնութիւնն :

Արդարեւ ժողովուրդ ապստամբք, եղծեալք զեղծեալք . « Ոյք ասէին ցմարգարէսն՝ մի պատմէք մեզ, և որ զտեսիլն տեսանէին՝ թէ մի խօսիք ընդ մեզ ուղիղ » . որպէս ցաւածք՝ որ սոսկայցեն 'ի բժշկական ձեռաց : Այլ խօսեցարուք բանիւք լոկօք, պատմեցէք մեզ մոլարով զօտար, և մոլորեցուցէք զմեզ 'ի ճանապարհէս յայսմանէ » : Էւ տեսանեմք՝ զի և տեսիլք յայտնիք և մարգարէութիւնք երևելի պատմէր վասն նոցա հաստատութեան, և նոքա ընդէր գծկամակ լինէին ընդ բանս և մոլորել կամէին :

« Վասն այսորիկ այսպէս ասէ Տէր՝ սուրբն Իսրայելի . փոխանակ զի անարգեցէք դուք զբանս իմ, և յուսացարուք 'ի ստութիւն, և զի տրտմիցէք դուք՝ զի յուսացեալ եղերուք 'ի բանդ յայդ » : Ա՛ր բան. զի ոչ յԱստուած յուսային, այլ 'ի պատիրս Եգիպտացոցն : « Վասն այսորիկ եղիցին մեզքդ այդ ձեզ 'ի նզովս, իբրեւ զպարիսպ հզօր քաղաքի 'ի ժամանակս պաշարման վազվազակի կործանեալ » : Ահաւասիկ մեծ մեզք են գծկամակ լինել ընդ բանս Աստուծոյ, և յայսմանէ իբրեւ զպարիսպ հզօր քաղաքի կործանի. իսկ հաստատուն և անշարժ այն է, որ ասէ՝ եթէ « Յորժամ դարձցիս հեծեծիցես, յայնժամ կեցցես և գիտասցես թէ ուր իցես . զի յուսացեալ էիր դու 'ի մնօտին, մնօտի եղև զօրութիւն ձեր, և ոչ կամեցարուք լսել » : Յայնժամ մեծապէս իմն խրատիմք՝ յորժամ 'ի մեղացն իբրեւ 'ի մեղաց հեռանայցեմք. զի յորժամ մեղքն գործիցին՝ խաւար իմն մածեալ առնի առ աչք, և ոչ որ իմանայ զմեղքն՝ մեղա . իսկ յորժամ հեռանայցէ 'ի մեղացն, ապա զգայ զցաւս մեղացն : Զոր օրինակ սառամանիք լուծանիցին, ապա յայտնին ուղիք սառամանեացն . որպէս մեծին Դաւթայ իսկ պատահեցաւ . և յորժամ դարահոս որ 'ի խոր ուրեք ձորոց անկանիցի, յորժամ անդրէն ելանիցէ, ապա իմանայ զարհաւիրս արհականացն : Զի՛նչ, ասէ, պտուղ ունէիք յայնժամ, վասն որոյ այժմ զամօթի հարկանիք . մի ինդրիցես զմեղքն

տեսանել՝ մինչդեռ ՚ի մեղսն իցես, այլ յորժամ զեր-
ծանիցիս և ՚ի բաց վազիցես, յայնժամ ուղիղ ըն-
տրութեամբ տեսանիցես զմեղսն՝ մեղս. ապա ու-
րեմն հեծութեանց և յոգոց հանելոյ պէտք են վասն
մեղաց. զի յոգոց հանել և հեծել՝ ստգտանք են մե-
ղացն գործելոց. և յայտ է՝ եթէ դառնալ պարտ է
և հեծել և յոգոց հանել. զի հեծութիւն՝ դարձին
հաստատութիւն է և զգուշութիւն: Տէր զօրութիւն
ձեր եղև, և ոչ կամեցայք դուք լսել նմա. և թէպէտ և
զհանդէս իրացն տեսէք, սակայն և ոչ այն եղև ձեզ
վարդապետ:

« Այլ ասացէք, եթէ յերիվարս մեր հեծցուք և
փախիցուք. վասն այսորիկ՝ դուք իսկ ինքնին հալա-
ծականք լիջիք. և ասացէք՝ թէ թեզք փախիցուք
մեք. վասն այսորիկ թեթեալոյնս ևս լինիցին՝ որ հա-
լածիցեն զձեզ. զի ՚ի ձայնէ միոյ՝ փախիցեն հազարք,
և ՚ի ձայնէ հնգից՝ փախիցեն բազումք »: Եւ աստ
յայտ է, եթէ զԲաբելոնացոցն նշանակէ. բազում ծա-
նօթս տայ գիտութեան, առ ՚ի ճանաչել եթէ ՚ի վե-
րուստ է օգնականութիւնն: « Մինչև մնասջիք իբրև
զձող մի ցցեալ ՚ի լերին, և կամ իբրև կոթող մի նշա-
նակեալ ՚ի վերայ բարձանց: Եւ դարձեալ կանխեսցէ
Աստուած ՚ի վերայ ձեր գթալ, և վասն այսորիկ բար-
ձրասցի ողորմել ձեզ »: Այսինքն է՝ զմեծ և զանբաւ
զօրութիւնն իւր ցուցանիցէ:

« Զի դատաւոր Տէր Աստուած մեր է. երանեալ է՝
ոյք համբերեն նմա, զի ժողովուրդ սուրբ ՚ի Սիոն բնա-
կիցէ »: Ոչ այսպէս այլ ինչ օգուտ է մեզ՝ իբրև զհամ-
բերութիւն և զյոյս հաստատուն. զի Պաւղոս ասէ.
Յոյս ոչ ամաչեցուցանէ. և դարձեալ, եթէ Համբերու-
թեամբ բազմաւ. յաւետարանսն՝ եթէ Որ համբերիցէ
իսպառ՝ նա կեցցէ. զի չիք ինչ այնպէս՝ որ առնիցէ փորձ
զմարդն: « Եւ Երուսաղէմ լալով ելաց՝ թէ ողորմեաց
ինձ »: և ան պատասխանի ... ուածոց քոց ողորմ. . .
անեմք, զի աստ արտաս...¹ վճարեցին զամենայն. ոչ
վարք պարկեշտականք, ոչ ուղղութեանց յաճախու-
թիւնք, և ոչ առաքինութեանց հանդէս, այլ գոչումն

1 Եօր. Բառք ինչ եղծեալ են ՚ի մալմանէ թղթոյն:

և արտասուք։ Որպէս և յերկրին՝ Եգիպտացւոց, Տե-
սանելով, ասէ, տեսի զբարչարանս ժողովրդեան իմոյ՝
որ յԵգիպտոսն էր, և աղաղակի նոցա լուայ. ոչ եթէ
յաջնուութիւնս ինչ փոխեցան, այլ զայն բաւական
համարեցաւ ՚ի փրկութիւնն՝ զի բողոքեցին առնա։ Եւ
այդ միայն հաշտեցուցանէ. այս, ասէ, քանզի ողորմած
է, և ողորմեսցի քեզ։ «Զձայն աղաղակի քո իբրեւ ետես
և լուաւ քեզ, և տացէ քեզ Տէր հաց նեղութեան և
ջուր կարօտանաց»։ զի թէպէտ սակաւ ինչ նեղիցիք՝
այդրէն ՚ի քաղաքիդ, այլ ՚ի տարաշխարհական գե-
րութենէ գերծեալ ապրեսցիք։

« Եւ այնուհետեւ ոչ ևս մերձեսցին ՚ի քեզ, որ մո-
լորեցուցանէին զքեզ »։ Տեսե՛ր, մրչափ շահք ՚ի պատ-
ժոցն լինին, և որպիսի օգուտ յետ տանջանացն. ոչ
ասէ եթէ ոչ ևս մոլորեցուցանիցեն զքեզ, այլ եթէ
ոչ ևս մերձեսցին ՚ի քեզ. զի անմատոյց և անըմբռնե-
լի լինիցիս նոցա։ « Զի աչք քո տեսցեն ՚ի մոլորեցու-
ցիչս քո, և ականջք քո լուիցեն ՚ի վերայ այնոցիկ՝ որ
մոլորեցուցանէին զքեզ, զի մոլորութեամբն որով
զքեզ մոլորեցուցանէին՝ ինքեանք մոլորիցին »։ այսինքն
արծաթապատ նանրովքն՝ որով զքեզ ստիպեցուցաւ
նէին յԱստուծոյ փրկութենէն՝ ինքեանք վրիպեցան,
որպէս և յաջորդքն իսկ յայտ առնեն։

« Եթէ գարշեցուցես դու զկուռնն՝ զոսկեպատս
և զարծաթապատս, խորտակեսցես և հոսեսցես իբրեւ
զջուր դաշտանաց, և իբրեւ զաղբ մերժիցես զնոսա. յայնմ
ժամանակի եղիցի անձրեւ սերմանեաց երկրի
քում, և հաց արմտեաց երկրի քո յագուրդ և ՚ի պա-
րար. յայնմ աւուր ճարակեսցին խաշիւք երկրի քո ՚ի
տեղի պարարտութեան յանդորրու »։ Եւ մի խնդրես-
ցուք յայնմ վայրի զասացեալն՝ եթէ եղև և եթէ ոչ,
զի բազում ինչ վասն յորդորելոյ հանելոյ զնոսա ՚ի
գերութենէն իբրեւ առաւելութեամբ իմն ասացաւ,
և բազում ինչ՝ վասն զի չեղեն արժանի՝ ոչ կատարե-
ցաւ. և յայտ յաջորդքն է։

« Եւ եղիցի, ասէ, ՚ի վերայ ամենայն լեռանց բար-
ձանց և ՚ի վերայ ամենայն գլխաւոր բլրոց՝ ջուր բռղ-

խեալ » : Եւ ոչ ուրեք տեսանեմք, եթէ այսպիսի ինչ յետ դարձին կատարեցաւ առ նոսա . վախճան, ասէ, խօսեցայց ածել 'ի վերայ ազգի և թագաւորութեան, և եթէ դառնայցեն՝ ոչ արարից : Եւ այլազգ ևս . մի լիցի ցուցանել եթէ յայնժամ ասացաւ և նոցա լիցի յայտ առնել եթէ կատարեցաւ :

« Եւ եղիցի, ասէ, լոյսն լուսնի՝ իբրև զլոյսն արեգական, և լոյսն արեգական՝ եօթնպատիկ եղիցի յաւուր յայնմիկ, յորժամ բժշկեսցէ Տէր զբեկումն ժողովրդեան իւրոյ » : Տեսցուք առ ձվ զք կատարեցաւ մարգարէութիւնս այս . անգստին 'ի վերուստ քննեսցուք . զի Հրեայք ասեն, եթէ հանգեբձեալ է լինել, և մեք ցուցանեմք, եթէ 'ի Հրէից ոք ոչ բժշկեցաւ . այլ մեք յանձինս ցուցանեմք, զի մեծ լոյս ծագեաց մեզ . ոչ միայն եօթնպատիկքան զարեգակն, այլ բիւրապատիկ ևս անչափ առաւել, զի առհասարակ արտաքին և ներքին աչք լուսաւորեցան, և ջուր կենդանի յամենայն տեղիս բոցեսաց, այսինքն՝ ուսումն վարդապետութեանն Քրիստոսի . և բժշկեցաւ բեկումն մեր և պատեցան վէրք : Եւ արդ մի 'ի ցուրտ և 'ի սնոտի յոյս յուսացեալ պատրիցին և անկանիցին 'ի ճշմարտութենէն : Երուսաղէմ, ասէ, լալով ելաց, եթէ սղորմեաց ինձ . և երբ եղև այս . 'ի գերութեանն, ասեն . իսկ այժմ ոչ երբեք զնոսա 'ի սուգ, բայց յայնժամ հանապազ յայնմ ծնկէին . Ի քետս Բաբելոնացոյ՝ անդ նստեալք և լայաք, ասէ : Եւ գարշեցուցես զկուռն . զոր կուռս . և երբ սրբեցան նոքա յամբարըշտութենէ . մի(թէ յ)ստուծոյ ոչ ասացան նոցա մեծամեծքն լինել 'ի դարձին, կամ եթէ չէր կարող կատարել զոր խոստացաւն . այլ որպէս վերագոյնն ասացաք՝ նոքա զանձինս չարարին արժանի :

« Ահաւասիկ անուն Տեառն գայ յամայր ամս, յետ բազում ժամանակաց վառեալ սրտմտութիւնն հանդերձ փառօք . պատգամք շրթանց նորա լի բարկութեամբ, և բարկութիւն սրտմտութեան նորա իբրև զհուր կերիցէ, և հոգի նորա իբրև զջուր ձորալիր պարանոցաթաղ եկեսցէ » : Է և այժմ սրտմտութիւն նորա, այլ ոչ հանդերձ փառօք . յայնժամ յայտնելոց են փառք նորա և առաւել լուսաւորութիւն : « Եւ բար .

կութիւն սրտմտութեան նորա իբրեւ զհուր կերիցէ » . որպէս վճիռ դատաւորաց ոչ այլ ինչ է , բայց եթէ մահ , նոյնպէս և Քրիստոսի վճիռն՝ հուր և տանջանք են . ըստ այնմ՝ եթէ Երթայք յինչն , անիծեալք Հօր իմոյ , 'ի հուրն յաւիտենից , որպէս պատրաստեալ է սատանայի և հրեշտակաց նորա :

« Եւ հալածեսցէ զնոսա 'ի մոլորութիւն , և հասցէ նոցա յանդիման նոցա պատիժքն . միթէ հանապաղ պարտիցէ ձեզ ուրախ լինել և մտանել 'ի սրբութիւնս իմ » : Որք միշտ մեղանչիցեն՝ միթէ միշտ մատնեսցին 'ի տանջանս . զի թէպէտ և այլ ինչ նշանակ տանջանաց չկայր 'ի միջի , սակայն 'ի մարդկան փոփոխմանցն պարտ էր խորշել և չհամարձակել 'ի չարիս : Եւ թէպէտ մի իսկ բաւական համարեսցին զՀրէաստան միայն Աստուծոյ , այլ և զԱսորեստանեայսն կոչեսցեն յօգնականութիւն , և յորժամ յապահով լինիցին եթէ չիցէ ուստեք կասկած , յայնժամ բարեկամացն առաւել քան 'ի թշնամեաց լինիցի կասկած , որ բաւական լիցի մորմոքեցուցանել և ցուցանել՝ եթէ աստուածաստ է բարկութիւնն . զի ոչ հին ինչ թշնամութեանն մեղադիր լինիցին , և ոչ վաղվաղակի փոփոխմանն հաւատասցեն :

« Զի նոքա փողովք և թմբկօք տայցեն պատերազմ » . և այն ինքն իւր լինիցի պատճառք , զի ինքն անձամբ անձին ած 'ի վերայ գշարիսն : « Հուր կիզման և կարկուտ քարախառն » զսուր Բաբելացւոցն կոչէ . զի մինչդեռ յապահով և յանկասկած էին , և բարեկամս և ոչ թշնամիս համարէին զնոսա , յանկարծակի իբրեւ հրդեհ բորբոքեցան և իբրեւ զկարկուտ արագահաս հասին . որ յառուրս Եզեկիայ՝ հրեշտակս հանդերձ պատարագօք առաքեցին առ նա : Եւ յորժամ ձառէ զԲաբելացւոցն , և զԱսորեստանեայս անուանէ . ընդայն մի ինչ զարմանար , զի յորժամ Ասորեստանեայքն ունէին զԱսորեստան , և զԲաբելացիսն առհասարակ ունէին . նոյնպէս և յորժամ Բաբելացիքն զԲաբելոնի՝ և զԱսորեստանեայսն :

« Եւ եկեսցէ նմա շուրջ յօգնականաց իւրոց , յոր կողմ և յուսացեալ իցէ . և նոքա փողովք և թմբկօք մարտիցեն ընդ նմա փոփոխ . քանզի ոչ եթէ յառաջ

քան զաւուրս մոլորիցիս » . այսինքն՝ ոչ յառաջ քան զժամանակն մատնիցիս 'ի պատիժսն . և երկու ինչ աղէտք հասանելոց էին 'ի վերայ . մի՝ զի յանկարծ յանկասկած , և միւս ևս՝ զի 'ի բարեկամացն :

« Միթէ և դո՛ւ իցես պատրաստեալ թագաւորել 'ի վերայ ձորոյն խորոյ » : Զթագաւորութիւնն Յուգայ 'ի ժամանակի գերութեանն պատուհասէ , եթէ չես թագաւորելոց . և յայտ յաջորդօքն է : « Իբրև զփայտ բորբոքեալ , ասէ , հրով՝ բարկութիւնն Տեառն , և իբրև զձոր ինչ 'ի ծծմոյ բորբոքեալ » . զի զանվրէպ պատիժսն յայտ առնիցէ : Մարթի զայս իմանալ և վազն հանդերձեալ աշխարհին դատաստանի :

ԳԼՈՒԽ ԼԱ

« Վայ այնոցիկ ոյք իջանեն յեգիպտոս վասն օգնականութեան , որք 'ի հեծեալս և 'ի կառս յուսացեալ իցեն » : Զի՞նչ ինչ կայցէ քան զայն անմոութիւն , որք այնչափ 'ի նոցանէ չարչարանս կրեցին և յայնժամ և յետ այնորիկ՝ և 'ի նոցանէ ոչ թափէին , և ոչ ատէին զնոսա , այլ ևս ապաստան լինէին 'ի նոսա : « Եւ 'ի բազմութիւն կառաց և երիվարաց . և ոչ էին յուսացեալ 'ի սուրբն Իսրայելի » : Թէպէտ և առաջին պատմութիւնն ուսուցանէր նոցա զԱստուծոյ զօրութիւնն՝ եթէ չէր նոցա պարտ ապաստան լինել 'ի զօրս , սակայն ոչ այնմ ինչ մեղադիր լինի , այլ զի յԱստուած ոչ յուսացան՝ եթէ նա եհան զնոսա անտի :

« Եւ նա իմաստութեամբ ածէր 'ի վերայ նոցա զչարիս . և բան նորա ոչ անարգեսցի . և յարիցէ 'ի վերայ տանց անօրէն մարդկան , և վասն սնոտի յուսոյն 'ի յայր եգիպտացի և ոչ յԱստուած » : Հասարակաց են պատիժքն և բազում ամբաստանութիւնն . քանզի բազումք և այժմ ապաստան լինին յեգիպտացիսն . թողեալ զերկնաւոր յոյսն՝ յանցաւոր օգնակաւորութիւնսն ապաստան լինին , 'ի մեծութիւնս , 'ի հարստութիւնս : « Եւ նա իմաստութեամբ ածէր 'ի վե-

րայ նոցա չարինս » . իմաստութեամբ և ոչ ապիրատութեամբ . քանզի գործէ իմաստութեամբ , զի 'ի նորա օգնականութենէն կարօտ գտանիցին . և ոչ միայն իմաստութեան գործ է , այլ և մարդասիրութեան : « Եւ բան նորա ոչ անարգեսցի » . զի 'ի նա ապաստան լինիցին , և մի այլ ինչ վայրապար հնարս հնարիցեն : « Եւ վասն սնոտի յուսոյն 'ի յայր եգիպտացի և ոչ յԱւտուած » . զի յուսացեալ լինէին յերիվարսն Եգիպտացոց , ուստի ոչ ինչ օգտութիւնս գտանէին . Երիվար , ասէ , պատրաստի 'ի պատերազմ , բայց 'ի Տեառնէ է օգնականութիւն : Կամէր զի և առանց այնպիսի ինչ իրաց յաղծէին , այլ զի մի հպարտանայցես , արար զքեզ կարօտ բազում ինչ իրաց :

« Այսպէս ասաց ցիս Տէր , եթէ զոր օրինակ գոչեսցէ առեւծ կամ կորիւն առեւծու յորս 'յոր հասանիցէ , մռնչեսցէ 'ի վերայ մինչև լցցէ զլերինս բարբառով իւրով , և սարսիցեն ամենեքեան 'ի սրտմտութենէ բարկութեան նորա , այնպէս իջցէ Տէր զօրութեանց զօրաժողով լինել 'ի վերայ լերինդ Սիոնի » : Տեսաննս , յորպիսի փոքր օրինակ խոնարհի , և զարհուրեցուցանէ . որպէս յովսէէ մարգարէ ասէ , թէ Պատահեցից նոցա իբրև զարջ զայրացեալ : Եւ չև զհազին սաստն բարբառեալ՝ անդէն վաղվաղակի դառնայ յողոքս . « Դարձարուք , ասէ , որ խորհիք ըզխորհուրդս խորինս և զանօրէնս » . քան զբարերարութիւն և զփրկութիւն՝ դառնալոյն օրինակ մեծ է :

« Բարձցեն , ասէ , զձեռագործս իւրեանց մարդիկ՝ զարծաթեղէնս և զոսկեղէնս » . յորժամ պատժին՝ յայնժամ դառնան 'ի լաւութիւն , որպէս 'ի գեհենին՝ այնպէս ինչ լինելոց է . քանզի և մեծատունն յորժամ պատժեցաւ՝ յայնժամ դարձաւ 'ի լաւութիւն , ապիրատն և անագորոյնն՝ յանկարծակի չրջեցաւ և եղև մարդասէր . աղաչէր՝ զի առաքեսցէ զքեք քարոզել իւրօց եղբարցն , զի մի և նոքա վճարեալ մեղք 'ի նոյն պատիժս գայցեն : Մինչև 'ի բարինս էր և հանապազ տեսանէր զմերձաւոր նեղեալն՝ ոչ ողորմէր , և յորժամ 'ի տանջանսն եմուտ , ապա և բացականացն աղորմէր և

մարդասեր լինէր. և այսպէս ամենայն ուրեք տեսա-
նեմք զշահս՝ որ յետ պատժոցն լինին. քանզի և ոչ
տանջէ զոք Աստուած զայրացեալ մտօք, որպէս մեք
յորժամ ընումք բարկութեամբ՝ ընդ այլս հանեմք
զցասունն. իսկ Աստուած ոչ այսպէս, այլ ածել յուղ-
ղութիւն զմեր կամակորութիւնս խրատէ: Իսկ Փա-
րաւոյնի, ասեն, ընդէր ոչ ողորմեցաւ՝ յետ գառնալոյ
'ի լաւութիւնս. ասեմք, եթէ ո՞ր է՝ զի եցոյց ինչ լաւու-
թիւնս. ո՞չ յետ տասն հարուածոցն հետամուտ լեալ,
կամէր 'ի բուռն արկանել զժողովուրդն. և յայտ է
թէ ոչ Աստուած եղև պատճառք կորստեան նորա, այլ
ինքն անձամբ անձին. քանզի որք զանբժշկական ախտան
ախտանայցեն՝ զնոսա մատնէ 'ի մահ, որպէս և ջըր-
հեղեղակուրսն և զՍողոմոնացիս, որք ոչ կամեցան գալ
'ի բժշկութիւնս՝ սատակեցան: Եւ այժմ՝ ընդէր, ասեն,
չառնէ այնպիսի ինչ, այլ ներէ մինչև ցծերութիւն,
այնպիսի մարդկան՝ որ 'ի չարիս ծերանայցեն. ասեմք.
յայնժամ յիրաւի լինէր, զի անդէն առժամայնս հա-
նէր. և այժմ՝ ներէ, զի յարութեանն յոյսն հաստա-
տեսցի, զի մի 'ի հարկէ զոք առնիցէ առաքինիս. յայն-
ժամ զի ոչ ինչ երկիւղ գեհնին կայր 'ի վերայ, նմա-
նադոյնն անդէն առ ետեղ ածէր զպատիժսն. իսկ
այժմ՝ զի հանգերձեալ աշխարհի երկիւղիւն զգաստա-
նայցեն՝ ոչ ածէ զպատիժսն, բայց եթէ յանկարծ
դուն ուրեք:

« Եւ անկցի նա 'ի սուր, ոչ 'ի սուր առն և ոչ 'ի
սուր մարդոյ կերիցէ զնա. և 'ի փախուստ դարձցի
յերեսաց սուսերի. և երիտասարդք նորա 'ի պարտու-
թիւն մատնեսցին ». այն իսկ է, զի ոչ սրով կոտո-
րեաց զբանակս Ասորեստանեայցն՝ հրեշտակն: « Եւ
եղիցին վէմք արդելեալք իբրև զօրմարդել. և 'ի
պարտութիւն մատնեսցին. և որ փախստական ոք իցէ՝
ըմբանեսցի ». զի յայտ արասցէ, եթէ ոչ են ապրելոյ
'ի սաստկացեալ Աստուծոյ բարկութենէն:

« Այսպէս ասէ Տէր. Երանի այնոցիկ՝ որ լինիցի
զաւակ 'ի Սիոն, և որդեակք իցեն նորա 'ի յերուսա-
ղէմ: Ակիւզաս և Թէոդոտոն ասեն. Երանի որոյ
լոյս 'ի Սիոն իցէ. Սիմաբոս ասէ. Որ ունիցի զհուր
'ի Սիոն, և զհնոցն յերուսաղէմ. և հուր աստ՝ զպա-

տիժան՝ որ 'ի ժամանակս Եղեկիայ 'ի վերայ Ասորե-
օտանեայցն՝ եկին՝ կոչէ։ Եւ զաւակ 'ի Սիոնն և ընտա-
նիս յերուսաղէմ, զգրկութեան ժամանակն երանէ։
Իսկ այլքն վասն վերին քաղաքին Երուսաղեմի ասա-
ցին. և յանձն առնում. քանզի է և է իսկ 'ի տանջա-
նաց և խրատուց ապրիլ յայսմ աշխարհի, բայց զինչ
համեմատ առ այն իցէ, յորժամ յայնմ տանջանաց
ոք ապրեսցի. և թէպէտ և որդիք և ընտանիք ոք ի-
ցեն Աստուծոյ, սակայն պարտին և յիւրեանց անձանց
առաքինութիւնս ցուցանել. զի թէպէտ և անուանեա-
ցին որդիք, և կարգս առաքինիս ոչ ցուցանեն, չէ այն
նոցա յօգուտ՝ անուն որդւոց. որպէս և հարբ՝ ոչ եթէ
Ծնանէլոն միայն են հարբ, այլ զի և կարգս ինչ ու-
ղիղս ուսուցանիցեն որդւոց. քանզի և Պաւղոս՝ ոչ եթէ
յորդեծնութենէն և եթէ հաշուի մեզ օգտել, այլ ասէ,
եթէ Կացցեն 'ի հաւատս, 'ի սէր և 'ի սրբութեան՝
հանդերձ պարկեշտութեամբ. զի եթէ տանջանս կրե-
լոց իցեն, ապա ևս առաւել և պատիւս վայելիցեն։

ԳԼՈՒԽ ԼԲ

« Զի ահաւասիկ թագաւոր արդար թագաւորես-
ցէ, և իշխանք իրաւամբք իշխեսցեն »։ Քանզի ոչ սա-
կաւ երախտիք են յԱստուծոյ, յորժամ արդար թա-
գաւոր յարուցանիցէ թագաւորել, և իշխան իրաւանց՝
առ իշխել. և արգար՝ ոչ միայն զայն ասէ որ յընչիցն
ազատ իցէ, այլ որ զիրմն ամենայն՝ արդարութեամբ
վճարիցէ. և մանաւանդ թագաւորին և իշխանաց վա-
յելէ արդարութիւն, որ կարող են և զօրէնս հաստա-
տուն պահել և զկարգս խանգարել։ Իսկ այլք 'ի
Քրիստոս առին, թէ « Ահաւասիկ թագաւոր արդար
թագաւորեսցէ », և իշխանս՝ զառաքեալս. ըստ այնմ՝
որ ասէր 'ի Սաղմոսին, եթէ Կացուսցես զնոսա իշխանս
ընդ ամենայն երկիր։

« Եւ եղիցի մարդն թաքուցանել զբանս իւր, և թաքիցէ որպէս ՚ի ջուրց սաստկութենէ յահէ բազմութեան զօրութեանցն. և երևեսցի ՚ի Սիոն՝ իբրև ըզգետ սաստիկ երևեալ փառաւոր՝ յերկիր Ծարաւուտ » : Զյաղթութիւնսն՝ որ ՚ի ժամանակին Եղեկիայի կատարելոց էին՝ նշանակէ : Աման այսորիկ թոյլ ետ Աստուած բազմանալ երկիւղին, և բանիւք չափ միայն ճոխանալ թշնամեացն, զի յորժամ իրքն ՚ի գլուխ ելանիցեն՝ մի մոռասցին զսքանչելիսն և մի սակաւ ինչ համարեսցին զչարիսն : Զի յորժամ մօտ իցեն աղէտք՝ սովոր է երկեցուցանել և ահագին և նոր իմն երևել. իսկ յորժամ անցանիցեն՝ արհամարհելիք իմն լինին, և բնաւ ինչ և յիշատակ ինչ չերևի իրացն գործելոց : Տեսանէս, զի աստ յառաջագոյն ասէ զյաղթութիւնն զԵղեկիայ արքայի, ոչ յորժամ ահն անցանիցէ, և սքանչելիքն մոռացօնք լինին. արդ զի մի այսպէս ինչ լինիցի, յերկարեաց Աստուած զահն և թոյլ ետ, զի երևեսցին սքանչելիքն :

« Եւ եղիցի, ասէ, ՚ի Սիոն՝ իբրև զգետ սաստիկ փառաւոր՝ յերկիր Ծարաւուտ » : Նախ եցոյց զնոսա կարօտս երախտեացն, և ապա պարգեւեաց զահնսն : « Եւ ոչ ևս, ասէ, յուսացեալ լինիցին ՚ի մարդիկ » . զի յետ երախտեացն և ոգւոցն ևս շահ գործեցան ¹ : « Տացեն, ասէ, զլսելիս իւրեանց ՚ի լսել. և սիրտք տկարաց՝ հայեսցին յիմանալ » : Եւ յայտ է, եթէ ոչ լսելն միայն ինչ պարտ է, այլ և ՚ի միտ առնուլ. թէ զի՞նչ օգուտ ² իցէ լսելն, յորժամ միտքն ոչ իմանայցեն :

« Եւ մի ևս յօժարեցուսցեն զյիմարն՝ իշխել իւրեանց. և մի ևս ասասցեն պաշտօնեայք քո, եթէ լուռ լեր. կատարել զանօրէնութիւնս, խօսել մոլորութիւն զՏեառնէ. զի խորհուրդք չարաց զանօրէնութիւնս խորհեսցին, ապականել զխոնարհս՝ բանիւք անօրէնութեամբ, և ցրուել զլանս տնանկաց ՚ի դատաստանի. իսկ աստուածապաշտք՝ իմաստունս խորհեցան, և խորհուրդս այս կայցէ և մնայցէ » : Որպէս և չարեաց՝ այնպիսի խորհուրդն իւր, որք ապականեսցին և

1 Յօր. Սաուր գրաւ ՚ի վերայ եգեալ կայր գանձեղէն :

2 Յօր. Բառք օգուտ ասար գրել է :

վիսնարհս¹ բանիւք անօրէնութեամբ . որպէս զի չարեացն այնպիսի խորհուրդ է՝ որք այսր անդր հարկանիցեն զմիտսն, եղծանիցեն, զբանսն ստերիւրիցեն ՚ի դատաստանի . Արդարեւ յետին անօրէնութիւն է, փոխանակ ողորմելոյ և օգնական լինելոյ բանիւք ՚ի դատաստանն՝ թիւրեն և ստերիւրեն : Իսկ խորհուրդք արդարոցն հաստատուն կայցեն . ոչինչ հատանէ և ոչ ընդ մէջ արկանի . որպէս և եղին ՚ի մօի երեք մանկունքն՝ չպագանել երկիր պատկերին, և ոչ որ կարաց չըջել զմիտս նոցա . եղ ՚ի մօի և Պաւղոս չմատնել զքարոզութիւնն, և ոչ ինչ կարաց չըջել զմիտս նորա . զի որպէս աստուծոյն հաստատուն են, նոյնպէս և ծառայից նորա մնացականք . զի զոր ինչ խորհին՝ ոչ որ կարէ զխորհուրդն զայն ցրուել, ոչ մահ և ոչ այլ ինչ . որպէս և Պաւղոսն ասէր, եթէ Ոչ մահ և ոչ կեանք, ոչ հրեշտակք և ոչ հրեշտակապետք, ոչ իշխանութիւնք և ոչ զօրութիւնք, ոչ որ կանս և ոչ որ հանդերձեալքն իցեն, ոչ բարձրութիւնք և ոչ խորութիւնք, և ոչ այլ ինչ արարածք՝ կարեն զմեզ ՚ի սիրոյն Աստուծոյ մեկնել, որ ՚ի Քրիստոս Յիսուս ՚ի Տէր մեր : Քանզի այնպէս հաստատուն և մնացական է առաքինութիւնն, և չարիք՝ նմին հակառակ անկայական և անհաստատական : Ո՞րք զօրաւոր եղև քան զՆաբուքոդոնոսոր, որ ամենայն աշխարհաց առհասարակ տիրէր, և ընդ միով լծով փակեալ ունէր ըզտիեզերս, որում ոչ որ կարէր ՚ի բռանց և յիշխանաց ընդդէմ դառնալ, և դոյզն մատաղ մանկունքն՝ Աստուծոյ ահիւն չըջցին զմիտս նորա : Զի այսպիսի ինչ կամի վէմն և յորդորէ, եթէ Ամենայն՝ որ լսէ բանից իմոց, նման է առն իմաստնոյ՝ որ շինեաց զտուն իւր ՚ի վերայ վիմի :

« Կանայք մեծատունք, արիք և լուարուք բարբառոյ իմոյ . և դստերք՝ յուսով լուարուք զբանս իմ » : Բարւոք ասաց, եթէ արիք . քանզի յանհարին կործանուան կործանէ մեծութիւն, վասն որոյ և ասէ, եթէ արիք կանգնեցարուք ՚ի կործանմանէդ և լուարուք : « Եւ դստերք՝ յուսով » . այսինքն՝ համարձա-

1 Յօր. Զիւլհո-բդ . :

կեցարուք լսել. և զի՞նչ լսիցեն. « Աւեր լիցի, ասէ, ամենայն երկիր »: Եւ ընդէ՞ր զմեծատուն կանայսն կոչիցէ, որպէս և այլ թարգմանքն զերջանիկսն ասեն. զսոյն և միւս ևս մարդարէն բամբասէ. Որ ասիցեն, ասէ, ցտեարս իւրեանց, թէ տուք մեզ՝ զի արբցուք. քանզի և նոքա բազում անգամ լինէին արանց կորուսեան պատճառք, կոչէ զնոսա՝ ի պատուհաս: Եւ կամ զքաղաքս կոչէ կանայս, որպէս և յաջորդք իսկ յայտ առնեն:

« Յուշ լիցին աւուրքն տարեկանին, ցաւօք և կասկածանօք հանդերձ »: Զի յորժամ՝ ի վիշտս մատնիցին, յայնժամ յիշեացեն զուրախութիւն տօնիցն, և ցաւ և կասկած՝ ի սիրտն գործեացէ. և ամենայն բանիցն, որ զսորին հետ են՝ մի միտք են: « Մինչև եկեսցէ ՚ի վերայ ձեր ոգի ՚ի բարձանց », այսինքն այցելութիւն ՚ի բարձանց: « Եւ դարձցին՝ 1 և հանգիցեն յանապատի իրաւունք, և արդարութիւն ՚ի Քերմեղ բնակեացէ »: Քերմեղ՝ լեառն է առնութեաւ կաց երկրին Խորայեւացւոց. և յանուն լերինն՝ զփրկութիւն և զխաղաղութիւն երկրին առակէ. որպէս յորժամ յիշէ զիբանան և զմայրսն՝ զերկիրն և զժողովուրդն առակէ. և այս ամենայն յետ դարձին կատարէր ՚ի նոսա. վասն որոյ և ասէ իսկ, եթէ « Յուսացեալք զղիցին ՚ի նա՝ մինչև յաւիտեան և յաւիտեանս ». աստ ոչ եթէ զկատարած աշխարհին նշանակէ, այլ զժամանակս փրկութեան: « Այլ կարկուտն թէ արձակիցէ, ոչ եթէ ՚ի ձեր վերայ եկեսցէ »: Զի թէպէտ և յարեան զօրք բազումք ՚ի բազում ազգաց՝ յաւուրս Զօրաբաբելի, ոչ ինչ կարացին ստնանել նոցա: Դարձեալ և այլազգ. ևս. « Եղիցի անապատն՝ իբրև զՔերմեղ, և Քերմեղն՝ իբրև զանտառ համարիցի ». զի չեն ինչ ընդհատ քաղաքք յանապատից, ուր կոտորուածք գործիցին և հանապազորդ կռիւք լինիցին. բնաւ զի՞նչ ինդիր իցէ ատենից և դատաւորաց, ուր անօրէնութիւնք գործիցին. իսկ յորժամ անօրէնութիւնն ՚ի միջոյ բառնայցէ, ապա վայելէ երկիր խաղաղութեամբ:

1 Յօր. Ե- ՚ի Գոթի:

« Եւ եղիցին, ասէ, գործք արդարութեան՝ ՚ի խաղաղութեան » . և զիարդ արդեւք ուր մարտն և կռիւ ՚ի միջի կայցէ՝ անդ խաղաղութիւն իցէ . ըստ այնմ՝ եթէ Հոգին հակառակ կայ՝ մարմնոյն Թէ կամիցիմք՝ բնակեմք արդարութեամբ ՚ի խաղաղութեան քաղաքի, ուր բնաւ և պատճառք կռուոյ ուրեք ոչ երևին . զի որպէս մայր պատերազմաց՝ անիրաւութիւն է, նոյն պէս և մայր խաղաղութեան՝ արդարութիւնն է . և մի ՚ի նեղութիւն մարմնոյ ինչ հայիցիս, այլ ընդ այն՝ եթէ զմէ չաչ ՚ի նեղութենէն լինիցի . զի բազում անգամ մարտ և կռիւ՝ պատճառք խաղաղութեան լինին . զոր օրինակ մինչդեռ զօրականք պատերազմ տայցեն, քաղաքք և ռամիկք՝ ՚ի խաղաղութեան բնակեալ են . և յորժամ դադարիցեն վատութեամբ և ոչ կռուիցին ընդ թշնամիս, յայնժամ բառնայ ՚ի միջոյ խաղաղութիւն . նոյնպէս և աստ :

« Եւ հաստատիցի նոցա արդարութիւն ՚ի հանգիստ, և յուսացեալք եղիցին մինչև յաւիտեանս . և բնակեսցէ ժողովուրդ իմ ՚ի քաղաքս խաղաղութեան » . զի ոչ այնպէս այլ ինչ լինիցի հանգիստ ոգւոցն, և ոչ այնպէս ցածուցանիցէ զխիղճ մտացն, և ոչ այնպէս ինչ զուարճացուցանէ զմիտսն՝ իբրև զարդարութիւն, յորժամ չիցէ ինչ՝ որ ամբաստան լինիցի և լլկիցէ զխորհուրդսն : « Եւ յուսացեալք եղիցին մինչև յաւիտեան » . քանզի արդարութիւն ոչ գիտէ զժամանակաց փոփոխումն, ոչ զմարդկեղէն իրաց զծանրութիւնս . ամենայն այսպիսի ինչ մերժեալ, ընկեցեալ և արհամարհեալ է յաչս նորա :

« Եւ եղիցին՝ որ բնակեալ իցեն յանտառս, յուսացեալք իբրև զգաշտականսն » . զի որ առաքինութեամբ որ յանապատ տեղիսն կայցէ, քան ՚ի քաղաք՝ ևս զգուշագոյն բնակեսցէ . իսկ որ ՚ի չարիս թաթաւեալ իցէ, թէպէտ ընդ բիւրապատիկ պարսպովք բնակեսցէ, չէ ինչ ընդհատ քան զմերկս և զանդէնս . մեծամեծ բարիք են առաքինութիւն՝ առ ՚ի զգուշութիւն, մեծամեծ չարիք են մեղք՝ առ ՚ի մատնիչ լինելոյ յապակա-

1 Յօր. Օտար գրչաւ ՚ի վերայ եգեալ էր. Հոգին ցանկա հետեւի մարմնի :

նութիւն ¹ : Իմաստութիւն օգնեսցէ, ասէ, իմաստ-
նոյն, քան զտասն իշխանս քաղաքաց. զէն Հանճարոյ՝
չութունք իմաստունք : Այսպիսի կերպարանք վառե-
ցուք զանձինս. քան զայս սպառազինութիւն՝ չիք ինչ
զօրագոյն. և ոչ երբեք երևեցուցանէ զմեզ մերկս և
անզէնս : Զի՞նչ փնաս եղև Յոհաննու՝ յանապատական
բնութենէն. որոց փնասակարաց, կամ որպիսի աւա-
զակաց ետ երբեք ՚ի ձեռս զվայրագն. կամ զի՞նչ փնաս
եղև Կարմեղով լեռան՝ Եղիայի. ոչ ապաքէն պարըս-
պեալ քաղաքացն էր կասկած՝ քան զլերինն : Զիք
ինչ զգուշագոյն քան զառաքինութիւնն, և ոչինչ
տգեղագոյն՝ քան զչարութիւն : Զհաստատեսցին, ասէ,
ոտք նորա, և զեղիեալ են ճանապարհք նորա, և ոչ
գիրաւ ճանաչելիք. և զի՞նչ զարմանք իցեն, եթէ ՚ի
մարդկան նենգութեանց անըմբռնական եղև, ուր և
՚ի վերուստ եկելոց հասելոց հարուածոցն՝ գտաւ ամ-
բական : Զոյն ակնարկէ և Քրիստոս, ոչ զներքին ինչ
փորձութիւն, այլ որ ՚ի վերուստ գայցեն. Էջ, ասէ,
անձրև. անձրևս աստ՝ զառ ՚ի բարձանց եկեալ ինչ
՚ի վերայ փորձութիւնս կոչէ. և յարեան գետք ՚ի
գետս. զառ ՚ի ծառայակցաց ինչ նենգութիւնս. և
չնչեցին հողմք և ոչ կործանեցաւ : Կամքս, ցուցից քեզ
այսպիսի մյր՝ որ ՚ի վերուստ փորձեցաւ և ՚ի ներքուստ
նենգեցաւ, և ոչ ինչ փնասեցաւ, այլ և առ երկինս և
առ երկիր՝ կաց փնաց հաստատուն. Տէր ետ, ասէ, և
Տէր առ. որպէս և Տեառն կամք եղեն, նոյնպէս և կա-
տարեցան. տեսն՝ զանձրևն իջեալ՝ ՚ի վերուստ : Ահա
ւասիկ տաց, ասէ, քեզ իշխանութիւն ՚ի վերայ նորա.
տես և զառ մարդկանէ նենգութիւնան : Ասա, ասէ,
բան ինչ ՚ի Տէրն քո, և վճարեաց. այլ ոչ ինչ ասաց այս-
պիսի : Տեսն՝, որպէս բաղիւեաց զշինուածն՝ գետն, և
ոչ կործանեցաւ. քանզի հաստատեալ էին հիմունքն
՚ի վերայ վիմին ար...ացեալ ² Աստուծոյ երկիւղիւն :
« Երանի որ սերմանիցեն ընդ ամենայն ջրով ուր
եզն և էշ կոխիցեն » : Եւ զի՞նչ ինչ յայտ առնիցէ երա-
նութիւնս. այս՝ ըստ այլոց պատմութեանն, ասեն,

¹ Յօր. Աղախանութիւն :

² Յօր. Ի մաշմանէ թղթոյն՝ անընթեռնի. Թուի որոգոցեալ :

զդարձէն նշանակեալ: Ինձ այսպէս թուի, եթէ այլ իմն ակնարկէ. որք զկորդացեալ ոգիսն կակղիցեն, և վար երկրաւոր սերմանն պատրաստիցեն: Եւ ոչ ասաց, եթէ զամենայն երկիր, այլ՝ եթէ ընդ ամենայն ջրով զորեզն և էշ կոխիցեն. զի ոչ միայն Կոստանտնուպոլս փութայցեն, այլ զի և ՚ի չափ հասուցեալ պատրաստիցեն զարմտիս յըշտեմարանս կենաց:

ԳԼՈՒԽ ԼԳ

« Վայ այնոցիկ որ թշուառեցուցանիցեն զձեզ, բայց զձեզ ոչ դք առնէ թշուառականս »: Զի՞նչ խօսիսդ. զի եթէ թշուառեցուցանիցեն, զիմրդ չառնիցեն թշուառականս. զի նմա այսպէս թուի, բայց իրքն այսպէս ոչ վճարին: « Եւ որ անարգէն՝ ոչ զձեզ անարգէ, այլ զանձն » . քանզի չեն հաստատուն իրքն. և թէ անզգամ լինիցիս՝ միայն պեղեսցես. բայց սակայն տեսանեմք զբաղումն, զի և այլոց լինին փնասակարք. այլ ոչ դք այլում լինի փնասակար, այլ իւրաքանչիւր անձանց փնասակարք. զի չարն՝ իւր չար է. Սիրտ, ասէ, անզգամի՞ ցաւք են. միթէ այլ ումք. այլ ստացողին: Բարկութիւն՝ կորուսանէ զիմաստունն. Եւր ցասկոտ՝ տխեղծ է կերպարանօք. ոչ զնորա ինչ գոյն փոխէ՝ որում ցասուն, այլ զիւր. զի թէպէտ և նա թշնամանիցի, այլ որ ցասուն՝ վերս առնու ՚ի սիրտն: Եւ դարձեալ ասէ, եթէ Որպէս ազոխ ատամանց փնասէ և Ժուխ աչաց, նոյնպէս և անօրէնութիւն այնոցիկ՝ որ կրիցեն զնա. զի ՚ի կապանս անձին իւրոյ շաղի ամենայն դք, և անօրէնութիւնք՝ զայր կորուսանեն: « Եւ իբրև զքեց ՚ի վերայ ձորձոց, այսպէս մատնեսցին »:

« Տէր, ողորմեաց մեզ, զի մեք ՚ի քեզ յուսացեալ եմք »: Տեսանեմ, զի ողորմականացն ոչ վայրապար պարտ էր ողորմել. չունին ինչ ուղղութիւնս, չկայցեն ինչ վաստակք և ճգունք, գէթ հաւատովք միայն ժտեաց և առնուս: Եւ ամենայն ուրեք տեսանեմք, զի որք ողորմութիւն գտին՝ այսպէս գտին: Սնկաւ առ

ոտան, ասէ, և աղաչէր, եթէ երկայնամիտ լեր և հա-
տուցից. և որ եկեալն Թախանձէր զբարեկամն 'ի
գիշերի, Թէպէտ և վասն բարեկամութեանն չառ-
յանձն տալ, սակայն վասն ժողովեանն հաւանեցաւ.
և ոչխարն որ յիննսուն և յինն ոչխարացն էր կորուսեալ,
խնդրեցաւ և գտաւ, և եղև պատուական հովուին: Եւ
պարտ է խնդրել. զի եթէ ողորմի Աստուած, ընդէր
ոչ ամենեցուն ողորմիցի. զի ուր ողորմութիւն է, անդ
պատուոյ ինչ խնդիր չիք, ոչ վարուց և ոչ ուղղու-
թեանց ինչ պէտք. և եթէ այդպէս իցէ, ապա ամե-
նեցուն պարտ էր ողորմել. զի եթէ ըստ Աստուծոյ
մարդասիրութեանն իցէ ամենայն ինչ՝ որ լինիցի, ապա
մի ասեր, եթէ այս անուն արժանի է, և այս անուն
չէ արժանի. իսկ յորժամ խնդրիցէ՝ չիք անդ ժամա-
նակ այսպիսի բանից. իսկ յորժամ աստ մարդասիրու-
թիւնն՝ լինիցի փրկութիւն, ելլէ 'ի բաց ճառ անար-
ժանին և արժանաւորին:

Եւ արդ զիմրդ ասիցէ, Թէ Ողորմեցայց՝ որում ու-
ղորմեցայց, և գթացայց՝ յորս գթայցեմ. յայտ առնէ
Թէ ոչ վայրապար ումք ողորմի, այլ են արժանիք և
անարժանք: Ամենեքեան իսկ արժանի են փրկութեան
Թէ կամին, բայց ոչ ամենեքեան արժանի ողորմու-
թեան, քանզի ոչ կամին. և անտի յայտ են արժանիքն
և անարժանքն: Եւ զիմրդ իցէ, ասէ, այդ 'ի դէպ-
ես ասեմ 'ի գրոց և ոչ 'ի մտաց ինչ. պարտէր մին բիւր
տաղանդ, պարտէր և միւսն հարիւր դահեկան, և եր-
կոքեանն ընդ պարտեօք էին. պարտ էր փրկութիւն
գտանել եթէ ոչ. ասեմ եթէ պարտ էր, և կարի քաջ.
և անդ ոչ եթէ արժանաւորութիւն ուրուք խնդրէր,
քանզի երկոքեանն ընդ պարտեօք էին. և տեսանեմք
զմին, զի յետ Թողութեանն՝ զրկեաց զանձն 'ի մար-
դասիրութենէ անտի: Եկն և Որդին Աստուծոյ, կիսոցն
Թողոր զմեղսն, և զկէսս կոչէր. ռմանք մերձեցան և
ռմանք ոչ մերձեցան. և յայտ է եթէ ողորմի, այլ ոչ
բռնութեամբ կամ 'ի հարկէ, կամ եթէ յորժամ ոչ
կամիցին՝ որ զողորմութիւնն խնդրիցեն. այլ զայն մի-
այն պարտի ցուցանել, որ զողորմութիւնն հայցիցէ, զի
ցանկայցէ ողորմութեան և կամիցի, զի այնպէս և ի-
մանալ մարթիցէ և զնորհս ողորմութեանն. ապա

Թէ այլազգ ինչ յուլանայցէ, զիմրդ իմանայցէ զՋրոյն փրկութիւն կամ զշնորհացն առաւելութիւն: Եւ ով որ, ասեն, այնչափ անմիտ իցէ կամ հէք և կամ թըշուառական, որ զբիւր չարիս գործեալ իցէ, և Աստուծոյ մարդասիրութեան ոչ ցանկանայցէ և փրկել ոչ կամիցին: Բազումք են և յոյժ անթիւ. զի յորժամ եկն Քրիստոս պարգեւել զմեղացն թողութիւն, ընդէր ոչ կամեցան Հրեայք ապրել. որոց և ասէր իսկ, եթէ Բազում անգամ կամեցայ ժողովել զմանկունսքս, և ոչ կամեցարուք. տեսանեն, զի և նոքա ոչ կամեցան: Զի՞նչ դիւրագոյն կայցէ քան զաղօթս. և թէ չկամիցիս կալ յաղօթս, և զիմրդ կամիցիս գտանել ողորմութիւն, և արդ որ հայցել ոչ կամիցի զթողութիւն, զիմրդ ցանկայցէ թողութեան. միթէ ուղղութիւնք ինչ խնդրիցին և չկարիցեն բաւական լինել, կամ քիրտն կամ վաստակ կամ ճգնութիւն. Խնդրեա միայն, ասէ. և դու և զայդ ևս ոչ կամիս, այլ զսիմոնական զմիտման ունիս, որ ասէր. Աղաչեցէք զՏէր վասն իմ. և զայն ոչ գիտես՝ զի որչափ իցէ որ մեծ և պանծելի, այն որ վասն քոյն աղաչիցէ, ոչ այնպէս աղաչի նմա Աստուած, որպէս և քոյովն աղօթիւքն. և եթէ պիղծ իցես և անհամարձակ, այլ ցանկալի են քո աղօթքն՝ Աստուծոյ, քան զսրբոյն և հՀամարձակին. քանզի ոչ եթէ պատուի ինչ ցանկայ Աստուած, եթէ զքեզ մերժիցէ և զնա մեծարիցէ. մի միայն խնդրէ Աստուած, զի ընտանութիւն կալցիս ընդ նմա: Եւ արդ ընդէր արդեւք մերժէր զաղօթման Երեմիայի մարգարէին, որ բազում անգամ աղօթս մատուցանէր վասն Հրէիցն. ոչ ապաքէն զի յորդորեսցէ զնոսա՝ ի վերայ անձանց կարդալ առ Աստուած. Մի, ասէ, կար յաղօթս վասն ժողովրդեանդ այդորիկ. և յարէ անդրէն՝ ի նոյն, եթէ Ո՛չ տեսանես զի՞նչ դժայդ գործեն. դոցա, ասէ, չէ ինչ փոյթ, և դու կամիս, կոծիս, ողբաս և գոչես: Բայց մեք աղաչեսցուք և սրբուք, այլ բազում յոյս՝ ի մերոյն աղօթս ունիցիմք. քանզի և մաքսաւորն ոչ աղաչեաց զվերակացուն իւր առ ի յԱստուծոյ, այլ ինքնին այնչափ կարող եղև՝ որչափ ոչ լինին կարող բիւրք վերակացուք արդարք, որք աղաչէին արդեւք վասն նորա զԱս.

տուած։ Մի ասեր, եթէ չունիմ աղօթս, չեմ արժա-
նի, չեմ համարձակ. կարևոր իմն պատճառս զաղօ-
թիցն ասես¹ ինձ, զորս անարժանութեան և լու-
թեան պատճառ կարծես։ Չիցեն արժանի, չիցեն հա-
մարձակ. թէ այդպէս իցէ դիր դեղ ցաւոցն զաղօթմն.
լուր զինչ ասէին երեք մանկունքն, թէ Չիք մեզ բա-
նալ զբերան, զի ամօթ և նախատինք եղեն ծառայից
քոց և պաշտօնէից։ Եւ արդ, զիարդ չեղև արդեւք
նոցա բանալ զբերանս. այլ բացան բերանք և աղա-
չեցին և առին՝ զոր ինչ խնդրեցինն. և մեք ընդ նմին
բարբառոյ աղաչեսցուք։ Զոր ինձդ ասես եթէ չեմ
արժանի, չեմ համարձակ, զդոյն՝ հասարակաց Տեառն
ասա, և վաղվաղակի առնուս համարձակութիւն. ոչ
տայցէ քեզ խիղճ մտացդ հայելի վեր համարձակու-
թեամբ. դոյն իսկ այդ՝ եղև շահ մաքսաւորին։ Զոր
կարծեսդ՝ եթէ խափան իցէ աղօթիցդ, դա է՝ որ առնէ
սուրբ զաղօթսդ։ Այսպիսի միտք և բանք ոչ միայն
յանցաւորաց վայելեն, այլ և այնոցիկ՝ որ զուղղու-
թիւնս ինչ կատարեցին. որպէս Աբրահամ յորժամ
հայցել իմն կամէր յԱստուծոյ, ասէր. Բայց ես հող
եմ և մոխիր. քանզի զմտաց ինչ խիղճ՝ ոչ ունէր ի
սրտի, վասն այնորիկ ՚ի² բնութեանն նուազութիւն
ընթացաւ, զի այնու զիջուցանիցէ զմտացն հպարտու-
թիւն. և Պաւլոս ասէր, եթէ Ես որդն եմ և ոչ եմ
մարդ։

Բազում անգամ դարձար ընդդէմ Տեառն. վասն
այնորիկ կաս անդէն ՚ի մեղս, զի և այլ ևս մեղս ՚ի վե-
րայ մեղաց դիցես, յորժամ ոչ մերձենայցես և աղա-
չիցես. տես զմարդարէն, զիարդ ՚ի վերայ բազմաց ա-
ղաչէր. « Տէր, ողորմեաց մեզ, ասէր, զի մեք ՚ի քեզ
յուսացեալ եմք »։ Զինչ ինչ լաւ կայցէ քան զայսպի-
սի աղօթս. յորժամ ոչ վասն միոյ, այլ վասն ամենայն
անդամոց եկեղեցւոյ առհասարակ աղօթս մատուցա-
նիցէ. զի այնպէս հաճ ունէր ընդ իւր զԱստուած, զի
՚ի վերայ հասարակաց աղաչէր և վասն ամենեցուն
հոգայր, և զպատճառս ևս աղօթիցն ասէր. « Զի քեզ,
ասէ, յուսացեալ եմք »։ Ասա և դու այսպէս ինչ. մի-

¹ Յոր. Աւետի.

² Յոր. Զեբ. Դ.

Թէ սակաւ ինչ իցէ Աստուծոյ մարդասիրութիւնն . միթէ քո չարիքն՝ չափոյ նորա բարերարութեանն յաղ թէ՛ կարիցեն . զի որպէս կայծակն ինչ փոքր՝ ի համատարածն ծովու , նոյնչափ և ես նուազագոյն մեղքն և չարիք մարդկան՝ առ Աստուծոյ մարդասիրութիւնն : Կամլիս ուսանել զնորա զօրութիւնն . կամզք միայն և՛ զանպատասպարանն և զդատապարտեալս և զթշնամիս և զօտարացեալս և զանյոյսս և զանաստուածս յաշխարհիս՝ արար իւր որդիս և ժառանգակիցս իւրոյ Միածնին : Կամլիս ուսանել որչափ ինչ զօրութիւն ունի առ ՚ի մեղացն սատակումն . Եթէ իցեն , ասէ , մեղքն ձեր իբրեւ զձանձախարիթ , իբրեւ զձիւն սպիտակ արարից . և այլուր զեւ դիւրագոյն . Յանեացես յիս զոպայիւ , և սուրբ եղէց . այսինքն՝ Ժազիկ ինչ է՝ զոր Թանային յարեան , և սրկէին զյանցաւորքն ժողովրդեանն . Լուսացես զիս , և քան զձիւն սպիտակ եղէց . զի եթէ լինելն իսկ ոգւոցն՝ առ ՚ի նորա մարդասիրութենէն են , որչափ եւս առաւել սրբիլն և անաղտ լինել : Մի ոք վհատեցի՝ անհնարին համարել զփոփոխումն , զի և այն եւս գրելաւոր է մեղացն . քանզի և մեղքն այլ ինչ ոչ են , այլ զի յորժամ առանց Աստուծոյ կամացն՝ գործ ինչ գործիցի . և յապաշխարութիւն չդառնալ՝ արտաքոյ նորա կամացն է : Ամենեցուն ինքն է տէր՝ և բնութեանց անձնիշխանութեանց . կամեցաւ՝ և հաստատեցան երկինք . եթէ կամի միայն , և անդէն լինիս դու սուրբ . Աստուած է , ասէ , որ արդարացուցանէ , և ո՛վ է որ դատապարտիցէ : Մի ՚ի բազմութիւն քոց մեղացն հայիցիս , այլ յԱստուծոյ յանբաւ մարդասիրութիւնն . մեծամեծ իցեն ցաւքն , այլ առաւել մեծ է բժիշկն . ահագին է ձմեռն , այլ իմաստուն է նաւապետն . ՚ի յուսահատութեան կործանեալ իցեն ոգիքն , այլ կազմ են դեղքն յետ յուսահատութեանն . և չիք ինչ՝ որ նմա յաղթել կարիցէ , կամ անցանել ըստ նորա ուղորմութիւնն . ասէ . Այսօր եթէ ձայնի իմում լուիցէք : Զի՞նչ չար կայցէ քան զաւազակ , և լոկ բանիւ ՚ի միում վայրկենի յառաջ քան զգունդն սրբոց եմուտ ՚ի դրախտն . զի ՚ի մեղսն և եթ հայել և խիթալ՝ այնք միայն է՝ որ յուսացեալ ապաստան իցէ յԱստուծոյ մարդասիրութիւնն . զի յորժամ բարեկամ զոք ունիցիսիք ,

Թէպէտ և բիւր յանցանս յանցեալ իցէ, սակայն ոչ
 ինչ զանգիտեմք, յուսացեալ ի սէր բարեկամի. ապա
 Թէ զանգիտիցեմք ինչ ապաստան լինել ի սէրն, մեք
 մեզէն կորուսանեմք զհամարձակութիւնս. Ոչ ապաքէն
 որդին օծտող վասն այնորիկ արժանի եղև փրկու-
 Թեան, զի Թէպէտ և այնչափ ակնկորեալ էր չա-
 րեօքն զոր գործեաց, սակայն ժտեցաւ դիմել գալ առ
 հայրն. վասն էր այնպէս լըջմիտ ընկալաւ զնա. զի՞նչ
 ինչ ուղղութիւնս ետես ի նմա. միթէ կամուս ինչ և
 առ դիւրն եկն. ոչ առ սովոյ հարկի, և ոչ առ ճե-
 պի աղքատութեանն և անարգանացն բռնի վարելոյ
 և ածելոյ. այլ հայրն զայնր ամենայնի հաւաստիմն
 ոչ ինչ պահանջեաց, քանզի գիտէր ճարտար զամե-
 նայն. այլ ետես ծիւրեալ ծնկեալ, երիթացեալ, ծա-
 րաւեալ, և զայն իմն ցանկալի համարեցաւ. զի Թէ-
 պէտ և առ վշտի դիմեաց գալ, ընկալաւ զորդին. զի
 յորժամ դառնայցեմք առ Աստուած՝ ընդունիցի զմեզ
 գրկատարած ձեռօք, Թէպէտ և առ վշտի և կամառ
 կարիս դիմիցեմք առ նա. զի յորժամ սիրիցէ որ զոր,
 զամենայն փնաս Թողեալ՝ զմի և եթ խնդրէ, զերեսս
 սիրելեաց տեսանել. և շնորհս ևս ունի վշտացն՝ որ
 ստիպեցին զնա գնալ առ նա. Քանզի և Հրէից ոչ այլ
 ինչ արար աղաղակել առ Աստուած, այլ նեղութիւն
 և աղիւսարկին չարչարանք. միթէ կամք, միթէ մտաց
 ինչ յօժարութիւն. ոչ ապաքէն յորժամ սպանանէր
 զնոսա՝ յայնժամ խնդրէին զնա. և արդ զիմրդ, զի
 յայնժամ միայն խնդրէին զնա, միթէ մերժէր զնոսա
 յանձնէ. և ոչ երբեք. զի ցանկալի է Աստուծոյ, զի և
 յորժամ առ վշտի դիմիցեմք առ նա՝ ընդունել զմեզ.
 և այնպէս ցանկալի՝ զի և զվիշտսն ևս ինքն համարի
 ածել ի վերայ նորա. Թէ ոչ, ընդէր իսկ սպառնայցէ
 զքեհներն և հանապազօր երկեցուցանէր զմեզ. ոչ ա-
 պաքէն՝ զի առ ինքն դարձուցանիցէ. և ընդէր արար
 զմեզ բազում իրաց կարօտս. ոչ ապաքէն զի գոնեա
 վասն կարօտութեանն առ նա դիմեսցուք. Դարձեալ
 այլ իմն պատճառք. տես, զի՞նչ ասէ. Խրատեսցէ զքեզ,
 ասէ, ապստամբութիւն քո, և չարիքն քո՝ յանդիմա-
 նեացն զքեզ, զի ծանիցես և գիտացես՝ եթէ դառն
 է քեզ և չար՝ Թողուն զիս. ոչ կամիս բանիւք զգաս-

տանալ. Թոյլ տամարդեամբք խրատել. ես ոչ ինչ կամէի զայդ, բայց որովհետեւ դու զայդ կամեցար, չեղէց դիմադարձքոց կամացդ: Եւ տես զՏայրն գլխած, զի ոչ բանս ինչ ողորթս և ոչ բարբառս ինչ աղերսականս լուաւ, այլ միայն ետես և գիրկս տարածեաց: Զինչ ինչ ուզողութիւնս տեսեր, զի այդպէս սիրով ընդ առաջ ելեր. և ոչ այսչափ միայն, այլ քան զայն՝ որոյ զուգըութիւնս էր գործեալ առաւելագոյն պատուեաց. և այն չէր արդեւք բաւական զոյգ այլոցն համարել, այլ առաւել ևս պատուոյ արժանի լինել: Եթէ այդպէս իցէ, քան զայն՝ որ ոչն մեղանչիցեն, մեղաւորքն լաւ են: Ոչ եթէ մեղաւորքն լաւ իցեն, այլ որք կարող իցեն յետ մեղացն դառնալ. և աստ՝ յայտ առնէ, Թէ մարթի մեղաւորին և անկելոյն ևս՝ լաւ լինել քան զառաջինս:

« Եւ եղև զաւակն ապստամբողաց ՚ի կորուստ, և ծնունդքնոցա ապականեցան »: Ոչ սատակէ Աստուած զամենայն չարս, և ոչ Թողու. ոչ սատակէ՝ զի ընտիրքն երևելիք լինիցին. բայց և ոչ Թողու՝ զի զայլն զքաստացուցէ և զարթուցէ: Զի Թէ զամենեսեան սատակէր, ապա և զձգանցն իսկ բարուրս ՚ի միջոյ բառնայր. և Թէ Թողոյր ամենեցուն, ծուլացուցանէր զամենայն կենդանիս, և դժուարակատար զառաքինութիւնսն գործէր, և չպատժելով զմնասակարսն՝ զառաքինեացն զվաստական խափանէր:

« Այլ մեր փրկութիւն ՚ի քէն է և ՚ի ժամանակս նեղութեան. վասն ձայնի սաստից քոյ՝ յիմարեցան ժողովուրդք »: Իբր ոչ եթէ ձայն գուցէ Աստուծոյ, քաւ լիցի. զի այն՝ մարմնոյ է և մարմնոյ յօդականաց պէսպէս անդամբ. այլ զանջան յաղթութեանն դիւրութիւն յայտ առնէ այսուիկ: « Բայց արդ ժողովէ զկապուտն ձեր՝ փոքրկանց մինչև ՚ի մեծամեծս. զոր օրինակ ժողովեցէ որ զմարախ, այնպէս խաղայցեն ձեւք ՚ի խորխորատիցն իւրեանց »: Բարիքը ասաց՝ խորխորատից, զի խորխորատ՝ զժողովուրդան և զմեծերս կոչէ:

« Սուրբ է Տէր Աստուած՝ որ բնակեալ է ՚ի բարձունս »: Եւ զի ասիցես՝ Թէ ՚ի բարձունս տեղիս. ոչ միայն անդ, այլ և ՚ի յոգիս բարձրացեալս. և չրթունք

արդարոց ճանաչեն զբարձունս, և որք երկիր պագանեն նմա՝ հոգւովն ճշմարտութեամբ պարտ է երկիր պագանել նմա: Բարձրեալ այն է՝ որ յերկրէ և յերկրաւորացս հեռի իցէ. քանզի ոչ էթէ վայրապար ինչ պարտ իցէ ՚ի բաց կալ ՚ի կենցաղականացս, այլ բազում անջրպետութեամբ, և այնչափ՝ որչափ մեռեալք ՚ի կենդանեաց. զի թէպէտ և հեռանայցես և անդրէն մօտ կայցես, վաղվաղակի անկանիցիս ՚ի բուռն. Հեռի արա, ասէ, ՚ի նմանէ զճանապարհս քո: Բազում անջրպետութիւն պարտ է առնել ընդ անպիտանութիւն և ընդ պիտանութիւն. զի թէպէտ և գլորիցիս՝ մի վաղվաղակի ՚ի խորխորատ անկանիցիս, այլ զի պատըսպարել և յառնել կարիցես, զի հաստատեալ կայցես հանապազ գգուշութեամբ:

« Եւ Երաւ Սիրովն իրաւամբք և արդարութեամբ. օրինաբ¹ մատնեսցին » . զի ըստ արդար դատաստանին Աստուծոյ լինիցի վճիռն: « Եւ ՚ի գանձս է փրկութիւն մեր » . այսինքն՝ ՚ի գգուշութեան, Մի որ վհատեսցէ, մի որ զանգիտիցէ, քան զամենայն ինչ՝ զայս պարտ է նախ խնդրել, որ է մայր ամենայն առաքինութեանց, զի յորժամ ոչ զրկիցէ զոք, և ոչ այլոց արարոց ցանկանայցէ՝ ՚ի խաղաղութեան բնակեսցէ, ամենեցուն ցանկալի և սիրելի, Եւ ոչ վայրապար ինչ արդարութիւն ասէ. այլ թէ Երաւ իսկ արդարութեամբ, Եւ այս իսկ է խնդիր, զի եթէ յընչից կողմանէ արդար իցես, և յայլ իրս չիցես արդար, կէս ֆնասի է արդարութիւնն. նա և զմեծութիւնն, թէպէտ և ոչ տեսանիցես, բայց գիտիցես՝ թէ քեզ պահեալ կայցէ՝ վստահ լինիցիս. սոյնպէս և վասն մերոյ փրկութեան պատրաստեալ կայ քեզ մեծութիւն ՚ի գանձս ծածկեալս. և այժմ ոչ երևի, զի մի նենգիցի ինչ ուստեք. այլ մի կարծիցես թէ աղքատ իցես, թէպէտ և ոչինչ երևեսցի այժմ՝ ՚ի հրապարակս, Եւ վասն էր արդեւք այժմ ոչ երևեսցին փառքն. մանաւանդ զի և այժմ իսկ երևին. քանզի և ով որ փառաւորի քան զառաքեալն, կամ մեծարոյ և պատուական քան զմարգարէսն՝ որ զամենայն տիեզերս ընդհանուր կալան: Եւ այլազգ ևս. ոչ կամի այժմ

1 Յօր. Արդարութեամբ օրինացն մատնեսցին:

յայտնի առնել այնոցիկ՝ որ ճգնեն ինչ կամիցին, զի՝ տացէ ժամանակ. այլ, ասեն, ևս յօժարագոյնք լինէաք, եթէ զփառան տեսանէաք. այլ ևս իմն լքանէաք, զի մեծամեծ իմն համարէաք զկարեացն ճգնութիւն:

« Եկն իմաստութիւն և հանճար »: Ակիղաս և Սիմաքոս՝ փոխանակ հանճարոյ՝ գիտութիւն ասեն, և փոխանակ աստուածպաշտութեան՝ երկիրդ և աստուածպաշտութիւն՝ առ Տէր: « Այս են գանձք արդարութեան »: զի գիրք՝ իմաստութիւն ամենայն ուրեք զերկիրն սովոր են կոչել. և հանճար և աստուածպաշտութիւն հեռացեալ մերժեալ է. ով արդեւք ած մերձեցոյց զնա. պատիժքն. այս են գանձք արդարութեան, այսինքն՝ զի զգուշութեամբ հաստատեալ ունին զարդարութիւն. զի երկիրդ Աստուծոյ՝ զամենայն ինչ կարող է առնել յանձին:

« Ահա աւադիկ յահէ ձերմէ երկիցեն նոքա, յորոց դուք երկնէիք. բողոք բարձցեն յերեսաց ձերոց »: զառաւելութիւնն Աստուծոյ՝ զգորավիգն օգնականութեանն յայտ առնէ, յորժամ զժառայս ՚ի վերոյ քան զտեսարս առնիցէ. զի ծանիցեն՝ եթէ ոչ նոքա իւրեանց ինչ քաջութեամբն կալան, և ոչ սղքա վասն անձանց ինչ տկարութեան մատնեցան, այլ ամենայն ուրեք առաքինութիւն և ծուլութիւն են պատճառք, և յամենայն վայրի զօրութիւնն և արդարութիւնն Աստուծոյ երևի. զի ոչ յիւրսն ինայէ՝ յորժամ մեղանչիցեն, և ոչ յօտարացն ՚ի պարտութիւն մատնի, յորժամ կայցեն մնայցեն անդէն ՚ի նոյն չարիս: Այսպէս յորժամ տեսանիցես ՚ի տանջանս զԲաբելոնացիսն՝ զարմացիր ընդ արդարութիւնն նորա, զի զիւրսն և զօտարոտիսն՝ միով կշռով դատաստանին դատեցաւ. զի առաքինութիւնն և ծուլութիւն միայն առնեն կամ արդարացեալ կամ պատժապարտս. զամենեսեան առհասարակ արար, զամենեսեան զոյգ սիրէ. դարձեալ առհասարակ իբրեւ գործք ձեռաց իւրոց՝ ամենեքեան կենդանացան. այլ ՚ի պարգևս և ՚ի պատիժս՝ ոչ ամենեքեան առհասարակ. զի չարք և բարիք ինքեանք եղեն կամօք. և վասն այնորիկ ՚ի կէսս ² դառնայ և կիսոցն երեսս դարձու:

1 Յօր. 2:14:

2 Յօր. 2:14, այլ օտար գրչաւ՝ 1:14:

ցանկ, և զկէսս ատեայ և մերժեայ, և զայլ մատուցանէ և սիրէ: Երկու բնականութիւնք են ընդ Աստուծոյ. մի՛ ըստ արարչութեանն, և միւս եւ՝ ըստ առաքինութեանն:

« Հրեշտակք արձակեցին դառնապէս, բայց են 'ի խնդիր խաղաղութեան. զի հատցին ճանապարհք նոցա. դադարեաց ահն հեթանոսաց, և բարձաւ ուխտն 'ի միջոյնոցա, և մի ինչ համարիցիք զնոսա 'ի մարդիկ » . այսպիսի ինչ գործ Աստուծոյ է: « Սուգ Եւ երկիր, զամօթ զգեցաւ Լիբանան, մարդագետին համարեցաւ Սարոջն, յայտնի եղև Գալիլիա և Բերմեղ: Արդ յարեայց, ասէ Տէր, արդ փառաւորեցայց, արդ բարձրացայց, արդ տեսլիք, արդ իմասլիք » : Նա և յայնժամ իսկ յարեաւ, քանզի նա մատնեաց զնոսա, այլ ոչ այնպէս յայտ ինչ էին իրքն. ունել ունի զիր փառաւորութիւն առ յիւրմէ բնութենէն. բայց ասէ զինքենէ և ըստ մարդկեղէն մտաց: Եւ ոչ ասաց, թէ այժմ դիմեցից 'ի վերայ, այլ ասէ՝ յարեայց. զի բաւական է յառնելն միայն, և ամենեքին 'ի փախուստ դառնան: Ասէ. Բարիցէ Աստուած և ցրուեսցին թըշնամիք նորա. թէպէտև այս եւ թանձրագոյն իցէ և անարժան աստուածեղէն բնութեան. զի մարմնոց սեփական է յառնելն, որք յառաջ քան զյառնելն՝ նստիցին. այլ թէպէտև թանձրագոյն իցէ, քան զայլսն նրբագոյն է: Անուանէ իւր և փառս, զի յորժամ անհաւատ լինիցիս, եթէ զքեզ 'ի լուսաւորութիւն փոխելոց է, լինիցիս յայնմանէ հաւատալ: Այսպիսի իմն պատուէրս հաւատարիմս տայր և Պաւղոս. ի փրկութիւն, ասէ, փառաց նորա. ոչ ասեմ թէ վասն ձեր ինչ առնեմ, այլ վասն իմոց փառացն առնեմ զայս, զի հաւատայցէք: « Արդ բարձրացայց », այսինքն յայտնի եղէց. քանզի թուէր խոնարհ հանդերձ ժողովրդեամբն. և արդն ասելով զմօտաւոր ժամանակն յայտ առնէ, և ոչ հեռաւոր ինչ զկանխասաց. զի մի կարծիցէք եթէ յապաղիցեմ ինչ, ոչ ասեմ թէ լիցէք, արդ զձեզ իսկ տեսողս արարից նորոց ուղղութեանցն. « Արդ 'ի միտ առջիւք » . սբարտ էր 'ի վաղուց հետէ իմա նալ:

« Մնոտի եղիցի զօրութիւն ոգւոց ձերոց, և զձեզ

Հուր կերիցէ : Եւ եղիցին Հեթանոսք իբրեւ զփուշ յա-
գարակի այրեցեալք և ընկեցեալք » . և ոչ իբրեւ ըզ-
փայտ ինչ, այլ իբրեւ զանպտուղ փուշ, 'ի միասին տա-
րածամ' այնպէս այրեսցին վաղվաղակի . քանզի ոչ
երբեք զպտղաբեր ինչ փայտ այրէ Աստուած, զի մի
կարծիցես եթէ վասն Հեթանոսաց ինչ լինիցի, ասէ .
« Զի սնոտի ձերոց ոգւոցդ զօրութիւն . վասն այնո-
րիկ այրեսջիք 'ի հուր իբրեւ զփուշ » . զի որպէս փուշն՝
հրոյն պիտանացուն է, նոյնպէս և նոքա բարկութեանն
պատրաստականք :

« Լուիցեն հեթանոսք՝ զոր արարի . ծանիցեն մեր-
ձաւորք զօրութիւնս իմ » : Սոքա ծանիցեն, բայց նոքա
լուիցեն . որ մանաւանդ տրտմեցուցանէր զՀրեայն
ունել բազում վկայս իւրեանց աղետիցն . և ուղղու-
թեանցն յայտնի լինիցին պատճառք ամենայնի, զի
մի ծածկեալ լինիցին 'ի միում կողմանց տիեզերաց, ա-
մենայն ուրեք հասանիցէ, և անցանիցէ ընդ ամենայն
երկիր :

« Մեկնեցան 'ի Սիոնէ անօրէնք . ահ կալի զամ-
բարիշտ » . զի յորժամ պատճառքն 'ի միջոյ բառնայ-
ցէ, որովք ոչ տացէ 'ի ձեռս կորնչել և փնասել 'ի թըշ-
նամեաց, չիցէ ինչ այնուհետեւ որ արգելուցու :

« Ո՞վ պատմեսցէ ձեզ եթէ հուր վառեալ է, կամ
ո՞վ պատմեսցէ ձեզ զտեղւոյն յաւիտենից » : Վասն դար
ձին, ասեն, ասէ . բայց ինձ այսպէս թուի, թէ և
զհանդերձելոցն ակնարկիցէ . ո՞վ պատմեսցէ ձեզ եթէ
հուր վառեալ է զքեհներն . հուր՝ զոր Քրիստոսն կու-
չէր տեղի յաւիտենից, քանզի ոչ գոյ նորա վախճան :
« Որ գնայ արդարութեամբ » 'ի Քրիստոս, « Եւ խօ-
սի զուղղորդս 'ի ճանապարհի » : Են բազումք՝ որ ըստ
իրաւանցն գնան . ոչ զի սիրեցին զիրաւունս, այլ վասն
Աստուծոյ երկիւղին . իսկ իրաւացին ոչ այսպէս, այլ
« Ատեայ զանօրէնութիւն . զձեռս իւր թօթափէ 'ի
կաշառաց, ծանրացուցանէ զլսելիս՝ զի մի լուիցեն
զդատաստանս արեան » . կամ անիրաւութիւն զարիսն
կոչէ՝ զոր ոչ կամի բնաւ լսել . զի և այն իսկ առաքի-
նութիւն է . Արդար, ասէ, ոչ հայի 'ի շրթունս սուտս .
որպէս չէ պարտ տեսանել զարիսն, նոյնպէս և ոչ
լսել :

« Սա, ասէ, բնականցէ 'ի բարձրացեալ այրին վիմին հջորի » . այսինքն է՝ զգուշութեան, զի ոչ վաղվաղակի անկանիցի 'ի ձեռս չարեաց : « Խնու զայս իւր՝ զի մի տեսցէ զանիրաւութիւն . հաց տացի նմա, և ջուր նորս հաւատարիմ » , հաստատուն, սերտ . փափկութիւն նորա անըմբռնելի, անփոփոխական . և արդ իմ իմիջ արժանի իցէ սա :

« Զթագաւորն փառաց տեսջիք, և աչք ձեր տեսցեն զերկիրն հեռաւոր » . ոչ եթէ տեսլեամք, այլ հաւատովք տեսանեմք : Եւ տես զյաջորդն՝ որ քան զամենայն ևս լաւագոյն է . « Եւ որդիք ձեր խորհեցան յերկիւղ Տեառն . ո՞ր են դպիրքն . ո՞ր են խորհրդակիցքն » . այս ամենայն բարիք եղեն, ասէ, առանց իմաստնոց հնարից և գրագիտաց : « Ո՛ւր իցէ՝ որ համարիցի զվարձս մեծ և փոքր ժողովրդեանն, ընդ որում ոչ ինչ խորհեցաւ . զի և գիտէր ինչ ոչ . ծանրաձայն ժողովուրդ յուսացեալ, և ոչ գոյ լսելեացն իմաստութիւն » . ոչ՝ վասն զի ոչ գոյին խորհրդականք, վասն այնորիկ այսպէս եղև, այլ զի ժողովուրդ էր, յորում ոչ գոյր իմաստութիւն . ամենայն չարեաց պատճառք՝ անմտութիւն է :

« Ահա աւասիկ Սիովն քաղաք փրկութեան մերոյ, աչք քո տեսցեն և զԵրուսաղէմ քաղաք մեծացեալ . խորանք քո ոչ տատանիցեն, և մի շարժեցին ցիցք խորանի նորա յաւիտեանս ժամանակաց, և մի խզեսցին ապաւանդակք նորա » : Եւ արդ ոչ արդեւք տատանեցան, և ոչ շարժեցան . այո՛, այլ շարժեցան վասն էր . վասն իւրեանց մեղացն : « Զի անուն Տեառն մեծ է 'ի ձեզ » : Տէս, զիարդ ասէ զպատճառան . ոչ բանակս զօրաց և ոչ ընչից յաճախութիւնք և ոչ պարրուպաց ամրութիւնք, այլ անուն Տեառն : « Զեզ լիցին տեղին՝ յորում գետքն և փոպն լայնք և ընդարձակք » . զյաղթութիւնն յայտ առնէ և զհաստատութիւնն բարութեանցն : « Մի երթիցես զայդ ճանապարհ, և մի գնասցեն նաւք քո » . զօր եկիրդ, ասէ, 'ի Բաբելոնէ, այլ մի ևս գնասցես անդրէն ընդ նոյն ճանապարհս, և

այլ՝ վասն Տեառն Աստուծոյ քո: « Զի Տէր Աստուած իմ մեծ է, և ոչ արասցէ զանց զինեւ »:

« Տէր գատաւոր մեր, Տէր հայր մեր, Տէր իշխան մեր, Տէր թագաւոր մեր, Տէր ինքնին փրկեացէ զմեզ » . իշխանն մեր՝ ինքն պատժեացէ զմեզ: « Խզեցան պարանք քո՝ զի ոչ հանդարտեցին . կայմն խոնարհեցաւ՝ և ոչ իջուցէ զմանր կայմն, և ոչ արձակեացէ զնշանս մինչև մատնեսցի յաւար »: Այսպէս իսկ է . սովոր է մարդարեւ թիւնն մեր թ գգերութիւն նշանակել և մերթ առ նմին զգարձն . զի որպէս նաւին՝ ի սաստիկ հոգմոց քակտիցի հաստատութիւնն, նոյնպէս և նոցա . յամագորոյն թշնամեացն եղծանէին կարգք և օրէնք և հաստատութիւն շինուածոց, շահք ընչից:

« Այսուհետեւ բազում կաղք յաւար հեծցեն . և մի ասասցէ ժողովուրդն՝ որ բնակեալն իսկ է՝ ի նմա, եթէ վաստակեցայ . զի թողան նոցա մեղքն »: Որպէս և Երեմիա ասէ, թէ Որդիս ծնանիցին՝ կաղք . նոյնպէս և աստ, թէ « կաղք աւար առնուցուն » . և Զաքարիա ասէ, եթէ Եղիցի Յեբուսացին իբրեւ զհաւարապետս:

ԳԼՈՒԽ ԼԻ

« Մատերուք հեթանոսք, և լուարուք իշխանք, լուիցէ երկիր և որ ի նմա իցեն տիեզերք »: Տեսցուք զինչ ասիցէ, վասն էր զամենայն տիեզերս կոչեացէ: « Զի սրտմտութիւն Տեառն ի վերայ հեթանոսաց, և բարկութիւն նորա ի վերայ թուոց նոցա, կորուսանել զնոսա և մատնել զնոսա ի սպանումն . և վիրաւորք նոցա զի տապաստ անկցին . ելլէ հոտ նոցա և թացցին լերինք յարենէ նոցա »: Ոմանք զայս վասն կոտորածոյ Գովգայ և Մադովգայ առնուն, բայց ինձ թուի թէ և զկատարածէ աշխարհիս ականարկիցէ, որպէս և յաջորդեն իսկ տան միտքս:

« Գալարեսցին, ասէ, երկինք իբրեւ զմադաղաթ, և ամենայն աստեղք թօթափեսցին իբրեւ զտերեւ յոր-

Թոյ, և որպէս Թօթափեցի տերև 'ի Թզենուոյ » : Տէս, զիարդ և մարգարէս ասէ յառաջագոյն, որպէս և Քրիստոս զվաղվաղակի Թօթափել աստեղացն գուշակէր : Եւ զայն ինչ մի ածիցես զմտաւ խնդրել, եթէ զիարդ հաստատեալքն և բւեռեալք յերկինս՝ իբրեւ զտերև յորթոյ Թօթափեսցին. զի որպէս տերևն յիւրում ժամանակի Թօթափի, նոյնպէս և նորա յիւրեանց պատշաճ ժամանակին Թօթափեսցին : Դարձեալ և այլ իմն ակնարկէ, զի ևս յազնուութիւն իմն փոխելոց են. զի զոր օրինակ որթն մերկ մնասցէ՝ յորժամ տերևն Թափեսցի, և դարձեալ յորժամ միւսանգամ տերևաբուղիս ժամանակն գայցէ՝ զարդարի միւսանգամ տերևովն և մրգովն, նոյնպէս և երկինք յայլ իմն առաւել յազնուութիւն շրջեսցին :

« Արբեցաւ սուր իմ յերկինս. ահա աւասիկ 'ի վերայ Եդովմայեցւոցն իջցէ, և 'ի վերայ կորստեան ժողովրդեանն՝ դատաստանօք : Սուր Տեառն լցաւ արեամբ, Թանձրացաւ ճարպով յարենէ որոջացն և նոխազացն, և 'ի ճարպոյ ցլուցն և խոյոց » : Զպատիժսն՝ սրոյն անուամբ անուանէ, զի Ծանօթական աւուամբ՝ զանծանօթն յայտ առնիցէ : Եւ զի ասէ, եթէ յերկինս արբեցաւ սուր իմ, զի յայտ արասցէ՝ Թէ յերկնից է պատիժսն. և զի ահագին ցուցցէ զպատիժսն՝ ասէ. « Ի վերայ կորստեան ժողովրդեանն՝ դատաստանօք » : զի ցուցցէ Թէ ժողովուրդն՝ որ 'ի մեղս կորուսեալ էր, ոչ անիրաւութեամբ ինչ, այլ Աստուծոյ արդար դատաստանօքն ընդունի զպատուհաստ. և յորժամ բարկութիւն ինչ ահագին սպառնայցէ, ոչ զի սատակիցէ, այլ զի ածցէ ահիւն յուղութիւնս : Եւ բարիօք կոչէ կորստական ժողովուրդ զայնոսիկ՝ որ 'ի մեղսն էին. զի որպէս կորուսեալն՝ հեռացեալ յաջաց ստացողին իցէ, նոյնպէս և մեղաւորն 'ի դիպահալով՝ յԱստուծոյ 'ի սուրբն երեսաց. որպէս և Կայինն ասէր, եթէ Հանես զիս յերեսաց քոց, և եղիցի ամենայն որ գտանիցէ՝ սպանանիցէ զիս. և ըստ այնմ, եթէ Բարձցի ամբարիշտն՝ զի մի տեսցէ զփառն Տեառն :

Եւ քանզի սրտմտութեան և բարկութեան բանք ճառեցան, մի կարծիցէք, ասէ, Թէ ընդ կարեօք ինչ

իցէ Աստուած. զի մարդ նեղեալ 'ի կարեաց յանդգնի բարկութեամբ. և ոչ կարէ իմանալ զօրէն իրաւանցն, յորժամ միտքն 'ի ցասմանէն խախտիցին. իսկ Աստուած՝ ոչ այնպէս ինչ. իսկ ռրպէս. յորժամ բարկանայ՝ իրաւամբք առնէ զամենայն. զի մեր բարկութիւն մտացն՝ շրջականք են, իսկ Աստուծոյ պատիժք պատուհասիցն՝ որով այլոց հատուցանէ, ըստ արժանի իւրաքանչիւր գործոց. և ինքն ինչ ոչ նեղի 'ի ցասմանէ անտի. թէ պէտ և զմէնջ և զնմանէ նոյն բանք ասիցին, այլ ոչ զնոյն յայտ առնիցեն. զի նա առանց ցատման է բնութեամբ, և մեք միշտ զայրանամք ցասմամբ, որով նախ զմեզ նեղեմք, և ապա այլոց՝ եթէ առնիցեմք ինչ փնաս և եթէ չառնիցեմք:

« Սուր Տեառն լցաւ արեամբ, ուռուցաւ ճարպով յարենէ նոխազացն և որոջացն և ցլուց »: Տէս, զի յայտ յանդիման ածէ զիրսն, և նոխազօք և խոյովք յայտ առնէ՝ թէ իբրեւ զանխօսան՝ այսպէս կոտորիցին: Որպէս և զնոցանէն չեն ինչ բանք՝ յորժամ կոտորեսցին, նոյնպէս և ոչ զմարդկանէ՝ յորժամ զբարսն անխօս առնանոց առնուցուն, և ես չար քան զնոցանէ՝ զսոցանէ, զի նոքա բնութեամբ ունին զանխօսութիւն, և սոքա ինքեանք զանձինս արարին անասունս:

« Զի զենումն Տեառն 'ի Բոսորայ, և սպանդ մեծ յերկրին Եդոմայեցւոց »: Վասն էր զենումն զիրսն կոչէ. զի եկեալ վճարեալ էր, և այլ ոչ ես անցանելոց էր զնովաւ բարկութիւնն: « Օր դատաստանի Տեառն և տարեկան հատուցման »: զի ոչ ինչ անիրաւութիւն էր, այլ արդար դատաստանք և հատուցումն ըստ գործոց: « Եւ արբեսցի երկիր յարենէ, և լցի 'ի ճարպոյ նոցա. զի օր դատաստանի Տեառն և տարեկան հատուցմանց դատաստանաց Սիովնի »: Այս յայտ է՝ եթէ վասն Սիովնի քաղաքին Աստուծոյ՝ եկն բարկութիւնն 'ի վերայ Եդոմացւոցն՝ մինչդեռ Սիովն էր. այսինքն՝ ծարաւեաց յԱստուծոյ փրկութեանցն, և ոչ գնացեալ զհետ օտարոտի կռոցն, յորոց ոչ ինչ օգտեցաւ:

« Եւ դարձցին ձորք նորա 'ի ձիւթ և երկիր նորա 'ի ծծումբ. և եղիցի երկիր նորա իբրեւ զձիւթ հրով բորբոքեալ 'ի տուէ և 'ի գիշերի »: Թէպէտ և զանհնարին հարուածոցն Եդոմայեցւոց ասէ, բայց բա-

զումք և վասն հանդերձեալ դատաստանի աշխարհին կարծեցին. զի հուր է, ասեն, և ծծումք և մշտն ջենաւոր տանջանք. քանզի և յարէ իսկ 'ի նոյն, եթէ « Մի շիջցի 'ի տուէ և 'ի գիշերի, և մի շիջցի յաւիտեանս ժամանակաց »:

« Եւ ելցէ ծուխ նորա ¹ րեսցի, և բազում ժամանակս աւերեսցի, և բնակեսցեն 'ի նմա հաւք և ողնիք և ցինք և ագռաւք. և անկցի 'ի նմա լարաբաժին աւերակի. և յուշկապարիկք բնակեսցեն 'ի նմա: Եւ իշխանք նորա իբրև զեղեալս եղիցին. և թագաւորք նորա և մեծամեծք՝ եղիցին 'ի կորուստ. և բուսցին 'ի քաղաքս նորա փայտ փշաբեր, և յամուրս նորա: Եւ եղիցի հանգիստ համբարեաց և դադար ջայլամանց. և պատահեսցեն դէք յուշկապարկաց և տայցեն ձայն միմեանց: Անդ հանգիցեն յուշկապարիկք, անդ եհան ձագս ոգնի ², և անոյց երկիր զձագս նորա զգուշութեամբ. անդ եղջերուք միմեանց պատահեցին և տեսին զերեսս միմեանց. թուով անցին և մի 'ի նոցանէ ոչ վերիպեցաւ. ընկեր զընկեր ոչ խնդրիցեն. զի Տէր պատուիրեաց նոցա, և հոգի նորա ժողովեաց զնոսա, և նա արկցէ նոցա վիճակս, և ձեռն նորա բաժանեաց նոցա ճարակս յաւիտեանս ժամանակաց. ժառանգեսցեն ազգաց յազգս, և հանգիցեն 'ի նմա »: Մինչև ցիժս՝ զընաբարձ աւերակմն նոցա յայտ առնէ, և յեղջերուացն և 'ի խոնարհ մարթի ուսմնասիրաց և 'ի նոր ինչ առնուլ:

¹ Թոր. Բառք ինչ ջնջագիր. Թուի լինել ըստ Ս. Գրոց բնագրին. Եւ ելցէ ծուխ նորա 'ի վեր, և աւերեսցի (յազգս ազգաց):

² Թոր. Ոգնի:

ԳԼՈՒԽ ԼԿ

« Ուրախ լեր, անապատ ծարաւի, և ցնծասցէ անապատն, և ծաղկեսցէ իբրեւ զշուշան » : Երկին ասէ զանապատն . կոչի անապատն անգործ ինչ երկիր, և կոչի դարձեալ անապատ և ծարաւուտ ինչ երկիր : « Ծաղկեսցէ և ցնծասցէ անապատն Յորդանանու, և փառքն Լիբանանու տայցին նմա և պատիւն Քերմեզեայ . և ժողովուրդ իմ տեսցէ զփառան Տեառն և զբարձրութիւնն Աստուծոյ » : Այսու նշանակէ վառն 'ի . . . թիւնս ինչ փոփոխելոյ 'ի գալստեանն Քրիստոսի . . . ան . . . ք ¹ ծարաւիք, այսինքն հոգիք անգործք և ծարաւիք՝ արբին զկենդանի ջուր վարդապետութեանն Քրիստոսի, և տեսին զփառան Տեառն . ըստ այնմ՝ զոր Յովհանն ասէր, թէ Տեսաք զփառս նորա, զփառս իբրեւ զմիածնի առ 'ի Հօրէ : « Եւ զբարձրութիւն Աստուծոյ » . այն իսկ է՝ զի վերացաւ բարձրացաւ 'ի խաչն՝ 'ի վերայ անուանեալ աստուածոց :

« Զօրացարուք ձեռք լքեալք և ծունկք դողդոջոտք » : Զայս բանս Պաւղոս Հեբրայեցւոցն գրեաց . զի որոց կայցեն ընդ ² բազում համարձակութեամբքն՝ լինիցի օգնական, և անկելոցն տայցէ ձեռն և յարուցանիցէ . իբրեւ մարտիկ ինչ և պատերազմող՝ արանց վհատելոց տայցէ խրախոյս : « Միտիթարեցարուք, կարճամիտք սրտիւք, զօրացարուք, մի երկնչիք » : Տեսանեմս, զի ոչ 'ի փորձութեանց, այլ 'ի կարճատութենէ լինի Լքումն :

« Ահա աւասիկ Աստուած մեր հատուցանէ զդա-

¹ Յօր. ի մաշմանէ թղթոյն եղծեալ էին բառքս . Թուի լինել վառն 'ի բարախանս իւր խոփելոյ 'ի գալստեանն Քրիստոսի . զի և անգործ, և այլն :

² Այսպէս յօրինակին . Թուի թէ պարտ իցէ ընթեռնուլ ըստ նշանակելոյ :

տաստանս և հատուցէ. ինքնին եկեսցէ և փրկեսցէ զմեզ»։ Ինքնին եկեսցէ և ոչ այլ ոք. քանզի ոչ ոք էր լինել բաւական կատարեալ փրկութեանս։ «Եւ յառաջ քան զդատաստանն հատուցանէ»։ Եւ տէն իսկ, զիարդ եղծան հրէականքն. քաղաքն աւերեցաւ, Յուդա խեղդեցաւ, Հերովդէս չարաչար մահու մեռաւ, և հայրն և որդին. դատաստանս հատուցանէ, որպէս Սափիրա՝ զի յանկարծամահ եղև, և Եղիմաս մեղ։ Մի եթէ չկարէր ամենեցուն աստ հատուցանել. այլ լուր զինչ ասեն, եթէ ոչ ածէ զբարկութիւն իւր հանապազ. և թէ ըստ մեղացն անդէն վաղվազակի հատուցանէր, 'ի վաղուց հետէ Ծննեալ լինէր ազգ մարդութեան։ Այլ ոչ աստ և եթ, այլ և յապա ժամանակս հատուցէ և նոցա և այլոց. բայց սակաւ ինչ զոր առնէն՝ առհաւատչեայ է՝ տանջանացն և հանգրտեանս։ Յորժամ տեսանիցես զդէս հալածականս և զցաւս փախստականս և զքնութիւն ամենայն եկեալ յուղղութիւնս, զգազանս հանդարտացեալս և զամենայն արարածս խորշեալս յառաքելոցն, համարեաց եթէ զհանդերձելոցն զօրութիւն տեսեր, զհոգւոցն առհաւատչեայ։ «Ինքնին եկեսցէ և փրկեսցէ զմեզ»։ Ինքնին եկեսցէ և ոչ ծառայ ոք կամ հրեշտակ, այլ ինքնին. զոր և Պաւղոս վեր 'ի վայր յեղյեղէ, զի զբազում պատիւն յայտ առնիցէ, եթէ ինքն անձամբ եկն 'ի խօսել. Բազում մասամբք, ասէ, և բազում կերպարանօք վաղ իսկ խօսեցաւ Աստուած մարդարեւիւքն ընդ հարսն մեր. իսկ 'ի վախճան աւուրցս այսոցիկ՝ խօսեցաւ ընդ մեզ Որդւոյն. և զատ մեկնեաց այսուիկ զտէրն 'ի ծառայից։

«Յայնմ ժամանակի աչք կուրաց բացցեն և ականջք խլից լուիցեն. յայնմ ժամանակի կաղն վազեսցէ իբրև զեղջերու»։ Ոչ միայն զմարդկանէ ասացեալ, եթէ Դատաստանս հատուցանէ և հատուցէ, այլ և վասն սատանայի. քանզի և նմա հատոյց կապելովն զնա առ այժմ։ Եւ արդ ուստի՞ յայտ իցէ. Ոչ ոք, ասէ, կարէ առնուլ զաւար հզօրի, եթէ ոչ նախ զնա կապեսցէ. և ինքեանք ասէին իսկ, Թէ Թող, զի կայ մեր և քո, Յիսուս Նազովրացի, եկիր այսր յառաջ քան զժամանակսն տանջել զմեզ։ Եւ Տէրն ասէր. Երթ յետս սա-

տանայ, զի գրեալ է թէ Տեառն Աստուծոյ քում երկիր պապանիցես. և դարձեալ, եթէ Տեսի զսատանայ անկեալ իբրև զփայլակն յերկնից. և դարձեալ, թէ Կոխեցէք զօձս և զկարիճս և զամենայն զօրութիւն թշնամոյն:

« Եայնմ ժամանակի աչք կուրաց տեսցեն և ականջք խլից լուիցեն » : Արաւի կարևոր անդամք մարմնոյն բժշկէին առ պէտս աստուածգիտութեանն պատշաճից. զի բանաբերուն յառաջագոյն կուրացոյց զճանապարհս մեր և փակեաց զուղիս գիտութեանն՝ որ զմեզ առ Աստուած տանին: Եւ լուր զինչ ասէ Պաւղոս երանելի. Զի աներևոյթք նորա՝ ի սկզբանէ աշխարհի՝ արարածովքս իմացեալ տեսանին: Զի յորժամ աչք ոչ իցեն, զիմորդ ոք տեսանիցէ. քանզի և զլեւեաց ասէ, թէ Լուր՝ ի պատգամաց Աստուծոյ. յորժամ լեւիլն չիցեն, զիմորդ ոք լիցէ. վասն այնորիկ զի զօրս թշնամին կուրացոյց, զնոյնն եկն Քրիստոս յարդարեաց, ոչ միայն զանդամն մարմնոյն, այլ և զգարս ոգւոց: Զինչ օգուտ իցէ, եթէ արտաքին անդամքն լուսաւորեսցին և ներքին միտքն կուրացեալք. քանզի և բազում անգամ բացօք աչօք ոչ տեսանին: Եւ եթէ առ աչս այսպիսի ինչ, իրչափ ևս առաւել առ ոգիս, յորժամ մոլորութիւնք ինչ՝ ի միտան մտանիցեն և կամ այլ ինչ կարիք, որ զայլ ինչ կարգս յօրինեալս խախտիցեն. որ և լինէր իսկ. և Քրիստոս զամենայն եբարձ զայնպիսի կարիս՝ ի միջոյ:

« Եայնմ ժամանակի կաղք վազեսցեն իբրև զեղջերուս » : Ոչ միայն զառողջութիւն տայր մարմնոյ, այլ որ դամ մի՝ ի սուրբ ի ձեռնն մերձենային՝ զերծանէին և ի յոգւոցն կապանաց. « Եւ պարզ լիցի լեզու թոթով » : Զի տգէտք և տխմարք յաղթեցին ճարտարաց և փիլիսոփայից. բայց միայն ի հրէական ազգէն, զի յամառեալ կացին ի հետտութեան և ոչ լուսն աստուածեղէն գրոց, և վերպեցին յիւրեանց անձանց փրկութենէն:

« Զի ջուր բղնեաց յանապատ, և գետք յերկիր ծառաւուտ » : Միանգամայն զյանկարծաբուղիս բարերարութիւնն յայտ առնէ, և զովացութիւն ոգւոցն ծարաւելոց. զի չիք այլ անապատ դժնդակ, քան զու-

գիւ անգործս, խոսպանացեալս, լեալ բնակութիւն
գաղանաց. զոր օրինակ յանապատս է բնակութիւն
գաղանաց և հանդիսանալ փշոցն, նոյնպէս և ՚ի մարդ-
կան ոգիս: « Եւ եղիցի անջուրն ՚ի ջրամարգս, և եր-
կիրն ծարաւուտ յաղբերականս »: Զսոյն և Քրիստոս
ասէր. Եթէ դք ծարաւի իցէ՝ եկեսցէ առ իս, և որ հա-
ւատայ յիս, որպէս և ասէ գիրն, գետք յորովայնէ
նորա բղխեսցեն ջրոց կենդանութեան: Եւ վասն էր
աղբիւր կոչիցէ զիրսն. այլ ՚ի սրբութիւն պատշաճա-
կան է հաւատացելոցն, և ցանկութեան եռանդնացն
շիջուցիչ:

« Անդ եղիցի ուրախութիւն հաւուց և կայանք
խաշանց և մարգագետինք եղիցին. անդ ճանապարհ
մաքրեալ և ճանապարհ սուրբ կոչիցի »: Երբ. յետ
մկրտութեանն, յետ զոյսն զգենլոյ. քանզի ոչ եթէ
յանձանց ինչունէաք, այլ յԱստուծոյ մարդասիրու-
թենէն պարգևեցաւ: Ուր արքունական ոտքն շրջիցին,
զիմորդ չլինիցի սրբեալ և մաքրեալ ճանապարհն. ուր
այնպիսի աղբիւր բղխեսցի, զիմորդ ոչ վտակք ոգւոցն
ոռոգանիցեն զանդամս ոգւոցն ծարաւելոց:

« Եւ մի անցցէ ընդ նա պիղծ դք, և մի եղիցի անդ
ճանապարհ պղծութեան »: Սրբեսցուք զանձինս՝ որ
անկեալ եմք յուղի՝ գնալ ընդ այնպիսի ճանապարհ: « Իսկ
որ ցրուեալքն իցեն՝ գնասցեն ընդ նա և մի մո-
լորիցին »: ...¹ Քանզի և չէ իսկ՝ որ ընդ այնպիսի լոյս
գնասցէ, եթէ մոլորիցի երբեք: ... նաց² չարաց անդ-
մի գտցի »: զի՞նչ առեւծն. որ կարծեցոյց զանձն ա-
ռեւծացեալ, և պաշտօնեայք նորա չարագաղանք,
թէ պէտ և ջննայցեն՝ չկարիցեն ինչ ստնանել ճշմարիտ
հաւատացելոցն. այլ ընդ նա գնասցեն փրկեալք և
ժողովեալք ՚ի Տեառնէ՝ որ փրկեացն անարատ ա-
րեամբն, և ժողովեցան ՚ի մեղացն թափառանաց՝ Տե-
րամբն: Եւ թէպէտ օրինակաւ դարձին երևեցաւ
այնպիսի ինչ, այլ ճշմարտութեամբ ՚ի գալստեանն
Քրիստոսի կատարեցաւ:

¹ Յօր. Բառ մի եղծեալ:

² Յօր. Բառք ինչ ընթացիւր, այն է ակիզքն բնաբանիս, զոր այս-
պէս ունի Աստուածաշուռնչն մեր. Մէ ելիցի անդ օտի-ծ, և մի՛ գո-
ղանայ լարաց ընդ այն մի անցանիցէ:

« Դարձցին և եկեսցեն 'ի Սիոն ուրախութեամբ, և ուրախութիւն յաւիտենից 'ի վերայ գլխոց նոցա. և օրհնութիւն և ուրախութիւն և ցնծութիւն հասցէ նոցա. մերժեցան ցաւք, տրտմութիւնք և հեծութիւնք »։ Զի թէպէտ և այլքն կարծիցին 'ի դարձին կատարել, սակայն մերժել ցաւոց և տրտմութեանց և հեծութեանց չէ մարթ' եթէ անդ կատարէր, այլ յայս վայր՝ որ մեզ աւանդեցաւ¹, վասն որոյ ասէ Առաքեալ. Ուրախ լերուք հանապազ, ուրախ լերուք, անդադար յաղօթս կացէք. զի ոչ ևս ցաւովք ծնանի եկեղեցի զմանկունս իւր, և ոչ բազմանալով բազմանան տրտմութիւնք և հեծեծութիւնք, այլ « Մերժեցան ցաւք և տրտմութիւնք և հեծեծութիւնք »։ 'ի փախուստ դարձան, հետակորոյս եղեն։

ԳԼՈՒԽ ԼԶ

« Եւ եղև 'ի չորեքտասաներորդ ամի թագաւորութեանն Եղեկիայ, եւ Սենեքերիմ արքայ Ասորեստանեայց 'ի վերայ ամուր քաղաքացն Հրէաստանի, և ան զնոսա »։ Աբանչելի էր այրս այս, սքանչելի և մեծ. և արդ միտ դիր. յորժամ հանդերձեալ իցէ Աստուած զարմանալիս ինչ առնել, յառաջագոյն հնարի իրս ինչ. « Ել, ասէ, 'ի վերայ ամուր քաղաքացն Հրէաստանի, և ան զնոսա »։ զի մի կարծիցես եթէ Երուսաղէմ իւրովին ամրութեամբ կարաց ապրել Տէս, որչափ ինչ արդարութիւն էր առն, զի վերակացու եղև քաղաքին, այնպէս՝ զի զայլմն ան և զնա ոչ կարաց առնուլ և ոչ ժամանակս ինչ բազում ծախեաց, այլ որպէս որ յորժամ վաղվաղակի ընդ ձորս ինչ անցանիցէ, այնպէս ասպատակի ան զքաղաքն ամենայն։

« Եւ առաքեաց արքայն Ասորեստանեայց զՌափսակ 'ի Ղաբիսայ յԵրուսաղէմ առ Եղեկիա արքայ՝ զօրօք բազմօք »։ Վանել զքաղաքս ամենայն կամէր, և զնա ևս

¹ Յօր. Առնդէյն։

առնուլ: Եւ ընդէր զօրօք բազմօք. այլ զի երեւեսցի զօրութիւնն Աստուծոյ. զինա յանպատրաստից եկեալ հասեալի վերայ երկեցուցանէր բանիւք, և սրտապահ առնէր զբնակիչս քաղաքին՝ տեսլեամբ զօրացն բազմաց. և զայն ոչ գիտէր, եթէ ինքն սրտառուչ՝ սրտաբեկ դառնալոց է:

« Եւ ելին առ նա Եղիակիմ Քեղկեանց՝ հանդերձապետն, և Սովմնաս դպիր և Յովսէփ Արափեանց՝ յիշատակաց դպիր »: Եւ զիմորդ ոչ երկեան, զի ոչ իբրև զմարտիկ որ, այլ իբրև զթագաւոր որ բռնաւոր, այնպէս եկեալ համարձակ՝ կամէր զամենայն կործանել:

« Եւ ասէ Ռափսակ. Ասացէք ցեղեկիա. այսպէս ասէ արքայն մեծ ». և սարանայր՝ կոչել զցեղեկիա՝ արքայ: « Յմ յուսացեալ ես. մի բանիւք կամ խորհրդովք չըթանց պատերազմ վճարիցի »: Բարիորդ ասացեր, եթէ ոչ խորհրդովք կամ իմաստութեամբ վճարեսցի պատերազմ, այլ Աստուծոյ զօրութեամբ: Եւ զինչ իցէ խորհրդովքն կամ բանիւք. կամ թէ բանս իսկ առաքեաց առ Եղեկիա, կամ թէ բանիւք իսկ էին հրէականքն. այսինքն՝ հեգնելովն՝ եթէ զմարգարէսդ ունիցիս քեզ խորհրդակիցս, ոչ ինչ է այդ պիտոյ. այլ զէն և կազմած և արս ընտիրս՝ ըստ բարբարիկ վայրենական մտաց: Ո՛ր անօգուտ, ով մեծաբան բարբառ, ով անհանձար միտք. քանզի խորհրդով իսկ և բանից չըթանց վճարի պատերազմ. զի եթէ իմաստութեամբ ոչ յարդարեսցէ զճակատն, այն աշխատութիւն ի զուր և ընդ վայր լինի:

« Եւ արդ յօ յուսացեալ իցես, ասէ, զի ոչ հնազանդիս ինձ »: Ո՛ր որ երբեք ետ քեզ խրախոյս. միթէ Եգիպտացիքն. և ասէ զնոցա տկարութիւնն, եթէ ոչ միայն չօգնեն, այլ և վնասակար ևս լինին. և զայս արդար՝ ասէր, բայց զայլսն ևս ոչ արդար: « Ահա աւագիկ յուսացեալ իցես ի ցուպ եղեգնեայ ջաղջախեալ ». որպէս և Եղեկիէլ եղեգնեայ իմն անուանէ զԵգիպտացիսն. անզօր է, ասէ, նոցա օգնականութիւնն. ոչ միայն չօգնէ, այլ և վնասակար ևս լինի: « Երբ թէ

յենուցու զք՝ ինքն բեկանի, և ընդ նորա ձեռն ելանէ. այսպէս և Փարաւոնն՝ արքայն Եգիպտացոց, և ամենեքին որ յուսացեալ իցեն ՚ի նա: Ապա թէ ասիցէք, եթէ ՚ի Տէր Աստուած մեր յուսացեալ եմք, ո՞չ այս այն Աստուած իցէ, որ քակիցէ զբարձունս և զսեղանս ». և արդ չէք ինչ օգտելոց յայդպիսի մոլորութենէ: Եւ ասպա զի՞նչ արար. հրաման ետ զօրացն պատել յառաջ, և ասէ. « Եկայք խառնեցարուք ընդ տեառն իմնում թագաւորի, և տացեն ձեզ երկուս հազարս յերկաւրաց, եթէ կարող իցէք տալ հեծեալս ՚ի վերայ նոցա: Եւ զիարդ կարէք դուք ՚ի դիմի հարկանել միոյ ուրուք յաշխարհակալաց, զի երկու հազարք զօրք ոչ գտանին ՚ի ձեզ »: Տէս զվկայութիւն առ ՚ի թշնամեացն: « Եւ առայք և որ յուսացեալ իցեն յեգիպտացիմն »: Զի՞նչ խօսիս, հէք թշուառական. եթէ ծառայք են՝ որ յուսացեալ էին, վասն այնորիկ յորս վստահն էին, այնուհետեւ զիջուցանիցէ զհպարտացեալ միտս նոցա. իսկ Աստուծոյ յուսոյն՝ յօգուտ նախատէր զնոսա՝ որ ՚ի վերուստ բազում անգամ առաքէր նոցա օգնականութիւն. և նա հմուտ էր մեծի զօրավիզն օգնականութեան. և տես, զիարդ կործանէր զնոսա ՚ի վհատութիւն: « Եւ այժմ մեք, ասէ, միթէ առանց Տեառն ելանիցեմք յաշխարհս յայս՝ տալ պատերազմ ընդ նմա »: Նա, ասէ, եհան զմեզ¹. և դարձեալ, եթէ չէ կարող փրկել. « Մի, ասէ, խաբեսցէ զձեզ Եզեկիա, եթէ Աստուած փրկէ զմեզ ». և դարձեալ ասես, թէ նա եհան զմեզ:

« Եւ ասեն Եզիակիմ և Սովմնաս և Յովաք. Խօսեաց ընդ ծառայս քաասորերէն, քանզի և լսեմք իսկ, և մի խօսիր հրէարէն յականջս մարդկանդ՝ որ անկեալ կան զպարսպօրդ »: Տէս, զիարդ գրգռեցին զնա. պարտ էր յԱստուծոյ զօրութիւնս ապաստան լինել. մի, ասէ, զանգիտացուցանէր զմիտս զօրացդ. բազում անմոռութեամբ լի են բանքն. և նա ևս հպարտացեալ մեղկէր զմիտս զօրացն, մերթ բարեացն խոստմամբ, և մերթ ահագին սպառնալեօք: « Մի, ասէ, խաբես-

¹ Թոր. Օտար գրչաւ. Այլ մարիի յերթան խօսել զեւ. Բէ նա եհան զմեզ, և դարձեալ, և այլն:

ցէ զձեզ Եղեկիա, եթէ Աստուած փրկէ զմեզ. միթէ փրկեցին աստուածքն հեթանոսաց զաշխարհն իւրեանց »: Ապա ասէ զտկարութիւն այլոց աստուածոց, զՍամարիայ և զընկերացն: Եւ տե՛ս, զիարդ հնարէր լուսաւոր առնել զյաղթութիւնն. « Միթէ փրկեցին, ասէ, աստուածքն հեթանոսաց, Եմաթն և Արփաթն, և Սափարուեմ, և այլք սոյնպիսիք ¹ »: Դու ասացեր եթէ ոչ փրկեցին, արդ եթէ փրկեսցէ Աստուած, ըստ քոց մտացդ՝ ապա մեծ է Աստուած, և ոչ իբրև զայլ բազումն:

« Եւ կերթիլք զաղա և արբիլք զմէզս »: Եւ տե՛ս, որպիսի անհնարին պատիժս սպառնայ ամենայն մարդկան, մանաւանդ առաւել Հրէից: « Եւ ոչինչ ետուն պատասխանի ». և ընդէ՛ր արդեւք. « Զի այնպէս հրաման տուեալ էր Թադաւորին »: Ո՛վ Թշուառական, չիք ինչ հաւասար Աստուծոյ. մի տկար ինչ համարիցիս զճշմարտն զօրավիգն օգնականութիւնն: Զայս լուեալ՝ զհանդերձս պատառէին, և պատմէին Եղեկիայի զբանս. իսկ նորա ուսեալ՝ի Դաւթայ, եթէ Ես՛ի նեղել նոցա՝ քուրձ զգե՛նուի, զնոյն օրինակ յանձին ունէր:

ԳԼՈՒԽ ԼԵ

« Քուրձ զգեցաւ և ել ՚ի տաճարն Աստուծոյ »: Տե՛ս զպատերազմ, տե՛ս զմարտն և զկռիւ. ոչ զէն կազմէր, և ոչ մենքենայս յարդարէր. ոչ զպարսպօքն շուրջ գայր, և ոչ զամուրսն պնդէր, և ոչ առ ազգս ուրեք հրեշտակս արձակէր. այլ յերկինս արձակէր զաղօթման հրեշտակս, այնպիսի կերպարանօք՝ որով զբարձանցն Թադաւոր յուսայր հաշտեցուցանել. և պատարաբա՝ զարտասուսն մատուցանէր, և զսիրտն փղծկեալ, և սփածումն խորգոյ այրն ² Թադաւոր: Նա և վայելէր իսկ նմա, որ քան զայլն պատուական էր,

¹ Յօր. Ե- 10, և Դ- 10:

² Յօր. Ա- 1:

զի և հոգւոցն ամենեցուն լինիցի երաշխաւոր, և այնպէս 'ի կոր կործանեալ կայր յաղօթս և աղերսեր. ոչ պատուոյ ինչ փոյթ առնէր, և ոչ զթագաւորութիւնն ինչ ածէր զմտաւ. այլ զայն և եթ 'ի մտի եղեալ, թէ քան 'ի զօրացն օգնականութենէ՝ 'ի նորա խորհուրդն առաւել կայ փրկութիւն. և այն իսկ է թագաւորի և իշխանի, ոչ միայն զի առաւել պատուիցի քան զայնոսիկ՝ որ ոչ իշխիցեն, այլ զի առաւել քան զնոսա ունիցի հոգ յանձին վասն նոցա:

« Եւ ասեն ցոյսայի մարգարէ. այսպէս ասէ Եզեկիա, եթէ օր նեղութեան և նախատանայ »: Եւ ընդէր ոչ ինքնին չոգաւ առ մարգարէն. զի ևս լաւագոյն և մեծ արար, զի առ Աստուածն դիմեաց, « Այսպէս ասէ Եզեկիա ». որպէս 'ի հիւանդութեանն ասէր, Յիշեա՛ իրպէս գնացի առաջի քո ճշմարտութեամբ, ոչ նոյնպէս ինչ և աստ. ոչ զվարուց ինչ սրբութիւնն և ոչ զուղղութեանց ինչ յաճախութիւն առաջի դնէր, այլ զվշտացն և եթ սաստկութիւն: « Օր, ասէ, նեղութեան ». ոչ վասն քաղաքիս առնլոյ, ասէ, ցաւ է ինչ, այլ զի զհասարակացն Տէր՝ 'ի դիւաց նուազութիւնն իջլոց բարբարոսն, և ոչ ինչ աւելի զօրաւոր համարեցաւ զնա: « Օր յանդիմանութեան և բարկութեան օրս այսր աւուր, զի հասեալ է երկունք ծննդականի, և ոչ գոյ զօրութիւն առ 'ի ծնանել »: Եւ երկու աղէտք են, յորժամ երկունք հասանիցեն և ծնանել ոչ կարիցեն. երկունք ստիպեցին և վճիռ ինչ ոչ եղև: Տեսաննս, իրպէս պաղատի զաղէտն. և սա որ այսպէս պաղատէր և խոնարհագոյնս խօսէր, յետոյ հպարտացեալ գտանէր. որպիսի ինչ դժնդակ է հպարտութիւն. և թէպէտ բազում վկայս արս ընտիրս ունէր իւրոյ օգնականութեանն, սակայն յետոյ զայնպիսի բանս ինչ ոչ յիշեաց, ոչ զքուրձն զգե՛նուլ, զի այնպէս իմն յափշտակեցաւ յախտէ ամբարտաւանութեանն:

« Թերեւ լուիցէ Աստուած զբանս Ռափսուկայ ». որպէս Նինուէացիքն ասէին. Թերեւ զըջասցի Աստուած 'ի վերայ չարեացն՝ զոր խօսեցաւ: Եւ զի՛նչ ուսանիցիմք աստի. զի թէպէտ և ոչ իցեմք վստահ ողորմութիւն գտանել, սակայն յաղօթիցն մի հեռասցուք. զի թե-

ընտն ասել, Թուի Թէ երկբայական մտաց է. զսոյն և Աստուած բարբառէր առ մարգարէսն. Թերեւս լուիցէ, ասէ. և դարձեալ, Թէ Ո՛ տացէ լինել այսպէս սրտի ժողովրդեանս այսորիկ. Թէպէտ և ինքն ճարտար գիտէր Թէ չեն ինչ լսելոց, սակայն ոչ հրաժարէր ՚ի խրատելոյ. սովին օրինակաւ և մեք վարեսցուք: « Թերեւս լուիցէ Տէր Աստուած քո զբանս Ռափսակայ » . և ոչ իշխէ իւր Աստուած անուանել: ԶԲ՛նչ խօսիսդ դու աղաչես զԱստուած, և ոչ ՚ի քոց ազօթիցդ, այլ ՚ի նախատանաց Թշնամւոյն ունիս ակն՝ գտանել փրկու. Թիւն: Զսոյն և առական բանն ասէ, զի Թէ անկանիցի Թշնամի քո, մի ոտնհար լինիցիս ՚ի վերայ գլորման նորա, զի մի տեսանիցէ զայն Աստուած, և չլինիցի նմա հաճոյ, և դարձուցանիցէ զսրտմտութիւն իւր ՚ի նմանէ: Բազում անգամ ոչ արժանաւորութիւն փրկելոցն, այլ մշաստակարացն չարութիւն զարթուցանէ զԱստուած յօգնականութիւն. սոյնպէս և սա այսպէս ՚ի միտս վտաճ լեալ, ցուցանէր բազում խոնարհութիւն: Տեսաննս, որչափ չար են նախատինք. և մի կարծիցես Թէ Ռափսակայ էին այնպիսի բանք, այլ արբային. քանզի և ասէր իսկ. « Զորս առողքեաց արբայն Ասորեստանեայց » . զի զնա ևս արձակեսցէ ընդ անպարտս խօսութեամբն, մեծամտութեամբն՝ նախատել զԱստուած կենդանի: Ոչ քաղաքիս ինչ եղեն նախատինք և ոչ մեզ ինչ ամօթ, այլ մեծամեծ աղէտք մեզ այն են, զի զամենայն ինչ առ Աստուած իշխեաց ձգել, և նախատել բանիւք. և ոչ ասէ Թէ բանիւ, այլ զի զբազում երկեղածութիւն ցուցանիցէ:

« Եւ աղաչեսցես զՏէր Աստուած քո վասն մնացելոցն այսօրիկ » : Տէս, զիսրդ ընթանային ընդ բազմութեան վշտացն՝ աղօթքն Եղեկիայ, և ըստ անպարտս խօսութեան Թշնամւոյն՝ համարձակութիւն մարգարէին, և ընդ նմին և նուազութիւն մնացելոցն: Եւ մեք սոյնպէս առ այնոսիկ՝ որք ունիցին համարձակութիւն առ Աստուած՝ ապաւինեսցուք. զի ամուր աշտարակք են ՚ի պահպանութիւն: Բայց մի միայն ՚ի նոսա ապաստան լինել. քանզի և ոչ նա ՚ի քուն էր և զմարգարէն զարթոյց, այլ յառաջ քան զնա և ընդ նմա՝ պատկառ կայր ինդրուածոցն. որպէս զի և ոչ

անփոյթ պարտ էր լինել յազօթիցն, և ոչ 'ի նոսա միայն ապաստան լինել: Քրձազգեստ լինէր թագաւորն, որ յայնժամ 'ի պատուի էր, վասն միայն խափանելոյ պատերազմին. իսկ դու, ռամիկդ, որ ոչ վարս ինչ պարկեշտականս ունիցիս, և ոչ վասն քո մատուցեալ աղաչիցես զԱստուած, այլ 'ի մեծամեծ պատմուճանս զարդարիս և իւղովք անուշիւք օծանիս, և հեղձաս հաշտեցուցանել ընդ քեզ զբարկացեալն: Ոչ այդպէս որ կարէր հաշտեցուցանել զարքայն արքայից, եթէ 'ի ծուլութեան որ իցէ, և 'ի քաղցրութիւն ջանայցէ ածել զցասուցեալն: Համարեաց զմեծութիւն այնորիկ՝ զոր աղաչեմն, և զյաճախութիւն քոյ մեղացդ և զնուազութիւն քոյոյ բնութեանդ, և զիջիր փոքր մի, հաշուեաց զմիտսդ. զի թէպէտ քուրձ զգնուցուս, այլ ոչ ինչ արժանի գործ գործեցեր այնմ՝ զոր հաշտեցուցանելն կամիցիս: Ժամանակ արտասուաց և լալոյ է, և ոչ ծաղու և ուրախութեան. բազում ինչ քնասս առնեմք հանապազ և բարկացուցանեմք զԱստուած, և չիցէ պարտ գէթ 'ի մի ժամու սուրբ լինել 'ի մեղաց:

« Եւ ասէ ցնոսա Եսայի. Այսպէս ասէ Տէր. մի երկընչիցիս 'ի բանիցն՝ զորս լուար, որովք նախատեցին զիս հրեշտակք Ասորեստանեայց՝¹ »: Տէս, զիւրդ զարթուցանէ զնա և քաջալերէ. զիս, ասէ, նախատեաց. ապա թէ այդ այդպէս իցէ, դու մի երկընչիցիս: Յորժամ Աստուած յիւր դէմն առնուցու զԸնամանս, վստահ լինիցիմք՝ եթէ լինելոց է հատուցումն: Ընդ իս գրգռի, ասէ, և ընդ իս կռուի. « Ահա աւաղիկ ես արկանեմ 'ի նա հոգի »: այսինքն խռովութիւն: « Եւ լուիցէ գոյժ և դարձցի յաշխարհ իւր, և անկցի 'ի սուր յերկրի իւրում »: Զայս զյետինն ասէ, չեւ ևս այժմէն զամենայն հարուածսն յայտնէ: Եւ ինձ այսպէս թուի, թէ ոչ ածէր զհարուածսն² 'ի վերայ նորա, թէ չէր յամառեալ 'ի նմին չարութեան. զայս ասելով՝ և սմա քաջալերութիւն տայր. զի թէ ասացեալ էր՝ թէ 'ի քում երկրին անկցի 'ի սուր, յիրաւի

¹ Յօր. Օտար գրչաւ՝ արայի Ասորեստանայց:

² Յօր. Եւ Բ... զհարուածն՝ յօտար գրչէ 'ի լուսանցսն էր եղեալ:

Հասանէր նմա կասկածել զի թէպէտ և անկանելոց էր, սակայն և նմա մնաս առնէր. իսկ յորժամ յիւրում երկրին անկցի 'ի սուր, սորա երկիրն 'ի զգուշութեան մնայ: Դարձեալ զի զիջուսցէ զՀպարտացեալ միտմն, « Եւ առաքեաց, ասէ, հրեշտակս, զի առաջնորդ լինիցի նմա յուղղութիւնս. և ոչ որ յատուածոց կարաց ապրեցուցանել զիւրաքանչիւր ազգ »: զի և 'ի թշնամեացն վկայութիւն լինիցի Աստուծոյ անհամեմատական զօրութեանն:

« Զորս և առ Եզեկիա 'ի ' հրեշտակացն, և ընթերցաւ. եմուտ 'ի տունն Աստուծոյ Եզեկիա, և աղաչէր զԱստուած »: Մեծ իմն զէն և առ զհրովարտական, զի նորքը հաւանեցուցէ զԱստուած: Տես զհայր նորա, որպէս անհաւատ էր, և որպէս սա հաւատացեալ իւ մարտնչէր ընդ թշնամւոյն, ուստի կազմէր զէն ընդդէմ պատերազմողացն. 'ի տանէն Աստուծոյ, աղօթիւք, խնդրուածովք. մեծ և կարեւոր զէն է ամենայն ուրեք զԱստուած կոչել յօգնականութիւն:

« Տէր, ասէ, սաբայովթ, Աստուած Իսրայելի »: Վերին զօրութիւնք սաբաւովթ կոչին, հրեշտակք և հրեշտակապետք: Ոչ ինչ խախտեցին զիս, ասէ, նա խառնէր թշնամւոյն, և ոչ 'ի նորա մոլորութեանն համարիմ անկարծ ինչ զքո զօրութիւն. թէպէտ և բիւր անգամ վտտիցէ զպատիւ քոյոյ մարդասիրութեանդ, ես ոչ միայն յերկրի, այլ և յերկինս խոստանամ զքո մեծագոր զօրութիւնդ: Եւ արդ զիմրդ. եթէ Աստուած կարող է, և դուք չէք արժանի փրկութեան. վասն այնորիկ յարէ 'ի նոյն, եթէ « Աստուած Իսրայելի »: Կարող եմ, քանզի Տէր եմ սաբայովթ, այս ինքն՝ զօրութեանց: « Կամիս, և վայելէ իսկ քեզ, զի Աստուած ես Իսրայելի, որ նստիսդ 'ի քերդէս, դու ես Աստուած միայն ամենայն թաղաւորութեանց տիեզերաց »: Քանզի խուժ դուժն փոքր ինչ մասն համարեցաւ նմա տիեզերաց զՀրէաստան, և իբրեւ ընդ զուգական ախոյանի ինչ դիւաց խօսէր, զի զայսպիսի կարծիս 'ի միջոյ բառնայցէ, ասէ. « Դու ես թաղաւոր ամենայն տիեզերաց »: և ոչ վայրապար, եթէ

դու ես թագաւոր, այլ թէ միայն դու ես անհամեմատական, որ ոչ զոք ունիս ընդ քեզ զովող կամ ընկերակից, որպէս Ասորին համարի:

« Դու արարեր զերկինս և զերկիր »: զի եթէ այսպիսիքն քոյոյ զօրութեանդ գործ են, որչափ ևս առաւել բնակիչքն նոցուն: « Զի արդարեւ աւերեցին զտիեզերս՝ թագաւորքն Ասորեստանեայց, և հրձիգ արարին զկուռս նոցա »: Եւ ընդէր. « Քանզի չէին իսկ առտուածք, այլ ձեռագործք մարդկան »: Եւ այսպէս ամենայն ուստեք զօրութիւնն Աստուծոյ վկայի, որ միայն յիւրոցն, այլ և յօտարացն: « Զի նոքա դէք են, ասէ, և ոչ աստուածք: Բայց արդ դու, Տէր Աստուած մեր, ապրեցո զմեզ՝ ի ձեռաց նորա, զի ծանիցեն ամենայն թագաւորութիւնք երկրի, եթէ դու ես Աստուած միայն »: Ես և առանց զփորձ առնելոյ իսկ գիտեմ՝ զքեզ, բայց զի և այլքն ևս ճանաչիցեն ի վճարելոյ իրացն, և եղիցի փրկութիւնս հասարակաց խըրատ, ամենեցուն կրօնք. ապրեցի ի վճատց քաղաքս, զի ապրեցեն ի մոլորութենէ տիեզերք. և յոյս՝ Երուսաղեմի խրատեսցէ զայնոսիկ՝ ոյք զեւթուղուծն հռչակապ համարեցին: Տեսանես, զի ամենայն իրացն վերակացու եղև. և յետ ի գլուխ ելանելոյ իրաց՝ զմարգարէութեան զօրութիւն ունիցին:

« Եւ առաքեցաւ Եսայի, և ասէ ցնա. Լուայ ես զաղօթս՝ զոր ազաւեցեր »: Ոչ ասէ թէ վասն թագաւորիդ լուայ, այլ վասն աղօթիցն՝ զոր ազաւեցեր, Եւ ամենայն ուրեք տեսանեմք յետ աղօթից՝ պարգևս ընդ աղօթիցն: Միթէ չկարէր Աստուած և առանց աղօթիցն առնել փրկութիւն. այլ ոչ այնպէս պատշաճեր և հոգացող լինէր՝ որ փրկեցան:

« Այս բան է՝ զոր խօսեցաւ Տէր Աստուած վասն նորա. Անգոսնեանց, արհամարհեանց զքեզ »: Եւ Զաքոյն ասել զկործանումն թշնամոյն, զի հաճեցէ զԵզեկիա: « Զո՞ նախատեցեր ». և ոչ՝² երեւելիքս հաւանեցուցանիցեն զքեզ: « Ո՞ւմ ձգեցեր նետս, առ ո՞ր արձակեցեր »³ զէզուդ: Դու և զառաջինն ասելիք,

¹ Յօր. Զոյս:

² Յօր. Եւ ոչ:

³ Յօր. Յօտար գրէ՝ Եւ ոչ, ու
և, և այլն:

զոր արդ ասես, եթէ հասից 'ի վերայ ամենայն տիե-
զերաց, իբրև 'ի վերայ բունոյ հաւու, և իբրև ըզ-
ձուս մնացեալս բարձից զնոսա » . և այժմ' նախատես,
և զիմ' զօրութիւն՝ քեզ համարիս :

« Ոչ զայս իսկ լուար յառաջագոյն՝ զոր ես արա-
րի, յաւուրցն առաջնոց՝ զոր ես կարգեցի . բայց այժմ'
և յայտնեցի իսկ » : Տեսանէս, որչափ ինչ շահք են
մարգարէիցն . և քանզի չհաւատաս՝ 'ի վախճանէս
արարից քեզ առաջնոցն հմուտ . կարգեցից ատեանս և
նստուցից դատաւոր զտիեզերս ամենայն . զինա ասէր՝
եթէ ես խնով զօրութեամբ և իմաստութեամբ առի
զայս անուն և զայս անուն աշխարհ . և Աստուած ասէ,
թէ ոչ քո ինչ զօրութեամբ և իմաստութեամբ, այլ ի-
մով զօրութեամբ, քանզի յառաջագոյն իսկ ասացի՝
մինչև լեալ էր : Այլ չհաւատամ, ասէ, այդմ . եթէ
չհաւատաս՝ խրատեսցէ քեզ վախճանն . յորժամ զզօ-
րաւոր և զբռնաւոր յանկարծակի իջուցից 'ի թշուա-
ռութիւն, ոչ ապաքէն յայտ իցէ թէ և զառաջինն ես
ետու թոյլ աւերել զաշխարհս : Դարձեալ և այլազգ .
'ի փոքր ինչ յաղթութենէ պարտ է հաւատալ մեծաց
իրաց . որպէս և Քրիստոս՝ զի ասաց վասն յարութեան,
և չհաւատան կռապարիշոք, ցուցցուք մեծ ինչ իրս
քան զյարութիւնն լեալ, զի այնու 'ի փոքուէն մի
երկմտիցեն . զի հաւանեցուցանել զամենայն աշխարհս
մոլորեալս՝ առաւել մեծ է քան զյարութիւն . զի բնու-
թիւն մարմնոյ՝ կամաց արարչին ոչ ընդդէմ դառ-
նայ, և ոչ հակառակ կարէ կալ . իսկ անձնիշխանու-
թիւնն բազում անգամ կամեցաւ զլինել մարմնոց, և
եղեն . կամեցաւ զի լինիցին մարդիկ հաճոյք, և ոչ ե-
ղեն . զի յորժամ զդժուարագոյնն տեսանիցես լեալ,
վասն դիւրագունին մի երկմտիցես, զի ամենայն ինչ
ընդ զօրութեամբն Աստուծոյ կայ . և է ինչ՝ որ ոչ ընդ
զօրութեամբն միայն Աստուծոյ, այլ և քո անձնիշխա-
նութեամբդ . զի և կանխասացութիւնն յայնժամ
յայտնագոյն է, յորժամ ոչ միայն զոր ինքն առնելոց
իցէ՝ յայտնիցէ, այլ զայն ինչ՝ զոր և դուս կամիցիս : Եւ
տես, զի՛նչ ասէ և աստ . զի թէպէտ և զիւր զօրու-
թիւնն ցուցանիցէ, սակայն զպատճառս 'ի նմանէ ան :

« Բայց արդ զկայանս քո և զել և զմուտ քո՝ ես

ինձէն գիտեմ: Բայց զսրտմտութիւնդ՝ զոր ընդ իս սրտմտեցեր, և դառնութիւն քո՝ ել առ իս »: Եւ ոչ ասէ թէ արտմտեցեր միայն, այլ եթէ ել առ իս. յայտ առնէ, զերկայնմտութիւնն, որպէս և առ Սողոմոնացիսն: ոչ անդէն՝ ի դառնալն քում յարեայ, ասէ, ի վերայ քո, այլ կացի մնացի մինչև երանիցէ առ իս:

« Բայց այս քեզ նշան լիցի »: Առ Եզեկիա շրջէ զբանն. « Կերիցես այս ամ զսերմանեալդ, և յամէ ևս կերիցես զմնացեալն ». այսինքն՝ զի մի երթայցէք գերի, այլ կերիջիք զոր ինչ սերմանիցէքդ. զայս ինչ յայտ առնէ, եթէ ոչ վտարիցեն ողբա զձեզ: Եւ զի ասէ, « Ես մին երկրորդի », զմնացեալն թուի ինձ եթէ հացամուլ իմն լինելոց էր. զի այնչափ բերիցէ երկիրն, զի և երկրորդական ևս բաւական լինիցի: « Ես մին երկրորդի սերմանեսլիք՝¹ այգիս և կերիջիք զպտուղ նոցա. և եղիցին մնացեալքն Յուդայ՝ արձակել արմատս խոնարհ, և զպտուղն ի վեր »: զայս յառաջագոյն ասէ, զի վստահ լինիցին:

« Նախանձ Տեառն զօրութեանց արասցէ զայս ամենայն »: Տեսանէս, զի ամենայն ուստեք զգուշացուցանէր զթագաւորն, զի մի յիւրոց ինչ ուղղութեանց համարեսցի զփրկութիւնն, այլ յԱստուծոյ մարդասիրութենէ անտի. բայց և այսպէս ևս սակայն՝ անկաւ յախտ հպարտութեան:

« Վասն այսորիկ այսպէս ասէ Տէր ի վերայ Թագաւորին Սորոքստանեայց. և մի մտցէ նա ի քաղաքս յայս »: Տես զհպարտութիւն թշնամոյն և զյաղթութիւն թագաւորին առանց արեան:² Հեղոյ, ըստ այնմ՝ որպէս մարգարէն յառաջագոյն ասէր. Անկիցն ընդ կողմանէ քումմէ հազարք. տեսող միայն լինիցիս, ասէ, հարուածոցն թշնամեացն: « Եւ վերակացու եղէց քաղաքիս այսորիկ, ապրեցուցանել զսա վասն իմ և վասն Դաւթի ծառայի իմոյ ». տես, զիսրդ զիջուցանիցէ զմիտս թագաւորին, զի մի ախտանայցէ՝ ինչ. բայց սակայն ախտացաւ:

« Եւ ել հրեշտակ Տեառն և կոտորեաց ի բանակէն

¹ Յօր. Ի լուսանցսն յօտար գրէէ. Հնէ-Պէտ, Գնէ-Պէտ:

² Յօր. Ձիք Երեան:

Ասորեստանեայց հարիւր և ութսուն և հինգ հազար :
Եւ յարեան տեսին ընդ առաւօտն զմարմինս մեռեալս :
Վասն այնորիկ գիշերի եղև՝ զի մի ամբօխեսցին ինչ,
և մի իւրեանց ինչ համարեսցին զյաղթութիւնն.
զի թէ և անամօթեսցին ինչ, յանդիմանեսցէ զնոսա
ժամանակն, զի մինչ դեռ դուք 'ի քունս իսկ կայիք՝
վճարեցաւ գործն :

« Եւ դարձաւ և գնաց. և մինչդեռ երկիր պագանէր
կռոց իւրոց, հասին սպանին զնա որդիք իւր » : Տես զան
հաւանութիւնն. զի յետ այնչափ զփորձ առնոյ զԱս-
տուծոյ զօրութեանն, երթեալ դիւի երկիր պագանէր,
իբրև անտի իմն համարէր զփրկութիւն. վասն այնո-
րիկ անդէն առ ժամայն առնոյր զփորձ Աստուծոյ զօ-
րութեանն : « Եւ թագաւորէ Ասորդան որդի նորա
ընդ նորա » : Բորժամ կարծեաց յիւր յերկիրն հասա-
նել, յայնժամ չար ևս անցք քան զանցանելոցն՝ 'ի հրեշ-
տակէն՝ անցանէին ընդ նա. զի 'ի ձեռաց ծննդոց իւ-
րոց անկեալ մեռանէր, և ոչ ինչ օգնեցին նմա կուռքն.
և յայտ է եթէ վասն տկարութեանն. և չիք ասել եթէ
վասն զի ոչ ողորեաց զկուռն. զի մինչդեռ երկիր պա-
գանէր՝ անդէն առաջի կռոցն սպանաւ : Եւ ընդէր ար-
դեւք, ո՛ր մորոս դեդ, ոչ օգնեցեր նմա, զի յայնչափ
թշուառութիւն մատնեցաւ. զօրաժողով եղև՝ 'ի վերայ
օտարոտի ազգաց, և նմա ինչ ոչ օգնեցեր ուրեք. այլ
թոյլ ետուր բազում զօրաց հարկանել մեռանել յօ-
տար երկրի. և 'ի վերայ այնր ամենայնի ոչ ինչ տըր-
տունջք եղև զքէն, և ոչ բողոք եւարձ և մեղադիր
ինչ եղև, այլ մտեալ երկիր պագանէր քեզ. ընդէր
ետուր թոյլ՝ քո առաջի հարկանել մեռանել : յայտ
է՝ զի ամենէին լի ես տկարութեամբ :

1 Թոր. Օտար գրչաւ՝ Ո՛չ յոյս է :

ԳԼՈՒԽ ԼԸ

« Եւ եղև, ասէ, 'ի ժամանակին յայնմիկ » : Եւ ոչ վայրապար յաւել մարգարէն եթէ 'ի ժամանակին յայնմիկ, այլ զի ուսուցանիցէ մեզ զպատճառս ախտին. քանզի բազմաց բարիք ինչ՝ չարեաց պատճառք լինին. և զայս Մ'նացօրդք յայտ առնեն, եթէ Զիջաւ Եւ զեկիա 'ի հպարտութենէ սրտի իւրոյ : Տէս, իվ մարդ, զի յիրաւի գան 'ի վերայ մեր նեղութիւնք. և արդ, զինչ ինչ բաւական էր հպարտացունել զքեզ. միթէ դու քեզէն ինչ ուղղեցեր, և կամ անձամբ ինչ կատարեցեր զյաղթութիւն. միթէ դո՞ւ հալածեցեր զպատերազմողսն. ոչ մինչ 'ի քուն իսկ կայր քաղաքդ ամենայն՝ վճարեցան իրքն : Այլ այն իսկ եղեն նմա հպարտութեան պատճառք, զի Աստուածն վերակացու եղև քաղաքին. և զայն ոչ լուար արդեւք, եթէ վասն իմ և վասն Դաւթի ծառայի :

« Եւ եկն առ նա Եսայի, և ասէ. Հրաման տուր վասն տան քո » : Եւ տես, երբ եկն առ նա. յորժամ՝ յողիմն ապաստան էր. զի և 'ի հիւանդութենէ անտի հաւատասցին իրքն : Եւ այլազգ ևս. պարտ էր հաւատալ նմա յիրաց անտի՝ որ վաղուց իսկ անցեալ էին ընդ նոսա և ընդ թշնամիսն : « Հրաման տուր վասն տան քո, քանզի մեռանելոց ես, և չես կենցական » : Եւ ոչ վայրապար ասաց, թէ մեռանիս, այլ թէ գիր արա, հրաման տուր. զոր և այլ թարգմանքն ասեն թէ պատուիրեա, որ մանաւանդ ճշգրտէր զնա առ 'ի հաւատալ. զայս յայն սակս արար, զի այլն ևս ամենայն՝ որ յետոյ լինելոց էին նշանք՝ գործեսցին և հաստատեսցին :

« Եւ դարձոյց Եզեկիա զերեսս իւր յորմ անդր » : Ընդէր ոչ ասէ զպատճառս ախտին. զի մի արատեսցէ ինչ զարդարն : Եւ արդ միտ գիր, զի հիւանդութիւնն ոչ ետ թոյլ՝ երթալ 'ի տուն Աստուծոյ, և ոչ յոտս շըրջել, քանզի մերձ 'ի մահ խօթացաւ, բայց սակայն ոչ

ինչ հեղգացաւ. ուստի ուսանիցիմք իսկ, եթէ ամենայն ուրեք կամաց և անձնիշխանութեան և մտաց բարեաց պէտք են: Եւ վասն էր արդեւք դարձաւ յորմն. զի գաղտ և հանդարտ ընդ միտան խօսիցի ընդ Աստուծոյ, ոչ ուրուք յորգորելով:

« Եղևա, ասէ, Տէր, որպէս գնացի առաջի քո ճըմարտութեամբ, և կատարեալ սրտիւ զհաճոյս քո արարի առաջի: Եւ լաց Եղեկիա զլալիւն մեծ »: Եւ ընդէն արդեւք յիւր առաքինութիւնն ապաստան լինիցի. այլ քան զվիշտան ետես ար...ս...յն¹: Առաջի քո, ասէ, և ոչ 'ի ցոյց մարդկան, և ոչ 'ի պարծանս ինչ. և կատարեալ սրտիւ: Եւ յաւել ևս զարտասումն, զի յայտ արասցէ թէ ոչ յառաքինութիւնն միայն ապաստան իցէ, այլ և ողորմութեամբ կամի ապրել: Տեսանեմ, զի ոչ երկայն ինչ բանս գնէ առաջի, այլ միայն գթով սրտիւն. և վճարեցաւ ամենայն:

« Եւ եղև բան Տեառն առ Եսայի. Ասա, ասէ, ցեղեկիա. այսպէս ասէ Տէր Դաւթի հօր քո »: Եւ ոչ ասաց եթէ քո. առ հայրենի առաքինութիւնս ձգէ զմիտս նորա, առ հեզութիւն և խոնարհութիւն Դաւթի: « Լուայ, ասէ, ձայնի աղօթից քոց, և տեսի զարտասուս քո. ահա աւասիկ յաւելում 'ի ժամանակս քո ամս հնգետասան »: Աստի մեծաց իմն կրօնից հանգամանս ուսանիմք. զի թէ յօրհասէ և եթ 'ի բնութեան կարեաց վախճան լինիցի, կամ թէ 'ի ցաւոց ինչ բնաւորաց և եթէ յուրուք մեղանշականութենէ, պարտ է զայս ամենայն խնդրել: Աւուրք կենաց մերոց ութմանասուն ամ, և եթէ ևս զօրութեամբ՝ ութսուն ամ². այս բնութեան սահման է, ասեն. զի այսչափ կարէ մարդկեզէն բնութիւն բաւական լինել: Մի 'ի դուռնիցն զհամաշխարհականն նկարիցեմք, զի ոչ ինչ է այն յայտ յար. այլ իմն նկատեսցուք. լինի մահ վասն մեղաց. և յայն սակս ասէ գիր, եթէ Բազում ժամանակս կացցես, և յաւելցեն ամբ կենաց քոց, զի երկայնակեաց լինիցիս 'ի վերայ երկրի. և այլուր, թէ Մի լինիր խիստ, զի մի տարածամ մեռանիցիս. և

¹ Յօր. Տառք ինչ ջնջագիրք:

² Այսպէս յօրինակին:

գարձեալ ասէ, թէ Աւուրք ամաց նոցա լցցին. և հաստատեալ գիտեմք եթէ յարդարութենէ և 'ի մեղաց' մահք 'ի ժամու և մահք տարածամք լինին: Իսկ արդ վասն առաքինութեանց տարածամ մահք ոչ լինիցի. Յափշտակեցաւ, ասէ, յառաջ քան զչարին. և յայտ է եթէ ըստ իմաստութեանն և ըստ մարդասիրութեանն Աստուծոյ՝ լինին մահք տարածամք: Ա՛ռ, ասէ, Աստուած զՅուսիա, զի մի տեսանիցէ զչարչարանս՝ որ գալոց էին: Տեսանէս, զի և վասն չարեաց և վասն մարդասիրութեանն Աստուծոյ լինին մահք տարածամք, և Ծերութիւն. Եւ եղիցի, ասէ, երկայնակեաց 'ի վերայ երկրի. և միւս ևս Ծերութիւն՝ վասն մեղաց, ըստ այնմ՝ որպէս վասն Կայենին ասացաւ. Ամենայն որ սպանանիցէ զԿայէն, ասէ, զԵւթն վրիժուց պահանջումն լուծցէ. որպէս ոմանք մեկնեցին, և այլք այլազգ. որպէս և մեք իսկ 'ի Զաքարիայ մեկնութեանն նշանակեցաք՝: Եւ Պաւղոս ասէ. վասն այնորիկ են 'ի ձեզ բազում հիւանդք և ախտածէտք և ննջեցեալք յողովագոյնք: Եւ յայտ է, եթէ երկուս պատճառս գտաք տարածամ և 'ի ժամու մահուց՝ հակառակ միմեանց, զարդարութիւն և զմեղս: Տեսցուք թէ և այլ ևս ինչ պատճառս գտանիցեմք. այլ² և գտանեմք իսկ. այլ ոչ որպէս դուն կարծես, եթէ բռնադատել ինչ կարիցէ զԱստուած՝ կամ ցաւ ինչ կամ մարդկան մեղանշականութիւն. մեռանին և 'ի ցաւոց և 'ի մարդկան զբարտառութենէ, այլ Աստուծոյ թոյլ տալով. այնպիսի ինչ, յորոց վերայ աշտարակն կործանեցաւ. զորոց և ասէրն իսկ Յիսուս. Միթէ նոքա և եթմեղաւորք էին քան զամենայն մեղաւորս: Եւ միւս ևս պատճառք հասուն մահու, որպէս 'ի Պաւղոսն կատարեցաւ. և ոչ վայրապար ինչ և ոչ 'ի զուր. զի արդար էր՝ յայն սակս եկաց շատ. Եւ այլ վասն ձերոյ օգտի կացից և մնացից. ապա թէ ոչ և նա ևս ընթացեալ

¹ Յայտ ցանկալի էր արդարեւ գիւտոյ այսպիսւոյ պատուական մարգարտի 'ի գանձատան մատենագրութեանց Սրբոյ Հայրապետիս, որոյ նշխարք և նմարք անգամ չերեին և չիշատակին, թող թէ բովանդակն, ցոյսօր ժամանակի, ոչ առ ազգայինս և ոչ առ օտարազգիս:

² Յօր. Յօտար գրչէ. Այ՛, այլ և գրեմէն է:

Ճեպէր առ Քրիստոս. այլ վասն քարոզութեանն կամեր յամել 'ի մարմնի անդ: Սոյնպէս և մարգարէքն վասն այսպիսի ինչ իրաց կէին ամս բազումս, զի շահօգտի լինիցի բազմաց: Ահաւասիկ երեք պատճառս ցուցաւ տարածամամահու և ժամու մահուց. կամիցիս և չորրորդ ևս պատճառս ուսանել. որպէս զԱբրահամ 'ի ծերութենէ 'ի մանկութիւն նորոգեալ: վասն սերելոյ զաւակացն 'ի նմանէ: կամիս և այլ հինգերորդ պատճառս ուսանել, որ անձառ և կարի զարմանալի է. մահ տղայոցն՝ որ 'ի դառնաշուռն հրամանէ Հերովդեսի անօրինի կոտորէին. զի նոքա ոչ վասն արդարութեան և ոչ վասն մեղաց կոտորեցան, և ոչ յափշտակեցան յառաջքան զչարիս ինչ, այլ յայլոյ դառնութենէ մտաց կոտորեցան. քանզի Հերովդէս առ իւրում չարութեանն կոտորեաց: Իսկ 'ի ջրհեղեղ, ասէ, ընդէր. յԱստուծոյ հրամանէ, ասեմք, ջնջեցան՝ վասն մեղաց իւրեանց: Եւ յԵգիպտոս մանկտիւն խորայեւացոց, և անդրանիկքն Եգիպտացոց. սակայն և նոքա վասն պատճառանաց ինչ. որպէս որք ջրհեղեղան ջնջեցան՝ վասն այլ ինչ պատճառանաց, և 'ի Հերովդեսէ՝ վասն այլոց պատճառանաց, և յԵգիպտոս՝ վասն այլոց. և թէպէտ և իւրաքանչիւր պատճառք իցեն, սակայն և զպատճառսն խնդրել պարտ է: Առ Նոյի՝ զի մի ամենեին չարիքն տարածանիցին. իսկ առ Քրիստոսի՝ ոչ այսպիսի ինչ. Եգիպտացոց՝ վասն հարցն մեղաց, իսկ խորայեւացոցն՝ վասն Եգիպտացոցն չարութեան: Եւ եթէ ասիցես, եթէ ընդէր ոչ զամենայն մեղաւորս նոյնպէս սատակէ. ասեմ: Թէ վասն զի դատաստան լինելոց է: Իսկ զմանկտոյն՝ որ 'ի Հերովդեսէն կոտորեցան, եթէ ասիցէ որ եթէ ոչ այնպիսի ինչ պատճառք կոտորեցան, զի եթէ մեղաւորք լինելոց էին՝ օգտեցան, և արդարք՝ փնասեցան. ասեմք, եթէ ոչ այդպէս. քանզի գիտէ Աստուած և այն ինչ ծնելոցն հատուցանել զհատուցումն, և մինչև ծնեալ էին, և մինչև մի ինչ բարի և կամ չար գործեալ, երէցն, ասէ, կրսերոյն ծառայեսցէ. և դարձեալ, եթէ Ձեռ կոր սիրեցի և զԵսաւ ատեցի: Եւ այս՝ ըստ հանդերձելոց իրաց ինչ. քանզի գիտէ Աստուած եթէ յոր չափ գալոց հասանելոց են. և յայտ է, զի եթէ

բարիք լինելոց իցեն՝ սիրելիք Աստուծոյ լինին, և եթէ չարք լինելոց իցեն՝ լաւ էր նոցա մեռանելն, զի մի չարք լինիցին: Իսկ զայն, ասեն, զիւրդ իմանայցեմք. զի թէ աւագակ որ կամ չարագործ սպանանիցի, այնպէս արդեւք հրամանք էին նմա, զի չար մահու մեռանիցի: Ոչ եթէ յԱստուծոյ ինչ այնպէս հրամանք էին նմա, այլ յիւրոց չարեաց. ել յիւրմէ անձնիշխանութենէ. ինքն իւր եղև արարիչ մահու. ինքն զանձն արկ ընդ բռնութեամբ մահուն. որպէս և Իմաստունն ասէ, թէ իւրօք իսկ ձեռք կռնեաց զնա: Եւ թէ գլորիցէ որ և մեռանիցի, Աստուած առնիցէ զայնպիսի մահն: Իցէ արդեւք զի ինքն յիւրմէ ծուլութենէ իցէ. զի յորժամ Աստուած թոյլ տացէ այնպէս մեռանել, վասն որոյ պատճառանաց՝ ինքն իսկ ճարտար գիտէ. և եթէ խեղդիցէ որ և մեռանիցի, ոչ եթէ Աստուած ընդ այն կամիցի, այլ թոյլ տայ ըստ կամաց յանդգնելոցն: Սոյնպէս և յորոյ վերայ աւագակք անկանիցին, է ուրեք զի հանէ զայլ ընդ առաջ և ապրեցուցանէ, և է ուրուք զի թոյլ տայ, զի մի զանձնիշխանութիւնն կարծիցէ՝¹ Եւ այսպէս իմանամք եթէ է մահ որ յԱստուծոյ հրամանաց և՛ ի կամաց լինի, և է՝ զի թէպէտ և ինքն ոչ կամի, բայց թոյլ տայ, զի անձամբ զանձն դատապարտեսցէ սպանողն: Ոչ ամենայն ուրեք օգնէ Աստուած, քանզի այնպէս կամի՝ զի մեք ապաստան լինիցիմք՝ ի նա. և ոչ ամենայն ուրեք ընդ վայր հարկանէ, զի մի առանց առաջնորդութեան և դարմանոյ համարեալ լինիցին արարածք իւր: Եւ յայտ է, եթէ ոչ օրհաս ինչ անվրէպական մահ սահմանեալ կայ ի վերայ մարդկան յԱստուծոյ, այլ մարթ է ապաշխարութեամբ և զելեալ վճիռ մահուն դարձուցանել, և փախտեալ ապաստան լինել արդարոյն և մեղաւորի առ Աստուած. որպէս և ել իսկ վճիռ ի վերայ արդարոյն Եղեկիայ, և նա դարձոյց անդրէն զհրամանն՝ արտասուօք: Այնպէս իսկ կամի Աստուած, զի ոչ միայն ըստ բնութեան, այլ ըստ արդարութեանն և ըստ մեղաց լինիցի մահ, զի կարիցեմք արդարութեամբն անցուցանել զտա-

¹ Այսպէս յօրինուկին. Թերեւս խրճիցէ:

րաժամ մահ: Եւ արդ զի՞նչ օգուտ է, ասէ, յորժամ լսիցեմ, թէ առաջին մարդն վասն մեղաց մեռաւ. և ես թէպէտ և արդարութիւնս ինչ գործիցեմ, ընդ նորին պատժօք այրեցեալ մեռանիմ: Այլ թէ արդար իցես՝ անցուցանես զմահն տարաժամ: և եթէ մեղաւոր լինիցիս՝ չկարես անցուցանել, և այս յայնժամ իսկ պիտոյ էր, այլ այժմ և զմահն իսկ հրամայեաց առ ոչինչ համարել:

« Ահա աւասիկ յաւելում՝ի ժամանակս քո ամս հնգետասան »: Եւ մի ևս ասիցեն թէ այսպիսի իսկ հրամանք էին. և զայս ոչ իմանան, եթէ եւ հրաման և տուաւ վճիռ, և նա դարձոյց անդրէն՝ արտասուօք: Եւ այս Աստուծոյ մարդասիրութեանն նշանակ է. զի 'ի մարդկանէ՝ որ զվճիռ մահու առնուցու՝ չկարէ ապրել, բայց թէ իցէ ոք՝ որ համարձակութիւն ունիցի առ դատաւորն, և կարիցէ ապրեցուցանել 'ի մահուանէն զմահապարան. իսկ առ Աստուած ոչ այնպէս, այլ ինքնին՝ որոյ զվճիռ առեալ էր, աղաչեաց միայն և արտասուեաց, և դարձոյց զպատիժս մահուն:

« Եւ 'ի ձեռաց արքային Ասորեստանեայց փրկեցից զքեզ »: Տես, զիմրդ զիջուցանէ զհպարտութիւն նորա. ես, ասէ, փրկեցից զքեզ, և ոչ դու անձամբ: « Եւ այս ինչ նշան լիցի քեզ 'ի Տեառնէ »: Ի պատերազմին տայ նշան զյաղթութեանն պայման. « Այս, ասէ, նշան լիցի քեզ. կերիցես այս ամ զսերմանեալդ »: զայնպիսի ինչ նշան՝ որ յիշեցուցանէ զանցեալ ինչ իրս. զի ոչ միայն յորժամ զհանդերձեալսն ինչ իրս կամիցի հաւատալի առնել Աստուած՝ տայ նշան, այլ զի և զանցեալսն մոռանայցեն. որպէս և օձիւն պղնձեաւ, զի այն յիշեցուցիչ իմն էր ձեռան տարածելոց¹. Գրեա զայդ, ասէ, առ յիշատակ, զի յայտնի լինիցիք այլոց ազգացն և որ գալոցն է առ յապա: Զի յորժամ մօտ ինչ իցեն, իրեն, չեն ինչ պէտք նշանաց, այլ յորժամ հեռի իցեն՝ յայնժամ պիտոյ են: Եւ արդ, տես զգարմանալիսն և զկանխասացութիւնն. զարմանալիք էին վճարել պատերազմին, զի յերևելոյ միոյ հրեշտակին սատակեցան զօրք Ասորեստանեայց. և ևս զարմանալի

1 Այսպէս յօրինակին:

կանխասացութիւնն. և եթէ սերմանես՝ ջիւք և հնձես ջիւք, որպէս և 'ի խաղաղ ժամանակս, և ոչ որպէս թշնամին տեղատարափ լինի սպառնալեօք: Յաւելոյր նշան 'ի նշանս. ոչ վասն արդարոյն, զի նա և առանց նշանաց իսկ հաւատայր, այլ վասն այլոցն ամենեցունց, զի յայտնի զիրն առնիցէ. զի 'ի կոտորածոյ զօրացն բաղմաց՝ ծանիցեն եթէ նա է տէր մահու. և յաւելլոյ կենաց 'ի ժամանակս Եզեկիայ՝ եթէ նա է իշխան և տուիչ կենաց:

« Ահա աւաղիկ ես դարձուցանեմ՝ զստուերդ՝ որ իջեալ է 'ի շողդ, 'ի տասն աստիճան՝ աքաղեան ապարանից հօր քո: Եւ դարձաւ շողն անդրէն »: Սիմաքոս յայտնագոյնս ասէ. Ահա աւաղիկ, ասէ, ես դարձեալ ընթացուցից զստուերդ. զաստիճանացդ, ընդ որս իջեալ է 'ի ժամացուցիդ Աբազու, և զշողդ անդրէն յետս զտասն աստիճանօք: Եւ դարձաւ շողն զտասն ժամն մեղմով իջանելով զաստիճանօք: — Մեծ իմն զարմանալի են իրք. զի եթէ վաղվաղակի տուեալ էր նմա անդրէն յետս ընթանալ, ոչ այնպիսի զարմանալի էին իրքն, այլ թերեւ 'ի նմին իսկ արեգական համարէին զընթացսն, և ոչ ինչ յայտնի լինէր. իսկ յորժամ անդրէն մեղմով դառնայր յետս, յայտ է՝ եթէ կառավարի ուրուք՝ որոյ բազում իշխանութիւնն իցէ՝ էր գործն: Եւ տես, զի ոչ 'ի հարթ ինչ վայրի իրքն գործէին, այլ յաստիճանս, ուր յայտնի երևէր զօրութիւն զարմանադործին. և այս ընդ ամենայն տիեզերս առհասարակ լինէր. ոչ որ երբեք ետես և ոչ լուաւ այնպիսի նշանս արարեալ: Ասէ Յեսու՝ որդի Նաւեայ. Կացցէ արեգակնդ. և լուսին. և զտեղի առին. թէպէտ և մեծ նշան էր, այլ ոչ այնպէս յայտնի ցուցանէր, եթէ ոչ ինքնակացք ինչ իցեն, այլ է ոմն որ ունի և վարէ զամենայն: Զի մի 'ի յօրինեալ ընթացիցն ինքնակաց ինչ կարծիցեն զարարածս, և կամ թէ արեգական ինչ իմանայցես զիւր գնացսն, վասն այնորիկ մեղմով շարժէ, և յորժամ կամի՝ և այլակերպէ. ոչ զի փնաս ինչ կամիցի առնել տիեզերաց, այլ զի զարմացուցէ և ածցէ 'ի հաւատս: Կացոյց գնա Յե-

սուռ որդի Նաւեայ, դարձոյց անդրէն յետս Աստուծո՛ւ արգել զձանապարհ նորա Քրիստոս, զի յորժամ տեսանիցես զնա նուաղեալ՝ ուսանիցիս եթէ ոչ նորա բընութեանն գործ ինչ է, այլ արարչին:

« Աղօթք Եղեկիայ արքայի Հրէաստանի, յորժամ հիւանդացաւն » . իսկ այլքն ասեն. Յորժամ խօթացաւն և յարեաւ յախտէն իւրմէ: Տեսանէս, որպէս բարերար և շնորհակալ եղև յախտին, և յիշէր զերախտինն: « Ես, ասէ, ասացի՝ ի բարձրութեան աւուրց իմոց » : Զբարձրութեան աւուրցս՝ զմանկութեան աւուրսն կուէ. կամ որպէս այլքն ասեն, եթէ ի հանդարտեալ աւուրց իմոց. այսինքն՝ ի դադարելն, ի հանգչելն: « Գնացից՝ ի դրունս դժոխոց. թողից զայլ ևս ամսն » . այսինքն ընդ տարածամ մահն, տրտմութեան չափ ամբ են, և մեղ հասանէ կեալ:

« Ասացի թէ ոչ ևս տեսից զփրկութիւն Աստուծոյ ի վերայ երկրի. և ոչ ևս տեսից զմարդ բնակչօք իւրովք » . Կայս ևս տրտմագոյն է. զի և զմեռեալս ևս տրտմեցուցանէ: « Պակասեցայ յաղգատոհմէ իմմէ. թողի զմնացորդս կենաց իմոց, եւ և գնաց յինէն իբրև զայն՝ որ քակէ զտաղաւար ինչ հարեալ. հոգի իմ եղև առ ի յինէն իբրև զոստայն սատարաց՝ մերձեալ ի հատանել » : Յայնմանէ յայտ է՝ եթէ ի վախճան հասեալէին կեանք նորա, և յոգիս ապաստան մերձ էր ի մեռանել. և զի Աստուծոյ փրկութեանն է ամենայն ինչ: Եւ արդ նոր իմն յարութեան գործ էր. զի թէպէտ և ի վախճան չեկն ինչ վճիռն, սակայն կեանքն իբրև վախճան իմն առին. զմեռեալն յարոյց՝ որ ապրեցուցանէ ի մահուանէ:

« Բաւուր յայնմիկ մատնեցայ ես մինչև յառաւօտ՝ իբրև առեւծու » : Զսաստիկ ցաւն կուէ առեւծ: « Այնպէս մանրեաց զամենայն զոսկերս իմ. ի տուրն ջենէ մինչև ի գիշեր մատնեցայ » : Այսու զվախճանն յայտ առնէ, որ եկն եհաս ի վերայ, և զԱստուծոյ յանկարծահաս փրկութիւնն. զի յոյս հատութիւնն² յոյս եղև նմա:

« Իբրև զծիծեռն՝ այնպէս ճչեցի³, և իբրև զաղաւ-

1 Յօր. Գեաղ:

2 Յօր. Հաբուսիէսն:

3 Յօր. Զվարդ:

նի՝ այնպէս մնչեցի » : Այսինքն գոչէի, պաղատէի առ զայրուցս ցաւոցն սաստկութեան : « Զի նուաղեցին աչք իմ՝ի հայելոյ՝ի բարձրութիւն երկնից առ Տէր, որ փրկեացն զիս, և փարատեցոյց զցաւս անձին իմոյ » :

« Տէր, վասն այսորիկ պատմեցաւ քեզ » . այսինքն վասն անձինս իմոյ : « Զարթուցեր զշունչ իմ, և մխիթաւրեալ կեցի : Ահաւասիկ՝ի խաղաղութիւն դարձաւ դառնութիւն իմ : զի փրկեցեր զանձն իմ՝ զի մի կռւեայց, և ընկեցեր յետս զամենայն մեղս իմ » : Տեսանեա, զիարդ ցուցանէ եթէ մեղք՝ մահու պատճառք են . որպէս և սա ինքն իսկ խոստովան լինի . « Զի ոչ եթէ որ՝ի դժոխս իցեն՝ փառաւոր առնիցեն զքեզ, և ոչ մեռեալք օրհնեսցեն զքեզ » : Ապա ոչ ուրեմն ընդհատ՝ի մեռելոց են, որք ոչ օրհնիցեն զԱստուած, այլ ևս վատթարագոյնք քան զմեռեալս . զի որ զԱստուածն ոչ փառաւորեն, այնպէս համարեն, եթէ մեռեալ և՛ի գերեզմանի իսկ կայցեն : Եւ յիրաւի ասէ, եթէ « Որ կենդանիք իցեն օրհնեսցեն զքեզ՝, զոր օրինակ և ես » : Եւ կենդանիս աստ՝ զայնոսիկ կոչէ, որ յաստուած պաշտութեանն կենդանի իցեն . և յայտայնու է որ ասէն, եթէ « Զոր օրինակ և ես » : Զի ոչ եթէ նա միայն կենդանի էր՝ի ժամանակին, այլ աշխարհք ամենայն, և աստուած պաշտութեամբն՝ նա միայն կենդանի էր . զի ոչ եթէ թերահաւատութիւն ինչ՝ի յարութեանն ասէր արդարն, եթէ « Ոչ որ՝ի դժոխս իցեն՝ փառաւոր առնիցեն զքեզ, և ոչ մեռեալք օրհնեսցեն զքեզ » . այլ եթէ որ՝ի մեղսն մեռեալ իցեն՝ իբրեւ զայնոսիկ՝ որ՝ի հոգն կայցեն փրտեալ անպտուղ են յօրհնութենէ :

« Ոչ դադարեցից օրհնել զքեզ սաղմոսարանաւ զամենայն աւուրս կենաց իմոց՝ յանդիման տաճարիդ Աստուծոյ » : Տեսանեա, որչափ խոստանայ ամբաստան լինել զմեղաց . զի որչափ յամենայն ժամ ոչ դադարեացէ յանդիման տանն Տեառն օրհնել զԱստուած, ոչ ինչ այնուհետեւ կարեն ոտնկոխ լինել՝ի նմա մեղք :

« Եւ ասէ Եսայի ցեղեկիա . Առ դու պաղատիտս՝ի Թղոյ, և դիւրի վերայ վիրիդ և ողջացի : Եւ ասէ Եզեկիա . Այս ինչ նշան լիցի՝ զի ելից ի տունն Աստուծոյ » : Եւ ընդէր պաղատիտս՝ի Թղոյ հրամայէր դնել

ի վերայ վերին. այլ ըստ այնմ օրինակի, որպէս և Նեէման կամեցաւ, երևելի ինչ և մարմնաւոր նշանակ իւրոյ բժշկութեան առնուլ զհողն, նոյնպէս և սա:

Եւ զիմարդ ասիցէ, եթէ Այս են աղօթք եղեկիայ՝ յորժամ յարեալ ՚ի հիւանդութենէ, և այժմ ասէ, եթէ « Դիւր սպեղանիս ՚ի վերայ վերիդ, և ողջասցիր »: Սովորութիւն իսկ է մարգարէիցն՝ յետ ճառելոյ զիրաց ինչ՝ վերստին կրկնակի պատմել. զի ոչ եթէ բժշկաց ինչ ճարտարութեամբ ցաւք փարատէին, այլ յԱստուծոյ օգնականութենէն. զի ոչ հնարիւք ինչ դեղոց, այլ և առանց դեղոցն կարող է բժշկել. և ոչ պատարաքս խնդրելով. և եթէ խնդրիցէ ևս պատարաքս՝ զհաւատան միայն բժշկելոցն: Վասն այնորիկ իսկ ՚ի հարիւրապետին տուն ոչ չողաւ Քրիստոս, քան զի մեծ էին հաւատք նորա. իսկ ՚ի ժողովրդապետին տունն չողաւ՝ վասն չափոյն նուազ հաւատոյն: Դարձեալ ՚ի միւսումն ասէ. Կամիմ, բժշկեալց. և առ միւսն ձեռն ձգեաց, և զմիւսոյն ևս զաչան զննէր. ընդէր արդեւք. այլ զի ըստ ամենեցունց զիջանիցէ: ԶՆեէմանայ բորոտէ ասէ. Երթայցէ լուայցէ. և զկուրին՝ ինքնին ծեփեաց զաչս կաւով. և կաւ բժշկութիւն ինչ ոչ գործէ, այլ և զաչս իսկ կուրացուցանէ: Եւ վասն Ղազարու ասէ. Առէք զվէմդ ՚ի բաց. և Արի, եկ արտաքս: Միթէ մինչ կափարիչն ՚ի վերայ կայր՝ չկարէր զմեռեալն յարուցանել. այլ զի և որ զվէմն վերացուցանիցեն՝ լինիցին վկայք յարութեանն. զի եթէ ըզդրունս մահու եբաց, և զարգելականն՝ որ ընդ նորա աղիսիւք պաշարեալ կային՝ եհան, որչափ ևս առաւել կարող էր զվէմն կափարիչ՝ բանիւ ՚ի բաց տապալել. այլ զի մի ՚ի թերահաւատութիւն դառնայցեն՝ մարդիկ, որոց առաջի յարուցանէր զմեռեալն: Սոյնպէս և աստ, հրամայեաց առնել սպեղանի ՚ի թղոյ. այլ զի հասեալ կայր ՚ի վերայ օրհաս, ինքնին իսկ վկայ եղև. ասէ. Ոգի իմառ յինէն իբրև ոստայն սատարաց՝ մերձ ՚ի հատանել: Եւ յայտ է, եթէ ոչ ՚ի սպեղանոց թղոյն, այլ ՚ի հրամանէն Աստուծոյ եղև բժշկութիւն. զի ՚ի բժշկացն օգնութիւնք՝ ՚ի դեղոյն բնութենէ են, և ոչ եթէ ՚ի նոցա ինչ զօրութենէ. իսկ Քրիստոսին ոչ այսպիսի ինչ է. քանզի ոչ եթէ ՚ի դեղս ինչ մատուցա-

նէր սպեղանին, այլ 'ի նշանակ իմն. զի դեղձ բան նորա է, յորժամ հրամայէ՝ և ամենայն ինչ դիւրաւ լինի:

« Այս ինչ իցէ, ասէ, նշանակ, զի ելից 'ի տունն Աստուծոյ »: Իսկ այլքն ասեն, եթէ Զինչ նշանակիցէ, զի ելանիցեմ 'ի տունն Աստուծոյ: Մի, ասէ, զաղօթից ինչ կամ զառողջութեան կամ զայլ իրիք տացես նշան, այլ յորժամ ցուցանիցես՝ եթէ 'ի տանն Աստուծոյ իցես, այն լիցի նշան:

ԳԼՈՒԽ ԼԹ

« Ի ժամանակին յայնմիկ առաքեաց Մարողաք Բաղդաս, որդի Բաղդայ »: Եւ զինչ առաքեաց արդեւք. « Թողլո՞ւ ողջունականս և հրեշտակս պատարագօք »: Տեսանեն, որպիսի ինչ ուղղութիւնք գործեցան 'ի հիւանդութենէ Եղեկիայ. տեսանեն զպրտուղ յաղթութեանն: Որք միշտ ընդ կրուկն հարկանէին զօրօք զՀրեայս, և բնաւ առ մարդս իսկ ոչ ունէին զնոսա, և անօրէն իմն համարէին զազգ. նոցա, նոքա հրեշտակս արձակէին, 'ի խաղաղութիւն խօսէին և զկրօնիցն իմն փոյթ առնէին, և յանձին ունել ախորժէին զհրեական օրէնսն. զի յետ առողջութեանն առաքել՝ այն իսկ էր միաբանութեան նշանակ. ոչ միայն պատարագօք 'ի հաշտութիւն խօսել, այլ և բարեկամութիւն ևս կամօք յանձին ունել: Իսկ Եղեկիա զբարեկամացն իմն հանգոյն և հաստատուն սէր ցուցանէր առ նոսա:

Իսկ մարգարէն ցեղեկիա. « Զինչ, ասէ, ասեն արքդ. այդօքիկ, և կամ ուստի եկին առ քեզ »: Եթէ զինչ ասիցեն՝ զայն ինչ չյայտնեաց՝ Եղեկիա, բայց եթէ ուստի իցեն եկեալ՝ ասաց: Միթէ առ չգիտեմ ինչ հարցանիցէ մարգարէն. և զի ոչ առ չգիտեմ հարցանի, յետոյ յայտ առնէ. այնու՝ զգերութեանն գալ գուշակեաց նմա: Եւ պարտ էր խնդրել՝ թէ զինչ

պատճառք իցեն ցասմանն գերութեանն. թէպէտ և չէ յայտնի, այլ զ...աւլ առատ ¹ զուարթութիւնն Եղեկիայ պարտ էր կարծել. զի որպէս հիւանդու-
թեանն պատճառք յայտնի չէ ² և զՀպարտութիւնն իմանամք, նոյնպէս և աստ, թէպէտ և չէ ինչ յայտ,
սակայն զի 'ի մարդիկ յոյս արար և ոչ զԱստուած՝
իմանամք. զի չէր պարտ նմա 'ի նոսա յուսալ, և ոչ բա-
րեկամութիւնս ինչ առնել ընդ նոսա ³. այլ իբրեւ
պարտեալ 'ի պատարագացն՝ ոչ եցոյց նոցա զինչ պարտ
էր ցուցանել, այլ փոխանակ այնր՝ եցոյց նոցա զտունն
Նեքովթայ. Ակիղաս փոխանակ Նեքովթայն՝ զինկոց
տունն, ասէ. Սիմպրոս, զզինուցն պատերազմողաց, և
զոսկոյ և զարծաթոյ և զստատկէից՝ որ է տաշխն, և
զիւղոց և զինկոց, և զամենայն ինչ՝ որ էր 'ի գանձս
իւր: Ընդէր առնէիր զնոսա բարեկամս և ոչ զԱս-
տուած, որով ամենայն ինչ քեզ զգուշալի է: Իսկ
ոմանք ասեն, երկեցուցանել կամեցաւ զնոսա գան-
ձուցն ցուցանելով, որում պարտ էր այլով իւրիք երկե-
ցուցանել: Իսկ այլք ասեն, եթէ զնշանին՝ որ եղև,
զպատճառս եկին ուսանել. զի օրն այն մեծ և երկայ-
նաձիգ եղև քան զամենայն աւուրս. զի տասն ժամ
էր, և դարձաւ անդրէն այլ ևս տասն ժամն արե-
գակնն, զի ընդ գալն և ընդ անդրէն դառնալն՝ լինի-
ցին այսքան ժամ: և դարձեալ ըստ իւրոց գնացից, այլ
ևս երկոտասան ժամ գնաց արեգակն: Իսկ Բաբելա-
ցիքն դժնդակք առ այսպիսի իրս, եկին հարցանել
վասն նշանին՝ որ եղև. քանզի չէր ըստ սովորութեանն
ընթացից արեգական երեսուն և երկու ժամք լինել
'ի միում աւուր: Վասն որոյ և մարգարէն ասէ, եթէ
« Զինչ ասեն արքդ այդոքիկ »: Եւ նորա թողեալ 'ի
զարմանալեացն ցուցանել մեծ զԱստուած, 'ի մարդ-
կականացն առնէր զանձն ահագին. և զայն ոչ ածէր

1 Յօր. Տառ մի եղծեալ. Թերևս պարտ իցէ ընթեռնուլ Վերա-
տաք, իբր ըստ չափ, չապլօրէն, որպէս գտանի և յայլ թարգ-
մանութիւնս Ոսկեբերանի 'ի նախնեաց իսկ առաքութիւն՝ չապլու-
թեան իմաստիւք:

2 Յօր. Յայդ իւլ է. այլ օտար գրչաւ՝ յայդ չէ:

3 Յօր. Առ նոսա. յօտար գրչէ՝ առնել ըդ նոսա:

զմտաւ, եթէ գրեալ է, թէ Անիծեալ լիցի մարդն՝ որ առնիցէ գոյս իւր 'ի մարդ մահկանացու։

« Եւ ասէր Եսայի. Ահա աւասիկ աւուրք եկեսցեն, և առնուցուն զամենայն՝ որ ինչ 'ի տան քում է. և յոր դուռ քոց՝ զոր ծնանիցիս՝ առնուցուն և առնիցեն կուրտս »։ Իսկ այլքն՝ ներքինիք, ասեն։ Բարիոք ասեն ոմանք վասն Դանիելի, եթէ 'ի զաւակէ թագաւորու թեանն էր, և արարին զնա ներքինի, և զերից մանկանցն։

« Եւ ասէ Եզեկիա. Բարի է բանդ. յաւուրս իմ խաղաղութիւն եղիցի »։ Այլ ոչ այսպիսի ինչ սքանչելի և մեծամեծ որեարն. զհարդ արդեւք. Ինձ քաւ լիցի, ասէ, դադարեալ յաղթս առնելոյ վասն ձեր. և միւսն, թէ Ես հովիւս մեղայ և ես չարչարեցի, դոքա խաչնդ զի արարին. և միւսն. Թէ թողուս զդոցա զմեզս՝ թող, ապա թէ ոչ և զիս ջնջեա 'ի դպրութենէդ՝ յորմէ գրեցեր, նոքա ոչ ինչ զգային իւրեանց անձանց բարկութեանց, յորժամ զայնոսիկ՝ ընդ որս էինն 'ի վիշտս տեսանէին. և սա ոչ ինչ իմանայր զայլոցն վիշտս՝ մինչև ինքն 'ի բարիսն էր. սորայս մարդկեղէն իմն էր, և նոցայն հրեշտակական. սա առ իւր որդիս և թռուռնս անգութ և անագորոյն, և նոքա առ օտարս գթածք և խնամակալք։ Զայս ասեմք՝ զի մի զսոյն առնիցեմք. զի եթէ մեծատունն՝ որ անագորոյն գտաւ առ Ղազար, այնպէս գթածագոյն էր 'ի տանջանսն, որչափ ևս առաւել մեզ պարտ իցէ լինել գթածագոյն։ Տէս, որչափ ինչ օրինակ առաքինութեան ան յանձն 'ի տանջանացն. զի արդարն Եզեկիա և ոչ վասն որդուոց իւրոց ինչ հոգացաւ, իսկ անգութն և անագորոյն՝ և ոչ զազգականաց ինչ անփոյթ արար. զի թէպէտ և այնչափ տանջանք զանձամբ պատեալ էին¹, սակայն յաղերսոյն և յողորմանացն չդադարէր. թէպէտ և ոչ ինչ կարէր նոցա միութարութիւն գտանել, այլ յաղաչելոյ և 'ի մողութելոյ ոչ դադարէր։ Եւ արդ սէր իցեն՝ որ ասիցեն, եթէ տանջանաւորացն այն իմն միութարութիւն է, եթէ ամենեքեան 'ի տանջանսն գտաւ նիցին. զի ահա աւանիկ նա ոչ այնպէս աղաչէր, զի

¹ Յօր. Էն՝ յօսփար 4րէէ։

տանջանք՝ի տանջանս տանջանաւորացն յաւելուցուն,
այլ այնպէս պաղատէր՝ զի մի յանցանիցեն, և ՚ի նոյն
տանջանսն՝ որ չէինն եկեալ՝ գայցեն: Եւ մանաւանդ
յիւրաւի իսկ. քանզի զի՛նչ օգուտ իցէ քեզ, ո՛վ մարդ,
զայս ՚ի տանջանս ըղձանալ. միթէ քեզ այն դիւրու-
թիւնն ՚ի ցաւոց անտի լինիցի. միթէ քան զչափն
թեթեալոյն ինչ լինիցին տանջանքն. այո՛, ասէ,
յաստի իրաց¹. աստի գործես, քանզի չես ինչ տե-
ղեակ այնպիսի մեծամեծ պատժոց: Եւ զմեծատունն
արդեւք միայն ինչ իմանայցես ՚ի տանջանս, և ո՛չ ընդ
բիւրուց բիւրս պատժաւորս. և զի ոչ միայն էր, այլ
ընդ բազումն, լիւր Աբրահամո՛ւ՝ որ ասէն, եթէ Վիր-
մեծ է ընդ մեզ և ընդ ձեզ, Միթէ բազմութիւնն
զտապ բոցոյն հանդարտագոյն ինչ արար. և ոչ ուրեք:
Կամ Հրեայքն յորժամ գերի վարեցան, միթէ զի ընդ
բազումն էին՝ միթարութիւնն ինչ էր այն նոցա: Զի
թէ միտս ունիցիս, ո՛վ մարդ, զի յորժամ դու միայն ի-
ցես ՚ի պատիժս, մարթ է այլոց աղաչանօք փրկու-
թեան հասանել. իսկ եթէ ամենեքեան յանցաւորք
գտանիցիմք առ Տէրն, ո՛վ իցէ՝ որ զցասումն նորա
ցածուցանիցէ: Եւ քանզի Եղեկիա այնպէս անադո-
րոյն գտաւ առ իւր ծնունդան, տես զմարդասէրն,
զիմարդ տայր խրախոյս:

ԳԼՈՒԽ Խ

« Միթարեցէք, միթարեցէք զժողովուրդս իմ,
ասէ Աստուած. քահանայքդ, խօսեցարուք ՚ի սիրտն
Երուսաղեմի »: Եւ ոչ վայրապար ինչ կրկնէ. այլ քան-
զի առ այնպիսիսն է պատգամն՝ որք ՚ի յուսահատու-
թիւնն կործանեալ էին. որպէս և ցԱբրահամն ասէր,
թէ Աբրահամ, Աբրահամ, նոյնպէս և աստ, թէ
« Միթարեցէք, միթարեցէք »: Քանզի բազում
և երկայնաձիգ բանս ամբաստանութեան յաճախեաց

¹ Այսպէս յօրինակին:

առ Հրեայան, և բիւրապատիկ չարիս՝ որ լինելոց էին նոցա՝ յառաջագոյն գուշակեաց, և կսկծեցոյց ահա- գին բանիւք զմիտս նոցա, յանկարծակի իմն դար- ձեալ անկեալ յաղերս, ասէ. « Ժողովուրդ իմ » . զոր այլուր այլազգ իմն ասէր, թէ Ն'րթ, էջ աստի վաղ- վաղակի, զի անիրաւեցաւ ժողովուրդն քո . զի Մովսի- սի արժան էին կոչել ժողովուրդ, և ոչ Աստուծոյ : Իսկ արդարն և տիրասէր ծառայն յանձին կալմաւ ար- դեւք ունել զնոսա առ ժողովուրդս . և ոչ ուրեք : Եւ ընդէր արդեւք ասաց, եթէ ժողովուրդ քո . այլ զի զնա 'ի խնդրուածս գրգռեսցէ . քանզի ասելովն՝ եթէ Թոյլ տուր ինձ, նշանակէր եթէ զնա յորդորէր 'ի պա- ղատանս :

« Բահանայք, խօսեցարուք 'ի սիրտ Երուսաղեմի » : Բանզի քահանայից գո . . . ձինն ¹ են այնպիսի իրք, միջնորդ լինել, յուղղութիւնս ածել . զի նաւահան- գիստ են ժողովրդոցն և բարեխօսք առ Աստուած 'ի հաճեցուցանել, միջնորդք Աստուծոյ և մարդկան : « Մխիթարեցէք զգա, զի լցան տառապանք դորա . Թողեալ լիցին դմա մեղք իւր, զի ընկալաւ 'ի ձեռանէ Տեառն կրկին ըստ մեղաց իւրոց » : Այլ մեք ասեմք եթէ ոչ ըստ պարտեացն հատուցանէ Աստուած, ըստ այնմ . Զի եթէ զանօրէնութիւնս պահեսցես, ով կա- րիցէ կալ առաջի քո ամենայն կենդանի . իսկ դու ա- հաւադիկ ասես, թէ « Նկալաւ 'ի ձեռանէ Տեառն կրկին ըստ մեղաց իւրոց » : Եւ այս խնամածի և յա- ճախագուծ հօր է, սակաւ ինչ տանջել, և մեծ համա- րել զգանն . քանզի ոչ իսկ ժուժայ սէր զբազում տան- ջանս պատժաւորացն տեսանել : Եւ այլազգ ևս . զի և առ 'ի հաւատալ կամի ածել զնոսա՝ բարութեանցն միւսանգամ՝ նորոգութեանց : « Թողեալ լիցին դմա մեղք իւր » : Փայփայանք են առ այնոսիկ՝ որ 'ի պա- տիժան էին . զի այսպէս իմն պատիժք սովոր են լինել լուծիւք մեղաց ² :

« Զայն բարբառոյ յանապատի . Թողեալ լիցին նմա մեղք իւր » : Ասաց նախ զգերութիւնն, գուշակեաց

¹ Յօր. Բառ. մի եղծեալ. Թուի լինել գործ առաջինն :

² Յօր. Բառաբար. օտար գրչաւ Ռուդ :

ապա և զմիսիթարուծիւնն ¹ և զազատուծիւն 'ի գերութենէն. միթէ միշտ որչափ մեղանչիցեմք՝ տանջեմք իցեմք, և ոչ առնիցէ լուծումն մեղացն. այո, ասէ, լինի լուծումն մեղաց ²:

« Զայն բարբառոյ յանապատի »: Այսինքն աւետիք՝ յաւերակ երկիր Հրէաստանի, յետ դարձին: Այլ է և այլազգ. ևս իմանալ. « Զայն բարբառոյ յանապատի »: ոչ միայն յաւերակ տեղիսն, այլ յոգիս աւերակս և յանապատացեալ: Եւ վասն էր աղաղակիցէ առանգջայնս. այլ զհամարձակութիւն քարոզին ցուցանէ մեզ. եկեալ բերէր ամբաստանութիւնս Հրէիցն, և ոչ ինչ զանգիտէր. արդ. և լսէր ³ 'ի նախնեացն իւրոց, թէ արեամբ մարդարէիցն լի են ձեռքնոցա, ինքն ոչ ինչ խորշէր. այլ համարձակեալ ևս ասէր, եթէ Մնուհդ թիփց, մ ցոյց ձեզ փախչել 'ի բարկութենէն՝ որ գալոցն է: Եւ արդ. զոր օրինակ սա՝ որ կոչեցաւ բարբառ, է ոչ միայն բարբառ ⁴, այլ և մարդ. և մարդարէ, սոյնպէս և Բանն Աստուած՝ ոչ միայն բան ինչ անանձն, այլ և բան անձնական և մարդ. կատարեալ: Եւ բարիոք ասաց, եթէ յանապատի. քանզի քաղաքք լի էին չարեօք. ուր չարիքն չէին և սուրբ 'ի մեղաց էին տեղիքն՝ անդր խոյս ետ գնաց. անապատ էր երկիրն ⁵ 'ի սլողոց պատշաճի:

Լուր զգաստութեան և հեղութեան. զի ոչ էին անդ պատերազմունք և ոչ սպանութիւնք, և ոչ յափրշտակութիւնք և ոչ ագահութիւնք, և ոչ մյլ ինչ չարիք. վասն որոյ ասէ մարդարէն, եթէ Տեսի զանօրէնութիւն 'ի քաղաքի. և Անօրէնութիւն և վաստակք են 'ի մէջ նոցա. և այլուր, եթէ Ըդէր ցուցեր ինձ զվաստակս և զցաւս միանգամայն: Եւ վարդապետութիւն իմն վաղվաղակի 'ի սկզբանցն ընծայեցուցանէ, արհամարհել զամենայն ինչ զատի կենացս. զի զանապատ իւր բնակութիւն առնիցէ, զքաղաքս և որ

1 Յօր. Գալիւթաց ապա և զիմիթարուծիւնն, օտար գրչի է:

2 Յօր. Այո, ասէ, լինի լուծումն մեղաց, օտար գրչի է:

3 Յօր. Օտար գրչաւ՝ լսեալ էր:

4 Յօր. Ոչ միայն բարբառ՝ օտար գրչի է:

5 Յօր. Նրին:

ինչ 'ի քաղաքս իցէ, անդ նկարէ զամենայն: Այսպիսի իմն էր և Ադամ զառաջինն. ոչ տան ինչ կարօտանայք և ոչ հանդերձից և ագանելեաց, և ոչ իմիք այսպիսեաց՝ առ 'ի նշանակ հանդերձեալ զգաստութեանս: Ոչ այնչափ քաղաք ամբոխեալ պատշաճէ 'ի բնակութիւն, որպէս զանապատ ինչ խաղաղացեալ յամբօխից:

Եւ արդ տեսցուք զինչ ասիցէ. « Պատրաստ արարէք զճանապարհս Տեառն, և ուղիղ արարէք զշաւիղս նորա »: Քանզի անկոխ և անարահետ էին շաւիղքն: Զոր օրինակ այր մի թագաւոր 'ի քաղաք ուրեք դիմիցէ, զճանապարհն՝ որ զբազում ժամանակս կուրացեալ իցէ, և անհետ և աներևոյթ լեալ, փշալից, տատասկաբեր, պարտուպատշաճ է մաքրել և յատակել և պատրաստագոյն յօրինել, նոյնպէս և յայնմ ժամանակի ելանէին իրքն 'ի դէպ. եկն յառաջագոյն հորդել ճանապարհ Քրիստոսի:

« Ուղիղ արարէք զշաւիղս նորա »: Այսինքն ընդ անկոխն ընդ անգնաց՝ հորդեցէք նմա ճանապարհ: Եւ այն իսկ են զարմանալիք, զի ընդ անապատն կամի գնալ, ուր ոչ և արահետ ինչ երբեք առաքինութեանց երևեցաւ, և ոչ մի ինչ զգաստութեան. զի մոգութեան և պոռնկոք և մաքսաւորօք և սաղակօք նախ քարոզեցաւ. քանզի նոցա ոգիք անկոխ, անհետ¹ էին յառաքինութեանց. ոչ երբեք յօժարեալք 'ի զգաստութիւնս, և ոչ ցանկացեալք քաջութեանց, այլ միշտ ներկեալք 'ի չարութիւնս: Մեծ է թագաւորին զօրութիւն, որ զանանց և զանկոխ անապատ՝ հորդեաց արար արքունի պողոտայ:

« Ամենայն ձորք լցցին, և ամենայն լերինք և բլուրք խոնարհեցին »: Եւ տեսանեմք ըստ նկարագրին և ըստ նորոց կտակարանացս կատարեցաւ այս. նախ 'ի դարձին, զի առանց դժուարութեան և առանց խափանելոյ եկն² ժողովուրդն 'ի Բաբելոնիէ. ապա և այլազգ. ևս. զի ձորոցն լնուլ, և լերանցն և բլրոց խոնարհել, և դժուարաց 'ի դիւրինս դառնալ:

¹ Յօր. Աւել.՝ յօտար գրչէ:

² Յօր. Եւ:

ոչ այլ ինչ նշանակ է, այլ թէ դիւրին իմն և հեշտական իցէ ճանապարհն՝ որ տանիցի յառաքինութիւնս. զի ոչ խորաձորք ինչ պատահիցեն, և ոչ լերինք դժուարինք՝ ի դիմի հարկանիցեն, և ոչ այլ ինչ արգել լինիցի այնոցիկ՝ որք կամիցին. Եւ լուր, զիարդ զգիւրութիւն ինքնին Տէրն ընծայեցուցանէ՝¹. Լուծ իմ քաղցր է և բեռն իմ փոքրոգի. Եւ Պաւղոս. Զի որ առժամայն, ասէ, թեթեւութիւնս է նեղութեանց, ըստ առաւելութեան՝ զյաւիտենից փառացն ծանրութիւն գործէ մեզ. և Մերկացեալք, ասէ, զհին մարդն. զի որպէս մերկանալն դիւրաւ է, նոյնպէս և զբարիսն՝ ի բաց ընկենուլ դիւրագոյն է. Եւ յայտ է, եթէ ոչ բնութեամբ ինչ էր այնպէս դիւրին առաքինութիւնն, այլ Քրիստոս յիւրում գալստեանն արար զնա դիւրագոյն. որպէս և Պաւղոս իսկ ասէ, եթէ Այր մի տառապեալ եմ ես, ո՞ւր պրեցուցէ զիս ի մարմնոյ աստի մահու. և դարձեալ, եթէ Ոչ դատապարտութիւն ինչ է այժմ՝ այնոցիկ՝ որ ի Քրիստոս ըստ մարմնոյ ոչ շրջիցին. յառաջ քան զՔրիստոսի գալուստն՝ իբրեւ մայրիք իմն թանձրախիտք, և ափափայք անանցք և անհնարինք և անհետք. իբրեւ ողբօք և արտասուօք իմն աշխարհին մարգարէքն և արդարքն զայնոսիկ՝ որ յայնպիսի առապարս բնակեալ էին. և յետ այնորիկ ոչ ևս այնպիսի ինչ. Եւ վասն էր ասէ, « Ամենայն ձորք լցցին, և ամենայն լերինք և բլուրք խոնարհեցին »։ Հարցցուք ցՀրեայսն՝ թէ ո՞ւր եղև այս, ո՞ր լեառն խոնարհեցաւ, կամ ո՞ր ձոր լցաւ. զի ոչ ինչ այսպիսի նշանակէ Եզրա, որ վասն դարձին գրեաց, Այլ ես ցուցանեմ, եթէ վասն առաքինութեանց ասացեալ է. որպիսի ինչ, զի երբեմն և ոչ անուն կուսութեան էր ուրեք, զի այնպէս դժուարինք և քարուտ և խորաձոր իմն է ճանապարհն կուսութեան և առաքինութեանց. և այնպէս դիւրեցաւ և հարթեցաւ, զի և կանանց ևս անգամ դիւրին է գնալ ընդ այնպիսի արքունական և անկասկած ճանապարհ. զի բազումք անխէթ և աներկիւղ գնան ընդ այնպիսի ճանապարհ. քանզի զոր ինքն

1 Յօր. Մատթեոսոսի. օտար գրչաւ՝ ընծայեցաւնէ :

արար՝ ի նոյն և զմեզ յորդորէ. « Պատրաստ արարէք զՃանապարհս Տեառն » . ընդ որս նախ ինքն գնաց, և զմեզ ի նոյն առաջնորդէ, զի և մեք կամիցիմք, ըզձանայցեմք և ցանկանայցեմք: « Ամենայն ձորք լցցին » : Զի չէ ինչ յառաքինութեանց՝ որ դժուարին իցէ, և ոչ այն՝ որ դիւրին քան զմիւսն. այլ զամենայն ամենին, ասէ, դիւրաւ առնիցէք և կատարիցէք՝ եթէ կամիցիք:

« Եւ եղիցին ամենայն դժուարինք ի դիւրինս, և առապարք ի դաշտս » : Եւ զի՞նչ իցէ՝ դժուարինք ի դիւրինս. զի ոչ միայն ի բռնաւոր ձեռաց զերծանիցիմք, այլ զի ի մոլորութենէ, և յայնցանէ՝ որք զուղութիւնսն մեր ի կամակորութիւն՝ դարձուցանիցեն. զոր և Ափղաս յայտնագոյն իսկ ասէ, եթէ Զկամակորն յուղուութիւն. զոր և Եբրայեցին՝ Ակովբա՝ կոչէ, այսինքն՝ կամակոր. ըստ այնմ՝ եթէ Եղիցին ամենեքեան ուսեալք յԱստուծոյ: Եւ ոչ ասաց, եթէ բարձցին դժուարինք, այլ եթէ ինքեանք ի դիւրինս դարձցին. և այս իսկ է մեծի զօրութեանն նշանակ, զի ոչ զընութիւնն փոխէ, այլ զբարսն և զկամս դարձուցանէ. զի թէպէտ և յաղքատութեան որ իցէ, զաղքատութիւն ոչ դժուարին ինչ, այլ ցանկալի թուեցուցանէ՝ վասն աստուածաշնորհութեանն:

« Եւ եղիցին ամենայն՝ դժուարինք ի դիւրինս, և առապարք ի դաշտս » : Զի՞նչ դժուարագոյն իցէ քան զընչից չքաւորութիւն. սակայն և զայն ուրախութեամբ տանէին և բազում ախորժական դիւրութեամբ. և էր ուրախութիւն ամենեցուն նոցա, զի Մի անձն և մի սիրտ էր ամենեցուն, և ոչ որ ասէր զընչից՝ եթէ իւր առանձինն ինչ իցէ, այլ էր նոցա ամենայն ինչ հասարակաց: Նա և Առաքեալ ասէ, եթէ Յիշեցէք զաւուրսն զառաջինս՝ յորս լուսաւորեցայք և բազում ճգնութեան համբերէիք. մերթ նախատանաց և նեղութեան, և զափշտակութիւն ընչից ձերոց խնդութեամբ ընկալարուք: Զի՞նչ խօսիսդ, ով Պաւղոս.

1 8օր. Մեր ի խմբագրութեան, յօտար գրչէ:

2 Եբրայեցի բառն է օրօն, որ է Եփեսոս:

3 8օր. Ափղաս՝ յօտար գրչէ:

գլխափշտակութիւն ընչից իւրոց խնդութեամբ ընդունիցի. այո՛, ասէ՛. քանզի գրեալ է, եթէ « Եղիցին դժուարինք 'ի դիւրինս »: Եւ Ղուկաս 'ի Գործս առաքելոց, եթէ Ելլին ուրախութեամբ յերեսաց առնին, զի արժանի եղեն վասն անուանն կրել թշնամանս:

« Եւ եղիցին դժուարինք 'ի դիւրինս »: Զի՞նչ դժուարագոյն իցէ քան զսպառնալիս, և զի՞նչ վշտագոյն քան զպատիժսն սպառնալեաց. սակայն և այն դիւրին եղև. ոչ վասն զի բնութիւն ինչ փոխեցաւ, այլ զի իրք իրաց եղև պատճառք: Քանզի այսպիսի է զօրութիւնն Աստուծոյ. զի ոչ եթէ զայլ ինչ իրս հանիցէ և զայլ 'ի ներքս արկանիցէ, այլ զնոյնս՝ որ կան յանուղղայս՝ յուղղութիւնս դարձուցանէ. զի ուսանիցիս եթէ ոչ միայն առ 'ի բնութենէն, այլ և յանձն իշխանութենէն՝ որ ոչ յուղղութիւնս մտաբերիցէ, ծնանին չարիք: Սոյնպէս և զմարմինս՝ ոչ թէ այլ ընդ այլոց յարուցանիցէ, այլ զնոյն զմեռեալն և զեղծեալս և զհողացեալս նորոգէ:

« Եւ երևեսցին փառքն Տեառն. և տեսցէ ամենայն մարմին զփրկութիւն Աստուծոյ. զի Տէր խօսեցաւ »: Փառքն Տեառն միշտ հանապազ երևին. բայց առաւել յայնժամ երևեցան մեծ փառքն Աստուծոյ, յորժամ Աստուած ընդ մարդիկ խառնեցաւ, և զհրեշտակաց վարս յերկրի հաստատեաց. յորժամ այնչափ չարչարանս Աստուած իւրով մարմնով կրեաց: « Եւ տեսցէ ամենայն մարմին զփրկութիւն Աստուծոյ »: Զփրկութիւն Աստուծոյ, և ոչ զմարդոյ ուրուք. զի ամենեքին որ ընդ նա հայեցան¹, տեսին զփրկութիւն նորա. զի թէպէտ և ոչ ամենեքին հաւատացին, սակայն ամենեքին տեսին, ոմանք հաւատովք, ոմանք 'ի լսելոյ. բայց տեսցեն ամենեքեան և առ յապա ժամանակս:

Եւ քանզի մեծամեծս ճառեաց, յարէ 'ի նոյն զարժանաւորն առ 'ի հաւատացուցանել զճառեալն, ասէ. « Զի Տէր խօսեցաւ »: Յորժամ ինքն Տէրն տայցէ վճիռ, մի՞ դժ թերահաւատ լինիցի. զի բան նորա՝ արարիչ է բնութեանց և ճարտարապետ իրաց նորա.

1 Յօր. 2-րդին:

Համարձակ տալ զանձինս 'ի միջոց ծովուն։ Մի ինչ երկնչիցիս, ասէ, զի թէպէտ և ընդդէմ բանիցն՝ զոր լսիցեն՝ հակառակ կայցեն, սակայն դու մի ինչ կասիցիս 'ի համարձակութենէդ. գոչեա, գուժեա, քան զի գոյ զօրութիւն 'ի բանսդ՝ զոր խօսիս։ Զի եթէ ¹ ոչ որ կամիցի ընդունել, սակայն դու վստահ լինիջիր 'ի զօրութիւն հրամանիդ. զի չիք ինչ որ կարիցէ եղծմանել զվճիռդ. քանզի այսպէս են Աստուծոյ հրամանքն։ Եւ զայդ մի ինչ ասիցես, եթէ ամենեքին ընդդէմ դառնան, ամենեքին հակառակ կան. հաստատեալ կան 'ի ճշմարտութեան բանքդ, վասն այնորիկ իսկ համարձակ գոչեա, եթէ « Ամենայն մարմին խոտ է » :

Իսկ արդ. զիարդ. միթէ Արարչին ֆնաս իցէ. քաւ լիցի. ոչ եթէ նա յայնպիսի ինչ արար զնա. այլ կամեցաւ վաղվաղակի անմահ կազմել զնա. իսկ դու՝ որ զվեղդ մուծեր՝ յանարգութիւն կազմեցեր զնա ²։ Զի մի կարծիցես եթէ նորա ձեռինն է գործ՝ լինել խոտեղէն մարմնոյդ, վասն այնորիկ յառաջագոյն ասէ, եթէ Յորումաւուր ուտիցես՝ մահու մեռանիցիս։ Եւ արդ. զի ճառիցես զխոտոյ. միթէ և թագաւորաց մարմինք խոտ իցեն, կամ կանանց գեղեցկաց, կամ սկալիցն անուանեաց։ Այո, ասէ. իսկ եթէ չհաւատայցես, հայեաց 'ի վախճանն հասարակաց ամենեցուն։ Տեսանես զգերեզմանս. միթէ ուսմիկն նուազագոյն ինչ իցէ, և մեծամեծացն առաւել լաւագոյն. այլ ամենայն առհասարակ մոխիր է, ամենայն առհասարակ հող. զի յերր և 'ի փոշի դարձեալ են ամենեքին։ Եւ աստ ոչ վայրապար ասէ թէ Մարմին, այլ եթէ Ամենայն մարմին։ Զնոյն և միւս մարգարէն ասէ, եթէ Ամենայն մարդ մոտի է։ Այլ տես, զիարդ. ոչ ասաց եթէ Ամենայն մարդ, այլ եթէ Ամենայն մարմին, այսինքն՝ մարմնեղէնք, որ ըստ մարմնոյ գնայցեն։ Վասն այնորիկ 'ի վատթարէն անուանեաց, քանզի վատթարութեան գործս գործեցին. զոր օրինակ և Աստուած

¹ Եօր. Եօտար գրէ Բեդէ և :

² Եօր. Ինչ Դոս՝ որ զեղէն մեծեր՝ յանդգութիւն խաբէրէ զնա, օտար գրէ է :

խիստ ասէ, եթէ Մի մնացէ ոգի 'ի մարդկանդ յայդմիկ, վասն լինելոյ դոցա մարմին: Այլ մեք չեմք խոտ. Դուք, ասէ, չէք 'ի մարմնի: Եւ արդ տես, ասէ, զԱստուծոյ մարդասիրութիւնն. զի յորժամ դատապարտեալաց ըզքեզ և 'ի վատթարութիւն իջոյց, յայնժամ ետ քեզ միւսանգամ իշխանութիւն՝ ազատանալ 'ի դատապարտութենէն: Եղեր խոտ. այլ թէ կամիս՝ ոչ ես խոտ, եթէ դք, ասէ, շինէ 'ի վերայ հիմանս այսորիկ ոսկի, արծաթ, ականս պատուականս, փայտ, խոտ, եղէզն. տեսանէս, զի շինուածն առնէ զամենայն ինչ: Զի եթէ զգնութիւն՝ մարմնոյ քննիցես, չէ ինչ լաւագոյն քան զբանջար, զի այնպէս թառամի և թօթափի, և 'ի ժամանակս ծերութեան՝ ոչ ինչ գտանի 'ի նմա 'ի տիոց երիտասարդութենէն. իսկ եթէ յազնուականութիւն ոգւոցն հայիցիս, ոչ ինչ ընդհատ 'ի հրեշտակաց գտանես զմարդ. Խոնարհ արարեր զնա, ասէ, փղըր մի քան զհրեշտակս. փառօք և պատուով պսակեցեր զնա:

« Եւ ամենայն փառք մարդոյ՝ իբրև զծաղիկ խոտոյ »: Զի մարմին քան զմարմին ոչ ինչ առաւել ունի, բայց զառաւելութիւն փառացն առնու, և այնու առաւելագոյն քան զընկերն գտանի. վասն այնորիկ որ զառաւելութիւն գործէ, և զոմն պայծառագոյն երեւցուցանէ, և զմիւսն ևս նուազագոյն: Զայն իմն խոտէ, եթէ ոչ միայն խոտն անկանի, այլ և ծաղիկն թարշամի, այսինքն փառք փառաւորացն: Ո՛չ տեսանես զայնոսիկ որ 'ի թագաւորութեանն իցեն, յորպիսի սպասս են. միթէ այլ ինչ կարիցեն ասել. այլ թէ համակ յոսկի և 'ի մարգարիտ են, և 'ի կառս սպիտակս երիվարաց լծեալ, յերիվարս գեղեցիկս, յանդրուվարս ագնիւս, շուրջ սպասաւորք, զօրք առաջի, զօրավարք վերջապահք. անդ երկիւղք, անդ ահ միայն եթէ երեւեսցի, ահ և դողումն ունի զբազումս. և բազում անգամ չև յերեկն հասեալ իցէ՝ և վախճան 'ի վերայ գայցէ, և ոչ ինչ պատուականագոյն քան զաղքատն և զմերկն գտանի: Վասն այնորիկ ասէ, եթէ « Ամենայն փառք մարդոյ՝ իբրև զծաղիկ

խոտոյ » : Թէպէտ և զընչից ասիցեն, կամ զպատուոյ, կամ զգեղոյ, 'ի նոյն 'ի մի թշուառութիւն հասանելոց են ամենեքեան. և եթէ մարմին այսպէս լինելոց է, որչափ ևս առաւել՝ որ ինչ առ յապայն նմա պատահելոց իցէ՝ ևս վատթարագոյն : Զի՞նչ խօսիսդ. ահա ցամաքեցաւ արդեւք խոտն, և թօթափեցաւ ծաղիկն : Նա աւանիկ և 'Իաւիթ ասէ, եթէ Մի երկընչի՞ր՝ յորժամ մեծանայ մարդ, և յորժամ բազմանայցեն փառք նորա. քանզի ոչ եթէ 'ի մեռանէն իւրում առնուցու ընդ իւր զամենայն, և ոչ իջնեն փառք նորա ընդ նմա : Եւ ընդէր ոչ ասացեր, եթէ կենդանւոյն իսկ եթող. այլ զայս՝ որ մեծ իմն թուի անհաւատից, երկրանախանձ ոգւոց՝ եթող 'ի բաց. քանզի անհաւատ իմն թուի նոցա, եթէ աստ թողուցուն և անդ բազմապատիկ առնուցուն. այլ յանշուշտն ընթացեալ հասանէ, եթէ յորժամ վախճանեսցին՝ ոչ երթայ ընդ նոսա մեծութիւն իւրեանց :

Եւ վասն էր արդեւք այնչափ յաճախագոյն կամեցար զայնոցիկ՝ որ զաշխարհական ինչ իրս յարգեն՝ կարկել՝ զբերանս. զի մի դք ասասցէ եթէ բազմաց մինչև ցմահ կացին մնացին փառք, և յանդիմանեալ վարժիցէ այսու զբանս մարդարէիս. առ այն դնէ զայս, եթէ 'ի վախճանին կորնչելոց են փառք. « Ծամաքեցաւ, ասէ, խոտն » . այսինքն մեռաւ : Այսպիսի ինչ լինի և մեր մահ, իբրև զբանջարոյն թառամել, և զծաղկացն թօթափել : Զի ինչ պիտոյ, ասէ, կրկին մահ. մեռաւ մարդն, և մեռաւ ընդ նմա ծաղիկն նորա¹, այսինքն՝ մեծութիւնք, փառք, խորհուրդք. Բայնմ աւուր, ասէ, կորիցեն ամենայն խորհուրդք նոցա : Դու այսօր ջանաս այլոց մնաս առնել, և վաղիւ դու իսկ ինքնին չես գտանելոց : Որ ինչ իրք ընդ բնաւ տիեզերս աղաղակեն, ոչ կամին զայն ուսանել բնաւ ծոյլք. վասն այնորիկ ասէ, եթէ Գոչեա : Ահիղաս ասէ. Գոչեա. Եբրայեցին՝ Կրիայ² ասէ, այսինքն կարգա : Իբրև առ անզգայս իմն տայ աղաղակել. զի և դու

1 Յօր. Կաթիլ :

2 Յօր. Նոբա՝ յօտար գրչէ :

3 Եբրայեցի բառն է ԽԴՔ, որ է Քրա :

յորժամ տեսանիցես զոր հարստահարեալ 'ի բռնաւորաց, զգոյն բարբառ աղաղակիցես առ նա, եթէ « Ամենայն մարմին խոտ է »: Մի ընդ մարմնաւոր փառս ինչ զարմանայցես, այլ զառ յապա թշուառութիւն նոցա 'ի միտ առնուցուս. զի մըջափ պայծառագոյն երևեսցի, աւելի քան զնոյն ողորմելի լինելոց է, յորժամ մեծութիւնն 'ի միում վայրկենի թօթափեսցի 'ի նմանէ: Եւ ահա, ասեն, խոտեցեր զամենայն ինչս աշխարհիս: Ոչ այնպէս ինչ խոտեցի՝ եթէ չար իցեն բնութեամբ, այլ թէպէտ և բարի իցեն այնոցիկ՝ որ 'ի բարի պէտս ինչ վարիցեն, օակայն անցանելոց են, և ոչ կալոց մնալոց:

Եւ զի՞նչ իցեն որ կայցէ մնայցէ. « Բանն Տեառն », որ կայ մնայ յաւիտեան հաստատուն, անշարժ. այսինքն օրէնքն նորա և պատուիրանք, զոր ոչ ժամանակք և ոչ մահ և ոչ հիւանդութիւն և ոչ ծերութիւն և ոչ նախանձ և հեռ և այլ ինչ այսպիսի՝ կարէ եղծանել: Ապա թէ որ բիծ ինչ զնիցէ առացելոցս, 'ի մէջ մատիցէ, յանդիման արացէ, եթէ չիցեն 'ի դէպ բանքս՝ զոր ասացաքս. եթէ է ինչ՝ որ հաստատուն է և կայ մնայ յաւիտեան, և է ինչ՝ որ յողորմոյք և անցանելոց է վաղվաղակի: Եւ ոչ ասաց եթէ գործք Տեառն կան մնան, այլ եթէ բանն Տեառն կայ մնայ. զի եթէ բանն կայցէ մնայցէ, մըջափ ևս առաւել գործքն. զի եթէ բանն յաւիտեանից մնայցէ, ապա վասն յարութեան չէ պարտ թերահաւատ լինել:

Իսկ յայլոց յօրինակս և այսպէս գտաք գրեալ 'ի պատուի¹. յետ ասելոյ՝ թէ « Յամաքեցաւ խոտն և թօ-

¹ Տես, զի զոր ասէ Սուրբն Յոհան, թէ « Ոգի Տեառն շնչեացն » ոչ կայ 'ի կէս օրինակս՝ արգարացուցանէ Պետրոս 'ի Կաթողիկէն. զի և ասէ ոչ կայ « Ոգի Տեառն շնչեացն », թէպէտ և յՍտայի 'ի մեր օրինակքս կայ Ոգի Տեառնն: Այլ զի ասէ, թէ գտաք 'ի պատուի գրեալ, ինձ թուի, ասէ, պատուով գրեալ. որպէս զԱստուածն և զՏէրն և զՏեառնն պատուով գրեմք. զի պատին, որ է քաջ՝ որ 'ի վերայ երկու գրոյն գնեմք, որոշէ զանունն Աստուծոյ 'ի պիտակ անուանց աստուածոցն: Սովոր են Յոյնք և Ղևդդին Սուրբ պատուով գրել, զի պատին զատուցէ զանուն Սուրբ Հոգւոյն՝ 'ի հոմանուն հոգւոց. ասէ՝ ոչ միայն զՏեառնն, այլ և ըզՀոգին պատուով գրեալ. — Գեորգ Լարգպէր (Սկառայի?) — Մէլնոսիւն Ստայ:

Թախեցաւ ծաղիկն », ասէ. « Ոգի Տեառն շնչեաց 'ի նա. արդարեւ խոտ է աշխարհս ». որպէս Դաւիթ ասէ, եթէ Հանես զոգիս 'ի նոցանէ, պակասեսցեն և 'ի հող իւրեանց դարձցին :

« Ի վերայ լերինդ բարձու ել, աւետարանիչդ Սիոնի. բարձրացո զբարբառ քո զօրութեամբ, աւետարանիչդ Երուսաղեմի. բարձրացուցէք, մի երկնչիք » : Եւ ընդէր ասիցէ, եթէ մի երկնչիք. և իցէ որ՝ որ աւետիս տայցէ և կասկածիցէ. և մանաւանդ յորժամ աւետարանիչքն 'ի բարիոր վարս և 'ի կարգն իցեն. և արդ զինչ իցէ. զի մի անհաւատ ինչ ամենեցուն կարծիցեն ճառեալքն. մի երկնչիցիք՝ եթէ ոչ իցեն 'ի գլուխ ելանելոց. զի զոր ինչ ասեմն՝ ածից և կատարեցից : Թէպէտ և մեծութիւն ասացելոցն զբազումն Թերահաւատս առնէր, թէ ոչ իցեն վճարելոց, որպիսի անցք ընդ Յովնանն իսկ անցին, մի երկնչիք, ասէ. զի թէպէտ և մեծ իցեն բանքդ, այլ 'ի միտ առ զասացողն՝ որ բաւական է առնել զվճիռ ամենայնի. վասն այնորիկ ասէ. « Ել 'ի վերայ լերինդ բարձու, և բարձրացո յուժոյ զբարբառ քո, աւետարանիչդ Երուսաղեմի ». զի և զբազումն ևս վկայս առնիցէ կանխ ասացիկ բանիցն՝ որ 'ի վաղուց հետէ յառաջ քան զբազում ժամանակ ճառեցան :

« Ասա ցբաղաքսդ Հրէաստանի. Ահա աւասիկ Աստուած մեր, ահա աւասիկ Տէր գայ զօրութեամբ, և բազուկն տէրութեամբ հանդերձ » : Եւ զինչ իցէ զօրութեամբն և տէրութեամբն հանդերձ. զի զառաջինն ոչ զօրութեամբ ինչ և փառօք երևեցաւ, այլ հեզութեամբ և խոնարհութեամբ. և խաչեցաւ ևս ըստ մարմնաւորութեանն, և մեռաւ՝ կենդանին և կենդանարար ըստ աստուածութեանն. իսկ յերկրորդ գալստեանն՝ ոչ այսպիսի.... ցանիցէ ¹. ըստ այնմ, Զի թէպէտ և գիտեաք զՔրիստոս մարմնով, այլ այսուհետեւ ոչ ևս նոյնպէս գիտեմք. զի ուսանիցիս թէ և առաջին անարգանքն՝ վասն զիջանելոյ ըստ մերում տկարութեանս եղեն նմա՝ առ մեր փրկութիւն :

« Ահա աւասիկ վարձ նորա ընդ նմա » : Բարիորդ

¹ Յօր. Եզծեալ. Թուի լինել. Ու այսպիսի Իւ յոյսանիցէ :

ասաց եթէ բանիւք լինելոց են վարձք. քանզի բանիւ միայն հրաման տայ և կարգէ զամենայն: « Եւ գործք իւրաքանչիւր առաջի նորա » . և այն իսկ է Աստուծոյ, զի ոչ է կարօտ եթէ ոք ամբաստան լինիցի, և ապա հասանիցէ յիրաւանցն վերայ: « Իբրեւ հովիւ՝ որ հովուեացէ զխաչկնս իւր, և ՚ի բազուկս իւր ժողովեացէ զգառինսն »: Զգիւրութիւն իրացն, որ յայնմ ժամաւ նակի գործելոց իցեն՝ յայտ առնէ. քանզի և ինքն իսկ յԱւետարանի այսպիսի իմն առակս առեկէ. Իբրեւ զհովիւ մի որդեկացէ զօգիտ յայծեաց: Քանզի եւ զչար ՚ի բարւոյ չկարեմ մեկնել գիւրաւ, նա և ոչ դժուարաւ իսկ. ըստ այնմ, եթէ Ոչ ոք գիտէ զմարդոյն, եթէ ոչ հոգին՝ որ ՚ի նմա է. մանաւանդ քան և զհոգին իսկ զմարդոյն՝ ճարտարագոյն ևս գիտիցէ օրտագէտն՝ զինչ ՚ի մարդն կրիցէ. նոյնպէս և ոչ զԱստուծոյ ոք գիտէ, եթէ ոչ ոքին Աստուծոյ՝ որ ընդ նմա է. քանզի և Պաւղոս ոչ ինչ գիտէր զանձնէ, այլ ոչ եթէ այնու ինչ արդարացաւ. իսկ Քրիստոս յընթերման ասէր, եթէ Մի ոմն ՚ի ձէնջ մատնելոց է գիտ. որ յառաջ քան զինն ճարտար գիտէ զամենայն ինչ, այնպէս՝ օրպէս յետ կատարելոցն ամենայնի: Եւ արդ զմիջ իցէ, զի և յառաջ քան զգործել զբարի ինչ և կամ զչար, զմինն սիրեաց և զմիւսն ատեաց. և զայս ոչ վայրապար ինչ ասացի, այլ այնմ յանկ անկանէ, եթէ « Բաղկաւ իւրով ժողովեացէ զգառինս իւր » . զի ոչ իմիջ կարօտաւ նայցէ ¹, ոչ ցպոյ և ոչ այլ իմիջ գործոյ:

« Եւ ՚ի ծոց իւր կրեացէ, և զլինան մխիթարեացէ »: Տեսանէս, զի յայտնագոյն ցուցանէ զինամ դարմանոյն. և թէպէտ և ՚ի դատաստանն և ՚ի պարգևան կատարի ճշմարտութեամբն՝ ընթերցուածս, այլ թուի ինձ թէ և ՚ի դարձին Բաբելոնի կատարեցաւ օրինակաւ. զի քան ամենայն մարդկան՝ յղեաց պիտոյ է դարման, և կամ ծնելոց՝ որ զմատաղ մանկունս ՚ի գիրկս ունիցին. նոցա, ասէ, աւելագոյն խնամ առնեցէք ճանապարհացն:

Եւ զի մեծամեծ իրաւ ճառեաց, որ դժուարին թը-

ւէր բազմաց, այլովք ևս մեծամեծօք կամի հաստատել զայն, քանզի և յարէ իսկ ՚ի նոյն, եթէ « Ո՞չ ասիեաց ձեռամբ իւրով զջուրս » . զոր այլ թարգմանքն որս թով ասեն . « Եւ զերկինս թզաւ, և զերկիր քլաւ . ո՞ր կշռեաց զերկինս ՚ի կշռոս, և զբարձունս կշռորդօք » : Ընդէր ոչ զհրեշտակաց ինչ ճառեաց, եթէ ո՞ր զհրեշտակս արար, կամ ո՞ր զհրեշտակապետս հաստատեաց, այլ զյայտնեաց և զերևելեացս ճառէ . զի նոքա թէ մեծամեծք են պատուով, ոչ յայն ինչ ձգտեցուցանէ ըզմիտս տգիտաց՝ որ ինչ աներևոյթն ՚ի նոցանէն իցէ, այլ յայտնեօքն կամի հաւանեցուցանել, Եւ ոչ ասէ եթէ ո՞ր արար կամ ո՞ր հաստատեաւ... է՝, ո՞ր գիտաց. զի թէ գիտեին գործ է, և այն գործ Ստուծոյ, որչափ ևս առաւել ՚ի չգոյէ ՚ի գոյ ածել, Բանգի և այլուր ասէ, թէ Որ թուէ զբազմութիւն ատենդաց, և ամենեցուն առնունս կոչէ : Զի իւրաքանչիւր որ ՚ի նոցանէն բաւական են ցուցանել զգործ Ստուծոյ ՚ի չգոյէն ՚ի գոյ ածել, զածեալն հաստատուն ունել, և զունեւն գիտել. զսոյն իսկ և Յովք ասէր : Իսկ ճարտարապետաց ոչ այսպիսի ինչ արուեստ. առնեն և նոքա անօթս ինչ, այլ ոչ եթէ յոչնչէ . և զոր առնենն՝ ոչ եթէ զնոյն ցառն պարհել կարիցեն, և ոչ սակաւ ինչ . իսկ Ստուծոյ այն զարմանալի է, զի զոր ինչ արարն՝ մինչև յաւիտեան հաստատուն պահել կարէ . և որք պահինն, ոչ եթէ անձանց ինչ զօրութեամբ, այլ ըստ այնմ՝ եթէ ի ձեռին նորա են ամենայն ծագք երկրի :

Եւ արդ, մի կարծիցես եթէ նախ չասիեաց և ապա եղև տեղեակ առնելոյ, զի ոչ երկինք թզաւ չասիեցան և ոչ երկիր քլաւ . զի չիք չասի ինչ հանգոյս անբովանդակական ձեռին : Այլ զոր օրինակ յորժամ ասիցէ, թէ Որ քննէ զսիրտս, ոչ այլ ինչ ասէ եթէ ոչ զի գիտէ իսկ . քանզի գիտեւն ՚ի քննելոյն լինի . և Որ թուէ զբազմութիւն աստեղաց, ոչ այլ ինչ յայտ առնէ, եթէ ոչ զի գիտէ իսկ . քանզի գիտեւն ՚ի թուելոյ անտի լինի . սոյնպէս և յորժամ ասէ, թէ « Ո՞չ ասիեաց զջուրս » . ոչ այլ ինչ կամի ասել, թէ ոչ զի գիտէ իսկ որչափ ինչ ջուրն իցէ : Եւ տես, զիարդ ոչ կարօտեցաւ

1 Եօր. Եղծեալ. Թուի, Ո՞ր հաստատեաց, այլ ինչ ո՞ր գիտաց :

այլոց անօթոց ինչ որդաց¹ . այլ 'ի զօրութիւն ձեռքն ընթացաւ, թէ որ արարն՝ նոյն գիտէ զչափսն : « Զափեաց, ասէ, զերկինս թզաւ » . զի ցուցցէ եթէ կատարեալ զօրութեանն է գործ : « Եւ զերկիր քլաւ » : Եւ արդ, մեծ իցեն երկինք քան զերկիր՝ ամենայն ուրեք յայտնի է . քանզի իբրեւ վերարկու են երկինք՝ երկրիս : Տեսանէս, զի չեն արժանի այսպիսի բանք Աստուծոյ, որ զամենայն յոյժնէ արար :

« Ո՛ր կշռեաց զլերինս 'ի կշիռս, և զբարձունս կրշռորդօք » : Իսկ այլքն փոխանակ բարձանց՝ բլուրս ասեն : Եւ որպիսի կշիռք կարասցեն կշռել զլերինս՝ զանչափ թանձրութիւն մարմնոյն . զի թէպէտ և լուար կշիռս, մի կշռու կարծիցես, այլ թէ այնպէս ճարտար գիտէ, որպէս թէ կշռով կշռեալ իցէ : Նա և յարտաքնոցն ոմն 'ի դիւաց ասէր, եթէ գիտեմ զթիւ աւազոյ և զչափ ծովու . այլ նա առ 'ի վրիպեցուցանել ստաբաւ նութեամբ պարծէր, իսկ աստ ճշմարտութեամբ ըզման ինչ Աստուծոյ զօրութեան պատմէ մեզ մարդաւրէս . զի աստ ոչ պարծանք ինչ ստաբանութեան են, այլ հաստատութիւն ճշմարտութեան :

Նա և այլուստ ևս ցուցանէ զԱստուծոյ զմեծութիւնն, եթէ յանձնէ ունի զգիտութիւն, և անհասկան՝ իմաստութիւն նորա : Մի ինչ զարմանայցես, ասէ, եթէ գիտէ զամենայն, քանզի իմաստուն է . և այնպիսի իմաստուն, որում չէ որ հասու իմաստութեանն . վասն որոյ յարէ իսկ 'ի նոյն, թէ « Ո՛վ գիտաց զմիտս Տեառն » : Եւ ոչն ասելով՝ զամենայն որ ընդ անգիտութեամբ փակէ : Ոչ որպէս հերձուածողքն՝ և զՈրդին և Սուրբ Հոգին . զի վասն Որդւոյն 'ի Տեառնէն իսկ ուսանիմք, եթէ Ոչ որ գիտէ զՀայր՝ եթէ ոչ Որդի, և ոչ զՈրդի՝ եթէ ոչ Հայր : Եւ վասն Հոգւոյն՝ Առաքեալ ասէ, եթէ ԶԱստուծոյ ոչ որ գիտէ, եթէ ոչ Հոգին Աստուծոյ . և դարձեալ, թէ Հոգին զամենայն ինչ քննէ և զխորս Աստուծոյ : Այսինքն՝ գիտէ զխորս Աստուծոյ և ոչ եթէ անգիտութեամբ քննէ . զոր օրինակ և ոչ Հայր անգիտութեամբ քննէ զսիրտս մարդկան . ուր և ցուցաք իսկ վերագոյն, եթէ գիտե՞ն 'ի քննելոյ

¹ Այսինքն՝ որութաց :

է, և ոչ եթէ քննելն 'ի գիտելոյն: « Ո՛վ գիտաց, ասէ, զմիտս Տեառն »: Եւ Առաքեալ ասէ, եթէ Մեք զմիտս Քրիստոսի ունիմք: Եւ եթէ ոչ դք գիտիցէ զմիտս Տեառն, զիարդ ասիցես, Առաքեալդ, եթէ Մեք զմիտս Քրիստոսի ունիմք: Այլ մեզ, ասէ, յայտնեաց Աստուած Հոգւովն. այնչափ ինչ՝ որով մեք կարիցեմք բաւական լինել, և ոչ այնչափ ինչ՝ որչափ ինչ միտքն Տեառն:

Եւ զի ¹ զատցէ յամենայն արարածոց, եթէ ոչ ումեք կարօտացաւ, և ոչ յումեքէ ուսաւ, և ոչ ինչ յումեքէ ան՝ յարէ 'ի նոյն, եթէ « Ո՛վ եղև նմա խորհրդդակից, եթէ խելամոռտ արածցէ վնա. կամ ընդ ում խորհրդաւ խորհուրդ, և արար զնա տեղեակ. ո՞վ ուսոյց նմա դատաստան, կամ ո՞վ ցոյց նմա զճանապարհս իմաստութեան, կամ ո՞վ ետ նմա փոխ, և առնուցու 'ի նմանէ զփոխարէնն »: Զհնարս իսկ իրացն լինելոց՝ նա եգիտ յառաջագոյն. իսկ արդ մեք և զփոքրն ինչ զգիտեն չհամարիցիմք նմա ². զի և գիտել զարժանն՝ մեք 'ի նմանէ ուսաք. և սակայն և այնու վատթարագոյն եմք, և հակառակ իմն քննել վնա, որ և զքնութիւնն իսկ ամէն իրաց ինքնէ գիտէ:

« Թէ ամենայն հեթանոսք իբրև զկաթիլ մի 'ի դուլէ իցեն, իբրև զմէտ մի 'ի կշռոց համարեցան »: Եւ արդ մի ինչ 'ի բազմութենէն նայիցիս, այլ 'ի միտ առնուցուս զԱստուծոյ մեծութիւնն, եթէ զիարդդիւրին է 'ի նմա կորուստ նոցա: « Եւ իբրև զկաթ մի 'ի դուլէ՝ որ 'ի ներքոյ կաթիցէ, և իբրև զմէտ մի 'ի կշռոց համարեցան, և իբրև շիթ մի 'ի բերանոյ համարեցին »: Ակիդաս ասէ. Ահաւասիկ կղզիք իբրև զամնրցող ³ իթեալ. և Սիմաքոս և Թէոդոսիոն նոյնպիսի իմն. Ներայեցին. Են իմ քաղակի յետտող ⁴:

1 Յօր. Զիք 41:

2 Յօր. Զհամարի ան. այլ յօտար դուլէ, չհամարիցի ան:

3 Յօր. Յօտար դուլէ՝ խնայող:

4 Այսպէս ունի երրայակն բնագիրն.

וְאֵין כֶּדֶק יוֹתֵן

որ է. Են յի՛ գողակի արար. Ամբարձցէ նա զկղզիս իբրև զփոշի մանր:

« Եւ Լիբանան չէ բաւական յայրումն » : Գարձեալ նուազականօքն արար նուազագոյն զնուազականացն իմաստ . զի եթէ ողջակիզօք ինչ կարօտէի, ասէ, եթէ զամենայն զանաառա Լիբանանու կտորէիւր, չէր ինչ բաւական յայրումն ողջակիզաց . եթէ զամենայն չոր-քոտանիս մատուցանէիւր, սակայն և այնպէս ոչ լինէր ինչ բաւական : Քանզի ամենայն բնութիւնք չեն ինչ բաւական ըստ արժանի պատուել զԱստուած : Այլ տես զԱստուծոյ մարդասիրութիւն . զի թէպէտ և չի-ցէ ինչ բաւական ըստ նորա պատուոյն, սակայն յարգէ զանարգէն և պիտանացու առնէ :

« Ամենայն Հեթանոսք ոչինչ են, և յոչինչ համա-րեցան նմա » : Զի եթէ պատուելոյ ինչ արժանի նմա ոչ գտանի, նայնպէս և ոչ իմաստութեան նորա հասու, ոչ խորհրդակից և ոչ խրատառ : Եւ եթէ գիտու-թեան նորա ոչ որ է հասու, որչափ ևս էութեան նորա . և եթէ երկինք մասն ինչ են չափոյ ձեռին նո-րա, որ քան զերկինս 'ի խմարհ իցեն, զիւրօք կարաս-ցեն քննել գիմաստութիւն նորա :

« Արդ ո՛ւմ նմանեցուցէք զՏէր . միթէ պատկեր կո-փեաց զնա հիւսն, կամ ձուլեաց զնա իբրև զսկերիչ 'ի բովա՝ զսկի » : Ոչ, ասէ, այդպիսի ինչ հրաման ետ Աստուած, եթէ պատկեր ինչ կանգնիցէք նմա, և կամ ոսկով շուրջ օծանիցէք . զոր 'ի վեր և 'ի խմարհ տայ խրատ Մովսէս, եթէ Մի առնիցէք ձեզ ինչ նմա-նութիւն պատկերաց, մի յերկինս 'ի վեր, և մի յերկիր 'ի խմարհ : Քանզի ոչ 'ի սկզբանէ որ արար պատկեր Աստուծոյ, և ոչ գիտութեան նորա որ գիտաց հաւատ-տեաւ հասու լինել . զի որ ինչ եղծանի և ապականի՝ այնմ առնեն պատկեր . զի յորժամ չիցէ 'ի միջի, գոնէ պատկերաւ ունիցին զչիչատակս 'ի միտս . իսկ անեղծ և անարատ Աստուծոյ որպիսի որ ինչ առնիցէ պատ-կեր . ո՛ւմ իմիք նմանիցէ, զի կարիցէ որ նմա և պատ-կեր նկարել, որ իւրն միայն նմանէ և ոչ այլ իմիք : Եւ արդ մատուցեալ մարգարէին պատուհասէ զկուռնս՝ 'ի հարց և 'ի փորձ արկեալ իմաստութեամբն՝ ըզ-կուոցն տկարութիւն և զԱստուծոյ զօրութիւն : Նախ ցուցանէ եթէ անբաւ և անհասական է Աստուծոյ գիտութիւնն, և ապա զգործուած կուոցն յանդի-

մանէ, եթէ 'ի փայտից և 'ի քարանց օսկեպատք և արծաթապատք կանգնեալ կան անմահունք: Եւ ընդէր, ասեմ, որպէս զկռօցն բնութիւն ասաց, ոչ նոյնպէս և զԱրտուծոյ. քանզի զԱրտուծոյ բնութիւնն ոչ ինչ կարէ ընծայեցուցանել. վասն այնորիկ եթող զէսութիւնն, և յայտնեաց զգիտութիւնն¹: Իսկ կռուքն քանզի 'ի քրայական և փայտեղէն նիւթոց են, վասն այնորիկ զպայման և զարար բնութեան նոցա պատմէ: « Որո՞ւմ, ասէ, նմանութեան նմանեցուցէք զնա » . զի չիք ինչ նման նմա, և ոչ պատկեր կերպարանաց յարարածոց. բայց մի միայն է նորա պատկեր կերպարանաց, անձեռագործ Որդին խր:

« Զի զփայտ անփուտ ընտրեաց Հիւան »: Եւ քանզի բազումք յայտպիսի պատկերաց 'ի բազում ժամանակս տեւեցին, վասն այնորիկ զպատճառան ասէ, եթէ ոչ յանձանց ինչ, այլ յանփուտ փայտէն տեւելն², և յիմաստութենէ ճարտարութենէ ճարտարին է գործն տեւական, և հնարս խնդրէ՝ զի մի շարժեացի պատկերն: Եւ մի ինչ 'ի գեղ պատկերին հայեացիս, և մի 'ի հաստատութիւն և յանշարժութիւն. զի այն մարդկան ճարտարութեան արուեստ է: Այլ թէ գործ ինչ յճարիցեն, զայն 'ի մեջ բերիցեն, ըստ այնմ՝ զոր 'ի նոյն յարէ, եթէ « Ո՛չ լսէք և ո՛չ իմանայք, և ո՛չ պատմեցաւ ձեզ 'ի սկզբանէ, ո՛չ գիտէք զՀիմունս երկրի »: Զի արդեամբք իսկ պարտ էր ուսանել ձեզ զայս³, և ոչ բանից մնալ և ապա հաւանել. այլ⁴ 'ի սկզբանէ զայդ ուսանելիք. զի և առանց բանից իսկ ինքն բնութիւն իրացն կարէ ուսուցանել. և թէ և գուր ոչ իմանայք, սակայն յայլոց պատմեցաւ ձեզ, և ոչ այժմ ինչ, այլ 'ի սկզբանէ. արդեալ ամենայնիւ հաստատել եթէ առանց ներեւոյ թողութեան է ամբարշտութիւն նոցա: Եւ քանզի վասն դարձին խօսէր, այնուհետեւ քանզի ոչ վասն հանգստեան առ 'ի

1 Յօր. Եւ յայտնեաց զգիտութիւնն, յօտար գրէէ:

2 Յօր. Երեւել. օտար գրչաւ գեւել:

3 Յօր. Զայս յօտար գրչէ:

4 Յօր. Այլ յօտար գրչէ:

վշտացն զերծանելոյ՝ յառաջին չարինն ընթանալ միւս-
անգամ պարտ իցէ, իբրեւ զմոյթս ինչ հաստատուն,
տայ զպատուիրանն, որ ոչ տայցէ նոցա թոյլ միւսան-
գամ կործանել յառաջին ամբարշտութիւնն:

« Որ ունի, ասէ, զըջանակ երկրի » . իսկ այլքն
ասեն, թէ Որ նստի 'ի վերայ շրջանակին: « Եւ բնա-
կիչք նորա իբրեւ զմարախ »: Տեսաննս, զի բոլորակ
իմն է երկիր, զի շրջանակն զբոլորաձև կերպարանն
երկրի յայտ առնէ, և չէ ինչ անօգուտ գիտել զայս.
զի մի ըստ արտաքնոց փիլիսոփայից առասպելացն պատ-
րիցիմք¹, որք գառազդի և կարկնի և սկտեղ և լկան, և
այլ ինչ այսպիսեաց սովոր են² նմանեցուցանել զեր-
կիր. լուեալ 'ի մարգարէէս եթէ շրջանակի իմն է, մի
այլ ինչ ուրեք ցնորիցիս: Եւ բարիոք ասաց, թէ ունի-
քանզի 'ի ձեռին նորա են ծագք երկրի. զի նովաւ
հաստատեցաւ եկաց ամենայն ինչ: Վերագոյն վասն
գիտութեանն ասաց, եթէ Ո՞ չափեաց զերկինս
թզաւ, և զերկիրս քլաւ. և աստ վասն տեսութեանն
ասէ, և ոչ ևս վասն արարչութեանն: Եւ արդ մի ինչ
խնդրիցես եթէ յէր վերայ կայցէ երկիրս և կամ յէր
վերայ հաստատեալ իցէ. յորժամ Աստուած իւրով ձե-
ռամբ ունիցի, այլ ինչ հիմն քան զայն մի խնդրեր, և
մի միտս ինչ հաւանեցուցիչս: « Եւ բնակիչք նորա ի-
բրեւ զմարախ »: Այնպէս տկարագոյն է մարդ առաջի
Աստուծոյ, և այսպէս վաղվաղակի յոր կողմն և կամի՝
դարձուցանէ: Եւ արդ մի ինչ 'ի թանձրութիւն մար-
մնոյ երկրի նայիցիս, այլ զմեծայաղթ զօրութիւնն՝ որ
զնայն ունիցի՝ 'ի միտ առնուցուս. և ոչ ինչ այնուհետեւ
խռովիցիս, և ոչ ցնորեալ այսր անդր աստանդիցես:
Եւ յորժամ 'ի միտ անկանիցի, թէ զիարդ կայցէ ան-
շարժ շրջանակն երկրի, զանհնարին, զանպարտա-
կանն, զանվաստակ ձեռինն՝ 'ի միտ առնուցուս զգօրու-
թիւնն, և այնպէս կարիցես ընդունել հաւատովք.
քանզի և մեք յօրինակ տկարութեան սովոր եմք բա-
զում անգամ առնուլ զմարախ:

« Ո հաստատեաց զերկինս իբրեւ զկամար »: Ահի-

1 Եօր. Պարթիւիէ:

2 Եօր. Այսեաց օղիւն:

դաս ասէ. Ո ձգեաց իբրև զանօսը ինչ զերկինս. Սի-
մաքոս. Ո ձգեաց իբրև գերան զերկինս: Դարձեալ
աստ զարարուածնէն ինչ ասէ և ոչ զնիւթոյն յա-
ռաջ բերելոյ, և ոչ զնորին իսկ մարմնոյն երկնից զա-
րարածոց. այլ զյօրինուածն՝ յորում և մարդիկ կարեն
հաղորդ լինել Աստուծոյ, Ոչ ասաց եթէ զխորդ 'ի
չգոյէ զգոյսն ած 'ի մէջ, այլ թէ իրպէս զորս ածն՝
զկէսն ամբողջ պահէ, և զկէսն յօրինեալս յարդարէ,
Եւ այս իսկ ոչ սակաւ արուեստի ճարտարութիւն է՝
հաստատել զլեալսն և յօրինել և պարհել անարատ՝
զհաստատեալն. քանզի և ընդ ճարտարապետս՝ ոչ
միայն յորժամ բազում սիւնս ճախարակիցեն, այլ
յորժամ կանգնել և հաստատել կարիցեն, յայնժամ
զարմանամք. նոյնպէս և Աստուծոյ, մի միայն ընդ այն
զարմանայցես՝ զի զայնչափ մեծութիւն մարմնոց եր-
կնից 'ի չգոյէ 'ի գոյ ած և եցոյց, այլ զի յետ երևեցու-
ցանելոյն՝ հաստատուն և անարատ պահէ, Դիցուք
երևեցուցանել զմարմինն երկնից և զգմբէթն՝ և այն-
պէս ընդ վայր ընկեցեալ 'ի վերայ երկրի, որպիսի ինչ
զօրութիւն կարէ ուղղել և հաստատել զնա, եթէ ոչ
այն՝ որ 'ի սկզբանէն 'ի չգոյէ 'ի գոյ ած զնա: Զի մի
յորժամ լսիցես, եթէ « Ձգեաց զերկինս իբրև զխո-
րան », երկնչիցիս բնակել յերկրի, եթէ գուցէ ան-
կանիցի 'ի վերայ, նախ ասէ, եթէ « Հաստատեաց
զերկինս իբրև զկամար »: զի առաջին օրինական՝ ա-
զատեսցէ զքեզ յերկեղէ. զի թէպէտ և կասկածիցես՝
եթէ իբրև զխորան է, գուցէ անկանիցի, քաջալե-
րեսցիս այնու, թէ իբրև զկամար հաստատուն է: Եւ
ընդէր զերկոսին օրինակն 'ի մէջ բերիցէ. այլ զի ա-
նուամբ կամարին՝ զհաստատութիւնն ցուցանիցէ, և
անուամբ խորանին՝ զգիւրութիւնն արարչին, եթէ
այնպէս դիւրաւ կանգնեաց իբրև զխորան մի. և ոչ ի-
բրև զխորան ինչ անօգուտ, այլ իբրև զկամար հաս-
տատուն. զի մի դիւրաւ առնել արարչին՝ կոսկած
ինչ 'ի միտս արկանիցէ արարածոցն, յառաջագոյն ուղ-
ղեաց զայն՝ կամարն կոչելով. ապա և զպէտս պատշա-
ճիցն. և յայտ առնէ եթէ ոչ վայրապար և ոչ 'ի գուր
և ոչ 'ի ցոյց ինչ կամ 'ի պարծանս, այլ զի բնակիցեն 'ի
նմա մարդիկ, իսկ երկինք իբրև զձեղուն ինչ գողեալ

գմբեթաձև 'ի վերուստ ձգեցան։ Ապա եթէ տոկոցէ որ, եթէ ընդէր այնպէս գողեալ գմբեթաձև են երկինք, և ոչ իբրեւ զհարթ ինչ ձեղուն։ զայս եւթ պատասխանի տամ, եթէ այնպիսի ինչ իրաց չկարեմ խեղամուտ լինել։ զի այնպիսի կերպարանք են երկնից՝ զայն ուսայ, իսկ եթէ ընդէր այնպիսի իցեն՝ զայս ոչ ևս։ Եւ ձգելն զայն ինչ յայտ առնէ, եթէ որպէս վաղվազակի առանց դժուարութեան հանդերձ որ տարածանիցէ, այնպէս ևս բիւրապատիկ դիւրաւ այն ձգեաց յանկարծակի զերկինս։ և այս են զարմանք զի զայնչափ և զայսչափ ժամանակս ոչ խորշ ուրեք և ոչ գող ինչ գործեցաւ յերկինս։ Որպիսի ապաւանդակք կարիցեն պարզ ունել, կամ որպիսի սինակք, կամ որպիսի ապարումք խառնեալ ընդ երկինս՝ ունիցի զնա ձիգ և պարզ։ այլ գիտեմ թէ չկարես ինչ ցուցանել։ բայց թէ ընթացեալ յԱստուծոյ զօրութիւնս լինիցիս ապաստան։ րտայնմ, եթէ ի ձեռին նորան ամենայն ծաղբ երկրի։ Եւ բարիորդ ան զայն, թէ Ձգեաց. 'ի միւսում վայրի ասէ։ Գալարեացին երկինք իբրեւ զմազաղաթ. և այլուր, եթէ իբրեւ զվերարկու կրկնիցես զնոսա, և փոփոխեցին։ Իբրեւ զկտաւ ինչ բարակ, այնպէս ձգեաց Աստուած զերկինս 'ի վերայ գլխոյ մերոց. և մեծութեամբն և գեղեցկութեամբ և ազգի ազգի զարդուցն պաճուճանօք պարարէ զայս մեր և զուարթացուցանէ։ և ոչ միայնկարեւոր պիտոյիքն՝ որ 'ի նմանէ իցեն, այլ և առաւելութեամբ գեղեցկութեան վայելացուցանէ և ուրախ առնէ։ քանզի մեծատունք 'ի մեծապարգևէ՝, ոչ եթէ միայն զի զպէտաւ և եթ մեր վճարիցէ, այլ զի հանգիստ և յուրախութիւն իցէ մեզ ամենայն։ ապա թէ ոչ, վասն էր իսկ զայսչափ լաւութիւն երկրի տարածէր մեզ, և զքնդարձակութիւն ծովու. և այսչափ յոգս և այսչափ ջուրս։ ոչ ապաքէն բազմութիւն արարածոցն անցանէ ըստ պատշաճն մերոց պիտոյից. և զայն 'ի զբառնաւ և 'ի միութարութիւն արար մերոյ կարօտութեանս։

« Որ տայ իշխանութիւն յոչինչ իշխել, և զերկինս յոչինչ արար »։ Եւ զմենչ իցէ, եթէ « Որ տայ զիշ

1 Այսպէս յորինակին. Թուի, անչի Դժարութե Է՝ Դժո պարգևէ։

խանս յոչինչ իշխել¹ : Քանզի փոփոխումն թագաւորի ուրուք՝ իրը դժուարինք են, այլ սակայն Աստուծոյ և ոչ այն ինչ դժուարին է : Եւ սակաւ ինչ թուիցի քեզ այնպիսի որ՝ որ զաշխարհս¹ ամենայն ունիցի, և յամենեցունց մեծարեալ պատուիցի, և հրամանաւ միայն՝ զամենայն շարժիցէ, և յոր կողմ պէտտ դարձուցանիցէ, ընկենուլ զայնպիսին յաթոռոյ թագաւորութեան² . այլ Աստուծոյ և այն ոչ ինչ է : Եւ եթէ զռամիկ որ, որ և զբանս անգամ չարժիցէ, հանից յայնպիսի պատիւ, սակայն և այն չէ ինչ դժուարաւ . և ոչ ասաց թէ դիւրին է, այլ յայտնագոյն ևս քան զդիւրինն, թէ « Որ տայ զիշխանս յոչինչ իշխել » : Տեսանեն, զորպիսի իբր՝ որ ամենեցուն ծանօթ են՝ ածէ յօրինակ . քանզի յարարածին երկնից չէպք մօտ, և ոչ մինչ ձգէքն զնա՝ խելամուտ ինչ էպք : Զի մեծամեծս ինչ, թէ պէտ և կարի մեծամեծք իցեն, և յակամջալուրս լսիցին, ոչ այնպէս ինչ յայտնագոյն լինի լսողացն, շրջէ զբանն յայն ինչ՝ որ ծանօթ ամենեցուն է և հանապազօր 'ի մէջ ամենեցուն երեւի . որպէս և միւս մարգարէն ասէր, թէ Որ փոփոխէն ժամն և ժամանակս, և որ ցուցանէ զթագաւորս և փոխէ . և դարձեալ, թէ Բռնաւորք նստան 'ի գետնի, և որում ոչ ակն կայր՝ զգեցաւ զպսակ . և դարձեալ, թէ Տեսի զԾառայս 'ի ձիս, զիշխանս 'ի Ծառայութիւն վարեալս . և դարձեալ, թէ Յառաւօտէ մինչև յերեկոյ փոփոխմունք բազումք . և դարձեալ, թէ Ամենայն ինչ երազագոյն է առաջի նորա : Տեսանեն, որչափ ամենայն ուրեք ընդ տիեզերս օերմանեաց Աստուած գիտութեանն պատճառս առ իւրոյ արարութեանն հաւատաս . կամիս լսել բարբառ՝ որ անդուստ 'ի վերուստ եկեալ ուսուցանիցէ քեզ Տէրն, այլ ոչ կամիս ուսանել . զիրո աշխարհիս կշռեա, բնութեանցդ՝ որ հանապազօրք ընթանան՝ միտ դիր, և անտի առնուս 'ի միտ զՏէրն և զԱրարիչ :

« Զերկիրս, ասէ, յօջընչէ արար » : Մեծ իմն թուի քեզ՝ զի ունին զնա հաստատուն, եթէ ունիցիս՝ զի չէր իսկ և արար . և այնպէս վաղվաղակի՝ իբրև ոչինչ

¹ Յօր. Յայնպիսի ոչ զուշարհ :

² Այնպէս յօրինակին :

ինչ, Եւ ուր իցեն՝ որ ասիցեն, եթէ երկիր էր իսկ ան-
երևոյթ և անպատրաստ. զի ահա աւասիկ ասէ, եթէ
արար զնա. զի եթէ արար, զիմորդ իցէ՝ զի անարար
իցէ. և արար դիւրաւ, վաղվաղակի: Եւ միւս ևս մար-
գարէն, եթէ Տեսից յերկինս զգործս մատանց քոց. և
դարձեալ նոյն, եթէ Զամենայն ինչ զոր կամեցաւ՝ և
արար. և Հանգոյս այնմ, եթէ « Արար զնա իբրեւ
զոյինչ », այն է՝ եթէ Արարեր զամենայն ինչ բանիւ
քով:

Եւ բարեղք ասէ. « Կոչեաց զնոսա, և ասեն. Ահա
աւասիկ եմք »: Եւ այսու ամենայնիւ դիւրութիւն
արարչութեանն ընծայեցուցեալ երևի: Եւ ոմն այր
իմաստուն ասէ, եթէ յարարածոց աստի՛ իւրաքան-
չիւր ազգազործ երևի. իսկ սա ոչ միայն յարարածոց,
և այլ իմն Հանգամանս տայ որ խելամուտ առնիցէ
զմեզ մեծութեան արարչին, այսինքն զկերպարանս
արարչութեանն, Տեսանեա զմեծութիւն այնպիսի և
զգեղեցկութիւն արարածոց. մի յայնս և եթէ Հաստա-
տիցիս կայցես, այլ միտ դիր և ուսիր՝ զիմորդ այս ամե-
նայն մեծամեծք՝ եղեն իբրեւ զոյինչ, հրամանաւ և
բանիւ և մատամբք և կոչմամբ. Միայն՝ որ կոչէ, ասէ,
զգոյս՝ ի չգոյից անտի: Զի և սա զերագութիւն և զդիւ-
րութիւն արարչութեանն Հաստատէ. զի որպէս մեք
կոչեմք զայնպիսի՝ որ վաղվաղակի լսիցեն մեզ, նոյն-
պէս և նա զգոյսն իբրեւ զգոյս: Եւ զիմորդ, ասէ,
մարթիցի այդմ լինել. այն իսկ են զարմանք, զի այն-
պիսի Տէր ունիմք, որոյ գործն ոչ բանիւք և ոչ մտքք,
և ոչ այլ իւրք կերպարանօք կարեմք Հասու լինել:

Ո՛րչափ ինչ յառաջագոյն ասաց զարարչութենէն
թէ դիւրաւ արար զերկինս և զերկիր. « Արար, ասէ,
զերկիր յոյինչ », և անդէն յարէ ՚ի նոյն, եթէ « Մի
սերմանեսցեն և մի տնկեսցեն և մի արմնեսցի յերկիր
արմատ նոցա »: Եւ արդ վասն կոռոյն արդեւք ասի-
ցէ, եթէ վասն Բաբելացոց. յերկոսեան կողմանս
կրթիցուք զբանս. զի այնպէս կարիցեմք ուսանել
զհաւաստինս. և թերեւ վասն Բաբելացոցն իսկ ա-
սիցէ, եթէ գերի երթիցեն, և իբրեւ ՚ի հողմոյ՝ այն-
պէս բառնայցեն: Եւ եթէ զկռոց ևս ասիցէ, վասն զի
անզգայք և անշունչք են, և ոչ մի ինչ զօրութիւն կա-

րեն ցուցանել. զի ոչ միայն բարութիւնս ինչ յանձանց
չկարեն տալ մարդկան, այլ և ոչ ըստ այնմ օրինակի՝
որպէս և մարդիկ առնիցեն մարդկան. թէպէտ և ոչ
այնր ինչ է՝ որ սերմանիցէն, և ոչ այնր՝ որ տնկիցէն,
այլ Աստուծոյ՝ որ աճեցուցանէն. իսկ նոքա և ոչ
զոյցն ինչ իրս կարեն վճարել: Եւ զինչ զարմանք
իցեն, ուր և առ իւրեանց անձանց փրկութիւն չլինին
բաւական, այլ որպէս և ՚ի հողմոյն բնաբարձ լինին:
Տեսեր զԱստուծոյ զօրութիւնն, տես և զկռոցն տկա-
րութիւնն: Եւ ընդէր արդեւք զայս եդ, և ոչ զընդ-
դէմն, եթէ ոչ արարին նոքա զերկիր. քանզի ասե-
լովն՝ թէ արարեր զերկիր, եցոյց թէ և զտունկսն նա
արար. զի որ զմայրն տնկոցն ած՝ ի մէջ, յայտ է թէ և
զտունկսն նոյն արար. իսկ նոքա ոչ միայն զտունկսն ոչ
շնորհեցին, այլ և ոչ սպասաւոր լինել իբրեւ զմարդիկ
բաւական ինչ են: « Յամաբեցան » . զի այն իսկ սովո-
րութիւն է փայտից. զի որպէս ՚ի փայտս գօսացեալ՝
անպտղութիւն է, նոյնպէս և նոքա առանց զօրու-
թեան: « Հողմք առցեն » : Հողմք աստ զպատիժսն՝
որ առ յիւրմէ են՝ կոչէ, և զպատերազմաց հասանել
ի վերայ, եթէ ամենեւին ինչ ոչ կարիցեն օգնական
լինել կուռքն:

« Եւ արդ ո՛ւմ, ասէ, նմանեցուցէք զիս » : Բարիոք
ասաց, ո՛ւմ նմանեցուցէք զիս. բարիոք ասաց՝ թէ արդ.
թէ յետ ՚ այնչափ զփորձ առնելոյ զերախտեացն, ոչ
իմացարուք զիս: « Եւ բարձրացայց, ասէ Սուրբն » :
Այսինքն զմնչ ինչ այնպիսի իցէ՝ որ կարիցէ զիս բար-
ձրացուցանել. և այսու յայտ է եթէ կռոցն փառքն ՚ի
մարդկանէ են, և ՚ի նոցունց պաճուճանաց՝ բարձրու-
թիւնն ողորմ. զի յորժամ բարւոք յօրինիցեն զխեցե-
ղէնն, և արքունական իմն կերպարանս պաճուճեն, և
ահագին իմն նշանակս բարկութեան ՚ի ձեռին իմն
դնեն՝ կամ թէ հուր կարիցէ իջուցանել կամ կար-
կուտ ածել, ոչ ապաքէն նոքա բարձրացուցանեն զնա:
Իսկ ինձ, ասէ, զմնչ ինչ հնարս ինչ իմանայցէք, զի
բարձրացայց. չիք ինչ և չէ հնար և ոչ լիցի. և յայտ է

Թէ անկարօտական է Սրտուած, և ոչ 'ի մարդկանէ բարձրանայ, այլ ինքն զնոսա բարձրացուցանէ:

Իբրև եցոյց զանկարօտութիւնն, եթէ ոչ ինչ գոյ՝ որ զնա բարձրացուցանիցէ, յարէ 'ի նոյն, եթէ « Սբ. բարձիք 'ի բարձունա զաչս ձեր, և տեսէք՝ ձ ցոյց զայս ամենայն »: Ոչ ապաքէն 'ի չգոյէ 'ի գոյ ածի. յայտ արար այնու՝ մի ցոյցն զայս ամենայն: Եւ մեք նովին բանիւ վարեցուք, եթէ զչգոյն ած 'ի գոյ և եցոյց. որպէս յորժամ զմարդկանէ ասիցեմք, եթէ ոչ որ երբեք այսպիսի իրս կամ անօթ ինչ կամ հանդերձ ինչ, յայտ առնեմք՝ եթէ այնպիսի որ ինչ յառաջ քան զայն ոչ գործեաց: Չեմ ինչ, ասէ, կարօտ ձերոյ բարձրացուցանելոյդ. այլ գուք հայեցարմք 'ի բարձունա: Բարից առ մարդիկ՝ որ միշտ և եթ 'ի վայր հային, և ոչ կարեն ամբառնալ 'ի բարձունս. Թէպէտ և կերպարանք իսկ այսպիսիք տուան մարդոյ, զի կամաւ և ակամայ մի մեռանայցէ զիւրոյ բնութեան ազնուականութիւն. կանգուն արար զնա և բարձրաւանդակս մարմնոյ հաստատեաց զաչսն. և ինքն իսկ արարն ոչ խրատիցէ զքեզ, եթէ ոչ վասն այլ իրիք անդ հատատեաց զաչսն, այլ զի 'ի վեր և եթ հայիցիս՝ իբրև զիշխան մի և զշատաւոր. որ ոչ 'ի վայր և եթ հայիցիս, այլ միշտ 'ի վեր համարձակ ապաստան 'ի Թեա աչացն Թեուցիչս. այլ ետ քեզ և այլ ևս Թեա Թեթեալութիւնս քան զայդ, որ ոչ յօդս և եթ և յեթերն Թեուցանիցեն, այսինքն զոր խաղաղականն ասեն, որ քան զշարժանակս 'ի վերայ՝ են ընդ օդս և ընդ երկինս 'ի միջի, այլ և 'ի վերոյ ևս քան զերկինս: Եւ յինչ իցեն այսպիսի Թեք. այլ ճմարիտ հաւատօցն Թեիք. զի հաւատօցն Թեօք կարես ելանել 'ի վեր քան զերկինս, և գիտել զամենայն ինչ՝ որ անդ իցէ:

« Եւ տեսէք, ասէ, ոմ եցոյց զայս ամենայն »: Եւ Թերևս ասիցէ որ, եթէ տեսանեմ զամենայն, և զգեղեցկութիւնն նոցա և զմեծութիւնն, բայց Թէ մի եցոյց զայս ամենայն՝ զնա ոչ կարեմ ճանաչել: Տեսանեմ զարեգակնն, տեսանեմ զլուսին, տեսանեմ զերկինս, տեսանեմ զաստեղս և զայլն ևս ամենայն. և ուստի՝

կարիցեմ ճանաչել զարարիչն։ Եւ մանաւանդ քան այլոց ամենեցունց՝ Հրէից չէր պարտ զայս ասել, որոց յամենայն ազգս ետ զիւրոյ արարչութեանն ծանօթս։ Քանզի և ինքն աներևոյթ է, և մինչ առնէր զերկինս՝ չէր դժ մօտ, և մանաւանդ մարդ, զի իմանայցէ եթէ նորա իցեն արարածք. արար զերկինս, և Ագամ չէր ուրեք մօտ. հաստատեաց զերկիր, և նա ոչ ևս ետես. կօչեաց զծովս, և նա չէր ուրեք մերձ՝ թէ խելամուտ լինիցի. զի յետ առնելոյն զամենայն, ապա արարաւ մարդն. և արդ. ուստի կարիցեմք, ասեն, իմանալ եթէ յԱստուծոյ իցեն արարածք։ Այլ 'ի բնէն և 'ի կարելութե. զի արար առաջի նորա 'ի նմանէ՝ մարդ, զկնօջէն ատեմ. զի օր զմարդ կարիցէ առնել, որչափ ևս զայլն ամենայն՝ օր վասն մարդոյն եղև. յոյժ առաւել դիւրագոյն էր զերկինս առնել և զայլն ևս ամենայն արարածս, քան զմարդ. ոչ միայն վասն շնչոյն, այլ և վասն մարմնոյն, եթէ որպիսի զօրութիւն յիւրաքանչիւր անդամն եղ։ Եւ ոչ, ասեն, ետես զնա՝ մինչ ստեղծանէրն, այլ յորժամ ստեղծաւն։ Արեմք. օակայն գիտաց թէ նա արար, զի 'ի նմանէ էր. Այս¹ ալժամ, ասէ, ոտկը յոսկերաց և մարմին 'ի մարմնոյ իմոյ։ Եւ զի զանասունն նոյն արար, յայնմանէ ուտանէր, զի առ նա ածէր և տայր անուանս գնել. իսկ եթէ յերկրէ իցեն նա և անասունքն՝ զայն յետոյ ուտանէր յայնմանէ, եթէ Հող էիր, և 'ի հօղ գարձիւր։ Այո՞, ասեն, զի յերկրէ արար զնա՝ յայտ է եթէ յայնմանէ ուտանէր. իսկ եթէ զերկիր 'ի չգոյէ ած 'ի գոյ՝ զայն ուստի կարէր գիտել։ Արեմք. վասն զի եղ 'ի նմա իմաստութիւն ծանուցիչ ամենայնի. զի որ մարդարեացաւն և զծածուկ լեալն Աստուծոյ կարաց իմանալ, զիարդ զայլն ոչ կարէր իմանալ. զի եթէ դադարումն ինչ անկաւ 'ի վերայ նորա, զիարդ կարէր իմանալ զկողին որոշումն. զի յորժամ դադարեալ որ իցէ, և առնուցու ինչ որ 'ի նմանէ, թէպէտ և 'ի նմանէ իցէ, օակայն ոչ զգայ։ Տեսանե՞ս, զի այլովք աչք տեսանէր. և ոչ միայն զմօտաւօր, այլ և զհանդերձեալն։ Եւ զի անասունքն ոչ 'ի նմանէ էին, այնու յայտ է, եթէ

1 Յօր. Այս յատար գրէէ։

Այս այժմ ոսկր յոսկերաց իմօց, և մարմին 'ի մարմնոյ իմոյ: Եւ անտի զինչ իմանայցեմք, եթէ Այս այժմօս. նախ քան զայն՝ զի անասունքն 'ի նմանէ ոչ էին. և միւս ևս, եթէ որպէս այժմ եղև, ոչ դք երբեք սոյն լինիցի: Տեսանես, զի առ յապա ևս ժամանակս մարդարէանայ: Նաև Մովսէս ոչ եթէ մօտակաց ինչ էր Աստուծոյ՝ յորժամ զարարածս առնէր և իմացաւ, այլ յետ բազում ազգաց, յայտնութեամբ Հոգւոյն, իբրև զմանուկ առեալ ուսանէր 'ի հօրէ: Եւ այլուր, եթէ Մանօթքն Աստուծոյ՝ յայտնի է 'ի նոսա. այսինքն կարէին ճանաչել զԱստուած. Զի աներեւոյթք նորա՝ ի սկզբանէ, աշխարհի արարածովքս իմացեալ տեսանի: Եւ այլազգ ևս. զամենայն ազգս վարդապետութեանն իմն նշանակ արար. 'ի Զրհեղեղին զամենայն աշխարհ վերստին իմն նորոգեաց. առ աշտարակաւ՝ այլ իմն նորանշանք. առ Սոդոմացովքն այսպիսիք. առ Աբրահամու ոչ նոյնպիսիք ինչ. 'ի գալստեանն՝ ևս զարմանալիք: Ուսաւ և Կային 'ի հօրէն, այլ արհամարհեաց, քոնզի ամբարիշտ էր. զի նա ոչ միայն արարիչ իմացաւ զԱստուած, թէ կամեցեալ էր, այլ և դատաւոր և վրէժխնդիր. իսկ հայրն իմացաւ եթէ արարիչ է Աստուած, և ամենայն ուրեք մօտ է, և դարմանիչ է մարդկան, և եթէ ոչ վայրապար ինչ լինի, այլ ամենայն ինչ յօրինուածով. և եթէ բառնայ դք զԹշնամի 'ի միջոյ, նոյնպէս վրէժս հատուցանելոց է: Տէս և գլարութեանն իսկ զԾանօթս. զի արին վախճանելոյն՝ առաւել զօրագոյն է քան զկեանս կենդանոյն: Դնէր 'ի վերայ նորա պատիժս, զի մի դք ասիցէ՝ թէ սպանի զԹշնամին, անհոգ եմ յերկեղէ. ցուցանէ թէ յայնժամ առաւել եմք ընդ երկեղիւ՝ յորժամ 'ի Թշնամեաց անհոգ լինիցիմք. զի այլ թըշնամի ստանամք անձանց՝ զԱստուած: Եւ ամենեւին ոչ եթող Աստուած առանց վկայութեան զաշխարհս: Դարձեալ և Պետրոս ասէ, եթէ ձգմարտութեամբ 'ի վերայ հասեալ եմ, զի ոչ է ակնառու Աստուած, այլ յամենայն ազգս՝ որ երկնչի 'ի նմանէ և գործէ զարդարութիւն՝ ընդունելի է նմա. և դարձեալ, եթէ Յորժամ հեթանոսք՝ որ զօրէնս ոչ ունիցին, բնութեամբ զօրինացն գործ գործիցեն, նոքա որ զօրէնս

ոչ ունին, անձանց իւրեանց իսկ են օրէնքն: Եւտ օրէնս, եթող դարձեալ առանց օրինաց, զի մի ասիցես եթէ կարի ծանրացուցանէ ինձ: Ահա աւասիկ, ասէ, չլինիմ ինչ քեզ վերակացու. տես, իցէ՞ թէ կարիցես անձամբ առնել ինչ առաքինութիւնս. այլ ոչ ինչ կարիցես անձամբ վճարել. դարձեալ լինիմ վերակացու և կեցուցանեմ չնորհօք:

« Ամբարձէք ՚ի բարձունս զաչս ձեր »: Քանզի որ ինչ յերկրի էր՝ չեղև բաւական ցուցանել քեզ զարարին, որպէս կարծեցեր. քանզի ոչ առեր ՚ի միտ զսոյն, եթէ Լցաւ երկիր փառօք նորա. և Ողորմութեամբ Տեառն լի է երկիր: Եւ եթէ փառօք և ողորմութեամբ լի իցէ երկիր, ընդէր կոչիցէ զնոսա ՚ի բարձունս հայել: Այլ երկինք, ասեն, լաւագոյն են քան զերկիր: Քանզի յերկրէ ինչ ոչ ուսարուք, գէթ յերկինս հայեցարուք: Գեղեցիկ են երկինք, այլ կարևոր է և երկիր. որպէս մարմին մի ՚ի բազում անդամոց յօդեալ, նոյնպէս արար Աստուած զաշխարհս. և զոր Պաւղոս զմիաբանութենէ անդամոցն ասէ, զնոյն և զընաւ աշխարհէս պարտ է՝ իմանալ, եթէ անարգ անդամոյն աւելի պատիւ ետ, զի մի ինչ հերձուածք լինիցին ՚ի մարմնին: Գրեթէր եթէ յողի ինչ և վատթարագոյն իցէ երկիրս քան զերկինս. այլ ունի ինչ և յողովագոյն քան զնա. քանզի կերակրէ զամենեւին որ ՚ի վերայ նորա չըլիցին, և զի ՚ի սմանէ են մարմինք ամենայն. բայց ունին ինչ յողովագոյն երկինք, զի և անտի ոչ սակաւ խնամք դարմանոց են յարեգականէ և ՚ի լուսնէ և յաստեղաց: Եւ այլազգ ևս. զի սա արհամարհանաց է, քանզի հասնապազ կոխի. եթէ անդր յերկինս հայիցիք, ասէ, և զայդ ամենայն՝ որ յերկրիդ է՝ առնուցուք ՚ի միտ: Այլ զոր օրինակ հեթանոսք, որ ՚ի բիւրուց ՚ի բիւրս աստուածս բարժանեն զտեսչութիւն աշխարհիս, և զայն ոչ կատարեալ ինչ, այլ անկատար և կռուական. և այնպէս իմն համբաւեն, եթէ Դեմետեր՝ երկրի ՚ի թիկունս իցէ. և Պոսիդոնի՝ ծովուն, և Այրերա՝ օդոց. և ոչ այսչափ միայն, եթէ Դեմետեր թիկունք երկրի, այլ և զայլ ոմն յօդեցին

ընդ նման աստուած . զԴիոնիոսոս , ասեն , թէ այդեաց շահապետ է , և զԱթենան՝ թէ ձիթենեաց , և զՄայրեկնասն՝ ամենայն ծառոց շահապետս կոչեն :

Իսկ աստ ոչ այսպիսի ինչ . այլ « Տեսէք , մի եղբայր զամենայն զայս » . և յարէ 'ի նոյն , թէ « Որ հանէ ¹ ընդ թիւ զաշխարհ իւր , և զամենեսեան յանուանէ կոչեսցէ » : Ակիզատ ասէ , թէ Որ հանէ համարաւ զօրս նոցա . Սիմաքոս՝ թուով ասէ . Թէոդոտոն ² , Որ հանելոցն է ըստ թուոյ զօրութեան նոցա . որպէս և Դաւիթ ասէ , թէ Որ թուէն զբազմութիւն աստեղաց , և ամենեցուն նոցա անուանս կոչէ : Զի յայտ առնիցէ այնու , զի ոչ միայն արար , այլ և հաստատուն պահէ զամենեսեան . այս իսկ է , եթէ « Որ հանէ ընդ թիւ զաշխարհ իւր » : Եւ ոչ ասաց , եթէ հանելոց է , այլ եթէ հանէ , զի յայտ արասցէ եթէ հանապազ հանէ ³ . և յաւելու ևս՝ որ զարմանադործ որ և սքանչելագործ , զի հանապազ տեսանելով՝ ⁴ հանապազ զարմանայցես ընդ նա . զի այլ իմն ցերեկ ցուցանէ , և այլ իմն ցայգ : Այլ զնոյն ցուցանէ , ասեն , և ոչ այլ ինչ նոր և չքնադ : Եւ այն իսկ չիցեն զարմանք , զի նա քիմիք միշտ ցուցանէ բազում յօրինուածութիւն . եթէ խառն 'ի խուռն ինչ էր , հանապազ ձմեռն և միշտ ամառն , ոչ ապաքէն ինքնակացս կարծէիր զամենայն : Զի եթէ յօրինուածն ոչ հաւանեցուցանէ զքեզ՝ զՏէրն Ճանաչել , որչափ ևս առաւել անաստութիւն . որպէս զի որք վաճառ ինչ առնիցեն , զառգինն 'ի միջի դնեն , նոյնպէս և Աստուած՝ եդ առաջի քո զաշխարհս , զի յերևելեացս աստի գնեսցես զհաւատսն 'ի նա :

« Զամենեսեան , ասէ , յանուանէ կոչեսցէ » : Այս ինքն ամենայն ինչ անսայ բանին նորա : « Ի բազում փառաց քոց » : Եւ ոչ ասաց եթէ 'ի բազում գիտութենէ քո , կամ յիմաստութենէ , այլ ընդ փառան զարմացաւ . քանզի 'ի վեր են փառք քան զիմաստութիւն : « Ի բազում փառաց քոց » , ասէ . զի և

1 Յօր . Հոնէն :

2 Յօր . Թէոդոտ :

3 Յօր . Զի յայտ արասցէ եթէ հանապազ հանէ , օտար գրչի է :

4 Յօր . Հանապազ տեսանելով . յօտար գրչէ :

մեք զանուանս զայս ազգական գիտեմք՝ ընդ որ ինչ կամիցիմք զարմանալ. զի յորժամ զառնէ թագաւորէ Ճառիցես, մեծ փառս ունի, ասես. յորժամ զմեծութիւն ոչ կարիցեմք համարել՝ և ոչ զգեղեցկութիւնն, զի 'ի գեղեցկութիւն՝ և մեծութիւն, և որ այլ ինչ այսպիսիք իցեն՝ սեպհականք են. իսկ փառացն անուն՝ ազգական է առաւելութեան՝ քան զայնոցիկ՝ որ ընդ նովան իցեն, որ զբազում ինչ միանգամայն ընդ իւրեկարէ ամփոփել. մեծ փառք են, ասեմք, 'ի վերայ իւրաց ինչ զարմանալեաց, բազում՝ որչափ ինչ ոչ գիտեմ:

Ասէ. « Եւ 'ի սաստիկ ուժոյ և 'ի զօրութենէ քում մէ »: Ոչ վայրապար ինչ 'ի զօրութենէ, այլ թէ 'ի սաստիկ զօրութենէ: « Եւ ոչ ինչ ծածկեցաւ 'ի քէն »: մանաւանդ նախ 'ի բնութենէն մտաց, և ապա յիշատակացն՝ որ հանապազորդ լինին, այսինքն դարմանականն, և որ ինչ Աստուծոյ իմաստութիւնն է: Մի զայս ինչ ասիցես՝ որ այժմն ասեմ. մի եթէ 'ի քո հայհոյութեանցն իրքն քննիցին. այլ զի ամենայնի անդուստ 'ի վերուստ եղև խելամուտ, զի արարիչ է և սրտագէտ և դարմանիչ ամենայնի՝ որ են: Զի եթէ արարածոց, ասէ ², այնպէս ունի խնամ, զոր վասն քո իսկ ած 'ի մէջ, ըստ այնմ, եթէ Արար զերկինս 'ի բնակութիւն. և եթէ զերկինս 'ի բնակութիւն արար՝ որչափ ևս առաւել զերկիր. և եթէ երկնից. և երկրի դարման տանիցիմ, որչափ ևս առաւել քեզ՝ վասն որոյ նոքայն եղեն:

« Միթէ ասասցեն ինչ Յակովբ, կամ զքիւն խօսեցար Խորայէլ, եթէ ծածկեցան ճանապարհք իմ՝ ի Տեառնէ, և Աստուած իմ բարձ զիրաւունս »: Աստ ինձ այս այսպէս թուի, եթէ և միտիթարեացէ ևս զանմիտիթարան և զկործանեալ՝ որ ընդ երկար ժամանակս 'ի գերութեան էին, եթէ չեմ 'ի բացէ, ոչ ճանապարհք քո ծածկեցան յինէն, և ոչ զիրաւունս քո անցուցի առ քե. առմերձ եմ յօգնականութիւն, և եկեալ հասեալ

¹ Յօր. Առաւելութիւն:

² Յօր. Ասէ՝ յոռար գրէ:

փրկութիւն. ոչ եթէ յինէն ինչ ծածուկ էին ճանապարհքքո, այլ մեղքն քո առնէին զքեզ անծանօթ յինէն, և անօրէնութիւնք քո անցուցանէին զիրաւունսն: Որպէս յորժամ ասիցէ, եթէ Պահեցաք մեք և դու ոչ տեսեր, և խոնարհեցուցաք զանձինս մեր և դու ոչ գիտացեր, ոչ եթէ ոչ գիտէր, այլ առաւել գիտէր, և վասն բազում անօրէնութեանցն անփոյթ առնէր. յայն սակս վասն գիտութեան և եթ շարժէ զբանն, եթէ զամենայն ինչ անվրէպ գիտէ և չափէ, ասէ, և թուէ, և ամենեցուն անուանս կոչէ: Միթէ ոչ գիտիցեմ, ասէ, և չկարիցեմ փրկել: այլ և գիտեմ և դարմանեմ զամենայն: Զի ես ձեռամբ իմով չափեցի զերկինս, և զձեզ ոչ դարմանիցեմ. վասն ձեր արարի զերկիր իբրև զոչինչ մի, և ձեզ չիցեմ բաւական օգնել: և զբնակիչս նորա իբրև զմարախ արարի, զիշխանս՝ յոչինչ իշխել: և ես թւ իմիք կարօտանայցեմ: Արդ ո՞ւմ նմանեցուցէք զիս. նա և ոչ վասն ողջակիզաց ինչ մեղադիր լինիմ ձեզ. զի ոչ խբանան յայրումն բաւական է, և ոչ չորքոտանիք յողջակէզս: Նա և ոչ ծածկեցի ինչ, զի ՚ի սկզբանէ ուսար զամենայն:

« Եւ այժմ ոչ ծանեար, եթէ չէր լուեալ, եթէ Աստուած յաւիտենական է, Աստուած՝ որ Հաստատեաց զԺազս երկրի: Ակիղաս ասէ. Հաստատե զԺազս երկրի. Սիմաբոս ասէ. Հաստատեաց: Եթէ յայն սակս ասիցէ, եթէ « Ո՛չ ծանեար », զի պարտ էր ՚ի կարգէ իրացն ուսանել, կամ թէ ես իսկ քեզ զամենայն յառաջադոյն պատմեցի: Մի ասիցես եթէ ՚ի դիւացն ուսայ. « Աստուած յաւիտենական »: Եւ իսկ է սեփական Աստուծոյ՝ զի յաւիտենականն է. այն իսկ է սեպհականն Աստուծոյ՝ Հաստատել զԺազս երկրի. և ա՛յլ ևս յաջորդքն, եթէ « Ոչ քաղցիցէ, և ոչ վաստակիցի »: Ակիղաս ասէ. Լքցի. Սիմաբոս ասէ. Ոչ լքաւ և ոչ վաստակեաց. ընդ դանդաչութեան նոցա իմն աւացեալ՝ այլոց թարգմանացդ. այլ այն և հրեշտակաց է չքաղցնուն և չվաստակել: Իսկ արդ դու՞ նախ զարարչական նորա ուսար, զի ՚ի չգոյէ ՚ի գոյ ած զամենայն, և զիմաստնականն և զանբովանդականն: « Եւ չիք գիւտք հանձարոյ նորա »: Ակիղաս ասէ. Զիք քնին. Սիմաբոս, թէ Զիք չափ հանձարոյ նորա. Թէողի-

տողն ¹, Եւ չիք իսկ եզր հանձարոյ նորա: Յոլովադոյն իմն ասէ. « Տայ զօրութիւն քաղցելոյ ». իսկ այլքն, եթէ Տայ զօրութիւն լքելոյ: Ոչայն միայն է Աստուծոյ, զի ինքն անկարօտական է, այլ զի և այլոց պարգևեսցէ զայն ինչ՝ որում ինքն ոչ իցէ կարօտ: « Եւ տրտմութիւն անցաւականաց »: Դարձեալ հակառակ իմն ուղղութեանց իբրև չարութիւն ինչ համարին Աստուծոյ բնութեանն՝ յորում ոչն գոյ չարութիւն, այլ ըստ իւրաքանչիւր արժանեացն հատուցանէ արդար դատաստանաւ: Ի չարչարելն՝ ոչ ինքն ինչ զայրանայ, և ՚ի տանջելն՝ ոչ ինքն ինչ ազգի, որպէս մեք յորժամ տանջիցեմք զոք, նախ մեք իսկ տանջիմք ՚ի ցասմանն զայրմանէ:

« Քաղցիցեն մատաղք ² և վաստակեսցին երիտասարդք, և ընտիրքն անզօրք լինիցին »: Տեսանես զԱստուած, զայնպիսիսն տանջէ: « Իսկ որ համբերեն Տեառն, նորոգեսցին զօրութեամբ, նորափետուրք զարդարեսցին իբրև զարծուիս »: Այս և ՚ի մկրտութեանն կատարի. զի մատաղանան, նորոգին վերստին՝ որ սուրբ խորհրդոյն արժանի լինիցին: « Որք համբերիցեն », ասէ. տեսանես, որպիսի ինչ լաւութիւն է համբերութիւն: Մի ինչ վհատել, և մի ինչ զանգիտել և անյոյս լինել, և մի խռովել ինչ ընդ իրս՝ որ ՚ի վերայ հասանիցեն, այլ կալ հաստատուն, և տանել ամենայնի առաքինութեամբ: Նա և օրինակ իմն տայ զհաւատոցն. զի եթէ արծուեաց այնպիսի ինչ նորոգութիւն լինիցի, թրչափ ևս առաւել մարդկան՝ յորժամ լուսաւորեալ մկրտութեամբ նորոգեսցին: « Որք ընթասցին և ոչ վաստակեսցին, գնասցեն և մի քաղցիցեն »: Տեսանես, զիարդ յերկոսին կողմանս առաքինանայ Աստուծոյ զօրութիւնն, և ՚ի չարչարելն և ՚ի կեցուցանել:

¹ Յօր. Թէոդ. Է:

² Յօր. Զառամբին խառն գրեալ, և աստ էն քերեալ է:

ԳԼՈՒԽ ԽԱ.

« Նորոգեցարուք առ իս, կղզիք »: Ակիղաս ասէ. Պապանձեցարուք. Սիմաքոս, թէ Լուեցէք: « Զի իշխանք նորոգիցին զօրութեամբ »: Բարիոք ասաց, եթէ « Նորոգեցարուք առ իս ». քանզի չիք այլ ուստեք նորոգել, եթէ ոչ Սստուծոյ. ըստ այնմ, եթէ Մատիք առնա, և առէք զլոյս: Զոր օրինակ յարեգակն դը՝ հպիցի՝ լուսաւորի, նոյնպէս և որ առ Աստուածն մերձենայ՝ բիւրապատիկ լուսաւորի: Տե՛ս զկերպարանս նորոգութեանն, տես զմկրտութեանն արծարծութիւն. յառաջագոյն դրոշմեալ է յիրացն փոփոխմանց. կամ որպէս այլքն ասեն, եթէ Լուեցէք կղզիքդ. որ է նշանակ ՚ի վարդապետութիւն կոչելոյ:

« Մերձեցին, խօսեցին միանգամայն, յայնժամ զիրաւունս պատմեցեն »: Զի՛նչ իցէ զիրաւունս պատմել. ՚ի դատ կամիմմտանել, իրաւունս տալ զասացելոցն: Զհանդերձեալն յառաջագոյն ասէ. զի թէ զոր ասացին և ոչ կարացից կատարել, ապա տկար եմ իբրև զկուռն. բարիոք ասաց, եթէ « Յայնժամ պատմեցեն ». յորժամ վճար արարից իրացն վճարելոց:

« Ո՞ զարթոյց յարեւելից զարդարութիւն »: Ոմանք զկիրոսէ ասեն, և ոմանք զԶօրաբաբելէ. քանզի այլ թարգմանքն ասեն, եթէ Ո՞ յարոյց յարեւելից զարդարն. կամ վրէժինդրութիւն է՝ որ զարթեալ յարեւելից: Մի՛թէ, ասէ, յիմնէ՞ քաղաքէն. այլ յօտար աշխարհէ և ՚ի խուժադուժ երկրէ. ուստի ոչ միայն դը՝ ի բնակչաց, այլ և ոչ յիմոցն դը զիս ողորէ: Աստի ոչ միայն մարդասիրութիւնն Աստուծոյ, այլ և զօրութիւնն երևի: Եւ բարիոք ասաց՝ զարթոյց, և ոչ եթէ արար. զի որ յետոյն կարէր զամենայն, և յառաջագոյն կարողէր, այլ յապաղեաց վասն նոցա անօրէնութեան:

Արդ և զերազուծիւնն ևս յայտ առնէ. ասէ. « Եւ կոչեաց զնա զկնի իւր, և երթիցէ »: Այսինքն զի ոչ լինիցի նմա արգել և ոչ խափան: « Տացէ առաջի հեթանոսաց, և զթաղաւորս զարմացուցէ »: Ոչ ինչ հրաժարեմ, ասէ, զթշնամիսն՝ զվկայս իրացն գործելոց կոչել, զի լիցի և կատարեսցի. մինչ զի և թշնամիքն զարմանայցեն:

« Եւ տացէ յերկիր զսուրս նոցա, և իբրեւ զխուցրուեալ՝ զաղեղունս նոցա. և հալածեսցէ զնոսա, և անցցէ ՚ի խաղաղութիւն՝ ճանապարհ ոտից նորա »: Տեսանէս, զի վասն յարեւելից զարթուցելոյ արդարոյն ասէ իսկ. իսկ ըստ Եւթանասնիցն՝ վասն ժողովրդեանն ասէ, եթէ ոչ դք արգելուցու, կամ խափանեսցէ զնոսա:

« Ո՛վ ազգեաց և արար զայս ամենայն, և կոչեաց զսա՝ որ կոչեացն յազգացն իսկզբանէ ՚ի վաղուց հետէ »: Այսպիսի իմն սովորութիւն է Աստուծոյ, զի յորժամ անիրաւութիւն ինչ գործիցի, զանդատին զառաջինն յիշեցուցանէ: Եւ արդ զոր ասիցես. զԵգիպտացւոցն, զԱբրահամուն, զՍողոմայեցւոցն, ըզջրհեղեղին: Տեսանէս, զի յիւրոց և յօտարաց հասարակ ինդրէ զվրէժ. զի զիրաւունս ողջ պահիցէ, և զարժանն չկորուսանիցէ, և զիւրս և զչիւրս՝ ՚ի մեղաց և յարդարութենէ ընտրէ Աստուած: Եւ եթէ զնախնեաց ինչ յիշիցէ և ասիցէ, եթէ Վասն Աբրահամուն ընտրեցի զձեզ, ոչ այլ ինչ յայտ առնէ, այլ զի մի հպարտանայցեն, և անձանց ինչ քաջութեան համարիցին զուղղութիւնն:

« Ես եմ՝ Աստուած առաջին, և ես եմ՝ առ յապա »: Եւ յայտ է՝ եթէ ոչ յառաջ դք քան զնա, և ոչ զկնի նորա. զի այն իմն առաւել սեպհական է Աստուծոյ, յորժամ ոչ նախ քան զնա դք իցէ, և ոչ առ յապա վախճան կայցէ, այլ զի անսկիզբն իցէ և մշտնջնաւոր. այս սեպհական է անմահ կենդանութեանն:

« Տեսին հեթանոսք և երկեան, սարսեցին ծաղք երկրի. մերձեցան և եկին միանգամայն. եգիս ՚ի մտի՝ այր ընկերի, այր եղբօր իւրում օգնական լինել »: Վերնովքն զդարձէն նշանակէ, և ապա մատչի հեգնել զկուռն, թէպէտ և ժողովիցեն օգնականութիւն ինչ

ի մարտ պատերազմի, ընդունայն լիցի յոյս նոցա. քանզի ՚ի նիւթոյ փայտից են կուռքն. չեն ինչ անտի օգնականութիւն գտանելոց:

« Բայց դու, Խորայել, ծառայ իմ, Յակոբ՝ զոր ընտրեցիդ »: Այլ քաջալերս իմն տայ նոցա, եթէ ոչ իբրեւ զայնոսիկ իցեն՝ որ ՚ի կուռն յուսացեալ էին. զի նոցա Աստուած է յոյս, և ոչ կուռքն. և ՚ի նախնիսն խիզախեցուցանէ անուամբն Խորայելի և Յակոբայ: Տես զհաստատութիւնս օգնականութեանցն. « Ծառայ իմ, ասէ, զոր ընտրեցի, զաւակն աբրահամեան՝ զոր սիրեցին »: զի մի հպարտացուցանիցէ զնոսա: Եւ նա ասէ սիրեցի զԱբրահամ. և դոցա զլինչ օգուտ իցէ. զի զնոյն նախանձ յանձին ունիցին: Եւ նշանակ սիրոյն այն է, « Որում օգնական եղէ, ասէ, ՚ի ծագաց երկրէ և դիտաց նորա կոչեցի զքեզ »: Այսինքն ՚ի միջոյ իշխանաց նորա: Եւ զի մի ասիցեն, եթէ մինչ ՚ի մերում աշխարհին էաք, և տաճարն կանգուն կայր, յորում նմա պաշտօնն մատուցանէր, յայնժամ ՚ի ձեռս ետ, և արդօտար երկրէ կուլցէ. և ասէ գիտիցեմք զայդ¹. այո՛, ասէ, լինելոց է. քանզի և առ նախնեան ձերով եղև այդպիսի ինչ. զի ՚ի Պարսկաց երկրիդ օգնեցի նմա, զի և նա անդր էր. զի թէպէտ ոչ ՚ի գերիս, սակայն ՚ի վիշտս. և տեսի զհանդերձեալն՝ իբրև զլեալ ինչ, ասէ. և ասացի, ասէ, թէ ծառայ իմ ես դու: Զիք ինչ այսպիսի ազնուականութեան համեմատ. « Ծառայ իմ ես, ասէ, դու՝ զոր ընտրեցիդ »: Ոչ եթէ որպէս մեր ոք՝ արծաթագին ընտրեցի զքեզ, ասէ. զի որ ընտրանաւն ինչ ոք իցէ, աւելի իմն պատուական է, և աւելի գութ կայ ընդ նմա այնր՝ որ ընտրիցէն. զայլ ազգս, ասէ, խոտեցի, և զքեզ միայն ընտրեցի:

« Մի, ասէ, երկնչիր, զի ընդ քեզ եմ »: մեծ մխիթարութիւն: « Մի խաբիր, զի ես եմ Տէր Աստուած քո, որ զօրացուցի զքեզ և օգնեցի, և զգուշացայ քեզ »: Զառաջին երախտիսն յիշեցուցանէ. միթէ չունիցիս օրինակ առաջին սիրոյն. նա և Դաւիթ ասէ.

¹ Այսպէս յօրինակին:

Միթէ յաւիտեանս մերժեսցէ Տէր, և ոչ ևս յաւելու
ցու 'ի գթալ:

« Եւ զգուշացայ քեզ աջով իմով արդարով »: Մի-
թէ զի իմ իցես՝ վայրապար ինչ օգնիցեմ՝ քեզ. այլ
արդարութեամբ. զի և այս իսկ հաւատարիմ դործ է
ձեռին իմոյ, չհարկանել ընդ վայր զայնոսիկ՝ որ 'ի
լլկանս ինչ կայցեն. որպէս զի թէ արդար իցէ աջս իմ,
ապա և դուք պարտիք վայելել առ յիմմէ օգնականու-
թեանէն:

« Ահա առաջիկ ամաշիցեն և պատկառիցեն ամենայն
հակառակորդք քո, զի եղիցին իբրև զէղեալս. կորի-
ցեն ամենայն դատախազք քո. զի ես եմ Աստուած,
որ ունիմ զաջոյդ քումմէ »: Զի թէ պէտ սակաւաւոր
և որդն իցես, սակայն 'ի միտ ան զմեծ զօրավիգն օգ-
նականութեան. մի 'ի մօտաւոր վիշտոյ հայիցիս, այլ
զի զմեծազօր զօրութիւնն 'ի մտի ունիցիս:

« Ահա առաջիկ արարի զքեզ իբրև զանիւս նորս
սղոցաձև կայմնասայլից »: Իսկ այլքն՝ սրաբերանս
ասեն: « Կասեսցես զլերինս և մանրեսցես զբլուրս »:
Եւ արդ, լերինք և բարձունք կասուցուն. այլ բազ-
մութիւնք զօրաց: « Բայց դու ուրախ լինիցիս 'ի Տէր ».
Իսկ այլքն՝ Յնծասցես, ասեն, 'ի Տէր: Եւ զնչ իցէ 'ի
Տէրն ուրախ լինել. զի ոչ ընդ ինչսն, և ոչ ընդ յաղ-
թութիւնս, այլ ընդ գութն Աստուծոյ ուրախ լինի-
ցիս. զի նա ինքնին եղև քեզ օգնական:

« Յնծասցեն տնանկք և կարօտեալք. խնդրիցեն
ջուր և ոչ իցէ »: Փոխանակ ասելոյ, եթէ « Խնդրիցեն
ջուր և ոչ իցէ », մարթի իմանալ եթէ կարօտեալքն՝
որ խնդրէին ջուր, և ոչ էր: « Եւ լեզուք նոցա 'ի
ծարաւոյ ցամաքեսցին: Եւ ոչ թողից զնոսա, այլ բա-
ցից 'ի վերայ լերանց զգետս, և 'ի մէջ դաշտաց աղ-
բերս. և արարից զանապատն 'ի ճախիճս, և զերկիրն
ծարաւուտ 'ի վտակս: Եւ բղիկեցուցից 'ի պասուք եր-
կրի անդ՝ զմայրն և զնոճն, զմուրտն, զսարդն և զսա-
րոյն. զի տեսցեն և գիտասցեն, եթէ ձեռն Տեպոն
արար զայս ամենայն »: Տեսանէս, որպիսի ինչ փոյթ-
է Աստուծոյ, ոչ միայն զբարիսն պարգեւել, այլ և յայտ
առնել եթէ ինքն է՝ որ պարգեւէն. զի մի ինքնադէպ
ինչ կամ մարդկեղէն յաջողութեանցն իրքն կարծի-

ցին. այլ ճանաչել եթէ ըստ աստուածեղէն տեսչութեանն և խնամոյն լինի այսպիսի բարութիւնք: Քանզի մարդկեղէն իմն է վշտանալն և դարձեալ ի բարիս հասանել, զերկոցունց կողմանց փութացուցանել զպատճառս՝ թէ ի վերուստ են:

« Մերձեալ են դատաստանք ձեր, ասէ Տէր Աստուած, մերձեցան խորհուրդք ձեր, — այսինքն կռոյն յանդիմանութիւնք, — ասէ թագաւորն Յակոբայ. արդ մերձեցին պատմեսցեն ձեզ՝ որ ինչ անցք անցանելոց են ընդ ձեզ. կամ առաջինն զինչ իցէ, աղէ՛ ասացէք, և դիցուք ի մօտի և ծանիցուք, եթէ զինչ առաջին, զինչ միջին, զինչ այն՝ որ լինելոց է առ յապա »: Քանզի ի ժամանակի գերութեան Հրէից գողցես կռոյն իմն յաղթութիւն համարէին, արդ, ասէ, դատ դնեմ՝ ընդ ձեզ. վախճան է իրացն՝ որ ելին ի գլուխ. զի ես թէպէտ և ածի զպատիժն, սակայն յառաջագոյն ի սկզբանէ պատմեցի. իսկ նոքա և ոչ հուպ լինել իշխեն. և զիմրդ. քանզի անշարժ են: Թող թէ ասել յառաջագոյն զհանդերձեալս ինչ, և շարժել իսկ չբկարեն. իսկ ես ոչ միայն յառաջագոյն ասացի, այլ և զճանապարհն ևս ցուցի՝ ընդ որ փախստեայ գնայցեն: Եւ արդ, ասիցեն զառաջինն. եթէ զառաջինն չափեցէք, ապա վասն հանդերձելոցն չէ ապաստան ումք ի ձեզ լինել. և չէ իսկ կռոյ զհանդերձեալս պատմել, նա և ոչ դիւաց իսկ, յորոց անուն կուռքն կանգնեցին. բայց Աստուծոյ, որ ասէ յառաջագոյն, և զնոյն կարող է ի գլուխ հանել: Եւ արդ, առ յամօթ պաշտօնէիցն ստիպէ պատուհաս առ կուռն և առ դեռ:

« Պատմեցէք զառաջինն, գուշակեցէք զհանդերձելոցն՝ զի գիտացուք. եթէ աստուածք իցէք, բարի արարէք, չար արարէք. և զարմասցուք և տեսցուք՝ եթէ ուստի իցէք դուք, և ուստի իցէ գործուածն ձեր. զի յերկրէ պիղծս ժողովեցին զձեզ »: Յերկուս դէմն եդ զբանն, վասն նախգիտութեան և վասն երախտեացն և պատժոց, որ Աստուծոյ միայն գործ է և ոչ դիւաց: Եւ դեք, ասեն, չառնիցեն ինչ այսպիսի. և ոչ ուրեք, բայց եթէ Աստուած թոյլ տայցէ. իսկ եթէ Աստուած թոյլ տայցէ, և ես կարեմ գործ ինչ գործել: Եւ ընդ այն զի զարմանայցես, եթէ մարդկան

չկարիցեն մեղանչել առանց Աստուծոյ հրամանին, ուր
և խողից և շանց չկարացին փնտս առնել. որպէս յԱ-
ւետարանէ իսկ և 'ի Յովբայ ուսանիմք:

« Եթէ ուստի իցէք դուք, կամ ուստի գործուածն
ձեր. յերկրէ պիղծս ժողովեցին զձեզ »: Եւ արդ զի
պիտիցի ասել զայս, զի այն իսկ շատ է՝ գիտելն եթէ
ուստի իցէք. չեն ինչ պէտք ատենի և ընտրութեան.
յերկրէ էիք, այլ ոչ եթէ յերկրէ պիղծք էիք, այլ
եղերուք պիղծք. զի ուստի բնութիւնն ձեր էր՝ չէր
պիղծ բնութեամբ: Եւ յետ խայտառակելոյ զնոցա
տկարութիւնն, ապա յայտ առնէ զիւր զօրութիւնն.
« Ես, ասէ, զարթուցի 'ի հիւսիսոյ զԱսորեստանեայն,
և յարևելից զԲաբելացին. կոչեսցին յանուն իմ, եկես-
ցեն իշխանք, և իբրև զկաւ բրտի՝ այնպէս կոխեսցին »:
Այսինքն 'ի դարձին որք ոչ կամիցին զեւանդն նոցա
'ի Բաբելոնիէ: « Ո՞վ է այն՝ որ պատմեացն ձեզ զա-
ռաջինն, զի գիտասցուք. և զլինելոցսն, և ասասցուք
եթէ արդար է »: Եւ զի պիտոյ իցէ ասել, եթէ յա-
ռաջագոյն չասէք. զի և զայլոցն ևս ասացեալս ոչ
լսէք: Եւ թերևս ասիցէ որ, եթէ ընդէր զայդ ամե-
նայնառ պատկերսն ճարտարաբանես, ով մարգարէդ,
և զօրութիւնս՝ որ բնակեալ են 'ի նոսա՝ չառնուս 'ի
միտ, որք յառաջագոյն ասեն, և չառնեն և բարի ¹. և
խեցեղէնք և փայտեղէնքն՝ իբրև առաջնորդք իմն են
մարդկան առ նոսա, և մարգարէդ ընդ անմռնունչսն
և եթ վիճի, 'ի նմանութիւն մանկտոյ՝ որ խուճապեալ
խուսափիցին: Եւ արդ, զինչ իցէ ասել առ այս. զինախ՝
զգիտութիւնն իսկ անմարմնաւորացն յետոյ հայթայ-
թեցէք իմանալ. և առաջինքն ամենեքեան զպատկերս
և եթ պաշտէին. և մինչև յանդիմանեալ էին ան-
մռնունչն, չէր ումեք փոյթ գծածուկ ինչ զօրու-
թեանց. և վասն այնորիկ մարգարէն ընդ նոսա վիճի,
զի զնոսա առ աստուածս ունէին, և ստէպ յանդիմանէ,
եթէ մերձեսցին, պատմեսցեն: Իսկ եթէ առ դեռ ինչ
պիտոյ իցէ ասել, սակայն և յայնմանէ ոչ ինչ զանգի-
տասցուք յիրացն իսկ գործելոց փորձոյ: Պաշտէին
Հրեայք զդեւս, և այնպիսի ինչ պաշտօն, զի զուստերս

¹ Այսպէս յօրինակին:

զենուին և զդատերս զոհս մատուցանէին. և արիւնքս
դիւացեալք՝ զի յաղիսն և 'ի ծնունդս ոչ խնայէին.
և զհայրենի Աստուածն [Թողուն] զբարերարն և զե-
րախտաւորն, որ ազգի ազգի խնամս դարմանոց նոցա
մատուցանէր. և զգեւան ֆնասակարս մեծարէին և
ոչ զպարգեւատուն Աստուած: Եւ արդ տեսցուք, եթէ
օգնեցին ինչ նոցա դեքն, զորս մեծամեծարս պա-
տուէին քան զԱստուած. և ոչ ուրեք. այլ 'ի ձեռս
ետուն, և 'ի տանջանացն 'ի պատժոց չկարացին ա-
պրեցուցանել: Եւ ոչ միայն յօտար երկրի ինչ չօգ-
նեցին¹, այլ և ոչ անդէն յաշխարհին. և ոչ յառա-
ջագոյն ինչ գուշակեցին. և զոր մարգարէքն գուշա-
կեցին՝ զայն² ևս սուտ կամէին առնել:

Նա [Եւ կամիս] և զհեթանոսաց ինչ պատմութիւնս
պատմեցից: Եկն եհաս երբեմն պատերազմ 'ի վերայ
Ելադացւոց աշխարհին, և արշաւեաց առ զբազում
քաղաքս Պարսիկն. այլ [Եւ երևս] ասիցես, եթէ և յայն-
ժամապրեցուցին 'ի [Եւ] ճանաչեցան. առասպելս պատմես
և շատիստութիւնս մարդկան. զի ոչ եթէ յայտնու-
թիւն ինչ երեւեցաւ և ապրեցան, այլ իմաստութիւնն
առն [Եւ] միտտողեայ, զի զնաւամարտիկ հնարս հնա-
րեցաւ. սակայն այնչափ ջանալով [Եւ] պէտ և զմար-
դիկն ապրեցոյց, սակայն զբաղսքն հրձիգ արարին.
այլ ոչ որպէս մեր Աստուածն, որ հարիւր և ութսուն
հազար արս՝ արկ տապաստ 'ի միում վայրկենի: Նա և
ոչ բամբասէին ինչ զնոսա քուրմքն, եթէ ծոյլ ինչ
իցեն առ մեհեանսն պատկերացն. և ամենեքեան ա-
մենեցուն [Եւ] ճամիք էին. զմիմեանս հարկանէին և 'ի
միմեանց կոտորէին առ ագահութիւն, և ոչ առ ծու-
լութեան ինչ՝ զոր առ կուռսն ցուցանէին: Ընդէր ոչ
յառաջագոյն գուշակեցին զգալուստն Քրիստոսի.
ընդէր և այժմ ոչ վաղագոյն ինչ ազդեն, այլ կար-
կեալ պաշարեալ են ամենայն ըղձական դիւթու-
թիւնք. միւթէ չիցեն քուրմք և մողիք, միւթէ չիցեն
իղձք և դիւթք. այլ և կարի շատ: Ոչ վասն այսորիկ
յամենայնի ապրեցաք 'ի բազում չարեաց, և բազում

1 Յօր. Օգնեցի:

2 Յօր. Եւ զբարեբանս գուշակեցին, յօտար գրչէ:

կեանք հեշտականք շնորհեցան մեզ. ոչ մարտք, ոչ պատերազմունք, և ոչ այլ ինչ նոյնպիսիք առ մեզ. և կանխասացութիւնք ինչ չեն պիտոյ. զի և այնպիսի վարս ինչ շնորհեաց մեզ, որք և առանց կանխասացութեանն կարող են 'ի զգուշութեան պարհէլ. և յայտ է եթէ կանխասացութիւնքն վասն զիջանելոյ և եթէին Աստուծոյ ըստ մարդկան: Եւ արդ զի՞նչ ինչ պէտք կանխասացութեանցն իցեն, յորժամ մեք գուշացեալ զգուշութեամբ կեցեմք. իսկ արդ ձեզ ոչ ինչ այսպիսի:

« Ահիզմն տաց¹ Սիոն »: Այսինքն որպէս 'ի սկզբանէն էին, նոյնպէս արարից և 'ի դարձին: « Եւ զերուսաղէմ միութարեցից 'ի ճանապարհին. զի 'ի հեթանոսաց ահա աւասիկ և որ ոչ »: Զի ոչ երբեք 'ի նոցանէ միութարեաց զնա. նա և վասն այնորիկ թոյլ ետու երթալ նմա անդր, զի ուսանիցի զտկարութիւն կռոյց նոցա: Զի ողորես աստ առ իս զկուռսդ. երթ անդէն ողորեսջիր, և ապա գիտասջիր, եթէ կարող ինչ իցեն, և եթէ ոչ. երթ, ողորեա ըստ նոցա կրօնիցն, և ապա առնուցուս 'ի միտ զտկարութիւնն նոցա:

ԳԼՈՒԽ ԽԲ

« Յակովբ ծառայ իմ, օգնական եղէց նմա. իսրայէլ ընտրեալ իմ, զոր ընկալաւ անձն իմ »: Որպէս և Դաւիթ ուրեք ուրեք Քրիստոսի և Սողոմոնի դէմն դնէ, թէպէտ և 'ի Սողոմոն կարծեցուցանիցէ ճառել, այլ 'ի Քրիստոս հանէ զմարգարէութիւնն. սոյնպէս և աստ 'ի դէմն Յակոբայ և իսրայէլի՝ զՈրդւոյ ճառս 'ի մէջ բերէ: Եւ չեն ինչ զարմանք, զի եթէ որդիք Աստուծոյ և աստուած կոչին մարդիկ, որպէս և Աստուածն և Որդի Աստուծոյ՝ կոչի մարդ և Որդի մարդոյ: Եւ եթէ ընդ այսպիսի անուամբք ծածկեալ է մարգարէութիւնս՝ իբրեւ զմարգարէութիւն, սակայն 'ի

¹ Յոր. Տ: ի բնագրի Ս. Գրսց դնի. Սիւլբ. Կալի. Միւլբ.:

միտ պարտիմք առնուլ զճշմարտութիւնն. մանաւանդ զի յազգէ՝ իսկ նոցա ծագելոց էր Քրիստոս. վասն այնորիկ ընդ անուամբն նոցին մերթ թաքնու, մերթ յայտնի: Եւ զօգնականն լինել՝ ըստ սնտեսութեանն իմանամք, և ոչ ըստ աստուածութեանն, զի անկարօտական է աստուածութիւնն: Եւ զհրեշտակին զօրացուցանել սովին օրինական ըստ մարմնաւորութեանն իմանամք, և ոչ ըստ աստուածութեանն. զի որ զամենայն ունի, զիարդ էր՝ զի ծառային օգնականութեամբ կարօտանայր. ըստ այնմ, եթէ Ամենայն ինչ նովաւ հաստատեցաւ եկաց. և եթէ ամենայն ինչ նովաւ հաստատեցաւ եկաց, զիարդ էր՝ զի ի հրեշտակէն զօրանայր:

« Ետու, ասէ, զօգի իմ՝ ի վերայ նորա »: Այս առաւել սիրոյն Աստուծոյ նշանակ է, որ նովաւ ի մեզ սփռեցաւ. ըստ այնմ որ Առաքեալ ասէ, եթէ Սէրն Աստուծոյ հեղեալ է ի օիրտս մեր: Եւ չէ ինչ մարթ զայնպիսի պարգևս ընդունել, եթէ ոչ նախ սրբիցին ոգիքն. զի որպէս ինքն՝ որ ընկալաւ զՀոգին յօրինակ միայն, և ոչ զի կարօտութիւն ի յիւր մարմնաւորութիւնն, նոյնպէս կամի զամենեսեան լինել սուրբս, զի արժանի լինիցին լինել տաճար և բնակութիւն Հոգւոյն:

« Դատաստան հեթանոսաց հանցէ »: Եւ արդ, մեկնութիւն ինչ խնդրիցէ բանս. քանզի անխտիր կեանք էին առաջնոցն, որդիք ընդ մարս խառնակէին, և դստերք ընդ հարս պղծէին, զմիմեանս կոտորէին, միմեամբք մեռանէին, զգազանաց զբարս յանձին ցուցանէին, նա ևս դժնդակագոյն քան զգազանացն. այլ այժմ ոչ այսպիսի ինչ. այլ գայլք և գառինք ի միասին հանգչին, և ինծք՝ առ ուր մակաղին, ըստ այնմ, եթէ ի Սիոնէ ելցեն օրէնք, և բան Տեառն յերուսաղէմ:

« Եւ դատեսցի ի մէջ ազգաց »: Այսինքն ընտրութիւն արասցէ ի մէջ կրօնիցն նոցա: Եւ արդ երկու ինչ սքանչելիք եղեն, զի զբարիս յետս ընկեցին, և զգաատութիւն յանձին կալան: Եւ Հրեայքն՝ որ միշտ զօրինացն խոկային և ի մարգարէսն թեակոխէին, վրիպեալք գտան ի ճշմարտութեանէն՝ իւրեանց հետ:

տութեամբն, և հեթանոսք՝ որ քան զանասուն ևս անխօսագոյնք էին, ՚ի գլխաւոր առաքինութիւնն հասին: Եւ բարիորդ ասաց, եթէ հանցէ, և ոչ ասաց, եթէ արասցէ. զի որ էր դատաւորանն և ծածկեալ էր, զայն եկն յայտնեաց. ըստ այնմ. Ահա աւասիկ ել որ սերմանէր սերմանիս: Իբրեւ զբարի ինչ պարգևսն՝ ՚ի հայրենի գանձուցն հան բաշխեաց զկրօնս աստուածածանոյցս, որ քան զամենայն ոսկի և զականս պատուականս և քան զթագ և զծիրանիս թագաւորութեան պատուականագոյն. և զպսակն արքայութեան խոտացաւ, և վասն հանդերձեալ դատաստանացն յիշեցոյց, և սանձս եղ յերախս հոգւոց մերոց՝ զերկիւղ դատաստանաց. պէսպէս առաքինութեամբ զարդարեաց զմիտս մեր, զանօրէնութիւնս կարեացն, որ զմեզ յուզիւքն ցանկութեան լլկութեան լլկէին՝ շիջոյց: Եւ զԲնչ ինչ բարութիւնս ոչ կատարեաց. ոչ միայն զդատաստանացն ճառեաց, զի այն հանդերձելոց ժամանակացն էր, այլ և զաստիս ևս յայտնեաց, յորժամ վասն աշտարակին՝ որ անկաւ և կալաւ զբազումս՝ ճառիցէ. և վասն որոյ և Պիղատոս խառնեաց զարին ընդ ողջակէզս: Զի ոչ ՚ի հնումն զհանդերձելոցն լռեաց, և ոչ ՚ի նորումն զմօտաւորս թաքոյց, այլ եցոյց եթէ յիւրաքանչիւր յօրէնսդրութեան՝ զիւրաքանչիւր զօրութիւն ունին:

« Ոչ աղաղակեսցէ և ոչ անաստեսցէ »: Եւ այնու զհեզութիւնն յայտ առնէ, եթէ ոչ բռնութեամբ ինչ կամ ճոխութեամբ, այլ հեզութեամբ և հանդարտութեամբ արասցէ զամենայն ուղղութիւնս: ԶԲնչ պէտք էին աղաղակելոյ նմա, որ զայնպիսի զգաստութիւնս ուսոյց. զԲնչ ինչ խռովութիւն ոչ եղև նորնծայ ուրուք ՚ի մնապարծ կրօնից. այլ ոչ եթէ նորայն այնպիսիք ինչ իցեն, այլ մեղմով իմն, անոտնաձայն առնելով:

« Զէղէգն ջաղջախեալ մի փշրեսցէ »: Եւ այն իսկ են զարմանք, որ զայնչափ ուղղութիւնս՝ այնչափ հանդարտութեամբ կատարեաց, և ոչ ումեք եղև տաղտկալ՝ որ այնչափ ծանրագոյնս և խիստ կրօնս քարոզեաց, և ոչ տաղտկացաւ և ոչ զերեսս դարձոյց: Տես, որպիսի ինչ է զօրութիւնն հեզութեան: Եւ ո՞ր կա-

տարեցաւ այս. առ Հրեայս. զի նոքա իսկ էին եղէգն ջաղջախեալ. որչափ ինչ պատերազմունք և կոտորուածք յետ դարձին գործեցան, մինչև ձորք անգամ արեամբ ընկն, և մարմինք անկելոց զերինս ծածկէին: Այլ հաստատութիւն և անշարժութիւն կրօնից յայնժամ լինի, յորժամ ոչ բռնութեամբ և ոչ սաստիւ և ոչ ծանրատաղտուկ 'ի մարդկան վարս մտանիցէ ինչ հրաման. յայնժամ յարդարին կարգք, յորժամ ոչ հակառակութեամբ ինչ լինիցի:

« Եւ զպատրոյկն ծխեալ մի շիջուցէ »: Իսկ այլ թարգմանքն ասեն. Զպատրոյկն առկայծեալ մի շիջուցէ. զոր ոմանք յօրէնս առակեցին, և զեղէգն 'ի ժողովուրդն: « Այլ հանցէ 'ի ճմարտութիւն »: Զինչ իցէ ճմարտութիւն¹. զի յայտնեսցէ զմարդկան ստութիւն, եթէ ոչ ինչ ունի ճմարտութիւն, այլ թէ ամենայն կարեօք և ընդունայնութեամբ լի է. զի յառաջ քան զայն ժամանակ ոչ ինչ դք 'ի ճմարտութիւն փութայր, այլ ամենեքեան հարեալ հատեալ էին 'ի ստուերական և յերազուկան իրս: Այլ մարթի իմանալ և զայլ իմն դատաստանացն և զվրիժուց. ըստ այնմ, եթէ Այժմ դատաստան է աշխարհիս, այժմ իշխան աշխարհիս² այսորիկ ընկեսցի արտաքս. և ես բարձրացայց: Ատեան մեծ ժողովի, քանզի ինքն կամեցաւ Աստուածն. զի եթէ իւր չէր կամեցեալ, ոչ դք լինէր նմա ոսոխ. որպէս ոմն ասէ զբանն իմաստուն, եթէ Ո՛վ ասիցէ ցնա, եթէ զինչ գործեցեր: Բայց սակայն թէպէտ և այնպէս 'ի վեր էր քան զամենայն, հեզութեամբ տայ պատասխանի, և իրաւունս՝ ոչ մեղ միայն, այլ դիւին իսկ չարի, զի մի դք ասիցէ եթէ անիրաւ ինչ դատապարտեցաւ. քանզի իրաւամբք առնէր ընդ իւրեւ մահ զմարդիկ, զի մեղանչէին, և իբրև զպատժապարտս բռնադատեալ կորզէր զնոսա յինքն, իսկ Քրիստոս ինքն իսկ. Այժմ դատաստան է աշխարհիս. այսինքն՝ վրէժխնդրութիւն մարդկեղէն բնութեանս: Գրեսջիր թէ զայլն ամենեսեան ունէիր իբրև զպատժապարտս մեղաց, յԱստուծոյ յորդին

1 Յօր. Զինչ իցէ ճմարտութիւն, յօտար գրչէ:

2 Յօր. Այժմ իշխան աշխարհիս, յօտար գրչէ:

զիւորդ իշխեցեր ժտել։ Որ զմեղս ոչ արար, և ոչ գտաւ նենգութիւն 'ի բերան նորա. զիւորդ գորգուեցեր արկանել զնա ընդ պատժովք, ով բանսարկուդ։ Եւ զի նա գորգուեաց, լուր այնմ՝ որ ասէր, եթէ Սատանայի իսկ արկեալ էր 'ի սիրտն Յուդայի։ Նա կազմեաց զմեքենայս, նոյն գործեաց զոճիրոն՝ զի սպանանել մտաբերիցեն զօծեալն Աստուած։ Զի եթէ բանս պահանջիս և հարցանիցիս, ով բանսարկուդ, եթէ ընդէր սպաներ, զի՞նչ ինչ յանցանս գտեր 'ի նմա, դատապարտելոց ես և վրէժս պահանջելոց, և զայլն ևս ումենեմին 'ի դուրս տայցես։ Արդ վրէժինդուութիւն եղև աշխարհի, քանզի անպարտն իբրև զպատժապարտ մեռաւ, զի զայլս՝ որ ըստ պատժոցն մեռեալ իցեն՝ կենդանացուցէ։

« Այլ հանցէ 'ի Ճմարտութիւն զդատաստան »։ Ոչ վայրապար և ոչ դոյզն ինչ իրաց վասն՝ եբեր 'ի մէջ զճառ դատաստանին, այլ բարիորդ ասաց եթէ 'ի Ճմարտութիւն հանցէ. քանզի մարդկան դատաստան ոչ երբեք Ճմարտութեամբ վճարի, ոչ միայն առ 'ի զիրաւունսն կորուսանելոյ, այլ թէպէտ և ազատ 'ի կաշառոց և 'ի պատարագաց իցէ և 'ի ցասմանէ և 'ի թշնամութենէ, բազում անգամ ինքն իսկ բնութիւնն տկարանայ արդ՝ զարժան իրացն գտանել, կամ թէ 'ի վերայ իրաց ինչ չհասանիցէ, կամ թէ վկայք արդարք 'ի միջի չգտանիցին. այլ այն միայն դատաստան ճմարտ է՝ յորում և զծածուկս մտաց մերոց գիտն Աստուած, որ զամենայն արդարութեամբ քննէ. յորժամ զամենայն Ճմարտութեամբ գիտիցէ, և ոչ ըստ կարեաց ինչ, կամ առ թշնամութեան, կամ առ 'ի շնորհել ինչ ումեք զվճիռն տայցէ. այլ այնպիսի ինչ Ճմարտութիւն է 'ի դատաստանին, զի ինքեանք իսկ փաստակարքն և պատժապարտք անձամբ անձանցն տայցեն զվճիռն։ Զի՞նչ ինչ Ճմարտագոյն կայցէ քան զայնպիսի ատեան. և դուք ձեզն իսկ գիտէք ամենեքին՝ զի ոչ դք 'ի փաստակարաց անձամբ յօժարէ խոստովանել զփաստ, այլ ջանայ ծածկել զյանցանս. իսկ յայնմ դատաստանի ոչ այնպիսի ինչ, այլ ինքեանք անձամբ անձանց տան զվճիռն։ Նա և աստէն իսկ գործեցան երբեմն այսպիսի իրք առ Դաւթաւ. Ես, ասէ, հովիւս մեղայ,

և ես չարչարեցի. դոքա խաշնդ զքի արարին: Եւ զի մի ասիցես եթէ 'ի պատժոցն բռնադատեցաւ այսպիսի բանս խօսել, որպէս որք տանջիցին, և զանձանց ինչ մնաս ոչ գիտացին, այլ գանին դատոյս՝ բերեալ, առնիցեն զանձինս մնասակարս: Ոչ այսպիսի ինչ և արդարն, այլ մինչ այլք 'ի պատիժս էին, և նա արտաբոյ տանջանացն՝ յանձն ձգէր զպատուհասն՝ ասելովն, եթէ էս հովիւս մեղայ: Եւ կային ասէր, եթէ Մեծ է մնաս իմ՝ քան զթողութիւն. և զայն մինչև ընդ պատժովք մտեալ էր: Եւ Ադամ թաքեալ, զի թաքչելովն յայտ առնիցէ զյանցանսն: Կամիս և 'ի գեհէնի այսպիսի ինչ տեսանել: յորժամ լուաւ մեծատունն, եթէ Դու ընկալար զբարութիւնս, ոչ դիմադարձեաց, և ոչ իրաւունս ինչ կամեցաւ ցուցանել: Եւ մի ոք ասիցէ, եթէ զայն՝ ահ դատաւորին առնէր, զի տեսանեմք զայլ՝ որ ընդդէմ դարձան և ըմբերանեցան: Ո՛չ ինքն իսկ դատաւորն անդ մօտ էր. զի յորժամ վասն միոյ տաղանդի պատուհասէր, տեսցուք, զինչ տացէ պատասխանի. Գիտէի, ասէ, եթէ այր մի խիստ ես: Ո՛վ հեզութիւն և հանդարտութիւն դատաւորին, որպիսի բանից տանէր. Գիտէի, ասէ, եթէ այր մի խիստ ես: Զորպիսի ոք դատաւոր զայրացուցանիցեն այսպիսի բանք. այլ զնա միայն: Եւ այլուր իբրև իրաւունս տալով, թէ Թողովուրդ իմ, զքի արարի քեզ, կամ զքի տրտմեցուցի զքեզ, տուր ինձ պատասխանի. և այլուր ոչ զմօտաւոր ինչ իրաց, այլ զանցելոց տայ զիրաւունս. Զինչ գտին, ասէ, յիս յանցանք հարքն ձեր: Եւ Յովնանայ՝ ի մեղադիր լինել յիրաւի, եթէ Դու խնայեցեր 'ի դժմենիդ, յոր ոչ վաստակեցեր, և ես ոչ խնայիցեմ 'ի նոյն վաղաք մեծ, յորում բնակեալ են աւելի քան զերկոտասան բիւր: Տեսանէս, զի ամենայն ուրեք իրաւունս տայ մեզ՝ նա և սատանայի ևս արժանի առնէ իրաւունս տալ. Հայեցա՛ր, ասէ, 'ի ծառայ իմ Յօբ. զի ոչ գոյ ըստ նմա մարդ արդար, ճշմարիտ, աստուածապաշտ: Այլ տեսցուք և առ այնս՝ զոր 'ի գեհէնն հրամայէ. և անդ յառաջ իրաւունս տայ, և ապա 'ի տանջանսն հրամայէ. զի յորժամ չունիցին ինչ տալ պա-

տասխանի, ապա առաքիցէ 'ի տանջանս. որպէս որ զհանդերձս աղտեղիս ունէր, և որք ոչն կերակրեցին զնա, և որ այլ ևս այնպիսիք որ գտանիցին: Եւ ոչ վայրապար, այլ յորժամ ամենայն աշխարհք 'ի մի վայր ժողովեալ իցեն, յայնմ ժամանակի ատեան առնէ, և մեծաւ հեզութեամբ տայ իրաւունս տանջանաւորացն, եթէ յիրաւի ըստ իւրաքանչիւր յանցանաց տանջելոց են:

« Ծագեսցէ և մի շիջցի »: Զի խաչն այսպէս իմն կարծէր եթէ խափանիչ լինելոց իցէ քարոզութեանն. բարիորդ ասաց եթէ ծագեսցէ, որ առ ժամանակ մի կարծեցաւ եթէ շիջանելոց իցէ, և նոյն մեծապայծառ ծագեաց:

« Մինչև դիցէ յերկրի գգառաստանն. և յանուն նորա հեթանոսք յուսացին »: Տեսանէս զհանդերձեալ դատաստանին չափ. զի յորժամ ճառք հանդերձեալ դատաստանին յերկիր ճառեցան, ոչ օրէնք թաւաւորաց կարացին յաղթել, և ոչ սպառնալիք դատաւորաց. ոչ քերանք և ոչ տանջանք, ոչ մահ, ոչ այլ ինչ խորամանկութիւնք, այլ խրատ միայն և յօժարութիւն կարգեցին ընդ ամենայն աշխարհ ուղիղ օրէնս: Զի թէպէտ և կռապաշտք իցեն և վայելիցեն այսպիսի օրինօք, քրիստոնէից ունիցին շնորհ, եթէ ոչ վասն կրօնից՝ որ զլստուած ծանուցանիցեն, սակայն զանա բարիքն օրինաց. զի զչար վարս նոցա 'ի լաւութիւն դարձուցին, և սրբեցին զերկիր յայնպիսի չաքեաց. և թէպէտ 'ի բաց առ զքրիստոնէութիւն, և անդէն եղծանես զօրինեալ խաղաղութիւնն: Ո՛րչափ ինչ յուրութիւնք խափանեցան. և զայն մի ասեր, եթէ ընդէր իսկ ոչ բնաբարձ եղեն չարիքն. այլ յայն հաշեաց, եթէ ոչ սաստկութիւն, և ոչ բւռնութիւն զիջաւ. որչափ շնութիւնք անհնարինք արգելան. յորպիսի անմարդութեան էին յառաջ քան զայն ժամանակ, յորպիսի աղէտս. և զայն ոչ ասեմ, եթէ 'ի գրոց ինչ ուսանիցիս, այլ անդստին 'ի վիպասանացն՝ որ զառաւ պելսն գրէին. որչափ սովք և սուրք և սասանութիւնք. և զգողութիւնս պարծանս համարէին. և այն և եթ խնդրէր՝ եթէ միայն գող որ իցէ, և ոչ ինչ էին նախատինք. յորժամ և զՀերմեսեայ ևս զանուանոյն 'ի

դիտ լսիցես՝ եթէ գող էր, և Աստղիկ պոռնիկ. և այսմ և տօնքն ևս վկայեն՝ որ կատարին վասն նոցա, յորոց ա- նուն յայսօր ժամանակի երգեցիկքն ջնարաւորք պատ- րաստին: Իսկ առ մեզ ոչ այսպիսի ինչ. այլ նմին հակառակ՝ ոչ միայն զԱստուծոյ, փարգաստք, այլ և ոչ սիրելեաց Աստուծոյ այսպիսի ինչ համբաւք համ- բաւէին: Ապա եթէ կամիցիս ուսանել, թէ որպիսի ինչ արամուր աղտեղութեանց յառաջնովք կայր, ըզ- կռապաշտս հարց, և ՚ի նոցանէն տեղեկանաս: Եւ այժմ իսկ մոգք, դէք և մոլիք համարձակեալք ՚ի մէջ կռապաշտից, ՚ի Տաճիկս և ՚ի Պարսս. վասն այնորիկ եթող սակաւ մնացորդս հեթանոսութեան խմորոյն, զի յամօթ պաշտօնէիցն միայն լինիցի: Եւ այժմէն իսկ ՚ի տօնսն կապերտակս իմն զերեսօքն պատեն, և փա- դանս ՚ի բերան՝ առ մոլութեանն. և զշան անգամ միտ անխտիր ուտեն. և յորժամ հասանէ դէն ՚ի մոլին, զգետնի զարկուցանէ, հերարձակ առնէ. զչլուրս և զչլեալս տայ խօսել: Այլ առ մեզ ոչ այսպիսի ինչ, քաւ լիցի. քանզի հեթանոսաց են լիտութիւնք. և զի ևս զայս ասիցեմ, ուր և զարս ՚ի կանանց կերպարանս նմա- նեցուցեալ՝ ածեն շուրջ խայտառակեալ ընդ քաղաքն ամենայն. զի՞նչ ինչ այլ կայցէ քան զայն ծանախանս ծանականաւոյն: Տէս գլար դէն. թէպէտ և ՚ի բնէն անկաւ, սակայն զնշմարանս չարեացն ջանաց պարհել մինչև ցայսօր ժամանակի. զի այնչափ սաստկացեալ էր յառաջին ժամանակսն մոլորութիւնն, զի և զմար- դիկ ՚ի կերպարանս շանց կարծեցուցանէին դարձու- ցանել, և զբանն և զբարբառ շրջէին. և եթէ չհա- ւատայցես, ասէին, թէ չիցէ շուն ՚ի ձայնէդ, հաւա- տա և կերակրոյն զոր ուտէ. զձայն շան թերեւ ջանայ- ցէ որ ածել, այլ գնոյն կերակուր զիւրդ. որ ախորժի- ցէ: Եւ մոլորելոցն այնպէս թուէր, եթէ զբնութիւնն իսկ դարձուցանիցեն կախարդքն. և զայն ոչ առնուին ՚ի միտ, եթէ դէ իմն այնպիսի նստեալ ՚ի վերայ մար- դոյն՝ որ զկերպարանս շան ցուցանէր և զնոյն բար- բառ ածէր, և զնոյն կերակուրս ծախէր կերպարա- նօք: Եւ զայն ամենայն համարձակութիւն խափա- նեաց Աստուածն մեր. և յայնժամ կատարեցաւ, եթէ « Յանուն նորա հեթանոսք յուսացին », այսինքն ՚ի

Քրիստոսի Տեսանէս, որպէս և առ կռապաշտման նմա-
նագոյն ելին իրեն. զի այնմ՝ որ այնպիսի վարս շնոր-
հեաց մեզ, զիւրդ ոչ հաւատայցեմք:

Զինչ իցէ, եթէ « Յանուն նորա յուսացին »:
Յայնժամ անուն նորա այնպիսի ինչ առնիցէ՝ որպէս
ինքն իսկ արար. յորժամ կոչիցես զՔրիստոս, և դեք
հալածական լինիցին, զիւրդ ոչ հաւատայցես յա-
նուն նորա. և ոչ զի արդ միայն ցուցանէ զօրութիւնս՝
պարտ իցէ հաւատալ, այլ զի այլոց անմահական կենաց
ետ առհաւատչեայ՝ օրովք աստն եցոյց ինչ՝ ի մեզ զօ-
րութիւնս:

« Այսպէս ասէ Տէր Աստուած, որ արար զերկինս
և մածոյց զնա »: Իսկ այլքն ասեն, թէ Որ հաստա-
տէ կամարս. Սիմաքոս ասէ, եթէ Որ հաստատեացն:
Եւ զինչ իցէ՝ որ մածոյցն. լվծ ինչ բնութիւնս ինչ
արդեւք պիտեաց. այլ այնպէս իմն թուի նմանագոյն.
զի գողեացն ՚ի վերուստ վասն լոյծ ջուրցն, զի մի՛ ի
խոնարհ սահիցեն. քանզի յոյժ անօր իմն և բարակ են
իբրև զծուխ, և թանձրացոյց արար սերտ: Եւ դար-
ձեալ մածոյցն՝ այդպէս իմն թուի թէ ընդ երկիրս
կցեաց, զի մի շրջիցի և անկանիցի. և որ ինչ պնդի՝
ընդ իմք պնդի. և յայտ յասացելոց անտի է. և այ-
սու ոչ եթէ զբոլորակութիւն ինչ յայտ առնէ, և ոչ
զգնդաձև ինչ կերպարանս:

« Որ հաստատեաց զերկիր և զամենայն ինչ որ ՚ի
նմա իցէ »: Եւ զիւրդ անօր ինչ բնութիւն կարիցէ
հանդարտել այսպիսի ծանրութեան լեռանց մեծամե-
ծաց և բարձանց. զիւրդ ոչ լուծանիցէ, զի յամենայն
ժամ ընդ ջուր կոծի. կամ զիւրդ ոչ այրիցի, զի միշտ
՚ի բոցոյ բորբոքի. այլ իբրև զվէմ մի հաստատուն եղև
նա, և աւելի ևս քան զվէմ ինչ. այն իսկ է, թէ « Որ
հաստատեաց զնա և զամենայն ինչ՝ որ ՚ի նմա է »: Նախ
զմարդիկ իսկ, զի գիտացես եթէ յԱստուծոյ ունին
զօրութիւն. զի եթէ ոչ վերին տեսչութիւնն ունէր,
՚ի վաղուց իսկ հետէ եղծեալ էին ազգք մարդկան:
Որչափ վիշտք, որչափ տառապանք. վասն այնորիկ իսկ
ասէ մարգարէն, եթէ Օգնութիւն ինձ ՚ի Տեսառնէ.
որչափ հոգք, որչափ տատամնութիւնք, որչափ տրբա-
մութիւնք, որչափ նաւաբեկութիւնք. զի եթէ և

մարմինն չեղծանէր, սակայն շունչն թռչէր գնայր՝ առ չժուժալ ծանրութեան հոգոյ և տրտմութեան. որչափ տրտմութիւնք և աղէտք, և ոչ թողու և գնայ։ Եւ բազում անգամ թողու և գնայ, զի գիտացես՝ եթէ յորժամն ոչն թողու և գնայ՝ Աստուծոյ զօրութեանն է գործ։ Երթիցուք և առ անասունս. որչափ վիշտք, որչափ ցաւք և վաստակք, և ոչ լուծանին. վասն որոյ և Պաւղոս ասէ, եթէ Առ այս ո՞վ իցէ բաւական. և դարձեալ, եթէ Որ մեղութարէն զմեզ յամենայն նեղութիւնս։ Զի եթէ ոչ՝ ի վերին օգնականութենէն վայելէաք, չէր ինչ բաւական ամենայն իսկ տւեւի և բաւել։

« Տայ շունչ ժողովրդեանն, և ոգի՝ որոց կոխիցեն զնա »։ Ահա և այլ իմե՛ք. դարմանիչ է ոգւոցն. այսինքն Աստուծոյ տեսչութիւնքն՝ որ ունին պինդ և պահէն։ Զի և մարմինք չնշաւորք են, և են որ անշունչք. յորժամ տեսանիցես գեղեցիկ և տեսական զմարմիններկնից, մի շնչական կարծիցես, որպէս Յունաց առասպելքն դանդաչեն, եթէ որ ինչ է և կայ և տւէ, առանց շնչոյ չէ. նոյնպէս յորժամ գերկիր տեսանիցես, մի ինչ շնչաւոր համարիցիս վասն կալոյն և տւականութեան. նոյնպէս և զճուրս։ Ահա աւասիկ երկին և երկիր, մին կոխէ և միւսն կոխի, մին շնչաւոր և միւսն անշունչ. զի ոգի՝ մարդկան ետ, և ոչ երկնի և երկրի և ջրոց. և անասնոց՝ շունչք և զգայականք, և ոչ իմաստնականք. և յայտ է, եթէ շնչոցն իմաստնոց և զգայականաց նա է արարիչ։ Եւ մարդկան ոչ եթէ այլ ինչ շունչն իցէ և այլ ինչ հոգին. եթէ պէտ և երկու անուանք ասին, այլ մի ինչ իրա ընծայեցուցանեն, որպէս մարմին և միս՝ զի նոյն են, կամ մարդ և իմաստնաւոր։

« Ես Տէր Աստուած »։ Տեսանէս, զի ոչ ինչ պարկեշտագոյն և ճմարտագոյն է Աստուծոյ քան զՏէրն անուն։ « Կոչեցի զքեզ յարդարութիւն »։ Այսինքն զՈրդի. քանզի ոչ այլ ոք կոչեցաւ յարդարութիւն լինել ազգիս մարդկան։ « Կալայց զձեռանէ քումմէ և զօրացուցից զքեզ »։ Դարձեալ և աստի՛ ի մարմնաւո-

բութիւնն Որդւոյ շրջէ զբանս. և ոչ ինչ հրաժարեմ
ասել զայս :

« Ետու քեզ, ասէ, յուխտ ազգաց և 'ի լոյս հեթա-
նոսաց » : Իսկ այլքն ասեն, թէ ի դաշն, Եւ զի՞նչ իցէ
գաշն, և կամ ի՞նչ իւրիք. այլ զի զօրէնսն ինուցու : « Եւ
'ի լոյս հեթանոսաց » : Տեսանէս, զի և հեթանոսք
մարդարէիւքն կոչեցան : « Բանալ զաշս կուրաց » : Եւ
աստ երկու պէտք են, և լուսոյ և աշաց ողջութեան.
և զերկոսին ինքն կատարէ. որպէս կուրին՝ զի զինքն
եցոյց, և զաշս եբաց. և ասէ. Դու հաւատաս յՈրդի
Աստուծոյ : Ո՞վ իցէ, ասէ, զի հաւատացից 'ի նա. և
յայտնեաց և ոչ թաքոյց, եթէ Ես եմ : Եւ ցանդամա-
լոյծն, թէ Ահաւասիկ ողջացար, այլ մի ևս մեղանչի-
ցես, զի մի չար ևս ինչ լինիցի քեզ :

« Հանել զկապեալս 'ի բանդէ » : Եւ այն դատաւո-
րի էր՝ որ զայնչափ ժամանակս կապեալ էին : « Ար-
ձակէ 'ի բանդէ՝ որք նստէին 'ի խաւարի » : Դարձեալ
զկուոցն մօլորութիւն յանդիմանէ. զի այնպիսի կապա-
նօք կապեաց սատանայ զքնու թիւն մարդկան. տարա-
ծեաց զամբն խաբէութեան զերեսօք, մթացոյց մի-
գովքն ապշութեան. ըստ այնմ, եթէ Ունայնացան 'ի
խորհուրդս իւրեանց, և խաւարեցան անմտութեամբ
սիրտք նոցա : Տեսէր զպատճառս խաւարին. հրաժա-
րեա 'ի նմանելոյ խաւարելոցն, զի 'ի մտաց, ասէ, ծնա-
նի այնպիսի խաւար : Եւ գրեսջիր, եթէ նոցա մտաց.
Իսկ Հրէից ուստի՞ արդեւք. յայնմանէ՝ զի Զիւրեանց
արդարութիւնն ինդրեն կացուցանել. քանզի Աստու-
ծոյ արդարութեան ոչ հնազանդեցան : Իւրաքանչիւր
ոք յընկերէ չկամի ուսանել, այլ ինքն լինել վարդա-
պետ. ամաչէ յընկերէն ինչ առնուլ, վասն այնորիկ և
ունի ինչ ոչ : Զայնպիսի ախ՞ և Հրեայք և հեթանոսք
ախտացան. իւրաքանչիւր ոք գտակ կրօնից կամեցան
լինել. և այնպէս կամեցան, և զի ոչ կանգուն անգամ
կարէին կալ, այլ կծկեալ կաշկանդեալք նստէին յեր-
կրի, իբրև յանհարին բանդի ուրեք :

« Ես եմ Տէր Աստուած. այս է անուն իմ » : Իսկ և
Որդւոյն յորժամնոյն անուն կոչիցի, ո՞չ ապաքէն ճըշ-
մարտութեամբ Տէր իցէ. Մի է, ասէ, Տէր Եիսուս
Քրիստոս : Եւ տէս, զիւրդ նախ զՏէրն անուն դնէ.

իսկ 'ի մերում միջի թէպէտ և կոչեսցին տեարք, պիտականութեամբ կոչին. իսկ Աստուծոյ բնութեամբ է Տէրն անուն, քանզի և է իսկ Տէր: « Զփառս իմ, ասէ, այլում ոչ տաց »: Այսինքն՝ հանից 'ի կռոյն զիմ անունս: Եւ այս ճշմարտութեամբ 'ի Գրիստոսի գալլստեանն կատարեցաւ. զի ոչ ևս դք անուանէ զանուն կռոյ, այլ զանուն Տեառն Յիսուսի Գրիստոսի: Դարձեալ այլազգ ևս, թէ զմարդկանէ ասիցէ. զի փառք Աստուծոյ՝ մարդիկ են. ըստ այնմ որ Առաքեալն ասիցէ, եթէ Այլ ոչ պիտի ծածկել զգլուխ իւր, զի պատկեր և փառք Աստուծոյ է. որպէս ստեղծ՝ զի ուրուք պատկերն իցէ, նոյնպէս և Աստուծոյ՝ մարդ: Զանդրիդ, ասէ, զամենազարդ, զամենակազմ, զպատշաճական, զքեղեցկայօդ զգործս ձեռաց իմոց՝ ոչ տաց դիւաց: Տեսանեն, որչափ ինչ կարևոր էր գալլուսան Գրիստոսի:

« Զի որ ինչ 'ի սկզբանէն էին, ահա աւասիկ եկին հասին. և զնորս պատմեցից. և մինչև պատմեալ էր՝ գուշակեցաւ ձեզ »: Զհնոցն ասէ եթէ 'ի գլուխ ելին օրէնքն. ապա ուրեմն ժամանակ էր նորոյս կտակարանաց, որք պատմիցեն և հաւատարիմ առնիցեն զհանդերձեալն. որպէս առաջինն կատարեցաւ, նոյն պէս և երկրորդիս պարտ էր կատարել: Զի և երկրորդին ևս մոռտ լինիցի՝ բազում ինչ ասացաւ 'ի հնումն և վճարեցաւ, զպատերազմաց, զուղղութեանց, և այլ ինչ ըստ մարգարէութեանց: Զլինիցի, ասէ, անձրև. և ոչ եղև: Զգլաւիք, ասէ, ընտրեցից, և կալցի զերկիրդ. և եղև. և դարձեալ, եթէ Ահաւասիկ ծառայեցուցեն և չարարեսցեն զնոսա ամս չորեքհարիւր. և եղև. և դարձեալ, թէ Եղիցի ինձ ժողովուրդ սեպհական 'ի Թադաւորութիւն, 'ի քահանայութիւն: Եւ բազում ինչ է՝ զոր ասացաք և զոր ասացուք. որովք՝ յայտնի լիցին թէ անդստին 'ի բնէ ունէր սկիզբն նորս:

« Որհնեցէք զԱստուած յօրհնութիւն նոր »: Այլքն ասեն. Երգեցէք: « Զի իշխանութիւն նորա 'ի բար-

ձուռնս փառաւորի, անուռն նորա՝ի ծագաց երկրէ » : Եւ զինչ իցեն նոր օրհնութիւն. ոչ ըստ բնութեանց ինչ հնոցն, և ոչ ըստ օրինականացն, այլ և Հոգւոյն սրբով : Քանզի չնորհականքն ամենայն նորք են, և առաքիւնութիւն նոր, նոյնպէս և օրհնութեանն պարտ էր նոր լինել. զի ոչ եթէ Աստուած այնու առաւել պատուիցի, քանզի անկարօտ իսկ է Աստուածականն. այլ զի պատուիչքն՝ այնու իմն յղովազոյն¹ կարիցեն մերձենալ առ Աստուած, ըստ առաքինութեանն վարուց. վասն որոյ և ասէ իսկ, եթէ Եւ Հայր զայնպիսի երկրք պագուս խնդրէ, որք Հոգւոյն և Ճշմարտութեամբ երկիր պագանիցեն նմա :

« Խշխանութիւն նորա՝ի բարձունս » : Զի մի կարծիցէ որ եթէ կարօտական որ իցէ, ասէ. « Արքայութիւն նորա՝ի բարձունս փառաւորի » : Զէր ինչ կարօտ ձերովքդ, նա և ոչ հրեշտակաց զօրութեանց փառաւորութեամբք. զի և յառաջ քան զլինել նոցա՝ էր իւր կարօտ. քանզի և նորա աղաղակէին. Սուրբ, սուրբ, սուրբ. այլքն, թէ Փառք՝ի բարձունս Աստուծոյ, և յերկիր խաղաղութիւն. և քրօքէն մեծաձայն բարբառովք, եթէ Օրհնեալ են փառքն Տեառն՝ի տեղւոյն իւրմէ : Եւ բազում և այլ ինչ լսեմք բարբառս փառաւորութեանց, եթէ Օրհնեցէք զնա հրեշտակք և հրեշտակապետք. այլ ոչ եթէ այնու ինչ կարօտ իցէ : Եւ բարիորդ ասաց, եթէ « Խշխանութիւն նորա՝ի բարձունս » : Եւ բնաւ թէ կամիցիս իսկ զԱստուծոյ թագաւորութիւնն տեսանել. բաց մտօքդ զերկինս, և անդ հայեցեալ տեսանիցես բիւրս բիւրս հրեշտակաց, հազարս հազարաց հրեշտակապետաց, զսրովքէս մօտակացս, զքրովքէս նովաւ, զաթոռն հրեղէն, զամենեալն սարսեալս և զարհուրեալս : Իսկ այսր ոչ միայն վասն նուազութեան բնութեանս չերեի իշխանութիւն նորա, և ոչ վասն զի բազում վայրք՝ի միջի իցեն ընդ հրեշտակս և ընդ մարդիկ, այլ սոքա զի ոչ են բաւական կալ՝ի պաշտաման իբրեւ զայն զարմանալի բնութիւնս : Զոր օրինակ յորժամ այր թագաւոր երևիցի, զամենայն ռամիկն աչ և դողումն

1 Յօր. Այն որ իմ արեւելիս :

ունի, մըջափ ևս առաւել ահ մերին մեծութեանն. զի յորժամ յարքունական ապարանից դը 'ի դուրս մերձենայցէ, անդ մահ' և սաստ տեսանիցէ, և զամենեանն 'ի սպասս արքունականս. նոյնպէս և որ անդ զօրքն իցեն. զի որ յերկիրս են, բազում ինչ խափանէ զնոսա յայնպիսի սպասաւորութենէ՝ 1. իսկ երկնաւորացն ոչ այլ ինչ գործ է, բայց միայն հանապազ փառաւորել զԱստուած, և 'ի նա ևեթ հայել. ըստ այնմ, եթէ Մի արհամարհիցէք զմի 'ի փոքրկանց, զի և հրեշտակք նոցա հանապազ տեսանեն զերեսս Հօր ի մոյ՝ որ յերկինս է: Որպէս և Քրիստոսի իսկ՝ հրեշտակքն կային 'ի սպասու. Եկին, ասէ, հրեշտակքն և պաշտէին զնա: Մի ընդ այն ևեթ հայիցիս, զի ապտակեցաւ և տանջեցաւ, այլ և զայն ևս 'ի մօտի ունիցիս՝ զոր ասէրն, եթէ Թագաւորութիւն ոչ է յայսմ աշխարհէ: Տէս, զիարդ միաբան է բարբառս ընդ մարգարէին՝ որ ասէր, եթէ « Իշխանութիւն նորա 'ի բարձունս »: Չոյն ասէր և Նաբուգոդոնոսոր, եթէ Արքայութիւն նորա՝ արքայութիւն յաւիտենից, և իշխանութիւն նորա յերկինս, և զոր ինչ կամի՝ առնէ յերկինս և յերկրի: Եւ յԱւետարանի, եթէ Հայր մեր, որ յերկինսդ ես, փառաւորեսցի անուն քո. եկեսցէ արքայութիւն քո, եղիցին կամք քո՝ որպէս յերկինս՝ և յերկրի:

« Իշխանութիւն նորա 'ի բարձունս փառաւորի. անուն նորա 'ի ծագաց երկրէ »: Նոքա առաւել դողան և երկնչին յԱստուծոյ քան զմարդիկ. որպէս և աւելագոյնն գիտեն, նոյնպէս աւելագոյնն երկնչին. չիք անսաստութիւն և ոչ անհնազանդութիւն կամ ծուլութիւն. քանզի Հօրք են զօրութեամբ և առնեն զբան նորա: Տեսանեն զի նոքա առաւել երկնչնչին. և նոքա՝ որ ընդ պատժօք ինչ ոչ են՝ այնչափ երկնչնչին, և սրբէքն և հայել անգամ ոչ իշխեն, մեք զիարդ իցէ զի քննիցեմք. զոր օրինակ աստ որչափ դը զմեզ մօտ ունիցի 'ի ճառագայթս արեգական, նոյնչափ կամիմք 'ի բաց փախչել, նոյնպէս որչափ մօտ տեսանիցեմք զՔրիստոս՝ և քաջ պարտիմք երկնչել: Տե-

սանեւս, զիւրդ փառաւորեցաւ 'ի լերին անդ, և թալացան անկան աշակերտքն յահէն: Եւ մարգարէքն բազում անգամ ստունգանէին, իսկ հրեշտակք և ոչ երբեք. և ուստի արդեւք. 'ի բազումահէ՝ որ անկանի զնոքոք: « Փառաւորի անուն նորա 'ի ծագաց երկրէ. այսու և մարգարէանայ իսկ՝ որ ինչ լինելոց է ընդ ամենայն երկիր. ըստ այնմ, եթէ լնդ ամենայն երկիր ել բարբառ նոցա:

« Որ իջան 'ի ծով նաւօք, կղզիք և բնակիչք նոցա»: Տեսանեւս, զի ընդ ամենայն տեղիս սփռեցաւ քարոզութիւնն: Այլ թերևս ասիցէ ոք, թէ որ 'ի ցամաքին են, նոքա զրկեալ ինչ իցեն. քանզի և Դաւիթ իսկ ասէ, եթէ Նոքա տեսին զգործս Տեառն և զքանչելիս նորա 'ի խորս: Ձիք ինչ ասել և ոչ պատճառս գնել. քանզի և նոցա բազում յորդորութիւնք են աստուածգիտութեան. բայց արդարև նոցա աւելի իմն սլարտ է խրատել. քանզի ծովն ահագին աւելի իմն պարտի յորդորել զմիտս, զի հանապազ տեսանեն զալիս մըրմըռեալս և սպառնացեալս, և միշտ զմահս և զստուերս նկատեն:

« Ուրախ լիցի անապատն և աւանք իւր, հանգրուանք և բնակիչքն Կեդարու»: Ոչ եթէ անապատքն և աւանք ինչ ուրախ լինիցին, այլ սովորութիւն է գրոց և անշնչականացն տալ աւետիս ուրախութեան, յորժամ բարութիւնս ինչ առնելոց իցէ Աստուած: « Տէր Աստուած զօրութեանց ելլէ և խորտակեսցէ զպատերազմն, զարթուցէ զնախանձ իւր, գոչեսցէ 'ի վերայ թշնամեաց իւրոց իսպառ»: Այսինքն վասն իւրոյ սիրոյ ել յայց և արար դարձ ժողովրդեանն, և ոչ վասն փրկելոցն ինչ արժանաւորութեան:

« Լուռ եղայ յաւիտենից. միթէ միշտ լռիցեմ և անսայցեմ. թէպէտ և համբերէի իբրև զծննդականն, յայտնեցից, զարմացուցից և ցամաքեցուցից միանգամայն. եգից զգետս 'ի կղզիս, և զխաղս ցամաքեցուցից»: Ակիպաս և Սիմաբոս ասեն. Զնաւահանգիստն ցամաքեցուցից: Տեսանեւս, զիւրդ յայտ առնէ եթէ ոչ այն կամք են, զի տանջիցէ զանցաւորս. այնպիսի վիշտս վշտանամ, ասէ, որպէս որք ծնանիցին՝ վշտանայցեն. իբր ոչ եթէ Աստուծոյ վշտանալ մարթ ինչ իցէ. ծն

անդր, քաւ լիցի. այլ զայն կամի ցուցանել եթէ ոչ կամի պատժել և ընդ վայր հարկանել զմարդիկ:

« Եդից զքեռս յանապատս, և զխաղս ցամաքեցուցից »: Այսինքն զբարութիւնս 'ի միջոյ բարձից, կամ զթշնամեացն զբռնութիւնս: Եւ եթէ զնոսա վատթարեցից, և զձեզ հանից տանել յերկիրն ձեր: « Եւ ածից զկոյրն ընդ ճանապարհ՝ զոր ոչ գիտիցեն »: Տեսանես զմեծագոր զօրութիւնն. զի զնեղիչն հարկանէ և զնոսա հանէ 'ի դիւրութիւն. որպէս եղև իսկ 'ի դարձին: Այլ ևս նմանագոյն առ հեթանոսս կատարի. « Ածից զկոյրն 'ի ճանապարհ՝ զոր ոչ գիտիցեն » . և արդար իսկ ոչ գիտէին զճանապարհն. քանզի կուրացեալք էին: « Այլ արարից, ասէ, զնոցա խաւարն՝ 'ի լոյս, և զկամակորն յուղիղս »: Դարձեալ այլ իմն զարմանալիք, զի խաւարն լոյս լինի, և տրտմութիւնքն հեշտականք: « Զայս պատգամն արարից նոցա, և ոչ թողից, և ոչ ընդ վայր հարից զնոսա, այլ և պարգեւեցից և վերակացու եղէց և ապրեցուցից »: Այլ յետ առնելոյ զայսպիսի պարգևս յԱթուծոյ, դարձեալ ապաստան 'ի նոյն ձեռն լինիցիմք, զի մի անդրէն յառաջին չարիսն կործանիցիմք: « Եւ նոքա, ասէ, դարձան յետս »: Եւ ընդէր 'ի սկզբանէ իսկ ոչ. զի այլոց մուտ լինէր:

« Ամաշեցին ամաշելով՝ որ յուսացեալ իցեն 'ի կուռս »: Հանապազ իսկ, բայց առաւել յետ Քրիստոսի գալստեանն, որ յայտնեաց նոցա զյանդգնութիւնն: « Խուլք՝ լուարուք, և կոյրք՝ տեսէք »: Արդարև խլութիւն և կուրութիւն ոչ մարմնոյ, այլ ոգւոց. զի մարմնոյ խլութիւն ոչ ինչ կարի փնաս առնէ մեզ, այլ է ուրեք զի և զգաստութեան իսկ պատճառք լինի. ըստ այնմ, եթէ Եղէ ես իբրև զմարդ՝ որ ոչ լսէ, և իբրև զհամր՝ որ ոչ բանայ զբերան իւր. իսկ ոգւոց խլութիւնն՝ հանապազ զրկէ 'ի բարեաց:

« Եւ ով իցէ խուլն՝ եթէ ոչ ծառայքն իմ, և կամ կոյրքն՝ եթէ ոչ որ տիրեն նոցա »: Եւ արդարև խուլք և կոյրք Հրեայք. Որ ունի, ասէ, ականջս՝ լսելով լուիցէ. և դարձեալ, եթէ Զերոց երանի է աչացդ՝ որ տեսանեն, և ականջացդ՝ զի լսեն: Եւ յայտ է եթէ նոքա խլացան և ոչ լուան, կուրացան և ոչ տեսին. քանզի յարէ

խակ 'ի նոյն, եթէ « Կուրացան ժառայքն Աստուծոյ » : Զի ոչ եթէ յայնմ ժամանակի միայն կուրացան, այլ անդուստ 'ի նմին կուրացեալք էին. քանզի և ասէ իսկ, եթէ « Տեսէք բազում անգամ, և ոչ զգուշացարուք » : Մի եթէ միանգամայն կամ երկիցս. բազում անգամ տեսէք¹, և ոչ զգուշացարուք :

« Տէր Աստուած խորհեցաւ՝ զի մեծացուցանիցէք զօրհնութիւնն, և արդարանայցէք » : Զայն իսկ միշտ կամի Աստուած, այլ դուք ոչ կամեցարուք, այլ հակառակ նմին՝ յափշտակութիւնս և յազահութիւնս հայելք. « Եւ եղև բանն յափշտակեալ և յաւարմատեալ » . իսկ այլքն զժողովուրդն ասեն՝ փոխանակ բանին². « Յամենայն շտեմարանս որոգայթս կազմեալ » : Եւ քանզի ինքեանք 'ի յափշտակութիւն մտաբերէին, վասն այնորիկ և նոքա եղեն 'ի յափշտակութիւն³ :

« Ո՛վ է 'ի ձէնջ՝ որ ունկնդիր լինիցի այսմ ամենայնի, կամ լսիցէ զառյայայսն : Ո՛վ ետ յափշտակութիւն զՅակովք, կամ զԽորայէլ աւարառուաց. ոչ Աստուած ինքնին՝ որում մեղանն իսկ, և ոչ կամեցան գնալ զճանապարհս նորա, և ոչ լսել օրինաց նորա » : Տեսանէս, զիսրդ փութայ յայտ առնել՝ եթէ ինքն է որ ածէ զպատիժսն, և ոչ յայլ ումեքէ տանջի :

1 Յօր. Բաղմ աւգոմ իւրէ իսկ ելն. այլ օտար գրչու եղծեալ և վերայ եզեալ էր տեւէ :

2 Յօր. Բաղմ յօտար գրչէ :

3 Յօր. Յափշտակի :

ԳԼՈՒԽ ԽԳ.

« Եւ արդ այսպէս ասէ Տէր՝ որ արարն զքեզ, Յակոբ, և ստեղծն զքեզ, Խարայել, Մի երկնչիւր զի փրկեցի զքեզ, և եդի քեզ անուն՝ եթէ իմ ես դու. Եթէ անցանիցես դու ընդ ջուրս՝ ընդ քեզ եմ, և գետք զքեզ ոչ ողողեսցեն. և եթէ անցցես ընդ հուր՝ ոչ այրեսցիս, և բոց զքեզ մի կերիցէ. զի ես եմ Տէր Աստուած քո՝ Սուրբն Խարայել, որ փրկեմն զքեզ »։ Եւ արդ, մի միայն ՚ի չարեաց ինչ կամիցիմք զերծանել, այլ զի զԱստուած միշտ առ մեզ մօտ ունիցիմք. և յորժամ չիցէ որ ՚ի վիշտս, և յԱստուծոյ օգնականութենէն հեռի իցէ, և այն եւս չար է քան զվիշտս։ Ունիմք և օրինակս ինչ յաստուածեղէն գրոց. մանկունք՝ որ ՚ի հնոցին էին, քան զայնոսիկ՝ որ արտաքոյ հնոցին էին՝ ևս ՚ի դիւրութեան էին. քանզի և թագաւորն ևս հանդերձ զօրօքն ՚ի տագնապի էր։ Դարձեալ Հրեայք յորժամ արկին զառաքեալսն ՚ի բանտն, ինքեանք չար խռովէին քոն զնոսա։ Այնպիսի իսկ է առաքինութիւնն, զի և ՚ի վիշտս առանց խռովութեան պահէ զառաքինիս. և այնպիսի իմն են չարիքն, զի և ՚ի խոր խաղաղութեան՝ խռովեն զչարագործն. զոր օրինակ չեն ինչ օգուտ հշտական¹ քաղցրախառն օդք գարնանոյ՝ մարմնոց՝ որ ՚ի տապոյ ջերման գոլանայցէ, նոյնպէս և ոչ յորժամ արտաքոյ վշտաց ինչ իցեմք, և ոգիքն ծանրութեամբ մեղացն ՚ի ներքս տաղտկանայցեն։ « Ես եմ Տէր Աստուած՝ Սուրբն Խարայել »։ Տես, զխարդ զօրութիւնն և զկամեն ցուցանէ. զիմն յայտ առնիցէ ասել. « Ես եմ Սուրբն Խարայել »։ այլ զպարծանսն, եթէ նորա ընտրեալ և նորին ՚ի ժողովուրդս սեպհական։

« Արարի, ասէ, փոխանակ քո զերկիրն Եգիպտոս.

¹ Յօր. Հրեշտակաւ։

ցւոց» . իսկ այլքն՝ փրկանս ընդ քո , ասեն¹ : « Եւ զերկիրն զՍուհէն քեզ փոխանակեցից » : Այսինքն զնոսա հարից ընդ քո փոխանակ չարչարանաց՝ զոր չարչարեցար ՚ի նոցանէն : « Մի երկնիւր , զի ընդ քեզ² եմ » : Ձիք ինչ հանգոյն այնմ միտթարութեան . զսոյն և աշակերտացն խոստացաւ . Ընդ ձեզ եմ , ասէ , զամենայն աւուրս՝ մինչ ՚ի կատարած աշխարհիս :

« Յարևելից ածից զգաւակ քո , և յարևմտից ժողովեցից զքեզ . ասացից հիւսիսոյ՝ թէ ամ , և հարաւոյ՝ թէ մի արգելուր : Ածէք զորդիս իմ՝ ՚ի հեռաստանէ , և զդստերս իմ՝ ՚ի ծագաց երկրէ . զի փառօք իմովք պատրաստեցի զնա և ստեղծի զնա , և արարի զնա » : Այսինքն յիմ փառս լինիցի ժողովն նոցա . ես , ասէ , փառաւորիմ . սրպէս և Առաքեալ ասէ , եթէ Յառաւելութիւն փառաց Տեառն մերոյ Յիսուսի Քրիստոսի . զի եթէ ոչ վասն այլ իրիք , սակայն վասն իմոց փառացն ոչ թողից զձեզ յօտար երկրի : « Եւ հանից զժողովուրդն կոյր . և տակաւին աչք նոցա կուրացեալ կան , և ականջօք իւրեանց չլսեն » . զիշխանացն ասէ կուրացան :

« Ամենայն հեթանոսք ժողովեցան ՚ի միասին , և ժողովեցան իշխանքն ՚ի նոցանէ . ո՞վ պատմեսցէ զայս , կամ որ ՚ի սկզբանէն ինչ էր՝ զայն ո՞վ պատմեսցէ ձեզ » : Եւ ոչ ոք ուրեք . այսինքն , և որ ինչ անցք անցանելոց իցեն ընդ նոսա , որպէս և ընդ ձեզ : Այլ ձեզ և զձերդ ասեմ և ցայլոցն իսկ . նոցա՝ և ոչ զիւրեանցն . և արդ ո՞վ իցէ՝ որ պատմել կարիցէ : « Ածցեն զվկայս իւրեանց » , իբրև յատեան . « Եւ արդարասցին » : Եւ եթէ կարիցեն իրաւունս ցուցանել , և զարդար ինչ խօսել , ես ոչինչ զանդիտեմ և փախչիմ ՚ի քննութենէ . նոքա թէ ունիցին ինչ վկայս՝ յառաջ մատուցեն , կամ մարդիկ՝ որպէս զմարգարէսն և զձեզ՝ որ զպատիժս կրիցէք , կամ գիրս ինչ՝ որպէս ես ասացի յառաջագոյն և կատարեցի : Տե՛ս , զիմարդ ոչ բռնութեամբ , այլ մեղմով տայ զիրաւունս . և արդ յետ յանդիմանելոյ զթշնամիսն , շրջէ զբանսն առ իսրայելացիսն :

1 Յօր . իսկ այլքն իբրեւ ընդ քո , ասէ , յօտար գրէ :

2 Յօր . Պակասի բէշ :

« Այժմ, ասէ, լերուք դուք ինձ վկայք, և ես ձեզ, ասէ Տէր » . եթէ ոչ զոր յառաջագոյնն ասացի՝ և կտտարեցի : Թէպէտ և ես իսկ արժանաւոր և հաւատարիմ վկայ էի, բայց սակայն և դուք լերուք ինձ վկայք : Տէս, ժրջափ ինչ յաճախագոյն տայ զիրաւունս, որչափ յԱւետարանի ասէ, եթէ էս եմ որ վկայեմ վասն իմ, և վկայութիւնն իմ չշմարիտ . և Հայր իմ վկայէ վասն իմ և Յոհաննէս . որպէս և աստ ասէ . « Ծառայ իմ՝ զոր և ընտրեցի » . զի և զմարգարէն կոչէ 'ի վկայութիւն . և զայս, ասէ, վասն ձերոյ փրկութեան ասեմ : « Զի գիտասջիք, հաւատասջիք և 'ի միտ առջիք » : Տէս, զի ամենայն ուրեք քան զիմաստութիւն՝ զհաւատս մեծարոյ ցուցանէ :

« Եւ 'ի միտ առջիք, եթէ ես եմ . զի յառաջ քան զիս ոչ եղև Աստուած, և յետ իմ ոչ ևս լիցի » : Իսկ արդ զՈրդւոյն զի՞նչ ասիցեմք . ոչ եթէ ծնեալ որ չիցէ Աստուած, այլ արարած որ՝ այլ Աստուած չիք : Տեսանեմ, զի ամենայն ուրեք զանսկզբնականն, զանվախճանականն, զարարչականն դնէ . զոր օրինակ զանսկզբնականն՝ աստուածութեանն օրինակ եղ, նոյնպէս և ընդ արարչականին՝ և զնախգիտականն յայտարար . և այսպէս օրինակօք եցոյց մեզ զԱստուած :

« Ես եմ Տէր, և չիք այլ որ բայց յինէն՝ որ փրկէ » : Ոչ, ասէ, դուք աղաչեցէք և ածէք զիս 'ի հաւան փրկկեւ, այլ ես կամեցայ փրկեւ² . և զի մի ինքնադէպ ինչ զիրսդ կարծիցես, ես իսկ, ասէ, յառաջագոյն գուշակեցի, և ապա ածի հասուցի . քանզի « Պատմեցի և կեցուցի . նախատեցի, և ոչ գոյ ձեզ Աստուած օտար » : Այժմն յայտանախատ արարի, եթէ ո՞ր իցեն աստուածքն՝ որոց նուէրս նուիրէիք և զոհս մատուցանէիք . զի մի ասիցեն, եթէ կամաւ իսկ չհանին ինչ 'ի վեր, նախատեցի, ասէ, և ոչ այնպէս ինչ կարացին յայտ առնել : Եւ զիս յորժամ նախատեաց Ասորեստանեայն, անդէն վաղվաղակի ցուցի զգօրութիւն իմ : « Դուք ինձ վկայէք, և ես Տէր Աստուած, զի 'ի սկզբս բանէ ես եմ, և ոչ որ իցէ՝ որ 'ի ձեռաց իմոց հանիցէ » .

¹ Յօր. Ու՛ր յօտար գրչէ :

² Յօր. Այլ ես իմեցայ իրելս յօտար գրչէ :

արարից ես, և ոչ ոք իցէ՝ որ դարձուցանիցէ զայն»։ Տեսանէս զօրութիւն 'ի վեր քան զամենայն զօրութիւն. տեսանէս զիշխանութիւն՝ իշխան ամենայն իշխանութեանց։ «Վասն ձեր առաքեցից 'ի Բաբելոն»։ Այսինքն վասն ձեր զնոսա տանջեցից։ «Ես Տէր սուրբն ձեր, որ յայտ արարի ձեզ զԹագաւորն Խարայել»։ Օրինակաւ՝ զԶօրաբաբէլ նշանակէ, և Ճշմարտութեամբ զՔրիստոս։

«Այսպէս ասէ Տէր Աստուած, որ տայ ճանապարհորդեւ ընդ ծով»։ Զառաջին սբանչելիսն յիշեցուցանէ նոցա, զի այնու զվերջինն առնիցէ հաւատալի։ «Եւ 'ի ջուրս սաստիկս զշաւիղս»։ Այսինքն յահագին ծովու, որ հանապազ ալեօքն կուտակի։ Երկին իսկ են սբանչելիքն. նախ զի 'ի ջուրն իսկ ճանապարհ արար, և ապա յայնպիսի ծովու՝ որ միշտ ալեօքն մրմռեալ սպառնայ։ «Այլ ննջեցին, և այլ ոչ յարիցեն»։ Թէպէտ և այսչափ օրինակք առաջի կային, Եգիպտացւոցն և ծովուն, սակայն Թերահաւատ լինէին 'ի վարձէն։

«Մի յիշէք զառաջինն. զի ահաւասիկ ես առնեմ նոր. արարից զճանապարհն ընդ անապատ, և յանջուր՝ գետս»։ Զի յայնժամ զԾովն պատառեցի, և իբրեւ զպարիսպ կացուցի զջուրն. և արդ-յանջուր՝ գետս բզխեցուցից։ Այլ ճանապարհ յանապատն, և զգետս յանջուրիս, նախ օրինակաւ զփրկութիւն Ժողովրդեանն Բաբելոնի է իմանալ, ապա Ճշմարտութեամբ և զՔրիստոսիւ վարդապետութիւնն¹. ըստ այնմ, եթէ Քեօք յորովայնէ նորա խաղայցեն ջրոյն կենդանութեան։ Տեսանէս յերկոսին կողմանս, մանաւանդ յերեսին իսկ առաքինացեալ՝ զԱստուծոյ զօրութիւնն։

«Ոչ եթէ այժմ ինչ կոչեցի զքեզ, Յակոբ, և ոչ աշխատ ինչ արարի զքեզ, Խարայել»։ Այսինքն 'ի բնէ և 'ի վաղուց հետէ, մինչև² պատարագքն իսկ ուրեք էին։ Զի մի միսսանգամ յորժամ 'ի գերութենէն դառնայցեն՝ յայլոցն առաքինութեանց ան-

1 Յօր. Աբդու-Ռիւս. այլ յօտար գրէէ իւրդադեբուսն։

2 Յօր. Մինչև։

փոյթ առնիցեն, և միայն 'ի զոհից անտի համարի-
ցին զփրկութիւնն. տես, զիարդ ցածուցանէ զնոսա
յայնմանէ. ոչ միայն յորժամ մեղադիր ինչ վնիցին,
այլ և յորժամ փրկել կամիցի, զի մի զնոյն ախտ ախ-
տանայցեն. ի բանան, ասէ, չէ բաւական ինձ յայ-
լումն. և դարձեալ. Միթէ ուտիցեմ զմիս ցլուց, կամ
զարիւն նոխազաց ըմբիցեմ: Տեսանէս, զիարդ և աստ
զի յառաջին իրացն իսկ հաւանեցուցանէ զնոսա. ոչ
անդատին իսկ 'ի բնէ սիրեցի զքեզ, մինչև զոհքն իսկ
ուրեք չէին:

« Եւ ոչ աշխատ ինչ արարի զքեզ խորայել. ոչ ինչ
էին խաշինք ողջակիզաց քոց, և ոչ զոհիւք քովք փա-
ռաւոր արարեր զիս. և ոչ ծառայեցեր ինձ պատարա-
գօք քոյովք »: Քանզի փառսն իմն համարէին զիրան,
յառաջնոյն ուսիր, ասէ, զի առանց զոհից իսկ կօչեցի
զքեզ. և 'ի վերջնոցդ 'ի միտ առ, զի առանց զոհից
փրկեցի զքեզ: « Ոչ ինչ երբեք աշխատ արարի զքեզ
կնդրկաւ », եթէ 'ի հեռաստանէ երթեալ բերիցեն
ինձ խունկս: « Ոչ գնեցեր ինձ խունկս արծաթոյ ».
իսկ այլք խունկեղէգն ասեն: « Եւ ոչ ցանկացայ ճար-
պոյ զոհից քոց. այլ 'ի մեղս քո և յանօրէնութիւն քո
վերակացու եղէց քեզ »: Այսինքն թէպէտ 'ի մեղս
և յանօրէնութիւնս ծախէիր զաւուրս քո, սակայն
զվերակացութիւնսն իմ ոչ առնէի բացեայ 'ի քէն: Եւ
ինձ թուի թէ զայնմ ժամանակէ մինչև յԵգիպտոսին
էին՝ ասիցէ:

« Ես եմ ինքն՝ որ ջնջեմ զանօրէնութիւնս քո, և
զանիրաւութիւնս քո վասն իմ այլ ոչ յիշեցից »: Ոչ
ասաց եթէ պատժոց և եթէ դիւրութիւն առնեմ քեզ,
այլ թէ՛ և զմեղսն ոչ յիշեցից: Եւ դու յորժամ ոչ
կամիցիս ոխս ունել՝ զդոյն ասասջիր. և մի բանիւք
միայն ասասցես, այլ և արդեամբք մի յիշեսցես զյան-
ցանս ուրուք. զի ոչ միայն պիտոյ իցէ թողուլ զյան-
ցանս յանցաւորացն, այլ զի և 'ի մտացդ հետակորոյս
առնիցես զցատումն:

« Բայց դու յիշեա՛, և 'ի միասին դատեսցուք. ասա
դու նախ զմեղս քո »: Տեսանէս, զիարդ ուղղէ ա-
տեան, և ցուցեալ զյաղթութիւնն իրաւամբք. որպէս և
զսկզբանն ասէ, եթէ զայս ինչ և զայս արարէք. Դատ

արարէք որքոյն, և թուք իրաւունս այրոյն, և եկայք յանդիման լիցուք. նախ զայն ասէ որով յաղթեն կարէ, և ապա կոչէ յատեան. նոյնպէս և աստ. « Բայց դու յիշեա՛, ասէ, և դատեսցուք ՚ի միասին »: Եւ ընդ էր ասիցէ, եթէ « Բայց դու յիշեա՛ »: այլ զի ուսանիցի զերախտեացն մեծութիւն: Զի որ սիրիցէն՝ զայն ինչ կամի ցուցանել եթէ յիշիցէ. զի եթէ յիշիցէ արդեւք սիրեցեալն զերախտիսն, և եթէ ոչ յիշեսցէ, գոնէ իմանայցէ եթէ յորպիսի մեղաց փրկեաց: Մի զայն ինչ, ասէ, զմտաւ ածիցես եթէ վասն այնորիկ մտանեմ ընդ քեզ ՚ի դատ՝ զի դատապարտեցից, այլ զի ցուցցէ եթէ ոչ ափ սիրեմք քեզ: Չասեմ ես զմեղսն քո, այլ դու քեզն ասա, զի ծանիցես եթէ զորպիսի վէրս բժշկեցի. այլ վասն այնորիկ ասեմ յիշեա՛ զի արդարասցիս. և այն իսկ բաւական է քեզ առ արդարանալ, յորժամ ես ոչ ասիցեմ, և դու քեզն խօստովան լինիցիս:

« Հարքն ձեր նախ մեղան, և իշխանքն ձեր անօրինեցան յիս »: Միթէ առ այժմ ինչ իցեն, միթէ այժմ ինչ ապստամբեցէք: « Եւ պղծեցին իշխանք զսրբութիւն իմ, և մատնեցի ՚ի կորուստ »: Իսկ այլքն ասեն ՚ի նշովս. և եբրայեցին. Ասերմն Յակովբ¹. այս ինքն՝ ՚ի նշովս Յակոբ, և Խարայել ՚ի նախատինս. իսկ այլքն ՚ի հայհոյութիւն ասեն: Տեսանէս, զի դուք էք բարուրք: Եւ զմեզ իցէ, եթէ « Հարքն ձեր նախ մեղան »: Ես լռեալ կայի, և դուք նախ սկիզբն արարէք:

« Ասա դու նախ զմեղսն քո »: Մի կար մնար ինձ ասելոյ. որպէս և միւսն ասէ, եթէ Արդարն յառաջին իսկ պատասխանողն՝ ոսոխ լինի անձին իւրում: Տես, զի ամենայն ուրեք իբրեւ ՚ի հարկէ իմն կամի մեզ շահս շահել. զի և արդարոյն իմն և մեղաւորի այն պատշաճ է: Զի թաքուցանես զմեղս քո. երբ և է՝ յայտնեալ ես, կամ աստ կամ անդ. ապա թէ այդպէս իցէ, աստ պարտ է յայտնել, զի և ընկերուս ՚ի բաց կարիցես:

¹ Եբրայական բնագիրն գնէ

וְיֵקֶבְיָהּ וְיִשְׂרָאֵל לְגִדּוֹפִים

որ է. Լեւիւբ Իսլ-Ա Լեւիւայել Լեւիւպիւ. այսինքն, Ի նշովս Յակոբ և Խարայել ՚ի նախատինս:

ԶԲ փախչիս 'ի մահուանէ՝ որ վասն Աստուծոյ իցէ. զի որով բանիւ և իցէ՝ հարկ է մեռանել. և եթէ այսպէս իցէ, այն լաւ է՝ զի վասն Աստուծոյ մեռանիցիս: ԶԲ խեղճեալ իցես յընչից վերայ. ապաքէն մեկնելոց իցեն և ակամայ. ապա եթէ այդպէս իցէ՝ լաւ իցէ եթէ կամաւ: ԶԲ՝ ի փառս և յայլ բազում իրս հարեալ իցես. ոչ ապաքէն մեկնելոց իցեն 'ի քէն: Սակայն Աստուած ոչ զայնպիսի ինչ մանունս հաւաստեօք պահանջիցէ: Ընդէր ոչ ճգնիցիս վասն աստուածպաշտութեան. զի որով բանիւ և է՝ հարկ է քեզ վասն չարեացն ճգնել: Եւ մեք ցմիմեանս ասեմք, եթէ զի՞նչ օգուտ իցէ, նա և ոչ ունիմ իսկ շնորհ, թէ վասն իմ ինչ գործեցեր, և զի՞նչ հարկ էր գործել. իսկ Աստուած ոչ այսպէս. զի եթէ բնութեամբ ինչ վիշտք գայցեն, և վասն նորա համբերիցես, սակայն և այնմ շնորհ ունի:

ԳԼՈՒԽ ԽԴ

« Բայց այժմ լուր Յակոբ ծառայ իմ, և Խորայէ՛լ զոր ընտրեցիդ »: Զայս ասելով յայտ առնէ՝ եթէ վերակացու է նոցա, և 'ի նոցանէն են պատճառք և սկիզբն վշտացն իւրեանց: Քանզի ոչ եթէ զբարեկամն զսիրեցեալն զընտրեալն՝ առանց յուղղութիւնս ածելոյ՝ վայրապար մատնէր արդեւք: « Այսպէս ասէ Տէր Աստուած քո, որ արարն քեզ և ստեղծ յարովայնէ մօր քո »: Եւ աստ այլ իմն երախտիս յիշեցուցանէ. քանզի ոչ կամի եթէ բնութեանն ինչ գործ կարծիցի ծնանելն, այլ իւր. ըստ այնմ, եթէ Զգործս ձեռաց քոց մի անտես առներ:

« Մի երկնիւր, Յակոբ ծառայ իմ, և Խորայէ՛լ զոր ընտրեցիդ. զի ես տաց քեզ ջուր 'ի ծարաւ՝ որ գնայցէ քեզ յանջրդոջ »: Աղբիւրս բխեալ յանապատին յիշեցուցանէ, թէ որպէս անդ 'ի ծարաւն ձեզ վտակս բխեցուցի, և այժմ 'ի վշտաց ձեզ դիւրութիւնս արարից: « Եւ ից զոգի իմ 'ի վերայ զաւակի

քո » : Այլքն ասեն , եթէ զեղից . այսինքն զկամն իմ , զցանկութիւն իմ , զօրհնութիւնսն իմ 'ի վերայ զաւակի քո . զի 'ի թողանց 'ի թողունս անցանիցեն բաբութիւնքն :

« Բղխեսցեն իբրեւ զխոտ 'ի ջրարբոջ , և իբրեւ զուռի՝ որ առ ջրով : Մին ասասցէ Աստուծոյ եմ ես » : Մեծ մասն է ումեք՝ ընտանի լինել Աստուծոյ , և 'ի նորա համարի գրիլ՝ : « Եւ միւսն խրախուսեսցէ յանուն Յակովբայ » : Սիմաքոս լուսաւորագոյնս ասէ . Եւ միւսն կոչեսցի անուամբն Յակոբայ : « Եւ միւսն գիր հանցէ ձեռամբ իւրով՝ թէ Աստուծոյ եմ . և յանուն Խարայելի խրախուսեսցէ » : Իսկ Ակիլաս փոխանակ ընդ խրախուսելոյն՝ թէ Նմանեսցի . Սիմաքոս , թէ Պատրաստեսցի . Թէոդոտիոն , եթէ կերպարանեսցի : Զի որ ասիցէ՝ թէ Աստուծոյ եմ , կերպարանեսցի յանուն Յակովբայ , որ թարգմանի խաբող . զի և նա խաբելով խաբեսցէ զթշնամիս իւր : Քանզի բազումք յազգացն իբրեւ տեսին զգօրութիւնն Աստուծոյ 'ի Պարսից աշխարհին՝ որ 'ի Հրեայն կատարէին , յօժարէին և ինքեանք ընդ նոսա ելանել երթալ յերկիրն Իսրայելացոց . զայն իմն առակէին թարգմանքն , թէ Նմանեսցեն և կերպարանեսցին յանուն Յակոբայ :

« Այսպէս ասէ Տէր Աստուած թագաւորն Իսրայելի , որ փրկեացն զնա՝ Աստուած սաբաովթ . Ես եմ առաջին , և ես եմ առ յապա . բայց յինէն՝ այլ ոչ գոյ Աստուած . ո՛վ իցէ իբրեւ զիս . և ոչ զք ըստ իմ . յառաջ կացցէ , կոչեսցէ , պատրաստեսցէ , յայտնեսցէ , պատմեսցէ , յորմէ հետէ ես արարի զմարդն » : Եւ արդ տես , ոչինչ մեծ խնդրեաց . այլ թէ յորմէ հետէ ըզմարդն արարի , զայն և եթ ասասցէ : Զասեմինչ , ասէ , զառաջին ժամանակացն , և ոչ զվերին զօրութեանցն :

« Արդ դուք ձեզէն իսկ վկայէիք ինձ , եթէ իցէ՞ այլ Աստուած բաց յինէն : Եւ յայնժամ իսկ ոչ լուան՝ որ ստեղծանէին զնոստիս և դրոշմէին զանօգուտս , թէ ամենեքեան սոքա մոռտիք են՝ որք առնեն ըստ մտացն իւրեանց , որք ոչինչ օգնեսցեն նոցա » : Տեսանէս , զի 'ի մարդկանէ է սկիզբն նոցա : « Եւ ամենե-

քեան ուստի եղեն՝ ցամաքեցին »։ Դարձեալ զյա-
ճախութիւն անգգայութեան կռօցն յայտ առնէ.
զբազում դրողմեալն արկեալ յերգ հեգնէ. և յամէ
'ի բանի անդ, եթէ զիարդ, արպէս դրօշեալքն եղեն՝:

« Զի այր հիւան թեքեաց զգործի իւր. ուրազ
սրեաց, և կոփեաց նովաւ »։ Եւ զայն ևս, որ զկնի տը
ցին են՝ թուէ առ յամօթ գործեւեացն: « Եւ ոչ հա-
մարեցան 'ի սիրտս իւրեանց, և ոչ յիշեցին, եթէ զկէս
փայտին այրեցին հրով, և 'ի նմանէ հաց տարին, և
'ի վերայ կայծականց նորա միս խորովեցին, և զմեա-
ցեալս 'ի նմանէ արարին պատկեր »։ Եւ արդ մի ընդ
պատկերն հայիր և ընդ գեղն, այլ զայն 'ի միտ առ, եթէ
զմիշտ եղև 'ի կիսոյն՝ զոր այրեցին, որ 'ի Զեռնու և 'ի
պէտս տուեալ էր. զի այրեցաւ և եղև մոխիր: Եւ
զբանս ևս Զեռնեացն ասէ հեգնելով, եթէ « վաշ
ինձ, զի Զեռայ և տեսի զգոր »:

« Եւ զկէսն արար աստուած, դրօշեաց, և երկիր
պառանէ և ասէ. Աստուած իմ ես դու: Ոչ իմացան
'ի միտ առնուլ, քանզի շլացան առ 'ի տեսանել անք:
Գիտասջիք զի մոխիր է սիրտն նոցա. տեսէք և ոչ ա-
սացէք, եթէ ստուծիւն է 'ի ձեռին իմում »։ Ահիւ-
ղաս ասէ. Եւ ոչ ասիցէ, միթէ ստուծիւն ինչ իցէ 'ի
ձեռին իմում: Տեսանէս, որպիսի ինչ միտք են ամբառ
տանութեանցն:

« Յուշ լիցի քեզ այս, Յակովբ և Խարայէլ, զի ծա-
ռայ իմ ես դու. բայց դու մի մոռանայցես զիս »։ Ոչ
այլ ինչ ասէ առաւել, բայց զայս միայն՝ զոր ինչ մարդ
խնդրէ: « Ահաւադիկ ջնջեցի իբրև զամբ զանօրէ-
նութիւնքո, և իբրև զմէք զմեղոնքո »։ Զդիւրու-
թիւն յայտ առնէ: « Անցուցի 'ի քէն, ասէ, զմեղոն
քո. դարձ առ իս, և փրկեցից զքեզ »։ Տեսանէս, զի
ոչ միայն յերախտիմն Աստուծոյ պարտ է վստահ լի-
նել, այլ դառնալ և ողորել: « Դարձ առ իս », ասէ.
քանզի չեն պատճառք ասել եթէ չունիմ համարձա-
կութիւն, զի ամօթալից եմ: « Զնջեցի 'ի քէն զանօ-
րէնութիւնն »։ Պատճառեք իսկ է ցանկ և պա-
րկոյ և արգել և խափան և ամօթ: « Գիտասջիք զի

մոխիր է սիրտ նոցա », և երկրպագուացն և որոց երկիրն պագանեկն : « Եւ չիք ստուծիւն 'ի ձեռն իմում » : Այսինքն՝ զի յոյժ է զօրութիւնն և հանդէս իրացն՝ զոր 'ի գլուխ հանիցեն . զի օգնական և պաշտպան և զօրութիւն լինիմ :

« Ուրախ լերուք երկինք , և ցնծասցէ երկիր . փող հարէք հիմունք երկրի , գոչեցէք լերինք զուրախութիւն , բլուրք և ամենայն անտառք . զի ողորմեցաւ Աստուած Իսրայելի » : Զոր օրինակ յորժամ ասիցէ , եթէ ինքն արարածք՝ յուսով յայտնութեանց Որդւոյն Աստուծոյ ակն ունին , կամ թէ Հեծեն և երկնեն , նոյնպէս և աստ՝ առ 'ի նշանակ հաշտութեանն Աստուծոյ ընդ նոսա՝ բազում հաղորդս կոչէ ուրախութեանն :

« Ես եմ Տէր , որ կատարեմ զամենայն . ձգեցի զերկինս միայն , և հաստատեցի զերկիր » : Ստիպեն , ասէ , զայս , զի զօրաւորսն յայտ առնիցէ : « Եւ արդ ո՞վ իցէ որ խափանիցէ » : Ակիղաս ասէ . Ո՞վ դք իցէ ընդ իս որ խոտիցէ . և ոչ ասեմ , եթէ ո՞ պատժեսցէ , կամ ո՞ զօրավիգն կարիցէ լինել . թէպէտ և այս դիւրագոյն է , սակայն 'ի նմանէ ցուցանեմ զհանդէս զօրութեան իմոյ :

« Այսպէս ասէ Տէր՝ որ փրկեացն զքեզ և ստեղծ զքեզ յորովայնէ . ես եմ Տէր , որ կատարեմ զամենայն . ձգեցի զերկինս միայն » : Ամենայն ուրեք նախ զարարչութիւնն դնէ . զի յայտ արասցէ զօրութիւն և զխրնամածութիւնն , և զի մանաւանդ ընդ նմա չէ օրէն մարտնչել . քանզի ոչ առնէր՝ եթէ ոչ փրկել կարէր . զի որ 'ի սկզբանէն առանց ուրուք ստիպելոյ , և առանց երախտեաց ինչ արար , որչափ ևս յետ առնելոյն կեցուցանիցէ : Բան զչառնելն՝ բնաւ չէր ինչ տրտունջ . իսկ զարարեալն 'ի տանջանս մատնել՝ բազմաց տգեղ թուի . վասն որոյ և ասէրն իսկ մեծն 'ի մարգարէս . Ասիցեն , գողցեն , եթէ վասն այնորիկ հաներ զնոսա յերկրէն Նգիպտացւոց , զի յանապատին կոտորեսցես , և յերկրէ ջնջիցես :

« Ես եմ Տէր , որ կատարեմ զամենայն » . և զձեր և թշնամեացն : Մի կարծիցէք եթէ այլ Աստուած գուցէ . « Զգեցի զերկինս միայն , և հաստատեցի զեր-

կիր» : Դարձեալ՝ի համաշխարհականաց բարբառի, 'ի բուն 'ի գլխաւոր արարածոցն : Եւ միտ գիր, զիւրդ յերևելեացն, և ոչ յաներևութիցն կամի հաւատացուցանել : « Հաստատեցի, ասէ, զերկիր, և զվ կարիցէ եղծանել » : Եւ այս մեծի զօրութեանն հանդէս է. զի այնպիսի ինչ կարէ առնել՝ որ ամենեցուն անհնարին է առ եղծանել. և ոչ միայն եղծանել, այլ և ոչ մտաբերել իսկ. զի ոչ միայն չկարիցէ դժ եղծանել, այլ զի և ոչ մտաբերել ինչ ձեռնհաս իցէ :

« Յրուեցից զնշանս վոհկաց » : Սիմաքոս զստոցն ասէ : Եւ այն են զարմանք զի առնէ, և այնպիսի ինչ առնէ՝ զոր ոչ դժ եղծանել կարէ : Այլ գրեալիւ թէ ոչ զերկինս արարի, և ոչ զերկիր հաստատեցի, այլ որ ինչ մեծն թուէր նոցա՝ զայն ամենայն եղծի, և խափանեցի զօրութիւն բռնաւորին. զի ոչ միայն զպատմեալս վոհկացն ցրուեցի, այլ և 'ի սրտից անտի զըզձութիւնն ցրուեցի. այս է զօրութիւն մեծ և հարբստութիւն անմարտական :

« Դարձուցից զիմաստունս յետս, և զխորհուրդս նոցա յիմարեցուցից » : Զի յայտ արասցէ, եթէ իմաստութեանն և խորհրդոցն նա է տէր : « Եւ հաստատեցի զպատգամս ծառայի իմոյ » : Այն իսկ է հարբստութեան նշանակ, զի զայլոցն եղծանէ, և զիւրոյ ծառային կատարէ : Զի եթէ եղծանէր միայն, ասէին արդեւք, եթէ զայն եթէ կարէ առնել. իսկ եթէ զայլոցն եղծանէ, և զիւրոցն հաստատէ, յայտ է եթէ կատարեալ է զօրութիւնն և չէ իւրեք կարօտական : « Եւ զխորհուրդս հրեշտակաց իւրոց արդարացուցէ » : Անդ ըղձութիւնք, և այնպէս վաղ եղծանէ. և աստ ոչ միայն մարգարէութիւնքն, այլ և կատարումն կանխասացից : Թուի ինձ եթէ աստ հրեշտակ՝ զմարդիկ կոչիցէ :

« Որ ասեմ ցերուսաղէմ՝¹ թէ շինեսջիր, և ցքաղաքսն՝² Հրէաստանի. որ ասեմ անդնդոց թէ աւերեսջիւք » : Սիմաքոս ասէ, թէ Որ ասեմ երկրի թէ

¹ Յօր. Այլ և խաբարսն... Որ ասեմ ցերուսաղէմ, 'ի լուսանցսն յօտար գրչէ եգեալ :

² Յօր. Յաղաքսն :

իրըն զանդունդան աւերեալիք, և զքետս նորա ցամաքեցուցից: Զի եթէ զնոցանէն իսկ ասիցէ, և այնպէս կարող է Աստուծոյ զօրութիւնն. և եթէ զբազմութենէն պատերազմացն, սակայն և այն 'ի դէպ է:

« Որ ասեմ կիրոսի իմաստնանալ »: Ակիղաս ասէ, եթէ Որ ասեմ կիրոսի՝ աւարառուդ իմ: Սիմաբոս և Թէոդոտովն, եթէ Հովիւդ իմ, ըստ իւրաքանչիւր՝ թարգմանութեան: « Եւ զամենայն կամ իմ արասցէ »: Եւ այս զմեծութիւն զօրութեանն Աստուծոյ յայտ առնէ. զի այլ ո՞ մտօք, որ 'ի նա երբեք ոչ էին յուսացեալ և ոչ երբեք ճանաչէին, զոր ինչ կամէր՝ կատարէր: Քանզի Աստուած շարժէր զմիտս նորա, զի դարձ առնիցէ գերոյն՝ Աստուծոյ հրամանաւ. որպէս ամենայն մարգարէքն մարգարէանային, և զիջանել ժողովրդեանն և զելանել, և մեծաւ սքանչելեօք իմն գործք գործէին: Զի արձակել զքերին՝ մարդասիրութեանն միայն նշանակ էր, իսկ Աստուած՝ զոր ոչ գիտէր՝ պատուել, և մեծամեծ պատարագօք մեծարել, այն ոչ ըստ մարդասիրութեան ինչ էր, այլ մեծազօր իմն զօրութեան, որ զնորա զմիտսն շարժէր: Որպէս ած զԲաբելոնացիսն և ետ զնոսա 'ի ձեռս, նոյնպէս և զայն առնէր: Մի եթէ զանձնիշխանութիւնն ինչ բարձ 'ի նմանէ, և շրջեաց ինչ զմիտս առն: Ոչ եթէ զանձնիշխանութիւն եբարձ, այլ յայն յորդորեաց զանձնիշխանութիւն: Է ուրեք՝ զի փութացուցանէ Աստուած զմարդիկ, այլ 'ի բարիս ինչ, և ոչ 'ի չարիս. և է ուրեք՝ զի նոցա չարութեամբն՝ բարի պէտս վճարի, և 'ի չարեացն՝ որ 'ի նոցանէն գործ ին՝ բարի ինչ կատարէ, որպէս Բաբելոնացեօքն և Յուդայիւք և այլովքն բազմօք:

¹ Յօր. Ըօփ խորան, այլ եղծեալ և յօտար գրէն 'ի վերայ եղեալ, Ըօփ խորանէս:

ԳԼՈՒԽ ԽԵ

«Այսպէս ասէ Տէր Աստուած ցօծեալ իմ ցեղերս, զորոյ կալայ զաջոյ ձեռանէ նորա»: Յայտ է եթէ ինքն օծ զնա, վասն որոյ և օծեալ իսկ իւր կոչէ. և յօծութենէն ցօծութիւնն յայտ առնիցէ: Ակիղաս ասէ. Զիւղեալն իւր. իսկ այլքն՝ Յօծեալ իւր ասեն: Եւ զայլ թագաւորսն ոչ եթէ ինքն օծ. ոչ եթէ օրինեալ ինչ յայտ առնիցէ այժմ, այլ զի առ քաղաքին շինութիւնն այնպէս կամեցաւ զիրսն վճարել. վասն այնորիկ օծեալ իւր կոչէ զնա: Եւ այլազգ ևս. քանզի հեզագոյն քան զայլ թագաւորսն էր Լիւրոս: Նա և զԲաբելոնացոց թագաւորէն յայտ առնէ՝ եթէ նովաւ ունէր զիշխանութիւն, քանզի և զնա ծառայ իւր կոչէ. Ծառայ իմ, ասէ, Նաբուքոդոնոսոր: Եւ վասն Ասորեստանեայցն՝ եթէ նա արար զնոսա այնպիսիս. վայ, ասէ, Ասորեստանեայցն. գաւազան բարկութեան սրտմտութեան իմոյ՝ ի ձեռին նոցա. և դարձեալ, եթէ իմում ժողովրդեանն կարգեցից: Տեսանէս, զիւրդ ընտանեցուցանէ զթագաւորս հեթանոսաց: Եւ զԱնտիոքէ յայտ առնէ՝ եթէ Աստուած յարոյց. Յաբուցից, ասէ, հովիւ տգէտ, և գործի հովուութեան: Եւ յայտ առնէ եթէ ամենայն ուստեք նորա հրաման է, թէպէտ և ամբարշտիցեն թագաւորք: Եւ եթէ վասն էր զայս այսպէս առնիցէ, նմա միայն յայտ է, և ի մէնջ ծածուկ տեսչութիւն նորա:

«Հնազանդեսցին առաջի նորա հեթանոսք. բացից առաջի նորա դրունս, և քաղաքք մի ամրասցին. ըզդրունս պղնձիս խորտակեցից, և տաց քեզ զգանձս աներեւոյթս. զի ծանիցես եթէ ես եմ Տէր Աստուած, որ կոչեմ զանուն քո, Աստուածն Իսրայելի, վասն Յակոբայ ծառայի իմոյ»: Տեսանէս, որչափ պարգևս պարգևէ ժողովրդեանն: Յորժամ հայիցիս՝ ի չար անցս որ ընդ Փարաւոն անցին, մի ապիրատութիւն ինչ կարծիցես առ ի յԱստուծոյ. զի անտի նոյնպէս դիւ-

րաւ կամի հաճել, այլ ոչ կամեցաւ եգիպտացիին: Եւ զի ոչ կամէր հարկանել զնա՝ յառաջին իրացն յայտ է: Առաքեաց առ արքայն Եգիպտացւոց, ասէ. Արձակեա զԺողովուրդդ իմ, զի ինձ պաշտօն մատուցեն յանապատին: Թէպէտ և չէր ինչ ծանր հրամանն, ոչ ապաքէն սիրով արժան էր քեզ ելանել ընդ առաջ հրամանին: Միժէ ասիցէ թէ այդէն ՚ի քում աշխարհիդ առնիցեն ինձ պաշտօն, զի ասիցես՝ թէ չէր հնար, զի մեր՝ մերոյն իսկ քուրմք են, և չէ մարթ թէ օտարոտի որ օրէնս յաշխարհ մոռծանիցէ: Միժէ անդէն ՚ի սկըզբանն ասիցէ, եթէ հեռի ուրեք ՚ի բաց վայրս երթիցեն. ոչ զերիս միայն աւուրս խնդրեցի պարապորդս լինել. զի եթէ բնաւին իսկ արձակել խնդրէի, չէր ինչ զուր, որք այնչափ ժամանակս ծառայեցին քեզ ձրի. այլ ոչ այնպիսի. պահանջի զերիս աւուրս միայն, և ոչ առնոյր յանձն: Զէր պարտ պատկառել քեզ ՚ի զօրութենէ իմմէ, կամ ականածել յերկայնմտութենէն: Այլ ոչ այնպիսի ինչ յամառեաց պարսիկն. իբրեւ լուաւ՝ վաղվաղակի արձակեաց, արագ արագ առնէր դարձ գերոյն: Եւ ուստի արդեւք լուաւ, կամ ուստի իմացաւ: Թէպէտ և կային իսկ օրինակք զօրութեանն Աստուծոյ յերկիրն Պարսից, այլ ասեմ՝ թէ յԱստուծոյ յորդորելոյ: Եւ ոչ եթէ Փարաւոնն ոչ յորդորեցաւ, այլ և լուաւ զպատգամն Աստուծոյ, և խտաւցաւ. ապա թէ ոչ, ընդէր առաքէր զՄովսէս յառաջագոյն. ոչ ապաքէն զի յօժարեցուցէ արձակել զԺողովուրդն. այլ ոչ կամեցաւ, որպէս պարսիկս՝ իբրեւ լուաւ՝ վաղվաղակի անսաց:

« Վասն Յակոբայ կոչեցի զքեզ յանուն իմ »: Այս ինքն յանուն Քրիստոսի իմոյ: Դարձեալ խառն ընդ աւետիս՝ պատուհաս առ իսրայելացիսն: « Եւ դու, ասէ, զիս ոչ ծանեար, եթէ ես եմ Տէր Աստուած, և ոչ որ գոյ բայց յինէն »: Զի ես կատարեցի առ քեզ զայն, եթէ թշնամի եղէց թշնամեաց քոց, և բարեկամ բարեկամաց քոց ¹. զի որ ոչ կամէին զդարձն քո, առ նոսա՝ զթշնամեաց գործ ցուցի. և որ յօժարեացն և յորդորեցաւ կիւրոս, առ նա՝ զբարեկամութեան:

1 Յօր. Եւ Բաբելոն Բաբելոնաց քոց, յօտար գրչէ:

« Ես եմ Աստուած, և չիք այլ որ բայց յինէն » :
 Զի մի կարծիցեն հակառակորդքն, եթէ մի որք'ի բազմաց իցէ, և ոչ միայն և ամենակալ : Վասն այնորիկ յարէ 'ի նոյն, եթէ « Ծանիցեն յարեւելից և յարեւմտից եթէ չիք որ այլ՝ բայց յինէն » : Տեսանենս, զի և այլոցն ևս խնամածու լինի, և մեծամեծ երախտիս ցուցանէ 'ի նոսա. զի թէ և նոքա յաշխարհն իւրեանց դառնայցեն, այլ և սոքա զերծանիցին 'ի մոլորութեանէն, առաջնորդեալք ճշմարտութեամբն՝ հասանիցեն 'ի վերին աշխարհն :

« Ես միայն եմ Աստուած, և այլ որ չիք՝ բայց յինէն » : Գիտե՛լ գիտէին եթէ և նա Աստուած է, բայց թէ միայն Աստուած իցէ, այնմ ինչ չէին տեղեակ՝ զոր Հրեայքն ուսանէին, եթէ Տէր Աստուած քո՝ Տէր մի է, զնոյն ծանեան՝ եթէ ոչ միայն Հրէից մի է, այլ ամենայն աշխարհաց մի Աստուած. « Ես եմ տէր Աստուած, և չիք այլ որ » :

« Ես եմ Տէր, որ հաստատեցի զլոյս և արարի զխաւար. որ առնեմ զխաղաղութիւն, և հաստատեմ զչար » : Տեսանենս, զի ոչ տայ մուտ այլում արարչի. այլ և որ չարն ինչ թուէին, և այնց ինքն կամի համարել արարիչ. որպէս և այլուր ասէ, թէ Ո՛վ արար զխուլն և զհամբոյն : Այլ հաստատել զչար, զպատերազմացն ասէ, և ոչ եթէ բնութեամբ չար ինչ արար Աստուած, կամ առնիցէ. այլ զհատուցմունս ինչ և զվրէժս՝ չար կոչէ. և զի չիք չար բնութեամբ, յորժամ վիշտքն ինչ 'ի դիւրութիւն դառնայցեն, այնու յայտ է :

« Ուրախ լիցին երկինք 'ի վերուստ, և ամբ ցողեացն զարդարութիւն » : Դարձեալ աւետիք են 'ի դարձին, իբրու թէ արարածք 'ի նոցա բարիսն ուրախ լինիցին. զոր և 'ի նորա վարդապետութիւն մարթի տունուլ թէ կամիցի որք : Վայ ոչ այն միայն որ ամբաստան լինի զարարչէն իւրմէ, այլ և որ պատասխանի տայցէ, որ իրաւունս իշխիցէ պահանջել զլինելոց ինչ իրաց : « Ես զքեզ ստեղծի », և դու յինէն օճա՛ն խնդրես. զի թէ չէր կամեցեալ, և ոչ լինէիր իսկ. և յայտ է եթէ այն ելն՝ Աստուծոյ բարերարութեանն է ¹ :

« Միժէ ասիցէ՛ կաւն ցբրուտն. զի՛ կաս, զի՛ չը-
գործեալ. և գործն՝ թէ չիք քո ձեռք »: Զայս առ-
այնոսիկ ասէ՝ որք զերկայնմտութիւնն Աստուծոյ
բամբասիցեն, եթէ այս ինչ պարտ էր Աստուծոյ, և
այս ինչ չէր պարտ: Զիք ինչ քան զայն բարբառ ամ
պարշտագոյն՝ օրէնս դնել դատաւորին, և զատենա-
գործն բնութեանց՝ մարդկեղէն մտօք բամբասել:
Թէպէտ և չիցէ ինչ նման օրինակս. զի բրուտն ոչ եթէ
նիւթոյ կաւոյն արարիչ իցէ, այլ միայն ստեղծու-
ծոյ, և այնպէս՝ որչափ ձեռնհաս ինչ իցէ. իսկ Աս-
տուած ոչ միայն պատկերիդ քոյոյ, այլ և նիւթոյն ևս՝
ուստի եղերն՝ արարիչ է: Կաւն ոչ եթէ զլինեն, այլ
զկերպարանս միայն առնու ՚ի բրտէն. և ոչ հեռի ինչ,
և ոչ ընդդէմ դառնայ. իսկ դու որ ամենեւին իսկ Աս-
տուծով եղեր, նստեալ համարս պահանջես ՚ի նմանէ:
Կաւն չդառնայ ընդդէմ, քանզի ոչ բարբառ իսկ ու-
նի ՚ի բերան. իսկ դու յայն սակս դիմադարձ լինիցիս,
զի զբարբառդ առեր. պարգեաւդ՝ ընդ պարգեա-
տութիւն կռուիս. ընդէր ոչ ասիցես զպատճառսն, վասն
որոյ ոչ պարտիս ընդդէմ դառնալ: Արար զքեզ խօսուն
իմաստուն, ոչ զի առաւելութեամբն ընդդիմակաց
Տեառն լինիցիս, այլ զի զնա փառաւորիցես, և զնոյն
օրհնեսցես. ոչ զի քննիցես և ՚ի հարց և ՚ի փորձ ար-
կանիցես: Սուեր լեզու ՚ի փառաւորութիւն, առեր
զմիտս ՚ի գոհութիւնս, ՚ի հաւատօ. և Սիրաք ասէ.
Նստու քեզ լեզու կամակար. և զպատճառսն ասէ. Զի
օրհնեսցես զնա, և պատմեսցես զփառսն նորա: Զունի
բարբառ կաւն. զի եթէ ճանաչէիր զարարիչն, գի-
տէիր թերեւս՝ քան զկաւն ևս անարգագոյն ես և ան-
ձայնական:

Քանզի մերձ էր ՚ի փրկել զնոսա, և գիտէր եթէ
բամբասելոց են զնա վասն անցելոց ինչ ժամանակացն՝
յորո զվիշտս կրեցին. ըստ այնմ, եթէ Սակաւիկ միւս
ևս սասանեալ էին ոտք իմ. և դարձեալ. Ասացի եթէ
զիարդ ծանեաւ Աստուած, կամ իցէ գիտութիւն առ
՚ի Բարձրելոյ, զի ահա աւասիկ սղբա մեղաւորք են,
և յաջողեալք են. և դարձեալ, եթէ Զիարդ իցէ զի
այս իւթանասուն ամ՝ զի անտես արարեր զմեզ. և
բազումք այսպիսի ինչ բանիւք բամբասելոց էին, ըմ-

բերանէ զայնպիսիսն, և ասէ. « Մի եթէ ասիցէ՞ կաւն ցբրուտն »: Եւ տես, յորպիսի դէպ ժամանակի. յոր ժամարձակուրդն առնելոցն էր, զի մի կարծիցէ եթէ չկարիցէ վճիռ իրացն առնել. և յայն սակա զայնպիսի բանս 'ի մէջ բերիցէ: Զի եթէ անդէն 'ի վիշտան թռ ղեալ էր, և այնպիսի բանս խօսէր, և այնպիսի իմն կարծէր, եթէ վասն զի 'ի վշտացն չկարաց փրկել, այնպիսի բանիւք պատրէ. իսկ նա աւանիկ 'ի ժամանակի փրկութեան ըմբերանէ, զի ուսանիցին եթէ 'ի ձեռացն թողուլ, անքնին և անձառ իմաստութեանն գործ էր, և չէ պարտ բամբասել և մեղադիր լինել, և կամ 'ի խոյզ և 'ի քնին ինչ արկանել: Իսկ առ թշնամիսն զհերկն հարկանելով, ասելովն. Մի եթէ զօրն ամենայն վարիցէ՞ հերկահարն. իսկ առ նոսա՝ որք ան յոյսն լեալ էին 'ի փրկութեանն, զկաւոյն և զբարի: Ո՞չ գիտիցէք, ասէ, եթէ վասն խրատու և ուղղութեան արարի զայս ամենայն. ո՞չ յառաջագոյն իսկ գուշակէի, և չսէիք. և եթէ չլուարուք, և անձամբ անձանց ածէք զպատիժս, անձանց լերուք մեղադիր, և մի ինձ:

Եւ ոչ այնչափ միայն որոշումն իցէ ընդ քեզ և ընդ Աստուած, որպէս ընդ կաւն և ընդ բրուտն. զի բրուտն՝ կաւոյն չէ արարիչ, այլ միայն կերպարանաց. և նոքա կարի մօտ են առ միմեանս. զի կաւն արարած է և բրուտն. իսկ քո արարիչն անարար է, և դու արարած: Եւ քանզի բազում ինչ որոշումն էր ընդ քեզ և ընդ Աստուած, վասն այնորիկ ասէ. « Միթէ ասիցէ՞ կաւն ցբրուտն, զի՞ կաս, զի՞ չգործես. և գործն՝ եթէ չիք քո ձեռք: Միթէ պատասխանի՞ տայցէ ստեղծուածն ստեղծչին իւրում »: ոչ մինչդեռ կաւն կայցէ, և ոչ յորժամ ստեղծանիցի, եթէ այն լաւ էր՝ մինչդեռ կաւն կայի, ընդէ՞ր ստեղծէք զիս. և կամ թէ ստեղծանել լաւ էր, ընդէ՞ր թողեր զիս կաւ: Զոր բազում աղաջուրք 'ի փիլիսոփայիցն ասեն, որ ծաղըն եղեն և ծամակ կան. որ զանչափ զԱստուծոյ իմաստութիւնն՝ կամին ընդ իւրեանց քննութեամբ արկանել. որ ուրալիքն՝ և ատելիքն լինին յիւրեանց շաղփաղփական

1 Այսպէս յօրինակին:

ցոփութենէն, զոր միշտ վայրապար նորոգեն. զի թէ բարիոք ինչ էր, ասեն, հաստատել, ընդէր ոչ՝ի սկըզբանէն. իսկ եթէ չէր բարիոք, ընդէր և յետ այնորիկ: Եւ առայն զի՞նչ ասիցեմք, եթէ ոչ զայն. « Միթէ ասիցէ՞ կանցրուտն, կամ ստեղծուածն ընդ ստեղծիչն ¹ »: Զբանն նա միայն գիտէ. և եթէ երբ պարտ իցէ առնել ինքն ճարտար է: Եւ եթէ բարիոք իցէ, ասեն, գործելն, ընդէր ոչ ² միշտ գործիցէ: Իսկ արդու Աստուծոյ օրէնս ինչ դնիցես. ո՞վ հպարտութեան և թշուառութեան՝ որդան հողոյ և մոխրոյ, որ յայնպիսի բնութենէ՝ յանձառ և յանքնին, համարս պահանջիցէ, և ոչ ական ածիցէ. և յայնմանէ ևս զի իբրև զմանկտի ընդվայրասուն և շատիսոսս՝ որ ոչ ունիցին զխրատ, զայր ոք իմաստուն աշխատ առնիցեն. և չէ ինչ մեծ որ ասացաւս. և մանաւանդ զի և ոչ սակաւ ինչ իսկ մարտ:

« Այ այնմիկ՝ որ ասիցէ ցհայր իւր եթէ ընդէր ծնար զիս, և կամ ցմայր իւր եթէ ընդէր երկնեցեր զիս »: Եւ այս իբրև զառաջինն՝ օրինակ իմն է: Միթէ ասիցէ՞ որ ցհայր իւր եթէ ընդէր ծնար զիս, և կամ ցմայր իւր եթէ ընդէր երկնիցես: Եւ եթէ այն անմոռութեան իցէ, որչափ ևս այն առաւել անհանձար մտաց: Բնութեան չլինիս մեղադիր, և ինձ զիարդ իշխիցես՝ որ տէրն եմ բնութեան՝ մեղադիր լինել. ընդէր, ասես, արար Աստուած զմարդիկ: Զի որ ըստ բնութեան ծնունդն է, անդ բազում վիշտք են և հօրն և մօրն, զայն ոչ ինչ քննես, և զիս՝ի խոյզ և ՚ի քնին արկանես: Եւ ընդէր արդեւք ճառեաց զերկանց և զծննդոց. այլ զի զերկոցունց կողմանց ծնողացն կարգ՝ յիւր անձն առնուցու. զի իբրև զպատճառս և իբրև զգթած ծանիցի: Քանզի և այլուր իսկ ասէ, թէ Որպէս գթայ հայր յորդի, գթայ Տէր յերկեղածս իւր. և դարձեալ, եթէ Ո՞վ իցէ ՚ի ձէնջ՝ որոյ խնդրիցէ որդի իւր հաց, միթէ քա՞ր տայցէ նմա. և ևս յառաջ ՚ի սոյն գիրս. Զի թէպէտ և մոռանայցէ կին՝ ողորմել ծննդոց իւրոց, սակայն ես ոչ մոռացայց

¹ Թոր. Ստեղծիչն Գործարարն. յօտար գրչէ ուղղեալ՝ « Գործարարն »
² Թոր. Զիք ոչ:

զքեզ: Զի բարս ոգոց ունին ծնողք խնամածականս, որոց չիցէ ինչ համեմատ գտանել: սակայն և քան զայն 'ի վեր են Աստուծոյ խնամքն: Զսոյն և աստ յայտ առնէ, թէ որպէս մայր՝ որ ծնանիցի, այնպէս պահէ զծնունդսն, և իբրեւ զհայր՝ խնամ տանի և դարմանէ, և ամենեցուն պատճառք ինքն է:

« Այսպէս ասէ Տէր Աստուած Իսրայելի, որ արար զառյապայսն »: Ակիղատ ասէ. Որ եղծանեն զնա: Սիմաբոս ասէ. Փրկիչն նորա: « Հարցէք զիս վասն որդւոցն իմոց, և վասն դատերացն իմոց, և վասն գործոց ձեռացն իմոց պատուէր տուք ինձ »: Այդ ինչ 'ի դէպ իցէ, ասէ, զի հայր վասն որդւոց պահանջիցի, կամ արարիչ վասն արարածոց: Եւ ոչ ուրեք դուք ինչ քան զիս քաջ խնամած իցէք և հոգայցէք. և որ ինչ ըստ հարկի բնութեանն է՝ զայն չհարցանէք ինչ, և որ ըստ իմոց բարերարութեանց է՝ զայն 'ի հարց և 'ի փորձ արկանէք: Եւ թէպէտ և ոչ ինչ կարի շնորհք հօրն իցեն 'ի ծնանելն, քանզի բնութեանն է գործն, այլ իմ է շնորհքն, քանզի յիմմէ բարերարութենէ աստի է ծնունդն: Զի թէ հօրն ինչ շնորհ իցէ, փրջափ ևս առաւել իմ: զի հարքն՝ սպասաւոր միայն եղեն, և ես պատճառք իսկ եմ ամենեցուն:

« Այսպէս ասէ Տէր՝ որ արար զառյապայսն »: Բաւրդբաս ասէ զառյապայսն, այսինքն զհանդերձեալն: Մի՛ ևեթ յանցեալն հայիցիք: Այն իսկ էր շատ ըմբերանել զձեզ, զի 'ի չգոյէն 'ի գոյ եկիք. և իմաստութեամբ գոյացայք: Մի՛թէ չսիրիցեմ, ասէ. այլ չէ բաւական սիրելն միայն: Մի՛թէ չգիտիցեմ դարման տանել. վասն այնորիկ առ 'ի բարիոցն գիտելոյ զդարմանելն, զայն առնու յառակս. և առ սիրելն՝ զհայր և զմայրն: Զիք որ ասիցէ եթէ չկարիցեմ դարմանել, և ոչ այն որ ասիցէ, եթէ գիտել գիտիցեմ, բայց կամիցիմ ոչ՝ սիրել: այլ սիրեմ և խնամ տանիմ: Եւ ինձ այսպէս թուի, եթէ զայս ինչ ասիցէ, թէ որպէս մանուկն ոչ ինչ կարիցէ ասել զմայրն, թէպէտ և վշտօք դայցէ արտաքս յորովայնէ, այնպէս և ոչ դուք պարտիք ինչ ասել:

Ապա և զանցեալն ևս համարի. « Ես իսկ արարի, ասէ, զերկիր և զմարդ 'ի վերայ նորա »: Տէս

զդարմանման և զնախ լինելն երկրի. զի երկիրն ասելով՝
զամենայն բարութիւնն յայտ առնէ. զի նա է սեղան
ամենալից և հանգերձ և կերակուր: « Ես ձեռամբ
իմով հաստատեցից զերկինս. ես պատուիրեցի աստե-
ղաց »: Ակիղաս և Սիմաքոս ասեն. Եւ ամենայն զօրու-
թեան նոցա պատուիրեցի. Թէոդոտովն՝ Եւ ամենայն
զօրութեանց նորա ետու պատուէր: Եւ այս՝ի նշանակ
դարմանոցն խնամոցն: Գրեթէր թէ զառնեին ոչ ինչ
համարիցիք՝ եթէ խնամակալութեանն է, իսկ զայն-
չափ բարերարութիւնս պատրաստեալ՝ ոչ համարիցիք
խնամակալութեան: Եւ թէպէտ և հայր առանց խը-
նամ և դարման՝ ինչ տանելով, ծնանելովն միայն ե-
րախտաւոր է, և ոչ ոք բամբասէ զնա՝ յորժամ ծնա-
նելն կամիցի ². այլ իշխանութիւն ունի, քանզի տէր
իսկ առնեն զնա և արտաքնոցն օրէնք՝ աներկիւղ և
անկասկած՝ ի պատժոցն՝ առնել զլինչ և կամիցի ըստ
իշխանութեանց. քանզի ունին գրաւական հաւատա-
րիմ՝ զգութմն և զխնամն բնականս. քանզի յայն
իսկ ապաստան ետու ամենեկին իշխանութիւն ծնողին.
իսկ ես ոչ արարի միայն, այլ և զայս ևս ամենայն յա-
ւելի, զերկիր, զերկինս, զաստեղս: Այլ նոքա թերեւ
համաշխարհականք իցեն. տեսցուք և զսեփականն:
« Ես, ասէ, յարուցից զնա արդարութեամբ թաքա-
ւորել »: Ինչ՝ այսպէս թուի, եթէ ընդ արարածս՝
զամենայն բնութիւնս համարիցի, իսկ ի խնամն՝
յայնժամանակի զյուզայական միայն աղքէ ասէ:

« Զարթուցի արդարութեամբ զթաքաւորն »: Կամ՝
զԶօրաբաբելէ ասէ, կամ զԱլիւրոս թաքաւորէ: « Նա,
ասէ, շինեսցէ զքաղաքն իմ, և զգերութիւն ժողովրդ-
դեանն իմոյ դարձուցէ, ոչ փրկանօք »: Իսկ այլքն ա-
սեն. Ոչ փոխանակօք և ոչ պատարագօք: Զի ծանիցես
եթէ ի վերուստ է հրամանն. « Զի Տէր, ասէ, այսպէս
ասէ »: Եւ ուր Տէր ասիցէ, պարտ է հաւատալ իբրև
Տեառն: Իսկ ոմանք ասեն, եթէ և զՔրիստոսէ ասէ. և
չէ ինչ արգել և զայն ևս ընդունել: « Նա շինեսցէ զքա-

1 Յօր. Հայր Ինչ Խնամ տեսնց դարձան... և սիրտաւ է: Եւ Հայր Ինչ
յօտար գրէէ եղեալ:

2 Յօր. Յօրժամ խնամ ինչ ասէ: Եւ յօտար գրէէ եղծեալ սեւագե-
ղով և փոխանակ եղեալ՝ Ժնանէն խնամ:

զաքն իմ», զեկեղեցի: Եւ «Արդարութեամբն զար-
թուցանել»: Զի այնպիսի իսկ վարս կարգեաց յեկե-
ղեցւոյ, զի ոչ բազմութեամբ ինչ սպասաւորաց և ոչ
միագիր օրինօք և ոչ այլ ինչ իւիք ըստ արտաքնոցն՝
եցոյց զօրութիւն ինչ զառաջինն: Իսկ թւ իւիք. ար-
դարութեամբ. քանզի չիք ինչ հանգոյն արդարու-
թեանն: Վասն որոյ և ունի իսկ ոչ բռնութեամբ,
այլ կամօք նոցին իսկ՝ որ ընդ՝ իշխանութեամբն ի-
ցեն. ոչ ուրեք մեղաւ, և ոչ զոք զրկեաց: «Եւ ամե-
նայն ճանապարհք նորա ուղիղ են»: Զի ոչ որ կա-
րիցէ բիծ գնել հրամանաց նորա: «Եւ զգերութիւն
Ժողովդեան իմոյ դարձուցէ, ոչ փրկանօք և ոչ պա-
տարագօք»: Այն իսկ է, թէ Մի ստանալք ձեզ ոսկի
և արծաթ:

«Վաստակ եղև Եգիպտոս»: Իսկ այլքն ասեն.
Գետն Եգիպտացւոց և վաճառքն Եթէոպլացւոց: Բա-
րիօք իսկ զիրս աշխարհիս և զհոգս՝ վաստակս կոչէ.
որպէս միւս մարգարէն՝ խռովութիւն անուանէ. Զուր,
ասէ, խռովի. գանձէ և ոչ գիտէ միմ ժողովէ զայն:
Եւ վաճառքն իսկ՝ ցաւք, և վաստակքն արեւորդք են.
ըստ այնմ: Եթէ Ետ չար զբօսանք առ ՚ի զբռնուլ և
՚ի ժողովել. զի ամենայն ինչ մտտի է, և կամ մտաց
զբօսանք¹:

Ապա ասէ. «Եւ Սաբացիքն արք մեծամեծք առ-
քեզ անցցեն, և քեզ ծառայեսցեն, և զկնի քո չըջե-
ցին»: Սաբացիք սահմանորդք են Եթէոպացւոց. զի
նոքա իսկ ընկալան զնոր քարոզութիւնն՝ ներքինեան:

«Կապեալք ՚ի ձեռակապս եկեսցեն առ քեզ, և եր-
կիր պագցեն քեզ, և ՚ի քեզ ուխտադիր լիցին»: Եւ
արդարև կապեալ իսկ էին անհնարին մոլորութեամբ
ամենեքեան, մանաւանդ. Եգիպտացիքն և Եթէոպա-
ցիքն և նոցին սահմանորդք Սաբացիքն: Ապա և ըզ-
պատճառան իսկ ասէ, վասն որոյ գայցեն, թէ «Զի
և ՚ի քեզ Աստուած գոյ»: Ըստ այնմ, եթէ Ես ՚ի
Հայր, և Հայր յիս: Իսկ ոմանք զայն, եթէ «Ի քեզ Աս-
տուած գոյ», յերուսաղէմ տանին. և եթէ այնպէս ևս

¹ Յօր. Զիք շոգ:

² Յօր. Զիք շոգաւ:

իցէ, ոչ ինչ ապահանէ զմիտսն. քանզի անտի իսկ ծագեաց Տէրն և Աստուած: Իսկ այլ թարգմանքն չդնեն ինչ զպատճառսն, այլ ասեն. Բայց և 'ի քեզ հզօրն: Սիմաքոս միայն ասէ, եթէ Զի և 'ի քեզ Աստուած գոյ. և ոչ գոյ այլ Աստուած, բայց 'ի քէն, Աստուած յԱստուած: Յայտ է եթէ Հայր յՈրդի. որպէս և ինքնին իսկ ասէ, եթէ Ես 'ի Հայր, և Հայր յիս:

Ապա և զկուրուծիւնն իսկ Հրէիցն ականարիէ, եթէ « Դու ես Աստուած, և մեք ոչ գիտեաք, Աստուած փրկիչ իսրայելի »: Իսկ Սկիւղաս փոխանակ այնր, եթէ « Դու ես Աստուած, և մեք ոչ գիտեաք ». Դու ես Աստուած, ասէ, աներեւոյթ: Սիմաքոս և Թէոդոտոսն՝ Մածուկ, ասեն: Եւ զիարդ իցէ ծածուկ. արարչութեամբն յայտնի է, խնամովքն արարածոց՝ զորս ունի հաստատուն. վասն որոյ և յաջորդն իսկ յայտնագոյն ցուցանէ տեսութեան նորա. « Աստուածդ իսրայելի, ասէ, փրկիչ »:

« Ամաչեսցեն և պատկառեսցեն ամենայն հակառակորդք նորա, և գնասցեն ամօթով՝, Նորոգեցարուք առ իս, կղզիք »: Ակիղաս ասէ. Ամաչեսցեն, նա և պատկառեսցին իսկ ամենեքեան 'ի միասին. գնացին ամօթով հիւստուն արարելոցն: Սիմաքոս ասէ. Յամօթեղև: Թէոդոտոսն. Ամենեքին նոքա համօրէն: Իսկ այլ թարգմանիչքն՝ առ կռոցն արարիչս յաճախեն ըզբամբասանսն. Թերևս զԵգիպտացւոցն իսկ ասիցեն, և զԵթէոպացւոց վաճառացն: Իսկ Եւթանասունքն նորոգութիւն իմն գուշակեն հեթանոսաց և ուրախակից լինել 'ի փրկութեան իսրայելի: Ապա և զծով իսկ և զցամաք կոչէ. « զի ասելովն զկղզիս, զայն յայտ առնէ. « Նորոգեցարուք, ասէ, առ իս, կղզիք. զի փրկելոց է իսրայել 'ի Տեառնէ՝ փրկութիւն յաւիտեանից. մի ամաչեսցեն և մի յամօթ լիցին մինչև յաւիտեան »: Զի անդէն իսկ 'ի մանկութենէ զմտիւր ընտիր առաքինութեանցն յանձին ունիցին:

« Այսպէս ասէ Տէր, որ արար զերկինս. սա է Աստուած, որ եցոյց զերկիր և արար զնա »: Եւ տես, յոր ժամկամիցի ինչ մեծ ասել, ոչ միայն զանուն Տեառն

դնէ, թէպէտ և այն իսկ արժանի և հաւատարիմ էր. զի թէ զամենայն ունի, և ամենեցուն տիրէ, ապա չիք ինչ յայնցանէ՝ որ ընդ նովաւ իցեն, որ կարիցէ նմա կալ հակառակ. բայց սակայն և զգորութենէն ճառէ. « Սա է Աստուած, որ եցոյց զերկիր »։ Տեսաւ նեւ, զի չէր, և ած 'ի գոյ. քանզի զայն իսկ յայտ առնէ. « Եցոյց զերկիր և արար զնա »։ Զի ոչ միայն, ասէ, զնիւթան ած 'ի մէջ, այլ և զկերպարանան, և զպատշաճութիւնն. քանզի անկազմ և աներեւոյթ էր, ջրովք տղմացեալ, սկացեալ, անկերպարան, անհեղեղ։

« Սա է Աստուած, որ եցոյց զերկիր »։ Միթէ բաժանիցէ, որպէս Յունաց ցոփքն՝ զկէսս աստուածս սանդարամետականաց անուանեն, և այլ՝ երկնաւորականաց։ Մի է, ասէ, Աստուած ամենայն աշխարհի. և այսպէս զօրութիւն է նորա 'ի վերայ երկրի, որպէս և ինքնին իսկ երեւելէն վկայեն նմա։ Եւ ոչ նշնչափ, այլ այնպիսի ինչ, զի ոչ ասել և ոչ իմանալ դժկարիցէ։ Իսկ Ալիւդաս և Թէոդոտոն ասեն. Այսպէս ասէ Տէր, որ հաստատէ զերկինս. սա է Աստուած, որ ստեղծանէ զերկիր, և աւնէ զնա։ Կարեւոր է և սոցա թարգմանութիւնս, թէ զոր ածն 'ի մէջ՝ չէ 'ի նմանէ բացեայ, ունելովն և առաջնորդելովն, իբրութէ հանապազօր հաստիցէ և ստեղծանիցէ։ Իսկ Եւթանաւորնիցն, եթէ Կատարեալս և բովանդակս արար. զորս արարն՝ ինքն որոշեաց զնա։ Իսկ այլքն ասեն. Պատրաստեաց, հաստատեաց. բայց ըստ Եւթանասնիցն, թէ Որոշեաց. այսինքն՝ զծածկեալն 'ի ջրոցն բազմութենէ յայտնեաց։ Զի զառաջինն ոչ այսպիսի ինչ որոշումն ունէր, այլ երկիր և ջուր մի էին. զի և այն իսկ ոչ փոքր ինչ զօրութեան է, զբազմութիւնն ջրոյն 'ի բաց փարատել, զերկիրս խաղաղել յայտնել։ Զոր և այժմ է տեսանել, յորժամ ծով մրմռեացի, և արշաւանք ալեացն կուտակելոց՝ սպառնայցեն զամենայն ցամաք առհասարակ ծածկել. և զսպառնալիսն միայն ցուցանիցէ, և արդիւնս ինչ ոչ գործիցէ. ապա 'ի միտ առնուցու զայն՝ որ 'ի սկզբանէն այնպէս սահմանեաց զնա, և ոչ 'ի զուր ինչ արար զնա, այլ 'ի բնակութիւն ստեղծ զնա։ Տես, զիարդ առնէ զնա արժանի հաւատալոյ զվկայութիւնն՝ առ 'ի հանել զնոսա և ոչ կորուսանել։

« Միթէ 'ի զուր ինչ եղև », ասէ. զոր և այլուր ասէ. Միթէ 'ի զուր ինչ հաստատեցեր զամենայն որդիս մարդկան: Վասն ձեր իսկ եղև երկիր, և վասն ձերոյ բնակութեան պատշաճեցաւ 'ի կերակրել, 'ի դարմանել:

« Ես եմ՝ Տէր, և չիք ևս այլ որ: Ոչ 'ի ծածուկ ինչ խօսեցայ, և ոչ 'ի խաւարին ինչ տեղի երկրի »: Զի որպէս յելանեին նոցա յեգիպտոսէ, օրէնքն տուան մովսիսականք, նոյնպէս և աստ, զի 'ի Պարսից չարեացն հեռանայցեն:

« Ոչ 'ի ծածուկ ինչ խօսեցայ, և ոչ 'ի խաւարին ինչ տեղւոյ երկրի ուրեք »: Զկուռան և գշիւթութիւնս անյայտս, և որք 'ի խաւարին դանդաչիցեն՝ ակնարկէ, եթէ ոչ որպէս նոցայն խաւարինք իցեն, նոյնպէս է և իմքս. այլ համարձակութեամբ խօսիմ, զոր ոչ որ յանդիմանել կարիցէ. և անկասկած, զոր ոչ որ աղարտել մարթիցէ: Լուսոյ բանք են. ըստ այնմ, թէ Զոր ինչ ասեմ յունկանէ, քարոզեցէք զայն 'ի վերայ տանեաց. այսինքն 'ի լոյս, յայտ յանդիման. և դարձեալ, թէ Ամենայն որ զչարիս գործէ, ատեայ նա զլոյս. և դարձեալ, եթէ Ես լոյս եմ աշխարհի. և դարձեալ, եթէ Ես համարձակութեամբ խօսեցայ 'ի տաճարին, ուր ամենայն Հրեայքն ժողովեալ:

« Չասացի երբեք ցզաւակն Յակովբայ, եթէ դուք սնոտիս խնդրեսջիք »: Չետու ինչ այսպիսի հրաման, և ոչ պատուիրեցի, և ոչ 'ի լերինն իսկ բարձու, ուր ամենեքին իսկ մօտ կային և լսէին: Ոչ մինչ յերկնից իսկ գայր բարբառ և փողն հնչէր, եդի ընդ ձեզ վկայութիւն. չիք պատճառք ասել, եթէ Ես ինչ հրամայեցի. և արդ այլ ևս ասեմ և յայն սակս, կամ զորս և յառաջագոյն ասացի:

« Ես եմ, ես եմ՝ Տէր, որ խօսիմ զարդարութիւն, և պատմեմ զճմարտութիւն »: Այսինքն պատմեմ յատենիդ զճմարտութիւն հանդերձեւոյն: Եւ այն իսկ մանաւանդ Աստուծոյ՝ զի զմօտաւորսն արդարութեամբ վճարիցէ, և զհանդերձեալսն ճմարտութեամբ յառաջագոյն ասիցէ. որոց չէին իսկ ձեռնհաս պատմել կուսքն:

« Ժողովեցարուք և եկայք խորհել 'ի միասին՝ ա-

պրեալքդ »։ Որպէս տէր որ խնամակալ, որ 'ի բանդէ զբազմամեղս հանել կամիցի, տայ խրատ յառաջագոյն յիշեցուցանելով զառաջինսն, զի մի իբրեւ ելանիցէ ընդարձակ, այլոց ինչ չարեաց լինիցին նմա պատճառք դիւրութիւնն, և երկեցուցանիցէ և սաստցուցանիցէ. և ոչ զի տանջիցէ, այլ զի մի անդէն յառաջին բարսն շրջիցի. սոյնպէս և Աստուած յորժամ մերձն էր արձակել զնոսա 'ի գերութենէն, դատ դնէ, իրաւունս տայ. « Միթէ յօժարեցուցի՞ զձեզ, ասէ, երբեք երկիր պագանել կուոց. ժողովեցարուք և եկայք խորհել 'ի միասին՝ ապրեալքդ »։ Չամենեսեան 'ի միասին կսլէմ, թէ կարող որ իցէ՝ յանդիմանեսցէ համարձակ. ամենեցուն առաջի ասեմ, զի լինիցիք միմեանց միմեար 'ի ժողովէն 'ի միասին, և խորհել՝ ապրեալքդ 'ի հեթանոսաց։

« Զի նորայ ոչ ծանեան, որ բարձեալ տանէին ըզփայտն դրօշեալ իւրեանց. և յաղօթան կային առ աստուածս՝ որ ոչն ապրեցուցանէին զնոսա, կամ պատմէին ինչ »։ Ոչ ծանեան, քանզի դեռ ևս շլացեալք էին, և կուրացան յոյժ. և արդիւնքն իսկ բարքն որ բասրիցեն, եթէ զորս բարձեալս տանիմ՝ որ ոչ և զիւր իսկ անձն շարժել կարէ։ Ընդէր իցէ այս մահ, վասն էր այսպիսի ծանրութիւն։ Եւ երկուս ինչս դնէ, թէ և նմանութիւն են, և մարդկան նմանութիւնք. իսկ ես և ոչ միում ումք այսպիսեաց։ Եւ թէպէտ և փայտք իցեն, և նմանութիւնս ինչ մարդկան կերպս ունիցին, սակայն թէ կարիցեն ինչ օգնել՝ օգնեսցեն։ Վասն այնորիկ ասէ հեգնելով, թէ « Բաղօթս կայ առ աստուածս, որ ոչ ապրեցուցանիցեն, կամ պատմեն ինչ »։ Թէպէտ և փոքր ինչ իցէ յառաջագոյն պատմել. զի Աստուծոյ ոչ միայն յառաջագոյն պատմել է, այլ և զհնարս ցուցանել՝ որով փախչել կարիցեմք. և ես ոչ, ասէ, զայս ինչ պահանջեմ առ 'ի նոցանէն, այլ պատմել միայն։ Եթէ ստիցեմ, և եթէ ճշմարտութեամբ խօսիցիմ, « Երթեալ ուսարուք 'ի տեղիսն՝ ուր պատուիցինն, եթէ պատմեսցեն ինչ. մերձեսցին զի ծանիցեն միանգամայն և հեթանոսք »։ Զի՞նչ իցէ միանգամայնն. այլ թէ ընդ ձեզ ելանիցեն 'ի հեթանոսաց, զի ծանիցեն զճշմարիտն Աստուած։

« Ո՛ր լսելի արար զայս ամենայն 'ի սկզբանէ » : Տէս
 զնախգիտութիւնն. ոչ միայն վայրապար ինչ ասացի,
 այլ և լսելի իսկ ընդհանուր արարի. յայնմ հետէ իսկ
 պատմեցաւ ձեզ. և արդ թէպէտ և մոռանայցեն, այլ
 ընդ ձեզ լսիցեն : « Եւ այժմ ես եմ Աստուած և չիք
 բայց յինէն » : Արդարեւ փրկիչ չիք որ արտաքս քան
 զիս. ոչ վայրապար ինչ պահանջեմ զթագաւորութիւնն,
 քանզի չիք որ արդար բայց յինէն, և ոչ փրկիչ և
 Աստուած պարտի լինել արտաքս քան զիս՝ արդար առ
 լկեալ, սբանչելի փրկիչ : Եւ առ պատժապարտան է
 մարթ լինել ումեք արդար, բայց ոչ եթէ և փրկիչ
 կարիցէ լինել. որպիսի ինչ՝ զի իշխան ոք կարէ դա-
 տաստան առնել արդար, սակայն փրկել չէ ձեռնհաս.
 զի այն իսկ տայ նմա կոտորել զբազումն, զի զարդար
 զդատաստանն դատիցի. իսկ առ իս ոչ այսպիսի ինչ.
 այլ միանգամայն արդար եմ և փրկիչ. քանզի և ոչ ար-
 դարն իսկ վճիռ՝ կարէ խափանել զիս 'ի փրկելոյ. զի ոչ
 ինչ կամեն ապրեցունել զպատժապարտս՝ եղծա-
 նիցէ զարդարն դատաստան, քանզի և արդարութեամբ
 պատժել փրկութիւն մեծ է պատժապարտացն, որպէս
 'ի մարմնի զվէր ինչ բժշկել 'ի փրկութիւն է մար-
 մնոյն : Եւ զի այս այսպէս է, ես ցուցից քեզ. աղէ՛, ասա.
 յերաւի տանջելն լաւ իցէ, եթէ յանիրաւին հանա-
 պազ. այլ և ոչ զայս ասեմ ինչ, այլ զսորին հակա-
 ռակն. զի որ զարդարն կեցուցանէ, ոչ եթէ զպա-
 տիժան ինչ թողուցու, այլ մեղացն վախճան առնէ :
 Ո՛չ ապաքէն հայհոյիչ էր Պաւղոս. քանզի և ինքն
 իսկ ասէր, եթէ Շնորհ ունիմ Քրիստոսի, որ զօրացոյց
 զիս. զի հաւատարիմ համարեցաւ. քանզի յառաջ
 հայհոյիչ էի, այլ գտի ողորմութիւն. զի յիս ցուցէ
 Քրիստոս զամենայն երկայնմութիւնն : Եւ արդ
 զլինչ. տեսանէս զարդարն Աստուծոյ, որ զանձն յան-
 դիմանէր. քանզի յանդիմանեաց զանձն, և մեծաւ
 առաւելութեամբ, զի մի դատաւորն յանդիմանիցէ
 այնու զնա. քանզի ոչ ուրեք երեւի թէ այնպիսի ինչ
 երբեք ասաց և յանդիմանեաց. այլ կամի թէ ինքն
 պատժապարտն զանձն յանդիմանեացէ. զի ոչ որ խոս-
 տանայ զջարիս, եթէ ոչ նախ ըստգտանիցէ զանձին
 յօռութիւնն : Եւ արդ, փրկեաց արդեւք զնա, թէ ոչ

փրկեաց. Ոչ, ասէ, եկի զի դատեցայց զաշխարհ, այլ զի փրկեցից զաշխարհ: Իսկ աւազակն չէր արդեւք այսպիսի. այլ սակայն կեցոյց զնա արդարն և փրկիչ: Իսկ զո՞ դք չփրկեաց. զարդարոն ըստ օրինաց, որ ոչ կամեցան. քանզի և զարդարոցն վճիռ ընդ մեղաւորոն բերէ, զի Ամենեքին, ասէ, մեղան և նուազեալ են 'ի փառաց անտի Աստուծոյ. և յայտ առնէ, եթէ առ կշիռ Աստուծոյ արդարութեանն, և արդարքն ևս պատժապարտք են. և փրկելն ոչ յայսմ աշխարհի միայն է, այլ և յետ մահու, ուր կարի պէտք իցեն փրկուածեանն:

« Դարձարուք առ իս, և ապրեսցիք՝ որ 'ի ծագաց երկրի »: Մի կարծիցէք եթէ յԵրուսաղէմ և եթէ արդեւեալ կայցէ մարդասիրութիւն իմ. Վասն այսօրիկ զնոսա կոչեցի, զի զձեզ կոչեցից. զի ձեզ նոքօք արկից նախանձուկս. միայն կամիմ զի դառնայցէք, և 'ի ձէնջ նախ լինիցի սկիզբն. ոչ զի ես առնիցեմ սկիզբն, այլ զի ձերով դառնալովն եկից ստէպ զկնի: Ոչ ինչ աւելի խնդրեմ քան զապաշխարութիւն:

« Ես եմ Աստուած և չիք այլ դք. յանձն իմ երդուայ, եթէ որ ինչ ելանէ 'ի բերանոյ իմմէ՝ արդարութիւն է »: Զի պիտոյ էր ելողումն. այլ զի հաւատացունիցէ զբանս լսողացն: Եւ զի այս այսպէս է, վկայեսցէ Պաւղոս. Զի ունիցին, ասէ, ուժգին միութարութիւն, որ կոչեցեալն իցեն 'ի կեանս յաւիտենից: « Եւ բանք իմ ոչ գառնայցեն »: Քանզի բազում անգամ ասաց, և ոչ արար վասն անարժանութեան պատժաւորաց, վասն այնորիկ աստ և զերդումն իսկ յառաջ բերէ:

« Զի ինձ կրկնեսցի ամենայն ծունր »: Եւ արդարեւ արժան իսկ էր հաճել զանհաւատս: Զի՞նչ խօսիող, Տէր բարերար. Հրեայքդ զքեզ թողին, և զայլս կամիս մտերիմս առնել: Այն մեծ պարծանք են Հրէից, յորժամ Աստուածն նոցա զյաղթութիւնն ցուցանէր. և այն իսկ էր անհնարին վատթարութիւն թնաւեացն, յորժամ ոչ միայն ծառայիցն չյաղթէին, այլ զի և զիւրեանց տեարսն ուրանային:

« Եւ երդնուցու ամենայն լեզու յԱստուածն ճշմարիտ »: Զոր Պաւղոս վասն սանդարամեատականաց

ասէ: Եւ ուր կատարեցաւ այս, իվ Հրեայքդ. առ մեզ յայտ է զի կատարեցաւ: Ուր ամենայն ծունր կրկնեցաւ երբեք Աստուծոյ. զի յետ դարձին և դուք դարձեալ անկուշեցէք: Եւ ոչ ասէ եթէ կայցեն, այլ թէ կրկնեսցի ամենայն ծունր: Նա և իրաւունս իսկ ետ վասն սորին բանի վերագոյնն. զի եթէ զերկիրս ես արարի, յայտ է եթէ 'ի համաշխարհսն Աստուած եմ: « Եւ երդուիցի ամենայն լեզու »: Որ և այս իսկ աստուած պաշտութեան նշանակ է: « Եւ խօսեսցի զարդարութիւն և զփառս, և առ նա գայցէ »:

« Ամաչեցէք ամենեքեան, որ որոշէք զանձինս 'ի Տեառնէ »: Եւ զիարդ ամենայն ծունր կրկնեսցի, եթէ իցեն ոմանք որ որոշիցեն. 'ի նոցանէ իսկ բազումք ամաչեսցեն, որք որոշեցին զանձինս 'ի Տեառնէ, և Աստուծով փառաւորեսցին ամենեքին, և ոչ ոք այլ իւրիք աշխարհական ինչ իրօք արդարասցին յԱստուած: « Եւ փառաւորեսցին ամենայն զաւակ որդւոցն Իսրայելի »: Եւ այն իսկ են փառք՝ որ յարդարութենէն իցէ, և ոչ յայլ ումեքէ:

ԳԼՈՒԽ ԽԶ

« Անկաւ Բէլ, կործանեցաւ Դագոֆն, եղեն կուռք նոցա յանասունս և 'ի սողունս »: Մանաւանդ զի և առանց այնր իսկ անկանին, զի ոչ ինչ ունին զօրութիւն, և ոչ ազդումն ինչ. ևս առաւել յայնմ ժամանակի՝ յորում ժողովուրդն փրկելոց էր, անկեալ կուռծանէին: « Եղեն ամենայն կուռք նոցա յանասունս և 'ի սողունս »: Կամ թէ զանասունս և զսողունս իսկ պաշտէին, կամ թէ յայն կերպարանս պատկերս ինչ առնէին:

« Իբրև բեռինք ինչ, ասէ, կապեալք և կաշկանդեալք »: Հեգնէ զկուռսն. զի եթէ աստուածք իցեն, զիարդ իբրև զբեռինս կապեալս վերամբարձ կրիցեն. քանզի ոչ եթէ աստուածեղէն զօրութիւնն վերամբարձ ումեք կրեցին: « Իբրև զբեռն ինչ, ասէ, վաս-

տակելոցն, ծարաւոյն և քաղցելոյն, և լքելոյ, և ոչ զօրացելոյ » : Եւ արդ ամ զմտաւ միանգամայն, եթէ զիարդ կարիցեն ապրել 'ի պատերազմէ :

« Լուարուք ինձ, տունդ Բակոբայ, և ամենայն մնացեալք իսրայելի » : Վասն զի բազումք էին եղ ծեալք և կորուսեալք, վասն այնորիկ ասէ, թէ « Որ ընտրեալք յորովայնէ և խրատեալքդ մինչև ցծերու թիւն » : Զի մի դք մեղադիր լինիցի մարգարէին, եթէ միշտ զնոյն խօսի հանապազ, զնոյն յեղյեղէ, վասն այնորիկ և զպատճառսն զնէ զլսողացն զանգագայութիւն. ամենայն տիք, ասէ, չեն ձեզ բաւական առ ուսանել : « Ես եմ, ասէ, և մինչև կարի ծերասջիք, սակայն ես եմ » : Եւ մինչև ցայնժամ արդեւք միայն. ոչ, այլ առ այժմ և եթ. զոր օրինակ յորժամ ասիցէ, եթէ Բառաջ քան զԱբրահամն լինեն եմ ես, ոչ եթէ ցայնժամ և եթ էր :

« Ես անսամ ձեզ, ես արարի, և ես ներեցից. ես ընկալայց և կեցուցից զձեզ » : Ապա և զմարդասիրութեան նշանակ ցուցանէ, զոր մանաւանդ և խնդրէին իսկ. իսկ արդ դու իցես, քանզի և ես իսկ. բայց զմեզ անողորմ տանջես : Թէպէտ և հակառակ նմին իցէ՝ զոր ասէ, եթէ « Ես անսամ ձեզ » : ոչ եթէ դուք անսայցէք ինչ ինձ. զի որ եմ մշտնջենական, տեսանեմ զձեզ զի փոփոխեք աստուածս, և արդ զիարդ իցէ զի չներիցեմ ձեզ. դուք էք ծանրատաղտուկն բեռինք, դուք էք թշնամանողք. զի եթէ ես ոչ տեսանէի, 'ի վաղուց հետէ իսկ սատակեալ էիք : « Ես արարի, և ես անսացի » : Այսինքն ոչ եթէ դուք արարէք զայս ամենայն, այլ ես. բայց այսուհետև և թողութիւն արարից և փրկեցից զձեզ : « Ես անսամ ձեզ » : Եւ ամ մեղադրութիւն, կամ աւետիք :

« Ում նմանեցուցէք զիս. միթէ կռոցն » : Դարձեալ յերգ արկեալ՝ հեգնէ զստեղծուածն և զդրօշած և զկերպարանս կռոցն : « Որ արկանեն 'ի մէջ սկի 'ի քսակէ, և զարծաթ կշռեն կշռօք, և 'ի վարձու ունին ոսկերիչս. առնեն ձեռագործս, և անկեալ երկիր պագանեն նմա. բարձեալ 'ի վերայ ուսոց և գնան : Եթէ դնիցեն 'ի գետնի՝ անկեալ դնի, և ոչ շարժեսցի. և եթէ դք կարդայցէ առ նա՝ ոչ լուիցէ, և 'ի չա-

րեաց ոչ փրկեսցէ զնոսա։ Յիշեցէք զայս և յոգոց հանէք. ապաշխարեցէք մոլորեալքդ. դարձարուք սրտիւք և յիշեցէք զառաջինսն յաւիտենից »։ Զոր օրինակ վերք զերեսս քապենեցուցանեն, նոյնպէս և մեղք զոգիս։ « Ապաշխարեցէք մոլորեալքդ »։ Եւ ո՞վ որ մոլորեալ չկամիցի գալ յուղիղ ճանապարհ. զի թէպէտ և ես չյորդորէի յայդ, չէ՞ր պարտ ձեզ և այլ ուստեք խնդրել զուղիղ ճանապարհ։ « Դարձարուք սրտիւք »։ Տեսանե՞ս, զի զայսպիսի դարձ խնդրէ Աստուած։ « Յիշեցէք զառաջինսն յաւիտենից »։ Եւ այն իսկ են կերպարանք ապաշխարութեան, զի զառաջինսն որ ստէպ զմտաւ ածիցէ և զղջանայցէն։ Վասն այնորիկ իսկ են գիրք, վասն նորին և պատուիրանք։ Պատրաստ եմ յամենայն ժամանակս պահանջել ՚ի ձէնք վրէժս. ոչ եթէ յայսմ ժամանակի, ասէն, յայս, և ՚ի միւսումն ևս ոչ, այլ յամենայն ժամանակս։ Ոչ միայն զբարութիւնս ցուցանեմ, այլ և զպատիժս. ոչ միայն զերկայնամտութիւնս, այլ և զառ ՚ի ձեռացն թողուլ բաւական է. վկայ լինել ինձ ամենայն առատութեամբ, և ոչ նուազութեամբ, կամ բարերարութեան անժամանակ, կամ պատժոցն։

« Եթէ ես եմ, ես միայն՝ որ պատմեմ յառաջագոյն զվերջինս մինչև լեալ իցէ, և միանգամայն կատարեսցին »։ Տեսանե՞ս, զիարդ ցուցանէ եթէ յառաջագոյն ասել մանաւանդ Աստուծոյ է, և ոչ այլ ուրուք »։ « Եւ ածել զհանդերձեալսն միանգամայն »։ Ն՛րբ. ոչ եթէ ըստ ժամանակաց ինչ կարգի, այլ միանգամայն, յորժամ ինքն կամիցի, միանգամայն զամենայն։ Նախ ասացն՝ որ առ յապա յիտ բազում ժամանակաց լինելոց իցեն, քանզի այն իսկ են վերջինք։

« Եւ ասացի, թէ ամենայն խորհուրդք իմ կացցեն, և զամենայն ինչ զոր և կամիմ՝ արարից »։ Զի այն իսկ Աստուծոյ միայն է՝ զամենայն ինչ զոր և ասիցէ՝ առնել. զի և ոչ ինչ իցէ՝ որ արգելուցու, և ոչ այն ինչ՝ որ խափանել կարիցէ. իսկ մարդ և ասել չիշխէ, թող թէ և առնել ինչ։

« Կոչեցից յարեւելից թռչունս, և յերկրէ հեռաստանէ վասն որոյ խորհեցայ »։ Զխորայեւացիսն կոչէ թռչունս՝ վասն երազութեան դարձին. զի իբրեւ զթռու-

չունս ինչ՝ այնպէս սլացեալ ելանիցեն ընդ ճանապարհն ընդ որ իջին: « Զայս խորհեցայ և զսոյն արարից. զի ես իսկ եմ արարիչ »: Եւ դարձեալ զգիւրութիւնն ցուցանէ՝ վասն որոյ խորհեցան. « Խորհեցայ, հաստատեցի և արարի և ածի և յաջողեցի զճանապարհս նորա »: Զի յայտ լիցի եթէ 'ի չգոյն. և ոչ եթէ իբրև զկարծիս ինչ իրս, այլ հաստատունս. այն իսկ է եթէ հաստատեցի և արարի զայն ինչ՝ որ չէր ուրեք: Եթէ զգիւրութիւնն խնդրեացես, իբրև զգոյս, ասէ, ինչ կոչեցի. և եթէ զգորութիւնն՝ զգոյսն արարի:

« Լուարուք ինձ, որոյ կորսնեալդ իցէ զտիրոս »: Ահիւղաս, Հգորքդ սրտիւք. Սիմաբոս, Խստասիրտդ, ասէ: Ուստի և Ստեփաննոս իսկ, յորժամ հրապարակագոյժն բարբառէր՝ զսոյն բանս ասաց, « Որ հեռացեալք էք յարդարութենէ »: Տեսանէս, որչափ ինչ կորուստ սրտի է, յորժամ զարդարութիւն դը կորուսանիցէ: Զի սկիզբն ճանապարհի բարութեան՝ առնել զարդարութիւն է: Եւ արդարև, չարիք՝ անմիտ և անհանձար առնեն զմարդիկ: Ոչ վայրապար 'ի բաց կացէք, այլ հեռի իսկ եղերուք յարդարութենէն:

« Արդ ես մերձեցուցից զարդարութիւն իմ, և զփրկութիւն իմ ոչ յամեցուցից »: Զմարդասիրութիւնն արդարութիւն կոչէ. քսնդի կայ արդարութիւն 'ի մարդասիրութեան, և մարդասիրութիւն յարդարութեան. վասն որոյ և ասէ իսկ, Եթէ Ողորմութիւն և իրաւունս երգեցից քեզ, Տէր. և դարձեալ, եթէ Ողորմեցայց՝ որում ողորմելոցն իցեմ: և ոչ վայրապար ամենեցուն: Տեսեր զարդարութիւն ընդ մարդասիրութեանն. տեսեր զմարդասիրութիւն ընդ արդարութեանն: Տանջեաց երբեմն, այլ յետ որչափ ամաց: Եթէ 'ի համառօտութիւնն նայիցիս, և եթէ յերկայնմտութիւնն, սակայն 'ի միտ առ միշտ զմարդասիրութիւնն: Պատժեաց զկային, այլ ոչ ինչ քան զպատիժսն զայնս գոյր մարդասիրագոյն. զի յօժարեցուցանէր զնա մերկանալ 'ի չարեաց: Թէպէտ և համառօտ սատակեաց զընդհեղակուլն, սակայն ոչ ինչ գոյր քան զայն մեղմագոյն. զի որպէս և որպիսի կերպարանօք կարձեաց զչարիսն:

« Մերձեցուցի զարդարութիւն իմ, և ոչ հեռացի. և զփրկութիւն ոչ յամեցուցից, Ետու 'ի Սիոն փրկութիւն փառաւորութեան Խաւայելի » : Քանզի սպրեալքն իբրև զպատժապարտս և յօտար աշխարհէ եկեալք 'ի գերութենէ, այնու իմն նախատէին եթէ նժդեհք էք և թափառականք. ես, ասէ, զնորին հաւառակն արարից : « Տաց 'ի Սիոն փրկութիւն Խաւայելի 'ի փառաւորութիւն » : Այնպիսի իմն պատուական առնէր զնոսա 'ի դարձին, զի ոչ միայն ճախատիցին, այլ և փառաւորք ևս լինիցին :

ԳԼՈՒԽ ԽԷ

« Է'ջ, նիստ 'ի յերկրի—իսկ այլքն 'ի գեանի ասեն — կոյս դուստր Բաբելոնի » : Տես, զիարդ հրամանաւ տայ հրաման, զի մեզ ուսուցէ մեծամեծս ինչ. և ոչ եթէ մարգարէութիւն ինչ, այլ հրաման Աստուծոյ. « Մոռտ, նիստ 'ի խաւար, դուստր Քաղդէացւոց. զի ոչ եթէ ևս յաւելուցուս կոչել գիրգ և փափուկ » : Տես, զիարդ երջանիկ կանայքն 'ի թշուառութիւն դառնային, 'ի թագաւորութենէն յերկիր կործանէր : « Ա'ռ երկան. աղալ ալիւր » : Յարքայութենէ՝ յերկանս և 'ի գերութիւն, և յայնպիսի դժնդակ գերութիւն, և վշտագին ծառայութիւն :

« Ընկեալ զքօղ, բաց զալիս քո » : Եւ զծերութիւն 'ի թշուառութիւն հասուցանես, և ոչ յալեացն ակն ածիցես ինչ : « Յայտնեացի ամօթ քո, երևեսցին նախատինք քո. զի բարձից 'ի քէն զիրաւունս » : Իսկ այլքն՝ եթէ վրէժ խնդրեցի. այսինքն՝ առից 'ի քէն զվրէժս :

« Զի ես բարկացայ ժողովրդեան իմում, զի պղծեցին զժառանգութիւն իմ, և մատնեցի զնոսա 'ի ձեռք քո, և դու ոչ արարեր նոցա ողորմութիւն և ոչ իւրիք : Մերոց ծանրացուցեր զանուրս յոյժ, և ասացեր, բամ՝ մինչև յաւիտեան կացից իշխան » : Տեսանէս զպատ-

ճառս պատժոցն. միթէ անձանց ինչ զօրութեամբ յաղթեցեր նոցա. ես մասնեցի զնոսա՝ի ձեռս քո, և դու ոչ խնայեցեր, և ոչ ողորմեցար ծերոց նոցա. և ասացեր եթէ մինչև յաւիտեան կացից իշխան: Տեսանէս, զի և զորս Աստուծոյ մատնեալ իցէ, պարտ է տանջել, այլ ինայելով:

« Եւ դու ոչ եդիր զայս ՚ի մտի քում, և ոչ յիշեցեր զվախճան քո »: Զիք ինչ քան զայս չար, յորժամ մարդ իցէ, և զիւր բնութիւնն մեռանայցէ: « Արդ լիւր զայս, գիրգդ փափուկ, որ նստէիր յուսացեալ և ասէիր ՚ի սրտի քում. ես եմ, և այլ ոք չիք բնաւ »: Զայս ասէ, զի ցուցցէ քեզ եթէ ոչ ՚ի մտաց ինչ են փոփոխմունք մարդկեղէնք. զի ոչ յառաջ քան զաւուրան ինչ վրիպեսցես, այլ յանկարծակի դառնայցեն մարտնչել ընդ քեզ՝ յորս յուսացեալն էիր: « Ոչ նստայց յայրութեան, և ոչ ծանեայց զորութիւն: Եւ արդ հասցեն ՚ի վերայ քո յանկարծակի ՚ի մի օր միանգամայն երկուքին սղբա »: Տէս, զի արդ յանկարծակի յայտ առնէ եթէ աստուածասաստ է բարկութիւնն, և ՚ի յերկնից պատիժք:

« Եւ այժմ կակ դու ՚ի կախարդութեանդ քում, և ՚ի զօրացեալ դիւթութիւնս քո »: Բաբէ. տես զմեծազօր զօրութիւնն. յորժամ յառաջագոյն գուշակել երեւեցի, և նոքա ոչ միայն չգիտիցեն, այլ և առայլոցն յառաջագոյն գուշակեալ՝ ոչ ինչ կարիցեն հնարս հնարել, և ոչ մեքենայս խառնել. զի կանխաւ ասցութեան ² մարտնչել ոչ այլ ինչ է, այլ յոյժ վճատահ լինել յիւր զօրութիւն, և խշտրել զպատերազմողացն տկարութիւն: Եւ ըստ մարդկան ինչ միայն ասեմ. այլ թէպէտ դիւացն իսկ զօրութիւն շարժեսցի, սակայն ոչ ինչ կարասցէ գամագիտ լինել:

« Դու ասէիր, եթէ ես եմ, և չիք այլ ոք »: Տեսանէս, զի որ ինչ մարդկական է՝ կիրթ իմն և պատրաստական է: Եւ եթէ ՚ի վերուստ աջողութիւնն չիցէ, սակայն ՚ի զուր է կազմածն, և յամօթ ևս և ՚ի պար-

¹ Եր. Գաւաթէլ երեւեցի, և նոյս ոչ միայն, յօտար գրէ:

² Եր. Զխնայապաշտօնէս. յօտար գրէ ուղղեալ, զի խնայապաշտօնէս:

տութիւն լինի պատրաստողացն : Եւ այն իսկ է պարտութեան նշանակ, յորժամ յօշոնման վտանգ լինիցին, ոչ գտանիցին ինչ 'ի նոցանէն օգնութիւն :

Եւ մինչդեռ, ասէ, 'ի մեծացեալ միտս կայցես, « Հասցէ 'ի վերայ քո կորուստ, և ոչ ծանիցես. և խորխորատ, և անկանիցիս 'ի նոյն » : Տեսանեն, զի ամենայն ուրեք զանկարծահասն նշանակէ : Եւ այն իսկ են զարմանք, զի յառաջ քան զայնչափ ժամանակս ասէ, և ոչ ածէ 'ի գործ զարդիւնսն կանխասացութեանն. զի ըստ մարդկան միտս այնպէս իմն համարեալ լիցի, եթէ ոչ կարիցէ կատարել՝ զորս սպառնացան. և ապա յանկարծակի կատարէ զասացեալն : Հանապազ պարտ էր ակն ունել. այլ սակայն և ոչ այսպէս լինին պիտանացութեան, եթէ և արգելոյր իսկ զբարկութիւնն. զի ուր 'ի Նինուէացիսն արգել, և 'ի նոցանէն կարող էր արգելուլ :

« Եւ արդ կակց դու 'ի դիւթութիւնս քո և 'ի բաղում կախարդութիւնս քո ¹, զոր ուսար 'ի մանկութենէ քումմէ, եթէ կարիցես ինչ օգտել » : Նա և Ասորեստանեայն նախատէր զՀրեայսն, թէ ուր է Աստուածն ձեր, եթէ կարիցէ ինչ օգնել. այլ նոքա զուր և վայրապար, իսկ Աստուած օգնեաց և վրէժխնդիր եղև :

« Աշխատեցար 'ի խորհուրդս քո. յարիցեն և փրկեսցեն զքեզ աստեղագէտք երկնից » : Ակիղաս ասէ. Լուսաւորիչքն երկնից. իսկ այլքն՝ Երկնագէտքն, ասեն, որք նշմարեն զաստեղս երկնից : Զի մի ոք ասիցէ եթէ գոն աստեղագէտք, որ պատմել կարիցեն զհանդերձեալն, վասն այսորիկ՝ ասէ, պատմեսցեն քեզ՝ յորժամ ջանայցեն նշմարել անդադար զաստեղս, և մէջիւ ինչ ոչ առնուցուն, ոչ այլ ինչ, բայց զի զտրտութիւնն և եթ շահիցեն :

« Ահաւասիկ ամենեքեան իբրև զխուլ 'ի հուր այրեսցին, և մի կարասցեն փրկել զանձինս 'ի բոցոյ անտի » : Ոչ միայն քեզ չօգնեսցեն ինչ, այլ և ինքեանք ևս կորիցեն : « Աշխատեցար 'ի փոփոխելոյ քում 'ի մանկութենէ քումմէ. այր ըստ իւրաքանչիւր մոլորու

¹ Յօր. Եւ 'ի բաղում կախարդութիւնս քո, յօտար գրէ :

Թեան, և քեզ ինչ ոչ եղև օգնականութիւն » : Իւրաքանչիւր, ասէ, ըստ մեղաց իւրեանց պատիժս կրիցեն, և դու ուստի կարիցես ապրել :

ԳԼՈՒԽ ԻԸ

« Լուարուք զայս, տունդ Յակոբայ, անուանեալք յանուն Իսրայելի, ելեալքդ 'ի զաւակէ Յուդայ » : Իսկ այլքն 'ի ջրոյն Յուդայ, ասեն : Տեսանէս, զիարդ աղարտէ զազգականութիւն, եթէ չէ ինչ ընկեր առաքինութեանն, այլ վայրապար ընդ գետին թափառեալ, բանք աւելորդք պաճուճեալք : « Տուն Յակոբայ, անուանեալք յանուն Իսրայելի, ելեալքդ 'ի Յուդայէ, որ երդնուքդ յանուն Աստուծոյ Իսրայելի, և խրախուսէք յանուն քաղաքին սրբոյ » : Զառաջինսն ևս պատմեսցէ. կամ որ ինչ յեգիպտոսն, զի ասէ. Զարչարեսցեն զնոսա ամս չորեք հարիւր և երեսուն, կամ զԲաբելոնացն՝ զի զեւթանասուն ամ լլկեցին : « Եւ լսելի եղև յանկարծակի. արարի և եկն » : Կամ իբրև զբարագործաց վաղվաղակի եկն եհաս 'ի վերայ, կամ իբրև անկասկածից :

« Ես ինձէն գիտեմ, զի խիստ ես դու, և ջիւք երկաթիք պարանոց քո, և ճակատ քո պղնձի » : Զի մի ղք ասասցէ, եթէ զմէն օգուտ եղև 'ի մարգարէութեանցն, որ հանապազ սպառնային զհանդերձեալն. և նոքա ոչ ինչ օգտեցան սաստիւքն, և ոչ յուզղութիւնս ինչ եկին :

« Լուր պատմեցաւ քեզ, չև եղեալ էր, և լսելի եղև յանկարծակի զօր արարին. զի մի ասիցես եթէ կուռքն ինչ արարին ինձ, և մի ասիցես եթէ դրօշեալքն և ձոյլքն արարին ինձ » : Վասն այնորիկ և Ագաթոս մարգարէանայր, եթէ սով մեծ լինելոց է. քանզի այն ինչ նոր գերծեալ էին 'ի դիւաց, զի մի կարծիցեն եթէ 'ի նոցանէ ինչ բարկութենէ լինիցի սոջն, վասն այնորիկ իւրով մարգարէիւն յայտնեաց, և ոչ այլ իւրիք :

օտարոտեալ: Ռիտեմ, ասէ, եթէ անհնազանդ ես, և չես ինչ օգտելոց 'ի կանխասացդ լինել պիտանալ ցու, վասն այնորիկ յառաջագոյն տեսցի:

« Լուարուք դուք զայս, և ոչ առէք 'ի միտ »: Այսինքն՝ անփոյթ արարէք: « Նա և զնորն իսկ լսե՞ր աւրարի՝ որ յայտմ հետէ լինելոց իցէ »: Այսինքն է որ ինչ 'ի դարձին լինելոց իցէ: « Եւ ոչ ասացեր եթէ այժմ լինի և ոչ վաղ. և ոչ յառաջին աւուրսն իսկ լուար զայդ »: Այսինքն՝ ոչ հաւատացեր և ոչ փոյթ ինչ արարեր: « Մի ասացես եթէ այժմ գիտեմ: ոչ ծանեար և ոչ գիտէիր, և ոչ իսկ զբանէ բացի զականջս քո »: Այսինքն ոչ ետու քեզ թոյլ իմանալ, զի ոչ յորժամասացի, անդէն զպատիժն ածի 'ի վերայ. ասել ասացի յառաջագոյն, այլ ոչ ինչ յայտ արարի արդեամբք. որպէս և Քրիստոս ասէր բազում ինչ, և լուծուին ինչ առականց ոչ առնէր:

Ասէ և զպատճառս կորուծեանն. « Զի գիտէի թէ արհամարհելով արհամարհեսցես, և անօրէն անդստին յորովայնէ կոչեսցիս: Վասն անուան իմոյ ցուցից քեզ զբարկութիւն իմ, և զսքանչելիս իմ ածից 'ի վերայ քո, զի մի սատակեցից զքեզ »: Վասն այնորիկ և ոչ զաւետեացն ինչ ճառեցի քեզ, այլ թոյլ ետու ընդ վայր թափառել: Եւ յորովայնէ ոք անօրէն զիմորդ լինիցի: Զյաճախութիւն չարեացն նշանակէ այնու. քանզի չէ մարթ թէ անդստին յորովայնէ անօրէն լինիցի: Թէպէտ և այլուր ասիցէ, թէ Ստաբ եղեն մեղաւորք 'ի մօրէ, խաբեցան յարգանդի, և խօսեցան սուտ: Այսինքն՝ յառաջին տիոց յորժամ յարուծիւն հասին՝ չարեացն և եթ զհետ էին, իսկ այլքն ասեն. Զի յորովայնէ մօր անօրէն կոչեսցիր: Յայնմ իսկ ժամանակի՝ յորմէ հետէ ելին յերկրէն Եգիպտացոց. զի 'ի չարչարանացն՝ իբրեւ յերկանց ծնան 'ի փրկութիւն 'ի ձեռն Մովսէսի:

« Վասն անուան իմոյ ցուցից քեզ զփրկութիւն իմ »: Տէս, զիմորդ զտանջանսն երախտիս համարի: Եւ այնմ ևս, ասէ, չէին արժանի, եթէ այնպէս կայք ինչ յուղութիւնս. այլ վասն անուան իմոյ արարի զայն, Զի զմեղմութիւն պատժոցն ցուցանիցէ, ոչ ասէ թէ կարգեցից, այլ թէ ցուցից միայն: Եւ աղէ ասա,

զինչ շահ անտի ծնանիցի. « Զի մի, ասէ, սատակեցից զքեզ »:

« Եւ զսքանչելիս իմ ածից 'ի վերայ քո »: Զի ոչ միայն պատժւքն զգաստանայցեն, այլ և սքանչելեօքն. զի ոչ պատիժս, և ոչ բարութիւնս ածեմ 'ի վերայ՝ առանց սքանչելեաց: Եւ եթէ կամիս՝ վերստին իսկ պատմեցից քեզ՝ զիարդ յիւրաքանչիւր պատիժս և բարութիւնս՝ սքանչելիք կան, զի յերկօցունց կողմանց օրինակ լինիցին շնորհք:

« Ահա աւադիկ վաճառեցի զքեզ ոչ վասն արծաթոյ, և փրկեցի զքեզ 'ի հնոցէ անտի աղքատութեան. վասն իմ աւնեմ զայդ, զի մի անունս հայհոյիցի ¹. և զփառս իմ այլում ոչ տաց »: Զժողովուրդսն կոչէ աստ իւր փառս: « Սուր, Յակովբ, և Իսրայէլ՝ զոր ետդ կոչեմ: Ես եմ առաջին և ես յաւիտեան »: Եւ զինչ նշանակիցէ այդ. « Զեռն իմ, ասէ, արկ հիմն երկրի, և աջ իմ հաստատեաց զերկինս »: Աստ ոչ եթէ զարարչութեանն ինչ ճառէ, այլ զյօրինուածոյն:

« Կոչեցից, ասէ, զանշունսն զանգապսն, և այնպէս լուիցեն, կայցեն 'ի միասին. և ժողովեացին ամենեքեան, և լուիցեն թէ ով պատմեաց նոցա զայն: Առ սէրն քո արար Տէրն զկամս իւր 'ի վերայ Բաբելացոց »: Այսինքն՝ վասն քո սիրոյ կատարեաց զկամս իւր 'ի նոսա. « Բառնալ զգաւակն Քաղզէացոց »: Զինչ խօսիս. վասն նոցա սիրոյն՝ զնոսա տանջիցէ՝. և ոչ ուրեք. այլ զոր օրինակ եթէ սիրեացէ ոք զդք, և երախտիս վարկանիցէ եթէ զայս ինչ և զայս վասն քո արարի, նոյնպէս և Աստուած առ սէր տանջեաց զնոսա, և առ սէր եհան 'ի գերեացն. այլ զի ոչ վասն նոցա տանջեաց զԲաբելացիան, այնու յայտ է՝ եթէ աւրար զկամս իւր:

« Ես խօսեցայ, ես կոչեցի, ես ածի զնա, և յաջողեցի զճանապարհս նորա »: ԶԱիւրոսէ ասէ՝ եթէ յառաջագոյն ասացի և հանի 'ի գլուխ զիրսն: Եւ բազում իսկ անգամ ասացաք զստաճառսն, զոր և յԱւտարանին իսկ գտանեմք, եթէ Յորժամ լինիցի՝ հաւատասցիք եթէ ես եմ:

« Մատերութ ան իս, և լուարութ. ոչ 'ի սկզբանէ ծածուկ ինչ խօսեցայ, և ոչ 'ի խաւարին տեղւոյ երկրի »: Եւ վասն էր միշտ մօտ կոչիցէ. այլ զի զկարեւորաց և զմեծամեծաց ճառիցէ, որոց պարտ իցէ հաւատալ: « Այ 'ի սկզբանէ ծածուկ ինչ խօսեցայ »: Այ այժմ ինչ համարձակս խօսիցիմ, և յայնժամ 'ի ծածուկ ինչ: « Մինչդեռ լինէրն իսկ՝ անդ էի: Եւ արդ Տէր առաքեաց զիս և ոգի նորա »: Տեսանես, զի և Հոգին՝ Աստուած է և առաքիչ:

« Այսպէս ասէ, Տէր Աստուած, որ փրկեացն զքեզ՝ սուրբն Իսրայելի. ես եմ Աստուած քո. ցուցի ես քեզ գտանել զճանապարհն յօգուտ »: Իսկ այլքն փոխանակ ցուցանելոյն, եթէ Որ ուսուցանեմն: Ստեյլ ասէ՝ եթէ ես եմ Տէր Աստուած քո, զի ծանիցեն զբազում օգնականութիւնն: Թագաւորը ոչ յառաքինութիւն ինչ յօգուտս փութան, այլ վասն իւրեանց օգտի ճեպին հանապաղ. և թէ վասն առաքինութեանց ինչ խնդիր առնիցեն, սակայն և այն վասն իւրեանց օգտի է: Իսկ Աստուած յորդորէ զի ծառայքն իւր օգտեսցեն, և գործք ձեռաց իւրոց կեցցեն առաքինութեամբ:

« Եւ թէ լուեալ էր, ասէ, քո պատուիրանաց իմոց »: Եւ յայտ է եթէ զոր ինչ առնէ՝ 'ի մեր օգուտ առնէ: « Լինէր քեզ իբրեւ զքեա խաղաղութիւն քո, և արդարութիւն քո իբրեւ զայիս ծովու՝ յորդ և Խաղաղութիւնք անպակաս անխափան. չիք ինչ շահաւոր իբրեւ զպատուիրանս Աստուծոյ: զի և կենաց իսկ և խաղաղութեան և ամենայն բարութեանց նա է աղբիւր:

« Եւ իբրեւ զաւագ ծովու զաւակ քո »: Քանզի և այս 'ի բարութեան կարգի էր օրինաւորացն: « Եւ ծնունդք որովայնի քո իբրեւ զհող երկրի »: Իսկ այլքն ասեն. իբրեւ զկորեակ երկրի: « Սակայն և ոչ արդ ինչ սատակեսցիս, և ոչ կորիցէ անուն քո առաջի իմ »: Այսինքն՝ եթէ և այժմ՝ յորժամ ոչդ լուար ինձ: Ո՛վ մարդասիրութիւն. թէպէտ և չլուար ինձ, ասէ, սակայն և այժմ մի ինչ կրեսցես պատիժս առաջի իմ: Թէպէտ և 'ի մարդկան մօտաց կորեայք, սակայն ինձ կենդանի էք, և կարող էք միւսանգամ լսել պատուիրանացն:

« Ե՛լ՛ի Բաբելոնէ, փախիր 'ի Քաղղէացւոցն » : Եւ ընդէր արդեւք փախչել հրամայիցէ . զյուլութիւնն նոցա այսու յայտ առնէ : Քանզի ոմանց խնամ արկեալ էր ընդ երկիր թնամեացն, զի անդէն կամէին մնալ մերժէ զնոսա յայնպիսի խլելական, հեղգական մտաց . « Ե՛լ, ասէ, 'ի Բաբելոնէ, փախիր 'ի Քաղղէացւոցն », 'ի թնամեացդ երկրէ : Զի այնպիսի ինչ չարիք հասանիցեն երկրիդ, զի միշտ 'ի փախուստ բերիցէք, որ ապրելդ կամիցիք : Որպէս և անդ յԵգիպտոս եղև . զի որք արգելութիւն և չտային ելանել իսրայելացւոցն, նոքին ստիպէին և հանէին բռնի . նոյնպէս և այդր, ասէ, այնպիսի աղէտք 'ի վերայ հասանիցեն, և դոքա և դուք առհասարակ փախստական լինիցիք :

« Զայն ուրախութեան պատմեցէք, և լսելի լիցի, պատմեցէք մինչև 'ի Ժաբս երկրի » : Այսինքն՝ հռչակ հարէք ընդ բնաւ՝ վասն իրացդ գործերոց : Կամ զայն ինչ յայտ առնէ, զի սաստիկ համարձակութեամբ զերծուցանէ զնոսա 'ի գերջացն, կամ զի փրկէն զնոսա : Քանզի և ասէ իսկ, եթէ « Ասացէք՝ զի փրկեաց Տէր զԺողովուրդ իւր Յակովբ, և ոչ տայցէ նմա Ժարաւել . և եթէ Ժարաւեսցեն յանապատին, հանցէ նոցա ջուր և բխեսցէ 'ի վիմէն . պատառեսցէ վէժն, և բխեսցէ ջուր, և արբցէ ժողովուրդ իմ » : Եւ այսու զգիւրութիւն դարձին նշանակէ . զի եթէ թերահաւատիցէ որք, եթէ չիցեմ կարող հանել 'ի Բաբելոնէ, յայնցանէ որք յանապատին եղեն՝ հաւանեսցի : Յոյժ առաւելքան զարարածոց բնութիւն՝ յամառ է մարդկան անձնիշխանութիւն . զի նոքա անշունչք և անզգայք են, և սոքա բանիւ պատուեալք, յորժամ կամին՝ լսեն, և յորժամ կամին՝ յամառն :

« Ոչ գոյ ամբարշտաց ուրախութիւն, ասէ Տէր » : Եւ արդ զիմրդ չլինին ուրախ ամբարիշտք . իսկ նա աւանիկ և մարգարէքն ասեն իսկ, եթէ Ոչ գոյ հաստատութիւն 'ի տանջանս նոցա, և 'ի վաստակս մարդկան չեն, և ընդ մարդկան ոչ տանջեսցին . և միւսն, եթէ Փողովք և թմբկօք խաղայցեն առաջի նոցա մանկտի . որ մեծի և յոյժ իմն ուրախութեան նշանակէ . և դարձեալ, եթէ Ճանսպարհ ամբարշտաց յաջո-

դեպ է: Իսկ սա զիմորդ ասիցէ, եթէ « Ոչ գոյ ուրախութիւն ամբարշտաց »: Իսկ այլքն ասեն, եթէ Ոչ գոյ խաղաղութիւն. զի ուրախութիւն թերևս լինիցի երբեք: Եւ եբրայեցին Սաղմոս՝ ասէ՜¹. Ամար Ադոնիսի զարստիմ. այսինքն՝ Զիք խաղաղութիւն ամբարշտաց²: Եւ յայտ է՝ եթէ զճշմարիտ ուրախութիւնն, զանվախճանականն, զանթառամականն՝ ոչ ունիցին. զի որպէս Աստուած անվախճան է, նոյնպէս որ վասն նորա ուրախութիւնն է՝ անեղծ է, միշտ բխէ, միշտ ծաղկի, և ոչ փափ³. յայնպիսի ուրախութենէ անմասն են ամբարիշտք:

Եւ ոչ ասաց եթէ չառնին ուրախ, այլ եթէ ոչ գոյ իսկ ուրախութիւն. զոր օրինակ և յորժամ զաղքատաց որ ասիցէ, եթէ ոչ է հնար նոցա մեծանալ, քան զի չէ ինչ մարմ: Զի մարդիկ՝ որ հանապազ՝ի մեղս կայցեն և խղճիւ չարեացն միշտ յաճ և յերկիր զկայցեն, հանապազ մահուց մահս մեռանին. և մանաւանդ զի չէ պարտ իսկ զայն՝ մահ կոչել, այլ ևս դժբաղակ քան զմահ, Զի մահ՝ լուծումն է չարեացն որ զմեզ կապեալ ունիցին, և զոգիսն լուծանէ՝ ի մարմնոյն շղթայից, զի յորժամ զնա արձակիցէ՝ և զհոգն ընդ նմին փարատէ. իսկ վարք անօրէնք՝ ևս իմն աղէտք գործեն, զի երկայնեն և ևս յաճախագոյն բորբոքեն զցաւն. ի կապանս անձին իւրոյ շաղին իւրաքանչիւր

¹ Յօր. Զկնի սաղմոս բառին տառ մի եղծեալ և ի վերայ եգեալ է, որպէս թուի՝ յօտար գրչէ, բառն ասէ:

² Այս բան չերևի ուրեք ի Սաղմոսին. իսկ եբրայական բնագիր մարգարէութեանն Նսայեայ, ունի այսպէս.

וְאֵין שֵׁשׁ אֶמֶת יְחִידָה וְעֵד

որ է ին կամ Ուն աւելն ամբարշտաց խաղաղութիւն, ասէ Նչովա, ամբարշտաց: - Որպէս տեսանի՝ յօրինակի մերում պակասաւոր է եգեալն Ամար Ադոնիսի տառի, որ է. Ասէ Ադոնիսի ամբարշտաց. եթէ հայ գաղափարողն օրինակիս, որպէս հաւանական թուի, չիցէ շփոթեալ զաւելն ընդ սաղմոս բառի, և եգեալ՝ Նբրայեցին սաղմոս, փոխանակ՝ Նբրայեցին. ին կամ Ուն աւելն: - Փոխանակ իւրեքի եբրայական բնագրին, որ ի հատորսն վալթոնի, օրինակս մեր գնէ Ադոնիսի (եբրայականն יְדֻנָּה, ադոն-), որ է՝ Աստուած-արարիչ, Աստուած-ամենակալ, իբրև հոմանիշ ընդ իւրեք բառի, որ նշանակէ յաւէա՝ Աստուած-որ էն, Աստուած՝ ետթիւն գերաբուն:

³ Յօր. Փիլի:

որ, զի շաղեն ՚ի չար զնացիցն լինի: Ին և այլ ինչ կեանք վշտագինք և առանց մեղաց իսկ. կերակրոցն հոգք, հիւանդութեանց տրտմութիւնք, փնասք, եպարանք, զրպարտութիւնք, նենգութիւնք, տխրութիւնք ժամու և տարածամու, և որ այլ ևս այսպիսիք ինչ իցեն: Իսկ յորժամ մեղքն ևս առնութեւ կայցեն, դժնդակն և անհամբոյր գազանն, չիք ինչ այնուհետև միութարութիւն ՚ի միջի: Տես, զիմարդ շրջէր կային տատանեալ և երեւեալ:

Եւ արդ զանհանարացն ճառել ինչ պարտիցէ, զան յուսիցն որ քան զքարինս, թէպէտ և մարդիկ իցեն, ևս անզգայագոյնք իցեն. որք զմիտսն ունիցին, և չըվայելիցեն ՚ի միտս. քանզի ՚ի խորխորասն չարեաց մղեն ընկենուռն միշտ զանձինս, և համարին եթէ կանգուն կայցեն գլորեալքն, ընկեալ ՚ի մոլորութիւնս: Զայնպիտեացն ասէ. « Բէ գոյ ուրախութիւն ամբարըշտաց »: Եւ արգարե չիք իսկ, այլ ցաւովք և ցակամքք են կեանք նոցա, և եթէ առանձինն ուրեք իցեն, և եթէ զայլ ՚ի պատիժս ինչ տեսանիցեն. այլոց պատժովքն՝ զիւրեանց անձանց աղէտան նկատեալ տեսանեն. զոր օրինակ որք զուղղութեանցն հետ իցեն, յորժամ լրիցեն զքարի ինչ՝ ուրախ լինին: Իսկ նոքա գրոց ունին չկարեն դնել, քանզի ոչ կամին լսել զիւրեանց պատուհասն. զի թէպէտ և յանդիման չտանջիցեն զչարս՝ գիրք, այլ յորժամ այլոց փնասակարաց սպառնան, նոքա իբրեւ լսիցեն՝ զմիտս և զմարմինս ուտեն: Թէպէտ և ոչ յականէ զոք, սակայն հասարակաց սպառնալեօք կսկծեցուցանեն. որպէս և Պաւլոսն ասէր, եթէ Զխաղաղութեան զհետ երթայք և զարուութեան, զի առանց այնր՝ ոչ որ կարէ տեսանել զՏէր: Իսկ փնասակարն յորժամ լրիցէ՝ առնու վէրս և գնայ. քանզի խոցի ՚ի միտսն ՚ի վճիռն առնլոյ. և այն՝ մինչև զգատաւորն տեսեալ, և մինչև ժամանակ ատենին իցէ, ոչ տանջանք ՚ի միջի և ոչ պատիժք. և խեղճ մըտայն՝ զփնասն պահանջէ, յորժամ յարժանն հայեսցի: Եւ դարձեալ միւս ևս որ յորժամ լրիցէ, եթէ Մի խաբիք, ոչ պոռնիկք և ոչ շունք և ոչ իգացեալք և ոչ արուադէտք՝ զարքայութիւնն Ստուծոյ ժառանգել կարեն. և դարձեալ, եթէ Ահագին իմն է դատաս.

տանացն ընդունելու թիւն, և հրոյն նախանձ՝ որ ուտէ զհակառակորդս: Զի յորժամ՝ի գրոց այսպիսի ինչ լսեցն, ուստի լինիցի նոցա մեխթարութեան և սփոփութեան հնարք. յորժամ ցաւոց և տրտմութեանց պատճառք անտի իցեն, իսկ այլ ուստի իցէ ուրախ լինել. յո՞ փախչիցէ, յո՞ ապաստան լինիցի, յորժամ անտի տըրտմիցի և խոցեցի. ՚ի նաւահանգիստ ամենայն բարութեանցն մտեալ՝ ոչ միայն ուրախ չլինիցի, այլ ցաւս և վէրս ևս առնուցու: Երբժամ գիրք ոչ մեխթարեացն զայնպիսին, զի՞նչ ինչ կայցէ՝ որ կարող իցէ նմա մեխթար լինել:

Կամքս զի և ՚ի թատերցն ևս հրապարակատես տալ նիցիմք զայնպիսին, ուր ուրախութեան և ծաղու տեղի է. զի վասն այնր իսկ հնարս իմացեալ է զայն նախնեացն, և զայն ոչ ՚ի բարի ինչ, այլ ՚ի ծուլութիւն առաքինութեանց, և անկարգ վարուց ՚ի պատճառս: Այլ նորա յամառին ասել եթէ ոչ այդպէս, այլ յայն սակս, զի զհանապազորդ տրտմութիւնս՝ որ զմեր միտս հեղձուցանիցեն՝ այնու սփոփիցեմք: Եւ գրեմք իր եթէ այնպիսի ինչ իցէ. և արդ երթեալ այնպիսին կամ երգչացն լսիցէ, կամ թէ որոց զկերպարանսն կերպարանաց նմանեցուցանիցեն: Երբժամ և անդ տեսանիցէ, եթէ որ յընկերին կին մտաբերեցէ՝ գլխապարտ է, և անտի ևս վէրս առեալ երթիցէ ՚ի տուն: Զի թէ պէտ և ոչ որ ՚ի նոցանէ՝ որք ընդ նմա տեսանիցեն զթատրն, իցէ որ իրագէտ չարեաց ինչ՝ որ նորա իցէ գործեալ, սակայն իւր խիղճն հարկանէ զմիտման, և յիշեցուցանէ եթէ ծաղրն՝ որ առնէին զայն՝ զոր ՚ի վերայ ընկերին կնոջն կալան, ոչ ՚ի նա ինչ մերձեցաւ՝ որ այնմ նմանեցաւ, այլ ՚ի սա՝ որոյ զչարիսն գործեալ էր:

Իսկ կամիցիս՝ ուր ուրախութիւնքն ինչ իցեն կամ խաղ մարդկան, ուր հարսանիք և ուայք կաքաւաջն կայցեն, անդոր ձգեսցուք զայնպիսին: Սակայն և անդ ևս չար զոփայցէ և աշխարիցէ, եթէ յորպիսի իրս անօրինեցաւ. զի որ ամենեցուն իշխանութեամբն է և զւրախութեամբ, նա զայն անօրէնութեամբ գործեաց, և գտաւ պատժապարտ: Զի յայլոց բարութիւնս՝ առաւել իմանամք զանձանց վրէպս. յորժամ ՚ի միտ

առնուցու ոմն, եթէ որով իւրք ինքն ձախողեցան, մարթ էր և նմա նովին պատուով և մեծարանգր վայելել, և ոչ ապաքէն ևս չար լայցէ և ապաշաւիցէ: Իսկ այլ ուր կամիցիս տանել զշնացողն. 'ի դատաւութեանս ատեանս, ուր բազումք այնպիսիք կառափին. և անդ՝ ևս չար ոճիրս և աղէտս տեսանիցէ. զի յորժամ զայլ որ ըմբռնեալ 'ի տանջանսն տեսանիցէ, և զիւր անձն 'ի նոյն չարիս յանդգնեալ և ոչ ըմբռնեալ, ևս առաւել զայրանայցեն ցաւքն. զի մինն ընկեաց զհոգսն, քանզի եմուտ այնուհետեւ 'ի տանջանս, և միւսն յերկիւղէ և 'ի կասկածոյ ևս առաւել ուտէ զմիտս: Իսկ յորժամ յեկեղեցի և 'ի թատերոս և 'ի հարսանիս և յուրախութիւն տանիցեմք զմեղաւորն, և մերթարութիւն ինչ ոչ գտանիցէ, զի գործիցեմք: Զոր օրինակ զհիւանդ որ չարախոս, տհաճ, յորժամ առ աղբիւր ջուրց տանիցիմք, կամ 'ի գետս կամ 'ի ճախիձն, յայնժամ ևս աւելի պրեցին 'ի փոր, զի ունին զխտն 'ի փորի. իսկ եթէ 'ի մահու ևս ասիցես՝ յորժամ մեռանիցեն, անդ ևս աղէտք և անհնարին չարիք: Երբժամ 'ի հարսանեացն արտաքս ելանիցեն, 'ի տանջանս մատնեսցին, 'ի պատիժս հրամայեսցին. իսկ արդ, անդ ոչ ևս կարևոր ցաւք իցեն և անհնարին արհաւիրք և երկիւղք:

« Ոչ գոյ ուրախութիւն ամպարշտաց, ասէ Տէր »: Երբժամ Աստուած ասիցէ, մի ինչ այնուհետեւ թերահաւատ լինիցիս. ետ վճիռ եթէ ոչ գոյ ուրախութիւն, և մի այլ ինչ աւելի ակն ունիցիս քան զայն: Երբժամ տեսանիցես զայլ որ 'ի տապ ջերման գոլացեալք, և կայցեն առաջի տաշտք և բաժակք պէսպէս ըմպելեաց, կամ ցուրտ ջրով լի, և սեղան ինչ ամենալից՝ յօրինեալ առաջի պէսպէս կերակրովք և համադամ խորտկօք, ընդ բարեկեցիկս ինչ համարեցիս զխտացեալսն. այլ ես ոչինչ համարիմ զձնկացեալն 'ի բարեացն, թէպէտ և ճաշակիցէ իսկ 'ի խորտկացն, յայնժամ աւելի տանջեսցին, զի տապոյ ջերմանս տայ զկերակուրն. նոյնպէս և դու յորժամ տեսանիցես զմեղաւոր որ երկապաշտիւք մեծարեալ, սպասաւորօք պատուեալ որ աստի անտի անցանիցեն, և զողջմն և եթ խօսեսցին, 'ի սեղանս բազմախորտիկս վայելեալս, ազգի

ազգի եւղօք անուշացեալս, պէսպէս պաճուճանօք պա-
 ճուճեալս, մի ինչ երանի տայցես, այլ սգասլիւր, լացջիւր
 և յոգւոց հանիջիւր. զի այն ոչ այլ ինչ է, այլ հրոյն՝
 որ ՚ի մեղացն բորբոքեալ իցէ՝ կերակուրն. զի ևս քան
 զևս զցաւսն աճեցուցանէ, և ծանրութիւն և տաղ-
 տուկ օր ըստ օրէ ոգւոցն հասուցանէ, քանզի այն և եթ-
 պարարէ մեծութիւնն: Եւ որպէս յաճախութիւն կե-
 րակրոցն ոչ միայն զհիւանդաց, այլ և զողջոց մարմինս
 ապականէ, նոյնպէս և ՚ի բազում մեծութիւնն ոչ
 միայն ապականել ոգւոցն, այլ և այնոցիկ՝ որոց կար-
 ծիցին եթէ առողջը իցեն՝ ցաւոց պատճառք է և
 յաւելուած հարուածոց: Որպէս յայնժամ իմն աւելի
 չիք նոցա ուրախութիւն, յորժամ ՚ի մեղսն ուրախ
 լինիցին. զի տրամութիւն ինչ դեղ և սպեղանի է այն-
 պիտի ցաւոց, և մանաւանդ յորժամ վասն Աստուծոյ
 իցէ տրամութիւնն. իսկ ուրախութիւնն և խնդու-
 թիւնն՝ յաւելուած ցաւոցն: Եւ մի ինչ զայն ուրա-
 խութիւն համարեացիս՝ որ արտասուացն պատճառք է,
 որք ընդ ցաւսն ուրախ լինիցին, և ընդ ողջութիւնն ոչ
 բերկրեացին: Եւ արդ տես, որչափ ինչ գանձիցեն ան-
 ձանց զհօրն. որչափ ինչ՝ փօքք բան մարգարէու-
 թեանն՝ ունէր զօրութիւն բազում: Եւ եթէ կամիս՝
 մի ինչ հարևանցի անցցուք. յորժամ տեսանիցես զգլ-
 խաւորս քաղաքաց մարմնագեղս, անդամայաղթս զը-
 ւարձացեալ ՚ի ծերութիւն պարարտութեան, յորդիս,
 ՚ի թոռունս բերկրեալս, խրախճանս, ուրախալիցս,
 անհոգս, առանց տրամութեան, երջանիկս, երանելիս
 յամենայնի, յայնժամ աւելի համարեսլիւր զնոսա լա-
 լոյ և արտասուաց. արժանի. զի զոգիմն ՚ի ներքս՝ մե-
 ղաց հրոյն բորբոքեն: Քանզի մեղքն՝ բարութեամբքն
 իմն սովոր են աճել և ցաւովք և վշտօք խարխել: Իսկ
 յորժամ մեղաւոր դը իցէ, և ՚ի դիւրութեան և ՚ի հեշ-
 տական կեանս՝ յաւելուած ևս ցաւոցն լինի գիւրու-
 թիւնն: Եւ գիտեմք զբազումս՝ որ քան զանասունս
 կէս անխօսագոյնք իցեն, այսպիսի իմն կենաց ցան-
 կան, եթէ կամէի զնոյն կեանս կեալ, և զնոյն ախտ
 ախտանալ. և այն ևս իմն աւելի դժնդակագոյն է, զի
 և զքան իսկ ոչ ցաւոցն:

ԳԼՈՒԽ ԻԹ

« Լուարուք ինձ կզգիք, հայեցարուք հեթանոսք » : Ակիւղաս ասէ՝ Ազգք . Թէովգիտովն՝ Ժողովուրդք : « Բազում ժամանակաց յարիցէ, ասէ Տէր » : Ակիւղաս՝ Հեռաստանէ . Թէովգիտովն՝ Ի բացուստ : Ի կզգեաց իմն միշտ կոչէ . նա և զհեթանոսս իսկ հրաւիրէ իբրեւ նշան ինչ զանազայականսն՝ զգայնոյն . իբրու թէ նոքա իմա . նայցեն զիրան գործեալս, և զմեծութիւնն Աստուծոյ : « Ի բազում ժամանակաց յարիցէ, ասէ Տէր » : Զծով և զցամաք կոչէ հանդերձելոցն իրաց՝ ի վկայութիւն, օրինակաւ՝ որ ինչ ի դարձին կատարէր, և ճմարտութեամբ՝ որ ինչ ի նորումն :

« Յորովայնէ մօր իմոյ կոչեաց զանուն իմ » : Իսկ այլքն փոխանակ կոչելոյն՝ յիշեաց, ասեն . բայց ըստ Եւթանասնիցն՝ որք ասացին թէ Յորովայնէ մօր իմոյ կոչեաց զանուն իմ, յայն միտս պարտ է մեկնել, եթէ Հոգի Տեառն եկեացէ ՚ի վերայ քո, և զօրութիւն Բարձրելոյն հովանի լիցի ՚ի վերայ քո . քանզի և որ ծնանելոցն իցէ՝ սուրբ կոչեսցի Որդին Աստուծոյ : Իբրեւ ոչ եթէ յայնմ հետէ սուրբ կոչեսցի, որ ՚ի բնէ սուրբ և օրբիչ էր ամենայնի, այլ զի յայնմ հետէ յայտնեսցի սուրբն : Եւ դարձեալ, եթէ Ահաւադիկ կոյս յղացի և ծնցի որդի, և կոչեսցեն զանուն նորա Յիսուս, այսինքն՝ փրկիչ . զի որպէս փրկին՝ ի սկզբանէ և յաւիտենից էր . և ասէ թէ կոչեսցի փրկիչ, զի յայտնեսցի որ փրկելոցն իցէ . որպէս և յառաջն ասէ, եթէ ոչ հրեշտակ զք և ոչ հոգի, այլ ինքնին Տէրն էջ և փրկեաց զնոսա, ըստ նմին օրինակի իմանալի և զսուրբն անուն : Եւ բարւոք իսկ եղ զՅորովայնէն մօր իմոյ . զի յայնմ հետէ յայտնեցաւ հաւաստեալ սուրբն և փրկիչն :

« Եղ զբերան իմ իբրեւ զսուսեր պողովատիկ » : Որով զամենայն իսկ զցաւս և զհիւանդութիւնս կտրէր,

որով զամենայն խափանիչն պատահէր, որով զիււայն
 և այսոցն ահագինս բարբառէր: « Եւ ընդ հովանեաւ
 ձեռին թագոյց զիս »: Զայս շխարայելէ պարտ է ի-
 մանալ. և չեն ինչ զարմանք. զի որպէս յանունն Յա-
 կովմայ և Խարայելի՝ զՈրդւոյ ճառէ, նոյնպէս և յոր-
 ժամ վասն Որդւոյ ինչ ճառիցէ, յարէ՝ ի նոյն և վասն
 ժողովրդեանն փրկութեան: Նա և յերկուս իսկ դէմն
 կայ մարգարէութիւնն, և՛ ի մարգարէն և ի ժողո-
 վուրդն. զի սուսեր պողովատիկ՝ կամ բերան մարգա-
 րէին է, կամ բերան ժողովրդեանն. զի այնպէս իբրեւ
 սուր սուսերաւ վճարէին աղօթիւք զամենայն ինչ: Զի
 չիք ինչ զօրագոյն քան զբերան մարգոյ, զոր օրինակ
 և ոչ տկարագոյն ինչ քան զնոյն բերան. զերկինս փա-
 կեաց, և սքանչելիս մեծամեծս կատարեաց և ի
 հնուսն և ի նորումս. զի միայն բարբառէին մարգա-
 րէքն, և արարածք հնազանդէին. և միայն բարբա-
 ռոյն առնէին զգեւս հալածականս՝ Առաքեալքն: Բե-
 րան զմեղաւորս կեցոյց, և զարդարութիւն արդա-
 րոյն կատարեաց:

« Ընդ հովանեաւ ձեռին իւրոյ ծածկեաց զիս »:
 Զգաւշութիւնն ասէ: « Եգ զիս իբրեւ զնետ մի ընտիր »:
 Զամրութիւնն՝ որում ոչ ոք կարիցէ գամ ինչ գտանել:
 « Եւ ի կապարձս իւր թագոյց զիս »: Նոյն միտք են:
 « Եւ ասէ ցիս. Ժառայ իմ ես Խարայել, և ի քեզ փա-
 ռաւորեցայց »: Ոչ սակաւ ինչ պատիւ է, և ոչ փոքր
 ինչ մեծարանք՝ յորժամ Աստուած ի մարդ փառաւո-
 րեսցի: « Եւ ասեմ. զուր ուրեմն տառապէի, ընդու-
 նայն վաստակէի, տարապարտուց ետու զզօրութիւն
 իմ »: Փոխանակ ընդ տալոյն, այլքն՝ կատարեսցի, ա-
 սեն, Ժախեցցի, միանգամայն սպառեսցի: Տեսանեն,
 որպիսի բանիւք մատուցանէ նուէրս Խարայել Աստու-
 ծոյ. զի ոչ ինչ գոյր աւելի քան զայս. գիտէր եթէ
 այսպիսի բանիւք առաւել ուրախ առնի Աստուած,
 վասն այսորիկ ասէ. « Իրաւունք ինձ ի Տեառնէ են,
 և վաստակք իմ առաջի Աստուծոյ իմոյ »: Իսկ այլքն՝
 Իրաւունս և արդարութիւն, ասեն. այսինքն թէ վրէժ-
 լանդրութիւն ինձ ի Տեառնէ եղև, և վաստակք իմ
 առաջի Աստուծոյ իմոյ. նմա, ասէ, գործեմ, նմա վաս-
 տակիմ:

« Եւ այսպէս ասէ Տէր, որ ստեղծն զիս յարգանդէ՝
Ծառայ իմ »: Որպէս ասիցէ որ, եթէ նորա սեպհա-
կան եմ: « Եւ ժողովել զՅակովբ առ ինքն »: Սիմաբոս՝
Դարձուցանել, ասէ: « Եւ իսրայէլ առ նա ժողովեա-
ցի. և փառաւորեցայց առաջի Տեառն »: Ոչ 'ի տեղիս
ինչ ուրեք, այլ վարուք և կարգօք պարտ իսկ է ժողո-
վել առ Աստուած. և այլազգ ինչ չէ մարթ հասանել
առ նա, եթէ ոչ ուղիղ ինչ կարգօք: « Փառաւորե-
ցայց առաջի Տեառն »: Մեծ առաքինութիւն է՝ յոր-
ժամ առաջի Աստուծոյ որ փառաւորեսցի. յորժամ
առաջի թագաւորի ուրուք՝ այր զինաւոր կազմ՝ ի սպա-
սու գտանիցի, առաքինի 'ի պատերազմունս, փառա-
ւոր քան զբազումս երեւի. նոյնպէս և Աստուծոյ առա-
ջի՝ Աստուծոյ առաքինիքն:

« Եւ Աստուած իմ լիցի ինձ զօրութիւն »: Ակիւ-
ղաս՝ Հաստատութիւն, ասէ: Զի մի որ համարեսցի եթէ
նորա ինչ են ուղղութիւնքն, ասէ՝ թէ Աստուած իմ
եղև ինձ զօրութիւն: « Եւ ասէ ցիս. մեծ է քեզ կու-
չելդ մանուկ իմ »: Իսկ այլքն՝ Մառայ իմ, ասեն: Եւ
ընդէր ասիցէ զայս. և ո՞ւր չիցէ յայտ, եթէ չիք ինչ
այսմ զուգական. Մովսէս, ասէ, Ծառայ իմ վախճա-
նեցաւ: Եւ եթէ Ծառայ կոչել մեծ իցէ, որպիսի
պատժոց արժանի իցեմք. զի որդիք իսկ անուանեցաք,
և ապախտաւորք գտանիմք. զի թէ հրեշտակապետ
որ կոչեսցի, մեծ քան զայն է անունս և աւելի պա-
տիւս. զի ոչ կարեն բանք՝ բովանդակել զայնպիսի
պատիւ, այլ որպէս Տէրն անձառ և անպատումն, նոյն-
պէս և Ծառայութիւնն՝ որ նմա իցէ:

« Ահաւադիկ եդի զքեզ յուխտ ազգին և 'ի լոյս
հեթանոսաց, լինել 'ի փրկութիւն մինչև 'ի ծագս եր-
կրի »: Զայս և 'ի Քրիստոս առին Առաքեալքն. քանզի
ճշմարտութեամբ ոչ երբեք յիսրայէլ կատարեցաւ, զի
ոչ երբեք եղև փրկութիւն յիսրայէլ՝ մինչ 'ի ծագս եր-
կրի: Զի թէպէտ և 'ի դէմն նոցա ասացաւ, այլ աստ
եւ 'ի գլուխ: զի Քրիստոս եղև յուխտ ազգաց մարդ-
կան, և 'ի լոյս հեթանոսաց՝ որ 'ի խաւարին շրջէր:

« Այսպէս ասէ Տէր, որ փրկեացն զքեզ՝ Աստուած
իսրայելի. սրբեցէք զայն՝ որ խոտէն զանձն իւր, որ
անգոմնին 'ի հեթանոսաց 'ի Ծառայիցն իշխանաց »:

Փոխանակ այնր՝ եթէ սրբեցէք, և ՚ի նորին յաջորդաց,
Ակիւղաս և այլքն՝ այլազգ տան զկարգն. ասեն. Այս
պէս ասէ Տէր, մերձաւորն Խարայելի՝ սուրբն նորա,
ցարհամարհեալն յանձնէ, ցխտեալն ազգաց՝ ծառայն
իշխանաց, Սիմաքոս ասէ. Այսպէս ասէ Տէր, որ փըր-
կեացն զԽարայել՝ սուրբն նորա, ցանգոսնեալն յանձնէ,
ցաղարտեալն յազգաց, ցծառայն իշխանաց: Թէոդո-
տովն նոյնպէս՝ որպէս Ակիւղասն ասէ. Բայց զմինն և եթ-
փոխեաց, թէ որ անգոսնեալն. քանզի նա ասէ. Յիտ-
տեալն՝ որ աղարտէն զինքն: Եւ արգ, միտ դիր փոփոխ-
մանն. յիշեցուցանէ նոցա զառաջին խոնարհութիւնն
և զնուազութիւնն, զի մի յորժամ յԱստուծոյ երախ-
տիմն վայելեսցեն՝ մոռացօնս առնիցեն. քանզի սովոր
են պարգևք բարութեանց՝ ածել զմեզ ՚ի մոռացօնս,
զի մի յիշեսցեմք՝ թէ իմնեղեաց, կամ իմարար զդիւ-
բութիւնն: Ընդ սմին և զգօրութիւնն Աստուծոյ յայտ
առնէ, եթէ այնչափ յարգեաց, մեծացոյց զանգոս-
նեալն, զխտեալն, զվատթարեալն, զի և « Թագա-
ւորքն անգամ տեսանիցեն և յոտն կացցեն, իշխանքն
երկիր պագանիցեն »: Տեսանէս զառաջագոյն նկա-
րեալ զսքանչելիս նորոյս. զի որպէս զնա հնազանդեալ
ունէին ընդ իւրեամբք Բաբելացիքն, նոյնպէս և զա-
մենայն բնութիւն մարդկան՝ դէք. զի ՚ի մոլորութիւնս
կործանեալ տիրէին նոցա: Բայց տես, զխարդ երկիր
պագանեն. « Վասն Տեառն », ասէ: Ակիւղաս և Սի-
մաքոս՝ Յաղագս Տեառն, ասեն: Զի մի անձին ինչ
համարեսցիս զուղղութիւնսն, այլ Տեառն, որ հաւա-
տարիմ և ճմարիտ արար՝ զոր ինչ խոստացան. զի և
ասէ իսկ, եթէ « Հաւատարիմ է սուրբն Խորայելի,
և ընտրեաց զքեզ »:

« Այսպէս ասէ Տէր. ՚ի ժամանակի ընդունելու-
թեան լուայ քեզ »: Ակիւղաս և Սիմաքոս, ի ժամա-
նակի հաճութեան, ասեն. որպէս և Դաւիթն ասէ,
եթէ Ժամանակ հաճութեան Աստուծ է: « Եւ յաւուր
փրկութեան օգնեցի քեզ »: Զմինչ խօսիսդ. զի թէ ժա-
մանակ ինչ ՚ի դէպ չիցէ, ոչ օգնիցէ. և ոչ ուրեք. այլ
նախ վասն յապաղելոյն իրաւունս տայ թէ վասն էր
իրիք յամեաց: Զոր օրինակ բժիշկ մի, որ ցաւածի օգ-
նել կամիցի, տեւէ բաւէ և ժամանակին մնայ. բժիշկն

կարօտ է ժամանակին, իսկ Աստուած ոչ եթէ ժամանակի ինչ կարօտ իցէ. զի զառաջինն ինքն մատակարարեաց, և չորջեւ զնոյն՝ ինքն կարող է. զի կրկին լիցի ուղղութիւն, զի օգնիցէ, և ՚ի գէպ ժամու օգնիցէ: Զի եթէ յառաջագոյն օգնեալ էր՝ ոչ ինչ աւելի օգուտ գործէր. այլ յորժամ ՚ի դէպ էր օգնել, յայնժամ օգնեաց, զի յայտ լիցի եթէ և ՚ի ձեռացն թողուլ՝ ըստ նորա տեսչութեանն եղև: Եւ ընդէր այն ժամանակն և եթ ընդունեի իցէ. այլ որպէս և Պաւղոսն ասէ, թէ Ահա ասիկ ժամանակ ընդունելի: Քանզի է ժամանակի ՚ի դէպ, և եթէ կորուսանիցեմք զդէպ ժամանակն, ոչ ևս այլ լինի մեզ ՚ի դէպս առաքելութեան. որպիսի ինչ որպէս կուսանք կորուսին զժամանակն, և մեծատունն՝ որ զՂազարն անտես առնէր, և յետոյ խնդրէին ժամանակ ՚ի դէպ, և ոչ գտանէին: Որպէս զի ժամանակ ընդունելութեան յայնժամ է՝ մինչ յաշխարհիս իցեմք, իսկ յորժամ ելանիցեմք աստի, ոչ ևս կարիցեմք յառաջնոյն ինչ ստանալ, և ոչ զպարտագն ապաշխարութեան ժողովել: Քանզի մարտիկ զթէ մինչդեռ տեսողքն նստիցին՝ ՚ի պարտութիւն մասնիցի, յորժամ տեսողացն զրաւ լինիցի, ոչ ևս կարէ զպարտութիւնն ՚ի յաղթութիւն ածել. զի մինչդեռ տեսողքն նստիցին, և յօրինիչ մարտին մօտ իցէ, ամենայն իմիք հնար է, և յաղթելոյ և պարտութեան: Իսկ յորժամ նկատեալ ժամանակն ՚ի գլուխ ելանիցեն, այնուհետեւ թէ և աշխատիցի ևս, ընդ զուր և ընդ վայր են ճգունքն:

« Եւ ստեղծի զքեզ, ետու զքեզ յուխտ հեթանոսաց »: Ահիւղաս և Սիմաքոս փոխանակ ստեղծանելոյն, Պահեցի զքեզ, ասեն: « Հաստատել զերկիր և ժառանգել զժառանգութիւն անապատի »: Ահիւղաս և Սիմաքոս, Տալ ՚ի ժառանգութիւն զապականեալ ժառանգութիւնն: Զայս և ՚ի Քրիստոսի վերայ մարթէ առնուլ ըստ մարմնաւորութեանն, որ ասէր ՚ի գէմն մարդկան, թէ Աստուած, Աստուած իմ, ընդէր թողեր զիս:

« Ի ժամանակի ընդունելութեան լուայ քեզ, և յաւուր փրկութեան օգնեցի քեզ, և ետու զքեզ յուխտ հեթանոսաց »: Տեսանմա, զի ՚ի հեթանոսս

միշտ կարապետին մարգարէքն դառնալ Քրիստոսի հաստատել զերկիր: Քանզի անհնարին շփոթու-
 թեամբ ամբօխեալ էր երկիր յառաջ քան զգալուստն: զի ոչ այնպէս տգեղ և անվայելուչ էր՝ մինչդեռ սիկն
 և կաւ և ջրոցն բազմութիւն ունէր զարարն երկրի, որպէս մեղացն և անօրէնութեանցն խռովութիւնք և
 ամբօխք՝ շփոթեցին եղծին զյօրինեալ կարգան: Քան
 զի միշտ մարտք, հանապազ պատերազմանք, խռովու-
 թիւնք, արիւնք հարազատաց, գոյժ և աղաղակ, լա-
 լիւն, ողբումն և աշխարանք: չկայր՝ի հաստատութեան
 երկիր: Այլ Աստուած՝ նոր եկն հաստատեաց զնա-
 իբրև զքաղաք մի խռովեալ և ամբօխեալ՝ ած՝ի խա-
 զաղութիւն: Եւ այն իսկ են զարմանք, զի ոչ զխու-
 վիւնն եհան և զայլ բնակեցոյց, այլ զնոսին դարձոյց
 յօղորութիւնս: Զի հաղարապետք յորժամ տեսանի-
 ցեն զծառայս տերանց իւրեանց՝ի ստահակութեան,
 զնոսահալածեն, և զայլ՝ի տեղի արկանեն: Իսկ Աս-
 տուած կամեցաւ զիւր մարդասիրութիւնն ցուցանել:
 զնոսին իսկ որ ի ծուլութիւնն էին՝ ած յառաքինու-
 թիւն: զի ոչ զպիտանի զոք, այլ զանյօյսս՝ որոց ոչ ակն
 ինչ կայր՝ արար վարդապետս, որպէս զՊաւղոսն՝ որ
 հայհոյէ էր և թշնամանիչ և հալածիչ: որ ասէր: Զի
 նախ յիս ցուցցէ զառաւելութիւն մեծութեան քաղ-
 ցութեան իւրոյ, յօրինակ այնոցիկ՝ որ հաւատալօցն
 իցեն՝ի նա ի կեանսն յաւիտենից: և զՄատթէոս զմա-
 քսաւորն, զաւազակն՝ զկախարդն և զպիւղծն, որ և ի
 խաչին՝ հնարս կարաց հնարել առ Քրիստոս, և ըզ-
 մոգան: Եւ քանզի խրատ վարդապետութեանն ոչ ինչ
 կարաց օգնել, ոչ երկիւղ գեհնին, ոչ հրոյն սպառ-
 նալիք, ոչ տանջանացն հրաւերք, վասն այնորիկ զայն
 եւթ օտէպ ասէր, եւթ Ոչ եկի կոչել զարդարս, այլ
 զմեղաւորս յոսպաշխարութիւն: և Ոչ եկի զի դատե-
 ցից զաշխարհ, այլ զի կեցուցից: Վասն էր փախիւք,
 ընդէր սրանայք: միւթէ պատիժս եկի պահանջել,
 միւթէ ծանր ինչ իցէ քարոզութիւնդ, միւթէ տաղտ-
 կալի ինչ է գալուստս: ո՛վ որ փախիցէ՝ի բժշկէ: միւթէ
 դէղքն ինչ դաժանք իցեն: ոչ ասացի, եւթ լացէք
 միայն, աշխարեցէք¹ և կոծեցարուք: եւթ միայն Ե-

1 Յօր. Լուգի 4 և Լուգի 4:

կոյք առ իս, և գտնիք հանգիստ. և զ՞նչ դանդաղանք իցեն գալի առ իս: Իսկ իբրև եթես եթէ ոչ կամին գալ, շրջէր ընդ քաղաքս, ընդ գեւղս, քարոզէր և ասէր՝ ապաշխարեցէք. իսկ նոքա՛ի հեռ և նախանձ և ՚ի չարագործութիւնս մտաբերէին: Ո՛վ որ ընդ իւր բարին ինչ նախանձեսցի, Եւ արդ տեսցուք եթէ մէջոյովագոյն զարմատս այնպիսի ախտիցն կոտորեաց. միթէ չբժշկեամց զբոբոտն և առաքեաց առ քահանայն՝ առ քննիչ բժշկութեանն: Ո՛չ ապաքէն ըստ օրինացն Մովսեսի ժողովել և ոչ ցրուել. միթէ ընդ անգ քահանայութեանդ եկի, և կամ ձերո՞ւմ իշխանութեան ինչ ցանկացայ. միթէ չմատուցի պատարագս ըստ օրինաց. միթէ չմտի՞ ընդ հնազանդութեամբ, որ տէրս և տաւիշս էի օրինաց. ի՞նչ իւրիք ձաղ ինչ կամ ձուներս արարի զձեզ. միթէ փութացայ երբեք արկանել զձեզ՝ի փառացն ձերոց, և ո՞չ առաւել հաստատել՝ի փառս. մէջ ապաքէն վերիպելոյն առ ՚ի ձէնջ պատուիրեցի, թէ Զամենայն զոր ինչ ասիցեն ձեզ՝ արարէք, բայց ըստ գործոց նոցա մի գործիցէք: Զի թէ ըստ գործոց գործէին, ապա և լսէին իսկ ոչ բանիցն ձերոց. միթէ յԱստուծոյ ինչ վրիպեցուցի. ոչ զամենայն ինչ Աստուծոյ նուիրեցի. ոչ որումն բժշկեցաւն ՚ի լիգեւսէն, ասացի թէ՛ Փառաւորէ՛ զԱստուած. և միւսումն, եթէ Ե՛րթ առ քահանայն, և մատո՛ պատարագս փոխանակ փրկութեանց:

«Եւ ժառանգեսցեն զժառանգութիւն անապատի»: Եւ այս այնպիսեացն է, որ հաստատութեամբ ունիցին զժառանգութիւն և տիրեսցեն. ըստ այնմ, եթէ Տէրեցես ՚ի մէջ թշնամեաց քոց, իսկ այլազգ ևս. անապատ զմարդկեղէն բնութիւնս կոչէ. քանզի արդարև անապատ էր՝ որ ոչ տայր պտուղ. ոչ եթէ յերկրի ինչ արմտեաց, այլ յողմոց պտուղ. բայց եկն Տէրն, արաք պտղաբերս:

«Հրաման տալ ելանել կապելոց, յայտնել այնոցիկ՝ որք նստէին ՚ի խաւարի և ՚ի ստուերս մահու»: Տեսաւ նե՛ս, զի և զկերպարանս հաստատութեանն ասէ, եթէ ոչ մարդկեղէն ինչ, այլ աստուածական և անմահական և երանելի և սքանչելի բնութեանն. որ ոչ վաստակօքն ինչ կամ աշխատութեամբ, այլ միայն հրա-

մանաւ բաւական եղև հանել զկապեալս՝ի կապանաց մեղաց, և յայտնել զայնոսիկ՝ որ՝ի խաւարի մոլորու թեմանն նստէին: Քանզի և ասէր իսկ. Քաջալերեաց, որդեակ, թողեալ լիցին մեղք քո. և ց՛ղազար, թէ Արի, ե՛կ արտաքս. թէպէտ և՛ի բանտի և՛ի խաւարի իցեն, որք ՛ի մարդկան սաստից արգելեալ իցեն, այլ ոչ այնպիսի խաւար է և սաստիկ կապանք, որպէս որք ՛ի մեղացն կապեալ իցեն. զի նոքա ՛ի հարկէ կապեալ են, և սոքա ՛ի կամաց. նոցա մարթ է զի երբեք և լուծանիցին, իսկ մեղաւորացն չէ հնար թէ լուծանիցին, այլ զի նոյնպէս մատնեսցին ՛ի հուր. զորս և գեհենն իսկ չկարիցէ լուծանել, եթէ աստի անդր կապեալք երթիցեն. զի եթէ լուծանելոց էին, ապա ոչ անմահ լինէին տանջանքն և ոչ անվախճան պատիժքն:

« Բամենայն ճանապարհս արածեսցին, և ընդ ամենայն շաւիղս ճարակք նոցա »: Իսկ այլքն՝ ի դաշտս, ՛ի հարթս. այսինքն՝ եթէ ամենայն կեանք նոցա պատշաճականք լինիցին. ամենայն ուրեք գտանիցեն կերակուրս, զի զամենայն տիեզերս ընդարձակեցից նոցա, թէպէտ ՛ի ծառայութիւն կամ յաղքատութիւն կամ ՛ի ցաւս կամ ՛ի յայլ ինչ լլկանս մատնիցին, սակայն ժուժկալք լինիցին: « Մի քաղցիցեն և մի ծարաւիցեն, և մի խորշակահար լինիցին »: Ակիւղաս ասէ. Մի հարցէ զնոսա խորշակ և մի արև: Ոմանք զայս զհանդերձելոցն ասեն. բայց ինձ թուի թէ զմտաւորացս իսկ ասիցէ. զի թէ այլն ամենայն ինչ ոչ փնասիցէ, որչափ ևս առաւել և ոչ խորշակն: Զգեաց ամպ և այժմ Սրտուած, մանաւանդ եթէ առաւել ևս քան զամպ, զի զմիութարութիւն Հոգւոյն շնորհեաց մեղ և զամենայն պարգևս, զի մի ինչ քամագիտ լինիցի ցանկութիւնն այրելի իւրեանց խորշակին տապով:

« Այլ որ ողորմելոցն իցէ՝ միութարեսցէ զնոսա »: Ակիւղաս ասէ. Զի որ գթալոցն իցէ՝ ողորմեսցի նոցա: Սիմաքոս ասէ, թէ Առաջնորդեսցէ. Թէողիտոյն, եթէ Ածցէ զնոսա: Տեսանեն, զի մարդասիրութեանն է միութարութիւնն: « Եւ ընդ աղբերականս առաջնորդեսցէ նոցա »: Ակիւղաս ասէ. Վարեսցէ. Սիմաքոս, թէ Առաջնորդեսցէ: « Եւ արարից զամենայն

լերինս 'ի ճանապարհ, և ընդ ամենայն շաւիղս արօտք նոցա» : Ակիւղաս և Թէոդոտովն ասեն. Եւ անխոյ լինիցին շաւիղք իմ : Սիմաբոս. Եւ եղադք իմ բարձրասցին. այսինքն է՝ ամենայն կեանք նոցա :

« Եւ իբրև զճանապարհ հարթեալ՝ դիւրեալ լինիցին : Ահաւասիկ ոմանք եկեացեն 'ի հեռաստանէ, ոմանք 'ի հիւսիսոյ և 'ի ծովէ, և ոմանք յերկրէն Պարսից » : Իսկ այլքն և եբրայեցին՝ Սինիմ, ասեն ¹ : « Ուրախ լերուք երկինք » : Ակիւղաս ասէ. Օրհնեցէք. այլքն ասեն, Թէ ցնծացէք. Թէոդոտովն և Սիմաբոս, Թէ Ուրախ լեր : « Եւ ցնծացէ երկիր, զի ողորմեցաւ Աստուած ժողովրդեան իւրում » : Ակիւղաս և Թէոդոտովն ասեն. Զի միտարեաց. Սիմաբոս ասէ. Զի օփոխեաց : « Եւ զխոնարհս ժողովրդեան իւրոյ միտարեաց » : Այլքն ասեն. Գլծացաւ. Տեսանեն, որպիսեանց է միտարուծ իւնն. ոչ հպարտացելոց և ոչ ամպարհաւաճից, այլ խոնարհաց, զի նոքա իսկ ընդունին զբանն Աստուծոյ, և ոչ հպարտացեալքն :

« Բայց Սիովն ասաց. բա, Թող զիս Տէր, և մոռացաւ զիս Աստուած : Միթէ մոռացի կին զմանուկ իւր, և կամ ոչ գլծասցի 'ի ծնունդ որովայնի իւրոյ. և եթէ մոռացի զայս կին, սակայն ես ոչ մոռացայց զքեզ, ասէ Տէր » : Տեսանեն, զի ըստ բնութեան գութն և ըստ ծնողաց խնամն անցանէ Աստուծոյ մարդասիրութիւնն :

« Ահաւասիկ 'ի վերայ ձեռաց իմոց նկարեցից զպարիսպս քո » : Ակիւղաս ասէ. Ահաւասիկ 'ի վերայ ասփոց իմոց հաստատեցի զքեզ, և պարիսպք քո առաջի իմեն հանապազ : Սիմաբոս, Թէ ի վերայ ձեռաց իմոց նըշ-

1 Եբրայեցին ԸՄԾ Ինիմ : Բառս այս մի անգամ և եթ հանգիպեալ աստանոր 'ի Ս. Գրիս ընդ ԻՂՃ երէց (որ է երկիր կամ դաւաւ) բառի, նշանակէ սովորաբար աշխարհ իմն կարի բացակայ. այլ Թէ որ իցէ այս աշխարհ՝ գեռ ևս անմիաբան են մեկնիչք, ոմանց իմանալով զՊեղուսիս և զԵգիպտոս, և այլոց զՊարսկաստան՝ ըստ տուրութեան Եթիւստանից, զոր Ս. Հերոնիմոս երիբ հարայ թարգմանէ : Այլ առ գիտունն Ժամանակիս առաւել հաւանական թուին կարծիքն այն՝ զոր հալաւ նախ Արիաս Մոնտանոս, և զկնի նորա Յուդիոս, Մէօլէր և Լանկէ, ստուգաբանելով զԻնիմ՝ զաշխարհն Սինէացոց լինել. զորմէ տես 'ի Լանկէ. Հեթոպոսթիտէ օտիւտէ. Հառ. Բ. էջ 406 և որ չկնի. և 'ի Մինեք. Բառգիրք Ս. Գրոյ. Հառ. Դ. էջ 585 և 883 :

մարեցի զքեզ, և պարիսպք քո միշտ յանդիման կան ինձ: Թէ որդիտողն, թէ ի վերայ ձեռաց իմոց նկարեցից զքեզ, և առաջի իմ ես դու հանապազ: Զգուշութիւնն յայտ առնիցէ՝ եթէ անտի է, և չիք որ որ կարիցէ դամադիր լինել: Ըստ այնմ, եթէ Ոչ որ յափրշտակեսցէ զնոսա՝ ի ձեռաց Հօր իմոյ. և այլուր. եթէ լինիցի Յղբոնիայ կնիք՝ ի ձեռին իմոմ, սակայն անտի իջուցից և մատնեցից զնա:

« Եւ արագ շինեսցիր դու ի ձեռաց այնոցիկ՝ որք քակեցին զքեզ »: Ակիւղաս ասէ. Շինողքն քո յայնցանէ լիցին՝ որ քակեցին զքեզ, Թէ որդիտողն ասէ. Կանխեսցեն շինողքն՝ որ քակեցին զքեզ: Սիմաբոս ասէ. Կանխեսցեն որդիքն քո՝ որ քակեցին զքեզ: Եւ արդ կանխել ինչ է յետ այնչափ ժամանակաց. այո՛, ասէ, և յոյժ իսկ կանուխ է. զի առ մեղացն ջնջել այն իմն պիտանացու է: « Վաղվաղակի շինեսցիր ի ձեռաց այնոցիկ՝ որ քակեցին զքեզ »: Եւ այն իսկ են զարմանք, զի այնպիսի փոփոխմունք լինէին. զի յորժամ տեսանիցես եթէ ձեռք թշնամեացն որ աւերեցին՝ նոյնք և շինեսցեն, ի միտ առնուցուս թէ և ի գերութիւնն Աստուած մատնեաց, և շինութիւն քաղաքին նոյն առնէ, և յոր կողմ կամի՝ դարձուցանէ զմիտս մարդկան: Զինչ ինչ մեծ կայցէ քան զայնպիսի իշխանութիւնն: Ապա թէ ասիցէ որ, եթէ իբրեւ զթշնամիս յարեան ի վերայ և առին, և ոչ Աստուծոյ ինչ հրամանաւ, ասեմք, իսկ զհարդ իցէ՝ զի ի նոցանէ իսկ շինեցաւ, ո՞րորդորեաց զնոսա յայն. զի մանաւանդ նոցա իսկ չէր պարտ կանգնել զքաղաքն, որ այնպէս կռուասէր և խաղմարար էր ի մանկութենէ, զոր և ինքեանք իսկ այնպէս բամբասէին: Ո՞վ որ զիւր թըշնամի անկեալ՝ կանգնել կամիցի, և անդէն միւսան՝ գամիւր թշնամի և հակառակորդն առնիցէ: Եւ արդ, որ ցածոյց զպատերազմն և կանգնեաց զքաղաքն՝ Կիւրոս էր, որ երբեմն զնոսա ընդ ստրուկս ունէր, և ապա իբրեւ զազատս մեծացոյց: Այն իսկ չէր բաւական՝ զի թոյլ ետ ելանել գերւոյն, այլ և մեծարանօք ևս մեծարէր, զի այլոց ևս յայտնիք լինիցին: « Եւ որք աւերեցին զքեզ՝ ի քէն ի բաց մերժեսցին »: Թշնամիքն, խուժադուժքն հեռանայցեն ի նմանէ:

« Համբարձ դու զայս քո՛ր վեր, և տե՛ս զամենայն որդիս քո, զի ահա աստիկ ժողովեցան և եկին ամենեքեան »: Շուրջ զքե՛ն գումարեալք, միախուռն ժողովեալք. ոչ իբրև ՚ի գերութենէ՛ն ցրեցան վայրավատինք, այլ յարդարեալք միաժողով և յօրինեալք՝ իբրև Աստուծոյ զօրավարութեամբ առաջնորդեալք: Եւ տե՛ս, զհարդ տեսչութեամբք և պէսպէս կերպարանօք, և յայլ և յայլ ժամանակս լինէր դարձն. զի կիսոցն ելանել և կիսոցն անդէն մնալ ոչ այլ ինչ էր, «յլ Աստուծոյ զօրութեանն նշանակ: Արձակեցի զքեզ, ասէ, ՚ի գերեացդ. չհաւատացեր թէ՛ ես արձակեցի. դարձեալ ՚ի բաց առնեմ զօգնականութիւն իմ, զի անդէն յառաջին պայմանն դառնայցես. դարձեալ կապիցիս և այդէն արգելուցուս, մինչև ծանիցես թէ՛ զարձակուողն ես արարի և զարգելուն:

Եւ զի զամենեցուն զդարձն միանգամայն յայտ առնիցէ, հաստատէ ևս երդմամբ, եթէ « Լեւդանի եմ ես, ասէ Տէր, զի զամենեսին զնոսա զգեցջլիր դու իբրև զպատմաւոր մի, և զարդարեսջլիր դու նոքօք, իբրև զհարսն զարդու »: Եւ այսու ցուցանէ թէ՛ յոր թշուառութենէ՛ն յորպիսի փառաւորութիւն եղև նոցա փոփոխումն. զի գերութեան դարձ եղև և քաղաքին շինութիւն և ամենայն կարգաց եղծելոց յօրինուածք: Եւ ոչ անդ միայն, այլ յորժամ յԱգիպտոսէ՛ն ՚ի հինգ դար՝՝ վեցհարիւր հազարք զօրացն ելանէին: Եւ արդ զինչ ասիցեմք. միթէ վասն այնր ինչ առնիցէ Աստուած զմարդիկ, զի երկայնակեաց ժամանակօք սփռիցին ընուցուն զամենայն երկիր. ոչ եթէ այն ինչ իցեն պատճառք. զի և ՚ի սակաւ վայր կարէ առնել Աստուած աշումն մարդկան, որ ստոյգ մարդիկ ոք իցեն: Որպէս յարէ իսկ ՚ի նոյն. « Զի աւերակն և ասականեալ և կործանեալ գետինքն քո, անդ նեղեջլիր դու ՚ի բնակութենէ՛ն նոցա, և հեռասցին ՚ի քէն՝ որք կլանէին զքեզ. քանզի ասիցեն յականջս քո որդիքն քո զորս կորուսեր. անձուկ է մեզ, ընդարձա-

1 Այն է ՚ի կոյմանէն Լեւրահամու մինչև ցելանէն Խորայի յԵգիպտոսէ. 1921-1491 Ն. Ք., և ըստ ամաց արարչութեան աշխարհի 3412-3842 ըստ Եօթանասից, իսկ ըստ Վուլգատայի 2082-2513:

կեամ տեղի բնակութեան » : Տէս, որչափ բարութիւնք հասանելոց էին յետ դարձին, զի այնպէս ընուցուն, ասէ, աւերակ տեղիքն յորդւոց և 'ի ծննդոց, մինչև ասիցեն. « Անձուկ է մեզ, ընդարձակեամ տեղի բնակութեան » : Զի յաւերակ և յանմարդի տեղիսն այնչափ քան զչափն յաւելոյր բազմութիւն ծննդոց՝ մինչև նեղէին ևս 'ի բազմութենէն. զի կատարեսցի 'ի վերայ նոցա հին օրհնութիւնն, եթէ Ոչ լինիցի քեզ անսերմնայր, և կին ամուլ : Եւ ուստի լինէր այն. այլ յորժամ թշնամիքն վանէին, և նոքա ելանէին 'ի դիւրութիւն, յաճել և 'ի կեալ :

« Եւ ասիցես 'ի սրտի քում, եթէ զսոսա ինձ ո՞ ծնաւ » : Զարմացեալ իբրև երազ իմն համարէր, եթէ սոքա ուստի ծնան ինձ : « Զի ես անժառանգ էի » : Իսկ այլքն՝ եթէ Ես սկնդուկ և այլրի : Սիմաբոս՝ Անծին, ասէ. Ակիւղաս՝ Ամուլ : Տեսանէս անյուսական ինչ իրաց զԱստուծոյ սքանչելիսն : « Պանդուխտ և արգելական » : Ակիւղաս՝ Նշդեհ և հեռացեալ. Սիմաբոս՝ Վարատական և գերի, ասէ : Զի երկու իրք էին որ արգելուին. մի՞ զի ընդ այլոց ձեռամբ էր, և միւս ևս՝ զի ելեալ էր յանգոյ և անկեալ 'ի հաստատութենէ : « Եւ զսոսա ինձ ո՞վ սնոյց. զի ես լքեալ միայն էի, և սոքա ուր էին » : Եւ երկրորդեւն՝ անհնարին տարակուսանացն զարմանալոյ և չանարգական ուրախութեանց նշանակ :

« Այսպէս ասէ Տէր. ահաւասիկ ես համբառնամ զձեռն իմ՝ 'ի վերայ հեթանոսաց, և 'ի կզղիս կանգնեցից զնշան իմ, և ածցեն զորդիս քո 'ի գոգս իւրեանց » : Զի մի յիւրեանց ինչ արդարութիւնն վստահ լինիցին՝ յիմմէ ակնարկելոյ, ասէ, իմուլ զօրութեամբ է դարձ լինելոց, Եւ եթէ որպիսի ինչ գգունաց իցէ դարձն, մերթ ասէ՝ ելանիցեն. դարձեալ, եթէ « Ածիցեն զորդիս քո 'ի գոգս իւրեանց, և զդստերս քո 'ի վերայ ուսոց բարձեալ բերիցեն. և եղիցին թագաւորք դայեակք քո, և իշխանք նոցա մանկակալք քո » : Եւ այս ամենայն առ Նիւրոս արքայիւ կատարեցաւ : Նա երկիր ևս պագանէին նոցա իշխանք թագաւորին : Եւ տես զպէսպէս զսքանչելիսս. զի ոչ միանգամայն ինչ խաբկանօք, որպէս յեգիպտոսէն ելին՝ ելանէին, այլ պէսպէս պատուովք ընդ ժամանակս ժամանակս :

« Ծիծէ առնուցո՞ւ որ աւար 'ի հսկայէ » : Քանզի անհաւատ իմն բանքն թուէին նոցա՝ 'ի մտաց հաւանեցուցանէ զնոսա : Եւ արդ չհարին արդեւք աւար թշնամիքն . այո՛, առին, այլ չարով իւրեանց . զի թէ պէտեւ առին, ոչ ինչ իւրեանց զօրութեամբ, այլ ես ետու զնոսա 'ի ձեռս : Եւ զմէնչ ասիցեմ 'ի հսկայէ . զի եթէ յանիրաւի որ վարեալ իցէ 'ի գերութեան, մի թէ չկարիցեմ ապրեցուցանել : « Եթէ որ վարեցէ ըզհսկայ գերի, առցէ և զաւարն . բայց որ առնուցու որ զհարստի, ոչ կարէ ապրել » . Քանզի կարող է հզօրն խնդրել զվրէժ անձին : « Եւ կերիցեն կերիչքն զմարմնս իւրեանց, և արբցեն իբրեւ զգինի զարիւնս իւրեանց » : Այսպէս ախորժելով իմն և ցանկութեամբ : Տեսանէս, զի 'ի զուրյարեան 'ի վերայ, և ոչ եզեւ նոցա շայեկան՝ զոր ինչ առինն : « Եւ ծանիցեն ամենեքեան, եթէ ես արարի և ոչ նոքա ինչ » :

ԴԼՈՒԽ Ծ

« Այսպէս ասէ Տէր . ո՛ր է թուղթն ապահարազանի՝ որով արձակեցի զմայրն ձեր յինէն . կամ ո՛ր է գրաւականն՝ որով վաճառեցի զձեզ » : Զհամարիմ միայն զբարեացն կանխասացութիւնս, այլ և զանցելոցն ևս տրտմութեանց տայ իրաւունս . զի ցուցցէ թէ և գերութեանն ինքեանք իսկ են պատճառք : Ապա եթէ ոչ, բնաւ զմանուանէր իսկ գիր ապահարզանի . զի սովորութիւն է կանանց արձակելոց՝ գիր ապահարազանի՝¹ առնուլ յիրաւի, որպէս և այժմ իսկ լինի : Այլ ես ոչ ետու, ասէ, և ոչ կարէ մեղադիր լինել եթէ ես նախ ետու . այլ նախ ինքն կամեցաւ ելանել, և ապա ես թոյլ ետու : Նա և ոչ զձեզ իսկ վաճառեցի . ապա թէ ոչ ցուցէք զգրաւականն . մարդկեղէն իմն խելս խառնէ, զի ազատ արասցէ զանձն թէ ես չեմ պատճառք գերութեանն : Եւ ո՞վ որ իցէ . « Այլ 'ի մեղս ձեր,

¹ Յօդ. Զի սովորութիւն ապահարազանի, յօտար գրէն :

ասէ, վաճառեցարուք դուք. և վասն անօրէնութեան ձերոյ արձակեցի զմայրն ձեր յինէն: Զի եկի՝ և ոչ գոյր մարդ, և խօսեցայ՝ և ոչ որ էր որ լսէր »: Սոյն պէս և առ Քրիստոսիւ հետեցին: Զսոյն ասէր և Մովսէս, եթէ Հայեցարուք, երկինք, և խօսեցայց. և սոյն մարգարէ՝ի սկզբանն, եթէ Լուր երկին, և ունկն դիր, երկիր: Եւ զի՛նչ իցէ՝ թէ եկի. այլ թէ հանապազ մօտ եմ, հանապազ պաշտպան լինիմ. քան զի ոչ երբեք թողու՝ի ձեռաց՝ Աստուծոյ պաշտպանու թիւնն: Եկի, ասէ, խրատել, ուղղել, յերիւրել, և դուք ոչ լուարուք: « Միթէ ոչ կարիցէ փրկել ձեռն իմ, կամ թէ ոչ զօրիցեմ ապրեցուցանել »: Միթէ տկարութիւն ինչ իցէ յինէն:

« Ահաւասիկ յանդիմանութեամբ իմով՝ի սաստս իմ »: Իսկ այլքն ասեն, թէ Աւերեցից գծով: Ակիւղաս ասէ. Յամաքեցուցի: Եւ ուստի՞ յայտ իցէ. յայնցանէ՝ որք յառաջագոյն գործեցան յեգիպտոսն: « Եւ եդից զգետս յանապատ, և ցամաքեցին ձկունք նոցա »: Ակիւղաս ասէ. Նեխեսցին ձկունք նոցա. և Սիմաբոս ասէ. Տրորեցին ձկունք նոցա. և զայսր նշանակ եցոյց Յորդանան գետ:

« Զգեցուցից զերկինս խաւարաւ, և իբրև զքուրձ արարի զհանդերձ նոցա »: Եւ այս եղև յեգիպտոս՝ի գիշերին. զի թէ և այլ ինչ ոչ, այս իսկ միայն չկարէր կորուսանել զամենեւեան: Եւ զի ցուցցէ մարգարէս, եթէ ոչ մարդկօրէն ինչ մտաց են բանքս, և մի ասիցէ որ, թէ այս գիտեմ եթէ Աստուած զամենայն ինչ կարէ առնել: Բայց ուստի՞ յայտ իցէ եթէ դու անտի խօսիցիս, « Տէր, Տէր, ասէ, տայ ինձ լեզու խրատու, զի գիտացից խօսել՝ի Ժամու զբանն. յաւել ինձ ունկն՝ի լսել. և խրատ Տեառն բանայ զականջս իմ »: Որպէս միւս մարգարէն ասէ, եթէ Ես լցայ զօրութեամբ ոգւով Տեառն. եթէ Ես ոչ էի մարգարէ և ոչ որդի մարգարէի, հովիւ էի և թուր Քաղէի. և դարձեալ, թէ Ընտրեաց զԻսաիթ ծառայ իւր, և առ զնա՝ի հօտէ խաշանց. նոյնպէս և սա ասէ. « Տայ ինձ լեզու խրատու, զի գիտացից խօսել՝ի Ժամու զբանն »: Լեզու զպատգամն կոչէ. և իրաւունս տայ ևս այնոցիկ՝ որ դժուարաւն լսէին:

Եթէ ոչ մարդկեղէն ինչ բանք պաճուճեալք են, այլ Աստուծոյ պատգամք, « Յաւել ինձ, ասէ, ընդ առաւօտս ունկն 'ի լսել »: Եւ զիւր ցանկութիւնն և զԱստուծոյ գունակ գունակ զպարգևսն նշանակէ: « Եւ խրատ Տեառն, ասէ, բանայ զականջս իմ: Զի ցուցցէ թէ և խրատն 'ի նմանէ է և իմաստութիւնն: Եւ բարիոք ասէ. « Յաւել ինձ ունկն 'ի լսել »: Քանզի ոչ կարէ այնպիսի ականջօք լսել զայնպիսի բարբառս, եթէ ոչ ըստ բարբառոյն՝ և ականջքն նորոգեսցին: Զի ոչ օւսմամբ ինչ է իմաստութիւնն երկնաւոր, այլ շնորհօք, ըստ չափոյ իւրաքանչիւր հաւատոց:

« Այլ ես ոչ խստանամ, և ոչ ընդդէմ դառնամ »: Տեսանէս, զազատութիւնն և զանձնիշխանութիւնն յայտ առնէ. ես ոչ, ասէ, յամառիմ, զի յայտ արասցէ եթէ մարթ էր նմա յամառել, որպէս Երեմիայն յամառեաց, և յետոյ ասէր, եթէ Եղէ յոսկերս իմ՝ իրեւ զհուր վառեալ: զի ցուցցէ եթէ մարգարէութեան են իրքն:

« Զթիկունս իմ ետու 'ի հարուածս »: Ակիւղաս ասէ. Վիրաւորչաց ¹. այլքն՝ Գանահարաց, ասեն: « Եւ զծնօտս իմ յապտակս »: Այլքն՝ Կողոպտչաց: Եւ տեն, որպիսի ինչ հնազանդութիւն ունէր յանձին. չքառնամ, ասէ, ընդդէմ. թէպէտ և ընդդէմ դառնալ 'ի դէպ իսկ էր, ասել թէ ծանր է բանդ, չճանդարտեմ բառնալ. զի թէ մին նախատանաց ոչ համբերէր, իսկ ես տանջանացդ զիւր կարիցեմ տանել: Այլ այսու առաւելս հնարի յայտ առնել, եթէ ոչ իւրով ինչ կամօք և ոչ մարդկան ինչ մտօք խօսիմ. քանզի և զիւր իսկ՝ ուր այնչափ տանջանք 'ի վերայ կային՝ յօժարէր յիւրոց մտաց խօսել ինչ:

« Եւ զերեսս իմ ոչ դարձուցից 'ի թքոց »: Զինչ խօսիսդ. այո՛, ասէ, միշտ յայնպիսի աղէտս կամ, ոչ միանգամ կամ երկիցս կամ երիցս, այլ միշտ. զի զամենայն կերպարանս բարկութեան և սրտմտութեան շարժեցին 'ի վերայ իմ և կտտեցին, այլ ես ոչ ինչ ընդդէմ դարձայ:

¹ Յօր. Վիլհելմ Լուդւիգ:

Եւ յայնչափ յանհնարին թշնամանս և չարչարանս զԲնէ ասիցէ. « Եւ Տէր ինքնին, ասէ, եղև ինձ օգնական » : Ահաւասիկ և այլ ևս նշանակ, եթէ արդարև յԱստուծոյ են բանքն և 'ի վերուստ հրամանքն. զի յայնչափ մոլեացն 'ի վերայ յարուցելոցն, որ հանապազ ձեռակոծ թուք 'ի գլուխ առնելին, վերս 'ի վերայ վիրաց դնելին, և սպանանել վաղվաղակի ոչ կամէին՝ զի առաւել կտոեսցի, երկայնափո լինէր, և ուշաբերեալ ասէր, եթէ « Տէր ինքն եղև ինձ օգնական » : Որպէս և առ Առաքեալսն՝ ոչ այն միայն յայտ է զի յԱստուծոյ միայն մատնեցան 'ի չարչարանս, այլ զի և 'ի նմանէն ընդունելին զօգնականութիւնն, յորժամ ասիցէ՝ Եթէ կենօք եթէ մահու. զի մահուն ասելով՝ զիւրեանց համբերութիւնն ցուցանիցեն, և կենօքն ասելով՝ զՔրիստոսի օգնականութիւնն. Բարձրացի, ասէ, Աստուած 'ի մեզ : Եւ յերկրորդ թղթին կորնթացոց գրէ, եթէ Մահ 'ի մեզ զօրանայ, և կեանք 'ի ձեզ. զի թէպէտ և մեք, ասէ, չարչարիմք, սակայն ձեզ պարտ է օգնական լինել :

« Այս պատկառեցի, ասէ, և ոչ ամաչեցի. զի Աստուած է իմ օգնական » : Տէս, զիարդ նման են բանքս առաքելական բանիցն. Յամենայնի, ասէ, նեղիմք, այլ ոչ փղձկիմք, և թէպէտ և հալածիմք, այլ ոչ լքաւնիմք. թէպէտ և անկանիմք, այլ ոչ կորնչիմք : « Արարի զդէմս իմ իբրև զվէմապառաժ » : Եւ յայտ է եթէ կամօք և ոչ բռնութեամբ : Տէս, զիարդ ընդելուզանէ զբանն յԱստուծոյ օգնականութենէն և յիւրոց կամաց. « Եւ գիտացի, ասէ, զի մերձ է՝ որ արդարացուցանէն զիս » : Միանգամայն և զհանդերձեց իրացն հաւատ տայր. զի թէ ես՝ որ այսչափ 'ի չարչարանս կամ՝ ոչ ինչ լքանիմ, որչափ ևս առաւել դուք չպարտիք յուսահատ լինել՝ թէ ոչ լինիցի դարձ գերութեանդ. զի թէ ես՝ որ չեմ պատժապարտ 'ի պատիժս եմ վասն ձեր, որչափ ևս առաւել և դուք պարտիցիք տանել վշտացդ :

« Եւ ոչ ամաչեցի » : Եւ վասն հանդերձեց իրացն վստահ լինի. « Զի մերձ է՝ որ արդարացուցանէն զիս » . քանզի ընդ իս իսկ է : Դա աւադիկ չէ ինչ այդ նշանակ թէ ընդ քեզ իցէ. այլ և է իսկ, ասէ, նշանակ

սոյն՝ եթէ ընդ իս իցէ. զի Թոյն տալ այսպէս չար-
չարանս կրել և չամաչել, նշանակ է եթէ ընդ իս իցէ :
Սոյն և Առաքելովքն. զի Թէ չհաւատայցէ որ յարու-
Թեան, չարչարանօքն՝ զոր տեսանիցէ յԱռաքեալսն՝
հաւատասցէ Թէ գոյ յարութիւն և մահու լուծումն.
ոչ այնու միայն զի հանապազ փրկէր զնոսա՝ ի վշտաց,
այլ առաւել այնու՝ զի ոչ երբեք գտանէին վշա-
տեալք :

« Ո՞վ իցէ՝ որ ոսոխն իցէ. եկեսցէ, կայցէ առաջի
իմ միանգամայն. կամ ո՞վ իցէ որ դատեսցին, մերձե-
ցի առ իս » : Ո՞վ զք, ասէ, Թերահաւատ լինիցի յասա-
ցելոցս, եկեսցէ, յայտնեսցի առ իս. կամ ո՞վ կամի-
ցի զհանդէս առնուլ՝ յառաջ կացցէ, խոտեսցէ իբրև
զսուտ ինչ՝ Թէ կարասցէ. եթէ որ կամեսցի յաղթա-
կան լինել, եկեսցէ առցէ զչափ զասացելոցս, զի ես
պատրաստ եմ տալ զձիւս :

« Ահաւաղիկ ամենեքեան դուք իբրև զձորձս մա-
շեօջիք, և իբրև զքեց կերիցէ զձեզ » : Ակիւղաս՝ Ու-
տիճ՝ ասէ. Սիմաքոս՝ Երբ : Կամ զԱստուծոյ բարկու-
թիւնն, կամ զմարմնոյ սովորութիւն. զի Աստուած
մշտնջենաւոր է. մի երկիցուք ՚ի մարդկան ինչ չար-
չարանաց. որպէս զՅուր հանապազ սահին անցանեն, և
ոչ երբեք կան ՚ի հաստատութեան. յայն ստկս ասէ,
Թէ « Ո՞վ իցէ ՚ի ձէնջ որ երկնիցի ՚ի Տեառնէ, լուիցէ
ձայնի ծառայի նորա » : Զի այն իսկ է երկիւղածաց
Աստուծոյ՝ մարգարէիցն լսել. որպէս և Քրիստոս իսկ
ասէր, եթէ Որ ձեզ լսէ՝ ինձ լսէ. այն իսկ է մեծ և
զարմանալի գործ :

« Որ գնայիք ընդ խաւար, և ոչ գոյր ՚ի ձեզ լոյս » :
Վասն անգիտութեան և չար գործոց ասէ. զոր Սո-
ղովմոն իսկ ասէր, եթէ ձանապարհք ամպարշտաց
խաւարիք են, և ոչ գիտեն իրպէս գայթաղդին. իսկ
ձանապարհք արդարոց իբրև զլոյս ծագեն : Եւ ընդէր
արդեւք յաւել, եթէ « Ոչ գոյ նոցա լոյս » : Զի որք ՚ի
խաւարի գնայցեն՝ յայտ է եթէ ոչ են ՚ի լոյս. բայց
է երբեք ընդ խաւար քնալ, և զլոյս տեսանել. յոր-
ժամ ճրագ որ լուցանիցէ կամ կանթեզս կամ ջահս.
իսկ նոքա և՛ ՚ի խաւարի քնան, և լոյս ինչ ոչ ունին
ընդ իւրեանս՝ որ զխաւարն լուծանիցէ : Եւ ոչ ասաց,

եթէ ոչ լուծանիցին, այլ թէ բնաւ իսկ ոչ լուծանիցին. քանզի բաւական է խիզ՝ մտացն զլոյս սրտին փախուցանել: « Թուսացարութե յանուն Տեառն »: Սիւմաքոս և Թէոդոտոսը՝ Ապաստան լերութե, ասեն: « Եւ զօրացարութե յԱստուածն ձեր »: Սիւծ օգնականութիւն է՝ յորժամ ՚ի Տէր որ յուսացի: Եւ արդ զխորմարթ իցէ վստահ լինել և յուսալ յանուն Տեառն, զի բազում իրք խափանիչք կան առաջի. այլ զի յամենայնի զխափանիչն՝ ՚ի բաց ընկենուցումք, և ՚ի նա միայն ապաստան լինիցիմք:

« Ահաւադիկ դուք ամենեքեան իբրեւ հուր վառեալ »: Ակիւղաս ասէ. Վառէք հուր: « Հուր վառեալ և բոց բորբոքեալ. գնացէք հրոյ լուսով ձերով և ՚ի բոց բորբոքեալ »: Քանզի որ մեղանչեն՝ հուր բորբոքեն, և հանապազօր ոչ ընդ լոյս, այլ ընդ խաւար գնան: Զի անլոյս է այնպիսի հուրն և այրիչ միայն և ուտիչ. զի այնպէս իմն է բնութիւն այնր հրոյ: Եթէ հուր ունիցիք՝ այնպիսի ինչ կալարութե՝ յորոյ և ՚ի լոյսն գնացէք, և մի զայրիչն և զանլոյս:

« Վասն իմեղև ձեզ այդ ամենայն. ՚ի տրտմութեան ննջեսցիք »: Ակիւղաս՝ ՚ի ցական², ասէ. Սիւմաքոս՝ ՚ի ցաւս: Զինչ խօսիսդ. այո՛, ասէ. քանզի և Երեմիա զդոյն ասէ, եթէ վասն իմ ապականելով ապականեցի զամենայն երկիր: Ոչ վասն զի վայրապար մարդկան ինչ վրէժք պահանջիցեն, այլ վասն իւրոց պատգամացն՝ յորժամ արհամարհիցին և կոխան լինիցին: « Ի տրտմութեան ննջեսցիք »: Այսինքն զի ոչ քուն անգամ քաղցրանայցէ ձեզ, որպէս վերագոյն, թէ ՚ի լոյս գնասցիք³: Զի ցուցցէ թէ ոչ գոյ լոյս ՚ի գործս նոցա:

¹ Թոր. Զիւսիւս:

² Թոր. ՚ի ցական:

³ Թոր. Այսինքն... գնացի, յօտար գրչէ:

ԳԼՈՒԽ ԾԱ

« Լուարուք ինձ, որ զՏեո երթայք իրաւանց, և խնդրէք զՏէր »: Առ նոսա ասէ. Ո՛վ իցէ՝ որ ոսոխն իցէ ինձ, եկեսցէ յանդիման լիցի ինձ. իսկ առ սոսա, եթէ « Լուարուք ինձ, որ զՏեո երթայք իրաւանց, և խնդրէք զՏէր »: Յնոսա ասէ. Դատ դիք, իրաւունս տուք. և զսոսա ուսուցանէ. մանաւանդ զայնպիսին պարտ է ուսուցանել՝ որ զՏէր խնդրիցեն և զիրաւանցն զՏեո իցեն. իսկ նոցա թէպէտ և յունկանէ որ աղաղակեսցէ, ՚ի զուր և ընդ վայր է: Իսկ ո՛վ իցէ՝ որ զՏէրն խնդրիցէ. որ զիրաւանց զՏեո իցէ, և զարդարն կշռիցէ. և արդարութիւն ոչ միայն առ ընթացն չագահելոյ, այլ և որ այլով արտաբեր չախտանայցէ: Եւ ոչ ասէ վայրապար՝ խնդրել զարժանն և զիրաւն. քանզի բազում անգամ սովոր է խօսել ՚ի բազմաց՝ որք զագահութեանն զՏեո իցեն, և ՚ի ցանկութիւնս հարեալ իցեն: Արդ և մեզ պարտ է զՏեո երթալ արդարութեան, և խնդրել զարժանն. զի այսպիսի կերպարանօք գտանէ որք զԱստուած. զի որ ՚ի խնդիր որ ելանիցէ, պարտ է զի գտանիցէ ևս. և արդ եթէ կարի ուժգին և առաքինի իցէ լոողն, սակայն իմաստութեան պէտք են նմա. զի ոչ այնպէս զօրութիւն և քաջութիւն առանձինն կարեն հաւանել զսողն, եթէ ոչ մատիցէ իմաստութիւնն. քանզի իմաստուն լոող իմն՝ յարգեն գիրք. և այլուր, եթէ եթաց Աստուած զսիրտն նորա անսալ բանիցն Պաւղոսի. և այլուր, եթէ Եղիցին ամենեքեան ուսեալք յԱստուծոյ, եւ ՚ի սմին մարգարէի վերագոյնն ասէ, եթէ Յաւել ինձ ունկն ՚ի լսել. և իմաստունն, եթէ Տէր տայ զիմաստութիւն, և յերեսաց նորա գիտութիւն և հանճար:

« Հայեցարուք ՚ի վէմն հաստատուն յորմէ կոփեցարուք »: Եւ բարւոք ասաց հաստատուն. քանզի զքնութեան անզաւակութիւնն վիմի կարծրութեան նմա.

նեցոյց. քանզի անծին և անպտուղ է, որպէս և մէջն Սառայի: Միանգամայն զի և ցուցանիցէ եթէ Աստուծոյ ձեռացն գործ են ծնունդք մեր. զի ոչ եթէ բնութիւնն ինչ և եթ յիւրմէ նպաստ լինիցի, այլ Աստուած է որ ստեղծանէ և նկարէ. բայց ոչ իբրև զառաջին մարդն և ոչ յոյժ հեռի ինչ քան զնոյն. զի զոր օրինակ նա եղև ստեղծեալ, նոյնպէս և աստ, թէպէտ և յարգանդէն ինչ առնուցու, սակայն ինքն է որ թոեղծանէ: Եւ բարւոք իսկ ոչ միայն վէմ, այլ հաստատուն վէմ կոչեաց. զի ոչ միայն ամլութիւնն էր, այլ և պառաւութիւն: Եւ յիրաւի խոր գթոյն նմանեցուցանէ. զոր Ահիւղաս՝ Հատոր գթոյ, անուանէ. Սիմաբոս՝ Փապ. Թեոդիտոյն՝ Ծակ: Քանզի և գաւթն անծին է. ոչ իբրև զաղբէր բխեալ արտաքս ինչ աճեցուցանէ, այլ որ ժողովիցեն ջուրն՝ պահիցէ, և ոչ յաւելորդ ինչ գործիցէ: Իսկ այլքն ասեն, եթէ Արտաքս յորդեցարուք. իսկ Եթանասնիցն՝ ոչ եթէ պեղեցայք, այլ Փորեցարուք, զի յայտ լիցի եթէ Աստուած էր որ գործէր զամենայն ինչ:

« Հայեցարմբ յԱբրահամ հայրն ձեր, և 'ի Սառա՝ որ ծնաւն զձեզ »: Զայս առ. օրինակ այնպիսեացն բերէ, թէ զիարդ մարթիցի այսպիսի դժուարին իրաց լինել, յանցելոց հաւանեցուցանէ. պարտ և պատշաճ է ձեզ իմոց իսկ բանիցս հաւատալ. և զի ոչ անսպք, յանցելոցն կամիմ հաւանեցուցանել: Զոր օրինակ 'ի միողէ արարի զայդչափ բազմութիւն, զի զամենեսին զձեզ նա ծնաւ, թէպէտ և զխառնակ միայն ծնաւ՝ որ զբնութիւն սկնդուկ որովայնին ելլո՞ծ. արդ որ զայն արարի, ձեզ դարձ 'ի գերութենէդ չկարիցեմ առնել. զի այնպէս դիւրին է ինձ զանհնարինս հնարաւորս առնել, բաւական իսկ էին նախնեացն աւետիք հաւանեցուցանել զձեզ ամենեսին:

« Զի մի էր, ասէ, և կոչեցի զնա »: Նա աւանիկ երկու իսկ էին. իսկ այլքն լուսաւորագոյն ասեն, եթէ Մի կոչեցի զնա. Բայց և մի իսկ էր 'ի լնէ. Արար, ասէ, Աստուած զմարդն, արու և էգ արար զնոսա. ապա ուրեմն արու և էգ է մարդն, և մինն գլուխ և միւսն մարմին: Այլ ես ոչ բազմութեամբ ինչ գործ վճարեմ, և ոչ 'ի սահաւութեան ինչ վճատիմ, այլ

առաքինութիւնք եւթ պիտոյ են ինձ ամենայն ուրեք: « Զի մի էր, և կոչեցի զնա և բազմացուցի զնա »: Եւ ոչ յիւրում երկրի ինչ, այլ յօտար յերկիր բազմացուցի զնա. զի յայտ լիցի եթէ ամենայն ինչ դիւրին է ինձ: Եւ ընդէր զԱդամ ոչ յիշեսցէ, զի մանաւանդ նորա օրինակք կարող էին հաւանեցուցանել զնոսա. և նոքա իսկ ցանկ յԱբրահամ էին: Եւ այլազգ ևս. զի այն ընտանեգոյն էր, և զի յառաքինութեանցն չէր անմասն Աբրահամ, և զի զմեթիթարութիւնսն ևս ունէր:

« Սիրեցի, ասէ, զնա և բազմացուցի զնա »: Եւ ոչ ասէ թէ ընդէր, զի մի դարձեալ 'ի վհատութիւնս ինչ կործանեսցէ զնոսա, եթէ վասն առաքինութեանց կոչեցաւ նա և սիրեցաւ և բազմացաւ, և մեք զի չունիմք առաքինութիւնս, զիմարդ ունիցիմք ակն փրկութեան:

Նմանագոյնս յարէ 'ի նոյն, եթէ « Եւ զքեզ այժմ մխիթարեցից, Սիոն, և մխիթարեցից զամենայն զաւերակսն քո »: Սիմաքոս ասէ. Սփոփեցից, Բայց և զԱբրահամ ոչ վասն առաջին կենացն ինչ առաքինութեանց կոչեաց Աստուած. թէպէտ և ճառեն զիրք զբարւոք ինչ կարգացն նորա, այլ որպէս յառաջագոյն գիտէին զհանդերձեալսն, նոնպէս և ձեզ, ասէ, մեծամեծ օրինակք պիտոյ են, որովք կարիցէք հաւանել: Քանզի անապատ էր և արգանդն Սառայի, իսկ աստ զերկրէ ասէ թէ անապատ էր. այլ չէր ինչ համեմատ զերկիր անպտուղ 'ի պտղաբերութիւն ածել, և զարգանդ անսերմն 'ի ծնունդ. զերկիր՝ և մշակաց ձեռք կարող են արկանել 'ի գործ, իսկ զարգանդն՝ Աստուծոյ միայն զօրութիւնն: Դարձեալ չէ ինչ համեմատ զմի ոք կոչել և բազմացուցանել, և զբազումս 'ի բազմութիւն աճեցուցանել: Եւ դարձեալ չէ ինչ հանգոյն 'ի թշնամեացն ապրեցուցանել, և ակամայ յիւրեանց աշխարհն տանել. և յիւրեանց աշխարհէն յօտար յաշխարհ վարել. զի սոքա արձակեալք վաղվադակի դարձան. բայց անդ հաւանեցուցանել պիտոյ էր, զի եթէ մեծն եղև, որչափ ևս առաւել և փոքրն լինելոց էր:

« Եւ մխիթարեցից զաւերակս նորա, և արարից իբրև զղբախտ »: Ակիւղաս և Սիմաքոս ասեն. Իբրև

զփափկութիւն. Թէոդոսիոյն՝ Իբրեւ զպարտեզ: « Եւ զարեմտեայ կողմանսն իբրեւ զգրախոսն Տեառն » : Ակիւզաս ասէ. Զգաշտս նորա. Սիմաքոս, Զտերեւս նորա. Թէոդոսիոյն, Զարաբայիկանն ¹ նորա: « Ուրախութիւն և ցնծութիւն գտցեն 'ի նմա և գոհութիւն » : Ակիւզաս՝ Զայն գոհութեան, ասէ. Սիմաքոս՝ Զայն երգոյ. Թէոդոսիոյն՝ Զայն սաղմոսից և ձայն օրհնութեան: Այնպիսի ինչ լինիցի՝ որպէս զի ՂԱՍՏՈՒԱԾ օրհնել գովել և փառաւորել մարթիցեն, և կամ զի 'ի վարսն իսկ բազում շահս շահիցին:

« Լուարմէք ինձ, լուարմէք ինձ, Ժողովուրդ իմ, և Թագաւորք առ իս ունկնդիր լերուք. զի օրէնք յինէն արձակին, և դատաստանք իմ 'ի լոյս հեթանոսաց » : Եւ վասն էր արդեւք կրկնիցէ. այլ քանզի զմեծամեծ իրաց ճառէ, որ հազիւ հազ ելանիցեն 'ի գլուխ. « Զի օրէնք յինէն արձակին » : Իարձեալ մեղմաւ իմն զհանդերձեալն ինչ ակնարկէ. քանզի առաջին և կարեւոր այն իսկ է՝ զօրէնսն տալ, և այն իսկ որոշէ զմեզ յանասնոց: Զի՞նչ օգուտ իցէ Թէ բանս և խօսս ունիցիմք, և յուղիղ մտաց վրիպեալ իցեմք: Զի կարիքն որովք ախտանամք՝ զմիտն անապատ առնեն. և այն յայնմանէ լինի, զի զխօսողութիւնն՝ որով պարտ էր աւելագոյն գտանել, յանխօսուն բարս անասնոց փոփոխեմք. զի առ նոսա վաղվաղակի շիջանի ցասումն, և 'ի մեզ ոխակալութիւն 'ի տե պահի. 'ի նոսա նախանձ ինչ չիք, և առ մեզ հանապազ բորբոքի: Եւ վասն այնորիկ առաջին և մեծ օգնականութիւն՝ օրէնսդրութիւնն է և օրէնսդիրն: Եւ վասն այնորիկ և արտաքինքն՝ որք զքաղաքս նուաճէին, զօրէնսդիրն բարեւարս համարէին, ևս աւելի և քան զծնողս իւրեանց. և յիրաւի իսկ, զի նոքա զկեայն, և սոքա զբարւոյն կեալ շնորհեն, որով զգուշութիւնն և ամբօթութիւն լինիցի: Քանզի ոչ եթէ պարիսպքն և բազմութիւնք զօրաց, այլ ուղիղ օրէնք պահեն զքաղաքս. որպէս զմարդ դժոխէ եթէ մարմնոյն զօրութիւն և առողջութիւն, այլ ոգւոյն առաքինութիւն և կարգացն ուղջութիւն ապրեցուցանեն 'ի վշտաց: Վասն որոյ և ասէ

¹ Այսպէս յօրինակին:

ոմն իմաստուն, եթէ լաւ է իմաստուն քան զՀզօրն, և այր հանձարեղ քան զմշակ առաքինի, և օգնականութիւնն որ 'ի նմանէն լինիցի՝ քան զտամս իշխանս քաղաքի. և դարձեալ. Զէն հանձարոյ են շրթունք իմաստունք: Եւ ամենայն ուրեք տեսանեմք ոչ 'ի մարմնոյ զօրութենէ յաջողեալ Հզօրս, այլ յօգւոյն առաքինութենէ. քանզի նաւ ոչ զի մեծ իցէ և ուժգին և պարիսպս անքակս ունիցին շուրջ զթումբան՝ վասն այնորիկ հատանիցէ անցանիցէ ընդ ծովն, այլ առաջ նորդութեամբ ուղղչին՝ ձուր և ուղղիցէ:

« Եւ դատաստանք իմ 'ի լոյս հեթանոսաց »: Այս իսկ լուսաւորեցոյց զնոսա, զդատաստանն գիտել և զիրաւունսն 'ի միտ առնուլ: Տեսանեա զահս դատաստանին. զի խաւար փախեաւ, երկիւղն մերժեցաւ, ցանկութեանն կարիք փախստական եղեն: Զոր օրինակ յորժամ այր դատաւոր երևեսցի, զգործս և զաւազակս և զգերեզմանակրկիտս և զամենայն ազգս չարագործաց առնէ հալածական, նոյնպէս և մտացն ընտրութիւն յորժամ միւսանգամ անդրէն զիւր զօրութիւնն առնուցու, և ելեալ նստիցի յաթօռն ատենի, զամենայն մնասակարսն հալածական առնէ, և զամենայն զօգտակարս՝ համբոյրս և ընտանիս: Կամ թէ չիցէ տեսեալ քաղաքս, յորժամ դատաւորն յատենի նստիցի, իրչափ ինչ ահ 'ի քաղաքին լինիցի. ոչ միայն մնասակարացն, այլ և այնոցիկ՝ որոց չկայցէ ինչ խիղճ՝ ի մտի. նոյնպէս և միտք յորժամ առողջ իցեն, և ելեալ իբրև զդատաւոր նստիցի յաթօռն ատենի, ապա այնուհետև ահ և երկիւղ շտապէ զգործն՝ որ յառաջագոյն ինչ ոչ 'ի դէպ գործեալ իցեն. և ոչ միայն չար խորհուրդքն յանդիմանիցին, այլ և այլ ևս բարք միտացն՝ որ չիցեն ինչ մնասակարք՝ դողան և սարսեն: Զոր օրինակ յորժամ Աստուած դատիցէ՝ և ոչ աստեղք սուրբ գտանին առաջի նորա, և ոչ Պաւղոս արդարանայ. Ոչ ինչ գիտեմ, ասէ, զանձին, այլ ոչ եթէ այսու արդարանամ. նոյնպէս և միտքն յորժամ ինքեանք դատաւորք լինիցին, և զմնասն պահանջիցեն պատշաճական ամբաստանութեամբք, չիք ինչ որ կարիցէ զնա արդարացուցանել. ըստ այնմ, եթէ Ո՛վ պարծեսցի եթէ սուրբ իցէ սրտիւ, և կամ ո՛վ հա-

մարձակիցէ եթէ անարատ իցէ. և դարձեալ, եթէ Զիբ դը արգար՝ որ առնիցէ զբարիս յերկրի, և ոչ մեզանցիցէ. և դարձեալ, եթէ Զոր ինչ ասիցէք՝ի սիրտս ձեր՝ յանկողինս ձեր զղջացարուք: Եւ Պաւղոս, թէ Փորձեսցէ իւրաքանչիւր դը զանձն իւր. և դարձեալ, եթէ զանձինս դատէաք՝ ապա ոչ դատապարտէաք: Եւ յիրաւի կամի այնպէս՝ զի զանձինս դատէաք. այլ Համարձակիս և չօժարես արկանել զխիղճ մտացն՝ի խռճապանս, և քննել զամենայն կեանս քո, զի գտանիցես մեղս բազումս, և հալածականս առնիցես: Եւ գիտեմք եթէ բազումք իսկ ախտանան զայսպիսի ախտ, և ես իսկ ինձէն, և յիմէն իմանամ և զայլոց. քանզի և ես իսկ բազում անգամ կամեցայ զմտաւ ածել զամենայն զկենաց իմոց զվարս, և քննել ճշգրտիւ. բայց ոչ իշխեցի համարձակել, զի մի՛ի բազում տրորտ մութիւնս ընկղմեցին միտքս: Զի թէ կարէաք՝ի հարց և ՚ի փորձ արկանել զմեղսն, և բնաւին իսկ զյիշատակս մեղացն՝ի բաց ջնջէաք, և յիրաւի և նմանագոյնս ջանայաք յայն. իսկ եթէ մերթ խոշտանգեմք զմիտս և մերթ ծուլանամք, զի՞նչ ինչ ՚ի գգրելոյն շահիցիմք: Եւ զի՞նչ օգուտ իցէ, ասեն, զմտաւ ածել, բայց զի աւելի ևս տրտմութիւն շահիցիմք. զի աստ զմիտս ուտիցեմք, և անդ զպատիժսն կրիցեմք: Այլ ես ասեմ թէ գոյ օգուտ և ՚ի տրտմութենէն. զի եթէ զմտաւ ածել տատամնիցիս, դանդաղագոյն լինիցիս միւսանգամ առ այնպիսիս մտաբերել. և ոչ այնչափ միայն, այլ և զԱստուած ևս աղաչիցես ածելի հաւան. ըստ այնմ, եթէ Ասա դու նախ զանօրէնութիւնս քո՝ զի արդարացիս: Զի թէ ասելն արդարացուցանէ, որչափ ևս առաւել տատամնելն: Ոչ այնչափ ինչ օգնէ յանցաւորին, որչափ յորժամ հանապազ առաջի աչաց և ՚ի միտս ունիցի զմեղսն, և ստէպ ստէպ զփոխյցէ և զանձն խոշտանգիցէ: Ոչ ինչ այնչափ զԱստուած հաւտեցուցանէ վաղվաղակի, ոչ պահք և ոչ գետնատարած անկողինք և ոչ հսկումն և ոչ այլ ինչ այնպիսիք. և սմին հաւանութիւն ՚ի գրոց կարգեցից ձեզ. Ասացի, ասէ, պատմեցից զմեղս իմ, և դու թողեր զամենայն ամպարշտութիւնս մեղաց իմոց: Ասացի, ասէ. տեսաննս, զի՞նչ զօրութիւն է այնր, եթէ Ասա

դու նախ զանօրէնութիւնս քո՝ զի արդարասցիս: Զանօրէնութիւնս իմ, ասէ, Տէր, ցուցից քեզ, և զմեզս իմ ոչ ծածկեցի: Միթէ յորժամ դու քեզէն չկամիցիս յիշեցուցանել, Աստուած ոչ գիտիցէ: միթէ չանիցի՞ զամենագէտ գիտութիւնն, որով զամենայն գործս իբրև 'ի գրի գրեալ ունի: Այլ գէթ, ասեն, զաշխարհիս զթշնամանս չշահիցիմք, զի մի ծանակ և առակ լինիցիմք: Այլ այդպիսի մտօք ոչ զաստի զթշնամանս անցուցանել կարես, և ոչ զանտի շահսն օգտել: Եւ եթէ ասիցես, զիա՞րդ լինիցի այդ, ասեմ՝ եթէ և՛ 'ի մեծամեծ 'ի մեզս անկանիմք այնպիսի միութարութեամբ, և անդ տանջելոց եմք:

« Արագ արագ մերձենայ արդարութիւն իմ, և ելցէ իբրև զլոյս փրկութիւն իմ »: Արդարութիւն զիւր՝ որ ինչ աստ է և որ ինչ անդ իցէ՝ ասէ: Եւ ոչ վայրապար ինչ ասէ՝ եթէ մերձեսցի, այլ եթէ « Արագ արագ մերձեսցի արդարութիւն իմ »: այսինքն դատաստան իմ, և ոչ ողորմութիւն: « Եւ ելցէ իբրև զլոյս փրկութիւն իմ »: Եւ զինչ իցէ՝ իբրև զլոյսն: այսինքն՝ յայտնի, յանկարծակի: « Ինձ կղզիք համբերեալ մնան, և 'ի բազուկ իմ հեթանոսք յուսասցին »: Սիմաբոս ասէ. Եւ բազուկը իմ զժողովուրդս դատեսցին. իսկ այլքն՝ զհեթանոսս՝ ժողովուրդս ասիցեն. այլ նոյն է յուսասցին, քննեսցեն երկեղիւ, զփրկութեան պտուղսն ժողովեսցեն. և կամ որպէս Եւթանասունքն ասիցեն, եթէ Ի բազուկ իմ յուսասցին. այսինքն՝ 'ի զօրութիւն իմ:

« Համբարձէք յերկինս զայս ձեր, և հայեցարուք յերկիր 'ի խոնարհ. զի երկինք իբրև զծուխ հաստատեցան, և երկիր իբրև զձորձս մաշեսցին »: Տէս, որպիսի օրինակս բերէ վասն դիւրութեան դարձին. որպէս անցքն ընդ Եգիպտացիսն անցին, և որպիսի ինչ իրք առ Աբրահամն եղեն: Գարձեալ և յարարածս իսկ եկն, և զզօրութենէն Աստուծոյ ճառէ, եթէ « Երկինք իբրև զծուխ հաստատեցան »: Ակիւղաս ասէ. Երկինք իբրև զծուխ պատեցան. Թէ՛ դիտողն ասէ. իբրև զաղ մածցին: Զվանագոյն ականագոյնն երկնից՝ աղուճակի նմանեցուցանէ կերպարանաց: իսկ եթէ՝ որպէս Իւթանասունքն ասեն,

եթէ իբրեւ զծուխ. և ոչ որ կարէ զծուխ հաստատել, բայց միայն ամենազօր զօրութիւնն: « Եւ երկիր իբրեւ զձորձս մաշեսցի »: Իբրեւ 'ի միմեանց իմն հակառակ զանաւազն հարուստ արար, զհարուստն անաւազ. զի ցուցցէ եթէ ամենայն ինչ գիւրիւն է ինձ:

« Եւ բնակիչքն սորայ իբրեւ զնոյնս կորիցեն »: Այս ինքն՝ որ յերկրիս իցեն: Եւ ինձ այսպէս թուի, թէ յերկինս ևս ձգիցէ զբանն. քանզի ոչ ասաց թէ իբրեւ զսա, այլ թէ « իբրեւ զնոյնս կորիցեն »: Թէ և զնա ևս կարող է լուծանել, քանզի ոչ այլ ինչ է, այլ ծուխ: Եւ եթէ կամի՝ իբրեւ զծուխ՝ այնպէս անցուցանէ. քանզի ոչ եթէ բնութեամբ ինչ ունի զհաստատութիւնն, այլ կամօք արարչին: Եւ քանզի ազնիւ և գեղեցիկ էր, վասն այնորիկ անաւազ արար զնա, զի իւրով զօրութեամբն զգուշացեալ պահիցէ: Զի եթէ զերկինս, ասէ, կորուսանել կարող եմ՝ եթէ կամիմ, որչափ ևս առաւել զմարդիկ՝ զձեր թշնամիս: Վասն որոյ և յարէ զբանն վասն նախատանաց մարդկան չարաց, և ասէ. « Լուարուք ինձ, որ գիտէք զգատաստան »: Իսկ այլքն ասեն՝ Զարդարութիւն, այսինքն դիրաւունս:

« Ժողովուրդ իմ, օրէնք իմ 'ի սիրտս ձեր. մի երկընչիք 'ի նախատանաց մարդկան, և բամբասանք նոցա զձեզ մի պատրեսցեն »: Իսկ այլքն ասեն, եթէ ի հայհոյութեանց նոցա մի ինչ զարհուրեալիք: Որպէս և Քրիստոս իսկ ասէր, եթէ Երանի իցէ ձեզ՝ յորժամ նախատեսցեն զձեզ, և ասասցեն զձէն՝ զամենայն բան սուտ. ուրախ լերուք և ցնծացէք:

« Զի իբրեւ զձորձս ինչ՝ որ ուտիցին 'ի բազում ժամանակաց »: Ակիւղաս ասէ. իբրեւ զձորձս ինչ՝ զոր ուտիցէ ուտի՞ք. Սիմաքոս՝ Մեց, ասէ. Թէողիտոն՝ Ցեց: « Եւ իբրեւ զսար ցեցակեր »: Եւ արդ, ոչ զոր կսկծեցուցանեն նախատանք և բամբասանք. և զիմորդ ասէր Եզեկիա. Թերեւս լուիցէ Տէր զպատգամն (Խափսակայ)՝ որով նախատեսաց զԱթուած կենդանի. և Դաւիթ ասէր, եթէ Փրկեա զիս 'ի նախատչաց և 'ի չարախօսութենէ: Այլ Աստուծոյ նախատանացն վաղվաղակի դարձան փոխարէնք, իսկ մարդարէս զմարդկան նախատանաց ասէ: Նա և Սեմեայ խնդրեաց վրէժ թըշ-

նամուղն՝ Դաւիթ, ոչ անձամբ, այլ որդւոյն պատուիրեաց, զի դիցէ սանձս 'ի վերայ այլոց՝ որ այնպիսիք որ գտանիցին, և որդւոյն նորա փնաս ինչ ոչ արար: Վասն այսորիկ և մարդարէս առ կատարեալս խօսի, թէ « Լուարուք ինձ, որ գիտէք զիրաւունս. ժողովուրդ իմ, օրէնք իմ 'ի սիրտս ձեր »: Եւ դարձեալ, եթէ « Ի բրե զասր ցեցակեր »: Կամ զնախատանն ասէ, կամ զնախատիչն:

Վասն որոյ յարէ 'ի նոյն, եթէ « Արդարութիւն իմ յաւիտեան կացցէ, և փրկութիւն ազգաց մինչև յազգ »: Զոր և Քրիստոս ասէր, եթէ Վասն իմ ուրախ լերուք և ցնծացէք, զի վարձք ձեր բազում են յերկինս: Զի թէ երկինք անցանիցեն, այսինքն կերպարանք երկնից՝ որ այժմս պիտոյ են, և մարդկան բնութիւն նմին նման են, 'ի կերպարանաց 'ի կերպարանս փոխիցի, և զի՞նչ ինչ հաստատուն կայցէ մնասցէ: « Փրկութիւն իմ՝ ազգաց մինչև յազգս »: Զի՞նչ խօսիսդ. և յորժամ պատժիցես և սպանանիցես, և յայնժամ՝ փրկութիւն իցէ. զի թէպէտ և փրկութիւն չիցէ, սակայն առ կորուսեալսն արդարութիւն, և առ ապրեալսն փրկութիւն. քանզի չիք ժամանակ որ հատանել կարիցէ կամ խափանել զփրկութիւնն և զարդարութիւնն: Որպէս չէն հնար՝ թէ չիցէ Աստուած, այլ զի միշտ իցէ և յաւեժ կենդանական, նոյնպէս փրկութիւնն և արդարութիւնն յամենայն ժամ և հանապազօր: Եւ եթէ ասիցեն, եթէ զիսորդ չիցեն այնմ մարդիկ խելամուտ, կարգեսցուք ինչ և 'ի գրոց. Ողորմեաց ինձ, ասէ, Աստուած, ըստ մեծի ողորմութեան քում: Մեծ ասաց զողորմութիւնն, բայց թէ որչափ ինչ իցէ՝ ոչ գիտէ: Եւ ըստ բազում գթութեան քում: Բազում գթութիւնս ասաց, բայց թէ որչափ ինչ իցեն գթութիւնքն՝ չէ խելամուտ: Եւ Պաւղոս՝ Առաւելութիւն մեծութեան քաղցրութեան նորա, ասէ. բայց թէ որչափ ինչ իցէ՝ չէ հմուտ: Եւ վասն այնորիկ իսկ մեծութիւն անուանէ, և մեծութիւն առաւել, զի դու մի երբեք իշխեսցես հարցեփորձ արկանել: Զի որչափ և քննիցես, անցանէ ըստ քեզ առաւելութեամբ, և եթէ 'ի քեզ ամփոփել կարիցես, ապա առաւելութիւնն չէ առաւելութիւն: Եւ դարձեալ ա.

սէ, եթէ Շնորհքն Աստուծոյ 'ի վերայ անպատումն պարգևացն. քանզի չկարէ ոք պատմել:

Այլ տեսցուք, միթէ պատմել չիցէ հետը, և իմանալ իցէ ինչ հնար. քանզի և ոչ զամենայն ինչ զոր չկարիցեմք պատմել, զնոյն և իմանալ չկարիցեմք: Նա աւանիկ ըստ միտս, ասէ, անցանէ խաղաղութիւնն. Խաղաղութիւնն, ասէ, Աստուծոյ՝ որ 'ի վերէ քան զամենայն զմիտս: Այլ զխաղաղութենէ աւաց, ասեն. և մեք զմարդասիրութենէն և զմեծամեծ պարգևացն հարցանեմք: Եւ զի՞նչ մեծ 'ի մարդասիրութեանն քան զխաղաղութիւն կայցէ. զի մեծ և գլխաւոր 'ի մարդասիրութիւնն՝ խաղաղութիւնն է: Բայց սակայն և անուանցն ևս միտ դիցուք, թէ մեր մարդասիրութիւնն Աստուծոյ առաւելագոյն գտանիցի. Զոր ակն ոչ ետես, ասէ, և ունկն ոչ լուաւ, և 'ի սիրտ մարդոյ ոչ անկաւ՝ զայն պատրաստեաց Աստուած սիրելեաց իւրոց: Ապա եթէ չափ ինչ ուրեք եզեալ տեսանիցես, մի ընդ այնու և եթ փակեալ համարիցիս զԱստուծոյ մարդասիրութիւնն: Այսպիսի ինչ է զոր ասեմք. Որպէս գթայ հայր, ասէ, յորդիս, այնպէս գթայ Տէր յերկիւղածս իւր. իսկ յԱւետարանին հակառակ իմն սմին ցուցանէ, եթէ Դուք, ասէ, չարք, գիտէք պարգևս տալ որդւոց ձերոց. և աստ մարգարէս իսկ. Զի թէ մոռանայցէ, ասէ, կին զԾընունդս իւր, սակայն ես զքեզ ոչ մոռացայց: Որպէս զի օրինակս ոչ յայն սակս եղեալ է՝ եթէ այնչափ միայն իցէ մարդասիրութիւնն, այլ զի մեք այլ ինչ չափ գթոյ 'ի վեր քան զայս ոչ գիտեմք, և 'ի մեր միտս վերջին սահման ասէ. Եւ զի այսպէս է, լուր իսկ որ ասէն. Զի եթէ և մոռասցի զայս կին, սակայն ես ոչ մոռացայց զքեզ, սա է Տէր: Սոյնպէս և յորժամ լիցես, եթէ Որպէս 'ի բացէ են արեւելք յարեմոսից, այնպէս հեռի արար 'ի մէնջ զմեղս մեր. մի այնչափ և եթ կարծիցես, այլ ևս առաւել յոյժ. զի քան զայն այլ ինչ չափ մեծ ոչ գիտես, վասն այնորիկ 'ի ծանօթոյն ած քեզ օրինակ: Այլ զի և աւելի հեռացոյց, յայտ է յասելոյն, եթէ Սպանի զմեղս և ջնջեցի. զի այս յոյժ աւելի է քան զհեռացուցանելն. քանզի և հեռացելոյն մարթ է և մոտել, իսկ ջնջեալն ոչ ևս այլ

գրի: Եւ այլուր ասէ, եթէ Հայր գթութեանց և Աստուած ամենայն մխթարութեանց. և աստի զինչ կամի ցուցանել: Ինչ այսպէս թուի, եթէ որպէս ինքն անհաս է, նոյնպէս և ողորմութիւնն նորա. զի որպէս զօրութիւնն անհասական է, նոյնպէս և ամենայն ինչ զօրութեանն. ըստ այնմ, եթէ Զամենայն ինչ զօր կամեցաւ՝ արար. և դարձեալ, եթէ Զիբ բան ինչ անկար ՚ի նմա. զի անչափ զօրութեանն՝ և իմաստութիւնն անբաւ է. զի թէ իմաստութեանն նորա չիբ չափ, իսկ մարդասիրութիւնն նորա ընդ չափով անկանիցի. և ոչ ուրեք. որում փափագիցեմքն, որով ամենայն ինչ հաստատեցաւ եկաց: Եւ վասն սիրոյն ևս ճառէ, եթէ Այնպէս սիրեաց Աստուած զաշխարհ, մինչև զՈրդին իւր միածին ետ: Եւ զդատաստանացն, եթէ Դատաստանք նորա իբրև զխորս բազումս: Եւ զողորմութենէն, եթէ Առնէ զողորմութիւն ՚ի հազար դար:

Զայս ասելով՝ ոչ եթէ ՚ի Ծուլութիւնս ինչ յօժարեցուցանեմք զձեզ, այլ զվհատեալն զարթուցանիցեմք քաղցրական յուսովք և Աստուծոյ մարդասիրութեամբն: Զի որպէս ողորմութիւնն նորա բազում է, նոյնպէս և յանգիմանութիւնն նորա: Եւ դարձեալ ասէ. Ուրախութիւն յերկինս լիցի և յերկրի. թէպէտ և զինչ իսկ իցէ մարդ. զի թէ Ամենայն հետեւն ոսպ իբրև զկաթիլ մի ՚ի դուլէ իցեն, և իբրև շիթ մի ՚ի բերանոյ, և իբրև զմէտ մի ՚ի կշռոց, և իբրև յոյնչ համարեցաւ. զի թէ ամենայն մարդիկ այնպէս իցեն, իսկ մի ոք իմ իմիք արժանի իցէ առաջի նորա, մանաւանդ թէ և մեղաւոր իսկ իցէ. բայց սակայն այնչափ փոյթ յանձին ունի հնարել, զի զերկոսին զգլխաւոր արարածն ածէ յուրախութիւն վասն միոյ մեղաւորի. զինչ այլ ինչ զուգական կայցէ այնախի ինամոց: Եւ ընդ այս մի ինչ հայեցիս, եթէ վասն փրկութեան աշխարհի առաքեաց Աստուած զՈրդին իւր. զի թէպէտ և մի ոք փրկելոց էր, սակայն և ոչ այնպէս Աստուած հրաժարէր առաքել զՈրդին իւր: Եւ ուստի, ասեն, կարես ցուցանել զայդ. զի Պաւղոս ասէ. Վասն մեր ամենեցուն մատնեաց զնա: Նա և այլ իմն նշանակէ արդարութեանն. ոչ եթէ վասն մեծատանց նմա.

Ինեաց ասէ, և վասն աղքատաց ոչ. և կամ վասն իմաստնոց, և վասն անմտաց ոչ. և կամ վասն աղքատաց, և վասն ծառայից ոչ. այլ վասն ամենեցուն, զի զամենեւեան առհասարակ պատուեսցէ: Իսկ նա և այլ աղգ իմն ասէ, եթէ վասն իմ մատնեաց զանձն. Որ այժմն, ասէ, կեամ մարմնով՝ ոչ ինձ կեամ, այլ այնմ՝ որ սիրեացն զիս, և մատնեաց զանձն իւր վասն իմ: Զինչ խօսիսդ, Պաւղէ. արգելլը կամիս զԱստուծոյ պարգևսն. ոչ դու յառաջ քան սակաւ մի ասէիր, եթէ վասն մեր ամենեցուն մատնեաց զնա. և այժմ ասես, եթէ վասն իմ միայն մատնեաց: Այո՛, ասէ. զի յայտարարից եթէ վասն միոյ ուրուք ինչ էր մատնելն, սակայն և այնպէս ոչ հրաժարէր: Կամիս զի և յառակէն հաստատեցից զսոյն. ոչ մի միայն ոչխար էր կորուսեալն, և իննսուն և ինն ապրեալք. միթէ դանդաղեցաւ ինչ թողուլ զապրեալսն և ընթանալ ի լերինս և ի դաշտս և ի ծործորս. միթէ հեղգացաւ ինչ և եգիտ. ոչ կարացին մնացեալքն միթարել վասն փնասու կորուսելոյն: Եւ այսպիսի իրը անդ լինին, ուր կարի ջերմ սէր իցէ. քանզի և զոսկեսէրն՝ որ բազում դահեկանս ունիցի, մի դահեկան կորնչիցի՝ կարէ տրտմեցուցանել, վասն առհասարակն զամենայն սիրելոյ: Եւ յորժամ եգիտն, տես զսէրն, զիսիրդ ինամով և գթով բարձեալ բերէ ի վերայ ուսոց. զի ոչ գան եհար, և ոչ սաստ ինչ պահանջեաց: Եւ այսպիսի գործ կարի իմն սիրելեաց և անձկալեաց է. թէպէտ և թողուցուն և հեռանայցեն և փնասակարք ինչ գտանիցին, չցամնուլ ընդ փնասն, այլ զդարձն և եթ ինդրել և զհաշտութիւնն: Եւ զինչ ինչ փնաս արարաք ոչ առ Աստուած, կամ որով իւրք բարկացուցաք: Եւ արդ, յետ այնր ամենայնի՝ վրէժս պահանջիցէ. այլ աղաղակէր ևս, եթէ Ոչ եկի զի դատեցայց զաշխարհ, այլ զի կեցուցից. զի փախչիք, զի խրոչիք: Եւ դարձեալ, եթէ վասն Քրիստոսի պատգամաւորեալ աղաչեմք, մեւք հաշտեցարուք ընդ Աստուծոյ: Յետ թըչ նամանացն, յետ խայտառականացն. այո՛, ասէ, հաշտի: Եւ մեք փութասցուք զի և ընդ մեզ հաշտեսցի:

« Զարթիր, զարթիր Երուսաղէմ, և զգեցիր զգորութիւն բազկի քո »: Իւթանասունքն այնպէս յայտ

ԱՏԻՎՈՐ ասեն. զի չորեքդրեանն և Աղօնայի և ԱՏԻՎՈՐ զԱրտուծոյ անունն նշանակեն երբայեցերէն: Իսկ Ակիւղաս ասէ. Զարթիր զարթիր, և զգեցիր զգորութիւն բազկաւդ. և աստ առնութիւր կայ չորեքդրեանն, որ նշանակէ զՏէրն անուն. բայց իւթանատունքն և յաջորդօքն ևս յայտ առնեն եթէ զԵրուսաղէմէ և ասացեալ զգարթիր զարթիր, յասեղցն անտի՝ եթէ «Ո՛չ գու այն ես՝ որ աւերեցեր զԺողն»: Ակիւղաս ասէ. Միթէ դու ինքնին իցես՝ որ աւերեցեր զԺողն: Այլ և չէ ինչ անման՝ թէ և առ Երուսաղէմ ասացեալ իցէ. զի ամենայն նշանքն որ գործէին՝ վասն ժողովրդեանն գործէին, քանզի զնոյն իսկ կոչէ Երուսաղէմ: յԱրտուծոյ, ասէ, գործէին, այլ վասն նորա գործէին. ապա թէ յԱրտուծ ևս հանիցէ ըզբանն, զի ցուցցէ եթէ ի նմանէ վասն ժողովրդեանն լինէին սքանչելքն, այսինքն վասն Երուսաղէմի: Եւ արդ. թողցուք ի բաց զկարծեալ երկբայութիւնն՝ որ չէ իսկ երկբայութիւն, և ուշ առեալ կարգին՝ ըստ իւթանասնիցն թարգմանութեանն մեկնեսցուք:

« Եւ զգեցրի զգորութիւն բազկի քո »: Մեղաց իմն թօթափումն նշանակէ. զի զօր օրինակ ի փարատեւ ջառոց՝ զգորութիւն առնու հիւանդն և կազդուրէ, նոյնպէս և լընկենու մեղացն՝ առողջանան հոգիքն. զի մեղացն ախտ լուծանէ զհոգւոյն զգորութիւն, բազում անգամ ի մարմինն իսկ տայ. և վկայեցէ այսմ անգամալոյծն և կինն կարկամեալ, և որ ի Կորնթոս վասն մեղացն հիւանդացեալքն էին: Եւ չիք ասել, եթէ վասն մեղաց կերպարանք, եթէ ոգւոցն ոչ վնասիցեն¹. և զօր օրինակ ի մարմնոյ հիւանդութենէ նուաղէ ոգւոցն արթնութիւն, նոյնպէս և հոգւոցն հիւանդութեան լինի հաղորդակից մարմինն: Եւ այս

Ժամանակաց կրէ յինքեան զգալափար, անցելոյն, ներկայի և ապառնոյ: Անցելոյն՝ վերջին վանկին Ո՛ր ներկայի միջին ժայնաւոր տառին ՚. ապառնոյ՝ սկզբնագիր տառին ՚. որով գրուին է արգարէ յաւիտեանութեան. քանզի նշանակէ՝ Որ էրն, որ էն, որ եղիցին: Վասն որոյ և Առաքեալն Յովհաննէս թարգմանէ զայն ի Յայտնութեան իւրում. Որ էն, և որ է, և որ գալոցն է. (Յայտն. Ա. 8), Տես զայսմանէ և ի Մինեւ ի Բառագիր Ս. Գրոյ, ի բառան Deus և Dominus.

¹ Այսպէս յօրինակին:

Աստուծոյ մարգասիրութեանն գործ է. քանզի ոգին դժուարի առ ախտն՝ առ մեղացն հարուածս, այնպէս կարգեաց՝ զի և մարմինն զգայցէ. զի ՚ի մարմնոյն ցաւոց զարթնացումք յողորմութիւն չարեացն՝ որ զմեզ կապեալ ունիցին: Եւ եթէ կամիս՝ քննեցուք նախ վասն ցասմանն իսկ. ոչ տեսանես, զիւրդ ապականէ ցասումն զմարմին. վասն որոյ ասէ իսկ Իմաստունն, եթէ Այր ցասկոտ՝ տգեղ ՚ի կերպարանս իւր: Եւ զի զոգիւն կորուսանէ, յայնմանէ յայտ է՝ զոր ասէն, թէ Բարկութիւն կորուսանէ և զիմաստունս: Եւ յայտ է եթէ յորժամ մարմինն ծանրանայ՝ իւրովք ախտիւք յոգիւն ազգէ, նոյնպէս և յորժամ ոգիւն ծանրանայցեն՝ ՚ի մարմինն տան զոյժն. նա և առաքինութիւնն ոչ զոգիւն միայն, այլ զմարմինն առողջացուցանէ, իբր ՚ի դառնաշունչ ձմերայնւոյ զերծուցեալ պահէ ՚ի խաղաղութեան:

« Զարթիր զարթիր, Երուսաղէմ »: Անհնարին կործանումն կործանեալ էր. ոչ զի յատակսն միայն հասեալ էր, և ոչ զի շինուածքն միայն հինն ՚ի վեր էին, և ՚ի հող և ՚ի միտք շիջեալ նստէր, այլ զի յամենայն կողմանց հրդեհիւք մեղացն էր բորբոքեալ: Ողորմելի են բանքն, զի յանհնարին կոր կործանեալ էր մեղօքն և անօրէնութեամբ. այլ գերութիւնն և օգուտ ևս եղև նմա: Եւ եթէ ուստի էին եղեալքն, և ուստի անկաւ ՚ի չարչարանս, և զիւրդ կարիցէ ապրել յանհնարին կապանացն, ուսուցանէ՝ թէ որպէս անկանելն ՚ի նմանէ եղև, նոյնպէս և յառնելն ՚ի նմանէ է, և հաստատել յառաջին զօրութիւնն. և ինքն յորդորէ և եթ: Եւ զի ՚ի նմանէ եղև անկանելն, և ՚ի նորին ձեռս է և յառնելն՝ յայտնի յաջորդացն է:

« Զարթիր, ասէ, իբրեւ ՚ի սկզբանէ աւուրցն, իբրեւ յազգացն յաւիտենից »: Հաւատացուցանել կամի նմա զփոփոխումն: « Ո՛չ դու այն ես՝ որ աւերեցեր զծովն և զբազմութիւն ջուրցն անդնդոց. արարեր զխորս ծովու ճանապարհ փրկելոցն և ապրելոց »: ԶԵգիպտացւոցն և զծովուն ճառս ՚ի մէջ բերէ: Միթէ իւրով ինչ զօրութեամբ գործէր զայնպիսի գործ. ոչ եթէ նա յանձնէ ինչ կարէր առնել, այլ քո ձեռնդ առնէր և

կատարէր զամենայն ինչ: Այլ զի ուսանիցիս եթէ վասն նորա էր ամենայն, զի մի կարծիցես եթէ վայրապար ինչ առնիցէն, եթէ ոչ նախ 'ի նոցանէ առնուցու պատճառս: Եւ զի՞նչ, ասէ, մեծ ինչ ցուցանեմ կամ զարմանալի. գոչեաց, հեծեաց առ վիշտսն. տեսանելով տեսի զնեղութիւնս ժողովրդեան իմոյ, և հեծութեան նոցա լուայ: Եւ զոր Մովսէսիւն արար՝ զնոյն 'ի ժողովուրդն հանէ: Տեսանեա, որչափ զօրաւոր է որ Աստուծոյ հնազանդի, և որչափ տկար որ Աստուծոյ անհնազանդի: Ոչ 'ի քումմէ անձնէ եղև քեզ զօրութիւնն այն յայնժամ, և ոչ առ քո ինչ տկարութեան եղեն ինչ այժմ՝ աղէտքդ քեզ. այլ այն վասն առաքինութեան և այդ վասն մեղացն: Եւ տես, զի՞նչ ասէն, եթէ նոքա վասն հպարտութեան ջնջեցան, և յուսով ինչ՝ որ չէր նոցա օգուտ. զի եթէ նոքա վասն հպարտութեան կորեան, և սղբա 'ի նմին յամբարտաւանութեան կացին, զիարդ կարէին ապրել. քանզի ոչ եթէ վայրապար ինչ սպան զնոսա Առտուած, այլ առակ և ծանակ արար: Եւ քանզի տապաստ անկանել զտկարութիւն անկելոցն յայտ առնէ, որպէս նոքա զմանկտին 'ի Յուրմն հեղձուցանէին, նովին կերպարանօք և նոքին հեղձնուին 'ի Յուրմն:

Յիշեա, ասէ, զառաջին ազնուականութիւնն. ուսիր զի մեծ զօրութիւն ունիս՝ եթէ կամես. « Ոչ դու այն ես՝ որ աւերեցեր զժողովն »: Մի ասեր եթէ քոց ինչ նմանակցաց ազգաց յաղթեցեր, այլ նոցին իսկ արարածոց յաղթեցեր. փոխելով զքնութիւնն՝ գրեթէ տիրեցեր իսկ արարածոց, մինչդեռ արարածոց Տէրն հաշտ էր ընդ քեզ. և ոչ ինչ նախանձեցաւ ընդ այն, այլ որպէս սերտ զք բարեկամ հրամայէիր արարածոց բարեկամին: « Արարեր ճանապարհ փրկելոց և ապրելոց »: Թշնամեաց յաղթեցեր, և զնոր ճանապարհ գնացեր. վասն այնորիկ վարկանի նմա զսքանչեղեացն երախտիս, զի յիշատակօք հնոցն ուղղութեանց՝ զարթուցանիցէ ածել 'ի նախանձ՝ սիրել զԱստուած, զի 'ի Տէր դարձցին և այժմ, որպէս և յայնժամ:

« Զի նա է, ասէ, քո Աստուած. և կէսցեն 'ի Սիոն ուրախութեամբ և ցնծութեամբ յաւիտենից. զի 'ի վերայ գլխոց նոցա օրհնութիւն և ցնծութիւն և

ուրախութիւն հասցէ նոցա. և մեկնեցան հոգք և տրտմութիւնք և հեծութիւնք : Իբրեւ թագ ինչ կամ նշան յաղթութեան լինիցի ուրախութիւն 'ի վերայ գլխոց նոցա : « Հալածեցան ցաւք և տրտմութիւնք և հեծութիւնք » : Թէպէտ օրինակաւ զնոցանէն ասացաւ այս յայնժամ, այլ ճշմարտութեամբ 'ի հանդերձեալ ասուին կատարեսցի : « Հալածեցան ցաւք և տրտմութիւնք և հեծութիւնք » : Եւ քանզի մեք մոռնաք զցաւս և զտրտմութիւնս և զհեծութիւնս յաճախութեամբ մեղացն, յորժամ արմատն կտրիցէ, ասէ, յայնժամ և ծնունդքն շիջանիցին : Զի յորժամ վշտագին ինչ կեանք 'ի վերայ հասանիցեն, և սկսանիցին ասել, թէ ընդէր այսպէս դանդաղանաց կեանս ետ մեզ Աստուած, յիշեալիւր զստեղծութեան՝ եթէ մեք մեզէն մերոց վշտացն եղեաք պատճառք. զի նա ոչ կամէր եթէ յայնպիսի թշուառութիւնս հասանիցէ բնութիւնս մեր. զի նա յորժամ արար՝ մեծամեծ բարութիւնս պատրաստեաց առաջի : Ապա եթէ չհաւատաս' լմեր դրոյն որ ասէ. Աստուած զմարդն ուղիղ արար, և նոքա խնդրեցին խորհուրդս բազումս : Եւ լմեր, որպիսի ոք ինչ էր Ադամ զառաջինն. ոչ 'ի տրտմութիւնս ինչ, ոչ 'ի հոգս. քանզի և չէին իսկ տրտմութիւնք մինչև ցայնժամ, այլ յետոյ 'ի պատժոց կարգի յաւերան. զի 'ի պատիժս որում ոչ ակն կայցէ, այնմ հասանէ համբերել. որպէս յորժամ ասիցէ, եթէ Յաւովք և տրտմութեամբ կերիլիւր զգա, յայտ է եթէ յառաջ քան զայն՝ յուրախութեան վայելէր : Եւ յորժամ ասիցէ՝ 'ի քիրտն երեսաց քոյ, յայտ է եթէ յառաջ քան զայն առանց քրտան և վատակոյ էր. և յորժամ ասիցէ, եթէ Յորում ասուրուտիցես՝ 'ի նմին մեռանիցես, յայտ է եթէ յառաջ քան զայն 'ի վերայ էր քան զմահ. վասն այնորիկ և Քրիստոս զի ցուցցէ եթէ յառաջին կարգան հաստատէ զմեզ, յետ յարութեանն իբրեւ ետես զկանայսն՝ նախ զայն բարբառ արձակեաց, մանաւանդ առ նոսա՝ որ մարք իսկ էին տրտմութեանց, զհակառակն տրտմութեանց, թէ Ուրախ լերուք. թէ 'ի սկզբանէ նախ 'ի ձէնջ իսկ եղև մնատ տրտմութեան, և այժմ ինչ լինի ձեզ մնատ ուրախութեան : Զսոյն և Պաւղոս յաճախա-

գոյնս բարբառէր, եթէ Հանապազ ուրախ լերուք լուծան առաջինքն. զի թէ մահ չիցէ մահ, ապա և ոչ տրտմութիւնն տրտմութիւն. զի թէ մահուն խայթոցք փշրեցան, ապա բարձեալ են և մեղացն ծնունդք. զի ի մեղացն մտանելն, հարկ եղև և տրտմութեանցն մտանել, իսկ յայնժամ, ասէ, հալածեացին ցաւք և տրտմութիւնք և հեծութիւնք. զի հալածելն՝ զյոյժ հեռանալն յոյտ առնէ:

« Ես եմ, ես եմ ինքնին որ մխիթարեմ զքեզ »: Ես նոյն իսկ եմ. զի թէպէտ և իրացդ փոփոխումն եղև, այլ ոչ եթէ ես ինչ փոխեցայ. այլ նոյն որ էին՝ եմ: Եւ բարիոք ասաց, եթէ « Ես եմ որ մխիթարեմ զքեզ »: Զի չիք ինչ օգուտ ի բարութեանց՝ յորժամ նա չիցէ մօտ որ մխիթարիցէն: Վասն այնորիկ և Պաւղոս ասէ, եթէ Որ մխիթարէն զմեզ յամենայն նեղութիւնս: Ինքն է որ տայ զտրտմութիւնն, և կարճամտաց՝ զերկայնամտութիւն. զնա հանապազ աղաչեսցուք. մի խրն դրեսցուք մեծանալ, այլ զի Արտուած հաշտեցի ընդ մեզ. զի յորժամ նա հաշտ իցէ՝ և յաղքատութեան մարթէ ուրախ լինել: Զոր օրինակ յորժամ թշնամի իցէ, թէպէտ և մեծատունք և ընչաւէտք իցեմք, կալէ ի տրտմութեան մաշել: զի յորժամ տէրն թշնամի իցէ, թէպէտ և այլ ինչ շահ իցէ և բարեկամք մօտ, սակայն չէ ինչ օգուտ. որպէս և յորժամ հաշտ իցէ՝ չիք ինչ ի հակառակորդացն որ կարիցէ քնասակար լինել:

« Ծանիր դու՝ զինչ էիր, և կամ զիարդ երկեար դու ի մահկանացու մարդոյն կամ յորդոյ մարդոյ », որք իբրև զխոտ ցամաքեցան: Բարւոք յիշեցուցանէ նմա զիւր ազնուականութիւնն, որպէս դատեր միում թագաւորաց՝ որ յիւրոց գերդաստականացն երկնչիցի: Զինչ էիրն՝ աղէ ասա. Բաղում ինչ միտս ցուցանէ զինչ էիրն. մի՛ այնու իսկ, զի քան զայլ մարդիկ աւելի ծանեար զԱրտուած. միայն ապրեալ էիր ի մոլորութեանն, միայն զճմարիտ զգաստութիւնն զգաստանայիր, միայն քեզ գաղանխ և զաներևոյթս իմաստութեան իմոյ ցուցի. ըստ այնմ, եթէ Ոչ այսպէս արար

ամենայն ազգաց, և զդատառտան իւր ոչ յայտնեաց նոցա: Զոր ազգ այնպէս ընտրեաց Աստուած, կամ ո՞րք լուաւ զԱստուծոյ բարբառն՝ որպէս նոքա: Զինչ էիրն. զոր կամիցիս ի միտ առնուլ. զմարմնական զօրութիւնն, եթէ զոգւոյն իմաստութիւն, եթէ որ ի բացուստ երանութիւնքն էին, եթէ զառտնիւն վայելչութիւնն: Զինչ էիրն, կամ զխաբի. երկեար ի մահկանացու մարմնոյն. միթէ զանմարմնականացն զօրութեանց զկեանս ոչ ետու քեզ կեալ. թէպէտ և ընդ աղօտ և կերպարանօք, սակայն ետու կեալ զայնպիսի կեանս. զքառասուն ամ ոչ վարեցեր և ոչ հնձեցեր, և վայելէիր ի բարութիւնս: Զհաց, ասէ, երկնից ետ նոցա, և զհաց հրեշտակաց եկեր մարդ: Զիք ինչ մարդկան առանց աշխատութեան: Զինչ էիրն, և երկեար. զի և քան զմահ ևս ի վերոյ էիր. քանզի հանդերձեալքն յառաջագոյն նկարէին, և բազում անգամ զերծուցանէր զնոսա ի վշտաց. և այնու իսկ չէր մահկանացու, քանզի զԱստուած ունէր ընդ իւր զօրավար, և այնչափ կարող լինէր՝ որչափ ինքն կամէր:

« Որք, ասէ, իբրեւ զխոտ ցամաքեցան »: Տեսեր զբնութեանն նուազութիւն. այլ եղև քեզ յարհաւիրս, ոչ իւրով ինչ զօրութեամբ, այլ վասն քո ծուլութեան: Ո՞վ որ ի խոտոյ երկնչիցի. որպէս զի և մեզ յիրաւի որ ասիցէ, եթէ զինչ ետդ, և զխաբի երկրնչիսդ ի սատանայէ. զօճն հրամայեաց քեզ կօխել, և զու ընդէր երկնչիցիս. ինքնին Քրիստոս ընդ քեզ է, և ի հակառակորդէն զանդիտեա:

« Եւ մոռացար զԱստուած զարարիչն քո, որ արար զերկինս և հաստատեաց զերկիր »: Զի մին արարչութեան և տեսչութեան է, և միւսն զօրութեան և ինամայ. զի չէ ընդ մի համար զհայր մոռանալ և զԱստուած. զի նա առաջին պատճառք և ճմարտութեան պատճառք: Այլ ոչ տեսեր՝ որպէս արար զքեզ, և զերկինս ոչ տեսանիցես՝ որ հանապազ յիշեցուցանեն քեզ. զի յոր կողմ և երթիցես՝ իբրեւ զարձան մի հաստատուն կանգնեալ կայ. շուրջ քեւ եկեալ հնչէ գոչէ զարարչէն. յոր կողմն և հասանիցես՝ անդ գտանես զնա ի վարդապետութիւն:

« Եւ երկնչէիր զամենայն աւուրս՝ յերեսաց սրտմը-

տութեան նեղչիք » : Ակիւղաս՝ Լիկչիք, ասէ : « Զոր օրինակ խորհեցաւ եղծանել զքեզ » : Իսկ այլքն՝ Յորընըլ զքեզ, ասեն : « Եւ արդ ո՛ւր իցէ սրտմտութիւն նեղչին քո, զի՛ ի փրկութեանն քում ոչ կայցէ և ոչ յերկարեսցի » : Եւ արդ կամիցին աւսանել եթէ զինչ իցէ . « Մանիջլի ալժամ, զի ես եմ Տէր Աստուած քո՝ որ խռովեմ զծով, շարժեմ զալիս նորա . Տէր սաբաւով եւ անուն նմա » : Ապա յոյժ առաւել իմն է քան զնոսա . « Եղից զբանս իմ՛ի բերան քո » : Քանզի հանդերձ այլովք չարեօքն՝ և յայսմ ևս մխիթարութենէ զբեցեցան՝ պատմել ի բերանս զպատգամն Աստուծոյ . վասն այնորիկ ասէ . « Եղից զբանս իմ՛ի բերան քո » : Իսկ այլ ոմն ի թարգմանացն ասէ, եթէ Աբարից զքեզ միշտ խորհել յօրէնսն Աստուծոյ, զի այնպէս արկից ի քեզ փոյթ և յօժարութիւն :

« Եւ ընդ հովանեաւ ձեռին իմոյ ծածկեցից զքեզ, որով կանգնեցի զերկինս և արկի հիմն երկրի » : Սիմաքոս ասէ . Որով տնկեցի ընդ այնպիսի զօրութեամբ, պէսպէս զգուշութեամբ զգուշացայ քեզ :

« Զարթիր, զարթիր, Երուսաղէմ, որ արբեր ի ձեռանէ Տեառն զբաժակ սրտմտութեան նորա, զբաժակն կործանման՝ զկարճն սրտմտութեան, զոր արբերն և թափեցեր » : Քանզի վերադոյնն ասաց, եթէ Զինչ էիրն, և զիարդ երկեար ի սրտմտութենէ թաղաւորին, և թէ նա զքեզ չարչարեաց . զի մի՛ ժարդ կանէ ինչ համարիցի զպատիժն՝ ասէ . « Ի ձեռանէ Տեառն արբեր զբաժակն կարճ զսրտմտութեան » : Միշտ զպատիժս ինչ՝ բաժակ սովոր են ասել գիրք . և կարճն ասելով, զի զվաղահաս պատիժսն Աստուծոյ յայտ առնիցէ . և զի ցուցցէ եթէ ի սիրտն գործեցաւ, ասէ . « Զոր արբերն և թափեցեր » : Եւ զարդար պատճառն ասէ, և զի ցածնլոյ էր բարկութիւնն . լցեր, ասէ, զչափ պատժոցն, արբեր թափեցեր, ասէ, և ոչ ինչ կայ այլ ի պատժոցն :

Եւ զի ցուցցէ եթէ ոչ դք կարէ նմա զօրավիգն լինել, ասէ . « Եւ ոչ դք էր՝ որ մխիթարէրն զքեզ յամենայն որդւոցն քոյ՝ զորս ծնար » : Յիշեցուցանէ զանչափ զպատիժսն, և ոչ միայն զի չարչարեցան, այլ զի այնչափ չարչարեցան, զի և մխիթարիչ ոչ զդք գտաւ .

ներ առ 'ի վշտացն։ Եւ ոչ եթէ զորդիմն ինչ բամբա-
սիցէ ասեւոյ՛ եթէ չէր որ միտարէր, այլ զայն
կամի ցուցանել եթէ յերկնից էին հարուածքն։ զի և
ոչ որդիքն անգամ կամէին միտար լինել։ Զի՞ ապա-
ւինիս յարտաքինն, ուր և յրնտանիսդ չիք յոյս։ զի
յորժամ Աստուած հարկանիցէ, ոչ 'ի բազմութիւն
զօրացն պարտ է յուսալ և ոչ յամբութիւն քաղաքաց։

« Երկու ինչ են որ հակառակ կան քեզ, և ոչ իցէ
որ տրտմակից լինի քեզ։ Կործանումն և բեկումն, սով
և սուր։ և ո՛վ իցէ որ միտարեացէ զքեզ »։ Որդիքն
քո, որ ինքեանք իսկ կարօտ են միտարութեան։
Եւ այլազգ ևս։ զի սովոյ ո՛վ իցէ որ ժուժկալ կարիցէ
լինել։ զի ուսանիցիս թէ և պատերազմն յերկնից է,
վասն այնորիկ արձապեաց և զսո՛վն։

« Որդիքն քո, որ վարանեալ նստէին 'ի գլուխ ամե-
նայն ճանապարհաց, պատրաստք առ 'ի լինել փախը-
տական։ Իբրև զճակնդեղ կիսեփեաց էին լի բարկու-
թեամբ Տեառն »։ Այսինքն՝ զի կիսամեռք էին 'ի
սաստիկ սովոյն։ Սիմաքոս՝ Իբրև զակն ուռկանի, ասէ-
զի որպէս ակն ուռկանի զձուր ոչ արգելու, նոյնպէս
և ոչ նոցա ինչ հայթայթանք՝ զԱստուծոյ բարկու-
թիւնն։

Ասէ. « Լի էին բարկութեամբ Տեառն, լուծեալք 'ի
ձեռանէ Տեառն Աստուծոյ։ Վասն այնորիկ լուր տա-
ռապեալ, որ արբեալդ ես, և ոչ 'ի գինւոյ։ այսպէս
ասէ Տէր Աստուած՝ որ դատի զժողովուրդ իւր։ ասա-
ւադիկ 'ի բաց արարի 'ի ձեռաց քոց զբաժակ կործան-
ման՝ զկարճն բարկութեան իմոյ, և ոչ ևս յաւելցես
ըմպել գնա։ և տաց գնա 'ի ձեռս լլկչացն քոց, և որք
տառապեցուցին զքեզ։ որք ասէին ցանձնքո, խոնար-
հեաց, թող անցուք. և եդիր հաւատար երկրի զմէջ
քո »։ Ակիւղաս ասէ. Զթիկունս քո. Սիմաքոս՝ Զոգն
քո։ « Արտաքոյ անցաւորացն »։ Տե՛ս, յորժամ կամիցի
զերծուցանել զնոսա 'ի չարեացն, զիարդ և զմերձն
յիշեցուցանէ և զպատժոցն սաստկութիւնն. և եթէ
ոչ որ կարաց փարատել զվիշտան։ զի մի յետ երախ-
տեաց մոռանայցեն զբարիսն և զմեղսն՝ վասն որոց
լլկեցան։ զի որպէս մեղացն յիշատակ, նոյնպէս և
պատժոցն և երախտեացն՝ առնէ զմարդիկ պիտանա-

ցուս: Եւ բազում ինչ վասն այսպիսի իրաց հնարի Աստուած, զի խրատիցիմք լինել հեզք և պիտանիք. և զի ոչ միայն զերախտիսն, այլ և զպատիժսն յետ երախտեացն՝ առնէր նոցա յիշեցուցիչս, որ ինչ անցք ընդ Եգիպտոսն անցին և որ ինչ 'ի ջրհեղեղին. զի զջրհեղեղին նշանակ' աղեղամբն ցուցանէ, և զՍողոմայացւոցն՝ երկրոյն այրեցելոյն: Այլ աղեղն ընդ ամենայն երկիրն երևի, և Սողոմայեցւոցն ոչ ընդ ամենայն երկիր: Եւ արդ տես, զի երկիրնք և երկիր իսկ ունին նշանակ զԱստուծոյ բարկութեանն. զի մին աչօք իսկ երևի, և միւսն յականջալուրս պատմի հեռաւորաց: Իսկ պղնձի օձն՝ Հրէիցն էր նշանակ, և Թիթեղունքն՝ սեղանոյն. և բազում ինչ նշանակ ունիմք զգահներն, զախտս, զցաւս, զպատիժս ինչ դժնգակս. զի յայցեանէ՝ և զհանդերձեալն իմանայցեմք: Ո՞ր չիմացաւ զՍողոմայեցւոցն զբարկութիւն. սր կողմն տիեզերաց՝ որոց չիցէ լուեալ: Իսկ հրէականքն չիցէն բաւական հաւանեցուցանել զհանդերձեւոցն. քաղաքն կործանեալ, տաճարն աւերեալ, վիշտք, տրտմութիւնք, ցրումնք խաչահանուացն, զի անգեօղք և անքաղաք ընդ ամենայն աշխարհ չըլին. ընդ ամենայն տիեզերս դուռաղեալք Թափառականք: Եւ ոչ 'ի մարդկան բռնութենէ վատնեցան՝ յայնմանէ յայտ է, զի երբեմն Մակեդոնացւոցն յաղթեցին, և Պարսից և Մարաց՝ Աստուծոյ օգնականութեամբ. այլ հիմն մեծազօր զօրութիւն խաչելոյն, որ այնպէս ցրուեաց արկ զնոսա վայրավատինս: Յորժամ Փեննհէս սպան մի այր՝ այնչափ բարութիւնք պարգևեցան, և կամ յորժամ Մովսէս ինքնին իսկ՝ որչափ ևս աւելի երանութիւնքն. իսկ արդ՝ զի զհակառակն Աստուծոյ սպանին՝ ընդէր լլկեցան, ընդէր ցիր և ցան ընդ ամենայն աշխարհս մահեցան: Ո՞ր Թերահաւատ լինիցի 'ի գահներն պատժոցն, 'ի հրէական չարչարանայն հաւանեսցի, և կամ յԱնանիայէ և 'ի Սափիրայ, որ իւրեանց ընչիցն զոր նախ Աստուծոյ նուիրեցին, և ապա իբրև զտաճարակապուտս գողութեամբն՝ սատակեցան:

ԳԼՈՒԽ ԾԲ

« Զարթիր զարթիր, Սիրիւն, և զգեցիր զգորուծիւնք, և դու զգեցիր զփառսք, Երուսաղէմ՝ քաղաք սուրբ. զի ոչ ևս յաւելուցու անցանել ընդ քեզ անթլփառն և պիղծն. Թօթափեա զփողիք, արի և նիստ, Երուսաղէմ, որպէս յայնժամ» : Քանզի բազումք և յայնժամ ունէին ինչ այսպիսի աւետիս : Եւ ընդէր ելեալք ընդ աշխարհն՝ անդէն՝ ի թշնամեաց երկրին կամէին մնալ : Վասն այնորիկ՝ զի մի վհատեսցին ինչ, ասէ. « Թօթափեա զփողիք՝ ի քէն, արի և նիստ, Երուսաղէմ» : Արի՛ ի հողոցդ և՛ ի տառապանաց, և նիստ յաթոռ փառաց : « Լի՛ծ զկապդ՝ ի պարանոցդ քում մէ, գերիդ՝ դուստր Սիրիւնի » : Իբրև զիւն մի այրի՝ որ ընդ մոխիր թօթափեալ իցէ :

« Այսպէս ասէ Տէր. ձրի վաճառեցարուք, և ոչ արծաթով փրկեալիք » : Եւ զմնչ իցէ ձրին. զի ոչ ի զուր ինչ և ոչ վայրապար, այլ որպէս վերագոյնն աւացաք, թէ Ո՛ւր է գրաւական՝ որով վաճառեցի զձեզ. մի՞թէ զմնչս ինչ առի և պարտապան եմ հատուցանել. զի մատնեցի առանց արծաթոյ, որչափ ևս այսրէն առնուցում զձեզ առանց արծաթոյ :

« Այսպէս ասէ Տէր. յեգիպտոս էջ ժողովուրդն զառաջինն՝ լինել պանդուխտ ի նմա, և յԱսորեստանեայն բռնութեամբ վարեցան. և արդ զի էիք աստ » : Զառաջինն յիշեցուցանէ նոցա, թէ որպէս ապրեցուցանէր զնոսա. և ստէպ երթալն ի գերութիւն՝ իբրև ամբաստանութիւն իմն՝ ի մէջ բերէ զնոցանէն : Եւ ընդէր արդեւք. զի ցուցցէ եթէ ինքեանք են պատճառք գերութեանն. զի ոչ առաջինն և ոչ երկրորդն կարաց զգաստացուցանել զնոսա. վասն այնորիկ ասէ, եթէ « Վարեցան ժողովուրդն ձրի. զարմացեալ էին և լային » : Ոչ զի չէին կարող, այլ զի ձրին վաճառեցան. այսինքն զի այնպիսի Տէր անկարօտ ունէին, և ի

բամբասանս արկին՝ եթէ չկարիցէ օգնական լինել վասն որոյ յարէ իսկ ՚ի նոյն, եթէ և Այսպէս ասէ Տէր. վասն ձեր անուն իմ հայհոյի յամենայն ժամանակի ՚ի մէջ հեթանոսաց »։ Զի և ՚ի սլանդիստութեանն ինքեանք եղեն պատճառք՝ յԵգիպտոս, և գերութեանն յԱսորեստան և ՚ի Բաբելոն, և վաղվաղակի առնուլ զնոսա թշնամեացն, և որ այնպէս իմն դիւրառուք եղեն։ Զպատճառսն առ նոսա ձգէր. վասն ձեր, ասէ, հայհոյիմ՝ եթէ տկար և անզօրական ինչ իցէ, կամ անողորմ և անադորոյն։ « Վասն ձեր անուն իմ հայհոյի ՚ի մէջ հեթանոսաց »։ Եւ յորժամ փրկեմ զձեզ, և յորժամ տանջիցեմ. և յորժամ փրկիցեմ՝ ասեն։ Ո՛ր իցէ ժողովուրդս այս, վասն ոյր հանապազ մեռանիմք. և յորժամ տանջիցեմ զձեզ՝ ասեն։ Զկարիցէ արդեւք փրկել. « Վասն այնորիկ, յարէ ՚ի նոյն, եթէ՝ ծանիցէ ժողովուրդ իմ զանուն իմ »։ Վասն այնորիկ ասէ, թէ « Ես եմ ինքնին որ խօսէի, և արդ եկի հասի »։ Վասն այնորիկ. վասն որոյ. « Զի անուն իմ հայհոյի ՚ի մէջ հեթանոսաց »։ Չոր և Պաւլոս ասէ, յորժամ զհանապազորդ չարիսն նոցա յայտ առնել կամեցաւ, թէ և ոչ երբեք դադարեն։

« Ես եմ ինքն որ խօսէի. և արդ եկի հասի »։ Քրիստոս որ խօսէր ՚ի մարդարէսն¹, և ապա յայտնեցաւ իսկ մարմնով, և խօսեցաւ ընդ մեզ։ Վասն որոյ և նմանագոյնս իսկ յարէ ՚ի նոյն, թէ « Իբրեւ զի գեղեցիկ են ոտք՝ որ աւետարանեն զխաղաղութիւն, որ աւետարանեն զբարութիւնս »։ Ակիւղաս ասէ. Զի գեղեցկացան ՚ի վերայ լեւանց ոտք աւետարանչին՝ որ լսելին առնէ զխաղաղութիւն, և աւետարանէ զբարութիւնս։ Սիմաքոս ասէ. Զի վայելուչ են թէոդիտոն. Ո՛րպէս զի վայելուչ, Եւ բարեոք իսկ զարմանայ ընդ ոտսն՝ որ կոխեցին զօձս և զկարիձս։ Գեղեցիկ են ոտքն՝ որ յաղթեցին գեղեցկութեամբ արեգական ճառագայթիցն, որ մեծամեծ բարութիւնս բերեն մեզ։ Զինչ զուգագոյն կայցէ խաղաղութեան, լինել մեզ ընդ Աստուծոյ, և իւրաքանչիւր՝ ընդ անձին և ընդ միմեանս։ Տես, զիարդ երեքկին և բազմապա-

¹ Յօր. Ի Դարբասէի։

տիկ էր պատերազմն. ընդ Աստուծոյ կռուէաք և ընդ անձին և ընդ միմեանս. այլ քակեաց զայն Աստուածն՝ որ եկն 'ի բարձանց, և ասէր, եթէ Խաղաղութիւն լիցի ձեզ: Միթէ մէք ինչ խնդրեցաք զաւետիս խաղաղութեանս. այլ նա ինքն եկն և հաւանեցոյց զմեզ՝ հաշտել ընդ իւր, և բարութիւնս այնպիսի չնորհեաց՝ զոր ոչ ոք երբեք գիտէ կամ զմտաւ ածել կարէ:

« Զի լսելի արարի զփրկութիւն քո »: Յայտնեցից, ասէ, առ ամենեցուն: « Ասել ցՍիոնի, եթէ թագաւորեսցէ 'ի քեզ Աստուած »: Իսկ այլքն ասեն. եթէ թագաւորեաց: « Զի ձայն պահապանաց քոց բարձրացաւ »: Իսկ այլքն՝ Դիտացն քոց, ասեն. այսինքն՝ փառաւորացն Աստուծոյ: « Եւ 'ի նոյն բարբառ առհասարակ ցնծասցեն. զի դէմյանդիման տեսցեն՝ յոր ժամ ողորմեցաւ Տէր Սիոնի: Գոչեսցեն զուրախութիւն աւերակքն Երուսաղէմի, զի ողորմեցաւ նմա Տէր և փրկեաց զԵրուսաղէմ: Յայտնեցէ Տէր զբազուկ իւր սուրբ առաջի ամենայն հեթանոսաց, և տեսցեն ամենայն ծագք երկրի զփրկութիւն Աստուծոյ մերոյ »: Եւ այս ամենայն 'ի դարձին կատարեցաւ 'ի ժողովուրդն:

« Ի բաց կացէք, 'ի բաց կացէք, ելէք և մեկնեցարուք այտի, և 'ի պիղծս մի մերձենայք »: Զոր և Պաւղոս առեալ իսկ աստի վկայութիւն՝ զմտաւորացս իմն ճառէ. զի զմեզ քան զԲաբելոն լաւագոյն էին կեանք մարդկան: Եւ բարւոք իսկ խրատէ զնոսա. քանզի բազումք իսկ խլիլէին անդէն մնալ, ստիպէ և զպատճառսն ևս դնէ, թէ « Ելէք, և մի մերձենայք 'ի պիղծսդ »: Ակիւղաս և Սիմաքոս՝ ի գարշելիսդ, ասեն, Եւ տես զկամակորութիւնն, զի յորժամ յԵգիպտոսէն ելին՝ անդրէն դառնալ ցանկային, և յորժամ 'ի Բաբելոնէն կոչէին՝ դժկամակ լինէին և խլիլէին. և այնչափ դժկամակ լինէին, զի յետ այնչափ բարութեանց աւետեացն՝ ոչ կամէին ելանել: Այլ իմն խեղ խառնէ. « Ելէք 'ի միջոյնոցա, մեկնեցարուք՝ որ բարձեալ բերէք սպաս Տեառն »: Զի թէ վասն այլ իրիք ոչ, գէթ զայդ ածըիք զմտաւ, թէ որ սուրբ օպաստող եղեաք պաշտօնեայք, չէ օրէն ձեզ եթէ 'ի մէջ պրղծոցդ բնակիցէք:

« Զի ոչ խռովութեամբ ելջիք, և ոչ փախստեամբ փախիջիք »: Այն լիցի նշանակ՝ « Զի առաջի ձեր Տէր ինքնին գնացէ, և որ ժողովէն զձեզ՝ Տէր Աստուած խորայեւի »: Զի մի պատճառիցէք եթէ չարչարանս ինչ կրեցից իցէք, որպէս յորժամ յեգիպտոսէն ելէք. ոչ այնպիսի ինչ, այլ բազում մեծարանօք, այլ մեղմով և հանդարտութեամբ. քանզի Տէր ինքնին է ընդ ձեզ:

« Ահա աղիկ 'ի միտ առցէ մանուկ իմ, և բարձրացի և փառաւորեացի յոյժ. զոր օրինակ զարմասցին բազումք 'ի վերայ քո, նոյնպէս անարգեացի տեսիլ քո 'ի մարդկանէ »: Աքանչելիս 'ի սքանչելիս յարէ, որպէս առ Աբրահամու: Եւ մի կարգ ինչ խնդրեսցուք. զի այնպէս իմն սովոր է մարգարէութիւնն, մինչդեռ զայլ լոց իրաց ճառէ, վաղվաղակի 'ի միւս ևս դէմ դառնալ. յետ ասելոյն զգերութենէ և զգարձէն, յայլ երեսս շրջեաց զբանն:

« Ահա աղիկ 'ի միտ առցէ մանուկ իմ »: Զուսմէ կարծիցեն ասացեալ զայս Հրեայքն. զԶօրաբարբէլէ, թէ զԻսահելէ, եթէ զԺողովրդենէն. զի մեք զՔրիստոսէ միայն ասեմք ճառել: Եւ մի զկարգն ինչ 'ի մէջ բերիցեն. զի բազում տեղիս կարեմք ցուցանել հատապետոր զմարգարէիցն զկարգն, և այլ առնութեւր այլոց մուծեալ ճառս: Եւ արդ, ուշ ունիցիմք իւրաքանչիւր երեցունց երեսացն՝ զորոցն որոշայն կարծեն, և զՔրիստոսի. և տեսցուք՝ առ ո՞վ պատշաճագոյնս կատարեսցին, և զայն ընդունիցիմք: Եւ դատաւորք առ 'ի քննել՝ գուք ձեզէն լինիջիք իրացդ: Զի՞նչ իցէ 'ի միտն առնուլ, այսինքն՝ ցանկանալն: Եւ ինձ այսպէս թուի, եթէ զիմանալն զնա 'ի գրոց ակնարկէ. զոր և Ակիւղաս ասէ, թէ ի միտ առցէ ծառայ իմ. զոր և եբրայեցին՝ Հննէ եսքի աբդի ¹, ասէ. նոյնպիսի ինչ՝ որպէս Ակիւղասն ասէ: Բայց ես ասեմ, թէ իսկ և իսկ զխաչէն ճառէ, զի յայտ արասցէ եթէ ըստ ցանկութեան եղեն նմա իրքն. քանզի և ասէ իսկ, եթէ Յանկանալով ցանկացայ ուտել զչարչարումնս զայս ընդ ձեզ: Զի թէպէտ

¹ Եբրայական բնագիրն գնէ יְבֹדִי חֲנָנִי որ է. Հօռն իսկիւ ադի. այսինքն՝ Ահա ասիկ 'ի միտ առցէ ծառայ իմ:

և ծանրագոյն էին իրքն, այլ սակայն նմա ցանկալի էին վասն ուղղութեանցն՝ զոր գործելոց էր: Եւ զի յայտ արասցէ, եթէ ոչ ականայ և ոչ ՚ի հարկէ ինչ, այլ յոյժ մտադիւրութեամբ և կամաւ եւն յայն, և ցանկութեան են նմա իրքն և յոյժ ախորժականք, Մեծ, ասէ, քան զայս ոչ որ կարէ առնել, զի զանձն իւր դիցէ ՚ի վերայ բարեկամաց իւրոց: Տեսանէս, որչափ ինչ յայտ առնէ զցանկութիւնն՝ որով ցանկացեալն էր խաչին, զի և փառս ևս կոչէ զիրան:

« Եւ բարձրասցի և փառաւորեսցի »: Իսկ այլքն՝ վերասցի, ասեն. զի ոչ ամենայն բարձրացելոց՝ փառաւորութիւն է, այսինքն խաչելոց, այլ հակառակ նորին՝ անարգութիւն է. և զիւրն այնու որոշէ յայլոցն, եթէ Յորժամ բարձրացուցանիցէք զՈրդի մարդոյ՝ յայնժամ ծանիջիք եթէ ես եմ. և դարձեալ, եթէ Յորժամ բարձրացայց՝ յայնժամ զամենեսեան առ իս ձգեցից. որոց այլոց պատճառք անիծիցն էր, նոյն զայլոց լուծանէր զանէծս:

« Եւ վերասցի յոյժ »: Զմեծ բարձրութիւնն յայտ առնէ. քանզի և միւսն ասէ, թէ Փառաւորեսցի: Եւ արդ՝ ո՞վ բարձրացաւ, ո՞վ փառաւորեցաւ՝ և յորժամ բարձրացաւ. յոյր վերայ ջանայցեն կատարել. ՚ի Զօրաբաբելլի, եթէ ՚ի Դանիելի, թէ ՚ի Ժողովրդեանն վերայ, թէ յԱստուծոյն՝ որ յամենայն տիեզերաց առնու զերկրպագութիւնն:

« Զոր օրինակ զարմասցին բազումք ՚ի վերայ քո »: Ակիւղաս՝ Հիացան, ասէ. Սիմաքոս՝ Աքանչացան: « Նոյնպէս անարգեսցի տեսիլ քո ՚ի մարդկանն »: Իսկ այլքն ասեն. Նոյնպէս եղծեալ է: « Եւ փառք քո յորդոց ՚ի մարդկանն »: Զտեսիլն նորա Ակիւղաս՝ Կերպարանս, ասէ: Ո՞վ որ զարմացաւ ՚ի վերայ Ժողովրդեանն, կամ ՚ի վերայ Զօրաբաբելլի. իսկ ՚ի Դանիելի վերայ թէպէտ և բազումք զարմացան, այլ ոչ անարգեցաւ տեսիլ նորա, զոր մանաւանդ հանապազ իսկ առ լաւս ունէին. իսկ ՚ի Քրիստոսի՝ երկողին իսկ սքանչելիքն կատարեցան. զի և բազումք իսկ զարմացան, և բազումք արհամարհեցին: Եւ բարւոք իսկ ասէ թէ տեսիլ քո. զի այնու իսկ քամահէին զնա, եթէ Ո՛չ սա է որդին հիւսան, և ոչ մայր դորա Մա-

րիամ կոչի։ Եւ զի զքանչացան սակայն՝ յայտ է յասե-
 լոյն, եթէ Ոչ որ երևեցաւ այսպիսի որ յիսրայելի.
 և դարձեալ, թէ Արդարեւ Աստուծոյ որդի է։ Զի մի
 զայս ամենայն յորժամ յետոյ մեք ասիցեմք՝ անհաւատ
 ինչ կարծիցին, յառաջագոյն մարգարէս ասաց զսոյն։
 Անարգեսցի, ասէ։ զի դիւահար և մոլի կոչէին, և
 եթէ Մոլորեցուցանէ զժողովուրդ. քանզի ոչ ահա-
 քին ինչ երեսս ցոյց։ Եւ բարւոք ասաց եթէ 'ի մարդ-
 կանէ անարգեսցի տեսիլ նորա. զի յԱստուծոյ ոչ եթէ
 անարգէր, այլ փառաւորէր. և վկայէ բարբառն, եթէ
 Դա է որդի իմ սիրելի, դմա լուիջիք։ Զի ոչ յԱստու-
 ծոյ որ զամենայն ճարտար գիտէ՝ անարգէր, և ոչ 'ի
 հոգեկիր մարդկանէ, այլ 'ի մարմնաւորացն՝ որ մարդ-
 միայն էին և ոչ հոգեւոր մարդ։ Այնպիսին՝ գայթա-
 կղէր յանշուք երեսացն. ըստ մարդկութեանն ասեմ,
 և ոչ ըստ աստուածութեանն. զի ոչ եթէ տգեղ քան
 զամենայն մարդկան էին կերպարանքն Քրիստոսի,
 այլ որչափ և գեղեցիկ էր կերպարանօք ըստ մարմնա-
 ւորութեանն, նոյնչափ չերևէր շուք ինչ ըստ աստուա-
 ծութեանն։ Զինչ աւելի անչքութիւն քան զայն
 կայցէ՝ յորժամ Աստուած մարդ երևեսցի, և Տէրն 'ի
 ծառայի կերպարանս. և արդ երկոքեան այսպիսի իրք
 ոչ կատարեցան 'ի Դանիելի, զի ամենեքեան զարմա-
 նային ընդ նա, և ոչ ամենեքեան արհամարհէին։ Եւ
 արդ, տե՛ս նախ զքանչելիսն և ապա զանարգանսն։
 Բարւոք ասէ՝ տեսիլ նորա, քանզի խաչին տեսիլ էր
 անարգ և անշուք. զի 'ի տեսանելն իսկ՝ յորժամ զթուքն
 յերեսս առնոյր, և ապտակս և կապանս և զխաչն ան-
 նարգանաց և խայտառականաց, և տե՛ս և յայնժամ
 իսկ նախ զքանչելիսն և ապա զանարգանսն. զի ին-
 քեանք իսկ արարածք ծանեան զՏէրն խաչեալ շար-
 ժեցան դղորդեցան։ Եւ արդ, միտ դիր զօրութեանն.
 զի թէ մինչ յանարգութեանն էր՝ այնպէս դղորդէ
 զարարածս, որչափ ևս առաւել 'ի փառաւորութեանն,
 յորժամ գայցէ փառօք Հօր և հրեշտակօք հանդերձ։
 «Նոյնպէս զարմասցին ազգք բազումք 'ի վերայ նո-
 րա»։ Եւ թէպէտ և այլոցն զդոյն բան այլազգ ասա-
 ցեալ են, այլ ըստ Իւթանանիցն թարգմանութեան
 յաջորդքն յայտ առնեն, եթէ զարմասցին, և ոչ այլ

ինչ. քանզի յարէ իսկ 'ի նոյն, եթէ « Կարկեսցեն թա-
գաւորը զբերանս իւրեանց » : Եւ ոչինչ երկմտութիւն
կայ 'ի միջի. քանզի և Ակիւղաս թէպէտ և փոխեաց
զկարկեն, Ամփոփեսցեն, ասէ, թագաւորը զբերանս
իւրեանց, այլ զնոյն միտս առաց. և ոչ միայն յանար-
գութիւնն եկն և եկաց, այլ և յետ անարգութեանն
ասէ. « Զարմասցին ընդ նա ազգք բազումք » : Եւ արդ,
մեկնութիւն ինչ պիտին այտմ : Եւ ժողովեսցեն, ասէ,
թագաւորը զբերանս իւրեանց » : Այսինքն՝ զարմա-
ցին, սքանչացին, հիասցին : Եւ ո՞վ որ յանհաւատից
իցէ՝ որ ոչ զարմացի : Եւ չէ ինչ խափան փառաւո-
րութիւնն. վասն այնորիկ իսկ յետ չփառաւորու-
թեանն և անարգութեանն են սքանչելիք, զի երևեա-
ցի զօրութիւն խաչին :

« Որոց ոչ պատմեցաւ վասն նորա՝ տեսցեն, և որք
ռչն լուան՝ 'ի միտ առցեն » : Եւ արդ, ո՞ր կատարեցաւ
այս առ ժողովուրդն. իսկ 'ի Քրիստոս նմանագոյնս և
յայնժամ՝ և այժմ : Ո՞ր մարգարէք պատմեսցեն այժմ
վասն նորա. և ամենեքեան օր ըստ օրէ հաւատան :
Եւ զի ասէ. « Որոց ոչ պատմեցաւ վասն նորա՝ տես-
ցեն » : Այսինքն է՝ զոր Պաւղոսն ասէ, եթէ Որոց
գրեթէ առաջի աչաց գրեցաւ Յիսուս Քրիստոս 'ի
խաչ ելեալ : Բազում զօրութիւն է խաչելոյն, բազում
ամբաստանութիւն է Հրէիցն. զի թէ որոց բնաւ չիցէ
լուեալ մարգարէից վասն Քրիստոսի՝ և 'ի միտ առնու-
ցուն, իսկ նոքա զմէնչ պատասխանի կարիցեն տալ, ո-
րոց առաջի այնչափ զօրութիւնք գործէին, որ և ա-
ռանց մարգարէութեան իսկ կարէին յանկուցանել
զտեսողսն. զի նոցա և 'ի մարգարէիցն էր լուեալ, և
աչօք իսկ տեսին զնա և զնշանս, և ոչ հաւատային. և
սոքա և ոչ նշանս ինչ տեսին, և ոչ 'ի մարգարէիցն բե-
րանոց ինչ լուան, և հաւատացին : Մեծ են զարմանք
և սքանչելի գործ : Եւ արդ, միթէ պատրանօք ինչ
իցեն իրքն. նա՛, փորձ իրացն իսկ վկայէ, եթէ ոչ պա-
րանօք ինչ են իրքն՝ որ յառաջ քան զբազում ժամա-
նակս ճառեալ էին :

« Եւ որք ոչ լուան, ասէ, 'ի միտ առցեն » : Ի միտ
առնուլ՝ հաւատալն է. և նոքա ընդէր չհաւատացին.
քանզի 'ի հպարտութիւն կործանեցան. և ամենայն
չարեաց իսկ պատճառք՝ հպարտութիւն է :

ԳԼՈՒԽ ԾԳ.

« Տէր, ո՞ հաւատաց 'ի լուր մեր, և բազուկ Տեառն ո՞ւմ յայտնեցաւ »: Բազուկ Տեառն, այսինքն՝ նշան ինչ աստուածագործ զօրութեանն: Ո՞վ որ, ասէ, հաւատաց մեզ. և բարւոք իսկ ասէ. զի ոչ մարգարէիցն և ոչ աւետարանչացն հաւատացին Հրեայքն: « Տէր, ո՞ հաւատաց 'ի լուր մեր »: Զի ոչ զմեր ինչ 'ի մէջ խօսէաք, այլ զոր ինչ լսեցաք՝ պատմէաք, Եւ յիրաւի ասէ՝ թէ ո՞ հաւատաց. զի հաւատոց պէտք էին և ոչ քննութեանց: Ո՞րք 'ի մէջ համարս պահանջիցէ. չիք ինչ ասել, և ոչ պատմել մարթ է, զի պանչելի են ճառեալքն և ըստ խորհուրդս անցանեն: Եւ ոչ ասէ թէ հաւանեցաւ որ, այլ եթէ ոչ հաւատաց:

« Եւ բազուկ Տեառն ո՞ւմ յայտնեցաւ »: Մի կարծիցես եթէ լուր և եթէ են ճառեալքն, զի ստէպ զՏեառ գալոց է և արդեանցն վկայութիւն. սակայն և ոչ այն պէս տեսանէին և ոչ լսէին. և զի ոչ միայն նշանքն բաւական էին ածել 'ի հաւան, վասն այնորիկ պիտոյ եղև անդ և յայտնութիւն. Եւ պա եթէ ոչ հասարակաց իսկ առաջի կայր եղելոցն հանդէս, և կէսքն տեսանէին և կէսքն ոչ տեսանէին: Զերոց, ասէ, երանի իցէ աչաց՝ զի տեսանեն. և դարձեալ ասէ, եթէ ի դատաստան եկի յաշխարհս յայս, զի որք ոչն տեսանիցեն՝ տեսցեն, և որք տեսանեն՝ կուրասցին: Եւ յայտ է եթէ ամենայն ուրեք մտաց պէտք են. ապա թէ ոչ, ոչ բանից ինչ զօրութիւն և ոչ իրաց հաստատուն վկայութիւն, և ոչ այլ ինչ իցէ՝ որ կարիցէ ածել զանհաւատն 'ի հաւան:

Տես, որչափ յառաջագոյն ասէ զգարմանալն, որում ոչ եղեն հնազանդ Հրեայք. « Պատմեցաք առաջի նորա իբրև զմանուկ, իբրև զարմատ յերկիր ծաւալի »: Ակիւղաս ասէ. Ելցէ իբրև սան ընդ առաջ նորա. Սիմաքոս, Եւ ել իբրև զգեղեցկութիւն առաջի

նորա. Թէոդոտոյն, Եւ ելցէ իբրեւ ստնդիաց առաջի նորա. Հանէ զնոսա ամենեւին ի պատասխանի ինչ տալոյ. քանզի բաւական իսկ էին ասացեալքն առնել զնոսա առանց ներելոյ և թողութեան. Բազուկ Տեառն. զի իմանայցեն թէ ամենայն լեալքն՝ զօրաւոր բազկին են գործ. և դարձեալ բազուկ, զի յայտ տրացէ եթէ ի միասին էական Հօր է, և զի ինքնա-գործ զօրութիւն է. զի ոչ հրամանօք իբրեւ հնազանդ, այլ իշխանութեամբ Հօր հանգոյն՝ առնէ զինչ և կամի:

« Իբրեւ զմանուկ, իբրեւ զարմատ յերկիր ծարաւուտ »: Ակիւղաս ասէ. Իբրեւ զարմատ ի դերեւ երկրէ: Մանուկ իսկ էր, այլ ոչ իբրեւ զայլ մանկտի. և արմատ, այլ ի ծարաւուտ երկրի. քանզի և երկիր ծարաւուտ զկոյսն կոչէ, որ անփորձ էր ամուլսնութեամն խառնից, և երաշտ ի սերմանական ցողոյն: Եւ այս իսկ բաւական էր յանկուցանել զնոսա ի նա: Միթէ մերկ աստուածեղէն բնութեամբն եկն, և կամ յանկարծակի իբրեւ զայր ոք կատարեալ երեւեցաւ. ոչ ընդ նոսին մնաւ, և ընդ նոսին աճեաց. ոչ երեսնամեայ ժամանակ ընդ նոսին շրջեցաւ. ոչ ի մարդկան հաղորդութենէ այլակերպեցաւ, զի մի խռովեցուցանիցէ ինչ, և ոչ յառաւելութենէ քան զայլն նուազեաց, զի մի դոյզն ինչ ոք կարծիցէ և բազմաց հաւասար: Զի իբրեւ զմանուկն էր՝ այնու զհասարակացն ունէր, և զի իբրեւ զարմատ ի ծարաւուտ երկրի՝ այնու զազնուագոյնն և զառաւելութիւնն:

« Ոչ գոյր նորա տեսիլ և ոչ փառք »: Ակիւղաս ասէ. Զիբ երեսք և ոչ վայելութիւն. Սիմաքոս, Եւ ոչ պատուի ինչ արժանաւոր: « Տեսաք մեք զնա, և ոչ գոյր տեսիլ և ոչ գեղեցկութիւն »: Զինչ խօսիս. միթէ այնչափ տգեղ ոք էր արդեւք. ոչ, ասէ, զայդ ինչ ասեմ. և զի ոչ զայդ ասեմ, այգէն որ զդորին զհետդ գայ՝ յայտ առնէ, եթէ « Ոչ փառք ինչ »: զի անարգ տեսիլ զգառաւորութիւնն կոչեցի, եթէ յանշուք կերպարանս երեւցաւ, և զի յաղքատ կուսէ ծնաւ, և զի յետ այնորիկ պէսպէս անարգանս կրեաց, զի դիւահար կոչէին և մոլորեցուցիչ, և ոչ ինչ խնդրէր զվրէժ անձին ի թշնամեացն. և երբեմն խղոյ տայր և շրջէր ընդ

բազում տեղիս, և ընդ ճանապարհորդս ուղեկից լինէր . զի ամենեւին զնուազութիւն և զանպարծութիւն ցուցանիցէ : Զի ոչ միայն զփառաց զհետ չէ պարտ երթալ, այլ և զանարգանս ևս յանձին ունել՝ ուստի փառքն բխելոց են : Զինչ ֆեստեցին նմա այնպիսի անարգանք, և կամ զինչ ոչ առաւելութիւն արարնմա խոնարհութիւնն, իսկ եթէ իբրև զԱստուած կամիցիս տեսանել զնա, և զայս առաւելութիւն արկի՝ իբնին, և անդ գտանես զուգական Հօր զգօրութիւնն : Եւ քանզի ասէր, եթէ « Ոչ գոյր նորա տեսիլ և ոչ փառք » . զի մի ոք կարծիցէ եթէ բնաւ առանց փառաց էր, յարէ՝ ի նոյն, եթէ « Տեսաք մեք զնա, և ոչ գոյր նորա տեսիլ և ոչ գեղեցկութիւն » : Զի ցուցցէ ըստ մերում տեսութեանս եթէ ոչ գոյր նորա տեսիլ, զի ոչ կարէաք տեսանել զնա որպէս օրէնն էր տեսանել : Այլ զի փառաւոր էր, ինքնին իսկ ասէր, եթէ Հայր, փառաւոր արագիս փառօքն՝ զոր ունէի առ քեզ, մինչև լեալ էր աշխարհ : Եւ այլազգ ևս . զի զխաչին իրս փառս կօչէ՝ զանարգ զկերպարանս :

« Զի տեսիլ նորա նուազ է քան զօրդւոց մարդկան » : Տեսանես, որպիսի անհնարին անարգութիւն կալաւ յանձին : « Քան զօրդւոց մարդկան » : Ոչ վասն մարմնանալոյն, այլ վասն զանարգանաց և զանիծից մահ յանձին կրելոյ . օրինացն պատժապարտ եղև, դատապարտեցաւ իբրև զանօրէն . այնու իսկ է տեսիլն նորա նուազ քան զօրդւոց մարդկան . զի ոչ միայն կերպարանօք դատապարտութեանն նուազ դտանէր, այլ և ի հասարակացն պատժոց :

« Զի ընդ անօրէնս համարեցաւ » : Տեսանես, զի յաճախ զայնպիսիս դնէ, ոչ զփառաւորս ինչ, այլ զանարգանացն : Եւ զիարդ ոչ դանդաղեցցի, այլ իբրև փառօք իմն զարդարեալ՝ զանարգանացն և եթ ճառէ, Առաքելոցն նմանեալ . քանզի և նոքա ամենեքեան զխաչէն և եթ միաբան պատմեցին, և ոչ ինչ բք նուազեցոյց . այլ թէ և աւելի թնչ ասացին, յայն յաճախեցին կամ զանարգանացն պատմել, կամ զկապանաց և զհաղորդութենէ և զձաղանաց և զկատականաց և զարհամարհանաց : Զայսպիսի ինչ իրսս աւելի իմն հաւաստեաւ պատմեցին . որպէս և Առաքեալքն այնպէս

վստահ էին 'ի խաչելոյն զօրութիւն՝ եթէ աստուած-
եղէն զօրութիւն է, զի և ոչ մի ինչ յանարգանացն թռ-
ղին՝ որ ոչ պատմեցին. քանզի ոչ այնչափ փառաւորք և
պարկեշտականք կարէին ընդհանուր ուղղութիւնս
ինչ կատարել. զի եթէ ոչ այնպէս լեալ էր՝ ոչ էր զար-
մանք փառաւորք փառաւորս ինչ կատարել, այլ հա-
կառակորդօքն զհակառակորդսն հնարէր. և այս իսկ
են զարմանք, զի հակառակ ինչ իրք՝ իւրեանց հակա-
ռակորդաց եղծիչք են, իսկ արդ հակառակքն՝ հա-
կառակացն յաւերժածք լինէին:

« Այր մի է 'ի չարչարանս, և գիտէ համբերել
ցաւոց »: Քանզի յաճախագոյնս ասաց, եթէ Ոչ գոյր
նորա տեսիլ և ոչ գեղեցկութիւն, զի մի կարծիցի եթէ
յանկերպարանութենէ այսպիսի իրք գործիցին՝ յարէ
'ի նոյն, եթէ « Այր մի է 'ի հարուածս, և գիտէ
համբերել ցաւոց »: Այսինքն՝ զհալածանս, զնեղու-
թիւնս, զնենգութիւնս: Եւ արդարեւ մեծ իմաստու-
թիւն է համբերել ցաւոց, մեծ զօրութիւն: Իսկ ցաւս
աստ՝ զտկարութիւնս և զմեղս և զնենգութիւնս կոչէ:
« Գիտէ, ասէ, համբերել ցաւոց »: Թկարութեան ա-
չակերտացն և մեղաց. զի ոմն ասէր եթէ դիւահար
է, և այլ ոմն եթէ մոլորեցուցիչ, և այլք եթէ հակա-
ռակ Աստուծոյ է. և նա տանէր այսպիսի տկարու-
թեան մտաց: Իսկ հարուածս՝ թուի ինձ՝ կամ զտրտ-
մութիւնսն կոչիցէ, կամ զցաւսն իսկ չարչարանացն.
զի և ողջոյ ումեք այլոց տկարութեան համբերել՝ մեծ
և կարի զարմանալի է, թող թէ յորժամ ինքն 'ի ցաւս
իցէ, և կարիցէ այլոց ստահակութեանց տանել՝ յոր-
ժամ 'ի վերայ յարձակիցին և զայրացուցանիցեն: Յովք
ոչ կարաց համբերել սրտահանութեան բարեկամացն,
իսկ զամանէ ասէ, եթէ « Այր մի 'ի հարուածս է, և
գիտէ համբերել ցաւոց »: Հրեայք յորժամ 'ի վիշտս
ինչ, և ոչ յիշել անգամ զԱստուած կամէին. իսկ սա
երկուս առաքինութիւնս ցուցանէ, մի՛ զի ինքն իսկ 'ի
խաչի և 'ի չարչարանս էր, և զայլոց ևս ցաւս բառնայր.
Թէպէտ և զայլոց ցաւս բառնայցէ, պարտ է նմա՝ զի
ինքն անցաւ և առանց վշտաց իցէ. ոչ այդպէս, ասէ,
այլ և ինքն 'ի վերս է, և զայլոց տկարութիւնս բառնայ:
Ապտակէին, զայրացուցանէին, տանջէին, և նա բառ-

նայր զմեզս այլոց. մեռանէր, և զայլոց մահս լուծանէր: Այլ չէ ինչ զարմանք եթէ Աստուած մերկ՝ առանց մարմնոյ՝ զայսպիսի սքանչելիս գործէր. վասն որոյ և ասէ իսկ, եթէ « Այր մի՛ ի հարուածս, և գիտէ համբերել ցաւոց »: Զի ոչ այր որ լոկ է, և ոչ Աստուած մերկ. զի և այս այսպէս է՝ յայտ այնու է, զի ոչ ասաց եթէ համբերէ, այլ եթէ « Գիտէ համբերել »: Նա և ՚ի բնէ իսկ և ՚ի սկզբանէ գիտէ զնոյն:

« Զի դարձեալ էին, ասէ, երեւք նորա. անարգեցաւ, ասէ, և ոչ ինչ համարեցաւ »: Այլքն ասեն. Արհամարհեալ է, և ոչ ինչ համարեցաք զնա. այսինքն՝ յաչաց ել ամենեցուն, ատեցաւ, անարգեցաւ, և ոչ ինչ համարեցաւ: Եւ զի ասէ, « Ի հարուածս է », զթըշնամանացն ասէ, թէ զանարգանս՝ Համարեցաւ անարգանս, և ոչ զթշնամանսն՝ թէ թշնամանք իցեն. կամ որպէս այլքն ասեն, եթէ Վասն անարգութեան չհամարեցաք ինչ զնա:

« Սա զմեզս մեր բառնայ, և վասն մեր պաղատի »: Ազգի ազգի չարչարանս չարչարեցաւ, բայց զամենայն իսկ վասն մեր: Տես, զիմարդ աշխարհ զԵրուսաղէմ, կամ զիմարդ զայրացեալ հոգւով կոչէր զՎազար ՚ի գերեզմանէն արտաքս, կամ զիմարդ խռովէր վասն Յուդայի. Սի ոմն, ասէ, ՚ի ձէնջ մատնելոց է զիս: Խռովեցաւ ՚ի հոգի իւր, ոչ վասն զի մատնելոց էր. ապա թէ ոչ՝ զիմարդ ասէր ցՀայր, եթէ Հասեալ է Ժամ, փառաւորեա զորդի քո. զի զմատնիչն տեսանէր եթէ ելանելոց էր ՚ի թուոյ երկոտասանիցն, և զՀրեայս՝ զի ցրուելոց էին ՚ի քաղաքէն. ոչ վասն իւրոց ինչ չարչարանաց, այլ վասն նոցա գործոցն աշխարհէր. և զմեզ ուսուցանէ՝ զի և մեք ընդ այլոց վիշտս տրտմիցիմք, Եւ ոչ վասն այնր ինչ պաղատի՝ զի ինքն չարչարի, այլ զի ցուցէ եթէ թերահաւատելոց են ՚ի նմանէ՝ վասն որոյ չարչարին. և յայտ անուանէ. Երուսաղէմ, Երուսաղէմ, ասէ, բազում անգամ կամեցայ ժողովել զմանկունս քո, և ոչ կամեցարուք. ահաւադիկ թողեալ լիցի ձեզ տունդ ձեր աւերակ:

« Եւ մեք համարեցաք զնա ՚ի ցաւս և ՚ի վէրս և ՚ի չարչարանս՝ իբրեւ յԱստուծոյ »: Եւ բարւոք ասաց եթէ մեք համարեցաք զնա իբրեւ յԱստուծոյ. զի ոչ

եթէ բռնութեամբ ինչ կամ'ի հարկէ ած զնա յայն Աստուած, այլ կամաւ մատնեաց ինքնին զանձն՝ փոխանակ մեղաց մերոց: Եթէ որդի իցես, ասէին, Աստուծոյ, էջ'ի խաչէդ. այլ վասն ձեր ասէ զայս ամենայն, զի կատարեսցի այն, եթէ Յոջինչ համարեցաք զնա: Ոչ ինչ էին իրքն չարչարանաց և ցաւոց, այլ բժշկութեան և առողջութեան. քանզի և ասէ իսկ, եթէ «Նա վիրաւորեցաւ վասն մեղաց մերոց, չարչարեցաւ վասն անօրէնութեանց մերոց»: Նա, ասէ, չարչարեցաւ. բարւոք իսկ և զվէրս ձեռացն և զայլոց մարմնոցն, և զպատճառս խաչին նշանակէ ամենայն ուրեք: Եւ չէին արդեւք այն նմա վէրք և չարչարանք. ոչ, ասէ, քանզի կամով եկն յայն, և ցանկութեամբ ցանկացաւ նմին:

«Խորատ խաղաղութեան մերոյ'ի նմա, և վիրօքն նորա ամենեքեան մեք բժշկեցաք»: Այսինքն՝ զի խրատն և չարչարանքն նորա մեզ զխաղաղութիւն ծնան: «Եւ բժշկեցաք վիրօքն նորա»: Զոր առողջութիւն ասիցես, զմարմնոյն ինչ արդեւք. ոչ, այլ զհոգւոցն:

«Ամենեքին իբրեւ զոյխարս մոլորեցաք»: Զայնմ իսկ բժշկութենէ ասէ, զի'ի մոլորութենէն դարձոյց. ոչ սա այո՛ւ և նա ոչ, այլ ամենեքին իսկ մոլորեցաք: Եթէ վասն Հրէից ինչ ասիցես. Ոչ, ասէ, ուրեք առաքեցայ, այլ առ ոյխարս կորուսեալս տանն Խորայեղի: Տեսանէս, զի նոցա և հեթանոսաց առհասարակ էր բժշկութիւն խաչին, Զոր բժշկութիւն ասիցէ. միթէ զգարձն'ի Բաբելոնէ. այլ զգարձ ոգւոցն'ի մոլորութենէն'ի ճշմարտութիւն: «Այր'ի ճանապարհի իւրում մոլորեցաւ»: Եւ այն իսկ էր անհնարին մոլորութիւն, զի ոչ յայլոց, այլ իւրաքանչիւր յիւրում ճանապարհի էին մոլորեալք. և ոչ միայն յօտար աշխարհին մոլորեցան, այլ մինչդեռ յիւրեանց աշխարհին և յիւրեանց քաղաքին էին մոլորեցին'ի ճշմարտութենէն:

«Եւ Տէր մատնեաց զնա առ մեղս մեր. և նա առ վշտին ոչ բանայ զբերան իւր»: Զի մի կարծիցես եթէ վասն իւրոց ինչ մեղաց եղև նմա այն, վասն որոյ իսկ ասէ. «Տէր մատնեաց զնա առ մեղս մեր»: Վասն մեր ասէ, և ոչ ասէ թէ վասն իւրոց ինչ մեղաց գտաւ պատժաւ.

պարտ: « Այլ նա առ վշտին՝ ոչ բանայ զբերան իւր »: Եւ ընդէր արդեւք լռեաց և ոչ ետ պատասխանի. զի եթէ իրացն վկայութիւն ոչ հաւանեցոյց զնոսա, ո՞րչափ ևս առաւել բանիցն. քանզի և ոչ դատաստանով անգամ հաւանէին, այլ ճօխութեամբ և արտաքոյ օրինաց կամէին սպանանել. և այնպէս դիւացեալ, զի թէպէտ և պատասխանի ինչ տուեալ էր, սակայն ոչ անսային. այլ և լռելն նորա կարող էր զնա ապրեցուցանել ՚ի խաչէն. և յայն սակս լռեաց, զի նոքա և միոյ իմիք պատասխանոյ մի լիցին արժանի. զի զնոսա ոչ երազն կնոջն Պիւղատոսի, և ոչ մանունին խեղդել, և ոչ սուտ վկայիցն ամաչել, և ոչ այլ ինչ կարաց ածել ՚ի հաւանութիւն: Գրեսլիր թէ զնա ՚ի խաչ հանէք, ՚ի կայսր զի խրախուսէիք:

« Իբրև զուխար եկն ՚ի սպանումն »: Զի զհեղու-
թիւնն ցուցանիցէ, ոչ միայն այլովքն, այլ և մեռա-
նելն: Եւ ինձ այսպէս թուի եթէ ոչ միայն զլուծիւնն ասիցէ, այլ զի և պատարագն իսկ եղև. քանզի և Սի-
մաքոս ասէ, եթէ Եւ զենումն եկն ՚ի պատարագել: Եւ
մերն չէ ինչ լռելն՝ յորժամ սպանանել տանիցին ըզ-
մեզ, քանզի առ երկիւղի լռեմք. այլ նորայն մեծ է որ
կարաց բարձառով միայն զունելիսն զարկուցանել
զգետնի. Զո՞վ, ասէ, խնդրէք. և ամենեքեան յետս
առածեալ՝ հարան զգետնի: Քան զո՞ր պատասխանի
չիցէ այն մեծ, քան զորպիսի բանս առաւել չցուցա-
նիցէ զգորութիւնն: Տեսեր զգորութիւնն, տես և զհե-
ղութիւնն՝ ո՞րչափ զօրաւոր, ո՞րչափ քաղցր. զի ոչ
միայն ՚ի զօրութենէն պարտ իցէ նկարել զաստուա-
ծականն, այլ և ՚ի հեղութենէն:

« Իբրև զորով առաջի կտորչի՝ այնպէս կապեցաւ,
ասէ, և այնպէս ոչ բանայ զբերան իւր »: Բայց սակայն
բաց զբերանն և խօսեցաւ ինչ. այլ զի զխոնարհու-
թիւնն ցուցանիցէ, եթէ ոչ խիստ ինչ և ոչ գծիռ բանս
խօսեցաւ. Այլ թէ չար խօսեցայ՝ վկայէ, ասէ, վասն
չարին. և եթէ բարւոք՝ զի հարկանես զիս: Քան
զլուծիւնն ևս հանդարտ պատասխանի էր: Եւ մեք
կամ բնաւ պատասխանի ինչ մի տացուք, և կամ թէ
տայցեմք՝ նոյնպէս հանդարտադոյնս:

« Առ խոնարհութեան նորա դատաստանն նորա

բարձաւ ։ Զի այնչափ ետ զանձն խոնարհութեան, զի և բանս անգամ չետուն խօսել, զի բնական իսկ զիրաւունս բարձցեն 'ի նմանէ ։ Եւ գիտէք՝ զի կարի անաւագաց և անկելոց է՝ յորժամ և ոչ դատ որ տայցէ դնել, և ոչ ըստ օրինաց բանս առ բանս խօսել, զի յօգնականութենէ իրաւանցն արկանիցեն. զի առ բազում խոնարհութեան՝ և ոչ բանս ինչ յատենի խօսեցաւ ։ Եւ տե՛ս, մարգարէն զիարդ յարէ 'ի ճառ խաչին իբրև զճշտական ինչ զրոյցս՝ պատմել և զարմանալիս և սքանչելիս. « Զազգն 'նորա, ասէ, ո՞վ պատմեցէ, զի բարձեալ են յերկրէ կեանք 'նորա » ։ Զինչ խօսիսդ. չիցէ՞ն զմարդոյ ումեքէ բանքդ. զի եթէ մարդ լոկ իցէ, զիարդ ոչ որ կարիցէ պատմել ըզ՝ ծնունդն 'նորա. չիք ինչ հնար, ասէ ։ Այլ՝ զի բազում խոնարհագոյնք 'ի խաչին գործեցան՝ գայթակղեցին ինչ, տե՛ս, զիարդ միւսանգամ հանէ զմեզ 'ի վեր, և ցուցանէ զգօրութիւնն 'նորա, եթէ որ զայնսլիսի չարչարանս չարչարեցաւ, « Բարձեալ են յերկրէ կեանք 'նորա », և կենդանի Աստուծոյ է. ըստ այնմ, եթէ կեանք մեր ծածկեալ են ընդ Քրիստոսի յԱստուած ։

« Զի բարձեալ են յերկրէ կեանք 'նորա » ։ Եւ ո՞վ որ եղև մարդ՝ որ ոչ համարեցաւ յազգս. ամաչեացեն հերձուածողք՝ որ հակառակ մարգարէիս բարբառին զհայհոյութիւն ։ Եւ մի զվերին ծննդենէն որ ասիցէ, զի այն անյայտ իսկ է. այլ ետ զայսմ ծննդենէ՝ որ 'ի խոնարհս եղև՝ ասեմ, եթէ զիարդ մարդ 'ի կուսէ ծնանիցի, զիարդ առանց ամուսնութեան լինիցին երկունք, զիարդ առանց առն՝ մանուկ, և առանց ամուսնութեան՝ ծնունդ. ո՞վ ասիցէ, ո՞վ պատմեցէ ։ Գտաւ, ասէ, յղի. և եթէ որպէս ինչ է՝ ոչ ասաց ։ Այո՛, ասէ, ասաց, եթէ Հոգին սուրբ եկեցէ, և զօրութիւն Բարձրելոյն հովանի լիցի 'ի վերայ քո. քանզի և որ ծնաւ ներոյն է՝ սուրբ կոչեցի, Որդի Աստուծոյ ։ Եւ չթուիցի՞ քեզ, ասեն, թէ յայտ իցէ, քանզի և գիտեմք իսկ իսկ արդ, որովհետև յայդ ապաստան եղև, զգոյն իսկ քննեացուք. Հոգին Սուրբ եկեցէ ։ Հոգին Սուրբ, ասեն, արար ։ Եւ արդ, աղէ ասա, զիարդ արդեւք արար. որպէս զԱդամն՝ Աստուած. այլ չէ ինչ 'ի գէպ ։ Այլ 'ի մարդկեղէն ինչ սերմանէ. քաւ լիցի ասել

զայդ, քանզի մեծ ամպարշտութիւն է: Իսկ որպէս զԵւայն 'ի կողմն. այլ և ոչ այնպէս ինչ է: Մարմին ինչ ան արդեւք յարգանդէն¹ և ստեղծ. սակայն և զայն չառնում յանձն: Իսկ առանց կուսին ինչ ուստեք. սակայն և այն չէ 'ի դէպ. զի ոչ այնուհետեւ լինի առեալ 'ի նմանէ մարմին: Իսկ որպէս ինչ արդեւք: Նախ խոստովան լինիմ զտկարութիւն, և ասեմ՝ եթէ ոչ գիտեմ, մի հարցաներ զանքնինս՝ որ ոչ յայտնի ինչ գործեցան. և ապա ասեմ՝ զի 'ի կուսէն ան մարմին. և արդարեւ մարմին ճշմարիտ զայն խոստովանիմ, բայց զիարդ 'ի նմանէ՝ այնմ չեմ բաւական գիտել. չեմ ճարտար քան զմարգարէս, և ոչ ինելամուտ քան զՀոգին՝ որ 'ի բերան մարգարէին խօսէր: Հոգին՝ որ այնպէս գիտէ զԱստուծոյ, որպէս և հոգին մարդոյ՝ որ 'ի մարդն կայցէ, ոչ ետ աւելի ինչ ճառել քան զայն, եթէ « Զազգ նորա ով պատմեցէ »: Էս և դու ով իցեմք՝ որ զանքնինս քննիցեմք, և զանճառան խնդրիցեմք: Եւ եթէ զմարմնաւոր ծնունդն ոչ որ կարէ պատմել՝ որ ժամանակաւն եղև, որոց բիւրուց բիւրք են վկայք՝ հրեշտակք և մարգարէք և արարածք ամենայն, որ գրեթէ հանգիստապատիւ մեզ եղև, քանզի ամենայն իւրք մեզ նմանեցաւ ըստ մարդկութեան, առանց մեղաց միայն, ով որ պնչափ յանդուգն և մոլեկան կայցէ՝ որ զանմիջնորդականն և զանճառականն և զանժամանակեանն՝ 'ի հարց և 'ի խնդիր իշխեսցէ արկանել:

Զէ յայս կենաց. « Զի բարձեալ են յերկրէ կեանք նորա »: Եւ զիարդ բարձեալ իցեն յերկրէ կեանք նորա: Այո, ասէ. քանզի և ոչ մահն նորա ըստ մեռում բնութեանս էր. զի ոչ եթէ պատժապարտ ինչ էր մարմինն այն մեղաց, զի դատապարտեալ 'ի մեղաց անտի՝ լինիցի պարտական մահու, այլ փոխանակ այլոց չարչարեցաւ. վասն որոյ և Աստուած բարձրացոյց զնա: Տեսանես, որչափ ինչ լաւ է վասն այլոց չարչարել: Եւ մեք զիարդ, ասեն, հաւանեցուք. զի ազգ նորա ոչ պատմի, և յերկրէ բարձեալ են կեանք նորա, զնա ոչ տեսանեմք, և ազգատոհմի նորա չեմք ինչ խելամուտ: Այլ զի ուսա-

1 Յօր. Յարգանդէ՝ յօտար գրչէ:

նիցին թանձրասիրտքն և անհանձարքն, եթէ սա այն է՝ որ մեռաւ ըստ մարմնոյն և ոչ մեռաւ ըստ աստուածութեանն, և ոչ արգելաւ առ մեռեալս, այլ կենդանի է առ Աստուծոյ. ըստ այնմ, եթէ Ոչ թողաւ շունչնորա՝ի դժոխս, և ոչ մարմինն նորա ետես զապականութիւն. զի յայտ լիցի թէ աստուածեղէն բնութեանն է. Ոչ վասն իւրոյ մեղացն, այլ վասն այլոց մեղաց մեռանէր, մահկանացուան՝ և ոչ կենդանեաւն. « Յանօրէնութեանց ժողովրդեան իմոյ վարեցաւ ՚ի մահ »։ Սիմաքոս ասէ. Վասն անիրաւութեանց ժողովրդեան իմոյ։

« Եւ տաց զչարս փոխանակ գերեզմանի նորա, և զմեծամեծս փոխանակ մահու նորա »։ Զաւար քաղաքին ակնարկէ այսու, եթէ ոչ վայրապար աւերեցաւ և՛ի Բաւնաց, այլ Աստուած մատնեաց փոխանակ գերեզմանի նորա։ Փոխանակ որոյ գերեզմանի, ի՞նչ չըրեայդ, փոխանակ որոյ մահու. թաղեցաւ Զօրաբաբէլ և Էդր և Յեսու Բովսեդեկեանց, և այլք ևս այսպիսիք մեռան, և ոչ կարես ասել թէ վասն նոցա գերեզմանաց և մահու աւերեցաւ քաղաքն։ Եւ բարւոք ասաց, եթէ « Տաց զչարս »։ Զի չիք ինչ չար քան զՀրէիցն ազգ։ « Փոխանակ գերեզմանի նորա »։ Քանզի վասն գերեզմանին իսկ՝ արժանի չարաչար պատիժս կրել, ոչ զի թաղեցաւն, այլ զի արգելուին և ոչ տային թաղել. որպէս զի թէ ոչ այլ ուստեք, սակայն վասն գերեզմանին զրկեալ լինիցին ՚ի ներելոյ թողութեան։ Ոչ այնչափ խաջն դատապարտեաց զնոսա, որպէս գերեզմանն. մանաւանդ զի և խաջն իսկ բաւական էր դատապարտել. Եւ եթէ այլ ինչ նշանք չէին գործեալ, աւազակին միայն դաւանութիւնն կարէր պարտաւորել զնոսա։ Այլ թերևս ասիցեն՝ թէ չլուաք զայն. իսկ և ոչ զվախճանին արդեւք նշանսն տեսին։ Իսկ յորժամ կամէրն վճարել, բարբառ մեծաձայն արձակեաց և եհան զոգին. թէպէտ և այլոց վախճանելոց այնպիսի կերպարանք ոչ լինիցին, այլ առ սակաւ սակաւ նուաղէ զօրութիւնն, և ապա ելանեն ոգիքն. և ոչ յառաջագոյն ինչ գիտեն զվախճան՝ ոգիքն։ Այլ թերևս ասիցեն՝ եթէ ոչ զայն իմացաք ինչ. իսկ զվարադուրին հերձուլ և զվիմաց պատառել,

գերկիր շարժել և զարեգական ճառագայթիցն մթա-
նալ յով տանիցին։ Այլ յայնժամ դեռ ևս ոգի կայր,
ասեն։ Յորժամ տեսանիցես զմեռեալ՝ որ այնպիսի
գործս գործիցէ, զիարդ ոչ զարմանայցես, զիարդ ոչ
շտապիցիս. ոչ դու քեզէն իսկ խնդրեցեր՝ի դատաւո-
րէն դաս մի զինուորաց՝ զի պահիցեն զգուշութեամբ.
բարւոյ քեզէն քոյին իսկ ձեռք ետուր՝ի պահ զմե-
ռեալն. և արդ՝ դու քեզէն տուր զիրան. զի ոչ աշա-
կերտ որ մօտ էր, և ոչ աւետարանիչ որ հուպ. դու
քոյին ձեռք կնքեցեր զգերեզմանն, դու քեզէն կա-
ցուցեր պահապանս. և ոչ այնպիսի ինչ պահապանս՝
որ յանկէին՝ի նա, այլ հակառակորդս և օտարա-
միտս, որք ոչ նշանս ինչ տեսին, և ոչ մարգարէիցն
ինչ ընդէլ էին։ Զի թէ զաւազակն հաւանեցոյց, որ-
չափ ևս առաւել զձեզ պարտ էր հաւանեցուցանել՝
որք ընդ մարգարէութիւն էիք սնեալ. և եթէ զզի-
նուորան յանկոյց, որչափ ևս առաւել զձեզ՝ որք միշտ
զմովսիսականն և եթ լսէիք։ Ոչ ասեմ եթէ նշանս
ինչ երբեք տեսէք կամ՝ յառաջ կամ՝ի խաչին, այլ
այն իսկ փոքր էր՝ զի աւազակն հաւատաց, զինաւորքն
ստրջացան, հարիւրապետն զարմացաւ. այլ և զայն
ամենայն ևս ժխտէին։ «Տաց զչարս փոխանակ գերեզ-
մանի նորա»։ Ոչ միայն զի սպանին, այլ զի և իմանալ
կարէին զամենայն սքանչելիսն, և ոչ կամէին առնուլ
ի միտ։

«Եւ զմեծամեծս փոխանակ մահու նորա՝»։ Մե-
ծատունս կոչէ զնոսա. զի առաւել քան զայլ մար-
դիկն՝ նոքա մեծատուն էին ընդ ժամանակսն՝ վասն
առատութեան բերոց երկրին։ Դարձեալ և հոգեո-
րօքն՝ մինչև զչարին գործեալ էր՝ մեծատունք էին.
քանզի Աստուծոյ խնամ՝ի նոցա վերայ առաւել կայր
քան յայլոց։

«Զի զանօրէնութիւն ինչ ոչ գործեաց»։ Իսկ այս
ի ժողովուրդն կատարեսցի՝ իբրև զայն, եթէ «Տաց
զչարս փոխանակ գերեզմանի նորա»՝ ի ժողովուրդն

1 Յօրինակն պակասի այս բնաբան մարգարէին, որպէս թուի՝
յանմուտգրութենէ գաղափարողին՝ի բաց թողեալ։

առնուն. ապա և զայս 'ի ժողովուրդն պարտին առնուլ. « Եւ ոչ նենգութիւն գտաւ 'ի բերանորա »: Իսկ նա աւանդիկ ասէ, եթէ Ձիք արդար՝ որ առնիցէ զբարի յերկրի, և ոչ մեղանչիցէ. և դարձեալ, եթէ Ձիք որ՝ որ ոչ գայթակղեցի լեզուաւ: Եւ զայն ևս զԲ առնիցեմք, եթէ Սմենեքին իբրեւ ոչխարը մոլորեալք. այր 'ի ճանապարհի իւրում մոլորեցաւ: Եւ զի մի կարծիցես զամենեսին ասելով՝ զբազմաց ասիցէ և ոչ զամենեցունց, ասէ. Այր իւրաքանչիւր 'ի ճանապարհի իւրում մոլորեցաւ. և ամենեքին առհասարակ, և իւրաքանչիւր առանձինն. զի ծանիցեն եթէ վասն նորա եղև այն ամենայն: Ինքն իսկ յառաջագոյն ասաց, եթէ վասն նորա լինելոց է. և եղև և կատարեցաւ: Եւ եթէ այս այսպէս ոչ իցէ, աղէ՛ ասա ինձ, ի՞նչ Հրեայդ, զի այն պիտի ինչ նախանձ ցուցեր՝ զի զայր մի անօրէն սպաներ, և ընդէր կրեցեր զայդ պիտի պատիժս: Որք առ Մովսէսիւ զկուռսն պաշտէին, և զպատժապարտսն վասն նախանձու Աստուծոյ սպանին՝ շիջուցին զբարկութիւնն Աստուծոյ. իսկ այժմ զի պատժապարտ իսկ չէիր, և ըստ օրինացն արդարութեան առաքինանայիր, և զայր մի զխտորէ օրինացն և զհակառակ Աստուծոյ՝ սպաներ, ընդէր իցես 'ի պատիժս: Փենեհէս սպան՝ և արդարացաւ. և քեզ արդարանալ պարտ էր, քանզի և դու Աստուծոյ նախանձախնդիր էիր. չէր պարտ առնուլ փոխարէնս՝ փոխանակ բարւոյք նախանձուն: Այլ այժմ, ասէ, վասն մեղաց եմք 'ի պատիժս: Վասն որոյ մեղաց. միթէ վասն որթ ո՞ւն գլխոյ, կամ վասն երրնջոցն ոսկեաց. միթէ վասն մանկտոյն զորս կոտորէիր, կամ վասն դատերացն՝ զորս զոհէիր. ո՞չ ապաքէն զմոլորեցուցիչսն հալածէիք, և զվրիպեցուցիչսն՝ զԲուդա և զԻժեդա. ընդէր ոչ դարձան ձեզ երախտիք իբրեւ նախանձաւորաց օրինաց: Եւ ոչ որ կարէ ասել՝ եթէ 'ի նա միայն ցուցէք զնախանձն, այլ և յաշակերտան՝ որք զնորա տեղին առին. զՍտեփանոս քարկոծ արարէք, զՅակովբոս սպանէք, զՊաւղոս պէսպէս մահու չարչարեցէք. նովին նախանձու՝ ոչ որ գտաւ 'ի ձէնջ կռապարիշտ 'ի ժամանակին:

« Եւ Տէր կամի սրբել զնա 'ի վիրաց անտի »: Քանզի զմահուանէ լուար, և եթէ թաղեցաւ 'ի գերեզմա-

նի, զի մի ևեթ անդ հաստատուալ կայցեն¹ միտքն, յարէ 'ի նոյն իբրև առակաւ զյարութեան ճառս. զոր և վերագոյն իսկ ասաց ակնարկելով, եթէ Բարձեալ են յերկրէ կեանք նորա: Ասէ և աստ, թէ « Տէր կամի սրբել զնա 'ի վիրաց անտի » . զի ցուցցէ եթէ ազատ յապականութենէ է մարմինն. ըստ այնմ, եթէ Մարմինն նորա ոչ ետես զապականութիւն. քանզի և չէր իսկ պարտական: Եւ եթէ զսպին յանձն առ, մի ինչ վասն այնորիկ խոնարհագոյնս կարծիցես. զի վասն քո մտացդ հաստատութեան եղև այն. Զննեցէք, ասէ, և տեսէք, զի ոգւոյ՝ մարմին և ոսկերք չիք, որպէս զիս տեսանէք՝ զի ունիմ մարմին և ոսկերս. և յայտարար՝ եթէ առանց եղծանելոյ և ապականելոյ յարոյց զիր մարմինն. զի բայց 'ի սպեացն՝ զոր 'ի հաստատութիւն յարութեանն աշակերտացն էր ցուցանելոց, այլ ինչ արատ 'ի սուրբ մարմինն ոչ գտանէր:

« Եթէ տաջիք դուք վասն մեղացն, անձինք ձեր տեսցեն զզաւակ երկայնակեաց » . Քանզի ասաց եթէ վասն նոցա մեռաւ, և ոչ վասն իւրոց ինչ մեղաց, և եթէ վրէժս տալոց են, ասէ և զայն՝ եթէ մարթ էր նոցա վերստին կոչել անդրէն, և անցանելոց են պատիժք՝ եթէ կամիցին: Եւ զի՞նչ իցէ տալ վասն մեղաց. ոչ ոսկի խնդրէ և ոչ արծաթ, այլ զոր ինքն խնդրէ, թէ Հաւատացէք միայն և ջնջեսցին մեղքն ձեր:

« Եւ կամի Տէր 'ի ձեռն նորա փոփոգել 'ի ցաւոց անձինն նորա, ցուցանել նմա լոյս, ստեղծուլ իմաստութեամբ, ծառայել բարւոյք բազմաց » . Այս ամենայն իմաստութեան և հանձարոյ է. իսկ զցաւան փոփոգել՝ զյարութիւնն յայտ առնէ: « Արդարացուցանել զարդարն, յայտնի առնել զարդարութիւն նորա » : Քանզի ոչ ասաց եթէ արդարացուցանել զնա, այլ թէ զարդարն. և յայտ է եթէ զարդարն՝ որ ոչ ճանաչէր ումեք՝ առնէր յայտնի բազմաց: Մառայելն բարւոյք այն իսկ է՝ զի պաշտօնեայ եղև թլփատութեանն, Նշանակիչ թլփատութեանն՝ զգործ ծառայից գործեաց Տէրն ամենայնի. լուաց զոտս աշակերտացն, և ջնջեաց ընթանոցաւն. զի որոց բարւոյքն ծա-

¹ Յօր. Հոսթաբեյտի խոյն:

ռայեաց, նոցին Տէր էր և արարիչ։ Ոչ եկի՝ զի պաշտեցայց, ասէ, այլ զի պաշտեցից. և դարձեալ, թէ Ո՛վ մեծ իցէ, որ բազմեալն իցէ, թէ որ յոտն կայցէ. և ես աւասիկ, ասէ, պաշտեցի զձեզ։ Վասն այնորիկ իսկ առ զկերպարանս ծառայի, և այսպիսի կերպարանք՝ ծառայեաց բարւոք բազմաց։ Եւ զի՞նչ իցէ՝ « Ի ձեռին նորա »։ Ոմանք ասեն. Քանզի 'ի նորին Քրիստոսի ձեռինն է զօրութիւնն, զի մի կարծիցի եթէ այլուստ զօրացեալ ունէր զամենայն, այլ ինքն իւրով զօրութեամբն առնէր զի՞նչ և կամէր։ « Փոփոգել 'ի ցաւոց անձինն իւրոյ »։ Զի բազմացն հաւատք՝ փոփոգանք լինիցին ցաւոց նորա. զի թէպէտ և չարչարեցաւ ըստ մարմնաւորութեանն, սակայն զբազումն շահեցաւ։

« Եւ զանօրէնութիւնս նոցա նա վերացուցէ »։ Քանզի արդարն ոչ ինչ պատժի վասն մեղաց։ « Եւ վասն այնորիկ իսկ ժառանգեսցէ զբազումն »։ Զի թէ մինն, ասէ, փոխանակ ամենեցուն մեռաւ, ապա որ կենդանիքն են՝ ոչ են անձանց կենդանիք. և դարձեալ. Զէք անձանց կենդանիք. և դարձեալ. Զէք անձանց, գնոց գնեցայք. և դարձեալ. Եթէ կեամք և եթէ մեռանիմք՝ Տեառն եմք. և Որ կենդանիքն իցեն, ասէն, մի անձանց իցեն կենդանիք, այլ այնմ՝ որ մեռաւ և յարեաւ վասն նոցա։ Եւ զի մի կարծիցես եթէ վասն անցելոց իրաց ինչ ասէ, և ոչ վասն հանդերձելոց, ասէ. « Եւ զմեղս նոցա վերացուցէ »։ Ակիւղաս ասէ. Բարձցէ. Սիմաբոս ասէ. Կրեսցէ։

« Վասն այնորիկ ժառանգեսցէ նա զբազումն, և զաւար հզօրաց բաշխեսցէ »։ Զդիւացն աւար, քանզի յաղթեաց և առ զկազմած հզօրին։ Եւ բարւոք ասէ, թէ բաժանեսցէ. զի Աբաբելոց բաժանեաց ետ՝ ու մեմն զհետն թանոսս և ումեմն զթլփատութիւնն։ « Փոխանակ զի մատնեցաւ 'ի մահ անձն նորա և ընդ անօրէնսն համարեցաւ »։ Եւ ոմն 'ի թարգմանացն ասէ, թէ Լնդ փնասակարս թուեցաւ։ Ոչ վայրապար 'ի մահ, այլ զի բարձրացուցէ զնոսա։ Տեսանեն զմահուն շահ. տեսանեն զխաչին պտուղս։ Եւ չեն ինչ, ասեն, պատշաճ վասն այնորիկ. այլ և վասն նորին իսկ եղև պատ-

չաճ. քանզի մեռաւ, վասն այնորիկ և կենդանեաց իսկ տիրէ: Եւ մահ նախատանաց. Լուսք, ասեն, զի ասէր մոլորեցուցին՝ եթէ յերիր աւուր յառնեմ: և բարւոք ասաց, թէ « Ընդ անօրէնսն համարեցաւ » . քանզի չէր իսկ անօրէն:

« Եւ նա զմեղս բազմաց վերացոյց » : Իսկ այլքն ասեն, թէ Առ: « Եւ վասն մեղաց նոցա մատնեցաւ » : Ակիւղաս ասէ. Եւ արհամարհողացն իւրոց պատահեսցէ. Սիմաբոս՝ Հակառակաց. Թէոդոտոն՝ Եւ զամբարիշտ տանջիցէ: Տէս, զիարգ յաճախագոյնս զգուշանայ՝ զի մի երբեք գայթակղեսցիս: Զիարգ անօրէն ոք զայլոց մեղս բառնայցէ և ջնջիցէ. ոչ ապաքէն վասն նորին իսկ սպանաւ՝ որ այսպէս ատեաց զմեղս, զի յանձին ևս կալաւ մեռանել՝ զի ջնջեսցէ: Եւ ընդէր ասաց՝ վերացոյց կամ վերացուցէ. այլ զի զիսան ակնարկիցէ, եթէ անդ եհան զնա և բեւեռեաց զնա ընդ խաչին. զի խաչն՝ լուծուին եղև մեղաց:

ԳԼՈՒԽ ԾԴ

« Ուրախ լեր ամուլ՝ որ ոչ ծնար » : Ակիւղաս ասէ. Երգեա բարւոք զօրհնութիւնդ, խնջեա: « Գոչեա, գուժեա՝ որ ոչդ երկնեցեր » : Մի ինչ ամաչիցես զի նախատեցարդ. « Զի բազում են որդիք այրոյդ՝ քան զարամբոյն: Զի այսպէս ասէ Տէր. ընդարձակեա զտեղի խորանի քո և զսրահից քոց » : Իսկ այլքն ասեն, եթէ Զփեղկս խորանից քոց: « Հաստատեա, մի խնայեք » : Ակիւղաս ասէ. Պարզեսցին և մի քակեսցին: « Երկայնեա զտոռուսն քո » : Ակիւղաս ասէ. Յիւրեա զապաւանդակս քո: « Հաստատեա զցիցս քո. յաջ և յահեակ թուուսջիր. և զաւակն քո զհեթանոսս ժառանգեսցէ, և զբաղաքս աւերեալս շինեսցես » : Ակնարկեաց այսու և վասն դարձին. բայց յեկեղեցի իսկ կատարեցաւ ճմարտութեամբ, քանզի ամուլ էր յառաքինութեանց, և պտուղ ինչ երբեք ոչ տայր: Տեսանէս, զի ած չըջեաց զիրմն, և այլս ընդ այլոց արար:

« Մի երկնչիր՝ զի ամաչեցերն, և մի պատկառիցես՝ վասն զի նախատեցար »: Զի ոչ եթէ անմահ իցէ բարկութիւն իմ. բաւական եմ զեղենալսն հանգոյն չեղելոց հաստատել. ՚ի նախատանս էիր, այսուհետեւ ոչ ևս ըմբռնիցիս յուժեքէ, և ազատեսցիս յամօթոյդ, և արարից հանգոյն այնմ՝ որ ոչ երբեք լլկեցաւ:

« Զամօթն յաւիտենից մոռացիս դու, և նախա-տինք այրութեան այլ ոչ ևս լինիցին քեզ յուշ »: Զի այնպիսի ինչ բարութիւնս պարգևէ Աստուած, որք ոչ միայն զվիշտս անցուցանիցեն, այլ և բնաւ զսիշտակս վշտացն մոռացուցանիցեն. քանզի այսպիսի իմն է առաւելութիւն պարգևացն Աստուծոյ: « Զի Տէր է որ առնէ քեզ զայդ. Տէր սաքաւովթ անուն է նորա. նա ինքն Աստուած ամենայն երկրի կոչեսցի »: Մեծ է խոստումն, դբանչելի աւետիքն. այլ մի ինչ զարմանայցես, զի Տէր է որ առնէ զայդ ամենայն. որում ամենայն ինչ դիւրին է, որ փրկելոցն է զքեզ՝ նա ինքն Տէր Աստուած ամենայն երկրի կոչեսցի: Բայց յետոյ կոչեսցի՝ յորժամ իրքդ ՚ի գլուխ ելանիցեն. ապա արեմն բարւոք ասաց՝ եթէ զեկեղեցւոյ ճառէ, որ և կատարեցաւ իսկ յեկեղեցի. քանզի երբ Աստուած ամենայն երկրի կոչեցաւ, եթէ ոչ ՚ի գալստեանն, զի բարձաւ անուն հեթանոսութեանն և կոչեցան ամենեքեան յանուն Քրիստոսի:

« Ոչ եթէ իբրև զկին մի թողեալ, լքեալ, տարակուսեալ՝ կոչեաց զքեզ Տէր Աստուած »: Սիմաքոս և Թէոդոտոյն ասեն. Վշտագնեալ, Թէպետ և այնպիսի իսկ էիր ՚ի մանկութենէ՝ զի ատէիր զխաղաղութիւն. ոչ, ասէ, նոյնպէս լինիցի եթէ հանապազ ատիցեմ զքեզ. առ ժամանակ մի ատեցար: Եւ առ այնպիսի ատեցեալ կանայս դժուարաւ իմն լինի սէր, որք յառաջնումն իսկ ատեցին. զի ամենայն կին զինչ և որ իցէ, այնպէս իմն դէպ իցէ զի ՚ի մանկութեանն օրիցի. իսկ աստ աւասիկ ասէ, եթէ « Առ ժամանակ մի թողի զքեզ, և ողորմութեամբ մեծով ողորմեցայց քեզ »: Ակիւղաս ասէ. Գումարեցից զքեզ. Թէոդոտոյն, եթէ Ժողովեցից զքեզ, Զի այնպիսի որ կին և ՚ի մեծ իմն սովոր է ելանել, և ոչ եթէ սիրիլ միւսանգամ: Բայց սակայն դու վայելեսցես ՚ի բազում մար-

դասիրութեան իմում: և թողուն առ ժամանակ մի՛ և այն սիրոյ նշանակ է, և մեծի ողորմութեան լինիցի պատճառք. քանզի բազում անգամ բարութիւնք յայնժամ լինելոց են, յորժամ ցասնուցու ոք և ապա ցածուցանիցէ զցասումն:

«Առ սակաւ ինչ դարձուցի զերեսս իմ՝ի քէն»։ Սիմաքոս ասէ. Առ սակաւ ինչ է սրտմտութիւնդ: «Եւ ողորմութեամբ յաւիտենից, ողորմեցայց քեզ, ասէ Տէր, որ փրկեացն զքեզ ՚ի ջուրցն որ առ Նոյի»։ Իսկ այլքն ասեն. Որպէս աւուրքն Նոյի. զի զամենայն իսկ մարդկան բնութիւն ապրեցոյց ՚ի բարկութենէն սակաւութենէ՝ որ ապրեցան: Եւ զսա զլիարդ արդեւք փրկեաց, զի ահաւանիկ զամենեւեան ջնջեաց ջրհեղեղն. այլ զի որ ապրեցանն՝ սոցա նախնիք էին. յիշեցուցանէ թէ որպէս զնոսա ՚ի սաստիկ ջրհեղեղէն փրկեցի, և զձեզ կարող եմ՝ի գերութենէդ զերծուցանել: Միթէ չփոխեցի՞ զբարկութիւնն ՚ի մարդասիրութիւն, զի որպէս անդն եղև, նոյնպէս առ ձեզ լինելոց է:

«Այս է ինձ, որպէս երդուայ նմա ՚ի ժամանակին յայնմիկ՝ երկրի այլ ոչ բարկանալ»։ Բայց սակայն ոչ երդուաւ, այլ զի զսոցա միտս հաճիցէ՝ ասէ: «Ոչ սպառնալեզք իմովք զլերինս փոփոխել, և ոչ բլուրք քո շարժեցին»։ Ոչ եթէ զի լերինք իսկ փոփոխեցան, կամ թէ բլուրք ՚ի հիմանէ խախտեցան, այլ զչփոթութիւնն և զխռովութիւնն ակնարկէ այսուիկ: Երդուայ, ասէ, ոչ միայն ջրհեղեղ չաժել, այլ և ոչ այլ ինչ խռովութիւն կամ շարժումն առհասարակ ընդ ամենայն երկիր, այլ թոյլ ետու միշտ կալ ՚ի հաւտատութեան: Եւ այժմ երդնում քեզ վասն գերութեանդ, թէ ոչ ևս թողից զքեզ լկել ՚ի թնամեացդ. զի թէ այնչափ չարիք յառաջ քան զջրհեղեղն գործեցան, սակայն թողի զաւակ մարդկան իմով մարդասիրութեամբ, «Նոյնպէս և ոչ ՚ի քէն պակասեցէ ողորմութիւն իմ, և ոչ ուխտ խաղաղութեան իմոյ ՚ի քէն այլ ոչ անցցէ»։ Ահիւղաս՝ Դաշն, ասէ:

«Զի Տէր այսպէս ասաց. հաշտեալ եմ ընդ քեզ, տառապեալդ և աստանդեալդ, և չիցես մխիթարե-

լոց. ահաւասիկ պատրաստեմ ես կարկեհան զքարինս քո »: Ակիւղաս՝ Ենքստիմ, ասէ՝ փոխանակ կարկեհանին, այլ իմն օրինակ ականց¹. Սիմաքոս՝ Ստեփէն ըստէմն. իսկ եբրայեցին՝ Բափփովք²: « Եւ զհիմունս քո շափիղայ »: Եբրայեցին՝ Ուզամթի քողքող վամթովթա³, ասէ: Ակիւղաս՝ Եւ արարից քողքող զմահարձանս քո: Թէոդոտոյն՝ Եւ արարից կարկեհանեայ զապարանս քո: « Եւ արկից զմահարձանս քո յասպիսե զդրունս քո յականս վանեայ »: Ակիւղաս ասէ. Յականս ծակոտկէնս. Սիմաքոս և Թէոդոտոյն՝ Յականց քանդակելոց, ասեն:

« Ածից զքե պարիսպ ընտիր ընտիր յականց պատուականաց »: Տէս, զի յորժամ ոչ միտարիցիմք, յայնժամ մեծամեծ բարութիւնք լինին մեզ 'ի միտարութիւն և մեծամեծ շահք: « Եւ զդրունս քո 'ի տախտակս վանեայ »: Զայս ըստ առաւելութեան իմն ասէ, զի յորդորեսցէ հանել զնոսա 'ի գերութենէն. զի յորժամ ասիցէ, եթէ Թեք աղաւթոյ արծաթապատ և թիկնամէջք նորա 'ի գոյն ոսկոյ, իբրև ոչ եթէ այնպիսի աղանի որ երբեք ետես. զի յայսպիսի բանիւք զբարութիւնսն որ լինելոց էին նոցա՝ ահնարկէ. որպէս վերագոյնս 'ի սմին մարգարէի իսկ ասէ,

1. Յօր. Ախոյ:

2 Ակիւղաս. 'Իծո՛ւ κατὰ κλονὸν ἐν στίμῃ τοῦς λίθους σου. իսկ Սիմաքոս. 'Իծո՛ւ զո՛ւ սὺν τῷ Σὺμῃ· στίμῃ αὖς τοῦς λίθους σου. այսպէս և Թէոդոտոյն. 'Իծո՛ւ զո՛ւ εὐβαλὼν ἐν στίμῃ· τοῦς λίθους σου. և եբրայեցի բառն ԴԺԺ (דגדג), որք չորեքեան ևս նշանակեն զծոր կամ զծորբոր:

3 Իմաստք եբրայեցերէն եգեալ աստանօր՝ ոչ է թարգմանութիւն բանիցն՝ « Եւ զհիմունս քո շափիղայ », որպէս համարի մեկնին, այլ է եբրայեցերէն յաջորդ իմաստիցն. « Եւ արկից զմահարձանս քո յասպիս »: Եբրայեցին այսպէս ունի զեբրայէ բանիցն.

: כבדך ויִסְדֹּתֶיךָ ויִסְדֹּתֶיךָ

որ է. Աղանիս աստանիս գաղտնիս. այսինքն է. « Արկից քեզ հիմունս շափիղայ »:

וְשִׁמְתִּי כִדְכָךְ שִׁמְשֵׁךְ

որ է. Ուեղմիկ քաղաք շիմիս. այսինքն է. Եւ զպատենէս պարտպաց քոց (արարից) կարկեհանեայ: Ըստ բնագրի մեկնութեանս. « Եւ արկից զմահարձանս քո յասպիս »: Եւ ըստ բնագրի Աստուածաշունչ մասենին. « Եւ կանգնեցից զաշտարակս քո յասպիս »:

եթէ Եղիցի որ մնացեալ իցէ մարդն՝ իբրեւ զոսկին Ով-
 փերայ, իբրեւ զոսկին ընդ հուր անցեալ պատուա-
 կան, զի որպէս անդ զչքնաղն ինչ առակէ ոսկւոյ,
 նոյնպէս և աստ զպատուական ինչ՝ ականց պատուա-
 կանաց: Զի՞նչ օգուտ էր այնպիսի ականմբ շինել
 զքաղաքս: զի ոչ 'ի պարսպին շինած՝ այնպիսի ականք
 ինչ պիտոյ էին, և ոչ առ ընչիցն մեծութիւն այնչափ
 կարի յարգոյք: զի թէ վասն աշխարհիս կենաց, յոր-
 ժամ նոքա 'ի հարուածս ինչ մատնէին և մխիթա-
 րութեան չլինէին ինչ արժանի, և զայն ամենայն այլք
 առնուին: ապա թէ 'ի յարութիւնն ինչ առնուցուն, և
 աղքատք վայելեսցեն այնպիսի բարութեամբք: սա-
 կայն և անդ ոչ եթէ այնպիսի մարմնաւոր իրաց պէտք
 են: Եւ զի՞նչ օգուտ 'ի յարութենէ անտի իցէ, եթէ
 դարձեալ յայսպիսի կեանս յառնելոց իցեմք: զի ան-
 կելոցն պարտ է եթէ յայլ ինչ ազնուութիւնս կանգ-
 նեալ նորոգեսցին:

« Եւ զամենայն որդիս քո խրատեալս Աստուծոյ »:
 Տեսանեն, զի զառաքինութիւնս իմն յայտ առնէ: « Եւ
 'ի բազում խաղաղութեան մանկունք քո »: Եւ զի՞նչ
 իցէ խրատեալքն Աստուծոյ, և 'ի բազում խաղաղու-
 թեան մանկունք քո: այսինքն՝ յարդարեալք լիցին
 կարգալիցք: « Եւ արդարութեամբ շինեսջիր »: Ակիւ-
 զաս ասէ: Հաստատեսջիր: Սիմաքոս և Թէոդոտովն,
 թէ Պատրաստեսջիր:

« Ի բաց լեր յանիրաւէ անտի, և մի երկիցես, և
 դողումն առ քեզ մի մերձեսցի »: Եւ արդ, աղէ ասա:
 ընդէր իսկ երկնչիցիս: զի չիք ինչ այնպիսի վշտաբին
 յորժամ 'ի չարիս որ կեցցէ, ոչ զեղի և ոչ տկարա-
 գոյն և ոչ դիւրածախ: զի այնպիսի կեանք իբրեւ ըզ-
 փոյի հողմոյ են և իբրեւ զխոտ և իբրեւ զեղէգն: Եւ
 եթէ կամիս՝ քննեսցուք իսկ զիրսն: զի զչարէն թէ-
 պէտ և ամբաստան որ չիցէ, հանապաղ յահի և յեր-
 կիւղի և 'ի կասկածանս է: իսկ արդարոյն թէպէտ և
 բազում սուտ վկայք 'ի վերայ կուտիցին, աներկիւղ
 և անկասկած է, և ոչ որ կարէ 'ի նմա ինչ գամագիտ
 լինել: Եւ թէպէտ և զոր ինչ 'ի վերայ գայցէ, և ու-
 նիցին և տանջիցին, սակայն ոչ ինչ քնաս կարիցեն
 նմա առնել: և եթէ սպանանիցեն ևս, սակայն 'ի վախ-

Ճանին իւրոյ ունի զվարս առաքինիս, յորժամ ոչ իր-
րե զմնասակար որ մեռանիցի: Այլ սակայն, ասեն,
սպանանեն. և եթէ այդպէս չմեռանիցի, միթէ այլ
ազգ ինչ չմեռանիցի. բայց ոչ իսկ մեռանի այնպիսին.
կամ զի մէկ իսկ գիտիցես, զի բազում անգամ մահ բա-
զում լաւ է քան զկեանս, և բազմաց կեանք ողորմե-
լիք լաւ են քան զմահս այլոց: Որպէս զի ամենայն
ուրեք ոչ ինչ պարտ է խոտել զկեան, և մի յամե-
նայն վայրի փախելի վախճանէն, այլ ի չար վախճա-
նէն. զի ոչ այն և ոչ միւսն առանձինն, ոչ յոռիսն
և ոչ յարութիւնսն պիտանացու ինչ են, այլ ի կար-
գացն ընտրին՝ թէ որպիսի ինչ են: Զինչ ինչ քան
զմահն Յովհաննսս կայր երանելի, և կամ զինչ թը-
շուառական քան զՀերովդին, զի վախճանեալն զկեն-
դանին երկեցուցանէր. լուաւ, ասէ, Հերովդէս զլուրն
Յիսուսի. Յովհաննէս, ասէ, ուրեմն յարեալ ի մե-
ռելոց՝ զոր եմն սպանի: Եւ արդ, զայն քննեսցուք,
կեանք լաւ իցէ, եթէ բարւոքն կեալ. յայտ իսկ է թէ
բարւոքն կեալ, Դիտէր Յիսուս զայնասիկ՝ որք ի չա-
րիմն կեցեն, և զչեղելոցն իբրեւ զեղելոց ճառէ. լաւ
էր, ասէ, նմա՝ եթէ բնաւ իսկ չէր ծնեալ մարդն այն.
զի ցուցցէ եթէ չլինելն՝ քան զչարաչարն լինել լաւա-
գոյն է. և այլուր, եթէ Նրանի իցէ մեռելոց՝ որ վա-
ղուց իսկ իցեն մեռեալ քան զկենդանեացն. որպէս
զի ոչ վայրապար ինչ կեանք լաւ իցէ, այլ բարւոքն
կեալ. զի յորժամ այսպիսի ինչ չլինիցի՝ ոչ ապաքէն
ամենայն մահ լաւ է քան զկեանս: Եւ արդ, դուք
իսկ ձերոց անձանցդ զոր ըղձանայիք ի կեանս ձեր.
Թուի թէ զմահն Յովհաննու. զի մինն բիւրուց բիւր
ամբաստանս ունէր, և յառաջ քան զայն ամենայն՝
զիւրոց մտացն իսկզ՝, քանզի ի ցաւս հարեալ դողայր
և սարսէր, և աստ ի հարուածս էր և անդ պատժոց
և տանջանաց ակն ունէր. և միւսն հանգուցեալ
դադարեալ ի հոգոց իբրեւ զմարտիկ մինահատակ՝ որ
պսակիցի յաղթութեամբ, և ամենայն ուրեք հնչեալ
քարոզիցի առաքինութիւնն, եղեալ թագ ի գլուխ՝
կատարեաց զվատական. զարմանալի եղև քաջա-
լութեամբն, յարգեալ, գովեալ, ոչ միայն ի համա-
կերպն ազգականաց, այլ ի վերին զօրութեանցն՝ որք

լինեին տեսողք յաղթութեան նահատակին, 'ի հրեշտակաց' նոցին անուանակիցն, զի և նա հրեշտակ կոչէր, քանզի զհրեշտակաց համարձակութիւնն եցոյց յանձին: Եւ արդ, ընդ ո՞ զարմանայցես, զո՞ գովեսցես. զԼեւոնիւն եթէ զՊաւղոս. ոչ ապաքէն մինն յարքունական սպասս էր, և միւսն 'ի բանդի. և մինն սպանանէր, և միւսն մեռանէր: Արդ իւրաքանչիւր 'ի ձէնջ իբրեւ զո՞ ըղձանայիք. իբրեւ զԼեւոնիւն՝ որ սպան, եթէ իբրեւ զՊաւղոս՝ որ սպանաւն: Եւ զի պիտոյ իցէ զհին պատմութիւնս յիշել. իբրեւ զԲուսիստոն՝ որք կոտորէին՝ կամիք լինել, [թէ իբրեւ զվկայսն՝ որք 'ի նոցանէն կոտորեցան: Եւ արդ զի պիտոյ իցէ հարցանել, որ արդիւնքն իսկ ընդ մեր տան պատասխանի. զի զնոսա բազում անգամ անիծանէք իսկ և եղկելիս համարիք, և սոցա ամ յամէ գայք խնդութեամբ առնել յիշատակս: Եւ արդ, ոչ միայն զկենացն լինիցիմք կղկղաթ, այլ զբարիոքն կենաց, եթէ մեռանել հասանիցէ և եթէ կեալ: Ոչ ասեմ, ասէ, եթէ փնասիցիս ինչ, այլ զի և երկնչիցիս իսկ ոչ. ըստ այնմ, եթէ Արդարն իբրեւ առեւծ յանձնապատան է: Ոչ այնպէս ինչ կարէ առանց նենգութեան առնել զոգիսն, որպէս յորժամ միտքն սուրբ իցեն 'ի խղճէ. և ոչ այնպէս ինչ նենգէ զոգիսն, որպէս մեղայն խորհուրդք և մրտացն խիղճ: Ոչ տեսնես, որպիսի ոք մեծ և անուանի և հանձարեղ էր Դաւիթ, այլ յորժամ պատուհասեցաւ և յանդիմանեցաւ 'ի շինական և յաղքատ առնէն, որպիսի խոնարհութիւն կալաւ յանձին. Մեղայ, ասէ, Տեառն. վասն այնորիկ իսկ և վաղ վաղակի թողան նմա մեղքն:

« Զի ահաւադիկ եկք 'ի քեզ վասն իմ պանդխտեցին, և զքեզ ապաստան արասցեն »: Զի տաց լինել քեզ նախանձելի վասն աստուածապաշտութեանն, զի բազումք ցանկանայցեն քեզ վասն բարւոք կարգացն: Եւ ոչ այն սակաւ ինչ պարգևք իցեն, և յետ այնպիսի գերութեանն նախանձելի լինէր: « Եւ զքեզ ապաստան արասցեն վասն իմ ». զի ծանիցեն եթէ ոչ վասն իւրոյ ինչ արդարութեան, այլ վասն Աստուծոյ մարդասիրութեանն: « Ահաւասիկ ես հաստատեմ զձեզ ոչ եթէ որպէս գարբին մի փրովք զհայծակունս, և

յառաջ բերէ անօթ 'ի գործ » : Դարձեալ 'ի հաւատարիմ իմն միտս ձգէ զնոսա . զի որպէս դարբինն զապականեալ անօթն առնիցէ նոր՝ փքովքն և կայծակամբ, նոյնպէս լինիցի, ասէ, քաղաքի ձեր նորաշէն նորակերտ . իբրև զանօթ ինչ նոր, որ այն ինչ ելեալ իցէ 'ի բովոյ և փայլիցէ, նոյնպէս և քաղաքն պայծառացեալ ծաղկիցէ 'ի դարձին :

« Այլ ես հաստատեցի զձեզ ոչ 'ի կորուստ . զամենայն անօթ մեքենաւոր 'ի քեզ ոչ յաջողեցից » : Իսկ այլքն ասեն, եթէ Ահաւասիկ ես հաստատեցից զքեզ ոչ 'ի կորուստ, ապականել զամենայն անօթ հնարական : Վասն այնորիկ իսկ արարի զքեզ, ոչ զի կորուսից : Եւ ուստի յայտ է . զի եթէ 'ի կորուստ ինչ հաստատեցի, բնաւ և առնէի ոչ զքեզ . և զի այս այսպէս է, վկայեցէ այն՝ զոր Ամենարուեստն ասէ, եթէ Ոչ զուարճանայ Տէր ընդ կորուստ կենդանեաց . հաստատեաց Աստուած 'ի լինել զամենայն, և 'ի փրկութիւն են ծնունդք աշխարհի :

« Եւ ամենայն բարբառ որ յարիցէ 'ի վերայ քո՝ 'ի դատաստանս պատրաստեսցես զնոսա . և պատժաւորքն քո եղիցին 'ի նմա » : Բայց այլքն՝ Ամենեքեան կորիցեն, ասեն . « Զի գոյ ժառանգութիւն պաշտօնէից Տեառն . և դուք եղիջիք ինձ արդարք, ասէ Տէր » : Այն իսկ է, Զի եթէ եւթն անգամ գլորիցի արդարն, սակայն յարիցէ : « Եւ գոյ ժառանգութիւն պաշտօնէից Տեառն » : Բոյսն բարի՝ որ լինելոց էր նոցա յետ գերութեանն, և բարութիւնքն հաստատունք :

ԳԼՈՒԽ ԾԵ

« Որ ծարաւիդ էք՝ երթալք 'ի Զուրն, և որք ոչդ ունիք արծաթ՝ երթալք գնեցէք և արքլիք առանց արծաթոյ » : Զլիութիւնն որ հանդերձեալն էր լինել՝ ակնարկէ : Գնեցէք, ասէ . և զիարդ գնիցեն . արծաթոյ . այնպէս համարձակութեամբ առնուցուք ձրի, որպէս որք արծաթովն գնիցեն : Եւ իբրև զձուր դիւ-

րադին՝ այնպէս լինիցին ձեզ ամենայն բարութիւնքն. զի յամենայն կողմանց բղխեսցէ ձեզ երկիրն զքաղցրութիւն: Եւ զի՞նչ ևս զայլոց բարութեանցն ասիցեմ, ուր և գինի ևս և միս ոչ գնիցի արծաթով: « Եւ վաստակքն ձեր չէին ցյազ »: Զառաջին վաստակոցն ասէ թէ ջանայիք, տառապէիք, ժողովէիք, 'ի վերայ կցրէիք, և ևս չար նուազութիւնն լինէր. զի այնպէս իմն որ անօրէնութեամբ ինչ ժողովիցին ինչք, թէպէտ և շատ իցեն՝ սակաւք լինին. նոյնպէս և դուք զառաջինն տառապէիք և ոչ ինչ շահէիք, բայց այժմ մեծասըիք և առաւել վայելեսըիք:

« Լուարուք ինձ, և կերիջիք զբարութիւն, և վայելեսցեն 'ի բարութեան ոգիք ձեր »: Տեսանէս, զիարդ վարձուք գնէ Աստուած զհնազանդութիւնն: « Ունկըն դիք լսելեօք ձերովք, զհետ երթայք ճանապարհաց իմոց, լուարուք ինձ, և կեցցեն 'ի բարութեան ոգիք ձեր »: Ոչ որպէս մեք ասեմք եթէ պարտիս հըպատակ լինել ինձ ամենայն բանի զոր ասիցեմ քեզ. այլ նա խոստանայ տալ փոխանակ հպատակութեանն. « Կեցցեն, ասէ, 'ի բարութեան ոգիք ձեր »: Եւ եթէ զի՞նչ իցեն ոգւոցն կեանք, գիտէք իսկ ամենեքին. զի ոչ զմարմնոյն, այլ զհոգւոյն կենաց ասէ: « Եւ եղից ընդ ձեզ ուխտ յաւիտենից զսրբութիւնսն Դաւթի հաւատարիմս »: Զի որպէս նորա աւետիքն հաւատարիմ եղեն, նոյնպէս և ձերն հաստատուն լինիցի: Եւ զի՞նչ իցեն սրբութիւնքն Դաւթի. ուղիղ կարգն, բարեկեցութիւնն, յաջողութիւնն. իսկ այլքն ասեն՝ զողորմութիւնսն. դարձեալ այն են սրբութիւնքն՝ զի իշխանութիւնն հաստատուն եկաց 'ի բուն:

« Ահաւասիկ 'ի վկայութիւն հեթանոսաց ետու գնա, իշխան և հեթանոսաց հրամանատար »: Վկայութիւն Հրէից՝ 'ի հեթանոսս. ըստ այնմ, եթէ Յորժամ հեթանոսք՝ որ զօրէնս ինչ ոչ ունիցին, և լնութեամբ զօրինացն գործիցեն, նոքա որ զօրէնսն ոչ ունին՝ անձամբ անձանց իսկ օրէնք են: « Հեթանոսք որք ոչ գիտէին՝ կարդասցեն առ քեզ. և ժողովուրդք որք ոչ ճանաչէին զքեզ՝ ապաստան արասցեն զքեզ »: Բազում հետաութիւնն յանդիմանի Հրէից, յորժամ որք չգիտիցենն՝ պատուիցեն: « Եւ զքեզ ապաստան արաս-

ցեն »: Տեսանէս զԱստուծոյ բարերարութիւնն. զի
 Թէպէտ և այնչափ ապախտաւորք էին, սակայն ևս
 յարգէր և գգուէր, եթէ զքեզ ապաստան արասցեն
 իբրև զփրկիչ և բարերար. ըստ այնմ, եթէ Արիցեն՝
 եկացք ելլուք ՚ի լեառն Տեառն և ՚ի տուն Աստուծոյ
 Յակովբայ: Եւ արդարև փրկիչ և բարերար եղև Աս-
 տուած Ժողովրդեամբն՝ ամենայն ազգաց. ոչ ՚ի յայտ-
 նեաց և ՚ի յերևելեաց պատերազմաց, այլ և յան-
 երևութից, զի ետ ճանաչել նոքօք բազմաց զԱստուած:
 Եւ մի յանձանց ինչ քաջութիւնս ապաստան լինի-
 ցին, և իւրեանց համարեսցին զուղղութիւնն, ասէ.
 « Վասն Տեառն Աստուծոյ Խորայելի, զի փառաւոր ա-
 րար զքեզ »:

« Խնդրեցէք զՏէր, և յորժամ գտանիցէք՝ կարդաս-
 ջիք առ նա »: Ոչ զի դոյզն ինչ կարդայցէք, այլ զի
 յամենայն մտաց և յամենայն սրտից խնդրիցէք զՏէր:
 Ո՛չ արդեւք ճանաչիցեմք զնա. այո, ասէ, ճանաչէք.
 այլ առաւել յայնժամ ճանաչէք յորժամ ուղիղ կարգս
 ինչ և զմիամտութիւն ոգւոց ցուցանիցէք: « Եւ իբրև
 մերձեսցի առ ձեզ, Թողցէ ամպարիշտն զճանապարհ
 իւր »: Յորժամ զբարիսն պարգևեցէ ձեզ, գոնեա
 յայնժամ դադարեցէք ՚ի չարեաց. իսկ բազմաց չա-
 րեաց պատճառք՝ պարգևք Աստուծոյ լինին: « Եւ ան-
 օրէն զխորհուրդս իւր »: Ոչ միայն զգործս, այլ և զխոր-
 հուրդս՝ որ արմատ և աղբւր են գործոցն: Զոգիսն,
 ասէ, սրբեցէք, և մի միայն զմարմինս. զպէտն և զիշ-
 խանականն. զի յորժամ իշխանն որ ՚ի ձեզ իցէ՝ առողջ
 իցէ, ապա և որ ընդ իշխանաւն իցեն խորհուրդքն՝ ՚ի
 վայելաստուած պաշտութեան վայելեսցեն. ըստ այնմ,
 եթէ Ըստ իշխանի քաղաքին՝ և պաշտօնեայքն նորա.
 և այս ոչ եթէ առ քաղաքս միայն, այլ և առ մեր
 խորհուրդս:

« Եւ դարձցի առ Տէր, և գտցէ զողորմութիւն »:
 Եւ չէ մարթայլազգ դառնալ, եթէ ոչ նախ ՚ի չա-
 րեաց հրաժարիցէ. և ոչ ողորմութիւն գտանէ, եթէ
 ոչ զազտն ՚ի մտաց սրբիցէ: « Եւ բազմապատիկ Թող-
 ցէ զմեզս ձեր »: Զի յորժամ դառնայցէք և սրբիցէք
 ըստ կամացն նորա¹: « Զի ոչ են խորհուրդք իմ իբրև

¹ Այսպէս յօրինակին:

գլխորհուրդս ձեր, և ոչ ճանապարհք իմ իբրև զճանապարհս ձեր, ասէ Տէր » : Միթէ իբրև զմարդիկ ոխակալ իցեմ, և կամ իբրև զայր որ աղքատ 'ի մարդասիրութենէ : « Այլ որպէս հեռի են երկինք յերկրէ » : Զի՞նչ խօսիս. այնչափ հեռի միայն իցեն. այլ քանզի դուք այնչափ միայն գիտէք զչափ, վասն այնորիկ այնմ և եթ իմանեցուցանեմ զմարդասիրութիւնս իմ, որ առաւել բազմապատիկ անչափ է քան զայն. զի որչափ երկինք յերկրէ հեռի են, այնչափ և ևս բազմապատիկ առաւել՝ բարութիւնն Արտուծոյ 'ի մարդկան չարութենէ :

« Զի զոր օրինակ անձրև կամ ձիւն իջանէ յերկնից, և ոչ դառնայցէ, մինչև արբուցանիցէ զերկիր, ծնուցէ և բխեցուցէ, և տացէ սերմն սերմանողի և հաց 'ի կերակուր, այնպէս եղիցի բանն՝ որ ելանէ 'ի բերանոյ իմն. մի դարձցի, մինչև կատարեսցէ զամենայն զոր և կամիցիմ » : Զանգեղձ հրամանացն յայտ առնէ. զի որպէս անձրև կամ ձիւն ոչ դառնայցեն անդրէն յերկինս, այլ կատարեն զգործն յոր առաքեցան, նոյնպէս և հրամանքն իմ, ասէ, վճարեսցեն զամենայն ինչ զոր և կամիցիմ : Եւ զի մի յառաջագոյն ասելոյ և վաղ վաղակի չկատարելոյ՝ 'ի ծուլութիւնս ինչ անկանխն, ասէ. Ոչ դարձցի. Եւ զի մի սուտ ինչ համարիցիմք զսպառնալիսն կամ զաւետիսն, և փնտեսցիմք, ասէ. Ոչ են ճանապարհք իմ իբրև զճանապարհս ձեր :

« Եւ դիւրեցից զճանապարհս իմ և զհրամանս » : Իսկ այլքն ասեն, եթէ Զհրամանս իմ պահիջիք : « Զի ուրախութեամբ ելջիք, և ցնծութեամբ ուսանիջիք. զի լերինք և բարձունք խնդասցեն ընդունել զձեզ ուրախութեամբ, և ամենայն ծառք անտառի ծափս հարցեն յոստս իւրեանց, և փոխանակ դժնկին՝ նոճ ելցէ » : Սիմաբոս՝ փոխանակ դժնկին՝ Եղիճ, ասէ. Զառաւելութիւննս յետ դարձին ակնարկէ այսու ամենայնիւ, և կամ զօրինացն խստութիւնս և չորհաց զգիւրութիւնս : « Եւ եղիցի Տեառն յանուն և 'ի նշան յաւիտենից, և մի պակասեցէ » : Այսինքն, զոր խոտացայն՝ լիցի և կատարեսցի. և եթէ գտանի ինչ՝ որ ոչ եղև, վասն զի նոքա յետ դարձին չեղեն արժանի պարգևաց :

ԳԼՈՒԽ ԾՁ

« Այսպէս ասէ Տէր. զգոյշ կացէք իրաւանց և գործեցէք զարդարութիւն, զի մերձ է փրկութիւն իմ, և ողորմութիւն իմ յայտնել »: Զոր օրինակ յորժամ կամիցի զնոսա ապրեցուցանել 'ի պատժոց, խրատէ զի բարւոյք կենաց և ուղիղ կարգաց փոյթ յանձինս աւնիցին, որով կարիցեն մերժել զպատիժսն, նոյնպէս և յորժամ 'ի բարիս ինչ կամիցի ածել, խրատէ զի մի ծուլանայցեն և մերժեսցեն զբարիսն, և կամ թէ 'ի դիւրութեան զերախտիսն մոռանայցեն. ըստ այնմ, եթէ Գիրացաւ յուրացաւ ստուարացաւ, Պատրաստ է Աստուած, ոսկէ, առնել ձեզ բարի. մի ինչ անարժանս անձամբ առնիցէք զանձինս. թէ պէտ և 'ի մարդասիրութենէն և 'ի խնամոցն նորա լինի ամենայն ինչ, այլ ոչ կամի եթէ զմարդասիրութիւնն առնիցէք պատճառս ծուլութեանն: « Եւ ողորմութիւն իմ յայտնել »: Եւ ոչ ասաց եթէ լինել. զի ցուցէ եթէ հանապաղ է և պատրաստ կայ, և դուք էք որ ծածկէք յաճախութեամբ մեղաց ձերոց:

« Երանի առն որ առնիցէ զայս, և մարդոյ որ պաշտպան լիցի սոցա, և պահիցէ զշաբաթս իմ և ոչ պրղծիցէ, և պահիցէ զձեռս իւր 'ի գործելոյ զանիրաւութիւն »: Նախ վասն առաքինութեանն երանեալ է մարդն, զի ինքն իսկ առանձինն անձամբ տայ ըզվարձս՝ առաքինութիւնն. ապա և վասն նորին իսկ պահիցէ զշաբաթս չպղծել. զի սկիզբն և առաքինական ինչ կարգաց ըստ օրինացն՝ շաբաթուցն պահպանութիւնք էին: Իսկ եթէ կամիցիս քննել եթէ զինչ իցէ շաբաթ, զօրինացն իսկ պատուէրս՝ որ վասն աւուրն են՝ 'ի մէջ բերցուք. զի ոչ վայրապար ինչ այնպիսի պատուէրս ետ Աստուած վասն շաբաթու: Ոչ ինչ զբաղնուն երբեք մարմնաւոր իրօք 'ի շաբաթու, ոչ կերակուրս ինչ կազմն, և ոչ այլ ինչ գործ գործեն 'ի շաբաթու, բայց որ կարի ինչ կարեւորն իցեն,

և չմարթիցի առանց այնր վճարել՝ այն միայն համար-
ձակ է, այլ ամենայն ինչ փակեալ և արգելեալ է։
Զի թէ զամենայն աւուրս այնպէս խափանէին 'ի չա-
րեաց, և պարապորդ լինել հոգեւոր իրաց, չէր ինչ ընդ-
հատ 'ի հրեշտակաց մարդկան բնութիւնս. զի չիլ կալ
'ի վաճառի, և ոչ զգինս ինչ տօգնել, ոչ 'ի կապելա-
նոցս և ոչ 'ի հանութս. չիլ զարման մարմնոյ. այլ
այնպէս կայ Հրեայն ձեռակապ դեղերեալ տուայ-
տեալ. ամենայն պէտք խափանեալ, ամենայն գործք
դատարկացեալք, չարիք լռեալ, մեղք դադարեալ. ոչ
վարէ որ, ոչ հնձէ. բայց միայն զի թլփատեն, և եթէ
անասուն 'ի քրհոր անկանիցի՝ հանեն։

« Եւ պահեսցէ զձեռս իւր՝ մի ինչ առնել անօրէ-
նութիւն »։ Յեւթն եւթն աւուր յիշատակք առաքի-
նութեանց, լուր աստուածեղէն պատգամացն. փոյթ-
յանձին ունել կենացն յաւիտենից. թէպէտ և 'ի
հարկէ ինչ իրքն լինիցին, սակայն կապեցին զձեռս
նոցա օրէնքն, զի մի կամով և մի ակամայ մեղանչի-
ցեն. և եթէ հանապազ այնպէս դադարէին 'ի չա-
րեաց, հրեշտակաց վարս ցուցանէին յանձինս, և չէին
գտեալ պարտապան արեան մարդարէից, արդարոցն
կոտորուածոց, և ոչ անհնարին յանդգնութեանն՝ զի
իշխեցին մտաբերել՝ արկանել ձեռս յօժեալն Աս-
տուծոյ։ Տեսանէս, որչափ ինչ լաւ 'ի շաբաթուոցն գոր-
ծէին. քանզի գիտէր Աստուած եթէ չդադարեն եր-
բեք 'ի չարեաց, վասն այնորիկ պատուիրեաց պահել
զշաբաթս, զի գոնեա 'ի միում աւուր յեւթանցն՝ դա-
դարեսցեն 'ի չարեաց։

« Պահեսցէ զձեռս իւր առնել զանօրէնութիւն »։
Բարւոք ասէ՝ պահեսցէ. զի ոչ այնչափ փշոց և խօշոց
հարուածք կարիցեն զձեռս ապականել, որպէս մե-
ղացն խայթոցք՝ որ հարկանիցեն և առնիցեն անզօր 'ի
զօրութենէ. քանզի մեծ իսկ է զօրութիւն ձեռաց
յաղթս մատուցանել և յողորմութիւնսն առնել-
նորա իսկ են խոցոտիչք սատանայի, յորժամ սրբու-
թեամբ առ Աստուած ամբառնայցեն։ Եւ եթէ կա-
միցիս 'ի միտ առնուլ զգօրութիւն ձեռացն, տեսլի՛ր,
զիմարդ արք և կանայք զձեռս քահանայից համբու-
րեն. ընդէր ոչ զգլուխ կամ զայլ ինչ յանդամոցն.

այլ զի նոցա հաւատացան մեծամեծք՝ լինել սպասաւորք անձառ խորհրդոցն, զի նոքօք ծնանի հոգեւոր ծնունդն: Տէս զԱռաքեալսն, որպիսի ինչ գործ ցուցանէին ձեռօքն անարատիւքն՝ ի մեղաց. Յոր վերայ դնէին, ասէ, ձեռն, ընդունէին զՀոգին Սուրբ: Նաեւ այժմ իսկ ՚ի ձեռաց քահանայից սրբոց որչափ ինչ օգնութիւնք, որչափ ինչ բարիք պարգևին:

« Մի ասիցէ օտարազգին՝ որ եկեալ յեցեալ իցէ ՚ի Տէր, եթէ մերժէ զիս Տէր ՚ի Ժողովրդենէ իւրմէ »: Տէս, զիարդ նման են բանքս առաքելական բանիցն. Յորժամ հեթանոսք, ասէ, որ զօրէնս ոչ ունին, բռնութեամբ զօրինացն գործիցեն, նոքա որ զօրէնսն ոչ ունին, անձամբ անձին իսկ օրէնք են. և դարձեալ, եթէ Թլփատութիւն օգնէ՝ եթէ զօրէնսն պահիցես. իսկ յորժամ անթլփատութիւնն զիրաւունս օրինացն պահիցէ, ոչ ապաքէն անթլփատութիւնն նորա ՚ի Թլփատութիւն համարեալ լիցի: Զես ինչ ազգական Աբրահամու, այլ ըստ առաքինութեանցն ունիս ընդ նմա ազգականութիւն, ևս աւելի քան զբուն որդւոցն ազգականութեան: Մի կարծիցես եթէ նուազագոյն ինչ ճոխութիւնս ունիցիս քան զՀէբրայեցւոցն՝ որ պարծէին ՚ի նախնիսն՝ ՚ի յԱբրահամ, ՚ի Սահակ և ՚ի Յակովբ:

« Մի ասիցէ ներքինին եթէ ես եմ փայտ չոր »: Քանզի բազումք յայլազգեացն յուժարէին ելանել ընդ Հրեայս. զի մի դանդաղեցին ինչ ՚ի խիստ կրօնից օրինացն, և կամ վասն որոշելոյ օտարութեանն՝ բառնայ զպատճառս ՚ի միջոյ. զի ոգւոցն առաքինութեանց, ասէ, միայն պէտք են, և ոչ այլ ինչ ծանր օրինացն:

« Զի այսպէս ասէ Տէր ցնեքինիս՝ ոյք պահեն ըզպահպանութիւնս իմ և ընտրիցեն զոր ինչ կամիցիմն: Եւ բարիք ասաց թէ ընտրիցեն զոր ինչ կամիցիմն. զի մի զզոհան և զթլփատութիւնս մարմնոյ միայն բաւական համարեսցին ՚ի փրկութիւն, այլ զի յոգւոցն առաքինութիւնս փութայցեն, և մի ՚ի մարմնաւորական սրբութիւնս ապաստան լինիցին: « Եւ վերակացու լինիցին ուխտին իմոյ »: Եւ բարւոք ասաց եթէ վերակացու լինիցին. զի մեծաւ զգուշութեամբ պարտ

էր պատկառ կալ օրինացն՝ որ ըստ հոգւոցն էին, և մի այսր անդր հարկանել յաւելլուածովքն:

« Եւ տաց, ասէ, նոցա 'ի տան իմում և 'ի պարսպին իմում տեղի անուանի առաւել քան ուստերաց և դստերաց իմոց, և անուն յաւիտենից տաց նոցա »: Վասն այնորիկ իսկ ցանկալի են գործքն, զի զյիշատակն մեր անմահ պահեն, և ոչ տան ժամանակաց ածել 'ի մեռացոնս: « Եւ անուն յաւիտենից առաւել քան ուստերաց և դստերաց »: Յիրաւի իսկ. զի այն ըստ բնութեանն է, և այս ըստ կամաց. զի այս 'ի հարկէ, և այն ըստ առաքինութեանց: Եւ լաւ իսկ է առաքինութեանն անուն՝ քան զուստերաց և զդստերաց. այլ զի մի յիշիցիմք եւթ, այլ զի 'ի բարին յիշիցիմք, զի մի 'ի սուտ կարծեացն պատիժս տանիցեմք. զի որ 'ի չարիս ինչ անուանիցի, յետ չարեացն կորստեան՝ և նա կորստական է: Անուանի է Յուդաս ընդ ամենայն երկիր, այլ 'ի չար և 'ի սատակունն իւրոյ գլխոյն. անուանի էր Պաւղոս, այլ 'ի բարի և յօգուտ յիշելեացն: Եւ զայս ոչ եթէ վայրապար ինչ ասացի, այլ քանզի տեսանեմ զբազումս՝ զի ապարանս գեղեցիկս շինեն, և գերեզմանս նկարեալ հաստատեն, ոչ վասն այլ իրիք, այլ յորժամ վախճանիցին՝ անուն և յիշատակ շինուածովքն թողուցուն յերկրի: Յուրտ և անօգուտ մխիթարութիւն չահին անձանց յայնպիսի հայթայթանաց: Զի՞նչ օգուտ իցէ մեռելոյ և անզգայի շինուածոցն պաճուճանք, յորժամ ասիցեն եթէ այսր անուան են ապարանքն, այսր անուան է շիրիմդ. և օգուտ ինչ չիք, բայց փնաս մեծ. զի իբրև կարճամրտի և անքատի և ագահի և յափշտակողի անուն բամբասիցի, եթէ զորոյ յափշտակեաց և զայրիս մերկացոյց՝ զի գերեզմանս շինեսցէ և շիրիմս կանգնեսցէ. և այն կանգնեալ կայցէ իբրև զարձան մի անօգուտ, ամբաստան չարեացն նորա և յիշատակ ապիրատութեանցն. զի և որք ողորմել կամիցին՝ չողորմիցին, զի ոչ ինչ այլ աւելի գործիցեն, այլ զի անմահական ամբաստանութիւնս թողուցուն այնու կենդանեաց. քանզի անօգուտ շիրիմ իսկ կանգնեալ թողուցուս յանուն և 'ի պարծանս: Հնարեաց թողուլ, մի մարդ, անուն և յիշատակ՝ մարդիկ խօսուն, որ կարիցեն

պատմել միշտ զքո ինչ առաքինութիւնս, եթէ նովաւ կեցաք, նովաւ փրկեցաք 'ի վշտաց, նովաւ մխիթարեցաք յաղքատութենէ, և ելաք 'ի կարօտոյ. այն են յիշատակ և անուն՝ յորժամ խօսուինք և իմաստունք վայելեսցեն, ոչ եթէ քարն և բուռն և հողն, այլ մարդիկն՝ որ գոհանայցեն զԱստուծոյ վասն քո:

« Եւ յօտարազգիսն՝ ասէ Տէր, որ եկեալ յեցեալ իցեն 'ի Տէր. ծառայել նմա և սիրել զանուն Տեառն, լինել նմա 'ի ծառայս և յազախնայս, և զամենեսին՝ ոյք պահիցեն զշաբաթս իմ չպղծել, և վերակացու լինիցին ուխտին իմոյ, տարայց զնոսա 'ի լեռունն սուրբ, և ուրախ արարից զնոսա 'ի տուն աղօթից իմոց. ողջ ջակէզք նոցա և պատարագք ընդունելի լինիցին »: Տեսանէս զկարգ պատարագացն, ոչ եթէ զայլ ինչ վարս սրբեն, այլ յորժամ այլ վարքն նախամեծար լինիցին, ապա և նոքա սուրբք և ընդունելիք լինին: « Զի տուն իմ տուն աղօթից կոչեսցի ամենայն հեթանոսաց »: Տեսանէս, զի 'ի վաղուց հետէ եղև գընաց հեթանոսաց մտանել 'ի տուն Աստուծոյ. անդրատին 'ի վաղուց իսկ բացեալ էր դուռնս: Եւ արդ, զիարդ մեղադիր լինիս Քրիստոսի, իվ Հրեայդ, յորժամ յեսայեայ լիցես զդոյն բողոքեալ: Տես և զօրէնսն իսկ՝ զի զնոյն փութային հնարել, բայց չէին կարող. զի զամենայն ինչ ընդ զօհիւք կամէին փակել:

« Տուն իմ տուն աղօթից կոչեսցի ամենայն հեթանոսաց, ասէ Տէր, որ ժողովէ զցրուեալսն Խորայելի. ժողովեցից 'ի վերայ նոցա ժողովս. և ամենայն գազանք վայրենիք եկայք, կերայք. ամենայն գազանք սնտառի եկայք, տեսէք »: Զի մի գժկամակ ինչ լինիցին Հրեայք ընդ հաղորդելն նոցա հեթանոսաց, զանձինս առ լուս ունելով, յիշեցուցանէ նոցա զերախտիսն, թէ զձեզ ցրուեցի և ժողովեցից. բնաւ ասելն իսկ, եթէ ժողովեցից 'ի վերայ նորա միանգամայն զամենայն գազանս վայրենիս, եկայք, կերայք, ամենայն գազանք վայրենի, զայն իմն յայտ առնէ:

Քանզի ընդ օտարազգիսն խօսէր, ասէ ամենայն համարձակութեամբ զվարսն հրէականս. և եթէ վասն էր թոյլ ետ նոցա երթալ յերկիրն օտար, և եթէ նա

ցնոտա ընկէց յերեսաց՝ ըստ տուաբեւական բարձա-
 ուոյն, որ ասէ. Զի թէ 'ի բուն ոստն ոչ խնայեաց, մի
 երբեք և 'ի քեզ ոչ խնայիցէ: Ասացի, ասէ, թէ ե-
 կայք, կերայք, ամենայն գազանք անտառի: Եւ յիրաւի
 իսկ գազանս կոչէ զՀէթանոսս՝ վասն վայրենական
 բարուցն, զի այնու իսկ զատին 'ի միմեանց գազանք և
 մարդիկ. զի թէ վարուքն ոչ փոխիցէ զբարն, չէ ինչ
 ընդհատ 'ի վայրի գազանաց՝ մարդն: Որպէս և մեք
 իսկ բազում անգամ զգարս և զմարդատեացս՝ գազանս
 վայրենիս կոչեմք. և ոչ բաւական համարիմք լոկ գա-
 զանս կոչել, այլ զի ամենեւին իսկ զբարկ միտան յայտ
 առնիցեմք, վերադրաւն հանդերձ՝ գազանս վայրենիս
 կոչեմք. և դարձեալ յորժամ և զայն ևս չհամարիմք
 բաւական՝ և դեւ և ս անուանեմք, և դեւ չարս, դը-
 ժընդակս: Ոչ զի մարմին ունի մարդ՝ այն ինչ բաւա-
 կան իցէ զսփի և զպայման մարդկութեան յայտ առ-
 նել, այլ նախ պարտ է յոգւոցն կողմանէ մարդ ե-
 րեւել. քանզի և մարմինն յայն սակս իսկ կազմեալ է,
 զի սպասաւոր և պաշտօնեայ իցէ ոգւոյն. իսկ յոր-
 ժամ միտքն 'ի վայրենեաց բարն դառնայցեն, զինչ
 օգուտ իցէ 'ի քնարէն, յորժամ քնարահարն եղծա-
 նիցի: Վայրենացաւ երբեմն Նաբուքոդոնոսոր. մար-
 մինն մարդոյ կայր, բայց կերակուր և բնակութիւն
 և այլ ևս բարք՝ անասնականք եղեն: Եւ որչափ իցէ
 և այժմ՝ որ նմանիցեն բարոյիք. երանի թէ ընդ
 վայրագսն ելանէին, և խոտ ճարակէին, և ոչ զմար-
 մինս մարդկան քանցէին, և ոչ զարիւնս ըմպէին, և
 զսրարս և զվստտակս զայլոց յափշտակէին. թէպէտ
 և գազանացն չիցեն այնպիսի բարոյք՝ եթէ զմիմեանս
 ուտիցեն:

«Տեսէք, զի կուրացան ամենեքեան, և ոչ գիտա-
 ցին զհանձար. ամենեքեան շունք են համբը» : Իսկ
 այլքն ասեն. Զկարեն հաջել: Եւ արդ, երկայնաձիգ
 իմն արարեալ զբանն՝ յաճախէ բամբասել զչարու-
 թիւնն Հրէից. զպատիժսն ասէ և զպատճառս պատ-
 ժոցն, և եթէ անհանձարք էին և կուրացան. և ոչ
 եթէ զմարմնոց ինչ կուրութիւն ասէ, այլ զմտացն:
 Եւ ամենեքեան, ասէ. և այն իսկ աղէտք են, զի ամե-
 նեքեան շունք համբը եղեն՝ որք ոչ կարիցեն հաջել:

Չիք ինչ քան զշունս բարեբարս 'ի գազանս. ընդ որ և իմաստունք Յունաց զարմանային, և յօրինակ իմաստասիրութեան առնուին զբարս բարեբար անամոյն, որ զընտանիսն անվրէպ ճանաչէ, և յօտարաց փախըստական լինի. զի թէ և 'ի սօվոյ մեռանիցի, սակայն զիւր տէրն ոչ թողու. և աւելի այն լուութիւն է, զի զընտանիսն և զօտարն որոշել գիտէ: Իսկ նոքա զհակառակն նորին, զի ոչ հաջէին յօտարս. զբարեբարութիւնն այնպիսի անամոսց՝ կորուսին յանձանց. քանզի ոչ կուռէին ընդ դեռ փնասակարս, և ոչ փախչէին 'ի փնասակարացն, այլ իբրև 'ի քուն իմն 'ի խորարթուն՝ ետուն զանձինս յափշութիւնն. իբրև թմբիր ինչ առեալ կամ կոնիոն, որ է խնդակոթ, այնպէս համարձակ իմն տային ամենեցուն մուտ, բերկրեալ 'ի չարիսն իւրեանց. և եթէ ոչ կարէին՝ չէր ինչ մեղ, այլ զի կարէին, և ոչ կամէին. և քանզի ոչ կամէին, այնու և զգօրութեանն կար բառնային յանձանց: Ոչ կարէ, ասէ, աշխարհ զձեզ ատել. և ոչ թէ չկարէր ատել, այլ չկամէր. և յայտ է եթէ չկարէն ատո՝ չկամել է: Որպէս և մեք բազում անգամ ասեմք, եթէ չկարէ այս անուն ծառայ լաւ լինել. և յայտ առնեմք եթէ չկամի լինել. զի թէ չկարէր, և ոչ մեղ ոք դնէր. այսպիսի ինչ, չկարեմ ընդ երկինս թուել, զի թէպէտ և կամիցիմ՝ չեմ կարող:

« Յերազանսն յանկողինս, սիրեն զնիրհել »: Ինձ այսպէս թուի թէ և զսուտ մարգարէիցն ասիցէ զայս, և զայնցանէ՝ որք 'ի ծանրարթուն քուն տացեն զանձինս: Դարձեալ միւս ևս չարիք. « Չի իբրև զշունս լիրբս են, և ոչ գիտեն զյագուրդ. և են չարք, և ոչ ճանաչեն զհանձար »: Որկորեայք, անզօրք, բամբասողք. ուր զբարութիւնն և զքաջութիւնն պարտ էր ցուցանել՝ զվատութիւն և զծուլութիւն յառաջ բերին. ուր զհեղութիւնն և զհանդարտութիւնն՝ անդ զյանդգնութիւն և զլքութիւն ցուցին: Եւ տես, զի զառաքինութիւնն ունէին, և 'ի չարիս դարձուցին զնոյն, զի ոչ 'ի դէպ վարեցան նովաւ, և ոչ 'ի պատշաճ ժամանակի: Եւ զոր ասեմն այսպիսի ինչ է. բարւոք է հեղութիւն, այլ 'ի պատշաճ ժամանակի. բարւոք է համարձակութիւն, այլ զի 'ի դիմացն չխոտորիցի. զի

չիք ինչ 'ի սոցանէ թէ առանձինն բարի իցէ և կամ
 թէ ոչ նոյնպիսի: Ե, ասէ, ամօթ՝ որ ածէ զմեղս, և է
 ամօթ՝ որ ածէ զփառս և զշնորհս. և է յանդիմանու-
 թիւն՝ որ չէ բարւոյք, և է լուութիւն՝ հաւասար ի-
 մաստութեան. է որ յաճախէ 'ի բանս, և այնպիսին
 ատելի լինի: Տեսանե՛ս, զի ամենայն ուրեք ըստ այնո-
 ցիկ է որ պատշաճն գնայցեն, կամ ոչ ինչ պատշա-
 ճագոյնս. զի եթէ բնութեամբ այնպիսիք էին, թե-
 րևս դանդաղէր ինչ 'ի նոցանէ բնութիւնն. իսկ նա
 աւանիկ ոչ բնութեամբ ինչ, այլ ըստ ծուլութեանն,
 և ոչ 'ի դէպն գնալոյ համրացեալք էին. ամենայն ու-
 րեք իսկ պարտ էր նոցա այնպիսի լինել:

« Չարք են՝ և ոչ ճանաչեն զհանճար »: Տեսանե՛ս,
 որպիսի՜ անմտութիւն գործէ չարութիւնն և անհնա-
 րին մոլորութիւն. ևս չար քան զայնոսիկ՝ որ 'ի ծնէ
 իսկ մորոպէս փգրբագլուխ ծնանիցին. այսինքն զանո-
 պայիցն ասեմ, որ քան զխայտառակսն ևս խայտա-
 ռակք իցեն, թշուառականք, հէքք և եղկելիք և բա-
 զում արտասուաց և լալոյ արժանի. զի զնոսա բնու-
 թեանն նուազութիւն փգրբ մի ապրեցուցանէ՝ 'ի բամ-
 բասանաց, իսկ սղբա յո՞ փախչիցին, որք անձամբ զան-
 ձինս արարին մորոսս, և անուպայ են:

« Ամենեքեան ըստ ճանապարհաց իւրեանց գնային,
 իւրաքանչիւր 'ի միասին »: Այսինքն՝ ըստ անձին դիւ-
 րի, ըստ իւրաքանչիւր ցանկութեան, Եւ ուստի՜ իցեն
 չար ցանկութիւնքն. ոչ բնութեան ինչ, այլ 'ի կա-
 մաց. Յանկութիւն, ասէ, արդարոյ՝ ամենայն բարու-
 թիւն է. և Յանկութիւնք, ասէ, արդարոյ՝ քաղցրա-
 ցուցանեն զանձինս: Եւ յայտ է եթէ ոչ 'ի բնութե-
 նէն ինչ է ցանկալն չարեաց, այլ 'ի չար կամաց. զոր
 օրինակ, այլ ցանկութիւն առողջացն են, և այլ ցան-
 կութիւն հիւանդացն. զի կիսոցն արմատքն յախտիցն
 են, և կիսոցն յառողջութենէն. նոյնպէս և աստ: Տես-
 ցուք, զինչ ցանկանայցէ արդարն. Որպէս փափաքէ,
 ասէ, եզընուր յաղքերս ջուրց, այնպէս փափաքէ անձն
 իմ առ քեզ Աստուած. Ժարաւի է անձն իմ առ քեզ,
 Աստուած կենդանի. և դարձեալ, եթէ Նուաղեաց
 սիրտ իմ և մարմին իմ յուսալ առ Աստուած. և դար-
 ձեալ, եթէ Յանկայ և փափաքէ անձն իմ 'ի գաւիթս

Տեառն։ Տեսցուք, որովմ ցանկանայցէ չարն. ամպտ-
րըշտուութեանն չարեաց՝ զամենայն օր. քանզի ծնկին
'ի նոյն ոգիքն և միտքն. իսկ զարդարոյն ասէ. Բագում
մարդարեք և արդարք ցանկացան տեսանել՝ զոր դուքն
տեսանէք, և ոչ տեսին։ Եւ զի ըստ բնութեանն է
բարեացն ցանկալն, և արտաքոյ բնութեանն՝ չարեացն
տեսնանալ, լիւր Պաւղոսի՝ որ ասէրն, եթէ Զինչ ըն-
տրեցից ոչ գիտեմ. նեղեալ եմ յերկոցունց. զի ցան-
կացեալ եմ վախճանել և ընդ Քրիստոսի լինել, և ևս
կարեւոր համարիմ կալ քնալ 'ի մարմնիս վասն ձեր։
Եւ թեթեւ համարէր զառժամայն նեղութիւնսն. զի
թէ բնութեամբ ինչ ընդդէմ նոցին, ապա ոչ թեթեւ
կուէր զնեղութիւնսն։ Եւ դու մի զհիւանդաց ինչ ճառս
ընդդէմ բերիցես, քանզի և 'ի քէն իսկ՝ քեզ ցուցա-
նելոց եմ օրինակ. ոչ թէ զՊաւղոսէ ինչ ասիցեմ, այլ
դէէնջ՝ որ անասնոց բարուց ցանկացեալ էք. զբարե-
կեցութիւնն զինչ համարիք. բնութեանն ինչ այն-
պիսի իցէ, եթէ արտաքոյ քան զբնութիւնն. այլ եմ
ումանք իբրեւ բնակ իմն համարին զիրսն. և արդ յայն-
մանէ զբնութիւնն ինչ խոտիցեմք. քաւ լիցի։ Իսկ զա-
րուադիտութեան անօրէն խառնակութիւնսն՝ որք զօ-
րէնս բնութեանն թշնամանեն, ըստ բնութեանն հա-
մարիցիս, եթէ արտաքոյ քան զբնութիւնն. յայտ իսկ
է եթէ արտաքոյ քան զբնութիւնն է. քանզի և ան-
զաւակութիւն՝ անօրէն խառնակութեանն գուշակ է.
որոյ և օրէնսդիրք և ամենեքին իսկ պատիժք մահու
'ի վերայ եդին։ Եւ արդ, զի բազմաց ըստ բնութեանն
իմն թուի, միթէ ըստ բնութեանն ինչ իցէ, և ոչ ա-
ռաւել քան զբնութիւնն. և 'ի կանանց ազգի՝ թշնա-
մանեցին զօրէնս՝ անօրէն արուադիտութեանն խառ-
նակութեամբ. զի զօտարոտին սիրեցին, և ոչ զըն-
տանին. ոչ ապաքէն յայտ է՝ զի արտաքոյ քան զբնու-
թիւնն է։ Եւ ընկերին կնոջն ցանկանալ 'ի շնութիւնս,
ոչ ապաքէն արտաքոյ քան զբնութիւնն իցէ. և զիւրն
և եթ բաւական համարել՝ այն ըստ բնութեանն է։
Իսկ ընչից ցանկութիւն չիցէ՝ արտաքոյ քան զբնու-
թիւնն. և արդարեւ իսկ, թէպէտ և մեք չկամիցիմք
յանձն առնուլ, որպէս և նոցա չթուի արտաքոյ քան
զբնութիւնն անառնական խառնակութիւնն. և չթուիցի

քեզ՝ յորժամ՝ի ցանկութեանց հեռի իցես, մանաւանդ առողջագոյն իցես. նոյնպէս և ընչիցն ցանկութիւն չթուիցի՝ քեզ արտաքոյ քան զբնութիւնն, զի ոչ պարապեն յախտէ ընչասէրք։ Իսկ յորժամ առայնոսիկ՝ որք կարի առողջն իցեն՝ գայցես, ապա առնուս ի միտ՝ եթէ արտաքոյ քան զբնութիւնն է ընչից ցանկանալ, և յագահութիւնս յողովել. որպէս և ասէ իսկ հնարագէտն Առաքեալ, եթէ ճնշեմ զմարմինս իմ և հնազանդեցուցանեմ, գուցէ որ այլոց քարոզեցի, և ես գլխովին անպիտան գտանիցիմ. և Տէրն ասէր յԱւետարանին, եթէ Քանի՛ նեղ և անձուկ է ճանապարհն՝ որ տանի յարքայութիւնն։ Եւ յայտ է եթէ որ ինչ ըստ բնութեանն է՝ չէ ինչ աշխատութեամբ, այլ որ ինչ արտաքոյ քան զբնութիւնն իցէ. որպիսի ինչ, զի եթէ բռնադատիցէ որ՝ ի ձեռսն միայն գնալ՝ այն կարի անհնարին է. իսկ յոտսն գնալ՝ առանց աշխատութեան է, և ի գլուխն գնալ՝ կարի անհնարին է. և այսպէս իմանամք՝ զի թէ բնութեամբ ինչ էր առաքինութիւնն, չէին ինչ պէտք ջանալոյ. եթէ բնութեամբ էր չառաքինանալն՝ չգոյր ինչ ի միջի մեղադրութիւն։ Իսկ նա աւանիկ Քրիստոս վճիռ տայ, և Պաւղոս օրէնսդիր լինի. ճնշեմ, ասէ, զմարմինս իմ և հնազանդեցուցանեմ. կամի այլ լուստ այլ ուրեմն շրջել. իսկ Քրիստոս ասէ. Նեղ և անձուկ է ճանապարհն. իսկ որ ըստ բնութեանն իցէ, յայնմ աշխատութիւն ինչ չիք. զի ինքնին իսկ բնութիւնն կարող է զիւրսն դարմանել։ Եւ վասն այնորիկ ոչ արար Աստուած զամենայն ինչ վաստակովք, զի մի ի բազում աշխատութիւնս արկանիցէ զմեզ. զի է ինչ՝ որ ըստ կամաց լինի, և է ինչ՝ որ ըստ բնութեանն. և այնպէս դիւրաւ իմն լինի՝ որ ինչ ըստ բնութեանն է, զի բնաւ և զգամք ոչ՝ եթէ զիարդ լինիցի. իսկ առգանդաղկոտն և ախտացեալսն՝ ասէր Քրիստոս. Քանի՛ նեղ և անձուկ է ճանապարհն՝ որ տանի ի կեանսն, Եւ է ժամ՝ զի առողջութիւնն հիւանդութիւն լինի, յորժամ ցաւն բնակաւոր լինիցի. եթէ չիցէ՝ իսկ լուեալ ի խառնազանձ բազմութեանէն, եթէ երկրորդ բնութիւն է սովորութիւն. քանզի միշտ ի չարիս և եթ տեսեալ էին բազումք, վասն այնորիկ ասէ, եթէ

Քանի՜ նեղ և անձուկ է ճանապարհն՝ որ տանի ՚ի կեանս։ Իսկ յորժամ առանձինն զառաքինութիւնս քարոզիցէ, տեսցուք զինչ ասիցէ. Լուծ իմ քաղցր է, և բեռն իմ փոքրորդի. և գտնիք հանգիստ անձանց ձերոց։ Եւ զիարդ յանձուկ ճանապարհին հանգիստ ինչ գտանիցի. զիարդ նեղ իցէ, կամ որպէս հանգուցիչ։ Այլ զոր ասացին նոյն են պատճառք. յորժամ առախտացեալն ճառիցէ՝ նեղ և անձուկ կոչէ. և յորժամ առ առողջն՝ քաղցր և թեթեւ. Իսկ Պաւղոս յողջոցն էր արդեւք թէ ՚ի հիւանդացն, որ ասէր՝ եթէ Երկնչիմ՝ գուցէ որ այլոց քարոզեցի՝ ես ինքն խոտան գտանիցիմ. և դարձեալ, եթէ Որ կայն՝ զգոյշ լինիցի, զի մի գլորիցի. զի եթէ և դու ընդ նովին կարծեօք իցես, զիարդ ասես, եթէ Որ առժամանակ մի թեթեւ նեղութիւնս է՝ զառաւելութիւնս փառացն յաւիտեանից գործէ ՚ի մեզ. քանզի ոչ գիտեմք զայսոսիկ՝ որ երեւիս, այլ զայն՝ որ ոչն երեւին։ Զի եթէ արտաքին ցաւքն թեթեւ իցեն, որչափ ևս առաւել՝ որ արտաքոյ քան զքնութիւնն իցեն. զի ոչ այնչափ ինչ ոգւոցն ցանկութիւնք լլկեն զմիտս մեր, որպէս տանջանք և կապանք և հալածանք և եպերանք և սով։ Եւ զիարդ իցէ՝ զի այնք թեթեւք իցեն, և այս ծանուցիք. այլ զի զմեզ խրատիցէ՝ լինել ՚ի զգուշութեան, և մի յանձնապաստան։ Նա և ասելովն իսկ, թէ Երկնչիմ՝ գուցէ որ այլոց քարոզեցի, ես ինքն խոտան գտանիցիմ, զհամարձակութիւն ցուցանէ. զի եթէ երկնչէր, ոչ կարէր աստ կալ մնալ. այլ զի վստահ էր, վասն այնորիկ ասէր զայնպիսի բանս, զի մի ոք անփոյթ զանձնէ առնիցէ. Եւ վասն զայս դարձուցանելոյ՝ համարի փրկութեան հասանել. չէ ինչ, ասէ, օգուտ՝ այլոցն քարոզել, եթէ յանձնէ ծոյլ գտանիցիմք. զի եթէ յորժամ ասիցէ՝ Ըստ առաւելութեան յայտնութեանցն՝ զի մի հպարտացայց, ըստ խոնարհութեան ասէ, և ոչ ըստ պարծանաց. և այս իսկ առաւել տայր նմա հպարտանալ. այլ թողեալ զմեծամեծան, որովք ՚ի դէպն էր պարծել՝ պարծէր. Տուաւ ինձ, ասէ, խայթ մարմնոյ հրեշտակ սատան. այսինքն՝ խոտորեցուցիչ։ Եւ եթէ պարծել ինչ պարտ իցէ՝ տկարութեամբ պարծեցայց, այլ ոչ հպարտացայց։ Եւ զիարդ

որ որովք պարծեսցին ոչ հպարտանայցէ. քանզի ընդ այնպիսի մարդս խօսէր, որք գործոց ինչ փոյթ յանձին չունէին, և 'ի հաւատոս միայն ապաստանէին, վասն այնորիկ ասէր, եթէ Նս այժմ այնպէս ընթանամ, որպէս ոչ եթէ ընդ վայր ինչ. այնպէս ձկտիմ, որպէս ոչ եթէ զհոգմն ինչ կոծիցեմ. ոչ 'ի զուր ինչ, ասէ, և ոչ վայրապար: Եւ արդ, զիարդ ըստ ոչ բնութեանն՝ քան զբնութիւնն յաճախագոյն լինիցի. այլ յորժամ ոչ զգուշանայցեմք. զոր օրինակ աստ՝ զի ըստ բնութեանն առողջութիւնն է, և եթէ ծուլանայցեմք՝ 'ի պէսպէս ախտոս անկանիցիմք. սոյնպէս և բարւոյն ցանկութիւն եթէպէտ և 'ի բնութեանն իսկ տնկեալ իցէ, այլ այնպէս կամեցաւ Աստուած, զի և կամացն մերոց կարօտանայցէ. ըստ բնութեան ինչ առնել՝ զայն դիւրաւ է առնել, բայց չթողուլ կամացն՝ և այն անմասն իմն է. վասն այնորիկ ոչ տայ մեզ ընդ հարկաւ մտանել: Զի եթէ ըստ բնութեանն էր առաքինութիւնն, ապա ոչ ինչ յորդորէր զմեզ 'ի նա Աստուած. և քանզի ոչ միայն ըստ բնութեան է, այլ և կամօքն կատարի. վասն այնորիկ իսկ գայ բժիշկ, զի զմարմինն՝ որ ել արտաքոյ բնութեան՝ անդրէն՝ 'ի բնութիւն ածցէ, և զոսկրն՝ որ խախտեցաւ յիւրմէ հաստատութենէ՝ անդրէն հաստատեցէ. զի որ ինչ ըստ բնութեանն իցէ՝ գործով արուեստիւ փորձի. զի եթէ չիցէ արուեստն ուրեք 'ի միջի, որ ըստ բնութեանն էր՝ արտաքոյ բնութեանն լինի. սոյնպէս և 'ի վարս յորժամ ոչ ըստ Աստուծոյ գնայցես, ելեր արտաքոյ քան զբնութիւնն: Եւ զի ըստ բնութեանն է առաքինութիւնն և կամօքն կատարի, ասէ իսկ, եթէ Զոր ինչ կամիջիք դուք եթէ առնիցեն ձեզ մարդիկ՝ արարէք և դուքնոցա: Որ ինչ ըստ բնութեանն է՝ ինքնուսումն իմն է. և դարձեալ, եթէ Սիրեսցես զընկեր քո իբրեւ զանձն քո: Եւ բազում ժամանակս առանց օրինաց իսկ եթող զմարդիկ: Եւ ուստի, ասեն, յայտ իցէ՝ որ ինչ ըստ բնութեանն իցէ. յայնմանէ՝ որ ինչ Քրիստոսն ասաց, և որ ինչ յառաջագոյն քան զնոյն էր ասացեալ. ապա և յայոց իսկ 'ի բազում իրաց. զոր օրինակ, ըստ բնութեանն զկերակուրն ասեմք՝ որ ունին զբնութիւնս մեր, և ըստ ոչ բնութեան՝ զապականիչն. և դարձեալ, ըստ բնու-

Թեան՝ զգարող աշխարհիս, որ ունիցի պինդ զհաստա-
տութիւնն, և ըստ ոչ բնութեան՝ զապականիսն. նոյն-
պէս և ըստ բնութեան զքաջութիւնսն ասեմք՝ որ ունի
պինդ զկեանս մեր, և ըստ ոչ բնութեան՝ զպարիսն որ
ապականիցեն: Եւ եթէ կամիս, եկ դիցուք ՚ի մօր ի-
բրև թէ տունս կամ քաղաք շինիցեմք. քանզի ոմանք
ասեն թէ առ բարբարոսսն այլազգ իմն թուի բարին,
և առ Յոյնս այլազգ. զի մեք, ասէ, գիտեմք որ ինչ
արժան է գործել, և զոր ինչ ոչ գործել. քանզի յո-
րինաց և յօրէնսդրաց և յատենից ուսանիմք. և նոքա
ուստի կարիցեն ուսանել. ասեմ, թէ զոր ինչ դու յօրի-
նաց և յօրէնսդրաց ուսանիս, նա վնոյն ՚ի բնական օրի-
նացն գիտէ: Եւ գրեցիր եթէ շինեսցին իսկ քաղաքք,
մին մեղօք և միւսն արդարութեամբ. տեսցուք՝ որ յամրի
և բաղմաժամանակեայ լինիցի. և անտի կարեմք գտա-
նել զայն ինչ՝ որ ըստ բնութեանն իցէ, և զայն՝ որ ար-
տաքոյ քան զբնութիւնն: Թէ կամիս՝ և ՚ի մարդիկ
իսկ փորձեսցուք զգոյն: Արեւելն ըստ բնութեանն ի-
ցէ, եթէ արտաքոյ քան զբնութիւնն. նա աւանդիկ և
ցաւքն իսկ՝ որ մտանեն յարեցութենէն՝ յայտ առ-
նեն եթէ ոչ ըստ բնութեանն է, այլ արտաքոյ քան
զբնութիւնն:

« Իւրաքանչիւր, ասէ, ըստ ճանապարհաց իւրեանց
գնասցեն »: Եւ այս ևս մեծ աղէտք են, յորժամ հի-
ւանդք ըստ կամաց գնայցեն, և ոչ զբժշկին պատուէրս
պահիցեն: Եւ տես զմտահաճութիւնն, զի մեծատունն
ըստ հարստութեանն իմն գնայ, և զեխն ՚ի պոռնկու-
թիւն և եթ ծախէ զժամանակս իւր: Եւ առցուք նախ
՚ի մէջ զամենայն չարեացն պատճառս՝ զարեցու-
թիւնն, որ թուի բազմաց եթէ դոյզն ինչ իրք իցեն.
որ նախ զմիտսն իսկ եղծանէ, ապա և յազահութիւն
տայ մտաբերել. յորժամ ոչ գտանիցին ծախքն, հարկ
է եթէ յազահութիւն մտաբերիցէ. իսկ ազահու-
թիւնն կապանք իմն են երկաթիք, զոր օրինակ չլթա-
յիւք զոր անդամ և կապեսցես, ընդ նմին ձգի ամե-
նայն մարմինն՝ յոր կողմ և ձգիցին չլթայքն: Եւ ոչ
այսչափ միայն, այլ և ՚ի զօրութենէ ևս անկանի ար-
բեցողն, և ազահէ և յափշտակէ, և ցասկոտ և նա-
խանձոտ և բարկ և անմիտ լինի:

ԳԼՈՒԽ ԾԷ

Եւ արդ, տե՛ս. « Կորեաւ, ասէ, արդարն » : Զի մի միայն ողջ 'ի մէջ բազում հիւանդաց՝ վաղվաղակի կորնչի : Եւ այն իսկ է նշանակ հիւանդութեան, զի զկարողն՝ որ զկեանս նոցա և զվարս ուղղել կարիցեն՝ 'ի միջոյ բառնան : « Զի յերեսաց անիրաւութեանն բառնայ արդարն » : Զայն օգուտ արարնմա արդարութիւնն : « Եւ եղիցի 'ի խաղաղութեան գերեզմանն նորա. բարձաւ 'ի միջոյ » : Այսինքն 'ի չարութենէ չարեացն. և չեն սակաւ չարիք, այլ առաւել դժնդակ աղէտք, յորժամ զճրագն խափուցանիցեն, և զլոյսն 'ի միջոյ բառնայցեն : « Եւ 'ի խաղաղութեան գերեզմանն նորա » : Եւ զլինչ իցէ. այլ զի նոցա և կեանքն 'ի խռվութեան են, և սորա և մահն հեշտական է. զի յառաջ քան զչարիսն զերծոյց զնա 'ի չարեացն Աստուած. և որ թուէրն թէ հակառակ ինչ նմա իցէ, նոյն փոխանակ նորին եղև. զի ոչ եհաս տեսանել նմա ոչ զմարտ և ոչ զպատերազմ : Իսկ ոմանք զՅովսիայ արքայէ ասեն զայս, եթէ խնայեաց 'ի նա Աստուած, զի մի տեսցէ զգերութիւն ժողովրդեանն :

« Բայց դուք ժողովեցարուք այսր » : Այլ ինչ օգուտ եղև ձեզ յամբաստանէն 'ի միջոյ բառնալոյ. քանզի ես իսկ ինձէն դատելոց եմ զձեզ : « Եկալք այսր » : Եւ յիրաւի իսկ բարւոք կոչէ զապստամբս զփախստականսն՝ զաւակ շնութեան և պոռնկորդիք : Եւ սոցա զլինչ եպերանք իցեն՝ եթէ հարքն այնպիսիք որ էին. զի և ոչ 'ի հարցն չարիսնայէին, և ոչ 'ի նահատակաց ծնողացն ինչ զանգիտէին. և զիարդ չիցէ այն պատշաճ. զի թէ որ պոռնկորդին կոչելոյ օգտեսցի ինչ ըմբոստանալ, և անարգանս զգործն համարել, ոչ ինչ կարի փնասեն թշնամանքն, մանաւանդ զի չէ իսկ փնաս : Ապա թէ և զանձն ևս 'ի նոյն նախատինս ձգիցէ, զլինչ օգուտ իցէ նմա ըմբոստանալն. յորժամ պոռնկորդի կոչեսցիս՝ ըմբոստանաս. յորժամ դու իսկ պոռնկիցիս, զայն չհամարիս չարիս :

« Յոյր վերայ պերճացարուք, կամ յոյր վերայ բացէք զբերանս ձեր » : Թուի ինձ եթէ աստ զՏայճոյութիւնն նոցա բամբասէ, որով զԱստուած թնամանէին : « Եւ արձակեցէք զբեզուս ձեր » : Թուի ինձ եթէ մեղադիր լինէին Աստուծոյ, եթէ ոչ էին ուղիղ ճանապարհք նորա :

« Ո՛չ դուք էք որդիք կորստեան, զաւակ անօրէն, որ անկեալ աղաչէիք զկուռան » : Եւ զի ցուցցէ եթէ ուստի իցեն որդիք կորստեան. « Ի ներքոյ անտառախիտ ծառոց, ասէ, զոհէիք զորդիս ձեր, 'ի խորաձորս 'ի մէջ քարանձաւաց » : Դարձեալ բամբասէ եթէ զբնութիւնն իսկ չծաներուք, և զայն ոչ գիտիցէք, եթէ զորդիս պէնուլ չիցէ արտաքոյ քան զբնութիւնն : « Եւ 'ի խորաձորս քարանձաւաց » : Զի և գերեզմանաց անդամ, ասէ, արժանի չառնէիք. և այն չէր շատ զի առաջի կռոցն զոհէիք, այլ և 'ի հեռի տեղիս երթեալ ընդ անտառախիտ ծառովք զոհէիք : Զի եթէ կռոցն պաշտօն առանց ներելոյ թողութեան իցէ, որչափ ևս առաւել ծառոց զոհս մատուցանել. զի կուռքն գէթ կերպարանս ինչ ունէին, և այնու պատրէին. իսկ ծառքն առանց կերպարանաց են, զիարդ պատրէիք 'ի նոսա :

« Անդ էր բաժին քո, և անդ վիճակ քո. նոցա հեղեր դու զզոհս քո, և նոցա մատուցեր դու զողջակէզս քո. արդ յայսր ամենայնի վերայ ոչ բարկանայցեմ, ասէ Տէր » : Զքեզ առնեմ դատաւոր՝ զյանցաւորդ. ընդ մոլորութիւն բնութեանդ և ընդ օրինացդ եղծանել ոչ բարկանայցեմ, ասէ Տէր :

« Ի լերինն բարձու և մեծի՝ անդ է հանգիստ քո. անդր հաներ զողջակէզս քո. 'ի թիկունս սեմոց դրանց քոց եդիր զյիշատակս քո » : Ոչ միայն 'ի լերինս և յանապատս ամպարշտեցար, այլ և 'ի թիկունս դրանց քոց՝ նշանակս իմն անօրէնս նշանակէիր : « Համարէիր եթէ յորժամ յինէն 'ի բաց կայցես, աւելի ինչ շահեսցիս » : Այսինքն՝ զօրագոյնս ինչ լինիցիս. ապա ուրեմն յայտ է՝ եթէ կարեւոր պէտք էին գերութեան. դու քեզէն եղեր պատճառք չարեացն :

« Լայնեցեր զանկողինս քո » : Զյաճախութիւն չարեացն ասէ : « Սիրեցեր դու զհոմանիս քո » : Եւս չար,

զի ոչ 'ի հարկէ էր պոռնկութիւն քո, այլ 'ի զեղիւ և յա-
ճախագոյն կամաց: « Եւ բազմացուցեր զպոռնկութիւն
քո առ նոսա. և յաճախեցեր դու առ հեռաւորս քո.
առաքեցեր դու հրեշտակս արտաքոյ սահմանաց քոյ »:
Եւ այսու ամենայնիւ զյաճախութիւն չար ցանկու-
թեանցն բամբասէ: Զսոյն և Եղեկիէլ մեղադիր լինի:

« Խոնարհեցար մինչև 'ի դժոխս, աշխատ եղեր 'ի
բաղում երթևեկս քո »: զոր օրինակ կին մի պոռնիկ
որ ընդ ամենայն աշխարհս սահեալ շքեացի խնդրել
զհոմանիս իւր. սակայն և այնպէս ոչ յագեցար: « Եւ
ոչ ասացեր եթէ հանգեայց »: Զօրացեալ իմն զայս
ամենայն գործէիր: « Զի առ ուժի իմն գործէիր զչա-
րիսն, վասն այնորիկ ոչ յաղաքեցեր առ իս »: Ակիւղաս
ասէ. Ոչ խնդրեցեր. Սիմաքոս, Ոչ տատամնեցար: Վասն
այնորիկ, ասէ. տեսանեա զի ամենայն ինչ վասն այնո-
րիկ է՝ զի աղաչիցեմք զԱստուած:

Դարձեալ, զիարդ մերժէ 'ի ներելոյ թողութեան:
« Յուսմք զանգիտեցեր, յուսմք զարհուրեցար, զի ստու-
թիւն արարեր ինձ, և ոչ յիշեցեր զիս »: Զի և ոչ
երկիւղ ուստեք կայր 'ի միջի. քանզի զիմոյ զօրու-
թեան զափ գիտէիր, և զնոցա տկարութեան. զի
յայտ լինիցի եթէ 'ի թշնամանացն եղև քեզ այդ:
« Այդ ես տեսից զքեզ և անփոյթ արարից: Եւ յի-
նէն ինչ ոչ երկեար, և ես պատմեցից զարդարութիւն
իմ »: Եւ աստ զպատիժսն արդարութիւն կոչէ, զի
արդար դատաստանաւ ած զպատիժսն 'ի վերայնոցա:

« Եւ դրօշեալքն ոչ ինչ օգտեսցեն քեզ »: Այս
ինքն՝ զի ոչ ինչ վերակացու լինիցին քեզ կուռքն՝ յոր
յուսացարն: « Զի զամենեսեան զնոսա հողմք առցեն,
և մրրիկք բաժանեսցեն. իսկ որ յիսն յուսացեալ
իցեն՝ ժառանգեսցեն զերկիր, և ստասցին զլեռն իմ
սուրբ. և ասացեն, սրբեցէք առաջի նորա զճանապար-
հըս, և 'ի բաց արարէք զիս »: Զանապարհէ ժողո-
վորդեան իմոյ »: Ակիւղաս՝ Դայթակղութիւն, ասէ.
Սիմաքոս՝ Սեթաքոյիմն¹, ասէ, 'ի ճանապարհէ ժո-
ղովորդեան իմոյ:

¹ Զկարացաք ոտուգարանել զնշանակութիւն բառիդ, ոչ գտա-
նելով և 'ի պատառիկս թարգմանութեանն Սիմաքոսի՝ զայս բնարան
մարգարէութեան Յսայեայ:

Տէս դարձեալ զգորութիւնն. քանզի բազում ինչ մեղադիր եղև նոցա, և դարձեալ այլ իմն հակառակ նոցա մտացն ճառէ 'ի տեղեացն՝ ուր յայտնութիւնքն երևէին, և 'ի հաւատան կամի ձգել, եթէ « Այսպէս ասէ Տէր բարձրեալն՝ որ 'ի բարձունս բնակեալ է յաւիտեանս, սուրբն 'ի սուրբս »: Զգորութիւնն յայտ արասցէ այնու, զմշտնջնաւորութիւնն. և թէպէտ և մեծ իմն թուին բանքն, այլ ըստ զիջանելոյ ընդ մեզ խօսի. քանզի ոչ եթէ 'ի տեղիս ուրեք փակեալ է Աստուած: Եւ զի վերագոյնն զանտառաց ճառեաց, վասն այնորիկ ասէ, թէ « Բարձրեալն՝ որ 'ի բարձունս բնակեալ է »: Եւ զի 'ի տաճարին միայն կարծէին զԱստուած, ասէ. « Սուրբն 'ի ուրբս հանգուցեալ է »: Տեսանէս, զիարդ յառաջագոյն նկարէր զնորո:

« Տայ երկայնամտութիւն տարակուսելոց, և կեանս այնոցիկ՝ ոյք մաշեալ են սրտիւք »: Զի թէ այսմ մարթ իցէ լինել, յայտ է եթէ միւսոյն ևս առաւելագոյն մարթ է: Զի թէ զբարս ոգւոցն չըջել կարիցէ, որչափ ևս առաւել զայլ ինչ իրս փոփոխել: « Եւ կեանս այնոցիկ՝ ոյք մաշեալն իցեն սրտիւք »: Զի որոց յոյժն հատեալ իցէ 'ի մտաց՝ եթէ չիցէ յոյս կենաց, ածէ վաղվաղակի 'ի կենդանութիւն:

« Եւ ոչ յաւիտենից վրէժս խնդրեցից 'ի ձէնջ »: Իսկ այլքն ասեն, եթէ Ոչ յաւիտեան դատեցայց զձեզ: Տեսանէս, զի ոչ երբեք բարկանայ 'ի սպանանել՝ Աստուած: Եւ թերևս ամանք մխիթարութիւն ինչ առնուցուն այսու վասն գեհենի պատժոցն. այլ ձեզ, ասէ. որ զոմանս նշանակիցէ. և ոչ ամենեցուն առհասարակ չբարկանայցեմ, ասէ, մինչև յաւիտեան: Ապա և զգէպ իսկ պատճառսն դնէ, եթէ « Հոգի յինէն արձակեցի, և զշունչ զամենայն ես արարի »: Միթէ օտարոտիք ինչ որ իցեն, ասէ, զորս տանջիցեմն. իմոյ ձեռինս են գործ:

« Վասն մեղաց առ սակաւ մի տրտմեցուցի զնա. հարի զնա, և դարձուցի զերեսս իմ՝ ի նմանէ. խոժռուեցաւ և գնաց տրտմեալ 'ի ճանապարհս իւր. և զճանապարհս նորա տեսի, և բժշկեցի զնա, և մխիթարեցի զնա »: Տեսանէս, զի մխիթարէ զտրտմեալն և

զտիրեան: Զորպիոն մեղաց պահանջեաց զվրէժս: Զի՞նչ խօսիս, թէ « Առ սակաւ մի տրտմեցուցի զնա » . զի ահա աւանիկ եւթանաժնամեայ ժամանակ է զի պատիժս կրէ: Մի ինչ համարիր եւթանասուն ամ, այլ զայն 'ի միտ առ, զի սկիզբն գերութեանն միայն էր դժնդակ, և յետոյ այնպէս 'ի դիւրոջ էին, զի յորժամ դարձն քարոզեցաւ՝ ոչ կամէին անդրէն յաշխարհն իւրեանց դառնալ. զի այնպէս 'ի բարիս և 'ի դիւրութեան էին . զոր և յնգեկիկէ կարէ որ ուսանել թէ որչափ 'ի դիւրութեան էին: Եւ արդ, մի զամենայն ժամանակ գերութեանն՝ ժամանակ պատժոց համարեսցիս. զի գիտէ Աստուած լռելեայն և 'ի վիշտս մխիթարել « Եւ ետուն նմա, ասէ, մխիթարութիւն ճշմարիտ, և սգաւորաց նորա հաստատեցի պտուղ շրթանց » : Այսինքն՝ մխիթարութիւն, ուրախութիւն և գոհութիւն: « Խաղաղութիւն 'ի վերայ խաղաղութեան՝ հեռաւորաց և մերձաւորաց, ասէ Տէր. իսկ անօրէնք ծփեսցին և հանգչել մի կարասցեն » : Այսինքն՝ թէ անօրէնք իբրև զծով ակեօք ծփեսցին:

ԳԼՈՒԽ ԾԸ

« Գոչեա զօրութեամբ և մի խնայեալ. բարձրացո իբրև զփողոյ զբարբառ քո » : Զի դժուարինք էին՝ զոր ինչ ասելոցն էր, թէ « Պատմեա ժողովրդեան իմոյ զմեղս նոցա » . վասն այնորիկ խրախոյս տայր՝ թէ մի ինչ զանգիտեր: « Զիս օր ըստ օրէ խնդրեն, և ճանաչել զճանապարհս իմ ցանկանան, իբրև ժողովրդեան՝ որոյ զարդարութիւն գործեալ իցէ, և զիրաւունս Աստուծոյ չիցէ թողեալ » : Մի առաջին մեղք այն իսկ էին, զի մինչ 'ի տէրունական դիպահւոյն էին՝ և յայնժամ ևս ընդդէմ դառնային, և իրաւունս ևս պահանջէին վասն իրացն՝ որ վասն նոցա լրբութեան և յանդգնութեան գործեցան: Եւ այն իսկ էր նշանակ մեղաց, զի պղծեալ էին 'ի կարգս

և 'ի կրօնս, և զԱստուծոյ տեսլութիւնն բամբասէին, որոց պարտ էր 'ի թշուառութենէն լռել: Քանզի մինչ համարձակքն էին՝ չեղին պիտանացուք: « Արդ եկեալ խնդրէին իրաւունս արդարութեան »: այսինքն, գատ եղեալ ընդ իս՝ իրաւունս պահանջէին:

« Եւ մերձենալ առ Աստուած ցանկանան. զի է, ասեն, զի պահեցաք մեք, և դու ոչ տեսեր. խոնարհեցուցաք զանձինս մեր, և դու ոչ գիտացեր »: Զոր ասէն՝ այսպիսի ինչ է. որոց բիւր չարիս գործեալ էր, պահովքն միայն կամէին ազատանալ 'ի պատժոցն. քանզի և ասէին իսկ ցԱստուած, եթէ ահաւասիկ պահեմք, ընդէր ոչ փրկիցիմք: Եւ արդ, զմնչ իցէ. չհամարէր բնաւ արժանի և գիտել ինչ զպահս. այլ սակայն և այնպէս առանց իրաւունս տալոյ չառնէր:

« Յաւառս պահոց ձերոց, ասէ, գտանին կամք ձեր, և կոճկցէք դուք զանաւագն՝ որ ընդ ձեռամբ ձերով է. և արդ զմնչ պիտոյ է ինձ այդպիսի խոնարհութիւնդ ձեր »: Զի թէ վասն այնորիկ պահիցէ որ՝ զի 'ի պարտապանէն վրէժս պահանջիցէ, զմնչ օգուտ իցեն նմա պահքն. որպէս որ զի կապեալ և 'ի բանգի կայցէ, և առեալ զշղթայսն՝ զայլ զիւր ընկերոսն ըզբամոդականսն կոչկոճիցէ. նոյնպէս և պահքն՝ յորում անաւագք զրկիցին, ամբաստանութիւն են պահողացն: Զի թէ 'ի պահսն այնպէս անողորմ գտանիցին, որչափ ևս առաւել առանց պահոցն: « Եթէ դատաստանս և 'ի կռիւս պահէք, և կռփէք զանաւագն »: Սիմաբոս ասէ. կոճկցէք, Տէս զաղգ աղգ պատուիրանս. զի ոչ ապաքէն պահք և ոչ կուսութիւն ինչ է, եթէ ոչ իցեն պտուղք ինչ՝ որ 'ի նոցանէն բխեցեն: Զի կէսք 'ի պատուիրանացն առանձինն են, և կէսքն այլովք իմն իրօք զարդանան. որպէս և յաշխարհական ինչ իրս, զի կէսքն ինքեանք լինին, և կէսքն այլովք իրօք. որպէս 'ի հողագործութեան՝ սերմն և արօրն և այլն ևս ամենայն. կամ որպէս 'ի մարտիկս կռիւն և եւզն և կրթութիւնն. նոյնպէս և աստ: Վասն էր իցեն պահքն. զի զկռիւսն մերժիցեն. և ընդէր առնիցի կռիւ. այլ զի զմիտսն յանդգնութեան ետուն:

« Զմնչ պիտոյ իցեն ձեզ պահքդ այնպիսոյ աւուր, դալ բողբոճ ձեր առ իս, և ինձ լսել ձեզ. ոչ եթէ

զայս պահս ընտրեցի ես, և ոչ զայդպիսի օր, յորում կարկամիցէ մարդ զպարանոց իւր. այլ լիժ զամենայն կնճիւն անիրաւութեան: Եւ արդ, որ իցեն պահք. ոչ եթէ պահքն, այլ ՚ի մեղացն հեռանալ: Եւ տեն, զի ամենայն ուրեք Աստուած զառ ՚ի գործոցն պահս ընդունելի համարի, որ ոչ գործելեացն միայն, այլ և ընկերացն առնիցեն շահս: Պահեաց Դանիէլ, և ընկալաւ Աստուած, քանզի վասն այլոց պահեաց. պահեաց և Մովսէս վասն այլոց: Եւ ցուցանէ ևս զօրինակ պահոցն. զի եթէ զայլ պատշաճս պահոցն որ չառնիցէ, չէ ինչ օգուտ ՚ի պահոց անտի. քանզի կուսութիւն խոտեցաւ՝ որ չունէր զողորմութիւն. թէպէտ և ճգամբք իցէ կուսութիւն և ծանր պահք, այլ ոչ եթէ Աստուած զայնպիսի ծանրութիւն խընդրիցէ. բայց զի թէ և պտուղս ունիցի, յայնժամ հաշոյ է Աստուծոյ, Նա և ոմն ասէր, եթէ Պահեմ երկիցս ՚ի շարաթուն. և ոչ ինչ օգտեցաւ. Նա և պահքն ոչ վասն այլ իրիք են կարգեալ, այլ զի ՚ի մերոց փափկութեանցն ցածնուցումք, և պատրաստագոյն առողորմութիւնսն գտանիցիմք. յորժամ զայն որ չառնիցէ՝ ընդ վայր են վաստակքն:

« Այլ լիժ, ասէ, զամենայն կնճիւն անիրաւութեան: Եւ յիրաւի կնճիւն կոչէ. քանզի արդարեւ կնճիւն իմն դժուարալոյծ է, զոր և իմաստունն, Խաղբ, կոչէ. Սիմաբոս և Թէոդիտոֆն՝ Անսոր, ասեն: Եւ դու մի զընչիցն միայն համարիցիս. քանզի կան ՚ի մեզ և այլ անիրաւութիւնք, զոր բանիւք և արդեամբք կատարեմք: « Եւ քակեա դու զըռնութիւն խարդախութեանց վաճառոց քոց, և զամենայն մուրհակք անիրաւութեանց ՚ի բաց պատառեսլիր, արձակեսլիր դու զնեղեալս ՚ի թողութիւն »: Եւ ոչ միայն ՚ի չարեացն հրամայէ հեռանալ, այլ և ՚ի բարիսն յորդորէ. « Արձակեսլիր, ասէ, զնեղեալս ՚ի թողութիւն »: Մի իրաւունս ինչ ցուցանիցես առ այնպիսիսն. այս մեծ իմն է քան զառաջինն. զի անդ զանիրաւութիւնն տայ լուծանել, և աստ ՚ի վեր ևս քան զիրաւունս լինել: Զի իցէ՝ և յիրաւի իսկ պահանջիցի, բայց թէ չունիցի՝ ուստի հատուցանիցէ: « Եւ զամենայն մուրհակս անիրաւութեան սլատառեսլիր »: Իսկ աստ ոչ միայն

հրամայեաց, այլ և պատառել: Զայս և Քրիստոս իսկ արար. զի թէպէտ և արդար էր մուրհակն որ ըստ մերոց մեղացն էր, սակայն պատառեաց զդատակնիքն, և բեւեռեաց ընդ խաչին: Իսկ այն ոչ ՚ի նոցա ինչ փնաս է, այլ քեզ. այլ զի թողուցուս զմուրհակսն, և ոչ պատառիցես, յորժամ երթիցես անդր՝ ըստ նմին պահանջիցեն:

« Բրդեա դու զհաց քո քաղցելոց »: Եւ ոչ ասէ թէ տուր, այլ թէ բրդեա. զի խնամով հրամայէ տալ. որպէս Պաւղոս ասէր, եթէ Զամբիցեմ զինչս իմ աղքատաց: Զքո հաց, ասէ, և ոչ զընկերին: « Զաղքատս անյարկս տանիջիր ՚ի տուն. եթէ տեսանիցես զմերկն՝ զգեցուցիր դու զնա »: Եւ առանց պատուիրանաց իսկ չիցէ պարտ առնել: « Զաղքատս անյարկս տանիջիր ՚ի տուն քո. և յարենէ զաւակի քո զակն մի արկանիցես »: Ըստ այնմ, եթէ որ տան իւրում և ընտանեաց խնամ ոչ տանիցի, ուրացեալ է, և չար եւ է քան զանհաւատն: Եւ այն իսկ են պահք առանց բռնութեան, առանց ծանրութեան. հացն և տուն և հանդերձն՝ տնակից առնեն զանտունն. մխիթարել ՚ի վշտաց զնեղեալս. քանզի որ հակառակ սմին է կարի դժնդակ է, անագորոյն և անողորմ լինել՝ ամենեցունց յայտ է: Իսկ Արտուած իմաստութեամբ կարգեաց վշտակից լինել միմեանց, ըստ այնմ, եթէ Ամենայն անասուն՝ զիւր նմանին սիրէ, և մարդ՝ զընկեր իւր: Դու ՚ի պէսպէս սեղանոց խորտկօք վայելես, և միւսն ՚ի սովոյ մեռանիցի. դու կերպաս պատմուճան զգենուս, և նա մերկ ծանակ շրջիցի: Ընդէր հհրաւ մայիցէ ակն առնուլ յարենէ. քանզի բազում իրաւունս ունին նոքա բարիս գտանել ՚ի կարողն ազգականէ: Այլ բազումք յանմտաց հաշին մաշին՝ եթէ ընդէր այս անուն մեծ է, և մեք աղքատք. նա ՚ի դիւրով, և մեք ՚ի վիշտս. ընդէր որպէս զարևս ամենեցուն առհասարակ ետ, զի ոչ աղքատն սակաւ վայելէ և մեծատունն շատ, նոյնպէս և զինչսն ոչ արար հասարակաց՝ Արտուած: Այլ և զինչսն հասարակաց արար Արտուած. քանզի և պատուիրէ իսկ գոյաւորին՝ տալ չքաւորին. զի թէ չէր հասարակաց արաբեալ, և ոչ պատուէր ինչ այնպիսի տայր. զի որ ինչ

կարի պիտոյ էր կենաց մերոց՝ և հասարակաց զայն չէր արարեալ, ապականէր և եղծանէր ազգ մարդկան։ Եւ եթէ զինչն նոյնպէս հասարակաց էր արարեալ, ապա և զհնարս իսկ լաւութեանն ՚ի միջոյ բառնայր։ այլ վաճն այնորիկ ոչ ետ հասարակաց զինչն, զի մի և մեղքն՝ որ յընչասիրութեանն լինիցի՝ յամենեսեան տարածանիցի և ապականիցէ։ զի թէ և զարեւ չէր հասարակաց արարեալ, այլ իբրեւ զինչն ումեք ումեք, բազումք ՚ի խաւարի շիջեալ նստէին։ վասն այնորիկ ետ մեծութիւն մեծատանց, զի զաղքատութեան զցաւսն միսիթարեսցեն։

« Եայնժամ ծաւալեսցի իբրեւ զառաւօտ լոյս քո »։ Այսինքն, օգնականութիւնն վաղվաղակի հասանիցէ։ Եւ զինչ յայտ առնէ ծաւալեն։ զյորդութիւնն և զառաւելութիւնն յայտ առնէ։ Տեսանէս զինչ տոս և զինչ առնուս։ « Եւ բժշկութիւն քո վաղվաղակի ծագեսցէ »։ Ապա ուրեմն ՚ի մեր ձեռս է վաղվաղակի կամ անագան ծագեցուցանել զփրկութիւնն։ Եւ զինչ իցէ բժշկութիւնն. քանզի բազում վէրս առնէաք, վասն այնորիկ ասէ, թէ « վաղվաղակի ծագեսցէ բժշկութիւն քո »։ առ եղծանել և անցուցանել ըզմեղսն։ « Եւ քնասցէ առաջի քո արդարութիւն քո »։ Որպէս առաջի իշխանաց յորժամ սպասաւորն երթայցէ, կարապետք և նուիրակք, և քարոզք մեծաձայն առաջի կարդայցեն։ զորս վասն այնորիկ իսկ բազում անգամ երանելիս համարիմք։ Եւ տե՛ս, փոխանակ սպասաւորաց որպիսի առաջապահք երթան առաջի։ « Արդարութիւն քո սաստիկ »։ սպասաւոր՝ յորմէ ամենեքեան խորշեսցին. և ոչ ոք կարիցէ և ոչ ընդդէմ հայել։ Եւ արդ, զհանդերձսն ևս տեսցուք՝ որպիսի ինչ իցեն. մի եթէ կամար կամ սամյոյրք. և ոչ ուրեք. այլ « Փառքն Աստուծոյ զքեւ փակեսցին »։ Ո՛ր թագ, կամ ո՛ր պատմուճան իցէ հանգոյս այնպիսի զարդու։ զի որպէս Աստուածն ողորմած է և գթած և բարերար և կենարար, նոյնպէս և զծառայան իւր կամի առնել. ըստ այնմ՝ զոր ամենանահա տակն Յովք ասէր, եթէ Ոտք եղէ կաղաց և աչք կուրաց։

« Զարդարեսցեն զքեզ, ասէ, փառքն Աստուծոյ ».

յայնժամ կարդասցես, և Ստուած լուիցէ քեզ. և մինչեւ խօսեցեալ իցէ քո, ասասցէ թէ աւաօիկ կամ: Զինչ քան զայն մեծ կայցէ, յորժամ բնաւ և մնայցէ իսկ ոչ խնդրելոյ, և ոչ զաղօթսն կատարելոյ. յառաջ քան զխնդրուածն՝ տայ զխնդրելիսն. որ հայր գթած կամ բարեկամ սերտ, որ այնպէս վաղ վաղակի՝ ի ձայնն ելանիցէ: Տեսանես, զի սակաւ մի հացի և պատառոյ մի կապերտի զինչ գնեցեր. զառ ի մարդկանէ փառաւորութիւն, և զառ ի յԱստուծոյ սէրն. զի ամենայն ինչ քեզ դիւրաւ լինիցի: Այլ արարեր զայս միանգամ և երկիցս, և բազում անգամ պարտիս առնել. ըստ այնմ, եթէ Ողորմութիւն և հաւատք ի քէն մի պակասիցէ. և դարձեալ, եթէ Մի դանդաղիցես առնել բարի՝ յորժամ հասանիցէ ձեռն քո. և բրդեւն զհաց՝ մշտնջենաւոր ժամանակի պատուիրէ:

« Ապա եթէ մերժեացես՝ ի քէն զկնճիւն և զձեռնաձգութիւն »: Ակիւղաս ասէ, եթէ մերժիցես ի միջոյ քումմէ ձգել առ ի վնաս զմատն քո. Սիմաքոս, թէ ի բաց առնիջիր զանուրն և զմատնն. Թէողիտոջն նոյնպէս ասէ և զայլսն: Կնճիւն՝ մեղքն են, որ բազում կրկնուածս ունին, որ ոչ ուղղութիւն ինչ իցէ և ոչ դիւրութիւն. և ձեռնաձգութիւն՝ զյափշտակութիւնսն ասէ, և կամ թէ զանխտիր իսկ ձեռնադրութիւնս և զբանս տրտնջման. ըստ այնմ, եթէ Զամենայն ինչ արարէք առանց տրտնջելոյ. զի այն իսկ նշանակ իմն է ծոյլ և անյօժար մտաց: Զի ոչ յայն ինչ փութացուցանէ մարգարէն՝ զի առնիցեմք ինչ, այլ որպէս բազում յօժարութեամբ, զի մի տրտնջելովն՝ ապականիցեմք զգործն: Երբժամ առնիցեն ձեռք զողորմութիւնն՝ լուեսցէ բերանն, զի մի պտուղն ի դերև ելանիցէ, և քաղցրն դառն լինիցի: Տրտնջես, ով մարդ, ընդ ժտութիւն կարօտելոյն. զի թէ չէր կարօտ, և ոչ ժտէր. և վասն այնորիկ իսկ պարտ է ողորմել, զի առ կարօտութեանն ժտի առ կոտորոյ հացի, առ պատառոյ միով կապերտի: Այլ հանապաղ, ասէ, ձանձրացուցանէ, և բազում անգամ կապեցայ, և ոչ գտի հնարս: Եւ զայն ոչ գիտես եթէ աղքատութիւնն չտայ դուլ՝ ի հարկէ, և ոչ աղէտք քաղցին:

չյաղժէ՛ սաստ՝ կարօտութեան, և ոչ ահա՛ աղքատութեան, և ուտէ՛ ի ներքոյ զփորն: Եւ մեք իսկ յորժամ ժտիմք առ Աստուած վասն միոյ ինչ խնդրուածոյ, և ոչ ցասնու. այլ յայնժամ ցասնու, յորժամ ոչ ժտիցիմք. Տէրն քո ընդ այն ցասնու յորժամ ոչ ստէպ թախանձիցես, և դու իշխես ցասնուլ յորժամ թախանձիցիս:

« Եւ տայցես քաղցելոց զհաց քո սրտի մտօք »: Այն իսկ է, եթէ Զտուրս զուարթառատս սիրէ Աստուած. զի որ տայցէ՝ այնպէս համարիցի՝ թէ առնուցու. և արդարեւ առնու իսկ, զի սակաւ ինչ տայ, և բ...րգեա...ռնու յԱստուծոյ: « Եւ զանձն կա... ուսցես¹ »:

« Յայնժամ ծագեսցէ՛ ի խաւարի լոյս քո »: Զինչ իցէ՛ ի խաւարի լոյս ծագեալ. զի թէպէտ իբրեւ զխաւար իսկ մածեալ իցեն վիշտքն և փորձութիւնք, կամ զինչ պէտք և իցեն, բաւական է ողորմածութեանն զութիւն զամենայն մէզն փարատել. զոր օրինակ ճառագայթք արեգական յորժամ ծագեսցեն՝ պատառեն զօդն թանձրամած, նոյնպէս ողորմածութիւնն ըզմութս վշտաց ինչ և տրտմութեանց. և զինչ ասիցեմ թէ զխաւար, այլ և զտապ հրոյ շիջուցանէ. ըստ այնմ, եթէ Զհոռ բորբոքեալ ջուր շիջուցանէ, և զմեղս քաւեն ողորմութիւնք բազումք:

« Եւ եղիցի Աստուած քո ընդ քեզ յամենայն ժամ. և լցցիս որպէս և ցանկանայցէ անձն քո, և ոսկերք քո պարարեսցին »: Տեսանես զհատուցումն և զփոխարէն. զի և զմեղսն ջնջեն, և բարութիւնս յաճախեն, և զոր ինչ կամին՝ զայն առնուն: Եւ բարուք իսկ սերմն կոչեաց Աստուած զողորմութիւնն, քանզի իբրեւ զսերմն երկրի սերմանի և բազմապատիկ յաճախէ: Եւ ընդէր, ասեն, բազում անգամ զբազում տունս տեսանեմք, թէպէտ և ողորմութիւնս առնէին, սակայն կործանեցան և ի պէսպէս փորձութիւնս անկան: Այլ մի զգուշ ինչ և զանօսր ի մէջ բերեր, այլ զայն որ միշտ ինչ գործիցի՝ ամ զմտաւ. ապա եթէ

1 Յօր. Յեզմ մանէ թղթոյն բառք ինչ անընթեռնիք են. թուի լինել. Եւ բազմ պարգևս առնու յԱստուծոյ: « Եւ զանի կարգելիք յագե. յուսցես »:

զայնպիսեացն չկամիցիս լսել, ածեմ 'ի մէջ օրինակ զՅովբ. քանզի այսու յառաւել մեծութիւն իմն հանէ զայնպիսին Արտուած. ածէ 'ի վերայ փորձութիւնս ինչ, զի 'ի փորձութեանն կ'առաւելագոյն երանեացին. իսկ սակայն որ չիցեն այնպիսի հասու մտօք, վաղվաղակի դարձուցանէ այօրէն զփոխարէնս Արտուած. իբրեւ ըզլացող ոմն մանկտոյ՝ յորժամ հանիցէ որ ինչ 'ի ձեռաց՝ զլալ հարկանեն, զկական բառնան. իսկ իմաստնոցն և գիտնոց ոչ այնպիսի ինչ. քանզի առաւել յուսովքն պարարեն զոգիս իւրեանց օր ըստ օրէ, և չհամարին եթէ աստ կորնչին ինչ 'ի նոցանէն, զի անդ ուշ եդեալ է գանձել գանձս:

« Եւ եղիցի իբրեւ զպարտեզ արբուցեալ ջրալից, և իբրեւ զաղբիւր՝ ուստի ջուր ոչ պակասիցէ »: Տեոռնես, որչափ ինչ բարութիւն է ողորմութիւնս Այսպիսի էր և Յովբ՝ որ ասէրն, եթէ Ոռոգանէին կաթամբ լերինք իմ. որում ամենայն ուստեք բազում բարութիւնք էին. Եւ գործք ձեռաց նորա, ասէ, բազում էին յերկրի, և շինուածք և ամենայն ինչ: Միթէ առ ագահութեան և վատամտութեան տուաւ նմա այնպիսի բարութիւնք. ոչ ապաքէն վասն առատութեան և մարդասիրութեանն:

Եւ քանզի միւսմանգամ յառաջին բարութիւնն հաստատելոց էր զնոսա Աստուած, և վերստին շնորհէր նոցա զքաղաքն, զի մի ապաստան յԱստուծոյ ողորմութիւնն՝ անփոյթ առնիցեն զգործոց բարեաց. մանաւանդ յորժամ լիցեն, եթէ « Շինեսցին աւերակքն քո յաւիտենից, և եղիցին հիմունք մշտնջենաւորք »: Վասն այնորիկ յաճախէ և զպատուէրն. « Եթէ դարձուցես, ասէ, զոտս քո 'ի շաբաթուց ոչ առնել զկամս քո յաւուրն սրբում, և ոչ փոխիցես դու զոտն քո 'ի գործել. և ոչ խօսեսցիս բան ինչ 'ի սրտմտութիւն բերանոյ քո »: Տեսանես, զի և այն գործ է, և չար իսկ գործ, և քան զամենայն դժնդակ. Եւ արդ ուր իցեն Հրեայք՝ որ դատարկութեամբն միայն պարծին, և այլովք իրօք պղծեն զբերանն և աղտեղեն զէզուս:

« Եւ հանցէ զքեզ 'ի բարութիւնս երկրին, և ջամբիցէ քեզ զժառանգութիւն Եսկովբայ հօր քո »:

Զհանդերձեալ առաքինութիւնսն յիշեցուցանէ նոցա .
 և զի մի կասկածիցեն՝ եթէ չլինիցին իրքն հաւատա-
 րիւք, ասէ. « Զի բերան Տեառն խօսեցաւ զայս » :

ԳԼՈՒԽ ԾԹ

« Միթէ չիցէ՞ ձեռն Տեառն կարող փրկել, կամ
 ծանրացուցէ՞ զունկն իւր՝ զի մի լուիցէ . այլ մեղք ձեր
 որոշեն 'ի մէջ ձեր և 'ի մէջ Աստուծոյ » : Տէս, զի ոչ
 կամի եթէ 'ի մի արդարութիւնն միայն յուսացեալք
 ակն ունին փրկութեան, այլ զի և զգործոց և զկար-
 գաց փոյթ ցուցանել յանձին : Միթէ առ իմեւմինչ
 տկարութեան. կարող էի և յայնժամ փրկել զձեզ 'ի
 վշտաց . այլ չարիքն ձեր մատնեցին զձեզ, և մեղքն
 ձեր եղեն այնմ ամենայնի պատճառք . վասն այնորիկ,
 ասէ, և այժմ պատուիրեմ զգուշանալ 'ի մեղաց : Ապա
 թուէ զմեղան . « Զի ձեռք ձեր թաթաւեալ՝ են յա-
 րեան » : Այնու բամբասեն զնոսա ամենայն մարդա-
 րէքն, եթէ սպանութեամբ լի են ձեռք նոցա, ինչ այս-
 պէս թուի, եթէ վասն առաջնոցն զըջացուցանել կամի-
 ցի, և 'ի հանդերձելոցն կարճել . քանզի հանդերձեալ
 էին սպանութիւն գործել, որ քան զամենայն սպանու-
 թիւնս անօրէն և դառն էր նոցա : Յառաջագոյն 'ի
 բացուտ կամէին ցածուցանել զնոսա . զի թէ յա-
 ռաջագոյն 'ի սկզբանն ասաց մարդարէս, եթէ Ձեռք
 ձեր լի են արեամբ . զոր և Աստուած յառաջագոյն
 իսկ պատուիրեաց, քանզի յայն իմն միտեալ էին, և
 նոյն, առաւել քան զամենայն մեղոն, էր պատճառք
 կորստեան նոցա : Ասէ. Մի՞ սպանանիցես . զի մի հա-
 մարեացին եթէ բնաւ յահամայ իցէ սպանանել, ասէ
 յայտնագոյն, եթէ Զարդարն և զանպարտն մի սպա-
 նանիցես . վասն այնորիկ զպէտտ երկաթոյ և 'ի գործոյ
 խափանել հրամայէ, զի 'ի սպանութեանցն ցածուցե-
 զնոսա . Երկաթ ինչ, ասէ, մի հուպ առնիցես 'ի շի-
 նուածս տաճարին . զի թէպէտ և զենուին քահա-

նայքն արջառս և ոչխարս, այլ զարիւն՝ Աթոռուծոյ մատուցանէին. զի թէ յանասնոցն արեւնէ՝ ի բաց պարտէր լինել իբրև ի նուիրելոյ, որչափ ևս առաւել ի մարդկան արեւնէն. այնչափ՝ որչափ ինչ պատուական և ընդանի է քան զկենդանին:

« Եւ մատուցե ձեր ի մեղս, շրթունք ձեր խօսեցան զանօրէնութիւն և ընդուք ձեր զանիրաւութիւն »: Զեռք և մատուցե, շրթունք և ընդու, և զիրաքանչիւր անդամոցն ի կարգին թուէ զարիւն. և այնու գիրաւ մերժեսցէ զնոսա ի մեղացն: Եւ տե՛ս, զի խորհրդիւ իմն զարիւն գործէին և հնարիւք սպանութեան, և ոչ առ ցասման ինչ, և ոչ ի սրտէն յանդրգնութեան. այլ խորհելով իբրև մեղանչականութեամբ ի նոյն կրթեալք էին և ի նոյն խտացեալք¹:

« Եւ ոչ դք է որ խօսի զարդարութիւն »: Եւ այսու ամենայն ուրեք մեղադիր լինի եթէ յանդգնութեամբ և ունայնութեամբ գործեն. զնոյն և աստ բամբասէ, թէ « Ոչ գոյ որ խօսի զարդարութիւն, և ոչ գոն իրաւունք ճշմարտութեան. յուսացեալ են ի մոռոխ »: այսինքն՝ ի կուռնս: « Եւ խօսին զունայնութիւն »: Զի ամենայն որ անօգուտ իցէ՝ ունայնութիւն իցէ. կամ չարախօսութիւն ինչ և բամբասանք: « Զի յղենան զցաւս, և ծնանին զանօրէնութիւն »:

« Զձուս քարբից բեկին, և զոստայն սարդից անկանեն. և որ ուտելոցն էր ի ձուոյն, եբաց՝ և եգիտ ջուր, և ընդ նմին քարբ »: Զխարդախութիւնս նոցա անկարկէ այնոքիւք, եթէ « Զձուս իժից բեկին, և զոստայն սարդից անկանեն »: զխորհուրդս նոցա զոր ծնանին, և զգործն զոր գործեն, զնենգութիւնսն, զանմտութիւնսն. զի այնպիսի իմն են չարիքն թշուաւականացն. զի ի զուր և ի փնաս անձանցն և եթ ընթանան:

« Ոստայնք նոցա ոչ ձորձեսցին, և ոչ զգեցցին նոքա ի գործոց ձեռաց իւրեանց »: Այսինքն, գործք նոցա յանկ ինչ ոչ ելանիցեն. և զի այս այսպէս է, լկայեցէ յաջորդն. « Զի գործք նոցա՝ գործք անօրէնու

¹ Այսպէս յորինակին. թերևս խոսքէսպ կամ օխոսքէսպ:

թեան են »։ Այնպիսի ինչ գործս պարտ էր գործել՝ որք կամ անձանց... մ ըն... ր ... ինչ աւգ... կ նոցայն ¹ փնասակարք են և անօգուտք։

« Եւ ոտք նոցա 'ի չարիս ընթանան. արագ են 'ի հեղուլ զարիւն ամբիծ »։ Տեսանէս, որ չարիք են, զի արիւն, և ամբիծ ևս արիւն հեղուին. զի թէ և ամբիծ ևս չէր, սակայն բազում երկեղիւ սոսկալ պարտ էր. քանզի խաղաղութիւն իմն տնկեաց Աստուած 'ի բնութեանս մերում. ոչ միայն զգործն անօրէն չգործել, այլ և ոչ տեսանել իսկ ախորժել։ Եւ քանզի գիտէր իսկ Աստուած եթէ չեն միայն միտքն բաւական, վասն այնորիկ յիւրմէ բնութենէն ետ օգնականութիւն։

« Խորհուրդք նոցա՝ խորհուրդք անգգամութեան. բեկումն և թշուառութիւն 'ի ճանապարհս նոցա, և զճանապարհս խաղաղութեան ոչ ծանեան. և ոչ գոն իրաւունք 'ի ճանապարհս նոցա, զի շաւեղք նոցա մոլորեալք են՝ յորս գնանն, և ոչ խօսեցան զխաղաղութիւն »։ Վասն այսորիկ և Դաւիթ մեղադիր լինի։ « Վասն այսորիկ իրաւունք վերացան 'ի նոցանէ, և մի հասցէ 'ի նոսա արգարութիւն. մինչդեռ ակն ունէին լուսոյ՝ խաւարեացի նոցա »։ Տեսանէս զԱստուծոյ բժշկութիւնն, զի ոչ եթող առանց պատժոց զայնպիսի չարիս, և եցոյց՝ զիարդ որոշէին մեղքն 'ի մէջ նոցա, և 'ի մէջ Աստուծոյ։ Որպիսի ինչ խաւար չէր մածեալ զսրտիւք նոցա՝ որք զայսպիսի չարիս գործէին. որ մութ կամ մէգ չկայր զնորքք։ « Գլորեսցին 'ի մէջ օրէի իբրեւ 'ի հասարակ գիշերի »։ Զի քան զխաւար ևս չար մածեալ ունէին չարիքն զոգիս։ Եւ քանզի ոչ զգային զթանձրամած խաւար վշտացն, յարէ 'ի նոյն, եթէ « Ակն կալաք իրաւանց՝ և ոչ գոյր, և փրկութիւն հեռացաւ 'ի մէջ »։

Մարգարէն ընդ նոսա պաղատի և զղջանայ. « Զի բազում են, ասէ, անօրէնութիւնք մեր առաջիք, և մեղքն մեր հակառակ կացին մեզ »։ Տեսանէս, զի ոչ գոյզն ինչ մեղք, այլ բազում մեղքն զարթուցանեն

¹ Յօր. Բաբ. ինչ անբնութեանք. Թուի լինել. կամ բնեաց ինչ փոփոխ. ինչ նոցայն, և այլն։

զԱստուած. քանզի ներել գիտէ այնոցիկ՝ որ ոչ ան-
չափն մեղանչիցեն, որպէս զՔանանացւոցն ասէր, թէ
Չեւ եւ են կատարեալ մեղք նոցա. և զՓարաւոնէն,
թէ Վասն այսորիկ գրգռեցի զքեզ՝ զի ՚ի քեզ ցուցից
զգօրութիւն իմ. սոյնպէս և առ հրէութիւնն. որպէս
և Պաւղոս իսկ ասէր, եթէ երկնիմ՝ գուցէ գայցեմ
սուգ առնուլ ՚ի վերայ բազմաց՝ որոց յառաջագոյն մե-
ղուցեալ իցէ և չիցէ ապաշխարեալ. որպէս և զայլս
բազումս. իսկ զԱնանիա և զՍափիրա՝ ընդէր, ասեն,
անդէն յառաջին մեղսն սատակեաց Աստուած. եւ
զայսպիսի ինչ իրս բազում անգամ յօգուտ եւ ՚ի դէպ
առնէ Աստուած. և տեսցուք իսկ թէ և նոցա ոչ եւ
ներեաց. նախ զի գողացան, ապա և զՍուրբ Հոգին
փորձեցին. զի ոչ գողութիւն և եթ Սատուծոյ նուի-
րելոցն էր, այլ և փորձութիւն, զի փորձեցին զՍուրբ
Հոգին. զի և եհարց եւ Պետրոս, և յայնմանն ոչ ակն-
ածեաց կինն, եթէ Այսլափ և եթ գնոց վաճառեցաւ
ագարակն. ընդէր հարցանէր. ոչ ապաքէն զի խոս-
տովան լինիցին և գտանիցեն տեղի ապաշխարու-
թեան. Քանզի և Աստուած յայն սակս հարցանէր
ցԱդամ, զի յապաշխարութիւն կոչեցէ. և ցկային,
թէ Ո՛ւր է Աբել եղբայր քո. զի զըջնայցէ զմեղան.
Միթէ չկարէր յառաջնումն իսկ յանդիմանել. այլ թէ
յանդիմանեալ էր՝ չթողոյր պատճառ ՚ի միջի յիւրմէ
խօստովանութենէն բռնել. ոչ վասն այնորիկ ասէ,
եթէ Աստուած նախ զմեզս քո՝ զի արդարացիս.
պատուիրէ չմեղանչել. բայց թէ մեղանչիցեն՝ չհարկա-
նէ ընդ վայր, այլ դարձեալ յայց ելանն՝ զի յախտիցն
ապրեցուցէ:

« Բազում են անօրէնութիւնք մեր առաջի քո » :
Երբժամ առաջի Աստուծոյ բազում իցէ անօրէնու-
թիւնն, զիմոր չիցէ առաջի նորա բազում զըջումն
զըջացելոցն, որ ոչ հաւատարեան խնդրէ, և ներելով
կամի լսել. զի թէ առաջի հօր յորժամ յանցանք որ-
դոցն յայանեցին, ծածկել կամի, և ոչ հաւատարեա-
քննել զամենայն, որչափ ևս առաւել Աստուած, որ
ևս անչափ առաւել գիտէ խնամով հայել յանցանս
յանցաւորին:

Մեղք ձեր, ասէ, որոշեցին ՚ի մէջ ձեր և ՚ի մէջ

Արտուծոյ: Վասն այսորիկ և մարգարէն պաղատի ընդ նոսա, եթէ « Սնօրէնութիւնք մեր հակառակ կացին մեզ, և անիրաւութիւնք մեր 'ի մեզ են »: Զիք ինչքան զայն չար յորժամ մեղանչիցէ որ, և անդէն յանձին ունիցի պահել զմեղսն: Է մարթ մեղանչել, և 'ի բաց ընկենուլ զմեղսն. մարթի յանցանել, և 'ի բաց ընկենուլ զյանցանսն. այլ այն չար է՝ յորժամ անդէն յանձին որ տարեալ ունիցի զմեղսն: Քանզի և Սողոմոնեցւոցն յորժամ 'ի գլուխ ելին չարիքն, յայնժամ ասէ. Աղաղակ Սողոմոնեցւոց յաճախեաց առ իս: Տեսանէս, յորժամ յաճախեցին չարիքն, յայնժամ էջ առնուլ վրէժս: Եւ զԵգիպտացւոցն զչարիս ակնարկեալ, Տեսանելով, ասէ, տեսի զչարչարանս ժողովրդեան՝ որ յԵգիպտացւոցն է, և հեծութեան նոցա լուայ. և առ Նոյիւ, եթէ Ապականեաց ամենայն մարմին զճանապարհ իւր: Քանզի ոչ վաղվաղակի հատանէ, եթէ ոչ նախ տեսանիցէ զվէրն յամենայն կողմանց ճարակեալ, կամ թէ զի յապաշխարութիւն ածցէ, կամ զի նախ կատարեացին չարիքն: Զոր օրինակ բժիշկ մի իմաստուն որ գիտիցէ զժամանակն՝ յորում պարտիցէ զցաւն հատանել, տեւէ բաւէ զի յայնժամ հատանիցէ՝ յորժամ դէպն իցէ, և օգտակար դեղովք բժշկեսցէ. նոյնպէս և Արտուած գիտէ եթէ բազում պատժոց արժանի եմք. կամի զի ապաշխարութեամբն ապրեցուցանիցէ և 'ի վերայ այնչափ չարեաց:

Զի այնչափ զայրացեալ էին ցաւքն, զի որք զչարիսն ասէին, պէտպէս կտտանօք կտտէին զնոսա. Ետես, ասէ, Տէր, և ոչ հաճեցաւ. զի ոչ գոյին իրաւունք. և ետես՝ զի ոչ գոյր մարդ, և ոչ որ դառնայր յօգնականութիւն »: Զի և ոչ միտք ուրուք յօժարէին յարդարութիւն, չառնօր այնուհետեւ Արտուած յանձն, եթէ յայնչափ չարիս մաշեցին մարդիկ. այց առնէր, 'ի ինդիր ելանէր. վասն որոյ և ասէր իսկ, եթէ « Հատոյց նոցա բազկաւ իւրով, և ողորմութեամբ իւրով հաստատեաց »: Եւ չթուիցի իսկ քեզ եթէ յոյժ մարդասիրութեան է գործդ. սոյնպիսի ախտ 'ի միջոց բառնալ կրկին ողորմութիւն է, և առ չարչարեալսն և առ չարչարիչսն. զի զնոսա 'ի չարեաց փրկեսցէ, և զչարչարիչսն 'ի չարչարելոյն ցածուացէ. և այն ոչ

եթէ չարչարելոց ինչ երախտիք իցեն, այլ չարչարչացն։ Քանզի և արտաքին օրէնք բազում անգամ զմիոյն ուրուք յանցանք՝ հասարակաց համարին։ և զչնացելոյն՝ որ զրնկերին կին խայտառակիցէ՝ չտան ապրել։ Թէ և որում մեղուցեալն իցէ՝ չնորհել զյանցանոն կամիցի, չառնեն զնա իշխան պատժոց, այլ անձանց իմն համարին զանարգանսն։ և այն՝ զի և զնա պատուեսցեն։

Ապա վառէ զԱրտուած զինուք՝ որ նմա պատշաճ կան իցէ։ « Եւ զգեցաւ, ասէ, իբրեւ զգրահա՝ զարդարութիւնն իւր, և եդ ՚ի գլուխ, ասէ, իբրեւ զօղաւարտ՝ զփրկութիւն »։ Եւ մեք զայնպիսի զէնս զգեցուք՝ զարդարութեանն, զօժգինն, զգօրաւորն, յորում ոչ կարիցէ գամագիտ լինել թշնամին։ որ ոչ ՚ի պղնձոյ և յերկաթոյ կազմիցի, այլ յառաքինութեանց քուրայից։

« Եւ երկիցեն որ յարեմուտս իցեն յանուանէ Տեառն, և որ յարեւելս իցեն՝ ՚ի փառաւորեալ յանուանէ նորա։ զի եկեսցէ որպէս զգետ բռնութեամբ՝ բարկութիւն ՚ի Տեառնէ։ եկեսցէ բարկութիւն հանդերձ սրտմբտութեամբ։ Եկեսցէ ՚ի Սիոնէ փրկիչ, և դարձուցէ զամբարշտութիւնսն Յակովբայ։ և այս իցէ որ յինէն ուխտ, ասէ Տէր։ Հոգին իմ՝ որ է ՚ի վերայ քո, և բանքն իմ՝ զոր ետու ՚ի բերան քո, մի պակասեսցեն ՚ի բերանոյ քումմէ և ՚ի բերանոյ զաւակի քո, ասէ Տէր։ յայսմ հետէ մինչև յաւիտեան »։ Այսինքն՝ աւետիքն իմ և խոստմունք ճշմարիտ լինիցին և հաստատունք, և հանապազ կացցեն մնայցեն։

ԳԼՈՒԽ Կ

« Եղս ան, լղս ան, Երուսաղէմ, զի հասեալ է լղս քո »։ Ակիւղաս և այլքն ասեն։ Արի և լուսաւորեալ։ Եւ զի՞նչ ինչ չնորհս յայտ առնիցէ պատուէրս։ զի եթէ եկեալ հասեալ է լղսն, ապա որք կամեսցին և որք չկամեսցին՝ հարկ է լուսաւորել։ Եւ ոչ ուրեք։

զոր օրինակ լուսոյս արեգական ոչ ըստ բնութեան ճառագայթիցն է լուսաւորեն, այլ ըստ աչացն առողջութեան, նոյնպէս և առ այն լոյս՝ մարդկան պէտք են որ ընդունիցին զնորհման, ոչ մերժիցեն զերախտիսն յանձանց: Քանզի սովոր են միշտ բարութիւնքն ծուլացուցանել զմեզ, և անարժանաւորոս առնել՝ ի պարգեացն. զի մի այսպիսի ինչ լինիցին, յառաջագոյն խըրատէ պատշաճական գտանել առ լոյսն. վասն այնորիկ իսկ և կրկնէ, եթէ « Լոյս առ, լոյս առ » և « Եկեալ է լոյս քո »: Այլ իմն լոյս յայտ առնէ, զգիտութեանն: Եւ արդարեւ չիք ինչ լաւ և առաւել քան զայն լոյս՝ որ զուրախութիւնն պարգեւէ, և զտրամութիւնն հաւածէ:

« Եւ փառք Տեառն՝ ի վերայ քո ծագեսցեն »: Տեա, զորպիսի լուսոյ ճառէ. ընդ որում փառք Աստուծոյ ուղեկից իցեն. զի յԱստուծոյ փառմն այն վայելէ՝ որ ի կարգս ուղիղս իցէ և ի վարս հաստատունս: Եւ արդ ընդէր ոչ ասաց՝ եթէ լիցին, այլ թէ ծագեսցեն. զի զնորոգութիւնն որ ի նոսա լինելոց իցէ՝ յայտ աւրասցէ. զի որ էին Աստուծոյ փառքն, և ի նոցանէ հեռացեալ էին, յայնժամ ծագելոց էին ի նոսա փառքն Տեառն, և ի պատիժսն և ի յարութիւնն:

« Զի ահաւասիկ խաւար ծածկեաց զերկիր և մահախող զհեթանոսս. բայց ի քեզ Տէր յայտնեսցի »: Զի յորժամ այս լոյս ծագեսցէ, հարկ է ամենայն տեղեաց լուսաւորել. իսկ այն ոչ ի հարկէ, քանզի ըստ կամացն է, և ոչ ըստ բռնութեանն: « Եւ գնասցեն թագաւորք ի լոյս քո, և հեթանոսք ի ծագել լուսոյ քո »: Տեսանէս զառաւելութիւն լուսոյն. զի չքնաղ իմն է, և զթագաւորս լուսաւորէ: « Ամբարձ դու շուրջ զքեզ զաչս քո, և տես դու ժողովեալ ի քեզ զամենայն որդիս քո »: Այս ամենայն որ ինչ աւետիք ի բնաւ ընթերցուածին են՝ խոստացեալ էին նոցա յետ դարձին. և եթէ է ինչ՝ որ ոչ եղև, վասն նոցա անարժանութեան չեղև: Իսկ այլք յեկեղեցի առնուն, և ոմանք յարութիւն:

« Վասն բարկութեան իմոյ, ասէ, հարի զքեզ »: Այսինքն, ոչ թէ առ տկարութեան իմում վարեցար զերի. ապա թէ այս այսպէս իցէ, կարող է ապրեցու-

ցանել. քանզի և ասէ, եթէ « Վլամն ողորմութեան իմոյ սիրեցի զքեզ »: Ոչ վասն քո ինչ ուղղութեան. պատիժք վասն քոց մեղաց եղեն, և ողորմութիւնն¹ ոչ ՚ի քոց ինչ ուղղութեանց: « Բացցին դրունք քո հա- նապազ ՚ի տուէ և ՚ի գիշերի, և ոչ փակեցին »: Այս իբրեւ ըստ առաւելութեան իմն ասացեալ է վասն ժողովրդեանն, այսպիսի բանիւք յորդորեցին և ելլեն ՚ի գերեացն. իսկ յեկեղեցին ճմարտութեամբն իսկ կատարեցաւ, զի բացան դրունք եկեղեցւոյ և ոչ փակեցան:

« Եւ ոչ լիցի քեզ արեգակն ՚ի լոյս տունջեան, և ոչ ծագեսցէ լուսին լուսատու լինել ՚ի գիշերի. այլ եղիցի քեզ Տէր լոյս յաւիտենից, և փառք քո՝ Աստուած լիցի. զի ոչ մտցէ քեզ արեգակն, և լուսին ՚ի քէն մի պակասեսցէ »: Զիարդ ոչ լինիցի լոյս տունջեան արեգակն, կամ զիարդ դարձեալ ոչ մտանիցէ, կամ զիարդ ծագեսցէ լուսին և ոչ ծագեսցէ: Ոչ եթէ լուսաւորութիւնք լուսաւորացն պակասեսցեն, այլ թէ ոչ այնչափ լուսաւորեսցեն՝ որչափ և Տէրն լուսաւորեսցէ. զի լուսաւորացն լոյս՝ ժամանակաւ զմարմինն և եթէ լուսաւորեն, իսկ Աստուծոյ լոյսն՝ զմարմինս և զհոգիս:

Տեսանէս զքանչեւիմն. զի զբարութիւնս ժողովրդեանն՝ որ յետ դարձին լինելոց էին՝ ակնարկէ, և զչնորհացն մեծամեծն, որ ՚ի նորումն լինելոց էին՝ գուշակէ: Զի ոչ միայն լուսաւորացն լոյսն լուսաւորեսցէ, այլ առաւել Աստուծոյ լոյսն զմիտս և զխորհուրդս, յորմէ զրկելոց էր ժողովուրդն. քանզի և յայտ իսկ առնէ յաջորդաւն. զի ոչ հոգեւոր ինչ խոստանայ նոցա պարգևս, այլ ոսկի և արծաթ, պղինձ և երկաթ, և խոյս Նաբեուլայ, և նոճ՝ և սարգ: Եւ միտ գիր, Հրեայդ, և մի ինչ աւելի ակն ունիցիս քան ըզմարմնաւորս. զի թէպէտ և նուաղեսցի լոյս լուսնի կամ արեգակն ընդ ժամանակս ժամանակս, ոչ յիւրեանց ինչ բնութենէ, այլ վասն չարեաց այնոցիկ՝ որ ընդ սղոքք մեղանչէին. վասն այնորիկ ասէ Աստուած,

1 Յօր. Ի մաշմանէ Թղթոյն բառք ինչ անբնականիք. ըստ պահանջելոյ կարգի բանիցն եղաք. եղեն, և ողորմութիւնն:

եթէ յայնժամ համարձակ գնայցես 'ի լղտ լուսաւորացն. և դարձեալ, եթէ բարձցին 'ի քէն տրտմութիւնք ամենայն:

« Եւ լցցին աւուրք սգոյք »: Վասն տարածամմահացն ասէ, եթէ այս ոչ ևս լինիցին: « Եւ ժողովուրդք քաղաքար յաւիտենից, և ժառանգիցեն զերկիրն »: Եւ այս ոչ եթէ յԱստուծոյ եղև, այլ 'ի նոցանէ. զի Տէր ասէ 'ի յերկինս, նոքա իւրեանց չարեօքն ընկեցիկ եղեն: « Պահիցեն զնորատունկ գործ ձեռաց իմոց 'ի փառս »: Զի զոր եսն տնկեցի, ասէ, կամիմ՝ զի կացցէ քնասցէ յաւիտեան 'ի փառս իմ: « Զի սակաւաւորն հազարաւոր եղիցի և կրտսերն յազգ մեծ »:

ԳԼՈՒԽ ԿԱ

« Հոգի Տեառն 'ի վերայ իմ, վասն այսորիկ իսկ օծ զիս »: Եւ այն իսկ իցեն պատճառք. նալ այլուր այլ իմն պատճառս յայտ առնէ, եթէ Բորոյ վերայ տեսանիցես զՀոգին՝ զի իջանիցէ և հանգչիցի, նա է որ մկրտեսցէ 'ի Հոգին: Տէս, զի և աստ իսկ առանց վերադրի ասէ, եթէ « Հոգի Տեառն 'ի վերայ իմ », և ոչ եթէ Հոգին Տեառնն. այն իսկ է, եթէ դք զՀոգի Քրիստոսի ոչ ունի, սա չէ նորա: Եւ յայտ է՝ եթէ ոչ 'ի կարօտութիւն ան Յիսուս զՀոգին, այլ միայն 'ի վկայութիւն. զի ոչ եթէ զիւրն՝ 'ի կարօտութիւն առնուցու. զի որպէս աստուածութեամբն եցոյց ըզգօրութիւն, նոյնպէս և Հոգւոյն. զի ցուցցէ, եթէ 'ի նորին բնութենէ՝ յորմէ ինքն է՝ և Հոգին է: Քանզի և ասաց ինքն, եթէ կատարեալ է ամենայն ինչ: Ո՞ր են Հրեայք, ո՞ր հերձուածողք. յորժամ Աստուած ասիցէ, թէ Ամենայն ինչ կատարեալ է, չիք դք որ ընդդէմ այլ ինչ կարիցէ ասել: Աստ ասէ. « Հոգի Տեառն 'ի վերայ իմ, վասն այնորիկ իսկ օծ զիս ». և այլուր ասէ, եթէ Օծ զնա Աստուած Հոգւով և զօ.

բութեամբ: Աստուած, ասէ, և ոչ մարդ որ. ոչ իւզով, այլ Հոգւով և զօրութեամբ. զի եթէ եւզով՝ ի մարդկանէ էր օծեալ, ոչ առաւել էր քան զայլ օծեալն: Այլ զոր օրինակ մկրտեցաւ, և չէր կարօտ մկրտութեան, քանզի յառաջ քան զմկրտութիւնն էր ՚ի նմա Հոգին. ըստ այնմ, եթէ Հոգին Սուրբ եկեացէ, և զօրութիւն Բարձրելոյն հովանի լիցի ՚ի վերայ քո. նոյնպէս և ՚ի մկրտութեանն եկն ՚ի վերայ նորա Հոգին, ոչ զի օրբեացէ, քանզի սուրբ իսկ էր և սրբիչ ամենայնի. և ոչ զի զօրութիւնս ինչ կատարեացէ, զոր ինքն իւրով աստուածութեամբն կարէր կատարել. այլ զի վկայեացէ միայն. ըստ այնմ, զոր Յովհաննէս ասէր, եթէ ես ոչ գիտէի զնա, այլ որ առաքեացն զիս ջուրք մկրտել, նա ասաց ցիս, թէ յոր վերայ տեսանիցես զՀոգին Սուրբ՝ զի իջանիցէ և հանգչիցի՝ նա է: Եւ զի յայտ արասցէ, եթէ վասն վկայութեան երեւեր Հոգին, և ոչ վասն կարօտութեան ինչ, ասէ. ես տեսի և վկայեմ՝ եթէ նա է Որդին Աստուծոյ: Եւ յայտ է եթէ Աստուծոյ Որդին՝ Աստուած է. որպէս ինքն Հայր իսկ վկայեաց, եթէ Դա է իմ Որդի սիրելի, դմա լուիջիք: Եւ զի ասէ, եթէ Հոգւովն հանեմ զգեւս¹. և դարձեալ, եթէ Վարեցաւ Հոգւովն զի փորձեսցի ՚ի սատանայէ. այսպիսի բանիւք զմի կամեն և զմի հաւասարութիւն զոր ունէր ընդ Հոգւոյն՝ իմանամք տեսչութեամբ: Այլ տեսցուք եթէ շնորհս ինչ ասիցէ, եթէ զՀոգին Սուրբ. « Հոգի Տեառն », ասէ, և ոչ շնորհք Տեառն: Եւ այն իսկ է զարմանք, զի Հոգի Տեառն ՚ի վերայ Աստուծոյն երեւեր: Այնպէս պարտ իսկ էր երեւել Հոգւոյ Սրբոյ ՚ի վերայ մարմնաւորութեանն Աստուծոյ. և զի ՚ի մեզ շնորհք Հոգւոյն՝ նորա մարմնովն հաստատեսցին. զի որպէս ՚ի նորա վերայ երեւցաւ Հոգին ՚ի վկայութիւն, և ոչ ՚ի կարօտութիւն, նոյնպէս ՚ի վկայութիւն ՚ի մեր վերայ և ՚ի ինուզկաբօտութիւն. ըստ այնմ, եթէ ինքն Հոգին վկայէ հռ

¹ Յօր. Հաբե կռեմ զգեւս, որ թէ չիցէ ուզիք. Թուի յանմտաբութենէ քաղաքարողին եգեալ. զի ՚ի Մատթեոսէ առեալ է վկայութիւնք. « Ապա եթէ Հոգւով Աստուծոյ հանեմ ես զգեւս » և այլն. (Մտթ. քթ. 28):

դւոյս մերում՝ զի եմք որդիք Աստուծոյ, Եւ զի նորա Որդի էր բնութեամբ՝ ըստ աստուածութեանն, վկայեաց և յայտնեաց մեզ. և զի մեք չեմք որդիք բնութեամբ, սրբէ և առնէ զմեզ օրդիս շնորհաց:

« Աւետարանել աղքատաց առաքեաց զիս »: Առաքելութիւն զյայտնութիւնն իմացոյք. քանզի ուստի՞ յով առաքեսցի, որ յամենայնին բնութեամբ էր ըստ աստուածութեանն: Աղքատաց, ասէ. միթէ կուսակալք և աշխարհակալք աղքատք իցեն, և կամ մեծաւորունք ամենայն՝ որոց քարոզէր: Այո, ասէ, և կարիքաջ աղքատք. և են բազում մեծատունք ըստ աշխարհիս կենաց, և աղքատք ըստ Հանդերձելոցն: Դարձեալ և այլազգ ևս. աղքատս՝ զխոնարհս կոչէ որ զիսկզբան զաւետիան ընկալան:

« Բժշկել զբեկեալս սրտիւք »: Որոց սիրտքն Հանապազ մաշեալ էին՝ ի մեղացն կասկածանաց: Հրեայք Հպարտացեալ՝ չեղեն արժանի ընդունել զաւետիան. և Տեառն սկսեալ զերանութիւնս՝ նախ աղքատաց տայր երանիս¹, եթէ Երանի իցէ աղքատաց, զի նոցա է արքայութիւն երկնից: Աղքատօք բացաւ գուռն արքայութեանն: Վմենայն բարեաց պատճառ խոնարհութիւն է, որպէս զի ամենայն չարեաց պատճառ Հպարտութիւն:

« Հոգոյն, ասէ, օծ զիս »: Այսինքն է վկայեաց. զի մի իբրև զայլ մարդարէս օծեալ ինչ լոկ կարծիցեն, թէ աւետարանել միայն առաքեալ իցէ, յարէ՝ ի նոյն, թէ և « Բժշկել զբեկեալս սրտիւք ». կամ՝ ի մեղաց կամ՝ ի տրտմութեանց: Եւ զի իւր է բժշկութիւնն, և չէ իբրև զմարդարէ ոք անկած, թէ նախ առնուցու և ապա տացէ, ասէ իսկ յԱւետարանին, եթէ Եկայք առ իս, վաստակեալք և ծանրաբեռնիքդ, և ես Հանգուցից զձեզ. եսն ասելով՝ զճոխութեան իշխանութիւնն յայտ առնէ: Տեսանէս, զի առաջին բարութիւնքն երևելիք էին, և այս իմանալիք. առաջինքն մարմնականք, և վերջինքս ոգւոց դարմանու-

1 Յօր. Լւքոս-Էւ զաւետիան... Եւ զերանութի... նախ աղքատ... էին երանիցն. փոխանակ եղծեալ բառից ինչ, ըստ պահանջելոյ իմաստիցն երաբ. և Տեառն պիտեալ... քայր երանիս:

Թիւնք. ոչ զմտաւորացս ինչ, և ոչ զաստէն ինչ զաշխարհականացս, այլ զՀանդերձելոցն և զերկնաւորացն ճառէ: Եւ յիրաւի իսկ կոչէ աղքատս. քանզի զրկեալ էին յայնպիսի բարութեանց. և որպէս ոչ եթէ ընդունելն միայն պիտոյ իցէ զաւետիսն, այլ զի յետ ընդունելոյն չգղջանայցեմք:

« Բժշկել զբեկեալ սրտիւք »: Զի կէսք առ ցաւս բեկեալ էին սրտիւք, և կէսք ՚ի մեղաց, և այլք ՚ի մեղաց և ՚ի ցաւոց. որպէս անդամալուծին. ասաց Տէրն, եթէ Ողջացար աւադիկ, երթ, մի ևս մեղանչիցես: Այլ առնի բեկումն սրտի և վասն արդարութեան և վասն մեղաց. ըստ արդարութեան, ըստ այնմ, եթէ Զախրտ բեկեալ և զխոնարհ Ստուած ոչ արհամարհեաց. և վասն մեղաց, ըստ այնմ, եթէ Բժշկեա զհարուածս սորա՝ զի սասանեցաւ: Բեկանէ և սատանայ, որպէս զիկնն կարկամեալ. և մեղք, զի Անօրէնութիւնք իմ բարձրացան քան զգլուխ իմ, նեխեցան և փտեցան վէրք իմ: Զի բեկեալ ինչ յորժամ ոչ դարմանեացի, փութն ՚ի ներքս գործէ: Եւ դարձեալ ասէ, եթէ Բեկումն և Թշուառութիւն ՚ի Ճանապարհս նուցա: Ոչ այնչափ մարմնոցն ցաւքն կարեն բեկանել զոյժ մարմնոյն, որպէս մեղացն ցաւք՝ զոգւոցն զօրութիւն խորտակեն:

Պարձեալ այլ իմն իմանալի բարիք. « Քարոզել գերեաց զԹողութիւն »: Որոց ոգիքն գերեալ էին. և ուստի՞ յայտ իցէ՝ եթէ զնոցանէ ասիցէ. յայնմանէ՝ զի ոչ ասաց տալ Թողութիւն, այլ եթէ քարոզել Թողութիւն, զի ցուցցէ եթէ ըստ կամաց առողջացն են բարիքն. եկն տալ աւետիս, զի առնիցէ ախորժական զբարեացն ցանկութիւն: « Եւ կուրաց տեսանել »: Եւ ո՞րք կոյրք ելին ՚ի Բաբելոնէ. Թէպէտ և յառաջ քան զիջանելն անդր կոյրք էին, ըստ այնմ, եթէ Ո՛վ իցէ կոյրն, եթէ ոչ ծառայքն իմ. այլ ոչ եթէ յետ գերութեանն:

« Կոչել տարեկան Տեառն ընդունելի »: Ակիւղատ և Սիմաքոս՝ Հաճութեան, ասեն: « Եւ օր հատուցման Աստուծոյ մերոյ »: Եւ բարւոք ասէ հատուցման. զի մի յաւետիստ բարեացն և եթ յապաստան լինիցին, և ծուլանայցեն: Եկեալ կայ առ դուրս դատաստանն՝

հատուցանել ըստ իւրաքանչիւր բարեաց գործոցն...¹։
Զի ոչ վասն այնորիկ միայն եղև, ասէ, գալուստն, զի
զմեղան միայն թողուցու, և պարգևս շնորհեացէ, և
գու զայն ՚ի պատճառս մեղաց առնուցուս, և ևս յա-
ռախիցես զմեղանչելն։

« Կոչել զամենայն սգաւորս »։ Կամ որք վասն մար,
մնաւորաց ինչ՚ի սուգ էին, կամ վասն հոգեւորացն,
իսկ Սիմաբոս՝ Փոփոխել, ասէ։ « Տալսգաւորաց Սիով-
նի զփառս . փոխանակ մոխրոյն՝ օծումն ուրախու-
թեան, և սգաւորացն հանդերձ փառաց՝ փոխանակ
ողւոցն ձանձրութեան »։ Իսկ այլք՝ ափշութեան ա-
սեն՝ փոխանակ ձանձրութեան։ Տեսանէս, որ ուրա-
խութեան Աստուած է, նոյն եկեալ բառնայ զտրտ-
մութիւնսն. ոչ մարդ որ ՚ի մարդկանէ, և ոչ հրեշտակ
ի հրեշտակաց. չիք ինչ աստ մարմնաւոր, այլ ամե-
նայն ինչ հոգեւոր։

« Եւ կոչեսցին, ասէ, ազգ. Տեառն, և տունկ Տեառն
ի փառս »։ Տեսանէս, զի Տեառն տունկ են, և ոչ
մադդոյ ուրուք. և ոչ ասէ եթէ ազգ, այլ եթէ « Ազգ-
արդարութեան »։ Եւ արդ, առ ով կատարեսցի այս-
առ մեզ՝ եթէ առ նոսա. այլ յայտնի իսկ է՝ զի տունկ
Տեառն ՚ի փառս՝ եկեղեցի է։

« Եւ շինեսցեն զաւերական յաւիտենից »։ Եւ արդա-
րև աւերակք էին քաղաքք. ոչ կործանեալ ինչ պա-
րըսպովք և աւերեալ ապարանիւք, այլ ՚ի մարդկանէ՝
որոց զԱստուած պարտ էր ճանաչել և ոչ ճանաչէին։
Եւ արդ շինեցան քաղաքք, զի գտանին ՚ի նոսա մարդք
աստուածագէտք։ Եւ բարւոք իսկ ասաց աւերակք
յաւիտենից։

« Բաղաքք՝ որ յառաջագոյն աւերեալքն իսկ էին՝
կանգնեսցին. և նորոգեսցեն զքաղաքս աւերեալս ազ-
գաց յազգս։ Եւ եկեսցեն օտարածինք հովիւք խաշանց
քոց, և այլազգիք մաճակալք և այգեգործք քո »։ Եւ
այս իսկ է զարմանալի, զի յայտնի իսկ զիշխանաց ե-
կեղեցւոյ ասէ, եթէ « Դուք քահանայք Տեառն կո-
չեալիք, պաշտօնեայք Աստուծոյ »։ Զայս ամենայն իսկ

1 Յօր. Բաւբ ինչ իսպառ եղծեալք. առ ՚ի լրումն իմաստիցն յա-
ւելաք գուշակօրէն ՚ի աեղի նոցին զբառսն՝ Բաբելոն, հափուցանել։

քրիստոնէից ասէ, եթէ դուք եղիջիք ինձ 'ի Թագաւորութիւն և 'ի քահանայութիւն և յազգ սուրբ : Տեսանե՞ս, զի յաւազանի իսկ առնի այս, զի ամենեքեան օծանին :

« Զգորութիւն հեթանոսաց կերիջիք, և մեծութեամբ նոցա սքանչելի լիջիք. վասն այսորիկ զերկիր իւրեանց յերկրորդումն ժառանգեսցեն » : Տեսցա՞յ՞ յձ կատարեսցի այս, երբ ժառանգեսցեն յերկրորդումն. զի այն երկրորդ էր, թէպէտ և ոչ կատարեցաւ. իսկ սա աւասիկ ասէ, եթէ « Երկրորդում ժառանգեսցեն » : Եւ յայտ է եթէ ազգն՝ որ ելին վասն նոցա՝ անդրէն միւսանգամ ժառանգեսցեն զերկիրն : Եւ յայտ յաջորդաւն է՝ որ ասէ, եթէ « Ուրախութիւն յաւիտենից. զի ուրախութիւն յաւիտենից եղիցի 'ի վերայ գլխոյ նոցա » : Եւ արդ, ո՞ր իցէ զի յաւիտենից ուրախ լինիցին Հրեայք յերկիրն :

« Զի ես եմ Տէր որ սիրեմ զարդարութիւն և ասեմ՝ զյափշտակութիւն անիրաւութեան. և տաց զվստակս նոցա արդարոց, և ուխտ յաւիտենից ուխտեցից նոցա, և յայտ լիցի 'ի հեթանոս ծնունդք նոցա » : Այ՞ յառաքեալն կատարեցաւ, որոց եդ ուխտ յաւիտենից. զի զսւակ նոցա ևս և ճանաչի 'ի մէջ հեթանոսաց : « Ամենեքեան որ տեսանիցեն՝ ճանաչիցեն զնոսա » : Եւ ո՞ր ազգ է՝ որ ոչ ճանաչիցէ զնոսա : « Եւ կոչեսցին զաւակ օրհնեալ 'ի Տեառնէ. և ուրախութեամբ ցնծասցեն 'ի Տէր » : Վասն բազմութեան աշակերտելոց և վասն հանդերձելոց պարգեացն :

« Ծնծասցէ հոգի իմ 'ի Տէր, զի զգեցոյց ինձ հանդերձ փրկութեան և պատմութեան ուրախութեան » : Տեսանե՞ս. զողւոցն և եթ ուրախութիւն. և չիք ինչ մարմնաւոր, այլ ամենայն հոգեւոր. քանզի ասէ իսկ, եթէ « Ծնծասցէ հոգի իմ 'ի Տէր » : Զի յորժամ ընդունիցիմք շնորհս ինչ հոգեւորս, ուրախ լինիմք 'ի Տէր. զի ամենայն ոք յիւրաքանչիւր ռոտացուածս ուրախ լինի, յորդիս, 'ի ստացուածս. թէպէտ 'ի սրտմտութիւնս իցէ, և տեսանիցէ կին ցանկալի, կամ որդիս անձկալիս, վիշտք՝ նմա այնուհետեւ չեն վիշտք. նոյնպէս և որ յԱստուածն ուրախ լինիցի, և մանաւանդ գիտիցէ ստոյգ եթէ հաշտ է ընդ նմա Աստուած,

ոչ վիշտքն վիշտք են նմա այնուհետեւ, և ոչ նեղու-
թիւնքն նեղութիւնք. որպէս առաքեալքն ուրախ
լինէին հանապազ յԱստուած, և զայլն յորդորէին,
թէ Ուրախ լերուք 'ի Տէր յամենայն ժամ: Եւ այն
իսկ հաստատուն և անմահ ուրախութիւն. իսկ եթէ
յինչո՞րք ուրախ լինիցի՝ առ ժամանակ մի են ու-
րախութիւնքն ¹, զի յորժամ ինչքն վատնեսցին,
ընդունայն է ուրախութիւնն. որպէս Ծաղիկ դար-
նայնոյ, մինչդեռ կիչեն՝ ուրախ առնեն զտեսիլ ե-
րեսաց, իսկ յորժամ անցանիցեն, բառնան զբերկրու-
թիւն յաշաց, նոյնպէս և ինչքն հանեն զուրախու-
թիւն 'ի մտաց. և թերեւ նոքա նախ թողուցուն
զմեզ, և կամ եթէ մեք զնոսա: Եւ դարձեալ ու-
րախ որ իցէ ընդ կին գեղեցիկ. սակաւ ժամանա-
կաց ստացուած, առ ժամանակ մի բերկրութիւն,
դիւրածախ ուրախութիւն, ընդ բազում կարեօք, ընդ
ազգի ազգի կասկածանօք. և վասն այնորիկ հարկ է
թէ ժամանակեան իցէ ուրախութիւն. իսկ եթէ
զԱստուած սիրեսցես՝ անմահ է գութն, հանապազ
նորսգի սէրն, միշտ բորբոքի անձուկն, ոչ Ծերանայ,
ոչ հնանայ, քանզի և ոչ նա իսկ՝ ընդ որում խնամար-
կիցես. այլ կայ քնայ միշտ նորոգ, ցանկալի և անձկա-
լի: Եւ եթէ ասիցես թէ չտեսանեմ զնա, տես զեր-
կինս, զիմարդ գեղեցիկ են և իրչափ մեծ, զիմարդ
քաղցր և ախորժական աշաց և պիտանացու առ ամե-
նայն պէտս. իսկ երկինքդ՝ այնր զոր սիրեսցեսն՝ են
գործք, և գործ դոյզն ինչ և սակաւ՝ մատանց նորա.
և այտի իմանաս զնորա գեղն՝ որչափ հնար իցէ քեզ
իմանալ: Ո՛չ տեսանիցես զնա. եթէ կամիս՝ տեսանես.
զտեալ զմիտսդ, սրբեալ զսիրտդ. Նրանի իցէ, ասէ, որ
սուրբն իցեն սրտիւք, զի նոքա զԱստուած տեսցեն:
Նա և եթ լիցի մեզ... կարեւոր գութ և անձուկ... ²
խոտան համարէ:

« Զի զգեցոյց ինձ հանդերձ փրկութեան »: Զոր
հանդերձ. զայս հանդերձ զոր զգենուցումքս՝ չէ փրկ-

¹ Յօր. Բառք ինչ ամենեին անընթեռնիք 'ի մաշտանէ Թղթոյն.
'ի լրուան իմաստիցն կարեւոր ընդհանաւ մեզ յաւելուլ 'ի տեղի նոցին՝
յիշել ոգ անբախ լինիցի, որախոսիմարտ:

² Յօր. Բառք ինչ Զնշագիր անընթեռնիք:

կութեան. այլ գիտեմքի գիտեն խորհրդոյն խորհրդականք. բայց սակայն ասասցէ և Պաւղոս. Որ միանգամ, ասէ, 'ի Քրիստոս մկրտեցայք, զՔրիստոս էք զգեցեալ. զի նա իսկ է փրկութեան հանդերձ. Զգեցար զհանդերձն, ոչ զի զմերկութիւն մարմնոյդ ծածկիցես, այլ զի 'ի բռնութենէ մահու անըմբռնելի լիցիս: Եւ բարւոք ասաց հանդերձ. քանզի մերէք և ծանակք էաք, անհնազանդք, անմիտք, մոլորեալք. ծառայեալք պէսպէս ցանկութեանց. քանզի մերկ աւրարին զմեզ մեղքն, և յամօթ արար սատանայ. որում մեք մեղէն տեղի տուաք 'ի մեզ. եկն Քրիստոս զգեցոյց զմեզ, և եցոյց թէ ժպէս դիւրին է մերկանալ զհին մարդն ցանկութեամբն հանդերձ, և զգենուլ զնորն՝ որ ըստ Աստուծոյ հաստատեցաւ. և քանզի է մարթ և մերկանալ, վասն այնորիկ պատուիրէ թէ զգեցարուք, զի հանապաղ ընդ մեզ իցէ:

« Եւ պատմուածան ուրախութեան »: Է ինչ փրկութիւն և կարեօք գտանել, կամ 'ի բժշկաց, կամ 'ի գանէ խրատուաց. իսկ սա ոչ այնպիսի ինչէ, այլ ուրախութեամբ և բիւրապատիկ բարութեամբք. ոչ տայ թոյլ յամօթ լինել, « Իբրև փեսայի եղ ինձ միտր »: Ակիւզաս, Իբրև զփեսայ վայելուչ պսակաւ: « Իբրև զհարսն զարդարեաց զիս »: Միտրն պսակ ինչ բոլորեալ նարօտ ականակուռ, զոր դնեն 'ի գլուխ փեսայք 'ի հարսանիս: « Իբրև զհարսն զարդարեաց զիս » ասէ: Զի հարսանիք եղեն, և հոգևոր հարսանիք. քանզի հոգիքն ընդ Աստուծոյ եղեն հաղորդակիցք¹: Տէս զաղքատութիւն հարսին, զի և զհանդերձն և զզարդն 'ի փեսայէն առնու. քանզի չգոյր օք որ այսպիսի հանդերձս կարէր զգեցուցանել. որպիսի, աղախին օք յորժամ առն թագաւորի հաճոյ լինիցի 'ի հարսնութիւն, և չգտանիցէ հանդերձս արժանիս հարսնութեան՝ յիւրմէ ուրոյն կազմել, և թագաւորն տայցէ նմա զամենայն և զարդարեսցէ. նոյնպէս և ե-

1 Յօր. Միգր. պսակ ինչ բոլորեալ նա... ասք ... ան ... անի փեսայ 'ի հար... զի ասէ. զի հարսնիք է... հարսնիք, քանզի հոգիք ... այ եղ հաղք ակից. օքս զաղ ... արքան: Յապականելոյ թղթոյն՝ այսպէս թերանգամ մեային բառքն. առ 'ի բովանդակել զիմաստն, զպսակաւութիւն եղծեալ բառիցն՝ գուշակօրէն լնուլ շանացաք:

կեղեցւոյ՝ Քրիստոս ետ զամենայն զարդս և զարդարեաց: « Եւ իբրեւ զերկիր մի՝ որ աճեցուցանէ զծաղիկս իմ »: Զբազմապատիկ պտուղ առաքինութեանն ակնարկէ: « Այնպէս ծագեցուցէ Տէր զարդարութիւն և զցնծութիւն առաջի ամենայն հեթանոսաց »: Վասն այսորիկ առաջի հեթանոսաց՝ զի տեսանիցեն և վկայեցեն, և նմին նմանող եղիցին:

ԳԼՈՒԽ ԿԲ

« Վասն Սիրովի ոչ լուեցից, և վասն Երուսաղեմի ոչ ներեցից »: Ինձ այսպէս թուի թէ վասն այնորիկ ասէ զայս՝ զի մի հպարտանայցեն ինչ: « Մինչև ծագեցէ իբրեւ զլոյս արդարութիւն իմ, և փրկութիւն իմ իբրեւ զփայլակն վառեսցի. և տեսցեն հեթանոսք զարդարութիւն իմ, և թագաւորք զփառս իմ. և կոչեսցի քեզ անուն քո նոր, զոր Տէր ինքնին անուանեսցէ քեզ. և եղիցես դու պսակ վայելչութեան՝ ի ձեռին Տեառն, և թագ արքայութեան՝ ի ձեռին Աստուծոյ քո. և երկրին քում շինուի թիւն բնակութեան լինիցի »: Այս ինքն՝ ի զգուշութեան և յամրութեան՝: « Եւ անուանեսջիր դու կամք իմ »: Եւ երբ կոչեցաւ անուն քաղաքին կամք Աստուծոյ:

« Զոր օրինակ ուրախ լինիցի փեսայն առ հարսին, այնպէս ուրախ լինիցի Տէր ի քեզ »: Տեսանես նորոգեալ ի սէրն, զարթուցեալ զանձուկն: « Ի վերայ պարսպացն Երուսաղեմի պահապանս կացուցից հանապազօրդ »: Եւ չկալան ինչ արդեւք պահապանս ի վերայ պարսպացն Երուսաղեմի. այլ կացին և կարի իսկ ստեպ. և զինչ օգտեցան. և զի հալածեցին ևս: Պահապանս աստ՝ կամ զիշխանս ասէ, կամ զքահանայսն:

« Զի չիք որ նման ձեզ՝ որ ուղղեսցէ և արասցէ ցըն-

1 Յօր. Արտուծոյ 40... լինիցի. այսինքն... Բեռ... Դոմֆեան: Զայլ ամենայն բառս առ ի լրացուցանել զիմաստ բանին եղաք կարծեօք փոխանակ եղծելոցն:

ծութիւն Երուսաղեմի, և պարծանա յերկրի »։ Տե-
սանեն, զի զնոսա առնէ պատճառս ամենայն ուրեք,
և առնել զուղղութիւնսն և չառնել։ Զի մի ապաստան
'ի կանխասացիկսն լինիցին, և չպատրաստիցեն լինել
զանձինս արժանիս, վասն այսորիկ ասէ, եթէ « Ոչ որ
գոյ նման ձեզ՝ որ ուղղեսցէ և արասցէ ցնծութիւն »։
Զի եթէ գայցէք յուղղութիւն, ցնծութիւն լինելոց
էք Երուսաղեմի, և պարծանք երկրի. ապա թէ ոչ,
սակայն կանխասացիկքն 'ի ձեր որդիսն՝ յառաքեալն
կատարելոց են, որ լինիցին ցնծութիւն վերին Երու-
սաղեմի, և պարծանք ամենայն երկրի։

« Երդուաւ Տէր 'ի փառս իւր և 'ի զօրութիւն բազկի
իւրոյ »։ Տեսանեն զերկգունակ երդմանն, զի 'ի փառս
և 'ի զօրութիւն բազկի իւրոյ երդնուին։ « Եթէ ոչ
ևս տացէ զցորեան քո և զկերակուր քո թնամեաց
քոց »։ Եւ չեմ արդեւք. յայտ է թէ ետ։ Միթէ սուտ
ինչ ասէր զերդումն։ Այլ վասն պատժոցն նմանադոյնս
շրջէր զերդումն՝, իսկ զբարեաց երդումն ընդէր
շրջեսցէ։ Ոչ եթէ նա ինչ շրջեաց, այլ նոքա շրջե-
ցին զուխտն, զի չկացին 'ի պատուէրսն։ Ոչ վասն այ-
նորիկ ժողովեաց զնոսա, զի դարձեալ ևս աւելի տմ-
բարշտեսցին։

« Եւ ոչ ևս արբցեն որդիք օտարաց զգինի քո, այլ
որ ողորմեսցին՝ կերիցեն և արբցեն 'ի սրահս իմ
սուրբս »։ Տեսանեն, զի ամենայն բարիք նոցա՝ երեւե-
լիք են. և միտ դիր, զի յորժամ իմանալիս ինչ պար-
գէք խոստանայցէ, յայնմանէ օտար են չրեայքն։

« Երթայք գնացէք ընդ դրունս իմ, և հորդեցէք
ճանապարհս ժողովրդեան իմոյ, և զքարինս 'ի ճա-
նապարհէն 'ի բաց ընկեցէք. առէք նշան 'ի վերայ
հեթանոսաց, զի ահաւասիկ Տէր լսելի արար մինչև 'ի
Ժաֆս երկրի »։ Ինձ այսպէս թուի թէ այս իմանալի
իմն իցէ։ « Հորդեցէք ճանապարհ ժողովրդեան Տեա-
ռըն »։ Տես, որչափ անուանս դնէ նմա. քարինս ըն-
տրեալս, ասէ, կոչեսցի անուն նորա կամք իմ, պա-

1 Յօր. Ե... եք ար... եք. միէ սա... րդ... ան պարծոյն նման.
գոյնս լի... ն։ Պուշակութեամբ լրացուցաք զթերաւանկ բառսք՝
եղծեալս յապականութենէ թղթոյն։

ըխպք դրոշմեալք: Եւ ուր կոչեցան նմա այնպիսի ա-
նուանք. և ոչ իմանան թէ այլ իմն յայտ առնէ այսո-
քիւք. զի վարս իմն պարկեշտս ինդրէ. և եթէ չգը-
տանի 'ի նոսա, 'ի նոցա ծուլութենէ լինի:

ԳԼՈՒԽ ԿԳ

« Իսկ այս ով է որ դիմեալ գայ յԵդովմայ, կար-
մութիւն ձորձոց իւրոց 'ի Բոսորայ » : Զի սովորու-
թիւն է մարգարէիս՝ յորժամ զսքանչելի իրաց ճառէ՝
հարցանելով ճառէ. զի ցուցէ թէ ոչ ինքն միայն
զարմանայ ¹, այլ և զայլս զարմացուցանել կամի. որ-
պէս յորժամ վերագոյնն ասիցէ, թէ Ո՛վ են սոքա որ
իբրև զամպս թռուցեալ գան: Զի յորժամ հաւատա-
րիմ կամիցի առնել զպատգամս Աստուած, ոչ միայն
'ի մարգարէսն ցուցանէ զօրինակ իրացն որ լինելոցն
իցեն, այլ այլ իմն վարս հնարի ցուցանել. որպէս Ա-
մովսն ասէր զԱստուծոյ, թէ Տեսի զՏէր, զի կայր 'ի
վերայ անդամանդեայ պարսպի. և Դանիէլ յայլ կեր-
պարանս. և Միքիա ասէր. Տեսանէի զիսրայէլ զը-
րուեալ. Տես և աստ. « Իսկ այս ով է որ դիմեալ գայ
յԵդովմայ » : Վասն... ² 'ի վերագոյնս ճառէ, որ հան-
դերձեալ էին սատակել. և մանաւանդ այնպիսի դրա-
ցեաց՝ որ վիշտս և չարչարանս անցուցանէին ընդ ժո-
ղովուրդն:

« Տեսանէի այր և հանդերձ թաթաւեալ. գօտի
ընդ մէջ՝ իբրև հնձանահարի, որոյ հնձան կոխեալ
իցէ. և կարմրութիւն ձորձոց 'ի Բոսորայ » : Վասն այ-
նորիկ անտի երևէր, զի և տեղեօքն ցուցանէ զհա-
րուածսն. որպէս յորժամ ասիցէ, թէ Տեսանէի սան մի
'ի հրատի, և երեւք նորա 'ի կողմանց հիւսիւսոյ. որ-
պէս Զաքարիա զձիսն տեսանէր:

¹ Զբառն իէ ոչ ինչ մայն դրժմայ, ոչ և, մոխանակ եղծեալ բա-
ռից ինչ օրինակին կարգեցաք կարծեօք առ 'ի լրուսն իմաստիցն:

² Եթ. Բառ. օք եղծեալ. Թուի լինել Միայն կամ ուր:

« Գեղեցիկ պատմութեանս »։ Եւ զիարդ իցէ գեղեցիկ այնպիսի թաթաւեալ պատմութեանս. զի գեղեցիկ յայնժամ է պատմութեան, յորժամ ներկիցի։ Այլ ընդ այն իսկ են զարմանք, զի թէ չէր այնպիսի ինչ, և ոչ զմարգարէն զարմացուցեալ էր. զի յորժամ Աստուած զարմանալիս ինչ գործիցէ, դիւրութիւն պատերազմին ցուցանէր ¹. և յարենէն՝ թէ ոչ գինի էր՝ որ կոխէր, այլ արիւն. և ոչ դոյզն հնձան, այլ զլի կոխէր. և ոչ սակաւ ինչ ցայտեալ, այլ քաջ թաթաւեալ։

« Հնձան հարի, ասէ, միայն, և ՚ի հեթանոսաց ոչ ոք էր ընդ իս »։ Այսինքն՝ չեղէ կարօտ օգնականութեան, չկուցի զգոտար ինձ ՚ի թիկունս։ Զի ոչ զհնձանէ ինչ բանք էին, այնու յայտ է, եթէ « Խ հեթանոսաց ոչ ոք էր ընդ իս »։

« Կոխեցի զնոսա սրտմտութեամբ իմով, և ճմլեցի զնոսա, և իշուցի զարիւն նոցա յերկիր »։ Եւ ընդէր արդեւք. « Զի հասեալ էր, ասէ, օր հատուցման նոցա, և տարեկան փրկութեան »։ Զի ՚ի նոցանէն հատու-

1 Այսպէս յորինակին, ուր յայնապէս խառնակութիւն իմաստից երևի. և պատճառք, զի յանժառագրութենէ զազախարոյն քանի մոտաք ՚ի բաց թողեալ են. ուր Գէորգ Սկեռացի և Գաւթ քահանայ ՚ի քաղաւածոյ մեկնութիւնս իւրեանց Յայեայ, առ սոյն քնարան մարգարէին, յիշեցանէ առեալ ասեն. « Զի յորժամ Աստուած զարմանալիս ինչ գործիցէ, զգիարդն մի հարցաքննեսցուք։ Եւ բառն է պրոֆետի. որ է հզօր և համեստ. զի այնպիսի ինչ էր երևուած երեսացն։ Ապա պատասխանի առնէ առ հարցանելն. Եւ խօսի զարգարիւն և իրաւան իրաւելն. այսինքն՝ առնեմ. զի խօսելն այն՝ զգործն իսկ յայտ առնէ. քանզի Հզօր են գործք պատգամաց նորա, ասէ Յովէլ, իսկ ըտէր խորի եւ յայտիս։ Ոչ արիւն միայն էր և ոչ գինի սուրբ, այլ ՚ի մէջ երկոցունց գունոցն. որ և յորգորէ զմարգարէն ՚ի հարցանել. զի ՚ի հնձանահարացն ձեռ՝ զգիւրութիւն պատերազմին ցուցանէր, և այլն » (Գիւրգ Սկեռացի)։ « Եւ երբ Աստուած զարմանս գործէ, զգիարդն ՚ի բաց պարս է ընկենուլ։ Եւ բառն, ասէ, պրոֆետի. այսինքն՝ հզօր և համեստ. այնպէս երևէր երեսացն, սատիկ և հանգարտ. իսկ նա հարցանն ապա պատասխանի, եթէ Եւ խօսի զարգարիւն և իրաւան իրաւելն. այսինքն է՝ առնեմ. զի խօսելն Աստուծոյ՝ գործն է յայնտեալ. Հզօր են, ասէ, գործք պատգամաց նորա։ իսկ ըտէր, ասէ, խորի եւ յայտիս և իբրեւ հայտնարի. ինքն ցինքն հարցանէ, և պատասխանի ապա երկունցն գունոցն. որ յորգորէր քննել և հարցանել. զի ՚ի հնձանահարացն ձեռն՝ և զգիւրութիւն յաղթութեան ցուցանէր, և այլն » (Խաթի Կահանայ)։

ցումն առնոյր, և զորս նեղէինն՝ նոցա փրկութիւն առնէր: Տեսանէս, զի ինքեանք եղեն անձանց պատճառք: Եւ զի մի յորժամ ցասումն լսիցես, կարիս ինչ անհանաքականս կարծիքս Աստուծոյ, յարե՛ի նոյն զուղիղ, զարդար դատաստան, թէ և յերկարեաց ածել զպատուհասն. ասէ. « Զի հասեալ է օր հատուցման նոցա »: Եւ զի ցուցցէ եթէ վասն Հրէից պատժին, ասէ. « Եւ տարեկան փրկութեան »: Զոր օրինակ և ՚ի դատաստանին՝ թշնամոյն պատիժքն և մերս արութիւնք միանգամայն յայտնին, նոյնպէս և անդ զմանս հարկանէր և զմանս կեցուցանէր. զի ծանիցեն եթէ առ երկոսին զօրաւոր է. և ոչ որպէս արտաքին Յունաց չիմաստուն իմաստունքն դէս իմն համբաւեն, թէ կէսքն բարի և եթ զիտեն առնել, և չար ինչ ոչ. և կէսքն չար և եթ զիտեն առնել, և բնաւ ինչ բարի. թէ կէս իմն զօրութիւն ունիցին երկոքեան կողմանքն, նա և ոչ զկէսն: Իսկ ես « Հնձան հարի միայն, և կոխեցի սրտմտութեամբ և բարկութեամբ »: Յիրաւի իսկ անուանի ցասումն և բարկութիւն. ցասումն՝ զոր ունէր ՚ի վերայ Հրէից. նաև լաւ ևս է՝ զի լինիցի նոցա այն ՚ի իրատ, ըստ առաքելական բանին, թէ Մի հպարտանար, այլ երկիր. զի այլոց չարչարանօքն նոքա զգաստանայցեն. քանզի բարութիւնք միշտ սովոր են յուլացուցանել զվայելուչսն, և ՚ի ստահակութիւն ածել: Իբրև սանձս ինչ ՚ի բերան դնէր զգրացեացն նեղութիւնս. քանզի սովոր են վիշտք դրացեաց՝ ցածուցանել ՚ի չարեաց և զպիտոսիկ՝ որ ՚ի կարի դիւրութեան իցեն. որպէս և ասեն իսկ բազումք ՚ի բանից կարգի, թէ պարտ է երկնչել յորժամ զգրացեաց ինչ չար տեսանիցեմք:

Միտ դիցուք և այլասացիկ բանիցն. « Իսկ այս ով է որ դիմեալ գայ յեղովմայ »: Լրկին է մարգարէութիւնն. արիւնագոյն երեւէր նոցա Քրիստոս. քանզի և ասէ իսկ, եթէ Ոչ ոք կապիցէ զՏգօրն, եթէ ոչ նախ զկազմածն նորա հանիցէ ՚ի նմանէ. և դարձեալ, եթէ Քաջալերեցարուք, ես յաղթեցի աշխարհի. և այլուր, եթէ Քարոզել գերեաց զԹողութիւն, և հանել ՚ի բանդէ զկապեալս. և այլուր, թէ Ղրունս պղնձիս և զնիգս երկաթիս խորտակեաց. և այլ ևս ինչ սոյնպի.

սիք, որ ցուցանեն զյաղթութիւն նորա, որ ցուցանեն զնա արիւնագոյն. որպէս և մարգարէն Գահովը ասէր, Թէ Լուսոցէ՛ի գինի զպատմութեան իւր, և յարիւն խաղողոյ զձորձս իւր: Եւ քահանայն Շմաւոն բազում ինչ ակնարկէ վասն պատերազմացն, եթէ Դա կայ՝ի գլորումն և ՚ի կանգնումն բազմաց. և աստ այնպէս իմն երևի Թէ զբազումն կոտորեալ՝ ելանիցէ յԵգովմայ. քանզի Բեթղաճէմ յԵգովմայեցոց կողմանէն կայ, Եւ միւսն իբրև զինեալ իմն ցուցանէ, Թէ Ա՛ծ զսուր քո ընդ մէջքո՝ հզոր՝ վայելութեամբ և գեղովքով. զի մի այնպէս գձուձ ինչ համարեցիս, որպէս մարգարէն վերագոյն ասէ, եթէ Նուազ է տեսիլ նորա քան զորդոց մարդկան: Զի ոչ մի ազգ երևէր ա. մենեցուն, այլ այլազգ. Հրէից երևեցաւ, և այլազգ առաքելոցն, և այլազգ մարգարէիցն. այլազգ Գահով բեանց՝ի լերինն, և այլազգ Կղոթականց, և այլազգ Պետրոսեանց, որ ասէրն Յոհան. Տէր է այն. և այլ ազգ Թովմայի, և այլազգ յառաջագոյն Մարիամայ և այլազգ յետ յարութեանն. զոր մերթ պարտիզապան կարծէր, և մերթ ուարունի կոչէր. և նա ասէր. Մի մերձենար առ իս. իւրաքանչիւր ըստ անցնիւրոյ հաւատոց չափէր զանձն: Որպէս և Հայր նորա, զի մերթ հրով երևէր, և մերթ իբրև զծեր հինաւորոց, ըստ պատշաճից իրացն՝ որ առաջի կային. ոչ Թէ զնու. Թիւն ինչ փոխէին, քաւ լիցի. այլ նոյն տեսիլ Տեառնն էին՝, և այլազգ երևէին. նոյնպէս և աստ ըստ պատշաճի տեսողացն փոխէր զկերպարանս:

« Իբրև զի գեղեցիկ է, ասէ, պատմութեանաւ իւրով »: Մարթի և այլազգ իմանալ զպատմութեանն, այսինքն՝ զեկեղեցի, որ գեղեցկացաւ մարդասիրութեամբ նորա. ըստ այնմ, եթէ Զամենեսին զնոսա զգեցջիւր դու. քանզի մեք նմա հանդերձ եմք, և նա մեր. Համարի բաւական զմի օրինակ, այլ որ ինչ նայն՝ մեր է, զնոյն և զմեզ իւր կամի. Հանդերձ ձեր եմ, ասէ, այլ և դուք իմ հանդերձ. զգեցայց, ասէ, զձեզ, որպէս զք զի ածիցէ միջապատ զմիջով. և գար-

1 Զբառսն՝ Գիւլ Տեառն էին, գուշակօրէն եգաբ ՚ի տեղի եղծեալ ինչ բառից օրինակին:

ձեալ ասէ. Մարմին էք 'ի մարմնոյ նորա և ոսկր յոսկերաց նորա: Ես, ասէ, գլուխ եմ, և դուք այլ ևս անդամք: Նա և այլազգ ևս, եթէ ես տուն ձեր եմ, և դուք իմ տաճար. եթէ Որ յիս բնակէ, և ես 'ի նմա բնակեմ. դուք զիս ուտէք՝ և ես զձեզ. իմ կերակուր և եթէ այն է, ասէ, զի արարից զկամս Հօր իմոյ. և Բարեխօս լինի վասն մեր:

« Բուռն է զօրութեամբ »: Ոչ զբռնութիւն ինչ ասէ, այլ զզօրութիւնն: Զուղղութիւն իրացն յայտ առնէ. եթէ զիրմն ոք քննեսցէ՝ բռնութեամբ են. բայց զօրութիւն այնր՝ որ զիրմն 'ի գլուխ եհան, ոչ եթէ բռնութիւն ինչ իցէ¹:

« Ես, ասէ, խօսիմ զարդարութիւն և զիրաւունս փրկութեան »: Եւ ոչ ասաց թէ ով իցէ: Ամաչեսցեն հերձուածողք, որ զէութիւնն քննեն: « Ես, ասէ, խօսիմ զարդարութիւն և զիրաւունս »: Զի ցուցցէ եթէ էութիւնն առանց քննելոյ է: « Ես խօսիմ զարդարութիւն »: Այսինքն՝ առնեմ դատաստան փրկութեան. և դատաստան նորա ոչ դատապարտութեան ինչ է, այլ փրկութիւն. 'ի մեղաւորաց, ասէ, արդարս առնեմ. և կիսոց դատաստան 'ի փրկութիւն է, և այլոց 'ի դատապարտութիւն:

« Ընդէր իսկ կարմիր են ձորձք քո: Հնձան, ասէ, հարի միայն »: Գիտէք իսկ խորհրդոյն միջամուխքդ: Սբէ. « Հարի հնձան »: Եւ արդարեւ միայն Արտուծոյ է այսպիսի գործ, և ոչ այլ ուրուք, ոչ մարդոյ և ոչ հրեշտակի: « Սրտմտութեամբ իմով »: ասէ: Սրտմտութիւն առ թշնամիսն, առ սատանայ և առ մահ: Եւ արդ տես, մարգարէն զիմրդ գոհանայ վասն հարուածոյ թշնամեացն, եթէ լինի արժանի այնմ առնայնի, և աղաչէ զի պատիժքն բառնայցեն 'ի ժողովրդենէն, որպէս Երեմիա և Դանիէլ և այլքն ամենեքեան:

« Զի զողորմութիւն Տեառն յիշեցի », ասէ: Եւ երբեք զի մոռանայր արդեւք մարգարէն. և ոչ ուրեք. այլ զմոռացելոցն յիշեցուցանէ, եթէ մտաւօր իրքս ազգական են առաջնոցն, զի գիտեն իսկ զյետին

1 Յօր. Բարեխօս լինէ:

եւրասիոս և զառաջինսն յիշեցուցանել ինքն, ասէ, տայ ինձ իշխանութիւն և պետութիւն՝ պատմել զգրանչելիս նորա:

« Եւ գքաջութիւնս Տեառն յուշ արարից, զօրհնութիւնս Տեառն ՚ի վերայ ամենայնի զոր հատուցանէ մեզ. Տէր դատաւոր բարերար ՚ի վերայ տանն Խորայելի »: Եւ այս միայն արդեւք. այլ զի և այսուիկ¹ աւելի իցէ. ոչ միայն այսուիկ, այլ և ամենայն իրօք, և յաճախագոյն սովաւ, զի ըստ մարդասիրութեանն դատի. քանզի և ասէ իսկ, [Թէ Հատուցանէ մեզ ըստ ողորմութեանն իւրում, և ըստ բազում մարդասիրութեանն իւրոյ ածէ ՚ի վերայ զչարիս և զբարիս, ոչ առ չարութեան ինչ, այլ զերկոսեան ՚ի բարերարութենէ. զի որպէս յարքայութենէ բարերարութիւնն երեւի, նոյնպէս և ՚ի գեհնէ. և ուր և խնդրեսցես՝ ՚ի բարերարութենէն Աստուծոյ գտանի: Եւ չէուիցի՞ քեզ [Թէ առ բարերարութեանն արար զՍդամ, և պարգևեաց նմա զգրախոսն, և արար արժանի ընդ իւր խօսելոյ. և ոչ միայն այնչափ, այլ և հանելն յականէ, և ՚ի դրախտէն մերժեցն՝ և այն ըստ բարերարութեան էր. զի [Թէ իրքն հակառակ իցեն, այլ իւրաքանչիւր ըստ իւրաքանչիւր վախճանի վճարեցան: Զի Հրէից ոչ միայն ՚ի գերոյն դառնալ, այլ և գերին երթալ ըստ բարերարութեան էր: Մեք երբեմն բարիք և երբեմն չարք լինիմք, քանզի ընդ բազում փոփոխմամբք կամք, և ոչ ուղիղ մտօք գործեմք զամենայն. իսկ նա հանապազ բարերար է, զի բնութեամբ իսկ ունի զբարերարութիւնն, զի և ՚ի տանջանսն և ՚ի պահելն նոյն բարերարութիւն երեւի. զի [Թէ և հակառակ ինչ իրքն՝ որ երևեսցին՝ գործեսցին, այլ ոչ ՚ի նորա ինչ մարդասիրութենէն, այլ յայնցանէ՝ որք ան. այնպիսի որպէս արեգակն զի զկէս եցուցանէ². և հուր ՚ի խոնաւ նիւթոյ և ՚ի կակղոյ՝ ցամաքս

¹ Առաւուգ արեւոյ. այլ զի և այսուիկ՝ գուշակօրէն կարգեցաք փախանակ անընթեռնի բառից օրինակին:

² Յօր. Կրկին տողք իսպառ անընթեռնիք յապականութենէ [Թղթոյն. ամբողջութիւն իմաստեցն [Թերեւս այսպէս կազմից. Այլ յայնչանէ՝ որք անբաւար Գրանչի, և առնէն զանյիւն այնպիսի իրօք արժանի. որպէս արեգակն զի զկէս, և զկէս ալ ցամաքացանէ:

և խիստս առնէ. զի է ինչ՝ զոր խեցի առնէ, և է ինչ՝ զոր թանձր, և է ինչ՝ զոր կակուղ. որպէս զոսկի՝ զի հալէ, և զկաւ խեցեցուցանէ, և երկողքին ըստ ջերմութեան գործէ. Նոյնպէս և Տէր արար զգեհնն և զարքայութիւնն նովին միով մարդասիրութեամբ. Եւ զինչ իսկ ասիցեմ. դիւրագոյն է հրոյ զջերմութիւնն մերկանալ, և ոչ Աստուծոյ զբարերարութիւնն. Զարարածոցս զիարդ և իցէ խօսիմք՝ Աստուծոյ կամօք, իսկ զԱստուծոյ ոչ բանիւք և ոչ մտօք զհանգամանս ինչ կարեմք առնուլ. և յիրաւի ասէ, թէ Ես նոյն եմ. ոչ զբնութենէն ինչ ասէ, այլ զբարերարութենէ և զխնամոց. Եւ արդ, ում նմանեցուցանեմ զսէրն. Որպէս ուրախ լինիցին փեսայ ընդ հարսին, նոյնպէս ուրախ լինիցին՝ ի ձեզ. իսկ զհօր և զմօր ասիցես. այլ չնմանէ ինչ. Մարմինք էք, ասէ, ի մարմնոց իմոց և ոսկր յոսկերաց իմոց.

« Եւ ասէ. Ժողովուրդ իմ էք և որդեակք, և ոչ անարգեսցեն զիս »: Իսկ այլքն ասեն, թէ ոչ անարգեցից. Ասիինքն, սլարտ իսկ է իբրեւ որդւոց՝ բարիս գտանել յինէն. կամ որպէս այլք ասեն, եթէ ոչ անարգեսցեն զիս. Չասեմ, ասէ, եթէ բարիս ինչ գտին յինէն, այլ զի որդիք էին, չէր պարտ թողուլ նոցա զհայրն « Եւ եղև նոցա փրկութիւն յամենայն նեղութենէ »: Ոչ եթէ ի կէս նեղութեանցն փրկեաց, և ի կիսոյն ոչ. զի յորժամ կարեն և կամեն ի միասին իցեն, չիք ինչ որ արգելուլ կարիցէ:

Արդ տես, զիարդ ¹ ի դէպ վարկանի գերախտին. « Զի ոչ առաքեալ որ, ասէ, և ոչ հրեշտակ, այլ ինքնին Տէր փրկեաց զնոսա »: Մեծ է փրկել, այլ աւելի յայնժամ՝ յորժամ ինքնին փրկեսցէ. զոր օրինակ և Պաւղոս ասէր. Ոչ միայն այսչափ, այլ և պարծիմք ևս ի Տէր. Ոչ միայն Պաւղոս, այլ և Մովսէս ասէր. Թէ ոչ երթիցես ընդ մեզ, մի հաներ զմեզ աստի. զի թէպէտ և փրկութեանն հասարակ խոստանայր, սակայն պատիւն ոչ այնպէս ինչ էր: Տես, որպիսի համարձակութեան արար զնոսա արժանի.

¹ Յօր. Զի յորժամ 1... 15 էրէ, 15 էր 15 15 15... 15 էր 15: Ըստ պահանջելոյ կարգի բանիցն զթերին լրացուցաք:

նեսին. և քանզի փախեալ նա 'ի Մադիամ, ասէ՝ եթէ Աստուած եհան զնա անտի: Եւ դարձեալ քանզի կարծէին եթէ Մովսէս եհան զնոսա անտի և ոչ Աստուած, զի և ասէին իսկ, եթէ Մովսէսն այն՝ որ եհան զմեզ յերկրէն Եգիպտացւոց. զի մի՛նոյն միտս հաստատեալ կայցեն՝ եթէ յեգիպտոսէ Մովսէս եհան և 'ի Բաբելոնէ Յեսու Յովսեփեկեանց, ցուցանէ եթէ այնչափ հեռի էր Մովսէս 'ի հանելոյն, զի ինքն իսկ Աստուծով ել անտի:

« Որ եդ 'ի նոսա զՀոգին »: Եւ տեսանեմք զի ոչ ինչ հաղորդեցան ընդ Սուրբ Հոգւոյն. բայց սակայն 'ի նոսա էր, քանզի 'ի գլխաւոր նոցա 'ի Մովսէս էր Հոգին Սուրբ, և յիւթան՝ Հոգին Սուրբ շահք 'ի պէտս նոցա: « Որ եհան աջով իւրով զՄովսէս »: Եւ ոչ վայրապարինչ կրկնէ դարձեալ զՄովսիսի հանելն, այլ զի զպիղծ բարբառ նոցա կարճեցէ. և ամենայն ուրեք ճառէ թէ ես հանի զնոսա: Պատմէ և զգործսն որ ինչ գործեցան յանապատին. « Բազուկ փառաց նորա, ասէ, յաղթահարեաց զճուրան առաջի երեսաց նոցա, և արար անուն յաւիտենից. անցոյց զնոսա ընդ անդունդո՞ր պէս ձի մի ընդ անապատս. էջ Հոգի Տեառն և առաջ նորդեաց նոցա »: Այլ և զՄովսէս հոգեւոր իմն կոչէ: « Այսպէս, ասէ, ածեր զժողովուրդն քո առնել քեզ անուն փառաց »: Զի թէպէտ և նոքա անարժանք էին, սակայն վասն քո, ասէ, արարից. քանզի և նոքա վասն նորա փրկեցան:

« Դարձ յերկնից, և տես 'ի բնակութենէ սրբոյ փառաց քոց »: Զառնեմք ինչ, ասէ, ապաստան 'ի տաճարն, չմտանեմք 'ի յայտնութեանցն տեղի, 'ի յերկնից կոչեմք զքեզ, զի այն է տաճար և անդ բնակութիւն քո: Եւ վասն այնորիկ ասեն մարգարէքն յերկնից, զի ցուցցեն եթէ ոչ 'ի տաճարին միայն փակեալ կայր:

« Ո՛ւր է նախանձ քո և զօրութիւն և բազում ողորմութիւն »: Զսոյն և Դաւիթ ասէր, եթէ Ո՛ւր են ողորմութիւնք քո, Տէր, առաջինք. զի մի յանձանց

ինչ ուղղութիւնս ապաստան լինիցին, այլ յԱստու-
ծոյ ողորմութիւնն: Բայց և զայն գիտել պարտ է, զի
թէպէտ և բազում ողորմութիւն է Աստուծոյ, այլ
ընտրութիւնք կան յողորմութիւնն¹.
ողորմելոց խնդրել եթէ որ . . .
. . . երկայնամիտ լինէր և արդ. այլ չներեմ այժմ,
քանզի մինչև ցայժմ ներեցի, և չառէք 'ի միտ: «Ի
ժամանակին, ասէ, զինքնէիր մեզ». և մեք ինչ ոչ օգ-
տէաք:

«Զի դու Տէր ես մեր և Հայր. զի Աբրահամ ոչ ինչ
գիտաց զմեզ, և Իսրայէլ ոչ ծանեաւ զմեզ», Տեսանես,
որչափ շահ եղև 'ի չպարծելոյ ազգականութեամբն.
'ի նմանէ եմք, ասէ, այլ ոչ ինչ ծանեաւ զմեզ: «Եւ
դու Տէր ես, ասէ, և Հայր մեր, փրկեա զմեզ. 'ի սկըզ-
բանէ անուն քո 'ի վերայ մեր». որպէս ծառայ մի
գնեալ վաղուց կոչեսցի յանուն տեառն իւրոյ: Եւ ոչ
ասաց եթէ զանուն քո կոչեմք, այլ թէ է ևս 'ի մեզ
անուն քո. նա այն իսկ է պատճառք պատժոցն, զի
էր 'ի նոսա անունն, և անարգէին:

«Զի մոլորեցուցեր զմեզ, Տէր, 'ի ճանապարհէ քում
մէ, և խտացուցեր զսիրտս մեր չերկնչել 'ի քէն»: Կամ
վասն երկմտութեանն ասէ, կամ վասն պատ-
ժոցն. որպէս և այլուր, եթէ Խոտորեցուցեր զշաւեղս
մեր 'ի ճանապարհէդ քումմէ. այսինքն՝ մերժեցեր,
յօտար յերկիր ընկեցեր, զրկեցեր զմեզ յօրինացն,
և 'ի հրամանացն օգտից, խոտեցեր զժառայութիւն
մեր, չկամիս առնուլ 'ի մէնջ պաշտօն:

«Դարձ վասն ծառայիցն քոց»: Վասն արդարոցն
և հեզոցն: «Զի սակաւիկ ինչ և մեք ժառանգեսցուք
զլեառն քո սուրբ»: Տէս, որչափ կարօտին վայրացն
Երուսաղէմի, զի թէ ոչ զամենն, գոնեա սակաւ ինչ
ժառանգեսցեն²:

«Հակառակորդք մեր նեղեցին զմեզ, կոխեցին ըզ-
սրբութիւնս քո»: Զի թէպէտ և մեք անարժանք
իցեմք, այլ վասն նոցա խրոխտանացն արա ողորմու-

¹ Յօր. Երեք տող ընթացիւ անընթեռնի:

² Յօր. Վարդ. Եւ, գոնեա տիւս Հոսիւտիւրդ: Զմե-
յեալն ըստ պահանջելոյ կարգի բանիցն եղաք:

Թիւն: «Եղեաք մեք իբրև զառաջինն, յորժամ ոչն տիրէիր մեզ, և ոչ կոչեցաւ անուն քո 'ի վերայ մեր»: Ոչ միայն վասն մեղաց, այլ և վասն 'ի ձեռաց Թողղոյ:

ԳԼՈՒԽ ԿԴ

«Եթէ բացցես զերկինս՝ դողումն կալցէ 'ի քէն զերկիր»: Տէս, զիարդ ամենայն ուրեք զգօրութենէն ճառէ, եթէ մեծ է և զօրաւոր, և զամենայն զոր և կամի՝ կարող է առնել: «Եթէ բացցես զերկինս՝ դողումն կալցէ 'ի քէն զլերինս, և հալեացին իբրև զմոմ առաջի հրոյ: Յաւիտենից ոչ լուաք, և ոչ աչք մեր տեսին այլ Աստուած բաց 'ի քէն»: Եւ ոչ տեսին արդեւք. ոչ, ասէ. զի Թէպէտ և մոլորեցաք և երկիր պագաք օտարոտի աստուածոց, այլ ոչ տեսաք ինչ այնպիսի Աստուած:

«Զի գործք քո ճշմարտութեամբ են, զոր առնիցես որոց համբերենն քեզ»: Ողորմութիւն ճշմարիտ են վերակացութիւնք, և մանաւանդ այնոցիկ՝ որ համբերիցեն. Թէպէտ և ոչ առժամայն, սակայն առ յապա: «Եւ ընդ առաջ լիցի ողորմութիւն այնոցիկ՝ որ առնիցեն զիրաւունս, և յուշ լիցի նոցա ճանապարհքն քո»: Տեսանէս, զի ոչ վայրապար ումեք, այլ այնոցիկ՝ որ յիրաւունսն հայիցին:

«Արդ ահա դու բարկացար, և մեք մեղաք. վասն այնորիկ իսկ և մոլորեցաք»: Այսինքն՝ զի դու բարկացար մեզ, և մատնեցաք 'ի գերութիւն. հանդերձ ծնելոց բնութեամբ մերով զաւ. պահանջումն առնէ չիք որ արդար գտանիցի 1: «Դու բարկացար, և մեք մեղաք»: Եթէ կամիցիս հատուցանել ըստ մեղացն, պարտական իսկ եմք:

«Ոչ որ իցէ որ օգնական լինիցի կարդալ առ քեզ, և ոչ՝ որ կարդայցէ զանուն քո, և ոչ՝ որ յիշեցէ ապաստան լինել առ քեզ. զի դարձուցեր զերեսս քո 'ի մէնջ»: Եւ զոր ասէն՝ այսպիսի ինչ է, եթէ 'ի բարկանալն

քում զարհուրեցուցեր զմեզ, և ևս յետոս տարար, զի չիշխեմք մօտ գալ: « Մատենեցեր զմեզ վասն մեզաց մերոց »: Այս ոչ յերեսաց մարգարէին է, այլ յերեսաց ժողովրդեանն. զոր 'ի դէպէր ասել, եթէ վասն զի բարկացաւ՝ ևս առաւել մեղաք. ընդ վայր եհար, չառնէ ինչ փոյթ:

« Եւ արդ, Տէր, հայր մեր դու ես. մեք կաւ եմք »: Զոր ինչ 'ի դէպն էր ասել՝ չիշխեաց ասել, եթէ դու հայր ես և մեք որդիք. այլ քանզի զդարմանսն կամեցաւ հնարիւք յանձն ձգել, ասէ. « Դու, Տէր, հայր մեր ես »: Եւ զի զակնածութիւնն և զհնազանդութիւնն ցուցանիցէ, ասէ. « Մեք կաւ եմք, և դործք ձեռաց քոց ամենեքեան »: Իրպէս և քեզ կամ իցէ՝ զայն արա: « Մի՛ բարկանար մեզ յոյժ, և մի՛ 'ի ժամանակի յիշեր զմեղս մեր »:

Ապա ապաստան լինէին 'ի տաճարն և 'ի տեղին սուրբ. « Բանդի փառք մեծամեծք, ասէ, վերացան 'ի մէնջ, և դու ան՝¹

.

¹ Մինչև ցայս վայր օրինակս մեր (Գլ. ԿԴ. 10-12). Թեոփեալքն պակտօին. այն է մեկնութիւն երկուց վերջին գլխոց մարգարէութեանն Նապեայ:

ԱՅԼ ԵՒ ԱՅԼ ԸՆԹԵՐՑՈՒԱԾԻ

ՀԱՏՈՒԱԾՈՑ

ՄԵԿՆՈՒԹԵԱՆՆ ԵՍԱՑԵԱՑ

ԳՑԵԼՈՑ Ի ՃԱՌԸՆՑԻՐՍ ՎԱՆԱՑՍ, ԲԱՂԴԱՑԵԱԼ ԸՆԴ

ՕՐԻՆԱԿԻ ՑՊԱԳՐԻՆ ՄԵՐՈՑ

Ա. ՀԱՏՈՒԱԾ

Ձի եղիցի յառուրս յետինս յայտնի լեառն Տեառն. — Ես. Բ. 2.

Տպագրւն էջ 1-6

Պատանի հատուածս յերիս ճառընտիրս, այն է 'ի ճառընտիրսն Գ. ԺԹ. ԻԹ. որպէս հաւանական երեւի գաղափարեալս 'ի միոյէ ևեթ աղբերէ. զնշանաւոր տարաձայնութիւնս նոցին ընդ օրինակի տպագրութեանս՝ կարգեացուք 'ի ստորև, նշանակելով զիւրաքանչիւր ճառընտիրսն նշանագրով իւրեանց և զհամաձայնութիւն երեցունցն՝ տարաձայն 'ի մերմէ օրինակէս՝ տառիքն ճճ. — Ի ճառ. ԺԹ. յանուն Միքիայ մարգարէի ընծայի պատառիկս. և զի բնաբանս այս « Ձի եղիցի յառուրս յետինս յայտնի լեառն Տեառն » գոյ յեսայի և 'ի Միքիա (Դ. 1-3), վասն այնորիկ թեւեւ և գրչին չփոթեալ զանուանսն :

Ի սկզբանէ երեքին ևս ճառընտիրը քանի մի տողս աւելի ունին քան զտպագիր մեր, այսպէս .

« Ձի եղիցի, ասէ, յառուրս յետինս յայտնի լեառն » Տեառն » : Տեսանեա զստուգութիւն մարգարէին , » զի ոչ միայն զիրան ասէ, այլ և զժամանակն նշանաւ .

» կէ. զոր և Պաւղոս ասէ, թէ Յորժամ եկն լրումն ժա-
 » մանակաց. և 'ի միւսում վայրի, թէ Տեսչութիւն կա-
 » տարման (ժամանակաց ». — աւստի սկսանի օրինակ
 տպագրիս) :

ՏՊԱԳՐՈՒՄ

էզ	տազ	
1	5	'ի Գ. և ԺԹ. չիք աղեղունա լարիցեն, և 'ի Գ. չիք գեղարդունա շողացուցանիցեն:
	8	ԻԹ. լերինն ոչինչ կարիցեն առնել:
	10	ԺԹ. և նոցա ոչինչ փնասիցեն:
	13	ԻԹ. Հիւանդացան, զամենայն Հնարս Հնարեցան. քանզի նոր իսկ և չքնաղ են յաղթութեանս կերպարանք. այլ միայն միայնոյ Աստուծոյ մեծի և Հօգորի. — Գ. Հիւանդացան, զամենայն Հնարս Հնարեցան, և 'ի չարչարելոցն յաղթահարեցան: — ԺԹ. այլ միայն մարդասիրին Աստուծոյ:
	17	ԻԹ. ոչ զի յաղթեաց, Հալածեալ մերժեալ, և ոչ նուաղեալ. այլ ևս քան զևս աճէ և բաղմանայ: — ԺԹ. և ոչ միայն շնուաղեցաւ, այլ ևս քան զևս աճէ և զօրանայ:
2	4	ՃՃ. որպէս և անդամանդ առ երկաթ ցուցանէ զՀանդէս:
	9	Գ. առնու յանձն Հաւանել Հրեայն, անդստին անձամբն յանձին առցէ զյանդիմանութիւն: — ԺԹ. առնու յանձն Հաւանել Հրեայն 'ի միւսաշրջիկ այլակերպ յորջորջմանէս, և անդստին: — ԻԹ. առնու յանձն Հրեայն Հաւանել, 'ի մի միւսաշրջիկ յորջորջմանէս՝ անդստին:
	13-29	Պակասին 'ի ՃՃ:
	30	Գ. ԺԹ. այլ անուամբք նշանակեցան: — ԻԹ. այս ամենայն անուամբք միայն նշանակեցան:
	32	ՃՃ. զանշարժութիւնն, զանմեղութիւնն, զբարձրութիւնն յորջորջմամբ:
	36	Գ. ոչ եթէ բանից ինչ կամ մեկնութեանց պէտք են: — ԺԹ. ոչ բանից մեկնութեան պէտք են: — ԻԹ. ոչ բանից ինչ յայտնութեան պէտք են:
3	2	ԻԹ. գիրք եկեղեցւոյ պայծառագոյն և լուսաւորագոյն:

ՅՊԱԳԻՐԸ

էզ	տող	
3	8	ձձ. և որպէս տաճար մի... և սա յայտնի եղև:
	17	ձձ. ետ 'ի ձեռս:
	18	Իթ. և առաւելագոյն գտաւ:
	19	ձձ. գնդիւք, հաւատացելոցն ընկալօքն:
	22	Գ. քան զերկինս երկնից:
	29	Իթ. քան զսպանողսն հզորագոյն գտան:
	33	Իթ. և ևս յայտնագոյնս ասէ զմարդարէութիւնն: (էջ 3, տող 38 — էջ 4, տող 6, պակասին 'ի ձձ.):
4	10	Գ. Ժթ. առին հրաման 'ի Միաձնէն: — Իթ. առին հրաման 'ի նմանէ: (էջ 4, տող 12 — էջ 5, տող 10. պակասին 'ի ձձ.):
5	13	Իթ. գիցնծան, խնդան, միանգամայն և ժողովին:
	15	ձձ. իրերաց լինին վարդապետք:
	16	Գ. Իթ. խառնեալք:
	18-22	Պակասին 'ի ձձ:
	22	Իթ. իսկ կայ և մնայ ևս տակաւին յայլասացիկ յորջորջմունս մարգարէս, ընդ այն մի ինչ զարմանայցես:
	26	Գ. մերթ խփէ զմարդարէութիւնն: — Ժթ. մերթ խափանէ զմարդարէութիւնն:
	28	Գ. և միւսովն վճարեսցէ զօրինական յանդգնութիւն: — Ժթ. և միւսովն կարճեսցէ զանօրինակ յանդգնութիւն: — Իթ. և միւսովն կարճեսցէ զօրինական յանդգնութիւն:
6	38	ձձ. զոր հաստատեցի:
	1	Գ. թէ ըստ երկոցունց օրինացն ինքն է օրէնսդիր. որում լիցի ամեննցուն մեզ հասանել շնորհօք և մարդասիրութեամբ Տեառն մերոյ Յիսուսի Քրիստոսի, որում փառք յաւիտեանս, ամէն: — Իթ. և ինքն է որ եհան զնոսա յեզիպտոսէ, ետ զօրէնսն, Քրիստոս Ստուած մեր. նմա փառք յաւիտեանս, ամէն:

Բ. ՀԱՏՈՒԱԾ

Տեր ողորմեաց մեզ, զի մեր 'ի քեզ յուսացեալ եմք: — Ես. 14. 2.

Տպագրերն էջ 200-208

ՑՊԱԳԻՐՆ		
էզ	տալ	
		Գտանի Հատուածս 'ի ձառնտիրսն է. և իթ:
200	32	'ի է. պակասի և ճգունք:
201	3	իթ. ոչ առ յանձն:
	15	ձձ. ըստ մարդասիրութեանն լինիցի:
	27	իթ. պարտ էր փրկութեան պատիւ գտանել:
202	1	իթ. զիարդ իմանայցէ զփրկութիւն, և ո՛վ ոք:
	8	է. հարքն ապրել:
	13	է. կամիցի զողորմութիւն... միթէ ուղղութիւնք խնդրիցիս և չկարիցես բաւական լինել:
	25	իթ. եթէ զքեզ մօտեցուցէ և զնա մերժեսցէ, և զքեզ մերժեսցէ և զնա մօտեցուցէ: — է. և զնա մօտիցէ:
	34	'ի ձձ. չիք կամիս:
203	15	'ի իթ. չիք գոյն իսկ այդ եղև չա՛հ մաքսաւորին:
	22	ձձ. ոչ ունէր 'ի մտի:
204	9	իթ. և զանաստուածս՝ արար իւր որդիս, և զօտարացեալս աշխարհիս՝ յաստուածային խնամոցն արար իւր ժառանգ և հաղորդս և ժառանգակից իւրոյ Միածնին:
	18	է. անաղտ գտել:
	32	իթ. այլ կազմ են դեղքն. և չիք ինչ որ զանցանել կարիցէ և կամ յաղթել նորա մարդասիրութեանն:
	33	է. անցանել զանցանել... որ ասէ:
205	5	իթ. որդին օձտեալ:
	8	ձձ. լրջմտութեամբ:
	19	իթ. առ վշտի կամ ակամայ:
206	26	է. (աստ վերջանայ հատուածն. յետ այսորիկ անցանէ յէջ 235. ԽԲ. Գյ. Եսայիայ):
	30	իթ. այլ զսաստիկ և զմեծ զօրութեանն ասէ, զղիւրագոյն յաղթութեանն ասէ, 'ի ձայնէ որոտալոյ քո անուի շարժեսցի երկիր:
30-36		Պակասի 'ի իթ:

ՏՊԱԳԻՐՆ		
էզ	տաղ	
208	4	Իթ. զկարեաց ճգնութիւնս, զոր կատարեսցուք անուամբն Քրիստոսի, որում փառք յաւիտեանս, ամէն:
285	4	Է. մերթ թաքնու, մերթ յառնու:
286	23	Է. (աստ վերջանայ հատուածն, յետ որոյ անցանէ յէջ 367, վերջին տող. վասն որոյ և ասէ, և այլն):
369	19	Է. զի՛նչ ինչ օգուտ 'ի զգրելոցն:

Գ. ՀԱՏՈՒԱԾ

Եւ եղև յամին յորում մեռաւ Ողիա արքայ: – Եւ. 2. 1:

Տպագիրն էջ 60–69

ՏՊԱԳԻՐՆ		
էզ	տաղ	
		Գտանի Հատուածս 'ի Ճառքնտիրսն ԺԹ. և ԻԹ:
60	26	ՃՃ. և ընդ քահանային արգելուին՝ ասէ, չէ՞ օրէնք եղ մտանել 'ի սրբութիւն սրբոցն, և դժկամակ:
61	21	ԺԹ. Հակառակ ինչ իցեն որ այս՝ այսմ որ 'ի Քրիստոսէն ասացան:
62	13	ԺԹ. կարէք Հատուցանել զպարտսն, այնմ նմանեցայ:
	17	ՃՃ. վառեալ, և երբեմն արիւնացայտ երևեսցի, երբ' մն 'ի Հուր, և հրբեմն 'ի Թիկանց:
	21	ԺԹ. մարմնաւոր տեսլանս:
63	6	ԺԹ. մինն նստէր:
	8	ԻԹ. զի և այն որ աստ ասին, այնմ նման է:
	24	ԺԹ. իսկ լոկ նստիւն, այլ իմն նշանակէ մարգարէս:
	34	ԺԹ. վասն այսորիկ տեսանէ յաթոռ նստեալ և վերացելոյ. կամ թէ այլ իմն զսա և այլ իմն զնա ակնարկէ. զի բարձր աթոռն, կամ թէ պատմութիւն է, զի ասէ զբարձրացելոյ և վերացելոյ, այսինքն է մեծ և վերացեալ յերկինս, զի յայնչաւի բարձրութեան երևէր:

ՅՊԱԳԻՐՆ

Էզ տաղ

64	10	ԺԹ. գորոց զառաքինութիւնսն և զգորութիւնսն:
	23	ԻԹ. զի այն իսկ մեծ է նոցա:
	25	ԻԹ. զոր օրինակ առաջի երկրաւոր Թագաւորաց, որ մեծամեծ պատիւս ինչ ունիցին՝ նոքա են մօտակացք աթոռոյ Թագաւորաց, նոյնպէս, և այլն:
66	13-16	Պակասին 'ի ձձ:
	30	ԺԹ. էջ յերկնից:
67	29	ձձ. զմտացն խոնարհութիւն յայտնէ:
	32	ԻԹ. բոցեղէն անձանց սրբոց:
68	5	ձձ. յայնպիսի ահեղ պաշտօն կոչեցեալ իւր, վասն պատրիկ յայս միտս զիւր շրթունսն պիղծ կոչէր, իսկ զժողովրդեանն ոչ յայն միտս:
	14-17	Պակասին 'ի ձձ:
69	13	ձձ. և ազգումն հրոյ ինչ ոչ գործեաց:
	17	ձձ. և ոչ այրեաց հուրն զօրութեամբն Քրիստոսի, որում փառք յաւիտեանս, ամէն:

Դ. ՀԱՏՈՒԱԾ

Չագգ նորա, ասե, ո՞ պատմեցէ: - Էս. Եդ. 8:

Տպագիրն էջ 400-401

ՅՊԱԳԻՐՆ

Էզ տաղ

		Գտանի հատուածիկս 'ի ձառնտիրն է:
400	21-22	Պակասի 'ի է. մի ինձ զվերին ծննդենէն ոգ աւիցէ:
	35	է. և զինչ Հոգին Սուրբ, ասեն, արար:
401	10	է. զայն խոստանամ:
	15-17	Պակասի 'ի է:
	19	Պակասի 'ի է. Որ ժամանակաւն եղև:

Ե. ՀԱՏՈՒԱԾ

Ձի տասնց Տէր այսպէս. հաշտեալ եմ ընդ քեզ: — Եւ. ԵԴ. 11:

Տպագիրն էլ 409-413, 372-375, 340-343

ՅՊԱԳԻՐՆ		
էզ	տող	
		Գտանի քաղուածոյ Հատուածս 'ի Ճառքնտիրն իթ:
411	1	իթ. զոսկին Սովիւերայ:
	18-25	Պակասի 'ի իթ:
	38	իթ. և թէպէտ և զուր ինչ 'ի վերայ գայցէ և ունիցի և տանջեսցեն:
413	29	իթ. (աստ վերջանայ հատուածն. յետ այսորիկ ան- ցանէ յէջ 372. Եւ. Գլ. ԾԱ.):
375	3	իթ. զի զամենայնն և զամենեսեան:
	33	իթ. (աստ դադարէ հատուածն. և անցանէ յէջ 340. ԽԸ. Գլ. Եսայնայ):
341	1-3	Պակասի 'ի իթ:
	4	իթ. արդ եբրայեցին սաղմոսէ:
343	19	իթ. յորժամ և անդ տեսանիցեմք, և այնու սիրո- ւիցեմք:
	26	իթ. որ նորա իցէ գործեալ. սակայն խոցեալ երկիւղիւ չար սրոյն որ ունիցի յոգւոյ իւ- րում բունեալ միշտ զնա խոցոտելով: Վասն որոյ աղաչեմ զի զերծուցուք զանձինս մեր 'ի մեղացն խողխողմանէ, 'ի մշտնջենաւոր և յանբժշկելի մահուանէն, սրբեալք 'ի խղճէ մտացն, ապաշխարութեանն մատակարա- րութեամբն ընծայեալք Քրիստոսի, որպէս զանուշահոտ պատարագս լուսաւոր և կեն- դանի վարուք առաքինութեան. զի այնպէս արժանի լիցուք հասանել խոստացելոց բա- րութեանցն 'ի Քրիստոս Յիսուս 'ի Տէր մեր, որում փառք յաւիտեանս, ամէն:

Զ. ՀԱՏՈՒԱԾ

Գուհա գորտարեամբ և մի խնայեար: — Ես. ԵԸ. 1:

Տպագիրն է՝ 435-442

Գտանի հատուածս 'ի ճառընտիրան ժե. իգ. և իթ. երկղքին առաջինքն բառ առ բառ համաձայնք են մեմեանց, այլ յոլով ուրեք տարաձայնին յօրինակէ տըպագրութեանս, եթէ՛ ըստ շարագրութեանն ոճոյ և եթէ՛ ըստ ամբողջութեան հատուածոյն, զորոց զկարի կարևորան և եթ նշանակելով, զանց առնեմք զայլովք տարբերութեամբք. իսկ իթ, բաց 'ի սակաւ տարբերութեանց, զորս նշանակեսցուք 'ի ստորև, յամենայնի համաձայն ունի զբանսն ընդ մերումս օրինակի:

ՏԳԱԳԻՐՆ		
Էզ	տաղ	
435	30	Ժե. իգ. 'ի տէրունական պահոյն էին:
436	9-14	Պակասին 'ի ժե. և 'ի իգ.
	23-25	Պակասին 'ի ժե. և 'ի իգ.
	25	Իթ. եթէ 'ի դատապարտութիւնս և 'ի դատաստանս:
	34	Ժե. և կամ որպէս 'ի մարտիկն կռիւն մերժիցի: Ձինչ պիտոյ են. — իգ. և կամ որպէս 'ի մարտիկն կռիւն և կրթութիւնն. սոյնպէս և աստ զի կռիւն մերժիցի: Ձինչ պիտոյ են:
	34-38	Պակասին 'ի ժե. և 'ի իգ.
	35	Իթ. կռիւն և երկեղն և կրթութիւնն:
437	4	Ժե. մեղացն հռանալ, այլ և ընկերացն առնել պահօքն պահս:
	4-7	Պակասին 'ի ժե. և 'ի իգ.
	13	Իթ. և ծանր քան զպահս:
	16-39	Պակասին 'ի ժե. և 'ի իգ.
438	1-8	» » » »
	21-25	» » » »
	29-39	» » » »
439	1-12	» » » »
	26-32	» » » »

ՅՊԱԳԻՐՆ		
ԷԳ	ՄԱՊԸ	
439	33	ԻԹ. որ Թագաւոր և կամ որ Թագաւորութեանց իշխանութիւնք, կամ որպիսի՝ պատմութեան իցէ հանգոյն այնմ հանդերձեալ զարգարուն:
	36	ԺԵ. ԻԳ. զոր նահապետն Յոբ:
440	8-39	Պակասին 'ի ԺԵ. և 'ի ԻԳ:
	18-21	Պակասին 'ի ԻԹ:
441	1	Պակասին 'ի ԺԵ. և 'ի ԻԳ:
	2	ՃՃ. գաղան չար է աղքատութիւն և ուտէ 'ի ներքոյ զփորն:
	3	ԻԹ. վասն մերոց ինչ խնդրուածոց:
	20-39	Պակասին 'ի ԺԵ. և 'ի ԻԳ:
442	1-12	» » »
	21	ԺԵ. ԻԳ. նմին և մեք նախանձաւոր լիցուք, զի երկնից արքայութեանն հասցուք 'ի Քրիստոս Յիսուս, ամէն. — ԻԹ. վասն առատութեան և մարդասիրութեան որ առ ամենեւեւեան, որում նմանող լինել առաքինութեանն առաք հրաման. զի այնպէս մեծացեալք յաստի կեանս, և հանդերձեւոց բարութեանցն հասցուք և փառացն 'ի Քրիստոս Յիսուս 'ի Տէր մեր, որում փառք յաւիտեանս, ամէն:

Է. ՀԱՏՈՒԱԾ

Վասն այնորիկ այսպէս ասե Տէր. տառապիկ եւ արկանեմ:
Եւ. ԻԷ. 16.

Գտանի հատուածս 'ի ճառընտիրն ԻԹ. գաղափարեալ զկնի Բ. և Ա. հատուածոցն՝ խորագրաւ « Նորին 'ի նոյն գրոց՝ յեկեղեցւոյ խորհուրդ » . այսինքն է, Նորին Յովհաննու Ոսկեբերանի 'ի մեկնութենէ մարգարէին Եսայեայ. որպէս եղեալ է 'ի գլուխս նախընթաց հատուածոցն. Այլ զի հատուածս արդարեւ 'ի Մեկնութենէն Եսայեայ իցէ, ոչ միայն 'ի վերնագրէ աստի է յայտ, այլ և յոճոյ մեկնութեանն և շարադրու

թեան, թէպէտ և ի՞նչ. Գլուխն Եռայեայ հանդերձ այլովքն պակասի 'ի յոյնն և 'ի հայունս : Դարձեալ և առ Սկեռացոյն և Դաւթի քահանայի 'ի քաղուածոյ մեկնութիւնս իւրեանց յառաջ բերին կոտորակք ինչ այսոր հատուածոյ՝ իբրև 'ի Մեկնութենէն Եռայեայ՝ յանուն Ոսկեբերանի :

«Վասն այսորիկ այսպէս ասէ Տէր. ահաւասիկ ես արկանեմ 'ի դրունս Սիովնի վէմ բազմակատար, ընաիր, ծայր անկեան, պատուական, 'ի հիմունս գորա» : Տեսանմս, զի վասն այնորիկ իսկ կարեւոր էր գալուածոն Քրիստոսի. առնանս, որչափ ինչ պէտք էին տեսչութեանն : «Ես, ասէ, արկից», և ոչ եթէ մարգարէ որ : «'ի հիմունս Սիովնի» : և քանզի ապականեալ էր շինուածն՝ վասն այնորիկ իսկ 'ի ներքուստ 'ի հիմանցն ուղղէ : Զոր օրինակ որմ ինչ խալտրիցի և կամիցի նորոգել 'ի հիմանն իսկ գնէ վէմս մեծամեծս : Եւ զի ոչ վասն վիմի ինչ է ճառս և ոչ վասն անշունչ ինչ նիւթոյ, յայտ յայնմանէ է, եթէ «Որ հաւատասցէ 'ի նա՝ մի ամաչեսցէ» : Քանզի ոչ եթէ 'ի քարանց ինչ վճարեսցի մեզ փրկութիւն, և ոչ եթէ քարանց ինչ հրամայեսցէ մեզ հաւատալ. այլ յայտ է եթէ զկենսարարէն ասէ. որպէս և Պաւղոս ասէ, եթէ Հիմն եղեալ է : Եւ այս ոչ զայն ինչ յայտ առնէ՝ եթէ արարած իցէ Որդի, քաւ լիցի. այլ եթէ որ էրն 'ի բնէ, նոյն եղև և Հիմն քարոզութեան՝ Յիսուս Քրիստոս, յորոյ վերայ շինի եկեղեցի. զի որպէս 'ի հիման վերայ՝ նոյնպէս և 'ի վերայ նորա հաստատեցաւ և կայ ամենայն ինչ. վասն որոյ և ասէ իսկ, եթէ Ես եմ արմատ և գուռ էք շառաւեղք : Որ յայնմ արմատոյ էր, որում ոչ էր ազգականութիւն մարմնաւորաց՝ կամեցաւ մարդասիրութեամբ լինել ըստ մարմնաւորացս, և արմատ մարմնաւորացս շինուածոց, զի 'ի նմանէ արձակեցան շառաւեղք հաւատացեալք :

Եւ վասն էր կոչեսցի Հիմն. զի ոչ որ յայնր հիման վերայ չշինեսցէ, չմտանէ 'ի շինուածն. և որ 'ի նմա ոչ առնէ սկիզբն՝ կործանելոց իցէ : Իսկ վէմ հաստատութեան և անշարժութեանն, և զի զամենեւեան որ 'ի նա յնուցուն՝ սննդի հաստատութեամբ : Բազմակատար, պատուական, զորոց զպատիւն ոչ ոք ըստ արժանեացն կարէ պատուել, և ոչ զգինս կռել : Ամենայն ինչ, ասէ, զոր ունի Հայր, այն իմ է. և արգ զիարդ ոչ իցէ բազմակատար, որ զկենաց և զմահու իշխանութիւն ունի 'ի ձեռս. որ այնպիսի ինչ պարգևս կարէ չնորհել, ոչ միայն մեծատուն փոխանակ աղքատաց կարէ առնել զառողսն, այլ հրեշտակս փոխանակ մարդկան. ոչ

ինչն կամ հանդերձս վայրապարս պարզեւէ, այլ զընութիւնս իսկ յայլ նորոգութիւնս փոխէ։ Զիարդ չիցէ բազմակատար, որ ոչ զոսկի և զարծաթ միայն տայ պարզեւս, այլ զանմահութիւն մարմնոյ, զերկնից արքայութիւն, գլաւիտենականն իշխանութիւն։ Զիարդ չիցէ բազմակատար, որում ամենայն ինչ իբրեւ զմէտ մի 'ի կշռոց համարեալ է։ Եւ արդ մի կարիցէ ճառել զմեծութիւնն նորա, որ և Պաւղոսի սակաւ մի նայեցեալ աղաղակէ, թէ Ո՛վ խորք մեծութեան և իմաստութեան Աստուծոյ. որպէս զի առանց քննելոյ են դատաստանք նորա, և առանց զննելոյ են ճանապարհք նորան։ Եւ զարձեալ, եթէ Ղաւթաստանք քո 'ի խորս բազումս, եւ զարձեալ, եթէ Ո՛ր զգորութիւնս Տեառն խօսեսցի։ Զիարդ չիցէ բազմակատար՝ զորոյ զպարզեւսն և զարդարութիւնս չեն բաւական բանք ճառել, զի անցաննն ըստ միտս և ըստ լեզուաց գորութիւն և ըստ խորհրդոյ բարձրութիւն։ Վէ՛մ ընտիր՝ զանզուգական հաւասարութիւնն նշանակէ, թէ չիք ինչ հանգոյն և հաւասար նմա։ Բորժամ ասիցէ թէ լնտրեաց զՂաւթ ծառայ իւր, զայն ինչ յայտ առնէ եթէ քան զամենեսեան զնա ընտիր եզիտ 'ի ժամանակին. և անդ իբրեւ զմարդոյ ումեքէ. զի թէպէտ և ընտիր է, սակայն մարդ է։ Իսկ աստ զանհամեմատ զուգականութենէն նշանակէ, զի չիք որ նմա հաւասար, բայց միայն ինքն Հօր հաւասար։ Զի մի յորժամ կոչիցի Որդի կամ Քրիստոս, զմի որ 'ի բազմացն կարծիցէք, ասէ, սա է ընտրեալն՝ որում ոչ գոյ զայլ որ հաւասար գտանել։ Զոր օրինակ զՀօրէ ասէ, թէ Զիք որ նման քեզ յաստուածս, Տէր. նոյնպէս և զՈրդւոյ ասի, թէ Զիք որ որ նմանէ Տեառն յորդիսն Աստուծոյ. թէպէտ և իցեն բազում, այլ նա միայն նմանէ Հօր։ Տեսանեն, զի նա միայն ունի ղժառանգութիւն ընդ Հօր, և զանզուգականութիւն ընդ այլ որդիս. զի որովն 'ի վերայ երկոցունց կայ, և զնոյն զմի ինչ զգորութիւնն յայտ առնէ։ Եւ դարձեալ, թէ Ոչ որ նման քեզ յաստուածս, և ոչ որ է որպէս զգործս քո։ Զի մի կարծիցի եթէ պաշտօն ինչ առնելով ասիցէ որ զնմանէ, 'ի գործոց անտի նորա ցուցանի հանդէսն. Հաւատացէք յիս, ասէ, և քննեցէք զգործս. եթէ իցեն համեմատ Հօր գործոցն՝ հաւատաօջիք յիս իբրեւ յարարիչ. որպէս և ասէր իսկ Քրիստոս. Եթէ յիս ոչ հաւատայք, գոնէ վասն գործոցն հաւատացէք։

«Եւայր անկեան»։ Տեսանեն, զիարդ վաղվաղակի յայտնեաց զխորհուրդն. զի ոչ վայրապար վէ՛մ կոչեաց, այլ ծայր անկեան։ Որք տեղեակ իցին չինուածոյ՝ գիտեն զինչ ասացաւ, և որ որ չիցեն տեղեակ՝ հարկ է զի 'ի մէնջ ուսանիցին։ Քան զամենայն վէ՛մս որ 'ի չինուածն մատուցանիցի՝ անկեանակալքն հաստատուն պարտին լինել. զի որ զամենայն վէ՛մն կապիցեն և ընդ միմեանս պնդիցեն՝ նորա մա-

նաւանդ լաւագոյն պարտին լինել քան զայլսն. զի զերկուսնան ճակատս իբրեւ երկու ձեռք բուռն հարեալ ունիցի պինդ, և ամենայն բռնութեանցն՝ որ 'ի դիմի հարկանիցի շինուածոյն, նոյն ինքն նոքա կայցեն ընդդէմ. այսպիսի ինչ է գործ անկիւնակալն վիմաց. զի և հողմոցն բռնութեանցն նոքա ունիցին զդէմ, և զայլ ամենայն շինուածն զգուլութեամբ պահեն: Եւ այս ամենայն 'ի Քրիստոս կատարեցաւ. զի և զանէծն յիւր անձն ընկալաւ և զմահ և զայլ ևս չարչարանսն ամենայն, զի զմեր բնութիւնս 'ի զգուլութեան պահեցէ. և կապեաց պնդեաց 'ի միմեանս զերկուս որմնն քակեալս 'ի միմեանց, զհեթանոսական և զհրէական ժողովուրդն. և ինքնին հաստատեցաւ 'ի միջի՝ զի զերկուս ճեղքեալսն 'ի մի վայր ժողովեցէ. զորման անջատեալս՝ յօդեաց պնդեաց 'ի միմեանս, զհերետակաց բնութիւնս և զմարդկան: Տեսաննս զշորեսին որման որ շինեցաւ 'ի մի տաճար, 'ի միում մարմին Քրիստոսի. զի 'ի նոյն պնդեացք և կապեացք և յարեցաք՝ անջատեալքն և որոշեալքն: Թշխատեաց և պահեաց զօրէնսն, զի և զտուջութիւն օրինացն կատարեալ չօտարացուցանիցէ. և մերձեցոյց զհեթանոսս, զի մուտ նորոյ շնորհացս ընծայեցուցանիցէ: Զի մինչ կրճիմն և միջնորմն ցանկոյն կայր 'ի միջի, ոչ իշխէր մերձեալ, իսկ յորժամ այն 'ի միջոյ բարձաւ՝ համարձակեցաւ զալ 'ի միաւորիւր Այլ և հրկշտակք ևս կազէին՝ ընդ մարդկան, քանզի Տէրն նոցա Թշնամանէր 'ի մարդկանէ. և վասն այսորիկ սպառնացեալ էին առնուլ զվրէժ Թշնամանացն. այլ և զնոսա հաշտեցոյց, զի արժանի արար և հանդերձ մարմնոգն՝ առնուլ 'ի նոցանէ երկրպագութիւն, որպէս և յառաջ քան զգալուստն՝ աստուածութեամբն միայն: Եւ արդ, ով իցէ ոք այնպիսի անմիտ և Թշուառական, որ տեսանիցէ զտէր իւր զգեցեալ զատելեացն մարմինս, և իշխեսցէ մարտնչել ընդ բնութեանն, և ոչ վաղվաղակի զալ 'ի հաշտութիւն. զի եթէ զհանդերձն մեր արժանի արար զգենուլ, զհարդ իցէ զի զմեզ ատիցէ, զի այս կարի իմն սիրելեաց է, յորժամ զհանդերձ ինչ զայնոցիկ որ սիրիցենն՝ զգենուցուն, Թէպէտ և կարի յոռի իցէ. և ոչ աստ միայն զգեցաւ, այլ և անդ 'ի վեր առ Հօրն՝ 'ի նստելն ընդ աջմէ ոչ ինչ ամօթ համարի զգժուձ հանդերձսն զոր զգեցաւն. զի սէր ամենայն իմիք յաղթէ, և ոչ ամօթ համարի: Բարւոք ասաց և «Պատուակնս». զի Թէպէտ և ապտակեցաւ, ընկալաւ Թուք յերեսս, և բազում չարչարանս կրեաց, և զմահ նախատանաց և զանիծից ընկալաւ յանձին, այլ մի ինչ անխառութիւն զայն համարիցիս. զի Թէպէտ և յայսպիսի անարգանս եկն, սա կայն զպատին իւր ոչ կորոյս:

Եւ զի հիմն ասի, մի ինչ անարգ համարիցիս. զի հիմն ոչ 'ի ծածուկ ինչ է, այլ յայտնի, որ զամենայն ունի հաստատունն. Զի հիմն այս՝ և այլուր՝ գտանի գլուխ անկեան. զի անդ 'ի վեր ունի հաստատուն զամենայնն, և աստ 'ի խոնարհօ անշարժ զամենայնս. զի ամենայն 'ի նա հաստատեցան. և թէ թող տացէ՝ քակտի ամենայնն, վասն այսորիկ և ասէ իսկ, եթէ ի ձեռին քում ամհնայն ծագք երկրի։ Տեսանես, զի որ ինչ զՀօրէ վասն երկրի ասէ, նոյնպէս և զՈրդւոյ վասն ամենայն աշխարհի. զի ոչ միայն երկիր, այլ և հրեշտակք և հրեշտակապետաց բնութիւնք և ամենայն ինչ 'ի ձեռին նորա են. և որ ինչ մեծն և լաւ համարիմք ասացեալ զՀօրէ վասն երկրի, նոյնպէս և վասն Որդւոյ. ըստ այնմ, եթէ Ամենայն ինչ նովաւ հաստատեցաւ. ոչ միայն երկիրն և երկիր, այլ և հրեշտակք և հրեշտակապետք, աթոռք և պետութիւնք և տէրութիւնք և իշխանութիւնք, և ամենայն ինչ նովաւ են և կացին միանգամայն։ Եւ թէ զհարգ նովաւ՝ ասէ և զկերպարանն, եթէ նա է գլուխ ամենայնի. որպէս և առանց զլսոյ և առանց զօրութեանն՝ որ 'ի նմանէ առաքելցի յանգաման, ոչ կարէ կեալ կենդանի ինչ, նոյնպէս և առանց Քրիստոսի ոչ կարէ կեալ ինչ յարարածոցս. Հանես դու, ասէ, զոգիքո՛ր 'ի նոցանէ և պակասին։ Զի հիմն հիմանց ամենայնի Քրիստոս է, և չէ ումեք արժան յանձնապատան լինել և ոչ 'ի նախնիս. և մանաւանդ Հրէիցն՝ որ նախնեօքն պարծէին. և թէպէտ և իցեն ուրուք վաստակք, սակայն նորա զօրութեամբն կատարին։

«Եւ որ հաւատացէ 'ի նա՝ մի ամաչեսցէ»։ Բարեւոք ասաց թէ որ հաւատացէ 'ի նա՝ մի ամաչեսցէ։ Տեսանես, զհարգ ակնարկէ զգալուստն, որչափ փառաւորութեամբ ինչ եղև. այլ հաւատոյ պէտք էին. զի 'ի փառաւորեալն զալստեան ոչ այն պէտք էին հաւատոյ, այլ ինքն ահաւորութիւնն է փոխանակ հաւատոյ։ Տեսանես, զի ամենայն ուրեք հաւատք պիտոյ են. «Որ հաւատացէ, ասէ, 'ի նա», և ոչ եթէ որ քննեսցէ. և հաւատացէ, ասէ, և ոչ որ 'ի հարց և 'ի փորձ անկանիցի. որ հաւատացէ, ասէ, և ոչ որ խոյզ արկեալ հետաքրքիր լինիցին։ Ամաչեսցեն այնպիսիք որ զանհատական անձանց իւրեանց՝ խնդրեն լինել ճառելի։ Տեսանես, զի ամենայն ուրեք հաւատոյ պէտք են. և ծնունդեան և յաշխարհի շրջնն, և չարչարանքն կատարել և խաչին ազատել զամենայն տիեզերս. զի բազում և մեծ հաւատոյ պէտք են, եթէ 'ի խաչէ՝ որ մահու է գործի՝ ազատութիւն տարածեցաւ, և 'ի մահուանէ կեանք բոլանցին և լցին զտիեզերս. որպէս և գրեալ է, եթէ լցցի երկիր ճանաչելովն զՏէրն, իբրև ջուր բազում ծածկեալ գծովս։ Եւ դարձեալ, եթէ Ոչ ասիցեն այր ցընկեր իւր՝ եթէ ծանիր զտէր. զի ամենեքին ծանիցեն զիս 'ի փորձանց մինչև 'ի

մեծամեծս նոցա. և Յարեւից մինչև 'ի մուտս արևու օր-
հնեալ է անուն քո: Եւ արդ, զինչ ևս աւելի կամիցի որ եթէ
լինիցի քան զայս: Եւ դու տես զառաւելութիւնն Աստուծոյ
զօրութեանն, զի անդ բանական նիշ կանգնեաց, և աստ
գնական յաղթութեան: Զինչ ինչ իցէ քան զխաչ անիծազոյն.
այլ ամենայն ուրեք փայտիւ տեսանեմք զփրկութիւն կառա-
րեալ:

Ո՛րուաւ, ո՛ր ետես. անիծիցն պատիժք՝ մահու լուծանելոյ
եղեն նշանակ և մեղաց քակտումն. ամենեկին իբրև հակա-
ռակ ընդդէմ իմն էին իրքն: Եւ զիարդ ոչ սքանչանայցեմք.
զի զդահիճ որ թերևս և տեսանել չկամիցիմք և ոչ մօտ եր-
թալ, և սոսկամք և փախչիմք, իսկ մեք զնշան խաչին 'ի
Թաքս և 'ի զարդս Թագաւորաց և զօրաց հաստատեմք, և 'ի
պատուական անդամս մարմնոյ՝ 'ի գլուխ և 'ի լանջս և 'ի
սրտի վերայ, առ սեղան և 'ի մահիճս: Եւ եթէ զդէս ուրեք
պատշաճ իցէ հալածել, զխաչն 'ի մէջ բերեմք. և առ ցա-
ւոց բժշկութիւնս նոյն է պիտանացու: Ո՛րչափ մարդիկ յա-
ռաջ քան զայս ժամանակս խաչեցան. և ոչ ուրեք յոր ե-
րևեցաւ այսպիսի զօրութիւնն: Եւ երկիր պագցեն, ասէ
Սովիոնիա, իւրաքանչիւր 'ի տեղւոյն իւրեանց Տեառն: Եւ
իմոյ բանիցս հաւատար, ո՛վ Հրեայ, այլ 'ի Հնոյն վիճիմքն
քեզ. զի՛ հակառակս հէքդ և թշուառականդ, և առ քո փր-
կութեանդ մարտ եղեալ կուրիս. զի՛ ընթանաս հակառակ
քու՝ զվրայդ, զի՛ կից ածես ընդդէմ խթանի. չտեսանիցես
զգերեզմանն, չհայիցիս 'ի անդի խաչին. ո՛չ ապաքէն իբրև
արձանք իմն կանգնեցան:

Եթէ որ հարցանիցէ՝ եթէ զինչ մեծամեծս արար Քրիս-
տոս, թողում ասել զերկնից և զերկրէ և զծովէ և զբազում
մեռելոցն յարութենէ, և զայլ ևս զբազում նշանսն զոր
արար, զհացին բազմացուցանելն, զլրոյն զինի առնելն.
զխաչն և եթ 'ի մէջ բերեմ, որ բազում և քան զամենայն
լուսաւորագոյն է. խաչեցաւ, ասեմ, և թուք յերեսս ըն-
կալաւ և ապտակեցաւ. և այնպէս ինչ աւելի երախտիս ա-
րար մերում բնութեանս: Եւ այս Աստուծոյ գործ է, վասն
այնորիկ և ինքն իսկ՝ զիրսն փառս կոչէ. Հայր, ասէ, եհաս
ժամ, փառաւորեա զՈրդիքո. և Պաւղոս, եթէ ինձ քաւ լիցի
պարծել, բայց միայն 'ի խաչն: Եւ վասն այսորիկ ետ մեզ
զօրինակ այսորիկ նշանին, զի ունիցիմք հանապազ առ 'ի
յիշատակ՝ թէ չարչարեցաւ վասն մեր Քրիստոս մեծամեծ
երախտեօք. երախտիք այս են, այլ այնպիսի կերպարանօք՝
զի և խաչիւ՝ կատարեաց զխաչ և զմահ: Կարի իմն մեծ և
անչափ սիրոյ նշանակ է և սերտ զթոյ մարդասիրութեան
նորա առ մեզ: Վասն այսորիկ և Պաւղոս զոյն զայս վեր 'ի
վայր յեղյեղում, եթէ Սէր նորա սփռեալ է. և Յովհաննէս,
եթէ Անպէս սիրեաց Աստուած զաշխարհ, մինչև զՈրդին

Իւր միածին ետ. զի զմին միայն զոր ունէր՝ ետ մեզ. իսկ նորա եկեալ՝ խաչին մահու գործէ զփրկութիւն մեզ. զոր կամաւ և ոչ 'ի հտրկէ կատարեալ զխորհուրդ ոտորս խաչին. զոր կանգնեալ 'ի մէջ տիեզերաց, աստուածագործ և հրաշափառ լուսով մարտակուեալ, և զէն յաղթութեան ընդ-գէմ թշնամւոյն առեալ հաւատացելոց, 'ի պարծանս յուսոյ յաւուրն մեծի. զի նմա վայելեն փառք յաւիտեանս յաւիտենից, ամէն:

ԲՆԱԲԱՆՔ Ս. ԳՐՈՑ

Ի ՎԿԱՅՈՒԹԻՒՆ ԱԾԵԱԼՔ

Ի ՄԱՏԵՆԻՍ

ԾՆՈՒՆԴՔ

ԳԼ. ՀՄԲ.		ԷՁ
Ա. 27	Արար Աստուած զմարդն	365
Բ. 17	Յորում առուր ուտիցես	253, 380
	23 Այս այժմ ոսկր յոսկերաց	271, 272
Գ. 17	Ցաւովք և տրամուշեամբ	380
	19 Ի քերան երեսաց	380
Դ. 9	Ուր է Աբէլ	446
	13 Մեծ է փեսան իմ	290
	14 Հանես զիս յերեսաց	213
	15 Ամենայն որ սպանանիցէ	234
	19 Հող էիր և 'ի հող	271
Ձ. 3	Մի միասցէ ոգի	254
	4 Նոբա եւ սկայք	21
	12 Ապականեաց ամենայն մարմին	447
ԺԲ. 1	Եւ յերկրէ քումմէ	157
ԺԵ. 13	Չարչարեսցեն զնոսա ամս	336
	16 Չև ևս եւ կատարեալ մեղք նոցա	446
ԺԸ. 17	Միթէ Թագունստ ինչ	157
	20 Եւ ազազակ չարութեան	99
	20 Աղազակ Սողոմոնեցուց	447
	23 Միթէ կորուսանիցեն	144
	28 Բայց ես հող եմ	203
ԻԲ. 11	Աբրահամ. Աբրահամ	245
ԻԵ. 23	Երէցն կրտսերոյն ծառայեսցէ	235
ԻԹ. 9	Կորիւն առիւծու	185
	11 Կապեսցէ զորթոյն զաւանակն	4
	11 Էլուսացէ 'ի գինի զպատմութեան	464

Ե Լ Ք

Գ.	7	Տեսանելով տեսի	188, 379, 447
	8	Երկիր որ բղե	47
Դ.	10	Նրբաշայն եմ	68, 69
	11	Ո՛վ արար զեռուն	316
Է.	16	Արձակեալ զԺողովուրդ	315
Թ.	16	Վասն այսորիկ գրգռեցի	446
ԺԳ.	1	Օրհնացուք զՏէր զի փառք	45
ԺԷ.	14	Գրեալ ըստ առ յեղատակ	237
ԺԹ.	5	Եղիցի ինչ ժողովուրդ	296
Ի.	4	Մի առնիցեք ձեզ ինչ նմանութիւն	262
	12	Եւ եղիցի երկայնակեաց	234
	13	Մի սպանանիցես	443
	25	Երկաթ ինչ մի հուպ առնիցես	443
ԻԳ.	7	Զարգարն և զանապարան	443
	22	Թշնամի եղէց Թշնամեաց քոց	315
	26	Աւուրք ամաց նոցա լըցին	234
	26	Ոչ լինիցի քեզ անտէր միայր	357
ԼԲ.	1	Մովսէսն այն որ եհան	469
	7	Ե՛րթ, էջ աստի	246
	7	Ժողովուրդ քո	246
	10	Թոյլ տուր	157, 246
	12	Արիցեն, գողցեն եթէ վասն այնորիկ հաներ	311
	21	Զքարար քեզ ժողովուրդն	31
	31	Թէ Թողուս զչոցա զմեզ	244
ԼԳ.	15	Թէ ոչ երթիցես ընդ մեզ	467
	19	Ողորմեցայց որում ողորմեցայց	201, 332
	20	Ոչ ոք տեսցէ զերեսս իմ	61

Թ Ի Ի Ք

ԺԲ.	6	Ոչ ընդ ումեք խոսեցայ	157
-----	---	--------------------------------	-----

Բ. ՕՐԷՆՔ

Դ.	40	} Եւ եղիցի երկայնակեաց	234
Ե.	16		
Զ.	4	Տէր Աստուած քո	316
	8	Յամենայն սրտէ քումմէ	33
Ժ.	12	Զքնչ խնդրէ 'ի քէն Տէր	141
ԻԷ.	8	Երկաթ ինչ մի հուպ առնիցես	443

ԻԹ.	29	Ծածուկէն Տեառն Աստուծոյ	133
ԼԱ.	19	Գրեա զայդ առ յիշատակ	237
ԼԲ.	1	Հայեցարուք երկինք	359
	6	Զայն Տեառն հասուցանէք	45
	15	Գիրացաւ, յուրացաւ, ստուարացաւ	418

Յ Ե Ս Ո Ւ

Ա.	2	Մովսէս ծառայ իմ	348
Ը.	31	Երկաթ ինչ մը հուպ տանիցես	443
Ժ.	12	Կայցէ արեգակնդ	238

Դ Ա Տ Ա Ւ Ո Ր Ք

ԺԳ.	18	Զք խնդրես զանուն իմ	112
-----	----	-------------------------------	-----

Ա. Թ Ա Գ Ա Ւ Ո Ր Ք

Գ.	1	Բան Տեառն պատուական	22
Զ.	6	Ոչ առ է Աստուածն	175
ԺԶ.	7	Մարդ ընդ երեսո	133

Բ. Թ Ա Գ Ա Ւ Ո Ր Ք

ԺԲ.	13	Մեզայ Տեառն	413
ԺԵ.	25	Դարձո զտապանակդ	104
	26	Ահաւասիկ արասցէ	104
ԻԴ.	17	Ես հովիւս մեզայ	244, 289

Գ. Թ Ա Գ Ա Ւ Ո Ր Ք

ԺԷ.	1	Զլինիցի անձրև	296
ԻԲ.	17	Տեսանէի զԽորայէլ	461

Դ. Թ Ա Գ Ա Ւ Ո Ր Ք

Ե.	10	Երթայցէ լուայցէ	241
ԺԸ.	20	Միթէ 'ի խորհուրդս կամ 'ի բանս	103
	22	Ոչ ապաքէն այն Աստուած	122
	25	Աստուած ասաց ցմեզ	122
ԻԲ.	20	Ա՛ռ Աստուած զՅովսէփ	234

Ա. ՄՆԱՅՈՐԴՔ

ԺԶ.	27	Օրհնեալ են փառք Տեառն	297
ԻԱ.	17	Ես հովիւս մեղայ	244, 289

Բ. ՄՆԱՅՈՐԴՔ

Զ.	30	Դու փայն ճանաչես.	85
ԺԸ.	16	Տեառնէի զիտրայէլ.	461
ԼԲ.	26	Զէջաւ Եղեկիս 'ի հպարտութենէ	232
ԼԴ.	28	Ա՛ռ Աստուած զթաւսիս	234

ՍԱՂՄՈՍՔ

Դ.	8	Զոր ինչ ասիցէք	369
Է.	10	Միայն որ քննէ	84, 259
Է.	2	Տէր, Տէր մեր	112
Ը.	4	Տեսից յերկինս	268
	6	Խոնարհ արարեր	254
Թ.	8	Նստար յաթոռ	63
	28	Ի ներքոյ լէզուի	121
ԺԵ.	10	Ոչ թողաւ շունչ	402
	10	Մարմին նորա ոչ ետես	405
ԺԶ.	9	Ի հովանի թևոց քոց	65
ԺԷ.	48	Ժողովուրդ զոր ոչ գիտէի	4
ԺԸ.	8	Ընդ ամենայն երկիր.	299
	9	Պատուիրանք Տեառն լոյս են	10
ԻԱ.	7	Ես որդն եմ	203
ԼԱ.	8	Ասացի՛ պատմցից զմեզս իմ	369
	8	Զանօրէնութիւնս իմ, Տէր, ցուցից	370
ԼԲ.	4	Ողորմութեամբ Տեառն	273
	6	Բանիւ Տեառն երկինք	135
	16	Ոչ ապրեցի թագաւոր	13
ԼԳ.	6	Մտեք առ նա	277
ԼԴ.	13	Ես 'ի նեղէլ նոցա	223
ԼԵ.	7	Դառապանք նորա իբրեւ զեորս.	374, 483
ԼԶ.	8	Անօրէնութիւնք իմ.	454
	14	Եղէ ես իբրեւ	300
ԼԸ.	6	Ամենայն մարդ սնոսի	283
	7	Զուր խռովի	322
ԽԱ.	2	Որպէս փափայէ	425
ԽԲ.	19	Խոտորեցուցեր զաւելզս մեր	470

ԽԴ.	4	Ա՛ծ զսուր քո ընդ մէջ քո	464
	17	Կացուցես զնոսա	194
ԽԸ.	7	Վայ այնոցիկ ար յուսացեալ իցեն	13
	17	Մի երկնչիւր յորժամ	255
ԽԹ.	13	Մի՛թէ ուտիցեմ զմիս ցլուց	306
Մ.	3	Ողորմեա՛ ինձ Աստուած	372
	3	Եւ ըստ բազում գթութեան քում	372
	9	Յանկացես յիս զոպայիւ	304
	9	Լուսացես զիս և քան զձիւն	304
	19	Զսիրտ բեկեալ և զխոնարհ	454
ՄԴ.	10	Տեսի՛ զանօրէնութիւն 'ի քաղաքի	247
	11	Անօրէնութիւն և զսատակք	247
ՄԷ.	4	Օտար եղեն մեղաւորք	337
ՄԹ.	4	Բժշկեա՛ զհարուածս ոտրա	454
ԿԵ.	2	Յարեցէ Աստուած	18, 209
	14	Թեք ազաւնոյ	410
ԿԸ.	14	Ժամանակ հաճութեան Աստուած	349
ՀԱ.	19	Լցաւ երկիր փառք	273
ՀԲ.	9	Սակաւիկ միւս ևս	317
	4	Ոչ գոյ հասաատութիւն	340
	11	Ասացի եթէ զիսդ	317
	26	Կուսաղեաց սիրտ իմ	425
ՀԶ.	8	Մի՛թէ յաւիտեանս մերժեսցէ	280
ՀԷ.	25	Զհաց երկնից	382
	70	Ընարեաց զԴաւիթ	359, 483
ԶԱ.	3	Դատ գիք, իրաւունս	364
	8	Արի՛ Աստուած և գառեա	16
ԶԳ.	3	Յանկայ և փափաքէ	425
ԶԵ.	8	Զիք ոք նման	483
ԶԸ.	7	Զիք ոք որ նմանէ	483
	48	Մի՛թէ 'ի զո՛ւր ինչ	325
	50	Ո՛ւր են ողորմութիւնք	469
Ղ.	7	Անկցին ընդ կողմանէ	230
ՂԴ.	4	Ի ձեռին նորա են	147, 259, 266, 485
	8	Այսօր եթէ ձայնի	204
Ճ.	1	Ողորմութիւն և իրաւունս	332
ՃԱ.	27	Իբրև զվերարկու	266
ՃԲ.	12	Որպէս 'ի բացէ են	373
	13	Որպէս գթայ հայր	319, 373
	20	Սրհնեցէք զնա հրեշտակք	297
	20	Հղօրք են զօրութեամբ	298
ՃԳ.	3	Որ շքի՛ն 'ի վերայ	65
	4	Որ առնէ զհրեշտակս	64

ՃԳ.	29	Հանեա զոգի 'ի նոցանէն	257, 485
	32	Ո հայի յերկիր	16, 147
ՃԵ.	2	Ո՞ զգորութիւնս	483
	37	Ձենուին զսաստերս	139
ՃԶ.	16	Դրունս պնձիս	463
	24	Նոքա տեսին զգործս Տեառն	299
	27	Ամենայն իմաստութիւն նոցա	174
ՃԹ.	2	Տիրեցես 'ի մէջ Թշառաց	352
ՃԺԲ.	3	Յարեւելոյ մինչ	486
ՃԺԳ.	11	Ձամենայն ինչ զոր կամեցաւ	268, 374
ՃԺԵ.	1	Հաւատացի՛ զասն որոյ	82
ՃԺԸ.	64	Ո զգորմութեամբ Տեառն	273
	108	Ճրագ են բանք	10
	134	Փրկեալ զիս 'ի նախառաջ	371
ՃԻ.	2	Օգնութիւն ինձ 'ի Տեառնէ	293
ՃԻԴ.	2	Երուսաղէմ՝ լերինք շուրջ են	46
ՃԻԹ.	3	Ձի եթէ զանօրէնութիւնս	246
ՃԼԴ.	6	Ձամենայն ինչ զոր կամեցաւ	268, 374
ՃԼԶ.	1	Ի դեռս Բաբելոնաց	189
ՃԼԵ.	8	Ձգործս ձեռաց քոց	308
ՃԽԵ.	4	Յայնմ աւուր կորեցեն	255
ՃԽԶ.	4	Ո Թուէ զբազմութիւն	259, 273
	10	Ոչ ընդ զգորմութիւնս	13
ՃԽԷ.	20	Ոչ այսպէս արար	381

Ա Ռ Ա Կ Ք

Բ.	6	Տէր տայ զիմաստութիւն	364
Գ.	3	Ո զգորմութիւն և հաւատք 'ի քէն	440
	27	Մի՛ գանգաղեցիս առնել զբարի	440
Դ.	18	Ճանապարհք արգարոց իբրեւ զլոյս	362
	19	Ճանապարհք ամպարչտաց խաւարինք	362
Ե.	6	Ձհաստատեսցին ոտք նորա	199
	8	Հեռի արա 'ի նմանէ	207
	19	Եղն սիրոյ և յաւանակ	51
Թ.	18	Բազում ժամանակս կացցես	233
Ժ.	26	Որպէս ազօխ ատամնոց	200
ԺԱ.	23	Յանկութիւն արգարոյ	425
	28	Այր ցասկոս ախեզծ	200, 378
ԺԳ.	19	Յանկութիւնք արգարոց	425
ԺԴ.	7	Ձէն հանձարոյ չըթոււք	199, 368
	38	Բարկութիւն կորուսանէ	378
ԺԵ.	21	Սիրտ անզգամի ցաւք են	200

ԺԸ.	17	Արգարն յառաջին իսկ պատասխանոջն	.	.	.	307
Ի.	9	Ո՛չ պարծեացի եթէ սուրբ	.	.	.	368
ԻԱ.	1	Իբրև զհոսանս ջրոց	.	.	.	154
	31	Երիվար պատրաստի 'ի պատերազմ	.	.	.	192
ԻԴ.	5	Լաւ է իմաստուն	.	.	.	368
ԻԴ.	17	Թէ անկանիցի թշնամի	.	.	.	225
ԻԶ.	12	Տեոի զմարգն յանձն	.	.	.	57
ԻԷ.	6	Լաւ է գան բարեկամաց	.	.	.	104
	6	Լաւ են հարուածք բարեկամաց	.	.	.	104

Ժ Ո Ղ Ո Վ Ո Ղ

Ա.	13	Ետ չար դոստանք	.	.	.	322
Դ.	2	Երանի իցէ մեռելաց	.	.	.	412
Է.	18	Մի լինի բիսա	.	.	.	233
	20	Իմաստութիւն օգնեացէ	.	.	.	199
	20	Լաւ է իմաստուն	.	.	.	368
	21	Զիք արգար որ առնիցէ	.	.	.	369, 404
	30	Աստուած զմարգն	.	.	.	380
Ը.	4	Ո՛չ ասիցէ ցնա	.	.	.	288
Ժ.	7	Տեսի զծառայս	.	.	.	267

Ի Մ Ա Ս Տ Ո Ւ Թ Ի Ի Ն

Ա.	13	Ոչ զուարճանայ Տէր	.	.	.	414
	16	Իւրօք իսկ ձեռօք	.	.	.	236
Դ.	11	Յափշտակեցաւ յառաջագոյն	.	.	.	234
Ե.	19	Զգեցցի զգրահա	.	.	.	135
Թ.	2	Արարեալ զամենայն ինչ	.	.	.	268
ԺԲ.	12	Ո՛չ ասիցէ ցնա	.	.	.	288

Ս Ի Ր Ա Ք

Գ.	33	Զհուր բորբոքեալ շիջուցանէ	.	.	.	441
Դ.	25	Է ամսթ որ օծէ	.	.	.	425
Ժ.	2	Ըստ իշխանի քաղաքին	.	.	.	416
ԺԱ.	5	Բռնաւորք նստան 'ի գեանի	.	.	.	267
ԺԳ.	19	Ամենայն անասուն զիւր նմանին	.	.	.	438
ԺԴ.	1	Զիք դք որ ոչ գայթակղեացի	.	.	.	404
ԺԸ.	26	Յառաւօտէ մինչև յերեկոյ	.	.	.	267
	26	Ամենայն ինչ երազագոյն	.	.	.	267
ԺԹ.	17	Զիք դք որ ոչ գայթակղեացի	.	.	.	404
	27	Հանդերձ մարդոյ	.	.	.	36

ԺԹ.	28	Է յանգիմանու (Ժիւն որ չէ բարւոք	425
Ի.	8	Է որ յաճախէ 'ի բանս	425

Յ Ո Վ Ր

Ա.	3	Եւ գործք ձեռաց նորա	442
	8	Հայեցա՛ր մտք	155, 290
	8	Այր փ արգար	156
	12	Ահաւասիկ տաց քեզ	199
	22	Տէր եւս է Տէր	105, 156, 199
	22	Եղիցի անուն Տեառն	156
Բ.	3	Հայեցա՛ր մտք	155, 290
	6	Ահաւասիկ տաց քեզ	199
	10	Ասա՛ բան ինչ	199
	10	Եթէ զբարիսն	156
Է.	20	Ընդէր եգիբր զիս	156
Թ.	12	Ո՛վ ասիցէ ցնա	288
Ժ.	9	Մի ուսուցանե՛ր զիս	156
ԺԱ.	10	Ո՛վ ասիցէ ցնա	288
ԺԴ.	15	Ձգործս ձեռաց քոց	308
ԻԱ.	11	Փողովք և Թմբկօք	340
ԻԹ.	2	Ո՛ր ապր ինչ	41
	6	Ուսուցանէ՛ին կաթամբ	442
	15	Ողբ եղէ կաղաց	439

Ե Ս Ա Յ Ի

Ա.	2	Լուր երկին և ունին գիր	359
	2	Որգիս ծնայ և բարձրացուցի	44, 46
	5	Ամենայն գլուխ 'ի ցաւս	93
	15	Ձեռք ձեր լի են	413
	17	Դատ արարէք որբոյն	306, 364
	18	Եթէ իցեն մեղք ձեր	204
Բ.	3	Ի Սիոնի՛ն էլցեն	286
	3	Ասիցեն՝ եկայք էլցուք	416
	9	Խոնարհեցաւ մարդ	15
Ե.	12	Փողովք և Թմբկօք	340
	22	Վայ ձեզ հզօրք	13
Զ.	3	Սուրբ, սուրբ, սուրբ	297
Է.	14	Ահաւասիկ կոյս	346
Ը.	7	Ածից զԹագաւորն Բաբելոնաց	152
	9	Ընդ մեզ Ասաուած	111
	18	Ահաւասիկ ես և մանկունք	79

Թ.	6	Որոյ իշխանութիւն 'ի վերայ	133
Ժ.	5	Վայ ասորեստանեայցն	314
	6	Իմում Ժողովրդեանն կարգեցից	314
	14	Ըմբռնեցից զտիեզերս	151
ԺԱ.	9	Լցցի երկիր ճանաչելովն զՏէր	485
ԺԳ.	12	Նշիցի որ մնացեալ	411
ԺԴ.	2	Նշեցին գերեալն գերեվարք	150
ԻԶ.	10	Բարձցի ամպարիշտն զի մի տեսցէ	213
ԻԸ.	24	Մի եթէ զօրն ամենայն	318
ԼԲ.	20	Նրանի որ սերմանիցեն	95
ԼԴ.	4	Գալարեսցին երկինք	266
ԼԵ.	4	Դատաստանս հատուցանէ	217
ԼԶ.	5	Միթէ 'ի խորհուրդս	103
ԼԷ.	4	Թերևս ըստիցէ	371
	35	Վասն իմ և վասն Դաւթի	232
ԼԸ.	3	Յիշեալ ժրպէս գնացի	224
	9	Այս են աղօթք Նշեկիայ	241
	12	Ոչի իմ առ յինէն	241
Խ.	12	Ո՛չափեաց զերկինս	264
	15	Ամենայն հեթանոսք	374
	16	Լիբանան չէ բաւական	306
ԽԱ.	4	Ես նոյն եմ	467
ԽԲ.	19	Ո՛չ իցէ կոյրն	454
ԽԳ.	25	Ես նոյն եմ	467
	26	Ասա դու նախ զանօրէնութիւնս	369, 446
ԽԴ.	22	Սպանի զմեզս և ջնջեցի	373
ԽԵ.	2	Դրունս պղնձիս և զնիգս	463
	7	Ես եմ Աստուած	175
	18	Արար զերկինս 'ի բնակութիւն	275
ԽԶ.	6	Ծանրացուցեր 'ի վերայ նոցա	152
ԽԸ.	4	Ես ինձէն գիտեմ	97
ԽԹ.	15	Զի լիւպէտ և մոռանայցէ	319, 373
	18	Զամենեսեան զնոսա զգեցջիր	464
Մ.	1	Ո՛ւր է դրաւական	386
	4	Յաւել ինձ ունկն	364
	8	Ո՛չ իցէ որ ոստին իցէ	364
	11	Ի լոյս գնաջիք	363
ՄԱ.	12	Զինչ էիրն և զիարդ երկեար	383
	12	Ես նոյն եմ	467
ՄԲ.	5	Վասն ձեր անուն իմ	66
ՄԳ.	2	Ոչ գոյր նորա	396
	3	Յոյնչ համարեցաք	398
	3	Նուաղ է տեսիլ նորա	464

ԾԳ.	6	Ամենեքին իբրև ոչխարք	404
	6	Այր իւրաքանչիւր 'ի ճանապարհի	404
	8	Բարձեալ են յերկրէ	405
	9	Զմեզս ոչ արար	89
ԾԴ.	13	Եղիցին ամենեքեան ուսակց	364
	15	Եւ եկք առ քեզ մասնիցեն	5
ԾԵ.	8	Ոչ են ճանապարհք իմ	417
ԾԶ.	3	Պահեցաք մէք	275
ԾԷ.	2	Մեզք ձեր որոշեցին	446
	8	Բեկուսն եւ թշուառութիւն	484
	17	Զգեցցի զգրահս	133
Կ.	8	Ո՛վ են որքա	461
ԿԱ.	1	Քարոզել գերեաց	463
ԿԲ.	5	Որպէս ուրախ լինիցի	467
ԿԳ.	7	Հափուցանէ մեզ ըստ ողորմութեան	466
	9	Ոչ հրեշտակ որ	346

Ո Վ Ս Է Է

Ա.	10	Եւ էր թիւ որդւոցն	128
Դ.	7	Ըստ բազմութեան իւրեանց	128
Թ.	10	Իբրև զխաղող յանապատի	46
ԺԱ.	1	Յեգիպտոսէ կոչեցից	178
	4	Նայեցայց առ նա	16
ԺԲ.	10	Ես տեսիլս յառախեցի	62
ԺԳ.	8	Պատահեցից նոցա իբրև զարջ	182

Ա Մ Ո Վ Ս

Գ.	6	Իցէն չարիք 'ի քաղաքի	175
Դ.	1	Որ ասեցեն ցտեարս իւրեանց	197
Ե.	18	Վայ ոյք ցանկայցեն աւուր	56
Զ.	6	Ոչք ըմպէին պարզեալ գինի	54
Է.	7	Տեսի զՏէր զի կայր	461
	14	Ես ոչ էի մարգարէ	359

Մ Ի Ք Ի Է

Ա.	16	Խզեաց եւ գերծիր 'ի վերայ փափուկ	38
Գ.	8	Ես լցայ զօրութեամբ	165, 359
Դ.	2	Ի Սիոնէ ելցեն օրէնք	286
	2	Ասիցեն, եկալք ելցուք	416
Զ.	3	Ժողովուրդք իմ, զի արարի	290

Յ Ո Վ Է Լ

Բ.	11	Հղօր են գործք	462
----	----	-------------------------	-----

Յ Ո Վ Ն Ա Ն

Գ.	9	Թերևս զջնացի	224
	10	Եւ ետես Աստուած	128
Դ.	10	Դու խնայեցեր	290
	11	Ես ոչ խնայեցեմ	128

Ա Մ Բ Ա Կ Ո Ւ Մ

Ա.	3	Ընդէր ցուցեր ինձ	247
Բ.	14	Լցցի երկիր ճանաչելովն զՏէր	485

Ս Ո Փ Ո Ն Ի Ա

Բ.	11	Եւ երկիր պաղցեն	486
----	----	---------------------------	-----

Ջ Ա Ք Ա Ր Ի Ա

Ա.	12	Զիւրդ իցե զի այս իւթանասուն տմ	317
Թ.	7	Եղիցի Յերուսային իբրեւ զհաղարապետն	212
ԺԱ.	15	Յարուցից հովիւ տգէտ	314

Մ Ա Ղ Ա Ք Ի Ա

Ա.	2	ԶՅակովբ օրեցի	235
Բ.	17	Որ զէծեցուցանէիք զԱստուած	27

Ե Ր Ե Մ Ի Ա

Ա.	6	Մանուկ եմ	68, 69
	13	Տեսանէի տան մի	461
Բ.	5	Զինչ գտին յիս	290
	19	Խրատեսցե զքեզ աստամբուծիւն	203
Ե.	14	Եղեն պատգամք Տեսուն	165
Է.	16	Մի կար յաղօթս	202
	17	Ոչ տեսանես զինչ դղբայդ	202
ԺԲ.	1	Հանապարհ ամբարշտաց	340
	11	Վասն իմ ասպականելով	363
ԺԳ.	11	Հանգերձ ձեր եմ	464

ԺԷ.	5	Անիծեալ լիցի մարդն	244
Ի.	9	Եղև յսկերս իմ	360
	18	Ընդէր ցուցեր ինձ	247
ԻԲ.	24	Եթէ լինիցի Յզբոնիայ	355
ԻԵ.	9	Ծառայ իմ Նաբուգոդոնոսոր	314
ԻԶ.	3	Թերևս լուիցէ	225
ԻԷ.	6	Ծառայ իմ Նաբուգոդոնոսոր	314
ԼԱ.	8	Որդիս ծնանիցին կաղբ	212
	32	Հաստասեցից ընդ ձեզ	5
	33	Յաւուր յորում կալայ	6
	34	Մի ևս ուսուցանիցեն	4, 485
ԼԲ.	18	Աւնէ զողորմութիւն 'ի հազար	374
ԼԵ.	7	Մի 'ի տունս բնակիցէք	116

Բ Ա Ր Ո Ւ Ք

Գ.	3	Դու նստիս յաւիտեան	63
----	---	------------------------------	----

Դ Ա Ն Ի Է Լ

Բ.	21	Որ փոփոխէն զժամս	267
Գ.	33	Եւ ոչ քոյ մեզ	68, 203
	100	Աբբայուցիւն նորա	298
Դ.	24	Թերևս լուիցէ	225
	31	Աբբայուցիւն նորա	298
Է.	9	Ածողք արկան	63
	10	Դպրութիւնք բացան	134
Թ.	17	Յորժամ տեսանիցէք	14
ԺԳ.	53	Զարդարն և զանպարտն	443

Ե Զ Ե Կ Ի Է Լ

Գ.	17	Դէտ ետու զքեզ	69
ԺԷ.	3	Ածողին մեծ լայնութեն	50
ԻԸ.	9	Դու ասէիր Աստուած եմ	151

Մ Ա Տ Թ Է Ո Ս

Ա.	18	Գոտաւ յդի	400
Բ.	15	Յեգիպտոսէ կուէցից	178
Գ.	3, 16	Եթէ որդի էցես	398
	7	Մոռնաք իժից	247
Դ.	1	Վարեցաւ հոգւոյն	452

Դ.	10	Երթ յետս	217
	11	Եկին հրեշտակք	298
Ե.	3	Երանի իցէ աղքատաց	453
	8	Երանի իցէ որ սուրբ	457
	11	Երանի իցէ ձեզ, յորժամ	371
	12	Վասն իմ ուրախ լերուք	372
	21	Մի սպանանիցես	443
Զ.	9	Հայր մեր որ յերկինս	298
Է.	7	Խնդրեալ	202
	9	Ո՛չ իցէ 'ի ձեռք	319
	11	Դուք չարք գիտէք պարգևս	373
	12	Զոր ինչ կամիջիք	429
	14	Քանի նեղ է անձուկ	427, 428
	24	Ամենայն որ լսէ	196
	25	Էջ անձրև	199
Ը.	3	Կամիմ, բժշկեաց	241
	4	Երթ առ քահանայն	352
	11	Բազումք յարեւելից	75
	29	Թո՛ղ, զի՛ կայ	217
Թ.	2	Որդեակ, Թողեալ լինին քեզ	84
	13	Ոչ եկի կտել	351
	33	Ոչ ոք երևեցաւ	391
Ժ.	9	Մի ստանայք ձեզ	322
	15	Դիւրապոյն լինիցի	39
	27	Զոր ինչ ասեմ	325
	34	Ոչ եկի արկանել	172
ԺԱ.	29	Եկայք առ իս	352, 453
	30	Լուծ իմ քաղցր	249, 428
ԺԲ.	28	Հողւոյն հանեմ զդէս	452
	29	Ոչ ոք կարէ առնուլ զաւար	217, 463
ԺԳ.	16	Զերոց երանի է աչաց	300, 393
	17	Բազում մարգարէք	426
	55	Ո՛չ սա է որդին	390
ԺԴ.	1	Լուաւ Հերովդէս	412
ԺԵ.	13	Ամենայն տունի	26
	24	Ոչ ուրեք առաքեցայ	398
ԺԶ.	21	Պարտ է որդւոյ մարդոյ	183
ԺԷ.	6	Դա է որդի իմ	391, 452
ԺԸ.	10	Մի արհամարհիցէք զմի	298
ԺԹ.	26	Զէք բան ինչ անկար	374
Ի.	23	Ոչ է իմ տալ	134
	28	Ոչ եկի զի պաշտեցայց	406
ԻԲ.	37	Յամենայն սրտէ քուսմէ	33

ԻԲ.	40	Սիրեպեա զընկեր քո	33, 429
ԻԳ.	3	Զամենայն զոր ինչ	352
	37	Բազում անգամ կամեցայ	202
	37	Երուսաղէմ, Երուսաղէմ	397
ԻԴ.	13	Որ համբերիցէ իսպառ	187
	15	Յորժամ տեսանիցէք	14
	29	Զօրութիւնք երկնից	147
ԻԵ.	24	Գիտէի եթէ այր մի	290
	32	Իբրեւ հովիւ	258
	41	Երթալք յինէն	190
ԻԶ.	21	Մի ոմն 'ի ձէնջ	258, 397
	24	Լաւ էր նմա	412
ԻԷ.	46	Աստուած, Աստուած իմ	350
	54	Արգարեւ Աստուծոյ որդի	391
	63	Լուսք զի ասէր	407
ԻԸ.	19	Երթալք աշակերտեցէք	4
	20	Ընդ ձեզ եմ	303

Մ Ա Ր Կ Ո Ս

Ա.	41	Կամիմ, բռնիւնց	241
	44	Երթ առ քահանայն	352
Բ.	5	Գաղաղերեանց, որդեանկ	353
	6	Որդեանկ, թողեալ լիցին	84
	17	Ոչ եկի կոչել	351
Գ.	27	Ոչ ոք կարէ առնուլ զտւար	217, 463
Դ.	2	Ահաւասիկ եւ որ սերմանէր	287
	8	Որ ունի ականջս	300
Ե.	19	Փառաւորէ զԱստուած	352
Զ.	3	Ո՛չ ոս է որդին	390
Ը.	31	Պարտ է որդւոյ մարդոյ	183
Թ.	6	Դա է որդի իմ	391, 452
Ժ.	45	Ոչ եկի զի պաշտեցայց	406
ԺԲ.	29	Տէր Աստուած քո	316
	31	Սիրեպեա զընկեր քո	33, 429
ԺԳ.	13	Որ համբերիցէ իսպառ	187
	25	Զօրութիւնք երկնից շարժեացին	147
ԺԴ.	18	Մի ոմն 'ի ձէնջ	258, 397
	21	Լաւ էր նմա	412
ԺԵ.	34	Աստուած, Աստուած իմ	350

ՂՈՒԿԱՍ

Ա.	35	Հորդի Տեառն 'ի վերայ իմ	346, 400, 452
	37	Զիք բան ինչ անկար	374
Բ.	14	Փառք 'ի բարձունս	297
	34	Դա կայ 'ի գլորումն	464
Գ.	7	Մնունդք իժից	247
Դ.	2	Վարեցաւ Հոգւոյն	452
	3,9	Եթէ որդի իցես	398
	19	Բարողէւ գերեաց	463
Ե.	13	Կամբար, բժշկեաց	241
	14	Երթ առ քահանայն	352
Զ.	21	Երանի իցէ աղքատաց	453
	22	Երանի իցէ ձեզ, յորժամ	371
	23	Վասն իմ ուրախ լերուք	372
Ը.	3	Այլ կանայք կերակրէին	146
	5	Ահաւաստի եւ որ սերմանէր	287
	39	Փառաւորէ զԱստուած	352
Թ.	22	Պարտ է որդւոյ մարդոյ	183
	35	Դա է որդի իմ	391, 452
	58	Որդի մարդոյ ոչ ունի տեղի	146
Ժ.	16	Որ ձեզ լսէ	362
	18	Տեսանէի զսասանայ	150, 218
	19	Կոխեցէք զօձս	218
	22	Ոչ ոք գիտէ զՀայր	260
	23	Զերոց երանի է աչաց	300, 393
	24	Բազում մարգարէք	426
	27	Զընկերն իբրեւ զանձն	33, 429
ԺԱ.	2	Հայր մեր որ յերկինս	298
	13	Դուք չարք գիտէք պարգևս	373
ԺԳ.	4	Միժէ նոքա՝ եւթ	234
	34	Երուսաղէմ, Երուսաղէմ	397
ԺԵ.	7	Ուրախութիւն յերկինս լիցի	374
	31	Ամենայն ինչ որ իմ է	132
ԺԶ.	25	Դու ընկալար զբարութիւնս	143, 290
	26	Վերջ մեծ է	143, 245
ԺԸ.	12	Պահեմ երկիցս	437
	29	Անկաւ առ ոտսն	200
ԺԹ.	21	Գիտէի եթէ այր փ	290
ԻԱ.	26	Զօրութիւնք երկնից շարժեացին	147
ԻԲ.	15	Յանկանալով ցանկացայ	389
	27	Ո՛վ մեծ իցէ	406

ԻԴ.	36	Խաղաղութիւն լիցի	388
	39	Ջննեցէք և տեսէք	405

Յ Ո Վ Հ Ա Ն Ն Է Ս

Ա.	1	Իսկզբանէ էր Բանն	86
	3	Ամենայն ինչ նովաւ	485
	14	Տեսաք զգիտում նորա	216
	18	ԶԱստուած ոչ ոք ետես	61
	19	Դու ո՞վ ես	85
	29	Ահաւաստիկ գառն	89
	33	Ես ոչ գիտէի	452
	33	Յորոյ վերայ տեսանիցես	451
	34	Ես տեսի և վկայեմ	452
Գ.	16	Այնպէս սիրեաց Աստուած	374, 486
	20	Ամենայն որ զլարին	325
Դ.	23	Եւ Հայր զայնպիսի	297
	34	Իմ կերակուր այն է	465
Ե.	14	Ահաւաստիկ որջացար	20, 114, 295, 454
Զ.	31	Զհայ երկնից	382
	45	Եղիցին ամենեքեան ուսեալք	364
	46	Ոչ ոք ետես զՀայր	61
	57	Որ յիս բնակէ	465
Է.	7	Ոչ կարէ աշխարհ	424
	12	Մոլորեցուցանէ զժողովուրդն	391
	37	Եթէ ոք ծարաւի	219
	38	Գեաղ յորովայնէ նորա	305
Ը.	18	Ես եմ որ վկայեմ	304
	18	Հայր իմ վկայէ	304
	28	Յորժամ բարձրացուցանիցէք	390
	46	Ո՞վ 'ի ձէնը յանդիմանեսցէ	89
	58	Յառաջ քան զԱրրահամու	330
Թ.	5	Ես լոյս եմ	325
	35	Դու հաւատաս	295
	36	Ո՞վ իցէ զի հաւատացից	295
	38	Ես եմ	295
	39	Ի գառատան եկի	393
Ժ.	11	Ես եմ հովիւ	157
	29	Ոչ ոք յափշտակեսցէ	355
	37	Հաւատացէք յիս և քննեցէք	483
	38	Եթէ յիս ոչ հաւատալք	483
ԺԱ.	39	Առէք զվէմք	241
	43	Արի եկ արտաքս	241, 353

ԺԲ.	31	Այժմ գաղափարներ	288
	32	Յորժամ բարձրացայց	390
	38	Բարեգր ասաց Վանն ձեր	71
	47	Ոչ եկի զի գաղափար	328, 351, 375
	47	Ես ոչ գաղափար	7
ԺԳ.	2	Ստանալի իսկ արկեալ էր	289
	19	Յորժամ լինիցի հաւատաստիք	338
	21	Մի ոմն 'ի ձէնջ	258, 397
ԺԴ.	1, 12	Հաւատացէք յիս և քննեցէք	483
	12	Ես 'ի Հայր և Հայր յիս	322, 323
	12	Եթէ յիս ոչ հաւատայք	483
	27	Ձխաղաղութիւն իմ	113
	30	Գայ իշխան աշխարհիս	89
ԺԵ.	5	Ես եմ արմատ	482
	13	Մեծ քան զայս ոչ ոք	390
ԺԶ.	15	Ամենայն ինչ զոր	482
	33	Քաջաւերեցարուք, ես յաղթեցի	463
ԺԷ.	1	Հասեալ է ժամ	397, 486
	4, 23	Ես սիրեցի զքեզ	133
	5	Հայր, փառաւոր արա	395
	6, 26	Ես ցուցից նմա	111
ԺԸ.	4, 7	Ձո՛ խնդրէք	135, 399
	20	Ես համարձակաբար	325
	23	Թէ չար ինչ խօսեցայ	33, 399
	36	Թագաւորութիւն ոչ է	298
ԺԹ.	30	Կատարեալ է ամենայն	451
Ի.	17	Մի մերձենար	464
ԻԱ.	7	Տէր է այն	464

Գ Ո Ր Ծ Ք Ա Ռ Ա Ք Ե Լ Ո Ց

Բ.	31	Ոչ թողաւ շունչ նորա	102
	31	Սարսիւն նորա ոչ ետես	405
Գ.	19	Հաւատացէք միայն	405
Դ.	32	Մի անձն և մի սիրա	250
Ե.	8	Այսչափ և եթ գնոց	446
	41	Ելին ուրախութեամբ	251
Ե.	6	Ահաւասիկ ծառայեցուցեն	296
	6	Զարչարեցեն զնոսա ամա	336
	51	Խոտասիրոք և խոտասպարանոցք	4
Ը.	17	Յորոյ զերայ գնէին	420
	24	Աղաչեցէք զՏէր	202
Ժ.	34	Ճշմարտութեամբ 'ի զերայ	272

Ժ.	38	Օժ զնա Աստուած	451
ԺԳ.	35	Մարգին նորա ոչ ետես	405
ԺԶ.	14	Երայ Աստուած զսիրան	364
ԻԸ.	25	Բարազբ տաջ զան ձեր	71

Յ Ա Կ Ո Վ Ր Ո Ս

Բ.	8	Սիրեսցես զքնկեր ք	33, 429
----	---	-----------------------------	---------

Ա. Պ Ե Տ Ի Ր Ո Ս

Բ.	22	Որ ոչ արար մեզս	289
----	----	---------------------------	-----

Թ Ո Ի Ղ Թ Ա Ռ Հ Ռ ՈՒ Վ Մ Ա Յ Ե Ց Ի Ս

Ա.	19	Մանգթքն Աստուծոյ յայտնի է	272
	20	Զի աներեւոյթք նորա	218, 272
	21	Ունայնացան 'ի խորհուրդս	295
	22	Զանձինս առ իմաստունս	57
	26	Մասնեայ զնոսա Աստուած	24
Բ.	14	Յորժամ հեթանոսք	272, 415, 420
	16	Յաւուր յորում գտաի Աստուած	7
	19	Յուսացեալ էս յանձն	10
	24	Վասն ձեր անուն իմ	66
	25	Թշխատութիւն օգնէ	420
Գ.	16	Բեկումն և թշուառութիւն	454
	23	Ամենքեան մեղան	328
Դ.	17	Միայն որ կոչէ զքոյս	268
Ե.	5	Յոյս ոչ ամաչեցուցանէ	187
	5	Սէր նորա սիրեալ է	486
	11	Ոչ միայն այսչափ, այլ և պարծիմք	467
Զ.	9	Քրիստոս յարուցեալ է	89
	21	Զմեզ պտուղ ունէիք	186
Է.	24	Այր մի տառապեալ	249
Ը.	1	Ոչ դատապարտութիւն ինչ է	249
	9	Դուք չէք 'ի մարմնի	254
	9	Եթէ որ զչորսի Քրիստոսի	451
	16	Հոգին վկայէ հոգւոյս	452
	19	Ինքն արարածք յուսով յայտնութեան	311
	22	Հեծեն և երկնեն	311
	32	Վասն մեր ամենեցուն	374, 375
	33	Աստուած է որ արդարացուցանէ	204
	34	Բարեխօս լինի վասն մեր	465

Ը.	36	Վասն քո մեռանիմք	159
	38	Ոչ մահ և ոչ կեանք	196
Թ.	13	Երէջն կրսերոյն	235
	13	Զնաչովք սիրեցի	235
	15	Ողորմեցայց որում ողորմեցայց	201, 332
	17	Վասն այսորիկ գրգռեցի	446
Ժ.	3	Զիւրեանց արդարութիւնն խնդրեն	295
	17	Եւ լուր 'ի պատգամաց	218
	20	Եսայի համարձակի	70
ԺԱ.	20	Մի հպարտանար	463
	21	Զի թէ 'ի բռն ոստն	423
	33	Ո՛վ խորք մեծութեան	483
ԺԴ.	9	Եթէ կեամք և եթէ	406

Ա. Թ ՈՒՂԹ ԱՌ Կ ՈՐՆ Թ Ա Յ Ի Յ

Բ.	9	Զոր ահն ոչ ետես	82, 373
	10	Այլ մեղ յայտնեաց Աստուած	261
	10	Հոգին զամենայն քննէ	260
	11	Ոչ որ գիտէ զմարդոյն	258
	11	ԶԱստուծոյ ոչ որ	260
	16	Մէք զմիտս Գրիստոսի	261
Գ.	1	Ոչ կարացի ընդ ձեզ	72
	3	Ուր հեռ 'ի ձեզ	72
	6	Ես անկեցի	26
	11	Հիմն եդեալ է	482
	12	Եթէ որ շինէ	254
	18	Մի լինիք իմաստունք յանձինս	57
Դ.	4	Ոչ ինչ գիտեմ	368
Զ.	9	Մի խաբիք, ոչ պոռնիկք	342
	15	Ես գլուխ եմ	465
	19	Զէք անձանց, գնոց	406
Ը.	6	Մի է Տէր	295
Թ.	26	Ես այժմ այնպէս	429
	27	Ճշեմ զմարմինս	427
	27	Երկնիմ գուցէ որ այլոց	428
Ժ.	12	Որ կայն՝ զԳլուխ լինիցի	428
ԺԱ.	3	Ես գլուխ եմ	465
	7	Այր ոչ պիտի ծածկեւ	296
	28	Փորձեսցէ իւրաքանչիւր	369
	30	Վասն այնորիկ են 'ի ձեզ	20, 234
	31	Եթէ զանձինս դատէպք	369
ԺԲ.	27	Մարմին էք 'ի մարմնոյ	465, 467

ԺԳ.	3	Եթէ ջամբիցեմ	438
ԺԵ.	6	Ի վեր քան զհինգհարիւր	74
	31	Յոր երգնում 'ի պարծանս ձեր	159

Բ. Թ Ո Ի Ղ Թ Ա Ռ Կ Ո Ր Ն Թ Ա Յ Ի Ս

Ա.	3	Հայր գթութեանց և Աստուած	374
	4	Որ մեթարէն զմեզ	294, 381
Բ.	16	Առ այս ո՛վ իցէ	294
Դ.	8	Յամենայնի նեղիմք	361
	12	Մահ 'ի մեզ զօրանայ	361
	13	Ունիմք զնոյն հոգի	82
	15	Յառաւելութիւն փառաց Տեառն մերոյ	303
	17	Ձի որ առժամայն լծելու	249, 428
Ե.	14	Ձի լծէ մին 'ի վերայ ամենեցուն	406
	15	Որ կենդանիքն իցեն, մի անձանց	406
	16	Ձի լծէպէտ և գիտեաք	257
	20	Աղաչեմք Վասն Քրիստոսի	144, 375
Ջ.	2	Ահաւասիկ ժամանակ ընդունելի	350
	4	Համբերութեամբ բազմաւ	187
Թ.	7	Ջառուրս զուարթառատ	441
	15	Շնորհքն Աստուծոյ 'ի վերայ անպատում	373
Ժ.	6	Յորժամ կատարեցի և ձեր	124
ԺԱ.	30	Եւ եթէ պարծել	428
ԺԲ.	7	Ըստ առաւելութեան յայտնութեանցն	428
	7	Տուաւ ինձ խայթ	428
	20	Երկնքիմ գուցէ գայցեմ	446

Թ Ո Ի Ղ Թ Ա Ռ Գ Ա Ղ Ա Տ Ա Յ Ի Ս

Բ.	20	Որ այժմն կեամ	375
Գ.	1	Որոց գրեթէ առաջի	392
	27	Որ միանգամ 'ի Քրիստոս	458
Դ.	4	Եկն և եղև 'ի կնոջէ	131
	10	Ջառուրս խորէք	7
Ե.	2	Ձի եթէ լծկառիք	7
	17	Հոգի հակառակ կայ	198
Ջ.	14	Ինձ քաւ լիցի պարծել	486
Ե.	15	Եթէ զմիմեանս խածառիցէք	120

Թ Ո Ւ Ղ Թ Ա Ռ Ե Փ Ե Ս Ա Ց Ի Ս

Ա.	16	Ինձ քաւ լիցի գադարեւ	244
Բ.	7	Աւաւ ելութիւն մեծութեան	372
Ե.	30	Մարմին էք 'ի մարմնոյ	465, 467
Զ.	3	Եւ եղիցի երկայնակեաց	234
	18	Անդադար յաղօթս կացէք	220

Թ Ո Ւ Ղ Թ Ա Ռ Փ Ի Լ Ի Պ Պ Ե Ց Ի Ս

Ա.	20	Եթէ կենօք, եթէ մահու	361
	23	Զննչ ընտրեցից ոչ գիտեմ	426
	24	Եւ այլ վասն ձերոյ օգտի	234
Բ.	9	Վասն որոյ և Աստուած	401
	14	Զամենայն ինչ արարէք	440
Դ.	4	Ուրախ լերուք հանապաղ	.	.	220,	381,	457
	7	Խաղաղութիւնն Աստուծոյ	373

Թ Ո Ւ Ղ Թ Ա Ռ Կ Ո Ղ Ո Ս Ա Ց Ի Ս

Ա.	3, 9	Ինձ քաւ լիցի գադարեւ	244
	16	Ամենայն ինչ նովաւ	285, 484
Բ.	13	Սպանի զմեղս և ջնջիցի	373
	19	Ես գլուխ եմ	465
Գ.	3	Կեանք մեր ծածկեալ	400
	9	Մերկացեալք զհին	249

Ա. Թ Ո Ւ Ղ Թ Ա Ռ Թ Ե Ս Ա Ղ Ո Ն Ի Կ Ե Ց Ի Ս

Դ.	4	Ճանաչել իւրաքանչիւր	11
	12	Վասն ննջեցելոցն	11

Բ. Թ Ո Ւ Ղ Թ Ա Ռ Թ Ե Ս Ա Ղ Ո Ն Ի Կ Ե Ց Ի Ս

Ա.	11	Ինձ քաւ լիցի գադարեւ	244
	12	Յառաւելութիւն փառաց Տեառն մերոյ	303
Բ.	8	Խափանեացէ զնա յայտնութեամբ	135
	13	Ի փրկութիւն փառաց	209, 303

Թ Ո Ւ Ղ Թ Ա Ռ Ե Բ Բ Ա Յ Ե Ց Ե Ս

Ա.	1	Բազում մասամբ	217
	7	Որ առնէ զհրեշտակս	64
	12	Իբրեւ զվերարկու	266
Բ.	7	Խոնարհ արարեր զնա փոքր մի	254
Դ.	7	Այսօր եթէ ձայնի նորա	204
	12	Կենդանի է բանն Աստուծոյ	134
Ջ.	17	Ջի ունիցին ուժգին մոխրարուծիւն	328
Ժ.	27	Ահագին իմն է գառաստանացն	342
	32	Յիշեցէք զաւուրսն զառաջինս	250
ԺԱ.	38	Ջորս և շխարհ իսկ ոչ արժէ	129
ԺԲ.	14	Ջխաղաղութեան զհեա երթայք	342

Ա. Թ Ո Ւ Ղ Թ Ա Ռ Տ Ի Մ Ո Թ Է Ո Ս

Ա.	9.	Ի վերայ արգարոյ օրէնք	137
	12, 16	Շնորհ ունիմ Գրիստոսի	327
	20	Մտնեցի զնա սատանայի	175
Բ.	8	Յամենայն տեղիս ամբառնալ	178
	15	Կացցեն 'ի հաւատս	194
Գ.	5	Եթէ ոք տան իւրում	438
	6	Մի մատաղատունկ	26
Դ.	12	Մի ոք զքո մանկութիւնդ	26

Յ Ա Յ Տ Ն Ո Ւ Թ Ի Ի Ն

Դ.	8	Սուրբ, սուրբ, սուրբ	297
ԺԴ.	13	Երանի իցէ մեռելոց	412

ՑՈՒՑԱԿ ԿԱՐԵՒՈՐ ԻՐԱՑ ՄԱՏԵՆԻՍ

Ագահութիւն 430: — Յաղագս ագահից և յափշտակողաց 51-53:

Աղնուականութիւն տոհմի թափուր յառաքինութեանց՝ աղար-
աելի է 356:

Աղութք 202-203: — Ոչ հայի Տէր յանարժանաւորութիւն աղութո-
ղին, այլ զաղութան էութ խնդրէ 202: — Պարա է աղութել ևս և
յորժամ չիցեմք վստահ ողորմութիւն գտանել 224-225: — Ընդ-
ունի զմեզ Աստուած՝ ևս և յորժամ առ վշտի միայն գիմիցեմք
առ նա 205: — Ոչ յաղթաւ արժանաւորաց միայն պարտ է ա-
պաստան լինել, այլ և մեղէն պարտիմք գուն գործել 225-227:
— Յաղագս օգաթի աղութից 228: — Վատթարագոյն քան զմե-
ռեալս են որք ոչ օրհնեն զԱստուած 240:

Ամբարաւանութիւն 115, 125:

Անկուսն Ագամայ 151:

Անկուսն Արուսեկին 150:

Անձնիշխանութիւն մարդոյ 340: — Յաղատ կամս իւրաքանչիւր ու-
րուք ապաստան է չար կամ բարի լինել 208: — Ոչ բռնադատեն
կամք Աստուծոյ զանձնիշխանութիւն մարդոյ 313: — Ոչ զղբ բռն-
նադատէ Աստուած յուզղութիւն 105:

Անմոռութիւն է ընդ անցաւորսս բեւեռեալ՝ շինուածս բազմաժա-
մանակեայս շինել 113-116:

Անմոռութիւն մեծ է յեղբորուն անուանի լինել 421:

Անյիշատարութիւն 306:

Անօգուտ են ոյժ և զօրութիւն տիոց յորժամ յուզղութիւնս ոչ
վարիցին 118:

Ապաշխարութիւն մեղաց կարեւոր առ 'ի փրկութիւն 187: — Նշանք
ճշմարիտ ապաշխարութեան 331: — Հարկ 'ի վերայ կոյ ապա-
շաւել զմեղս առ 'ի թողութիւն գտանելոյ 187:

Ապաշովագոյն է բնակել յանապատս ուղղութեամբք, քան 'ի պարիսպս անօրէնութեամբք 199, 247-248:

Առաքինութիւն ոչ ըստ բնութեան միայն է, այլ և կամաց կարօտի 429: — Ամենայն առաքինութիւնք գիւրիւնք եղեն 'ի գաղթտեանն Քրիստոսի 230: — Դիւրութիւն և քաղցրութիւն ճանապարհի առաքինութեան 249:

Աստուծոյ անքնին է էութիւն 463: — Բարերար է Աստուած և 'ի տանջէն և 'ի պսակել 466-467: — Ամենայն բնութիւնք չեն բաւական ըստ արժանի պատուել զԱստուած 262: — Անկարօտ է Աստուած փառաւորելոյ 'ի մարդկանէ 269-270: — Ոչ է կարօտ Աստուած փառաբանութեանց արարածոց 297: — Յազապ տեսանելի և անտեսանելի գոյոյ Աստուծոյ 61-62, 65: — Սեպհական է Աստուծոյ անսկիզբն լինել և մշտնջենաւոր 279:

Արարչագործութիւն Աստուծոյ 266-268: — Գործէ երբեմն Աստուած հակառակ օրինաց բնութեան, զի մի ինքնակաց կարծիքին արարածք 238: — Յարարածոց մարմ է զԱրարիչն 'ի փո առնուլ 271-272: — Ամենայն ուրեք արարածք զԱրարիչն քարոչեն 382:

Արեւելութիւն 430: — Յազապ արեւոյդաց 83-84:

Արդարութիւն և մարգասիրութիւն Աստուծոյ 332: — Արդարութիւն և գթութիւն Աստուծոյ 372-373: — Փրկէ Աստուած զյանցաւորս առանց գործելոյ ընդգէմ արդարութեան 327-328:

Բաբելոնցիք դան առ Նշեկիա իմանալ զպատճառս այլալիւք ընթացից արեգական 243:

Բաղմաստուածութիւն 273-274, 324:

Բաղում անգամ զբուն ժամանակ պատժոց յամեցուցանէ Աստուած՝ առ 'ի զգաստութիւն չարաց 91:

Բաղում անգամ ոչ փրկելոցն արժանաւորութիւն, այլ քնասեկարացն չարութիւն զարթուցանէ զԱստուած յօգնականութիւն 225:

Բանն Աստուծոյ՝ բան անձնական է և մարդ կատարեալ 247:

Բարեխօս ունել պարտ է զսուրբն առ Աստուած, այլ առուել 'ի մեր ազօթս պարտ է ապաստան լինել 202:

Գարշութիւնք կրօնից կռապաշտից և անհաւատից 292:

Գեհէն 210: — Յազապ տանջանաց հանդերձեալ աշխարհին 215:

— Ոչ միշտ անգէն վաղվազակի ընդ մեղաց փոխարէն հտառուցանէ Աստուած, այլ և 'ի հանդերձեալ աշխարհին 217: — Մշտնջենաւորութիւն պատժոց գեհէնին 357, 434: — Ստուգութիւն պատժոց գեհէնին 383: — Դատապարտեալք 'ի դժոխս զգայցեն և փափաքիցեն կորուսեալ բարեացն 192-193:

Նկեղեցի Քրիստոսի հալածեալ միշտ աճի և բազմանայ 1-3:

Նրախաիք քրիստոսական կրօնից առ ազգս մարդկան 139, 291:

Նրախաիք Քրիստոսի առ ազգս մարդկան 87, 218-219, 287, 331-332, 388, 484-486:

Ձանազանութիւն ընդ կարծող և ընդ մարգարէ 23:

Ձառաղինն առ Հրեայս ծագեալ լլսնն շմարիտ՝ հալածի 'ի նոցանէ և գնայ 'ի հեթանոսս 109-110:

Ձարմանալի է ոչ միայն ստեղծուլ զիմն, այլ և հաստատուն և անարատ պահել զստեղծեալն 265:

Ձըրկանս և զնեղութիւնս աղքատաց յիւր գէմն ընդունի Քրիստոս 33:

Ձինչ իցէ իմանալ յորժամ փառաւորել և բարձրանալ արիցեմք զՏեառնէ 16:

Ձոր ինչ Աստուած հրամայիցէ չեն ծանականք, թէպէտ և յաչս մարդկան այնպէս թուիցին 182:

Ձպատուհաս՝ բաժակ սովոր են կոչել Ս. Գիրք 383:

Էմմանուէլն անուն ըստ դիպաց եզաւ Քրիստոսի 87:

Ընդգէմ հերետիկոսաց, որք աստիճանաւորութիւն իմն գնեն յերիս անձինս Ս. Նրորորութեան 132:

Ընդգէմ հերետիկոսաց, որք գործի իմն լոկ համարին զՔրիստոս 126:

Ընդգէմ հապտանաց և զարգասիրիկ լկտութեան կանանց 35-40:

Ընդգէմ որոց զգործս և զխորհուրդս Աստուծոյ քննել և դատել ժպրհին 69: — Զէ օրէն պատճառս խնդրել զգործոց Աստուծոյ 252, 317-319: — Զէ օրէն զանհասականն քննել 485:

Ընդգէմ որոց զտնանկս կեղեքեն 34:

Ընդգէմ փիլիսոփայիցն Յունաց, որք զնիւթն մշանջեաւոր զնեն 294:

Ընդէր զպատուհասն օրհնութիւնս կոչիցեն Ս. Գիրք 45:

Ընդէր ոչ աստէն յայտնի առնէ Տէր զփոխարէնս շննութեանց 207-208:

Ընդէր ոչ աստէն պատժէ Աստուած զայնպիսիս որք 'ի չարիս ծերանայցեն 193:

Ընդէր ոչ աստակէ Աստուած զամենայն չարս, և զոմանս սատակիցէ 206:

Ի բարկութեան Տեառն պարտ է ապաստան լինել յԱստուած որ բարկանայն 104:

Ի հրամանացն Աստուծոյ փոփոխին իշխանութիւնք 154:

Ի ձեռին Աստուծոյ է յաղթութիւն, և ոչ 'ի բազմութեան կամ 'ի օակաութեան 166:

Իսկապէս փառք է մեռանել վասն շմարտութեան 158-159:

Լաւ է մահ քան զկեանս լի չարեօք 411-413:

Խնամք Աստուծոյ 'ի վերայ արարածոց իւրոց 311, 320-321:

Խոնարհութիւն պատճառ ամենայն բարեաց 453:

Խոստովանութիւն մեղաց ո՛րչափ օգտակար իցէ 68, 307-308:

Կազմուած ևս մարդոյ խրատէ զնա առ Աստուած հայել և մի յերկրաւորս բնեւել 270:

Կանխագիտութիւն Աստուծոյ 27-29:

Կանխագիտութիւն գիւաց 284-285:

Կուսական ծնունդ Ս. Կուսին 83-86:

Կուսութիւն Ս. Կուսին 394:

Կրկնակի ընթանութիւն կամ սէր Աստուծոյ ընդ մարդկան 209:

Համբերութիւն 187: — Յաղագս օգտի համբերութեան և յուսոյ 187:

Հանգամանք կայսերութեան Յունաց առ Ոսկեբերանիւ 9:

Հանգերձեալ գառաստան 128: — Յաղագս գառաստանին Աստու-

ծոյ 134: — Անբժշկական է օր գառաստանին 142-144: — Ի հան-

գերձեալ աշխարհին ոչ ոք կարէ բարեխօս լինել վասն այլում 143:

— Յաղագս աւուր հանգերձեալ գառաստանին 145, 213, 289-290:

— Յաղագս օգտից հանգերձեալ գառաստանին 291:

Հաշտութիւն ընդ Աստուծոյ՝ խնդրելի յառաջ քան զամենայն 154, 384:

Հաւատաց կարեւորութիւն 185:

Հին օրէնք եղծեալ են յեա Քրիստոսի 177-178:

Հիւանդութիւնք հոգւոց պատճառք են յոլով ուրեք հիւանդու-
թեանց մարմնոյ 377-378:

Հոգին Սուրբ ևս Աստուած է և առաքել 339: — Բնութենակից
է Հոգին ընդ Որդւոյ 431: — Ընկալաւ Քրիստոս զՀոգին Սուրբ

յօրինակ միայն և ոչ առ կարօտութեան 286: — Յաղագս վայոյու-
թեան և իշանելոյ Հոգւոյն Սրբոյ 'ի վերայ Քրիստոսի 432:

Հրաշք կամ նշանն զինչ իցէ 85: — Ընդգէտ իմաստնօց Յունաց,
ուրացողաց զչմարտութիւնս հրաշից Ս. Գրոց 173: — Յաղագս
նշանաց զոր եղոյց Քրիստոս 'ի Ժամու մահուանն ընդգէտ Հրէից
402-403:

Հպարտութիւն 126, 224, 392, 453:

Ղուկիանոս մարտիրոս 'ի զուր հերետիկոս բամբասի 112: — Զատա-
դովութիւն վասն թարգմանութեան Ղուկիանոս մարտիրոսի, և
զՊաղեստինացւոց թարգմանութեանցն բանք 114:

Մահ արգարոց 160: — Այլ և այլ պատճառք տարածամ և 'ի Ժա-
մու մահուան 233-237: — Է մահ որ յԱստուծոյ հրամանացն, և
է զոր թէ և Աստուած ոչ կամի, այլ թոյլ տայ 236:

Մահ Քրիստոսի ըստ մարմնոյն եղև և ոչ ըստ աստուածութեանն
402:

Մարգարեական բանք բազում իմաստս պարունակեն 178: — Ի
մարգարեութիւնս բազում ինչ վասն յորդորելոյ յուզողութիւնս
իբր առաւելութեամբ է ասացեալ 188: — Ընդէն ծածուկս ճա-
ռէին մարգարէք 86: — Ոչ միշտ կապակցութեամբ իմաստից
խօսին մարգարէք 380: — Ոչ վայրապար ինչ նշանակեցան 'ի
Ս. Գրիս Ժամանակք մարգարեութեանցն կատարելոյ 180:

Մարգարեութեան շնորհք ոչ արանց միայն, այլ և կանանց առեալ
լինին 98: — Վասն էր տայր Աստուած գիտել Հրէից զհանդեր-
ձեալս 'ի ձեռն մարգարէից 74-75: — Յաղագս սուտ մարգա-
րէից 56, 96:

Մարգեղութիւն Քրիստոսի 400-404: — Յաղագս մարգեղութեան
Բանին ընդգէմ Վաղենտինոսաց, Մարկինիտաց և այլոց հե-
րեակոսաց 88, 131:

Մարմնաւոր հիւանդութիւնք բազում անգամ վտան մեղաց գան 'ի
վերայ 20-21: — Ի մեղաց արամութիւնք և ցաւք մեծան յաշ-
խարհ 114, 380: — Ի մեղաց ապականեցաւ բնութիւն մարդկան
253:

Մարտ և կռիւ բազում անգամ պատճառք խաղաղութեան են 198:

Մեծութիւն միանգամայն և ընդունայնութիւն մարդոյ 233-234:

Մեղաւորք 'ի գիւր և 'ի հեշտ կեանս՝ առաւել լալոյ և արտասուաց
արժանի են 343:

Մեղք անբժշկականք և տուանց ներելոյ թողութեան 108: — Մար-
գարութիւն Աստուծոյ առ 'ի թողուլ զմեզս բազումս 204-205:
— Ներէ Աստուած որոց ոչ առաւել քան զլաւն մեղանչիցեն
446-447: — Կուրութիւն մտաց մեղաւորին 'ի ժամու գործելոյ
զլարիս 186: — Որք 'ի մեզս յորդորեն՝ առաւելագոյն պատժոց
պարտաւորք գտանին քան զորս գործենն 117:

Մեղք յուսահատութեան մեղաւորին 204:

Միաբանութիւն և խաղաղութիւն ամենայն հասակի մարդկան 'ի
գալստեանն Քրիստոսի յաշխարհ 136:

Միւսանգամ գալուստ Քրիստոսի 147:

Մկրտութեան խորհուրդ 277, 458:

Յաղագս այլ և այլ կերպարանաց որովք երևէր Աստուած մարդ-
կան 464:

Յաղագս անապատաւորացն Եգիպտոսի 173:

Յաղագս աստուածութեանն Քրիստոսի ընդգէմ Հրէից և Արիս-
նոսայ 111, 304: — Ճանաչել զծածուկս մտաց նշանակ մեծ է
աստուածութեանն Քրիստոսի 84:

Յաղագս բարկութեան Աստուծոյ 214:

Յաղագս գիտութեան երից անձանց Ս. Երրորդութեան 260:

Յաղագս դատաստանաց խղճի մտաց 368-370:

Յաղագս երգոց որք մեղկեն զոգիս 34:

Յաղագս թատերաց 343:

Յաղագս խորհրդոց չարաց և արգարոց 195-196:

Յաղագս խոտացուցանելոյ Տեառն զսիրան Փարաւոնի 314-315:

Յաղագս կազմութեան երկնակամարին 293:

Յաղագս կարգաց երկնից և երկրի 273: — Յաղագս կարգաց երկրի
274:

Յաղագս կերպարանաց երկնից 266:

Յաղագս կերպի պաշտելոյ զԱստուած երկնաւորաց 298:

Յաղագս ձեւոյ երկրի 264:

Յաղագս ճրիտաւոր ժրկութեան Քրիստոսի 178:

Յաղագս ուրախութեան վտան հոգեւոր և մարմնաւոր շնորհաց 436-437:

Յաղագս պաշտաման երկնային զօրութեանց 64-66:

Յաղագս պաշտաման ծառաց 452:

Յաղագս պաշտաման քահանայութեան 246:

Յաղագս օգտից սուրբ պահելոյ զաբաթս 'ի հին օրէնս 418-419:

Յանգգնութիւն Ողիս արքայի 60:

Յարութիւն մեռելոց 193, 236, 362, 411: — Զնոյն եղծեալ և զհո-
ղացեալ մարմինս յարուսցէ Տէր 'ի հանգերձեալ աշխարհին 231:

Յարութիւնն Քրիստոսի ցուցանի հաւաստեօք, ընդդէմ՝ հեթանո-
սաց 229: — Անսպական մարմնով յարեալ Քրիստոս 403:

Յիշատակք նախկին երանութեանց առաւել կսկծելի առնեն զե-
ղութիւնս 41:

Նախախնամութիւն Աստուծոյ 157:

Ողորմածութիւն 441-442: — Անտրտունջ առնել զողորմութիւն 440:

Ողորմութիւն Աստուծոյ կամեցողաց միայն է, թէպէտ և ամենե-
ցուն իցէ փրկութիւն 201: — Ոչ 'ի հարկէ ողորմի ուրուք Աս-
տուած 201: — Պարտ է խնդրել զողորմութիւն Աստուծոյ ևս

և անարժան գողով, զի հասարակաց է ողորմութիւն նորա 201: —
Ընդէր ոչ ողորմեցաւ Աստուած Փարաւոնի և Սոգոմայեցւոց և

որոց առ ջրհնդեղաւն 193: — Աստ միայն է գտանել զողորմու-
թիւն Աստուծոյ, և ոչ 'ի հանգերձելումն 330:

Ոչ բնութեան ևեթ է գործ ծնունդ մեր, այլ և Աստուծոյ 363:

Ոչ զգիւրութիւն մեր միայն, այլ և զայլոցն պարտիմք հոգալ 244:

Ոչ զոք պատժէ Աստուած զայրացեալ մտօք, այլ առ 'ի տծել յուզ-
ղութիւն 193:

Ոչ ինչս ստանալ խոտան իցէ, այլ բազում ճոխութեամբ և տւեղի
քան զպէտան ժողովել 15:

Ոչ 'ի տրոց չափիցի իմաստութիւն ուրուք, այլ 'ի հաստատութենէ
մտաց 24-25:

Ոչ միայն չէ օրէն տեսանել զչարիս, այլ և ոչ լեւել 210:

Ոչ միշտ նոյնօրինակ պատժէ Աստուած զորս նոյնօրինակ մեղանչի-
ցեն 38-40:

Ոչ որք լկիցին, այլ որ լկենն են ողորմելիք 121:

Ոչ որ փնասի, եթէ ոչ յանձնէ 200:

Որդին ևս ճանաչէ ընդ Հօր, զհանգերձեալն 112: — Զուգապատիւ
է Որդի ընդ Հօր 482-483: — Դեակից է Որդի ընդ Հօր 394:

Որպիսի անհնարին մոլութիւն է զմիմեանս խածատել քրիստոնէից,
որոց մի է մարմին հասարակաց 120:

Ուրախութիւն ամբարշտաց լի է գառնութեամբ 340-343:

Չարութիւն յինքեան ունի զպատուհաս իւր 30, 340-343:

Չէ ինչ ընդհատ մարդ 'ի գաղանաց եթէ 'ի չար վարս կեցցէ 423:

Չէ ինչ օգուտ զանուն որդւոյ կրել՝ յորժամ ուղղութիւնս ոչ ցու-
ցանիցեմք 194:

Չէ պարտ յայլասացիկ իմաստս ևեթ Ս. Գրոց զկայ առնուլ, այլ
յիմաստ բանին հայել 30:

Զիբ գիւրութիւն որոց չարչարին՝ ի բաղմութենէ չարչարակցացն 243:
 Զիբ ինչ օգուտ ՚ի բաղմութենէ, այլ յԱստուած պարտ է յուսալ
 128-129, 168:

Պահջ անօգուտ են՝ զուրկ ՚ի գործոց բարեաց 436-437:

Պաշտամունք կռոց 14-15: — Վատթարութիւն կռոց և գիւաց 18,
 108, 124, 231, 262-263, 269, 282, 326, 329: — Անգագյուութիւն և
 ստութիւն կռոց 310:

Պաշտամունք կռոց և գիւաց առ Հրեայս 283-284:

Պատուիրանք Տեառն աղբիւր խաղաղութեան և ամենայն բարութեանց 339:

Պարտ է կարի յոյժ հեռի կալ ՚ի կենցաղականաց 207:

Պարտք մեծատանց օգնելոյ կարօտելոց 438-439:

Սատանայի դատապարտութիւն 288-289: — Ոչ մարդկան միայն,
 այլ և սատանայի ևս դատաստան հատոյց Աստուած 217: — Կոր-
 ծանոմն Մագիանու առ Գեղէնի օրինակ խորտակման զօ-
 րութեան սատանայի 110:

Սէր առ Աստուած 437:

Սկզբնական մեղք 115:

Սկզբունք բարւոյ և չարի առ իմաստունս Յունաց և առ քրիստո-
 նեայս 175, 463:

Սուգ արգարոց վասն եկեալ հասեալ անդամանելի չարեաց 180-181:

Սուրբք յորժամ մեծարիցին՝ յայնժամ առաւել խոնարհութիւն
 ցուցանեն 67:

Վհուկն զինչ իցէ 106: — Յաղագս վհկին որ եհան Սաւուղայ զՍա-
 մուէլ 107: — Ընդդէմ վհկաց, դիւթից, հմայից և կախարդաց
 12, 103-107:

Տեսիլ առաքինեաց տանջէ զչարագործս 29:

Տէրն անուն իսկապէս Աստուծոյ միայն վայելէ 296:

Տնօրէնութիւնք Քրիստոսի 183:

Յանկութիւն բարեաց ըստ բնութեան է, և արտաքոյ քան զբնու-
 թիւն ցանկութիւն չարեաց 425-430:

Փառք մարդկան վաղանցուկ են 234-236:

Փառք սրբոց ՚ի վերայ երկրի 207: — Թոյլ տայ Աստուած սիրե-
 լեաց իւրոց նեղիլ, առ ՚ի փառաւորել զնոսա 133:

Քրիստոս օրինակ խոնարհութեան տնօրէնութեամբք իւրովք և
 վարդապետութեամբք 146:

Օրինաց կարևորութիւն և զի նոքօք զանազանիմք յանասնոց 367:

ՑԱՆԿ ԱՆՈՒԱՆՑ

Աբեթնագոյ 133.

Աբէլ 446.

Աբրահամ նահապետ 67, 75, 131, 134, 143, 144, 157, 203, 233, 245,
272, 279, 280, 330, 363, 366, 370, 389, 420, 470.

Ագարոս 336.

Ադամ 32, 151, 248, 270, 290, 366, 380, 400, 446, 466.

Ադամ, որ և Ադեմ 163.

Ադովտոս 179.

Աթենաս չաստուած 274.

Արակեդոնացիք, տես Լակեդեմոնացիք.

Արիդաս կամ Արիւդաս 106, 109, 113, 124, 129, 130, 132, 133, 135,
142, 148, 150, 153, 168, 169, 171, 176, 179, 193, 208, 243, 250, 255,
261, 264, 274, 276, 278, 299, 309-314, 320-324, 332, 335, 346, 348-
377, 383-394, 406-411, 433, 440, 448, 454.

Ահարոն 31.

Ամոնացիք 14, 139.

Ամովս մարգարէ 179, 461.

Ամովրացիք 167.

Ամուրհացիք, տես Ամովրացիք.

Այրերա չաստուած 273.

Անաթովթ 150.

Անանիա (այր Սափիրայ) 39, 383, 446.

Անգէ քաղաք 150.

Անիոք 314.

Ապոլոս 26.

Առան արքայ Ասորեստանայց 179.

Առնովն քաղաք 164.

Ասեդէկ քաղաք 176.

Ասորդան 231.

Ասորեստան 99, 182, 183, 190, 387.

Ասորեստանեայք 2, 92, 93, 100, 122, 124, 129, 140, 151, 153, 178,
190, 193, 194, 220, 225, 231, 237, 314, 386.

Ասորիք 93, 116.

Աստղիկ չաստուած 292.

Արաբացիք 124, 136, 163.

Արածանի գետ 93.

Արամ 76, 77, 80, 81.

Արիէլ 163.

Արունիմ 163.

Արփաթ 223.

Աւաթ 50.

Աքաղ 74, 76, 79, 82-83, 153, 238.

Բաբելացիք 77, 116, 123, 142, 149, 152-154, 187-190, 208, 243, 268,
313, 314, 336, 338, 349.

Բաբելոն 148, 153, 190, 211, 248, 258, 283, 305, 333, 340, 387, 388,
397, 454, 469.

Բաղադ 242.

Բաղտասար արքայ Ասորեստանեայց 152.

Բեդճեղքա 20.

Բեթղաճէմ 109, 464.

Բելքեքովր 46.

Բէլ չաստուած 329.

Բիշան, որ և Բասան 17.

Բոսոր 214, 461.

Բրետանացւոց կղզիք 9.

Գաբրիէլ 63.

Գալիլեա 109, 209.

Գալամացիք 163.

Գեբէր 130.

Գեդեոն 83.

Գեճեղի 23.

Գեղեղեմ 150.

Գեսեթ 164.

Գովք 212.

Գումորացիք 39, 148.

Դադոն չաստուած 329.

Դամասկոս 80, 81, 93, 99, 124, 166.

Դանիէլ մարգարէ 25, 63, 77, 153, 154, 180, 244, 389-391, 437,
461, 465.

Դաւիթ արքայ 25, 46, 63, 79, 82, 104, 113, 114, 164, 181, 186.

- 203, 223, 230-233, 255, 257, 274, 280, 285, 289, 299, 349, 359,
371, 372, 413, 415, 445, 469.
- Տուն Դաւթի 76, 77, 82, 83, 85, և այլն.
- Դեբովբա 43.
- Դեմետր չաստուած 273.
- Դեմոսթենէս 8.
- Դիննիոսոս չաստուած 274.
- Դէղաթ դեռ 9.
- Եգիպտացիք 2, 91, 93, 129, 140, 171, 173, 176, 178, 179, 182, 185,
186, 192, 221, 222, 235, 279, 302, 305, 311, 322, 323, 337, 370,
378, 447, 469.
- Եգիպտոս 6, 109, 130, 140, 150, 171, 177, 188, 191, 235, 306, 322,
336, 340, 356-359, 385-389, 469.
- Եդովմ 461, 463, 464.
- Եդովմայեցիք 213, 214, 464.
- Եզեկիա արքայ 15, 18, 101, 122, 125, 131, 133, 140, 157, 164, 190,
194, 195, 220-245, 371.
- Եզեկիէլ մարգարէ 50, 69, 221, 423, 435
- Եզր 249, 402.
- Եզրա, ահա Եզր.
- Եթէոպացիք 169, 182, 322, 323.
- Ելադացիք 284.
- Եղիա մարգարէ 199.
- Եղիակիմ Քեղեանց 221, 222.
- Եղիմ 163.
- Եղիմաս մոգ 217.
- Եղիշա մարգարէ 23, 134.
- Եմաթ 223.
- Եսայի մարգարէ 69, 71, 79, 82, 84, 97, 142, 179, 180, 182, 185, 224,
226, 228, 252, 253, 240, 244, 422.
- Եսաւ 255.
- Եսեբոն 162, 163.
- Երեմիա մարգարէ 5, 23, 68, 86, 165, 180, 202, 212, 360, 362, 465.
- Երուսաղէմ 6, 27, 42, 86, 101, 103, 109, 124, 125, 161, 165, 178, 181,
187, 189, 193, 211, 220, 245, 246, 257, 285, 286, 312, 322, 323, 375,
377, 378, 383, 386, 388, 397, 448, 439, 460, 470.
- Երուսաղէմացիք 161.
- Եւա 404.
- Եփրեմ և աղբ Եփրեմայ 76, 77, 80, 82, 90, 120, 140, 166.
- Զարդոն 109.
- Զաքարիա մարգարէ (Հայր Յովհ. Մկրտչի) 20.
- Զաքարիա մարգարէ (որդի Բարեքայ) 95, 97, 98, 212, 234, 461.
- Զորաբարէլ 133, 140, 197, 278, 305, 321, 389, 390, 402.

Թարան 179.

Թեմատոկղէս 284.

Թեւդա 404.

Թէոքրատիլ, որ և Թէոքրոտոն 106, 113, 132, 135, 136, 142, 149, 150, 153, 168, 173 176, 193, 261, 274, 276, 309, 313, 321, 323, 324 346, 349, 353-355, 363, 365, 367, 370, 371, 387, 394, 407-411, 437, 440.

Թովմաս առաքեալ 464.

Իգիմ 149.

Իլաիշ 150.

Իսահակ 75, 363, 420.

Իսրայէլ, Իսրայելացիք և տուն Իսրայելի 42, 49, 81, 91, 115, 117, 123, 140, 164, 235, 275, 285, 302, 330, 340, 347, և այլն.

Լակեդեմոնացիք 33.

Լիւանան 17, 50, 130, 197, 209, 216, 262, 276.

Լիբէացիք 9.

Խնացիք 167.

Մուրացիք 151.

Կային կամ Կայէն 20, 52, 213, 234, 272, 290, 332, 342, 446.

Կարմիզոս լեռան 197, 199, 209, 216.

Կարմիզով, տես Կարմիզոս լեռան.

Կեդար 299.

Կիւրոս արքայ Պարսից 142, 149, 278 313-315, 321, 338, 355, 357.

Կղոսպեանք 464.

Ս. Կղյսն (Աստուածամայր) 171.

Կորնթացիք 361.

Կորնթոս 377.

Հայկ աստղ, որ և Որինն 146.

Հերմէս չաստուած 291.

Հերովդէս (Հայր Արքեպիսկոպոս) 217, 235.

Հերովդէս (Անթիպաս) 217, 412.

Հնդկաց աշխարհ 169.

Հռոմա 130.

Հռոմասիմ, տես Հռասիմ.

Հռամել 76, 80, 99.

Հռասիմ արքայ Արամայ 76, 77, 80, 81, 99, 100.

Հեմմոն 163.

Հոռմել, տես Հռամել.

Հոռվմ 71.

Հրեայք 3, 5, 8, 22, 30, 38, 42, 57, 71, 74, 75, 85, 91, 95, 103, 111, 115, 122, 123, 166, 176, 179, 180, 183, 189, 202, 205, 210, 223, 242, 245-249, 282-288, 300-302, 309, 316, 323, 325, 328, 335, 355, 389, 393, 396-398, 402, 415, 420, 423, 453, 456, 460, 463-466, 485.

Հրէաստան 27, 50 74, 76, 80, 90, 95, 100, 101, 109, 190, 220, 227, 247, 287, 312.

- Ղազար (աղքատն) 134, 143, 244, 330.
 Ղազար (բարեկամ-Քրիստոսի) 20, 71, 241, 333, 397.
 Ղաբին 220.
 Ղեզերուն 162.
 Ղովա 163.
 Ղուկաս Աւետարանիչ 351.
 Ղուկիանոս մարտիրոս 112.
 Մագեդով 130.
 Մագովք 212.
 Մագրովն 150.
 Մագրովն 130.
 Մագրիամ 129, 469.
 Մակեդոնացիք 385.
 Մաղաբիա մարգարէ 4, 27.
 Մանասէ և ազգ Մանասէի 120.
 Մայրեկնաս չաստուած 274.
 Մատթէոս Աւետարանիչ 351.
 Մարիամ (Աստուածամայր) 390.
 Մարիամ (քոյր Մովսիսի) 44.
 Մարիամ (Մագդաղենացի) 464.
 Մարկիոնիսք 88.
 Մարոգաք Բաղդան 242.
 Մարք 142, 148, 149, 153, 385.
 Մաքմաս 130.
 Մեգերենա 130.
 Մեմփացիք 174.
 Մեսաք 153.
 Միքիա մարգարէ (որդի Յեմէլայ) 461.
 Միքիա, որ և Միքէ մարգարէ (Մորստացի) 163.
 Մովսէ կամ Մովսէացիք 13, 161-163.
 Մովսէս մարգարէ 31, 44, 68-70, 123, 157, 262, 177, 186, 246, 262, 272, 315, 337, 348, 352, 359, 379, 385, 404, 437, 467-469.
 Յակովբ, որ և Խորայէլ 5, 75, 235, 283, 309, 416, 420, 442, 464, 470.
 — Յակովբ կամ տուն Յակովբայ 103, 104, 115, 127, 149, 275, 280, 282, 302, 325, 448, և այլն.
 Յակովբոս առաքեալ 404, 464.
 Յասուբ 79.
 Յասոս 162.
 Յեզեր 165.
 Յեսու Յովսեփեկեանց 402, 469.
 Յեսու որդի Նաւաայ 238, 239.
 Յեսուէ 79, 131, 132, 136, 140.
 Յոնք 116, 117, 175, 294, 402, 424, 430, 463.

Թովմածամ Ողեանց 74, 76.

Թովսք Աստվեանց 221 222.

Թովբ 20, 38, 103, 155-157, 175, 259, 282, 396, 439, 442,

Թովէլ մարգարէ 462.

Թովջան Ոսկեբերան 183.

Թովջաննէս Մկրտիչ 83, 89, 180, 199, 304 412, 432.

Թովջաննէս Աւետարանիչ 71, 83, 216, 464, 486.

Թովնազաբ որդի Ռաբարայ 116.

Թովնան մարգարէ 69, 181, 257, 290.

Թովսէփ Նահապետ 23.

Թովսիա արքայ 23, 431.

Թորգանան 109, 216, 339.

Թորոքովամ արքայ 20, 33, 76.

Թուգա Նահապետ և աղջ Թուգայ 47, 49, 50, 116, 120, 140, 183, 191, 230, 336.

Թուգա (գալիլէացի) 404.

Թուգա (մատնիչ Քրիստոսի) 175, 217, 289, 313, 397, 421.

Նաբաւ Լեառն 162, 163.

Նաբեւոութ 430.

Նաբուգոդոնոսոր (առ Ռանիէլիւ) 152, 196, 298, 314, 423.

Նաթան 179.

Նեբերա 163.

Նեէման 241.

Ներոն 413.

Նեփիթադէմ 109.

Նեքովթայ առան 243.

Նինոէ 290.

Նինոէացիք 224, 333.

Ննովէ, տէս Նինոէ.

Նոյ 52, 255, 409, 447.

Շաւուղ, տէս Սաւուղ.

Շիլովձա, տէս Սիլովձա.

Շմաւոն քահանայապետ (Յերոնիմ) 464.

Ողիւ 20, 23, 60, 70.

Ոռիւ 177.

Ովսէէ մարգարէ 27, 192.

Ովիեր, տէս Սովիեր.

Ուրիա քահանայ 95, 97, 98.

Պաղեստին 8, 57, 93, 133.

Պարթէւ 142, 149.

Պարսիկք 93, 280, 284, 292, 309, 315, 325, 334, 385.

Պարսք, տէս Պարսիկք.

Պաւղոս առաքեալ 7, 20, 67, 70, 71, 74, 82, 89, 111, 124, 131, 135.

144, 159, 175, 187, 194, 196, 209, 216, 218, 234, 249, 250, 258,
273, 294, 327, 328, 342, 350, 351, 364, 368-372, 374, 375, 380, 381,
387, 388, 392, 404, 413, 421, 426-428, 438, 446, 458, 467, 482,
483, 486.

Պետրոս առաքեալ 272, 446, 464.

Պիղատոս Պոն փայի 287, 399,

Պոսիգոյն չա յուած 273.

Ռամիս, տես Հռամա.

Ռափսակ 122, 220, 221, 224, 225, 371.

Ռաքար 116.

Սաբաղիք 322.

Սահակ, տես Իսահակ.

Սամարիա 82, 95, 99, 113, 124, 127, 223.

Սամուէլ մարգարէ 107, 134.

Սառա 363, 366.

Սարգոնէ 179.

Սարոյն 309.

Սաւուղ 107, 130.

Սափարուհի 223.

Սափիրա 39, 217, 383, 446.

Սեբեմա 165.

Սեդովր 162, 163.

Սեդրաք 153.

Սելովամ 100.

Սելովչա, տես Սելովչա.

Սեմէ 371.

Սենեքերիմ 73, 220.

Սելովչա 2, 99.

Սիմաբոս 103, 106, 113, 120, 124, 129, 132, 133-137, 142, 148-150,
153, 168, 169, 173, 176, 179, 193, 208, 238, 243, 261, 263, 274, 276,
278, 293, 299, 309, 312, 313, 321, 323, 332, 348-359, 362-367, 370,
371, 383, 384, 387-390, 393, 394, 399, 402, 406-411, 417, 433, 436,
437, 440, 454, 455.

Սինա լեռն 6.

Սինիմ 354.

Սլոյն 6, 42, 103, 116, 124, 125-130, 141, 161, 164, 187, 192-193, 200,
211, 213, 220, 237, 284, 286, 333, 354, 366, 379, 386, 388, 448, 453,
459, 482.

Սողովմայեցիք 28, 38, 148, 193, 230, 272, 279, 383, 447.

Սողոմոն 23, 25, 283, 362.

Սողովմոն, տես Սողոմոն.

Սամրոյն 80.

Սովկրատ Սովկրոնիսկեանց 8.

Սովնաս 221, 222.

Սովքեր 147, 411.

Սովորոյա մարդարէ 486.

Սուհէն 303.

Սովոր, տես Սովքեր.

Ստեփանոս նախավկայ 332, 404.

Վաղենտինոս 85.

Տաշիք 392.

Տայան 174.

Տապէշ 80.

Տիմոթէոս 24, 26.

Փակէշ 76.

Փարաւոյն (Նիկ) 172, 193, 314, 315, 446.

Փենեհէս 385, 404.

Փլաւայիք 155.

Քաղանէ 123.

Քաղէկացիք 148, 333, 338, 340.

Քանանացիք 176, 446.

Քերմեզ, տես Կարմեզոս լեւոն:

ՎԻՊԱԿԻ ՏՊԱԳՐՈՒԹԵԱՆ

Էջ տող

ՎՐԵՊ

ՈՒՂԻՂ

- | | | |
|--------|---------------------------|--------------------------------|
| 8 35 | Սուլբրոնիսկեանց | Սուլբրոնիսկեանց |
| 36 6 | բամբասէ և, զայս | բամբասէ, և զայս |
| » 13 | յերգ արկեալ մրմնջէ. Զիւր | յերգ արկեալ մրմնջէ զիւր |
| | զոսոխ և զհանգերձան | զոսոխ. Եւ զհանգերձան |
| 105 3 | այլ այս է խնայելն 'ի նոսա | այլ Աստուծոյ է խնայելն 'ի նոսա |
| 136 10 | զոր չէ հնար 'ի գազանս հա- | զոր չէ հնար 'ի գազանս հա- |
| | նել, եթէ ոչ 'ի մարդիկ տե- | նել, եթէ ոչ 'ի մարդիկ. Տե- |
| | սանես զգալտեանն շահս: | սանես զգալտեանն շահս. |
| | Գայլք ընդ գառինսն | գայլք ընդ գառինսն |
| 243 34 | չռայլօրէն | չռայլօրէն |
| 332 14 | Ստեփաննոս | Ստեփաննոս |
| 366 23 | նոյնպէս | նոյնպէս |
| 373 29 | սահման ստէ | սահման ստէ |
| » 31 | զքեղ, սա է Տէր | զքեղ, սա է Տէր |
| 438 10 | Պաւղոս ասէր, եթէ Զամ | Պաւղոս ասէր. Եթէ ջամբի- |
| | բիցեմ | ցեմ |
| 465 5 | Իմ կերակուր և եթէ այն է, | Իմ կերակուր այն է, ասէ. |
| | ասէ, զի արարից զկամս Հօր | զի արարից զկամս Հօր իմոյ. |
| | իմոյ. և Բարեխօս | և եթէ Բարեխօս |





This book should be returned to
the Library on or before the last date
stamped below.

A fine is incurred by retaining it
beyond the specified time.

Please return promptly.

JUN 17 1977

5 MAY 30 1977
53759

ALL-STUDY
CHARGE

JUL 28 1982

JUN 1 1982

REC'D JUL 28 1982
73759

OL 45421.56.15

Widener Library

006831462



3 2044 091 700 922

